

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社



四庫全書存目叢書

集部
第七六冊

責任編輯：孫言誠 賀 偉

ISBN 7-5333-0615-5



9 787533 306151 >

EB5/11

四庫全書存目叢書·集部七六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 43.375印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價:127800圓

集部第七六冊目次

集部·別集類

玩鹿亭稿八卷附錄一卷

〔明〕萬表撰
浙江圖書館藏明萬曆萬邦孚刻本

..... 一

少石集十三卷

〔明〕陸鉞撰
原北平圖書館藏明萬曆刻本

..... 二〇三

張龍湖先生文集十五卷

〔明〕張治撰
中央民族大學圖書館藏清雍正四年彭思譽刻本

..... 三五二

張水南文集十一卷

〔明〕張袞撰
清華大學圖書館藏明隆慶刻本

..... 五三八

玩鹿亭稿八卷附錄一卷

〔明〕萬表撰

浙江圖書館藏明萬曆萬邦孚刻本

附《四庫全書總目·玩鹿亭稿

八卷附錄一卷》提要

玩鹿亭稿序

吾明枕山橫海而郡鉅麗清
洲勃發於人文重以

國朝列聖道化涵釀所獲尊賢
敬士之報于此邦人士者彬彬竹
素矣然考其世皆出於膠庠制

玩鹿亭稿

卷一

科持文墨議論以究經術之用
也者而求韜鈴起家顯武功爵者
未有聞至嘉靖中始有萬都督民
望云萬公用世胄登武科推擇從
事為裨為副積至大帥所論畫
張監於漕以爲多庶幾稱嘉靖

名臣焉乃迄于今崇高其人而不以
位不以職獨以鹿園先生稱之者
尤著則公所自號即遺稿系玩鹿
亭志此也萬公既逝數十年歐孫
邦孚今嗣為湖西參將能紹明祖
德而重刻其稿以垂琬琰之傳爰

鹿亭志序

卷一

寓書示余且索之序余三復而三
歎彌感于古今名實之際也夫萬
公勛勦戎馬而趣不離于丘樊迹
其謝病引身屢起屢仆豈不遺
榮若浼而憤時體國慷慨懇懇殆
畢其身不忘表元者然此其出處

有大過人者若其覃精二氏而稟
儒先澤于理篤于倫常依于忠厚
正直恢恢乎函三貫一之風焉而世
誦公之詩者則又曰名理類王右丞
冲曠類韋蘇州此在公特其小者
也蓋公之於用世出世兼有其實

鹿亭志序

卷二

若此而公則未嘗一標其名噫古之
道也令士大夫律身蒞官丰采著
述得公之一班寸簡吾不慊為之服
膺且下拜焉何者賢其實也而由
今之道奈何哉名愈附而糴實愈滿
而穢吾竊羞而嚙之故曰九原可作欣


顏執鞭則不佞以公動感歎焉嗟
乎平世文士弁髦武臣至今日已
甚矣萬公者獨能無文士之所不
能有而吾郡之於武臣中獨能
有萬公此尤足以鳴

國家得人之盛哉故樂為之序

孔氏序

首四

太子中允翰林講讀官全大叙書



萬鹿園公文集序

仲尼於春秋錄其所賢者指不多屈
齊則管仲晏嬰魯則臧文仲晉則
絳向鄭則子產此數公者當周末
造能新美舊學而和齊用之不局
於古不啻於今是能輔當時而傳

孔氏序

序

一

後世今其文具在方策間如象犧
雲壘古色鬱然不可揜也自學失
其本繁言無稱文與用離至於今
敝也極矣以彼優焉而叔教之衣
冠巧焉而貧女之璣翠非不燁々
可觀而於所謂開物成務之實分

何裨焉賈生陸敬輿不以文自命
乃所獻納於君者鑿々乎當實不
虛蘓洵氏稱為賈誼陸贄之學而
世未能知此也鹿園萬公奮跡武
科毅然以經世為志於三代治法
漢唐宋經制與

先施小傳

凡

本朝文獻相承所以垂世立國者
無不反覆詳覈之學之內外本末
脩矣公猶未已復與荆川唐公念
菴羅公輩晝驗夜索類聚曾參禘
吏牘詢世舊蒐斷簡采異同珠貫
而絲組之必適於用而後止今所

傳經濟錄是已公既實究治體故
其為文常原本

祖宗之意冀以斟酌時宜補苴罅
漏而直以還當代之舊操術精而
致用遠非徒以氣力負荷之華藻
潤色之已也藉令公盡抒其所蓄

先施小傳

凡

三

馳騁上下以振綱於當世與春秋
五人當未知其先後何論賈陸碩
公名位雖高事功雖盛所注厝者
猶為未盡其用坎余于公所以歎
其開物之易而逢辰之難成名之
厚而收功之薄也惜夫公所著作

甚富行於世者有淮上稿玩鹿亭
稿九沙草堂雜言道經贊言諸書
其孫邦孚類次而集之為若干卷
走使屬余序之余觀文之華與實
而重有感於公也于是乎言邦孚
學識有祖風其功名能盡其家鳴

玩鹿亭稿

序

四

呼公為有後矣

萬曆庚子夏五

賜進士第南京吏科給事中

東匯東祝世孫拜撰



玩鹿亭稿目錄

詩卷之一

壽春菴訪萬松法師

陪陸雙石太史游上天竺塗中值雨

宿牛首山

江南曲十二首

病中

病懷十首 有引

讀中庸

玩鹿亭稿目錄

一

讀大學

吳門偶成

九月四日同孔文谷童南衡周虛巖陳海

樵湖上山樓宴集

湖山別虛巖山人

山寺雜懷十九首 有引

將往匡廬復返善卷悟而有作

碧蘚精舍養疾忽陳叅政來游夜坐論情

因用壁間蔣進士韻直書鄙懷聊以為

荅二首

山中酬唐太史見訪

宿善卷寺碧蘚臺舊處

冬日游張公洞

山中除夜

游龍淵洞酬王陽真人

立春日登瑤光閣俯玉女潭作

重游芙蓉寺

寄酬孔學使諸公春宴韻

孔學使集

二

荅萬履菴祠部過訪山中次韻

新正十日自善卷還經吳興山中遇雨作

曉發吳興宿雨初霽

毘陵逢羅狀元

春日同王龍谿過嘉禾龍淵寺

武林出關留別諸友

曉發靜海值雪

丁未冬奉

詔還理新運滄洲雪霽馬上偶成

奉使還淮途中贈顧長治

次韻

客夜誦桂翁相公見贈之作奉懷二首

高唐道中

憇吳橋菴贈劉道人

自然亭二首亭在漕府後園

塞壽桂翁相公

韓侯廟

病中口號十首

孔學使集

三

清江道院二首次中丞韓公韻

愛葵齋前總兵顧公仕隆建

別姚生二首

贈別李道人

自然亭小酌

寄懷天池寺山書記二首

贈別童侍御還杭三首

贈別王同野之楚三首

與司徒韓公泛舟城南次韻

水月寺改為忠孝祠次韓司徒韻

南樓奉餞南司徒韓公辱倡佳篇次韻贈

荅時予亦北上

有所思

祐民觀九日酬劉戶部見訪韻

滌縣道中示舍姪

病中夜坐

天津館卧病東京中諸友

憶子四首

北唐書補目錄

愁二首

寄內四首

過東阿喜張秋嚴水部遠至問勞詩以謝

之

贈輦鷗江

江南道中

天津館卧疾示掾人張忠

示崔應亦天津館侍疾者

題童侍御湖邊草堂時自淮初歸

應舉山房對雨二首山房在鄭先祖墓側

山中歸

清道觀感懷

宿慈谿陳氏經堂

梁湖夜發

山陰道中

己酉歲五月廿二日同男盛二夜渡錢唐

時久雨水汎舟不利涉

送甥毛經世往金陵二首

北唐書補目錄

過帟跑寺贈住持僧

東譚少叅

東荅馬石渚方伯

題僧瑞雲扇景

報先寺逢德圓

贈性天行者

七月六日余自四明來與沈青門童南衡

陳子開讌坐吳埭子旬宅自晨至夕子

開放歌故情欣洽各詠一首分韻得此

登大石山偶懷石川公語奇勝宛然喜而

賦此

宿天池山

夜宿毘陵聞輓舟聲有感

九日過招隱寺逢定菴上人

春日病懷寓金陵作

贈吉牧雲

壽李中丞封君八十

送祠部章郎中公事還明

虎丘新日錄

六

送姚郎中僉憲四川由浙之任

與余子奇話舊余善丹青

贈吳芝山

不寐

金陵客舍與劉愛山話舊二首

別柴允中三首

別何吉陽考功

別劉初泉掌科

別何太徽儀部

得告東還宿弘濟寺有懷城中諸友

燕子磯作

中秋夕歸舟對月

贈崇明尹道與

途中寄懷聞郎中

卷之二

病歸

臘月十二日將往荆谿至錫山阻凍已而

復往風日和霽因喜賦此

虎丘新日錄

七

靈巖寺即吳王館娃宮

送錢道士天池山入關四偈

天池山雪後歸途有感

南濠寄居言志

春日過百花菴

元夕觀鐙偶成

題僧一舟卷

題嘉興本覺寺雲閒卷

題嘉興水西寺疏寺乃唐宣帝建有遺像

舟中睡起偶成憶子盛一盛二

初夏自姑蘇返擢過嘉禾宿萬壽山作

酬董太史見訪不遇次韻

夏日飲許員外山亭即景三首

夏日同許員外琴士周桐菴懋李氏郊居

夏日同楊水部飲李氏卧雲樓喜黃陸二

生偶至歌咏及夕

湖上汎舟感懷

仲夏夜坐

北風亭稿目錄

伏日夜坐

月中偕友訪楊水部留宴容開閣

東方道人久為舟隱浪迹江湖行無定止

寒暑結制山中予見而愛之因與訂盟

云

湖上病居喜周桐菴攜琴遠至

病歸西谿山中湯述先墓在上

送聞它泉之欽州

武林病居寄荅唐荆川太史二首

夜坐寶剎塔與周訥谿掌科話別

送童侍御至廣東

送劉望洋之南華

聞王龍谿書樓被火有懷

憶子來章二首時赴餘杭考試聞被主司

嚴譴

撥悶

重宴楊水部容開閣

送劉少府之鎮江

北風亭稿目錄

題柯亭奪笠卷為楊南泉作時李岫樓有

斛笠甚奇南泉以一局博之故名

宿吳山雲窩贈鄭滇僊

九月六日湖上同沈青門許茗山茅鹿門

許石屋諸友宴集分韻得風字

九日同沈青門劉望洋童南衡楊南泉姜

對洋諸友登吳山昊天閣既而朋舊皆

至列坐庭陰分製得五言律一首

題王大巡雲竹卷

贈王西石戶部

登太虛樓一首為孫環山太守作

宿應魯山樓

送高南洲行取北上

會川龍泉閣為戴靜山翁賦

除夕宴鄰宅

新正登阿育王寺四首

荻洲詩為張德馨姊大佐

元夕祖閱獨坐

北山集

元夕後宿應魯山莊

戲贈蕭復初

壽樂亭詩為戴靜山翁賦

還明家宴即席偶成

壽會川戴靜山太守八十

送孫槐谿太守考績北上

前川詩為趙掌教賦

壽薛雲舟六十

自明初還避客潛過石屋山亭訪主人不

十

遇見其二子詩以代刺

過明真宮澹然道士故居

過扁鵲寺有感

夏日宿陳青芝孤山湖閣

午日汎湖

題楊水部五十壽卷

瑪瑙山樓晚眺為楊水部作

喻致

六月廿四日

北山集

陳氏湖居避暑

聞海警有感二十首

伏日避暑湖寺聞海賊圍台州作

輓楊南泉

輓沈兩湖

病久不出偶與軍門論海防有作

壬子秋登許氏樓觀諸士入試

冬日同諸友餞童南衡之南都

報先寺鑄大銅佛書此一偈

冬夜坐蔡可泉中丞舟中話別

雪中登上寺聽祇園法主講經

次荅史燕峰玉潭僊院韻

次韻贈楊道人

許石屋秋卿有婢名雪梅性不茹葷善煮

雪茶今已物故感傷成詠偶為次韻

元夕自山寺入城散步遇沈青門張中山

劉望洋諸友

春兩有懷許石屋

光緒二十九年

主

湖寺贈孤峰禪師

暮春集石屋山亭餞別許茗山憲副之粵

湖崎草堂宴集分韻得成字時茗山有粵

南之行因寓別懷

戲柬王丹山

赭山戰後作

時用僧兵取勝

又一首

賀楊司訓連得二子

楊胡廣人

哭齊吳子句二首

閔黎吟三首

有引

送法光弟子還普陀山因簡法光

與法光汎舟月湖時光自賊中還

冬日偕友游金峨寺

游金峨歸塗中作

祖閔夜坐簡倪生

酌酒與倪生

邨居留客

居明歲暮偶成

光緒二十九年

主

贈曾龍山行取北上

賀張東沙少司馬元旦生孫次豐南禺韻

又次周葑厓叅政韻

次東沙少司馬元旦生孫志喜韻

人日同諸友集全九山太史宅對雪

春日過延慶寺格上人房

春日飲陸氏延碧亭

春日過白石山人幽居

清明日山行偶成

次荅舒黎洲見招韻

莫春同東沙少司馬宿陸氏山莊時亭前

牡丹生開

莫春過二都母家與諸兄弟宴聚

雲龍草堂聞報復起時對江山不覺依戀

因而有作二首

周彝厓叅政有燕領之相席中口占戲贈

陸心橋兄宅寶珠茶盛開邀余過賞夜分

乃歸

北庵集

別先祠

甥以善同謙兒送至姚江別回有感

越中

西興道中

心梅卷

海寧交戰聞殺周都閫有感作

偶成

楊涇橋戰後示男盛一盛二

金陵卧病戲柬李一山錦衣

病中謝李道人

有所思三首

初冬病起出坐後岡小亭作

病中辱軍門張半翁之招將往姑蘇興疾

討賊奉別何吉陽萬兩谿二大

舟次無錫偶成

元夕過平望驛

附砌路讚施偈

文卷之三

北庵集

祐民觀理漕廳事記

贈別大司徒克齋王公序

皇明經濟文錄序

贈國醫吳君世良序

明州三佛傳序

宜興開勝寺米氏捨田記

陶真集引

送天池山侍者行山還山卷引

書瓜洲王孝子卷

跋葉母還金傳後

書克齋卷

重題王孝子卷

祭吳子旬陣亡文

祭楊涇橋陣亡諸兵文

祭孝豐義士吳石田陣亡文

祭忠義文榮陣亡文

策問三條

東卷之四

北唐書

七

復錢緒山放心說書

讀錢緒山叙思樂書

答劉省齋都督

答楊文峯戶部

與白溪張公

與傳虛巖

答馮真所憲副

答傳虛巖

答羅念菴太史

答劉西巖

答傳虛巖

與聞石塘冢宰

與王同野兵憲

又與王同野兵憲

與沈紘江總戎

答傳虛巖

答張石里儀部

答錢緒山

北唐書

七

與萬養菴萬履菴二宗丈

與馮真所憲副

與楊禹峯兵憲

答羅念菴太史

答何總戎卿

與沈夷齋海道

與吳劍泉少卿

與唐克菴

與羅念菴太史

荅章三洲祠部

奉張半洲總制書

又荅張半洲總制書

又荅張半洲總制書

雜著卷之五

奏議卷之六

奏處大惠船粮疏

議處截起通運疏

奏請發銀補造以濟全運并議折粮疏

玩鹿亭稿目錄

七

丙午年會議二條

丁未年會議二條

患病乞代疏

戊申年會議二條

辛丑河道淺阻議處起粮出凍疏

乞免淮卽官軍守江以固重鎮疏

乙卯年會議六條

文移卷之七

淮大二衛告缺月粮行巡撫都察院

議處全運缺船發銀補造稿

示諭四條

道經贅言卷之八

附錄

志狀

玩鹿亭稿目錄

七

玩鹿亭稿目錄終

玩鹿亭稿卷之一

四明萬表著

男達甫編輯

孫鄧校梓

詩

壽春菴訪萬松法師

小閣逶迤隱翠微雲深人跡似全稀不因病客
行辭祿詎有名香對設幃僊樂遙從天外落山
僧獨向月中歸為言四相元無著話到三生便
拂衣

七虎手稿

卷之二

一

陪陸雙石太史游上天竺塗中值雨

春日春湖春水平画船蘭橈午風輕僊郎遠興
思長賦病客支頤已倦行柳色六橋雲忽暝松
聲九里雨初生上方鍾磬煙蘿渺問訊山人說
晚晴

宿牛首山

空山投迹僧分榻坐對如來萬慮清遂覺風塵
能白髮頭將巖穴學長生羣峰漠漠雲全合衆
寂冷冷水競鳴即此山中有靈藥何須海上覓

蓬瀛

江南曲十二首

客後潮陽來夜泊秦淮口鄉語人不知兒童聞
拍手

錢唐八月時潮來高百尺三五弄潮兒戲舟若
梭織

絡緯夜夜吟吟時驚妾心征衣猶未寄只恐曉
寒侵

漁有黃金鯽儂有麴米春問漁換金鯽持以獻

東虎手稿

卷之一

二

儂親

君比天邊月妾比江中水願月上鍾山照江清
徹底

東望望江春江頭梅侶雪欲以贈遠人徘徊不
能折

莫言江南薄江南俗多淳但言棄稻美珠玉豈
堪珍

莫言江南樂江南愁斷腸往為穀貴飢今為穀
賤傷

放舟江上游落日聞吳歌聲夜淒惋鄉心當奈何

日從江上升又見江邊落役役何所成日升又如昨

江頭望遠人望望杳無際佇立忽忘歸心隨流水逝

江南地殊麗山色水遭迴中歲四百寺金碧迴崔嵬

病中

病中

卷之一

歸思秋風急蕩搖宦情秋葉轉蕭條太平鞍馬渾無事病裏驚看髀肉銷

以上皆庚寅年以前作

病懷十首

有引

乙未冬余為叅將督漕至潞河抱病不能入

朝憮焉有歸與之懷甬川張公為少宰書來問疾往復酬答寄懷於言深慨格物之學不明孔曾之道日墜故直陳吾心

無所拘奪兼與質之夫天命在心不信吾心而信諸人斯其惑焉今哲人亡矣余年五十日月遂往潦倒無成偶復舊篇輒成悲歎同志君子共究其心焉

病質當委致寧無履餽憂好爵非弗榮犬馬力難酬所須三年艾牧畜惟林丘樗櫟本易朽松柏豈同秋寸陰苟不玆逝矣詎能留

三十始志學德立殆何時往者既有悔寧當復忘茲由仕莫非學開心未信斯說惡一何殊此

病中

卷之一

旨常在思豈不貴格物窮至乃真知馳求外吾心癡狂竟何為微吾魯中叟萬世將誰師昔見佛者徒壯心歟生嗔自昨病患來漸覺親其人乃悟往者迷虛度此宵晨人生一大事胡可知弗臻醉夢宇宙間侯蟻同成塵華嚴願智悲契我心獨真少服宣尼訓格致本同津老氏有至言貴大患若身既壯必老盡安得常如春茂陵驪嶽間僊質俱沈淪孰與鉛末談惑彼貪生人豈非學者誤相傳故失真疑結命或

延染愛非所欣朝也若有聞夕夕其復輩

積金以備患患乃潛於茲植善以遺慶善慶豈
無涯感彼軻氏言治亂本推移天道迭寒暑人
獨不如斯一身無定止身後何庸思擇落以從
仁今當勿復疑

在昔游金陵至彼牛首山山前磴百尺矯首升
天雞躋攀窮絕頂步步有奇觀辛苦終日夕慰
茲心目歡既歸香陳迹夜兩松幽寒幻妄室中
華後我不得閒何如安一室並界栗中看

元龜年稿

卷之二

五

海涯有一士飢餒常不充力本乏捕雞狂志在
屠龍相逢或嗤笑但云罕所同萬里覓干將仰
漢思騰冲百折念不回龍聞蜿蜒從所患者志
耳金石匪難通

有客來問難為言道不二古來為學者絕學而
弃知子云唯格物將無古人異客言策我幾諦
思定吾志絕弃詎強為枯灰非所事吾心稍未
盡終有物為累唯應物格人無憂亦無慮寄語
同心者吾學在格致

人皆曰中庸中庸不可能知擇固多賢誰是常
服膺良由非了悟得失固難憑不見江上舟中
流穩如輦乃不登彼岸風波猶足懲所以重致
知知至心元澄不向死中活言知終未曾

良知詎可論可論非良知吾知本無物格致將
焉施精擇以言致動念即相遠惟憤乃能樂惟
樂故無疑曾也終年魯一唯知无涯凡與聖不
別小大无復差孔亦何所授曾安從得斯

讀中庸

元龜年稿

卷之二

六

聖人所設教靡不本道修道乃率吾性夫豈容
他求性同命于天舜黜無劣優惟性與俱生道
亦何莫由須臾不我離昧此將無憂君子能斯
覺慎思無時休欽哉不睹聞隱微詎能度常目
既在茲動靜相悠悠情發與未發日用自諧授
分別即云離隨順為無尤達道無不通大本無
不周中和匪異體二見非吾傳致之人道盡天
地吾與侔廓然廣居內萬物從遨遊

讀大學

大學貴真志真志有真疑真疑則真格真格乃真知知之曰維何昭然獨知時所發既皆誠全體無偏庇修齊與治平由吾一心推此志苟不真格致徒爾為我志則原大分也毋讓之

以上皆乙未年作

吳門偶成

中歲若有悟常栽火中蓮託根已無所培植將何緣雨暝應不壞四時花自妍偶馱緇紳交時欣俗子言山林馱高栖寄迹多市廛固知與者

東庵手稿

卷之一

七

稀適意何慍焉

九月四日同孔文谷童南衡周虎巖陳海樸湖上山樓宴集

秋興近佳節何必需其時登高成野集舉目皆可詩獨問東籬菊纍纍未盈枝永齡豈假是幻住本無期大化融延促貪生虛自迷傾懷同一醉日莫宿湖湄浮生但如此玄造欲何為

湖上別虛巖山人

虛巖山人野鶴姿為耽佳句故名詩心無塵土

秋潭淨意在煙霞莫景遲相逢擬結金蘭好別去還將雲水期不是蓮心獨留滯江湖何處覓相知

山寺雜懷十九首 有引

余每抱疾不復為詩近止善巷混迹緇流歲云夕矣蕭然寄懷信口成詠不覺盈紙茲慨仕止之殊塗嗟喧寂之異境聊命掾人錄之因以自娛兼呈知音之歡賞云耳

東庵手稿

卷之一

八

病弃人間事寒依佛氏廬寂寥逢歲臘澹泊茹山蔬祇歎官猶在非關志未舒

皇恩真浩蕩感激賜閒居

盡日門常掩山居避跡深豈無兒女念為了死生心百草看西意千金惜寸陰閒吟非自遣漏泄為知音

逝者吾知已滔滔不住流聖功寧爾刻三際幽悠悠臘往陽春復烏沈玉兔浮詎能常在定不定乃全休

何事勞趨走浮雲信自由眼前頻景換物外只
茲求不作行程計時為勝事留此生非莽蕩天
地亦虛舟

幻世吾何執吾亦信吾行約言多不踐有往欲
何成擣散時同弃蕭條意獨榮湯為來日慮何
以度餘生

投禪人不與解脫且山逋我愛雲游侶形無禮
數拘規規方是病莽莽未為粗牛馬隨呼應逢
人莫說儒

光庵集

卷之一

九

此去丹應熟鑪中火已紅三花元自聚九轉但
言窮纖息影猶翳圓明質本空徒令疑黍米何
處問僊翁

富貴非無願浮生幾日留細知為幻夢從此息
貪求時與僧營院還因饒住調猶嫌落功果故
復沉舟游

斯世真如夢羣生大化流聖賢天上電事業海
中漚聞道斯無際抱玄俱寡謀誰知顏子樂元
與禹功侔

歲歉年來甚山中盜賊紛披衣常不寐鳴鼓亦
驚聞愁豈消玄象山河礙白雲因觀死生際誰
思復誰欣

唐殿垂千載終應有廢年但知興是廢應悟曲
為全鐵限非常計桑田本易遷出家猶刮刮塵
世固紛然

借榻青蓮舍叢雲碧樹林
沈沈幽獨身忘旅虛閒自遠心猶嫌不諱姓漸
有客相尋

光庵集

卷之一

十

望梅那止渴水向識情生木火危相遇唯阿析
大明嬰兒寧有此混沌本忘情盡說予明性誰
將撒手行

古柏如虬偃相傳不計年皮膚剝落盡聊見一
枝妍保愛頻封土滋濡自得天欲乘浮海上且
以學張騫

焉忘為幾道人情祗向高應知托鉢者果是出
羣豪調古誰將和形枯自不勞行庾人弗見滿
地任風濤

偶逢風水士理契樂相從
逝水窮源委登山問
祖宗融結乘生氣星辰識
主峰飛潛人莫測變
換故言龍

多病因辭宦山中每獨行
深雲看世遠短褐覺
身輕出處曾何定衰榮
已數更不須除老病吾
欲悟無生

功名三十載荏苒鬢成斑
一自傳僊訣人間俱
等閒陰陽全具體宇宙
少慙顏此道元無死金
丹不用還

北庵手稿

卷之二

七

山中方避俗吟咏卻成魔
降伏憑誰力牽纏奈
尔何亦知魔作佛還比
水生波法得無生忍祛
除不用戈

將往匡廬復返善卷悟而有作

年來宦跡信如萍已向匡廬忽復停
對景看山那有異避喧貪寂祇無寧
攜觴客至迷三洞閉雪僧還了一經
從此已知皆妄境未能槁死為吾靈

碧蘚精舍養疾忽陳參政來游夜坐論情

因用壁間蔣進士韻直書鄙懷聊以為答
二首

病客行游止釋廬翛然無事向心初
故人遠至勞垂問絕學年來久廢書
樹裏星壇標罔象巖間靈洞閱玄虛
松聲鳥韻曾何斷莫道山中此意疎

忽傳松外使車停應是山中聚德星
共語當年成黥黥卻憐山色自青青
寒風為掃林間徑明月常縣水上亭
宵與清齋栖佛刹共消塵慮識心靈

北庵手稿

卷之二

七

山中酬唐太史見訪

山齋寂寂臘初深披衲朝朝聞梵音
我已出家惟帶髮君來縣榻與同心
天涯避地因多病幻跡隨緣即故林
明月滿庭殘雪在那堪孤棹返山陰

宿善卷寺碧蘚精舍舊處

古臺依閣薜蘿深榻閑寒雲此再臨
近枕鍾聲曾聒耳入幃月色若明心
名途悟後嗟猶逐鳥

跡室中詎可尋緇俗了觀元不二遜儒非是滯
禪林

冬日游張公洞

天寒歲晏游何晚洞口琪花尚不彫自是神僊
遺窟宅倒披蒼翠見雲霄瑤階下轉深深入玉
像中居面面朝到此忽驚人世遠同心何處欲
相招

山中除夜

山寺鳴鐘後燒鐙獨不眠頻添鑪內火絕少俗

光緒辛酉

卷之二

十一

中緣去住非關跡寒暄不共遷悟來西竺意明
日祝新年

游龍淵洞酬玉陽真人

僊人如欲度攜我探龍淵水淨鬱藍色巖開空
洞三纔臨聊用筏溪造忽忘緣已識淵中路人
間未敢傳

立春日登瑤光閣俯玉女潭作

僊潭湛碧開丹閣石抱雲迴密迳攀衰鬢不堪
臨照數道心坐覺與雲閒風飄微霰珠林響夕

歛寒厓青島還春到不知猶寂寂欲因多病老
名山

重游芙蓉寺

谿橋疊疊穿林麓徑入松雲一障開似現優曇
舒半葉化成蘭若結蓮臺瞻依已覺歸心換信
宿何妨落照催行委所如無定跡山僧猶記昔
曾來

寄酬孔學使諸公春宴韻

閒居終日卧衽圍老去詩書不復敲每掬澄潭

光緒辛酉

卷之二

十四

知月影還將至道會禽言鏡中客鬢霜華變白
下僧心貝葉翻遙憶羣公春宴樂獨憐幽寂倚
林昏

答萬履菴祠部過訪山中次韻

濠梁一徙百餘載今日山中更遇君南渡箕裘
惟襲舊洛陽科第早聯雲道心投芥情相切雅
志酬時氣不羣自識疎狂人共弃算鐙何幸細
論文

新正十日自善卷還經吳興山中遇雨作

夜宿玉潭逢客醉曉經川嶺共僧行深邨未雨
四山暝樵徑無人一鳥鳴鄰近元宵思故里心
随流水急歸程亦知聞道希形後沾濕那堪又
莫征

曉發吳興宿雨初霽

枕上蕭蕭聞雨歇曉行日氣動雲邊晴嵐一帶
遠山下脩竹千竿啼鳥前春色年年那有盡谿
光淡淡渺相連陰雲不礙虛空相來去無端祗
杳然

晚春

卷之一

十五

毘陵逢羅狀元

清江病裏逢君別服藥間居已四年一念相期
今尚尔此心那復得安然江雲漠漠頻依望山
月輝輝獨不眠何意扁舟千里至一宵清話失
前緣

春日同王龍谿過嘉禾龍淵寺

蘭桡共乘春氣早龍淵遙向夕陽開香階草滿
雙林接古塔雲連一水迴因登寶地窺金相偶
與詩僧話茗杯自笑浮生亦何事行吟無處不

徘徊

以上皆甲辰乙巳年作

武林出關留別諸友

抱病三五年委懷丘壑間丘壑亦何為靜見本
來顏被命理晨駕從茲入塵寰精神狗禮文檢
束早不安踟躕但慙思何以為榮觀適俗別有
韻濟用詎非難吁嗟事與功違已焉足攀樵者
聖人事吾豈若是班

曉發靜海值雪

晚春

卷之一

其

朔風吹曉騎飛雪滿征鞍一望川原合孤城鼓
角寒紛紛行旅思寒寒僕夫顏時憶袁夫子高
眠世不干

丁未冬奉

詔還理新運滄州雪霽馬上偶成

積雪遍四野寒疾路不塵瑤池看渡馬瓊海覺
飛身王事催程亟宸音降令新翻悲在乘
傳風雪未歸人

奉使還淮途中贈顧長治

已羨思如謝尤憐意獨親聯鑣欲有約千里共
風塵古驛寒尊盡河橋客句新自慚衰病積為
尔放心神

次韻

君向南征何處歸淮陽病客欲相依故鄉我復
并州滯自送孤帆江上飛

客夜誦桂翁相公見贈之作奉懷二首

黃閣經綸繁寒宵禁直深每從退食暇幽賞發
清吟氷雪澄淵抱江湖寄遠心聞人不拒客庭

元虎亭稿

卷之一

七

館畫沈沈

西垣承 詔出時啟愛賢堂玉饌分 天供芳
筵接 御香春風溫入座秋月白臨觴感遇紛
嘉彥同滋 聖世光

高唐道中

還淮經魯地屢屢列重閭何事煩民力先防為
虜塵歲寒凡幾易風雨漸多湮自昔金湯者先
茲溝壑親

憇吳橋菴贈劉道人

清齋白鬢唯貪佛自結精廬養道人疑是化城
時暫憇依然車馬在風塵

自然亭二首 亭在清府後園

幽亭久蕪沒稍治廊然清喬木昏雅集寒唐水
鳥鳴景將塵慮澹坐覺道心生因知結茅處可
以自然名

孤亭臨水上竹裏小橋通深曠市塵杳蕭條墟
里同平蕪城列障枯木鳥為叢吏隱吾何有悠
然覺性空

元虎亭稿

卷之一

六

奉壽桂翁相公

愛賢論政色常溫吏靜庭閒道自尊夕侍 西
垣酬 聖藻晨趨 中閣代 王言笙歌綺席
紛為壽賓客雲霄盡在門淮海下交遙獻頌願
如松柏奉 明恩

韓侯廟

韓侯生長淮陰里寄食漂母人弗與塵埃偃蹇
無不至自古英雄如處女胃藏甲兵富萬千目
中何有惡少年低頭市上那知辱看君志略已

超然獨憐丞相能知尔三十登壇名遂起戰勝
攻取帝不如臧項王劉竟若此丞相亡因國士
亡國士一亡帝業荒千金酬食封惡少大夫何
必為假王漢王解衣復推食待我甚厚死不易
陳兵識君無異心自是盈虛互消息功成不慕
赤松殯劑生之言安足論里中故宅今何在河
邊漂母祠仍存至今漢史猶烈烈美君原是人
中傑四百年來海宇清千載淮陰應廟血

病中口號十首

沈氏手書

卷之一

七

學道不為軀殼計諸方服餌未扶藜縱云聞悟
超生宛覽鏡那堪兩鬢絲
披衣起了公家事病骨常懷報主恩祗慮災
屯緣忝竊敢言肥遯在丘樊
獨臥空林月滿堂應門童絕病魔降予心浩浩
曾無限何處淮陽是異邦
年來喜了尚平債春夢應稀到越南生圯已隨
恩愛斷猶將此意病中參
園中野花徧地開病足人扶看一迴把酒已無

知已在自將新句對花栽

官齋一卧春將暮日與羣魔在戰場煩惱也知
無實相霎時景度又清涼

日望長安使迢遞傳言執政不容歸山中猿鶴
空相待王事留人未可期

每悲屏息一支頤飲水寒溫祗自知三十功名
消已盡欲歸猶有世人疑

萬艦軍儲轉帝州一年一度一雲游那知三

月慊慊病卻似禪關禁足秋

沈氏手書

卷之一

二十

檐外鵲聲日幾迴人傳老嫗越中來鐙前刺刺
言何盡話到飄零淚滿腮

清江道院二首次中丞韓公韻

清浦平江廟深林羽士家萬竿烟翠遍何處着
繁花池閣沉秋月山亭宿暮霞坐令塵事冥那
復嘆年華

琴鶴人何在空餘駐鶴亭清池分漢水喬木迥
雲屏塙上梨初白杯前竹自青客心惟暫憇終
是嘆流萍

愛葵齋

前緬兵餉公仕隆建

昔人愛葵偏植葵春風蒿艾共離離向日心存
花再發愛葵軒下一凝思

別姚生二首

人情久住應難別羨爾從僊拂袖行掩戶離懷
倍惆悵况聞夜雨滴階聲

幾年學道渾無得老覺情多重別離爾去金丹
何日就寄將一粒報相知

贈別李道人

對君忽憶十年事荏苒蹉跎白髮新君已丹成
人共慕憐予仍是昔時貧

自然亭小酌

誰言春去花俱盡亭有葵榴沼有蓮疑是小園
春獨在偶忘羈旅一欣然

寄懷天池寺山書記二首

吳門重見即相離圓頂方袍異昔時參學幾年
應有悟好將半偈度吾癡

與爾曾將出世期空山寒月共棲遲而今南北

遙相憶猶是情塵未斷時

贈別童侍御還杭三首

雲霄龍驤飛騰近何事明時早拂衣別有玄
思身世公知君應不戀鱸肥

弃官自營此身隨身以雲出復還莫道山中
便無事歸隱

淮陽留滯一葉輕別意自然
傷去住與君共

贈別王司馬

徐淮境接頻來徃道義情深數寄將別後相思
何處是夢魂隨雁度瀟湘

湖山有約遠同眺况復驅車我向燕人意自殊
那可詒異鄉分手益淒然

山東羣盜勞紆策新命麻陽鎮百蠻共說君
才今吉甫罷兵應開玉門關

與司徒韓公泛舟城南次韻

一曲清歌酒半酣薰風吹棹轉城南池菱郊柳
含離思佳句無將待月探

水月寺改為忠孝祠次韓司徒韻

城邊古寺作新祠樹隱谿迴客少知水月尚存
僧已盡惟將忠孝繫人思

南樓奉餞南司徒韓公辱倡佳篇次韻贈
答時予亦將北上

卧病經春暑復秋暫因公駕一登樓夕陽城郭
丹虹沒暑雨池塘綠樹稠銀燭青尊那語別江
雲燕月幾看愁 廟廊霖雨蒼生望回首淮陽
是舊遊

元龜年稿

卷之一

五

有所思

一病春徂夏那堪別所親蕭蕭今夜雨寂寂異
鄉身雲杳書難寄情存夢亦頻非無言笑者不
是意中人

祐民觀九日酬劉戶部見訪韻

秋來政冗塵盈抱偶挹清芬一灑然多病每慙
時誤用停車何事尔相憐黃花忽訝逢佳節瑤
館聊將供野筵無那紛紛仍繫累縱令脫去亦
衰年

鄆縣道中示舍姪

阿舍小姪子隨我燕都還為道風塵惡遙指滄
洲間欣然感素心廊尔開離顏徘徊 恩闕戀
祇覺拂衣難

病中夜坐

寂榻蕭然偶息塵孤鐙明暗坐相親還思山閣
禪棲夕不謂天涯一病身

天津館卧病東京中諸友

結駟至今官辛苦三十餘累疏辭微秩立身本

元龜年稿

卷之一

五

迂疎領節復三載馳走無暨紆綬質那堪此分
當犬馬如出城猶脫負返我并州居衝寒構新
疾一卧滄海墟辟穀絕饔飧伏枕但歛歔百事
俱廢置如彼庭中檮釋綬無今日垂危檢藥書
涸鱗縱得水圍圉將焉舒恩愛時見嬰道阻還
自祛生苑尚皆遣是非復何拘所憂在 王事
明春理茲初臥曠千里外逝日不我需情好且
勿道君當念邦儲豈無賢與達而以終困予
憶子四首

毘陵攜汝從師日常布蕭然意味嘉三載漕樞
成庶事祗應添得夢中華

朝游湖寺攜俱往夕返西園共討論若使悠悠
堪卒歲未云曠逸負明恩

汝因婚娶向明州漂泊天涯結百憂千里相思
空極目託書魚雁亦沈浮

乍辭膝下吾憂汝少小還家自立初越客每來
頻問訊佳聲日至旅懷舒

愁二首

東坡集

卷之十一

七

去年臘日愁盈室今日遙看滿地愁若使趨前
仍密密祗應與爾共悠悠
愁來如織去還無來去因窺心地初吾體本空
那可染湯將爾我太分疎

寄內四首

常年病日深憐汝竟日忘眠湯藥勞伏枕異鄉
誰與伴寒銍無焰朔風號
童時與爾聯姻久薄宦同游三十年別後飄零
千里外尋軀難料定生旋

鄉間娶婦喧闐夕正我孤懷悄悄時謔笑滿堂
知憶否天涯排悶一裁詩

蚤經病患心存道每欲遺家事遠游雖逐世緣
常不易故嬰多病稍忘憂

過東阿喜張秋嚴水部遠至問勞詩以謝
之

別君荆門道重會東山阿別時初履霜堅冰今
滿河微勞不自慎積困成沈痾衝寒枉遠駕攜
觴列清歌眷眷此交情一顧豈在多

東坡集

卷之十一

七

贈鞏鷗江

憑君華庑識吾容鬢漸皓然一老翁我自有真
君識否盛衰不與四時同

江南道中

解印歸來忽斷緣江南春色復依然芳邨桃李
連鄉國綠野桑麻傍客船雲裏松關經舊履山
中野衲話當年悠悠性本成多病暫遠風塵意
自便

天津館卧疾示樞人張忠

風寒孤枕天涯日耿耿予心那可論不是維摩
緣示疾稍欣談對遣黃昏

示崔憲亦天津館侍疾者

淮揚留滯三年後歸去秋霜兩鬢侵聚散衰榮
何足問殷勤感汝歲寒心

題童侍御湖邊草堂時自淮初歸

背部紅塵隔臨湖舫環曉風清吹發莫雨醉
歌還喧寐心因悟迂遲地自閒寧知淮上客同
此卧花間

元龜年

卷之二

七

應舉山房對雨二首山房在鄭先祖墓側

山中方息駕一雨阻幽居靄靄烟光莫欣欣草
木舒坐深心愈寐景換意俱殊投老詎非計況
茲衰病餘

一還桑梓郡窈窕憶山行坐對松巒雨弥傷游
子情煙嵐忽變夕水石自成聲辭祿元耽寐那
為俗所縈

山中歸

一宿青山促權歸初晴草木曉輝輝不分游景

三春盡卻憶幽期百事遠夾路鳥聲清俗韻層
林芳氣濯塵衣瞻雲已任誅茅計長夏寥寥獨
掩扉

清道觀感懷

綠樹陰陰石磴遙碧岑丹宇倚青霄廿年不到
歸何晚一月初晴雨復飄薜荔門深窺洞府竹
松風度訝僊韶客懷幽勝偏多感不盡江聲伴
寒

宿慈谿陳氏經堂

元龜年

卷之二

七

何處聞經梵雲林處士堂谿迴紆帶竹迳遠密
通房山鳥分禪食江龍護法航雨深因息駕行
道共焚香

梁湖夜發

潯暑江邨積雨收蛙聲兩岬送行舟客身漂泊
曾無定明日愁眠吳地樓

山陰道中

偶喜新晴汎越船出門梅雨復絲絲折腰蓬底
殊忘瘁擬脫樊籠返自然

已酉歲五月廿二日同男盛二夜渡錢唐
時久雨水汎舟不利涉

洪波浩浩那堪渡昏黑相將冒險行豈謂委生
方是達但看吾履向來平

送甥毛經世往金陵二首

三十風塵吾易老往來維護爾稱賢秦淮行欲
從之去病足蹒跚未可前

令祖昔年為五馬而翁讀易老青衿古來祿仕
皆關析母墜家聲慎尔心

北唐李補

卷之一

七

過雁池寺贈住持僧

寶峰逝後叢林替殿火臺荒谷鳥啼不謂求泉
寫經者道風繼席老山西

東譚少叅

鴻雁每勞薇省訊煙霞一卧竹房深故交多病
踈應盡誰復悠悠寄此心

東谷馬石渚方伯

衰年一搆疾形神索然殊解印還明郡親朋亦
因踈投迹來山中但與木石居有懷薇垣客契

閣今何如顧勤垂問意頓令沈抱舒崇要自多
政詎復存遐隅是以君子交悠悠靡終初相思
不相見因風致尺書量力避城府豈為形迹拘
况當趨曠秩焉能安一區

題僧瑞雲扇景

人間名利俱塵土出世高僧亦染衣紅葉青山
谿閣上蕭條誰向此中歸

報先寺逢德圓

無聞弟子老頭陀辛苦叢林髮盡皤嗟我風塵

北唐李補

卷之一

卅

形亦老幾迴辭祿竟蹉跎

贈性天行者

少小出家應有悟往來役役若為忙衲緣學佛
先忘我隨處勤勞是道場

七月六日余自四明來與沈青門童南衡

陳子開譚坐吳壻子旬宅自晨至夕子開

放歌故情欣洽各詠一首分韻得此

新秋晨氣爽少坐覺炎生散髮忘賓禮高歌洽
故情流雲度微雨涼月吐初更茲會百年幾因

嗟水上萍

登大石山偶憶石川公語奇勝宛然喜而賦此

昔逢石川老語我大石奇今日登臨屢穿雲路更危飛梁橫洞口迴壁俯湖湄坐愛空中閣高樓歲月遲

宿天池山

病偕雲中臥天開山上池諸峰臨水淨片月出林遲古院秋逾寂高緇故所知自當長此隱那

復別為思

夜宿毘陵聞輓舟聲有感

歲漕萬艦涉關河險阻身親勞慮多今日毘陵成病卧不堪夜聽輓舟歌

九日過招隱寺逢定菴上人

抱瘵思山隱行逢招隱寺崇巘嘉樹蒼層阿香閣祕坐憩泉上亭泠泠說吾志幽磴入秋雲四垠周一視天風吹我襟煩憂忽如弃晶晶練湖明浩浩長江逝緣厓步紆迴歷洞窺奇筵時陟

昭明臺猶存讀書字况值登高節游盤不知遲釋子武林舊為言山中事在昔戴顓宅虎鹿泉呈瑞開剎逾千載廢興不能記埽榻留殷勤顧為簪組繁猶懷捨宅人深悟已忘自

春日病懷寓金陵作

春寒欺病質三月被重裘躍馬思年少看花益旅愁事從前臘廢替向幾時投寄莫誰相問傷心淚欲流

贈吉牧雲

三晉家何在問居金馬門五侯廷士少數口向誰存賣藥朝依市垂憫夕灌園還將萍水意與尔醉芳尊

壽李中丞封君八十

豐城李翁年八十顏如嬰童眼如碧問君內養祕何方世間萬事吾不迫得失君平豈假占長安杜甫知如奕更無俗意援公私惟有詩人數朝夕湖上行歌風日清眼前自覺塵凡隔兒孫四十羅堂前濟濟稱觴色常憚中丞迎養發樓

船故里端居報書尺爾將五鼎榮言孝我於百
福損為益但使兢兢奉 聖明何必朝朝侍吾
側中丞捧書意若違復見翁心喜仍刷斑衣起
舞天邊雲祝借諸卿星斗文古來養親貴養志
潦倒承顏何足云

送祠部章郎中公事還明

二月江城氣尚遲桃花初蕊柳初絲一官異事
同羈旅多病經年惜別離閭里交情今更稔風
雲僊駕祗難隨與君攜手知何日越水吳山入

晚唐集

卷之一

五

夢思

送姚郎中僉憲四川由浙之任

鄉里衣冠集舊京喜瞻風度結同盟花明鷹服
文爭麗水淨巴江政與清藹藹河橋春滿道蕭
蕭林雨夜還聲病懷愁極翻成詠一片歸心逐
去旌

與余子奇話舊

余善升青

江淮一別看猶昨 帝里重逢鬢各斑數載驅
馳身覺病幾迴悲歎世多艱寄懷湖海浮沈外

揮穎谿山遠近間知爾雲踪無所繫暫憑尊酒
共開顏

贈吳芝山

年來多病少逢迎到處看詩識爾名混迹每為
朝市隱言交不擇緡紳榮鬚眉早見雪霜色吟
咏時聞金石聲來往風塵何所礙右丞已老悟
無生

不寐

山館淒涼客舊京孤眠中夜覺寒生故園千里

晚唐集

卷之一

五

魚鴻絕腸斷西林風雨聲

金陵客舍與劉愛山話舊二首

錢唐秋夕河邊宅明月梅花調益奇萍跡幾還
俱蝶夢相逢猶誦別時詩
道人自昔多山隱立路相看盡深塵少小遨遊
今白首憐君猶是本來真

別柴允中三首

人情應與道相違來往憧憧已覺非歸去閉關
交欲絕惟留一榼訪玄暉

識君已在十年前野鶴孤雲興灑然珍重秣陵
聯榻意豈將蓬跡滯塵緣

詩篇但可消長日據德依仁始一游盡說功無
先後際子歸好向自心求

別何吉陽考功

風塵燕邸初逢日並路多岐歎忽違尊酒細論
情更切扁舟此別會應稀天邊誰共吟秋夕松
下那堪對月輝鄒魯家家千載後知君振古欲
傳衣

元亮子病

卷之二

五

別劉初泉掌科

問訊都門垂死日重逢已是復生時紛紛並慮
觀應盡寂寂深心悟豈知抱病欲投三竺老識
君猶恨十年遲驚秋一葉偏傷別鴻雁空勞寄
海涯

別何大猷儀部

春巷勞君數駐車蕭然一榻病方初愁邊那有
還顏術架上空餘繕性書已識玄思瀛海遠更
看宦況野雲疎相從脫屣知何日別去山中閑

舊廬

得告東還宿弘濟寺有懷城中諸友

經年卧病乞身歸出郭分林塵事違向夕暫投
江上寺觀潮猶啟月中扉寒厓釣石花陰靜秋
水長空野色微窸窣坐忽思朋舊隔不知清露濕
征衣

燕子磯作

燕子磯前風滿臺倦飛高鳥識歸來波漂雲影
江心度颿帶山光寺外迴病足倩扶將弱息衰

元亮子病

卷之二

五

顏難駐付金壘鄉關日莫猶堪指北極思深
首重回

中秋夕歸舟對月

卧久遲京報歸條中秋夕涼輝新雨霽憂與陰
雲釋短吹舟尚移遠鐘景方寂綠厓樹湛陰深
坐露凝憤家近思轉勤朋違昨成昔念獨抱病
還吾生此行息耿耿忽不寐良宵况當惜

贈崇明尹道興

賢才屢不偶雅志在滄洲忽試崇明令依然航

原缺

玩鹿亭稿卷之二

四明萬表著 男達甫編輯
孫邦孚校梓

詩

病歸

病歸因得遠氛塵稍喜清明氣若神幻體有生
唯辯智閒情無着見天真束身禮樂應終弃消
日詩書偶一親謝客閉門非傲立支離已是背
昔人

北苑手稿

卷之二

臘月十二日將往荆谿至錫山阻凍已而
復往風日和霽因喜賦此

荆谿舊隱處懷戀數年心祗為冰河阻那愁霜
霰侵東風回短樅晴日滿前林去住唯關志玄
探自此深

靈巖寺

即吳王館娃宮

歌舞易消歇千秋一寺存日斜寒塔影僧閑薜
蘿門

送錢道士天池山入關四偈

坡佛園中士縣壺市上人本來唯一事祗用見
吾真

紛紛異趨向如尔信心希了以無餘義應看選
佛歸

一心重成道為尔苦寒行自度須今日毋令負
此生

人皆憎汝行我獨識其心好向巖扉下絲絲寶
寸陰

天池山雪後歸途有感

北苑手稿

卷之二

山中三日雪樵徑已先開豐瑞秋仍遠陽春何
日回

南濠寄居言志

吳門避跡掩郊扉衰柳寒唐客到希鏡裏青絲
愁盡變人間白日病長違蕭條祗擬填溝壑懶
悞誰能計是非旅況自隨禪味淡佛龕鐙火夜
相依

春日過百花巷

古院百花裏城中唯此林序寒頻卧病春盡強

追尋芳氣浮禪榻野禽喧夕陰湯將游遠意忽
易閉關心

元夕觀鐙偶成

元宵攜爇兼將子鐙下羣行聚復分離皆互看
人侶蟻喧闐猶見氣成雲興來月色忘人困歸
去鐘聲徹曉聞過眼繁華無駐景閒庭湯誦五
千文

題僧一舟卷

大道還將法喻舟不登彼岸未應休如今多少

玩庵集

卷之三

三

操舟者祗是悠悠苦海游

題嘉興本覺寺雲間卷

曾聞攜李雲間老郡守公餘日與游前輩風流
無復見荒臺廢宇自春秋

題嘉興水西寺疏

寺乃唐宣帝建有遺像

諸山興翫頻求偈謂我如來弟子身殿火尚存
唐帝像至今猶作勸緣人

舟中睡起偶成憶子盛一盛二

自昔心貪佛違家意灑然投閒今一載為客已

三旋窅窅途中思搖搖吳下船夢回憐二子顏
異道應傳

初夏自姑蘇返權過嘉禾宿萬壽山作

游興隨緣變歸颿信晚風樹陰沈水碧霞彩散
波紅落日城初背前邨寺忽逢吾心忘厭悅莫
訝屢西東

酬董太史見訪不遇次韻

都門一別後雲樹靄重重僊館詞成綺沙隄馬
似龍獨憐多病客幾到兩高峰采藥歸迎晚空

玩庵集

卷之三

四

尋來徑松

夏日飲許員外山亭即景三首

一亭梧竹裏迥出市塵間石逕緣蘿入江峰對
座閒海雲朝數變山鳥暮雙還別去衡茅下思
君嬾閉關

豈謂池臺上蹊迴復此亭江環城外練山列越
中屏酌酒花同醉彈琴鶴共聽主人應戀此不
貴曷彛銘

梧楹俯竒曠洞壑入庭登峰間戍樓起林連雉

堞平翠煙巖閣靄紅日海門生景絕恣臨賞茲
亭不可名

夏日同許員外琴士周桐菴慙李氏郊居
一曲芳唐外清風滿古林夏英偏燦日徑竹自
交陰暑向懶攏斷塵從澗窾沈閒邀二三友緩
坐聽鳴琴

夏日同楊水部飲李氏卧雲樓喜黃陸二
生偶至歌咏及夕

亦知衰鬢短強逐少年歡游景宜堪返愁懷但
覺寬清歌消永日綠醪伴幽蘭童冠非真樂喟
然應不歎

湖上汎舟感懷

道人睡起心無事小艇城邊汎午風一望湖光
山色裏幾重春樹夕煙中乞身歸隱寧非主多
病棲遲漸作翁林嶼蘇隄俱往迹僧來何事更
談空

仲夏夜坐

五月金未伏朱氣何太炎更闌人尚語坐久夜

虛幃幸與簿書遠無車馬淹還丹如可學寒
暑詎為嫌

伏日夜坐

風微庭樹靜星密火雲開入夜炎仍熾絃句雨
不來稍行猶喘息欲卧轉徘徊自覺逢多難衰
頹老更催

月中偕友訪楊水部留宴容閒閣

僊人樓閣俯郊川月色花陰后夕遲檐外數峰
煙漠漠鷗邊幾樹柳翩翩高情倍飲歡尤劇野
客忘憂思入玄更有清音澄玉宇只疑夢到九
華天

東方道人久為舟隱浪跡江湖行無定止

寒暑結制山中予見而愛之因與訂盟云
期君相逐野雲閒半寄孤蓬半住山霜到艸堂
寒獨閉香生蓮浦暑應還行無程計心常靜事
與塵違意不關佳興四時堪共樂何如風詠舞
雩間

湖上病居喜周桐菴攜琴遠至

閒居正憶陽春曲何意攜琴千里來湖上
州堂明月夜花前蘭醑碧荷杯舊游隔歲曾無信孤
緒逢君但有哀一病閉關交欲絕衡扉那復為誰開

病歸西谿山中湯述先墓存上

豈如陶令憂三徑幾省雲封滿薜蘿抱病却嫌
辭祿晚入山猶厭識僧多蟬聲兩樹驚年謝心
緒千般柰老何安得盡排人立事白雲流水和
樵歌

玩庵手稿

卷之三

七

送聞它泉之欽州

去年京邸為君別今日江頭復送君官舸霜前
隨雁發客身嶺外更誰羣猿聲斷處聞蠻語草
色青時入瘴雲忠信干城堪自衛不須三尺淨
妖氛

武林病居寄荅唐荆川太史二首

病歸辭祿家無計老去貧閒子析居賓客到門
常不接詩書乘興獨難除已知攝養形終減稍
悟浮虛意覺舒為問荆谿唐太史道心病後更

何如

十年學道渾曾悟遇景還迷却未曾身事欲酬
翻不了道心將覓轉難憑故人同病誰堪語末
行無矜衆所憎汨汨流光知不返舊盟空復憶
山僧

夜坐寶琳塔與周訥谿掌科話別

金陵小院相過日擁褐連宵坐歲寒幾遍升沈
頭共白五年縲絏語猶酸湖中漁火明寒水檻
外空煙滿夕巒千里遠來今渡去別君惟有淚

玩庵手稿

卷之三

八

湯湯

送童侍御至廣東

湖山有約同為隱何事孤舟萬里行奉謫祗承
君示謚攜家無就祿資生峽江山月隨驅駛梅
嶺僊葩帶雪明相送離懷無遠亦知不久待
持衡

送劉望洋之南華

幾年每作南華夢緣有曹谿一水通料得君游
非浪跡好傳心印到吳中

聞王龍谿書樓被火有懷

廿載聞論道能令曠者興書焚因絕學苑廢少
延朋已悟成為壞還觀損足增紛紛門下士於
此得師承

憶子來章二首時赴餘杭考試聞被主司
嚴譴

聞汝身遭譴何由見汝身步庭愁對月望信夜
難展訓誡將無甚詩書詎用陳悔來那可及憂
憊病應新

沈德甫稿

卷之二

九

歛迹來歸息衡茅多閑閑人隨時見背身與辱
相安祿弃家無養門衰子共難病眠唯益苦歎
枕淚頻團

撲悶

閉門耽著述盛暑卷常開自是支離者偏為歲
月哀咏歌聊遣興景物嬾登臺困守元吾事寧
傷異患來

重宴楊水部客閒閣

涼暄雖異序煙月共斯樓又覺一年謝空憐兩

度游行雲仍駐曲密柳更移舟留客何須醉忘
情但狎鷗

送劉少府之鎮江

六年佐杭郡唯飲吳山泉髮為憂民白心因
事縣蟬風揚庶頌江月照離筵幾許徒攀卧金
焦已待賢

題柯亭奪笠卷為楊南泉佐時李岫嵒有
斛笠甚奇南泉以一局博之故名

野翁爭席罷詞客勝棋還舞笠秋陽下思渙煙

沈德甫稿

卷之二

十

水間興來仍裂冕身退更藏跽安石何須慕桐
江若可班

宿吳山雲窩贈鄭真隱

結屋依山洞開厨近石泉挂瓢聊出壺揮穎即
成僊榻許詩人借方從道士傳欲知丹訣候明
月幾迴圓

九月六日湖上同沈青門許茗山茅庵門

許石屋諸友宴集分韻得風字

已近登高節清尊雅席同未須吟待菊祇愛醉

乘風餘綠連隄密幽芳照水紅自慙衰廢者叨
宴墨卿中

九日同沈青門劉望洋重南衡楊南泉姜
對洋諸友登吳山昊天閣既而朋舊皆至
列坐庭陰分製得五言律一首

僊閣雲厓迴清秋以共臨江山時極目散逸識
同心野席紛平麓斜光明近林嘉朋元不約觴
酌湯相尋

題王大巡雲竹卷

阮康亭稿

卷之二

七

片片自無心蕭蕭滿故林祗緣虛是質不礙出
為霖結惺虹初變棲枝鳳一吟毋勞歸夢到披
卷足幽尋

贈王西石戶部

山中方一遇歡洽若平生論世襄先老憂時志
甲兵玄室諸士蘊諾視百金輕別去頻相戀猶
為入道盟

登太虛樓一首為孫環山太守作

樓擾人寰裏凌然以縱觀使君元有道黎庶許

同歡危檻雙峰並西湖一曲看吾將乘鶴背萬
里御風搏

宿應魯山樓

窈窕蒼霞裏登樓愛隱居水聲孤枕近山色四
自虛林靜朝看底心閒夜對書獨將耽寐意覺
與世情疎

送高南洲行取北上

岡羅紛俊彥雅志不如君共有飛騰慶應將獻
納聞琴尊移海月車馬入葵雲清禁疎鐘晚玄

阮康亭稿

卷之二

七

機詎可云

會川龍泉閣為戴靜山翁賦

幽閣橫谿迴軒窗騁望賒遠山浮瀨氣寒樹發
瑤華鯽膾供賓饌川流擁釣槎相留無復去城
市總如麻

除夕宴鄰宅

弱冠辭鄉早并州久滯身生歸翻作客欲別更
相親臘向宵分盡春隨曉霽新寒暄君莫問千
里尚為鄰

新正登阿育王寺四首

避喧來海嶠元日坐禪林自笑身逃影還將景
易心寒流春雪化疊翠暮烟深幽寂非人境應
無積俗侵

山中無節序新歲不聞喧步遯遵樵徑同僧叩
竹門香盤供野蔌晚磬諷空言卻憶閭浮界酣
歌景正蘇

聖觀山色好忽斷世間緣欣厭知情轉寒暄與
運遷金沙明寶地玉几淨慈筵說法元無二松

元虎亭稿

卷之二

七

聲祕已宣

攀蘿登上塔絕頂見蛟川杯土三山小叢陰萬
室連遐觀隨所履色界本無邊欲識元來面因
僧一問禪

荻洲詩為張德馨姊丈作

荻江迴曲處州閣一洲間雁宿時來去潮留日
往還秋風吹葉老夜月暎花閒自歎風塵久因
君戀故山

元夕祖關獨坐

城市觀鐙罷仍還郊外居春暉林木變野興酒
朋疎茹菜分僧供臨軒閱道書笙歌何處沸喧
寂以中殊

元夕後宿應魯山莊

幾宵鐙下醉暫向隴頭醒隔歲梅猶白經春竹
更青就雲移石榻迎日啟山扃入郭非吾好塵
勞鬢易星

戲贈蕭復初

文武時兼重君家奕世榮子為百夫長父作一

元虎亭稿

卷之二

七

書生已識懷珠玉還看富甲兵毋差久留滯志
在定應亨

壽樂亭詩為戴靜山翁賦

一亭深院裏別自有山川疊石松生嶠開池地
近泉天光翻上戶春色每增年幽勝心俱遠朱
輪何處邊

還明家宴即席偶成

三十功名如轉眼歸來已是丈人行持觴為壽
紛成叙擊筑高歌笑滿堂病裏臞顏吾獨老鐙

前情話夜兼長翻思親在歡承日心緒微微忽
自傷

壽會川戴靜山太守八十

八旬林下人間少况復優游三十年興寄煙霞
常避俗手栽梧栢盡聚天壽如令德應齊嶽道
與流光併在川湯集耆英退往蹟看君已是地
行僊

送孫槐谿太守考績北上

閭里謳歌偉績彰廟廊側席待明揚綠綬飾律

沈鹿亭稿

卷之二

十五

存吾道抑暴康民視彼蒼政劇定心同碧水畫
閒清詠滿黃堂光輝別後何能覩蔽芾庭前有
名棠

前川詩為趙掌教賦

江夏何年移劔在每臨樊沔沔流湍水聲三峽
通朝莫樹色千崖自歲寒吾道早聞同以逝明
時應辟且投竿傳經多士無殊義洙泗還將一
派觀

壽薛雲舟六十

與君三十年相友意興于今猶未更世上重逢
生甲子林間還訂晚交盟繁霜不染閒人鬢明
月常怡逸客情歲歲流光知不老悟來自性已
丹成

自明初還避客潛過石屋山亭訪主人不
遇見其二子詩以代刺

不到以亭久因君憶以亭出門忘宿戒看竹坐
深垌雜槿經春長巖花向日馨主人何必遇雕
鳳正傳經

沈鹿亭稿

卷之二

十六

過明真宮澹然道士故居

一試人間味榮枯緬澹然狀身還羽化住世已
胎僊壁上塵封塵韞中篆息煙因經下榻處默
默憶當年

過虎跑寺有感

果師遷化後上首繼傳鐙厨有經年粟堂無一
宿僧高山懷舊隱喬木想餘馨紺宇成輝暎惟
應慰覺靈

夏日宿陳青芝孤山湖閣

故人湖閣敞邀我散炎襟荷氣隨風入橙陰覆
院深相忘因信宿放逸發高吟自媿非僊客孤
君問道心

午日汎湖

端陽重載西湖酒山色依然侶去年隄上兩行
桺柳密湖邊一望苑臺連競將歌管娛佳節自
折菖蒲插野筵病質強支同此醉不勝歸思夕
陽前

題楊水部五十壽卷

卷之三

卷之三

七

金冠羽扇容閒閣盡道蓬萊境裏僊尊酒每邀
明月飲竹牀還伴白雲眠榮名已覺俱成夢山
水常親獨有緣不用知非求妙道地偏心遠自
長年

瑪瑙山樓晚眺為楊水部作

江佐長渠湖作池遠山如黛越中佐晚晴今日
山樓景侶與容閒閣更奇

喻政

汝類千萬億豈能盡飽血何不安草萊依棲以

永月

六月廿四日

六月今當廿四日先公海上射龍時點夷屏迹
滄波淨近說揚帆徧海涯

陳氏湖居避暑

一片湖光淨野扉經旬避暑竟忘歸晚來松下
貪涼坐十里荷香透葛衣

聞海警有感二十首

掃穴焚舟稱偉績鑿山填海亦弘勳可憐憂憤

卷之三

卷之三

太

身空殞兩浙何人一念君

百年滄海曾何寇防杜多應失漸微安得東南
還沈瀚但持三尺息兵機

屠城掠邑臨關急載酒輸糧饋轉頻黨與紛紛
今滿省豈無見憚漢朝臣

小人得志知無止防守朝朝幾得休兵力久未
應自斃誰將為國一更謀

稱王惡逆滔天甚聲罪如何杳不聞遂使邊臣
甘稽首不知順逆若為分

既名為敵天難共詎有紛然復往來法內漸疎
人漸玩失今不救勢難迴

海上只今非二賊更誰欺隱復言倭豈無智者
能窺汝至使飛揚黨漸多

有邊不行何自為本來謀國是謀身既居天職

司民命忍見推戕一體人

生浦潮迴海氣腥流屍塞岸盡殘形行人掩淚

何須問況是愁中可忍聽

古人利什不變邊 聖祖宏猷遠慮存海市誰

現庵手稿

卷之三

七

將倡此議祗應流禍毒中原

奏請中丞幾日迴應掄破賊濟時才浙中士馬

無增數旌節唯添一將來

點虜入邊稱百萬今年來候更先秋誰能持邊

清東海稍釋 君王南顧憂

動言擒黨為招蒙今日屠殘誰激之逆黨不擒

從恣募不知何日是休時

銅錢為鉅鉛為彈關市無識只恁行若今束手

甘資敵何用徵兵議結營

舟師擅廢言無事弛禁三年釀所成今日豈應
猶隱蔽可伶誤 國誤蒼生

秦璫王良吳中亂跳躍那聞破一城聲討羽書

馳湍道固應不久奏昇平

遮天枝蔓從根長根若不除蔓豈除稍去輒言

為賊遁復來城邑慮丘墟

首逆不名今得志吳衢宿寇日聞歸不知苦諱

緣何事當局無人早悟非

風煙若此稱良賈市稚登城更備誰勾引既多

現庵手稿

卷之三

十

馬用守千尋鐵鎖亦何為

有賊不擒擒且縱朝來鼓角又東征積薪厝火

膏頻沃杯水兒童識不勝

伏日避暑湖寺聞海賊圍台州作

今宵炎太劇池館納如蒸電掣雷無迅雲垂雨

侶凝清座思借扇抱病久依僧滄海何時晏僊

槎我欲乘

輓楊南泉

來往交方密山林趣正長那知寺中會忽報別

來亡鎖藥嗟無及觀詩祇重傷哀哀雙令子堪
作九泉光

輓沈兩湖

憶在清江尹狗民百慮違惟將素履往不問世
情非好學多辭席買書常典衣遺囊不盈粟賓
客慟靈幃

病久不出偶與軍門論海防有作

海上日夕盜屠殘真可傷偶登公府步誤落是
非場抱疾憂偏積逢人說更長山中歸舊隱庭

沈氏集

卷之二

主

竹對蒼蒼

壬子秋登許氏樓觀諸士入試

白露初零秋氣激高樓臨望喜賓興月宮已見
千鐙聚桂窟誰持一斧升題柱橋邊迎駟馬乘
風霄外化鵬鵬丈夫奮起元何為斯道康時待
尔弘

冬日同諸友餞童南衡之南都

深山寒雨積遠出為情親茲別社中友誰同白
下春弦歌歡永夕雲樹悵離津君去無知己林

扉一病身

報先寺鑄大銅佛書畎一偈

大六金身合下成本來無減亦無增豈知佛亦
由人做擬見紅蓮脚下生

冬夜坐蔡可泉中丞舟中話別

山寺僧同寐雲霄客盡疎獨將剡谿櫂為得故
人書剪燭寒宵短停雲積抱舒相忘知道在復
別意何如

雪中登上寺聽祇園灋主講經

沈氏集

卷之二

主

苦寒何用避冒雪上方行淨界天花滿空林玉
樹明忘言迷有象聞灋悟無生攀陟胡為累吾
身自可輕

次谷史熒峰玉潭僊院韻

僊院偏承雨露多步虛遙夜靜鳴珂當年玄榻
曾三宿何日扁舟更一過月印玉潭知見道風
生龍洞獨高歌齋居長祝天王壽海晏河清
水不波

次韻贈楊道人

每逢
聖誕設醮奏聞次云

少小辭家事遠游諸方何處覓丹丘天涯自有還鄉路珍重臨岐著兩眸

許石屋秋卿有婢名雪梅性不如葦善煮雪茶今已物故感傷成詠偶為次韻

美人不如人間物清味悠然況雪茶石鼎尚遺無宿火閒庭空見落瓊花

元夕自山寺入城散步過沈青門張中山劉望洋諸友

新正七日雪元夕月偏明即此人間景誰無鐙

沈鹿亭稿

卷之七

七

下行路多朋舊遇步逐管絃輕何侶棲山寺寥寥負此生

春雨有懷許石屋

江城春雨氣如秋樹色籠煙洞寂幽卷帙乍看新藥入玉人相並倚山樓

湖寺贈孤峰禪師

有道者無我偏為衆所依盧能充碓主拾得作厨師淨意消三業焚香禮六時龍華今幾會九品緇蓮池

莫春集石屋山亭餞別許茗山憲副之粵春亭今日會猶及牡丹芳遠見江流急愁催去擢忙文星光異域霜節失炎方為念里中社蕭疎望獨長

湖崎州堂宴集分韻得成字時茗山有粵南之行因寓別懷

城邊高館修文約牆上湖山入座明近寺樓臺臨鏡出遠船簫鼓向天行每寬禮數憐予病若

屢顧不欲別

卷之七

七

不勝離思句難成

戲柬王舟山

美人一遇樵源後樹合雲封路忽迷借問誰將春色去武陵無處聽鶯啼

赭山戰後作

時用僧兵取勝

一夜風煙傳警急晚扶病骨強臨戎山中饘粥供兵食架上詩書易塞子畊鑿于今那識陣跳梁使尔獨稱雄最怜子壻能忠戰不道緇衣也報功

又

寇盜紛紛徧海濱
緒山一戰省尤鄰
誰知今日焦頭客
元是當年獻策人

賀楊司訓連得二子 楊湖廣人

庭前桃李爭春麗
階下芝蘭向晚生
千載斯文知共泐
一經家學待人鳴
淵源洛水應分楚
艸木眉山盡遜榮
昨夜步蟾時倚杖
文星遙倚女牛明

哭瘠吳子旬二首

虎虎事稿 卷之二

壬

靈幃寂寂誰為守
母哭妻啼病兩牀
每登堂

腸欲絕可憐處
處共悲傷

人言一死堪酬
國憶尔忠懷志
獨真大義不

明無定是相逢
誰不解全身

閔黎吟三首 有引

浙參政平崖錢公出按四明會予於舟

中談及征黎事悲動顏色且示以閔黎

諸詠惻然傷懷因而有作

地何產枿與速吾何畜豕與特豕積盈盤吏反

頃枿速窮年采不足但願黃金滿粵南寧使黎
田不盈粟粵南金多吏不索黎田粟少人未哭
刺箭為約安得銷 黎人借錢無歲歲生當剝吾
肉負戈因拚一命償嗟嗟黎人誰尔牧 皇章
惠尔非尔毒

二

虎兇來猶可奔狼師一來人無存大征縱殺玉
石焚昔人鵬勦只一邨鵬勦功成賞不厚大征
瘡子還廬孫殺一不辜尚勿為何況萬骨多冤

虎虎事稿

卷之二

壬

魂頭君爵賞毋苟貪但以三槐植尔門

三

鑿而飲畊而食撫黎何事來相逼 為設有人撫
瘡

牛可畊豈不惜薑水那堪吞滿臆 撫黎人
瘡

遙明鐙火忽驚疑一望旌旗我心惻 撫黎人
瘡

攻掠犯順誰所為撫黎毒黎還毒 國南征稍

喜平崖公殲掃惟悲不為德

送法光弟子還普陀山因簡灝光

佛光何廣大夷賊亦來親為緩王師令將全苦
行人遠峰嚴列戟環海緬迷津擒縛自為計慈
悲是小仁

與法光汎舟月湖時光自賊中還

月湖同蕩槳相對各生悲百死何須問重逢轉
覺疑禪心元不二幻體豈無知寂寞殘生在焚
修更有期

冬日偕友游金莪寺

逢君每道金莪勝況與山僧隔歲盟霜葉未零
秋色在凍雲猶合暮煙生禪宮遙向層巒上竹
徑紆從曲澗行夜靜堂深同對酒故園朋舊有
餘情

晚唐李商隱

卷之二

主

游金莪歸塗中作

入寺連陰晦初晴氣轉寒偶然游興盡不顧散
裘單夾路山開畫維舟水急灘州堂看不遠雞
黍且同餐

祖關夜坐簡倪生

別尔惟孤坐其如夜雨何自從禪學久應慣寂

寥多惜福頻辭席思漁欲理簑不嫌貧薄味衝
濕好來過

酌酒與倪生

故里逢吾子高歌百慮輕少年誰不愛衰歲轉
多情從獵心應怯忘機酒共傾餘生何足問對
尔欲延名

邨居留客

歛息江邨久閒來悟百非氣衰於事怯理妙向
心微雪至先飛霰煙生欲輓暉此生寧復幾聚
樂莫言歸

晚唐李商隱

卷之二

主

居明歲莫偶成

居家猶作客俗慮不相關歲事從兒辦圍棋對
客閒一年今又度兩鬢早成斑騰化知無術金
丹尚可還

贈魯龍山行取北上

三年仁績誰將述但見人同皞皞春士不苟狗
為若德政惟平易近斯民每嫌案牘妨經籍試
檢行囊只舊貧此去省垣堪吏隱謗搖玉佩致

經綸

賀張東沙少司馬元旦生孫次豐南禺韻

寒宵方慶歲初更又報庭蘭一度增萬事而今
於立足一經堪付待蛟騰林筵謔笑元雙喜名
閱圭璋此再興黑鬢翁心歡更劇自裁紅錦與
為綸

又次周葦厓泰政韻

共識君懷濟世才門庭佳氣逐春回已窺令子
非凡器會有文孫接武來柏酒滿卮還暢飲瑤

虎康事稿

卷之二

壬午

篇對客屢賡裁後今身外無餘累報國忠懷

益壯哉

次東沙少司馬元旦生孫志喜韻

鴻鈞大地啟三陽更訝君家有異光天上磨兒
誰抱送夜來展夢是禎祥芝園宿植雲霄種香
閣新裁錦繡裳五十為翁非不早況看勲業與
時芳

人日同諸友集全九山太史宅對雪

冬盡絕微霰春來五出霏絢言非瑞氣猶喜耀

晴暉鄰酒釀初醖佳朋賞不違自今寒意少不
醉莫言歸

春日過延慶寺格上人房

古寺城隅近春風短檣游水環多看舫地窄各
為樓故友悲丘偃詩僧聖雪川今已物故新詩見尔優老

懷思借榻歛息與吟詠

春日飲陸氏延碧亭

巷僻門深春自好孤亭叢卉向湖開綠楊西圻
官騶度碧水南橋客舫來逸叟閒情呼對奕主

虎康事稿

卷之二

壬午

人佳興勸斟杯賞心偏覺傷心處荏苒韶光去

不回

春日過白石山人幽居

幽人深巷居閉戶少迎將外屏縣名書前除列
羣芳雙桂蔽檐端清陰常滿堂紅杏帶春色一
枝出鄰牆惟有三尺童烹茶與焚香坐來忽移
時不覺心清涼時取壁上琴為我鳴琳瑯庭月
為之白子夜為之長人間那得此疑是費長房
欲別猶徘徊花露沾衣裳

清明日山行偶成

春來城市無停轍，每憶山中自在行。但覺松深無俗韻，不因花落減游情。野禽悅客聲相和，流水隨人步與輕。一滴豈沾泉下土，翻嗟不飲負平生。

次荅舒黎洲見招韻

大士偏多混世塵，中懷妙悟豈同人。最憐競物消閒語，黎洲寄與物競問之如何曰消閒故云便是通玄了道因。

舉世有成皆夢幻，本來無得但真淳。看君自識

沈龍事稿

卷之五

七

潛龍理整向荆榛，寄此身

莫春同東沙少司馬宿陸氏山莊時亭前

牡丹生開

山亭春生煥一夜，牡丹開但辦芳尊賞。無煩羯鼓催，日暄顏並醉風過翠翻回。城邑雖俱發幽偏不共推。

莫春過二都母家與諸兄弟宴聚

連宵兄弟相歡會，重我依依素梓情。世上浮名誰復戀，花間幽徑幾同行。谿添新水堪垂釣，雨

足深疇欲並畊。四十年来成底事，豈堪白髮數迴生。

雲龍州堂聞報復起時對江山不覺依戀，因而有作二首。

已定幽棲計，山樓倚水成。扶藤僻欲挂，種竹苟初生。時蕩月中槃，閒泛江上行。何因樞密貴，違此薜蘿情。

病嬾耽高枕，幽居擬息游。諸峰排戶入，一水抱邨流。家國知猶負，年華詎可留。謬移招隱調，忽

沈龍事稿

卷之五

七

作去鄉憂

周苒厓叅政有換額之相席中口占戲贈擒王破虜吾家事，病質悠悠何所成。自古封侯元有相，可憐獎額一書生。

陸心橋兄宅寶珠茶盛開邀余過賞夜分乃歸

鄰巷奇花開滿樹，主人尊酒特予招。夜深秉燭還相對，似與朝來色更嬌。

別先祠

雲龍堰上拜新祠恍忽儀容儼格思南畝每畊
遺澤在西谿遙望莫雲迷江山屏練垂應遠蘋
藻春秋薦有期明日扁舟又西去不知迴櫂是
何時

甥以善同讎兒送至姚江別回有感

一片姚江月相攜此夕同潮平分別去月亦各
西東吳浙何多難旌旄屢失功行將何所止緬
是亂離中

越中

九虎亭稿

卷之二

三

還明成久滯漸暑向杭行離思頻回首歸心數
問程飄風催客櫂乍雨慰農情見說平湖寇朝
來逼海寧

西興道中

客歲新涼度今當溽暑還風煙猶未息士馬幾
能閒乍入來時路欣看夢裏山道傍人自語謂
我覺衰顏

心梅卷

冰姿自出雲煙外清影常橫夜月前何事君心

獨相契歲寒應在百花先

海寧交戰聞殺周都閫有感作

東西三戰北孤注海虞軍將歿兵隨散民殘室
盡焚受言寧至此失策詎猶文靡止旻天在疾
威何太紛

偶成

抗論為時忌危塗不可行衽屨違大義豈好拂
人情烈焰無時息殘屍遍野橫如何於此日猶
自惜吾生

九虎亭稿

卷之二

書

楊汪橋戰後示男盛一盛二

垂亂悲無已吾身侶太輕幾時重見汝相望不
勝情暑氣衰年怯妖氣壯志生裹瘡終報國
先立緬忠英

金陵卧病戲柬李一山錦衣

與君廿年交感君相知情伏枕條兩月思君邈
如瀛一病尚弃捐何況死與生高車固簡出豈
無直中行小館禁城側常聞前呵聲予病幾
欲絕相聞詎無驚尋息倘苟延誰為歲寒盟

病中謝李道人

人生本如寄飄忽陌上塵自昨病患來我命縣
之人一日日侍好一日日轉老人事無盡期為
樂苦不發客從龍池來執手心為哀尚言僊可
學萬劫心不灰感尔遠來意吾身安可弃潛觀
代謝理長生恐非智甘心與運遷廢無憂思牽
有所思三首

病裏思偏切歸期一月遠每聞鵲喜轉憶雁
鴻希豈為孤行怯還應故土依欲將他緒易但

東坡事稿

卷之二

五

覺此情非

偽習人滋甚重心尔不違一辭歸省去每憶笑
顏希子病仍孤枕汝行何所依絢緣吾意在人
世事俱非

卧病常親汝難教一日違可憐沈患積更欲解
顏希神侶與俱往情如無所依一觀空體妙絢
覺妄心非

初冬病起出坐後畱小亭作

病間扶杖出獨坐小亭中 關對丹心近 陵

瞻紫氣通寒花位向日落葉亂從風擾擾東吳
寇誰將一劍空

病中辱軍門張半翁之招將往姑蘇與疾
討賊奉別何吉陽萬兩谿二丈

舊館秦淮近 五雲五年衰病勉酬 君朝來
辟穀非貪道夜不褰帷豈避蚊林巷高車遙見
過山亭落葉卧偏聞明朝與疾姑蘇道擬淨妖
氛一策勲

舟次無錫偶成

東坡事稿

卷之二

五

行以孤誠為向往裏瘡與疾詎由人有生自惜
千金質垂老回驚百難身絢說憂歡情是妄歷
嘗甘苦味還真昊天已厭蘇威厲此日應旋下
土春

元夕過平望驛

去年鐙鼓歡歌夕今日干戈撥攘中子姪蕭條
三地在親朋宴賞幾人同寒檠蓬屋幢幢影疾
雨湖邊陣陣風此夕他鄉思舊樂誰將談笑海
涯空

附

砌路讚施偈

佛說布施法 為人蕩我執 我執既消亡
成佛無他義 故名檀波羅 其次佐福田
利樂一切故 造寺及塔廟 砌路橋梁等
是名人天果 或以消災橫 早善破財故
趨吉以避凶 世間之智括 是名退無曜
或以祈生男 人生劑量故 損彼以益此
種種行布施 辭富而得子 是名奪天命

此處本稿

卷之二

壬

或以祈永年 減祿延壽故 假使服藥餌
百法求長生 所為者一已 而不知天事
以故逆天理 轉多速其亡 無如散施實
是名增定算 或以滅罪業 一念轉移故
如執契而濯 應時得清涼 是名真懺悔
或以資僊道 積功累行故 損貲以濟衆
福重而障輕 然後倦可希 是名為築基
或以資聖功 無欲害人故 函人與夫人
心念隨業異 一念在利人 滿腔皆惻隱

是名仁之事 或以禪為政 以善導人故
古人之行者 陳文惠公是 出米濟飢貧
富民爭出米 全活者數萬 民知充此義
焉有不仁者 可以措刑罰 是名為德化
或以長守富 滿而不溢故 如水長流通
而無崩潰患 是名順天道 貧窮布施難
克已痛切故 若以所被褐 乃至捨一文
皆以成功德 所獲利難量 是名清淨施
萬物同一體 吾心元廣大 而人自狹之

此處本稿

卷之二

壬

人我山高隔 遂至父子間 亦不能相通
是之謂牿亡 廣廈盛池林 自奉餘綺麗
凡諸義可為 分毫忍弗予 是吝而非儉
惡衣菲飲食 護惜重天物 念彼同胞苦
惻然起悲心 揮金如瓦礫 是儉而非吝
吝惡儉美德 所差爭毫釐 是故當精察
我知布施法 徹上徹下義 惟人所自取
各各因不同 各各果亦尔 砌路便往來
脫諸泥塗苦 一切生歡喜 佛嘗說此事

田劣而心勝 為切人心故 王政徒枉成
民無病涉者 與梁道路同 一切普濟故
善哉布施法 讚歎不能盡 佛子今行化
大利益施者 利人行為次 昧者或見病
故以化有緣 不信自退席 惟切老嫗心
擔寧不退墮 我於佛子往 略說此方便
願師開微密 廣說不思議 若有見聞者
悉發大悲心 隨分而布施 福聚海無量
乘此砌路心 共證無上道

玩鹿亭稿

卷之二

七

玩鹿亭稿卷之二終

玩鹿亭稿卷之三

四明萬表著 男達甫編輯

孫邦彥校梓

文

祐民觀理漕廳事記

漕運之行府七迤淮而南為瓜洲為儀真即今
叅將之所臨駐迤而北為清江為徐州為濟寧
為臨清為通州凡五今多曠而弗居日以圯矣
乃茲復有祐民廳事之創何也曰今昔之漕事
殊也粵初制轉舫程近而力節固未始數數然
者既改交兌於瓜淮漕艘百千直輸京師計
程三千里率六閱月而訖事猶未數數然也維
時督漕之官循潁而上於諸行府次第臨駐以
有事焉後罷瓜淮交兌又越數百里而之江南
越千里而之湖廣江西以就兌於各州縣水次
淹程曠日視昔徒倍如湖廣則往返萬里而勢
始盛矣然當其時有司每冬十月開倉十二月
畢徵以備漕漕艘亦春二三月畢渡淮如制限

即或後至度將凍阻則聽寄囑於天津以返以是猶未數數然也而諸漕府以次臨視未盡廢焉比其抵灣繩繩起納只一百戶之職而已何則其期會一而事理序也今之漕猶昔之漕也而其勢扞格有不可以昔治治之者凡以江南諸郡徵輸失期病之也歷春徂夏遷延惟意比至畢兌渡淮時已五六月矣彼疲卒十人晝夜引輓數數然以趨尤恐弗達尚復淹駐以糾督哉此諸行府之所以日曠也時或兩洪會通

務也初交兌之法有司部民如期候兌於瓜淮無敢後者今長運乃役軍以就民而民顧玩愒以病軍鮮復以王事視之此獨何心哉至於起納一百戶之職耳顧勤集漕運上下之官士又蒞之以參將焉事變所因善反者盍亦探其本矣是觀也適當起糧周道之中道士周從善者因里二寺廢址而立之運士祈報便焉得請於上賜今名廳事即觀之左偏閒室參將賈君前之稍易以軒楹闢其階除是為理漕廳事予因記之俾來者知所始

贈別大司徒克齋王公序

皇帝御極之二十五年予先於告養疴西湖之上本兵以漕運總兵缺舉而上請命下時句曲克齋王公以右都御史總督漕運迨二載矣客有過而謂曰克齋公明達於政子往協恭邦家慶哉客又有過者曰克齋公才而自用未必相能子往其慎之竊惑焉旣而領淮獲侍公教乃喟然嘆曰誠有人言吾已悉公矣

公沉毅有度善蔽其用簡約直諒不苟徇物遇事必揆理據法詳審精密當而已矣公仁而愛人寸長片技未嘗或遺而心誠好之人已靡析廓如也及見公之為文嚴整簡確絕去浮靡之習議論反覆鬱然精義皆為格言由中發外誠有所不得已而作者殆非近世文士之所能到而公未嘗言文公之造理察夫性命之淵微燭乎聖賢之精蘊而未嘗言學然默而識之舉中肯綮今世之談道者言愈辨而道愈離矣公好

元龜亭稿

卷之五

四

問好察考古證今於凡經世之事無小大無遠邇無簡牘利害得失無不鑒於胸中而公亦未嘗以自鳴是故蘊抱淵泉達諸用則時出而無窮爾茲獲同事深竊幸焉公乃進大司徒提督倉場行且去淮是以不覺悵然失所依矣況今之為武臣者事權漸移多非其舊未免依人以行志後之繼公者豈復有公心正論如公者乎若乃剗方為圓違已從俗非予之所能也既而奄咎叩關求貢報至公卒然有動於中憂形顏

色乃相與論曰今不曰無好事之臣而難於曉事之臣不難於曉事之臣而惟難於任事之臣若先朝于肅愍公者真間氣也時公方圖省掃已有行色聞報遂遺書家人曰匈奴未滅何以家為慨然攬轡北指予亦翻然深省焉蓋公之入朝中外有所倚重時方戒嚴當願早駕區區依戀之情抑末矣矧今運士苦於倉場吏攢之需索視昔增倍公至運士其復甦乎乃躍然而起舉壘為錢欣然而別

元龜亭稿

卷之五

五

叙淮關志後

淮關權舟初未有志近有而亦未備今志則創於元岡馬子增損裁定於敏齋喻子潤飾於北潭熊子而志始成矣志成而制置之詳輸權之則廉約之規敷歷之蹟紀述之文居然可考也夫國有經費歲賦不足而佐以商舟之權非得已也若又從而錙求銖校以取盈焉豈士君子體國子民之心哉是故執事要求必以其政謹節

宣惠存乎其人得其人而政斯舉矣故曰理財之道必先用人喻子公廉平恕正已格物不煩其令而下不敢緣法以為姦是以推政肅然商民戴之頌揚於道余適督鎮茲土嘗樂聞焉嘻其果不在人乎其果不在人乎由是而知喻子之關志為可傳也已仰惟

國制關稅輸鈔初行鈔法以便民用尋征折銀非制然於國用為有資今征錢鈔者仍舊制也論者以比年諸邊北虜繹搔兵興之費司徒每

北虜繹搔

卷之三

六

每告匱諸關稅之入曾未足支乃復訾校錢幣置之無用非計也且錢鈔之法卒未能通以便民用而展轉乾沒適又歸於販家估客抑獨何哉或曰餽羊存禮權絜利用非所宜焉惟當國計者知所取裁矣因喻子之請偕叙諸末簡云

皇明經濟文錄序

經濟文錄者錄

國朝經濟之文也初得徽剡前武選郎中黃君

訓所集名臣經濟錄錄其若干篇次得前廣西僉事章君璧所藏九邊十三省錄錄其若干篇聞此亦黃君所集殆未刻之半也并錄往歲所輯漕賸錄又若干篇亦已成書近得大名新刻疏義輯畧今督學浙江副使阮公鶚所集又錄其若干篇合四帙以成復續采群集以益之視初稍備矣凡先臣訐謀淵慮忠言嘉猷久而無弊者則錄之達權處變安危定亂保扶社稷者則錄之老成謀識深達國體曲當時宜不愆

疏義輯畧

卷之三

七

舊章者則錄之言由深衷事專毗主犯顏無諱者則錄之論事必原始詳夫沿革之因可備徵考者則錄之議論剴切深究時弊有所建明者則錄之言悉民隱而處置或未一一盡當者亦錄之若夫繁詞泛論不切機宜或論事瑣屑非開大體無裨經濟者皆略焉然此但錄所睹記者耳門類則承黃君之舊而少為減併末增兩直隸九邊十三省類分三十有一卷總四十有一名經濟文錄云仰惟我

太祖 成祖 神衷睿畧屈用群策鑒察往代
審量時宜損益就中垂範立法誠萬世不可易
者也

列聖相承以至

今上勵精求治剔弊扶蠹又特命儒臣纂修

大明會典所以祗重舊章固歷千萬年弗替也

夫法者達斯道以康濟乎斯民者也克舜之道

不以仁政不能平治天下然道於克舜至矣苟

非仁政則澤不下究而經濟之學可少乎哉士

元龜事稿

卷之三

八

生斯世其致君克舜之術當不外典章以求之
爾是故

祖宗之法即克舜之法也舍 祖宗之法而別

裁焉久而或弊脩法以存之可也因其弊而去

之易之以美材弗善也為非其體也夫典章乃

國家之元氣典章具存而 國家之元氣完矣

雖 歷代沿革之不同諸臣議論之懇懇惟以

復其舊而已故茲錄者皆以發明夫典章者也

或曰有治人無治法此抑末耳是不知所謂治

人者以其知治法也不知治法而謂之治人可

乎蓋用法以為治猶用規矩以為方圓若因是

而廣之以會夫全體之大適夫通變之宜如庖

丁之目無全牛而天下自無不解之牛矣其於

邦家不猶視諸掌乎某自病歸不敢自逸幸覩

諸君之成書稍加選畧惟不徇名以遺實不後

事以先文不重位以輕野不持我以求說庶幾

有焉然嘗商確於前武選郎中王君畿鄆尹曹

元龜事稿

卷之三

九

君承芳集既成今浙大參潘公思見而取焉乃

量出節省公費付杭郡二守曲君入繩梓之復

以兵事中阻左方伯游公居敬復樂成之志因

同爾某昔自弱冠先後奉役漕事一十五載凡

得於聞見之稔者稍有識記質於王曾二子咸

謂是不可不備也因併附於末云

贈國醫吳君世良序

人之生斯世也承夫天而已矣天以生物為心

而有所不盡人實相之凡培植愛養所以生吾

民者皆天事也此人之所以承天者也是故繼天立極撫惠元元則曰天子左右天子燮理諧和則曰天位協恭王命分治庶列至凡一命之寄咸曰天職一夫之微亦何遇而非物何用而非仁何事而非天書曰順天者昌逆天者亡可不敬承乎昔人謂不為良相則為良醫醫之與相雖及物有大小所以承乎天而生乎物者一也其所遇又豈若匹夫匹婦之無一技一能者周於一丘一壑而已哉然則醫亦天職也錢

疏庵集

卷之三

十

塘吳君世良承厥祖若魯君之業以活幼名科徵為國醫存誠愛物寃極岐黃大宏其業而施無擇人有召必往有往必濟聞於遠近皆曰吳若魯云夏初予孫女痘發繁甚而數瀉告急遍求諸醫投以脾胃之劑而世良不可獨以異攻散已之繼而身戰齒寒莫不曰此異攻散症也世良乃愈以脾胃之劑蓋其命藥真有出乎眾人之所不可及者余於世良相與三十年中間隱顯違合不知其幾而交好之情未嘗少異是

又豈眾人之所可及者耶孔子有取於南人之言曰人而無恒不可以作巫醫若世良者夫誰曰不可予之二子二女幼昔嬰疾皆貼於危亡每藉世良之七劑活之不但今日一孫女之獲生也噫世良之德於予深矣蓋其心之恪承夫天不以始而勤終而怠純然一致故杭之士大夫不獨貴其術而必曰世良君子人也豈可誣哉今之居天位食天祿而不盡夫天事者視世良亦少愧矣茲為文以德之因悉其為人或庶乎其可傳也已

疏庵集

卷之三

十

明州三佛傳序

明州三佛傳者記吾明三佛之因也予生于明自少有知即聞之父老戒香寺有亞女曰維衛佛阿育王寺有舍利塔曰釋迦如來猗林寺有布袋和尚曰彌勒佛為三佛地亞女傳至正間僧無染族居兒時授之一老尼舍利傳至正乙未禪僧悟光所住布袋傳則撰於元比丘曇噩彙三傳為一帙名明州三佛傳云比板毀帙亡

鄧白衣寺僧清玻偶得遺帙持而喜甚謀諸同衣曰吾輩生於斯為佛弟子而昧其因可乎皆謂不可以無傳也遂相與重梓之其崇教利人之意可嘉也已夫佛者心也心即佛也心外固無佛也外心以求佛是廢畎畝而望雨穀於天終必饑亡而已今人見靈像異人則傳呼而競禮之曰此某佛也過則想望追憶之不及至遇本色至人則當面嗟過聞實際理地語則漫不加省豈非厭常喜異外心以求佛哉夫一切奇

東康事稿

卷之三

七

特之相易以起人之信向而不知皆從吾心真實而生蓋真實者本也求在我者也奇特者末也求在外者也吾心與佛豈有二邪噫道在邇而求之遠事在易而求之難信乎知道者之鮮矣金剛經云若以色見我以聲音求我是人行邪道不復見如來言以聲色而求佛則終無可得也楞嚴經阿難白佛見如來三十二相勝妙殊絕心生愛樂而發心從佛以故世尊訶之而屢徵其心蓋以其着於形相失此真心非正因

也然豈可以他求乎哉是故啞女者以無言而言化導衆生也舍利者以有象而無象顯化衆生也布袋和尚者以有言而無言開導衆生也傳中記布袋偈云即個心心是佛十方世界最靈物蹤橫妙用可憐生一切不如心真實其開導之心可謂透漏盡矣人尚不悟而不知反之於心何哉觀斯傳者必因傳以求其人因人以究其理因理以參之吾心則當見佛無疑斯善觀也否則不以稗家小說類為市井笑談者

東康事稿

卷之三

七

幾希僧玻以子為佛之弟子請序遂漫述求佛之正因且以策初發心之士俾知所適從毋徒為耳目所眩庶不高推往聖辜負已靈爾若明眼者觀其不以葛藤擲之乎是為序

宜興開勝寺朱氏捨田記

粵自佛法傳入中國若建寺塑像為西方之像教所以起人之瞻依密布種子於識田漸積功德究竟成道者也夫像教雖為法季不得已之善權而使人遇者見者或舉一手或小低頭或

五體投地乃至捨田捨身心生渴仰各種善根共植出世之因漸了一心而圓至道其利豈不博哉荆谿之西垂胥堂之里開勝寺達自五代時歲深廢興不知凡幾天順六年里人朱某脩宇繪像又一新之于今不廢其孫某每過寺瞻禮必念曰此吾祖之功德為吾子孫者所當繼述者也於是即其寺之傍買田若干畝屬之寺僧某永充常住供養又為祠於寺之東院以祀其修寺之祖某每歲三月三日一舉之歲用其

北唐書稿

卷之三

七

所收之什一以為祭祀之資餘以給僧至期長幼畢集惟歌交洽益敦善念流衍芳澤鄉人咸有觀感焉噫若朱君某者可謂仁人孝子矣又為約曰凡吾子若孫及僧之嗣徒當永承之毋廢其業不如約者眾罪之其意尤厚也余謂施之者非難而受施者為難夫施田資食本為養道之具而道業不修是豈易以食哉先宿謂為復身當隨類以報檀那者真實不虛也是故受施者當因食思道六時靡懈究竟無量法門成

幾千生道果則萬兩黃金可消矧茲數石之粟乎施之者益擴施心了達實相本空福德利益一毫元無可計猶如虛空所不可量歷萬劫而不壞矧茲一二世變廢之慮乎聞是語已皆大歡喜請遂為記朱君名某字某茹素二十年純一清淨心不涉世與物無忤其子某孫某皆勤慎誠慤為足以繼其善云

陶真集引

陶真集者陶夫天所付我之真也世習巧偽喪

北唐書稿

卷之三

五

此真者多矣而賢者亦或行不著習不察約縛於名教執逐於見聞作意於行誼而未得其真焉非如手足痿痺不仁者乎故曰鮮能知味也曲本近俚而聽聞之頃使人或喜或悲或歎或忿或舞或泣各得其性情之正所謂吾天真者時一著之其三百篇之遺意也哉因名之曰陶真集云蓋欲人聞聲而知所返本也或曰淫詞艷曲蕩人心志集中不宜並傳余曰孔子刪詩書而淫詩猶存豈無謂耶是惟可與達者言耳

外此亦有聞而為樂為病之不同者蓋自取之也若夫窮途逆旅攢悶解懷則一時對治之劑而飽食煖衣逸居無教淫玩於此則如冰益深如火益熱其為病病可勝言哉於曲奚咎焉凡曲若千首彙為二帙其目凡七曰景曰情曰行曰慶曰隱曰咏曰附各以其類分云

送天池山侍者行山還山卷引

姑蘇天池山山書記者少穎慧歲十四即出家禮僧正心為師正心為別延儒師授書凡過目

虎鹿亭稿

卷之三

七

輒成誦作小楷得文衡山書法語及詮諦意皆領會若夙有聞予過天池一見而愛之又復為之懼夫因從識建果遂因成因果相依形影不背蓋未有種豆而獲瓜者也昔墨子見素絲而悲以為可以緇可以絳楊子臨岐而泣以為可以北可以南是懼夫一切之法易染而難變所趨之路易入而難返也吾觀山子童質清粹不猶素絲之未染乎歲已十八正脩進之時不猶行者之臨岐乎予因質之曰夫出家者出世俗

之家也脩出世之道而上之則有佛因佛果菩薩因菩薩果二乘因二乘果下此則外道人天之果矣子將奚擇焉曰凡諸名相教有析詮未究其說願以今耳目所覩聞者試一語之予曰即蘇之竹堂寺有僧曰福懋文墨標雅詩畫無工吳之名公巨卿皆折節與之交而郡使一方之尊亦禮遇之緇衣莫不嘖嘖稱羨以為如何曰此與山素稔山敬之慕之願學焉而未能也予曰蘇之天宮寺有僧曰東昇靈隱寺有僧曰楚瑛者皆精持戒行一則晝夜六時純一念佛一則課誦焚脩寒暑靡懈子以為何如曰此人之所難山之所未覩也自少牢落山居雖二僧在蘇亦何從而遇之子又曰吾師自然者閑中人今居杭之西溪絕學無為獨顯真風掃蕩一切不拘文字截裂教網世所擯棄禪門衲子毀斥尤甚子以為何如曰識者稀其為珍也必異願從而禮焉鹿園子許諾遂携俱來同師正心參禮而去因叙此以送之

虎鹿亭稿

卷之三

七

書瓜洲王孝子卷

君子之學盡夫已者也孝者由中達外不得已之至情也夫親病而割股以生之寧傷吾生親歿而廬墓悲思至忘人世謂非至情而何哉禮以割股廬墓非孝之中故今之淺夫俗學全身營私談笑而道其親者咸得指之為非孝矣予謂割股廬墓孝之至也若必以割股廬墓而求人則雖乎其為子矣故曰非孝之中也王子之孝出於天性割股廬墓無所不盡可謂至孝但以是而表揚之予不能不少於王子也王子吾友方子弟子也方子當有以正之

跋葉母還金傳後

世有活千人不及活一人者作意識意之由別也夫以千人作意而活之惠勝矣而心則劣一念之誠活一人焉惠雖劣而心固勝也是以活千人不及活一人蓋惠有劑限心無涯涘故爾今葉母還金以活一人初無內交無要譽無希天報無義利之辨亦不緣是而訓子純乎一念

之誠惻然還之故全體皆仁也雖活數千萬人又何以加哉卒之不內交而交自投不要譽而譽自揚不希報而天之報者自厚義利之辨訓子之義不假議擬而胥符不爽者只一念盡之矣噫大哉子心惠何足云

書克齋卷

昔孔子告顏子以克己復禮為仁以非禮勿視聽言動為為仁之目蓋吾心之發用未有外乎此四者也視聽言動而溺之焉已也視聽言動而止之焉已也視聽言動而不溺不止焉亦已也禮者中也即吾之性也仁之體也固不可絲毫容意於其間者是故無思慮寂然不動感而遂通不識不知順帝之則克之至也或曰克者但克其物欲之私如視聽於聲色之類勿之云爾則淺乎其告顏子矣大司徒甸曲王公以克名齊蓋究夫克之義仁之體學顏子之所學者也敢以寡陋之說書請正之

重題王孝子卷

德行本也文藝末也孝為百行之原而王子事母至孝割股廬墓為人所難蓋有本矣文藝不足為有無也吾不欲王子之為文也夫孝於一時一事猶可為孝之全體大用不可為也故曾子曰行父母之遺體敢不敬乎居處不莊非孝也朋友不信非孝也然則孝者豈特一時一事而已哉是故庸言之信庸行之謹因割股廬墓而擴充之以得乎全體大用則左右逢原無非孝矣然又何以加於孝乎文藝誠不足為有無

陳康事稿

卷之五

孝

祭吳子旬陣亡文

嗚呼子旬人生斯世為斯官盡斯職而已爾於往歲分總臨觀脩城垣治器械嚴號令選士卒均勞逸折巨宦之私船不為勢奪犯上官之深諱不匿賊報此爾職之所能也若夫今日海寇內絕其交不使人資糧以授刃明其為賊毋令稱良賈以縱橫附從則按法必誅奸細則雖微必察根本既除枝葉自落吾浙生靈庶幾不為塗炭矣知爾有識素懷忠憤然以非爾職之所能也近賊犯赭山逼於省城官軍屢北城中騷然爾乃奮身而起督率義兵直趨賊所擒斬殆盡焚其巢艦大呼於眾誓滅無遺乃為逸寇奔突竟卒于敵職斯盡矣嗚呼子旬人生斯世為斯官盡斯職而已爾初辭家以往爾母爾妻牽衣共止爾乃斷裾而行無一毫兒女之態忠義所奮何其果耶及臨敵交戰指揮張麥等所部之兵先已望風而散後賊勢稍歛邵兵齊赴賊舟取利亦還爾提孤劍獨當一面遂與家人永福俱歿爾母痛哭屢絕醫而復甦如狂如瘥吾

陳康事稿

卷之五

孝

女屢日不食瞑逝終夕幸回奄奄之一息道路聞之無不墮淚况於予耶聞爾侍妾已懷四十五日之孕天道有知當延爾嗣萬一非男爾毋爾妻之存吾夫婦二人亦能顧恤吾二人雖老吾覓天性友愛豈肯忽然且自古忠義鮮復顧家屬鬼殺賊英雄之志元如是耳今海寇日盛遍布浙之東西殘殺無算事幾屢失吾何忍觀生不如死而今而後知爾不為賊臣以辱身辱親幸矣尚復何憾哀哉尚饗

北庵集

卷之三

五

祭楊涇橋陣亡諸兵文

嗚呼某為武職大臣捐軀報國分所當然而爾等為我而來對敵力戰俱殁于陣吾何安哉予謂蘇州南都相為唇齒欲固南都必守蘇州此守一固則自蘇以北常鎮諸郡皆無患矣况江南財賦國計所關故與爾等盡力於婁門楊涇橋之拒戰詎意賊眾我寡不啻數倍勢不相敵竟不能守俾爾等死於無功其誰之辜吾何安哉夫自海禁一弛而貪滑

競趨勾引諸夷患漸至此是豈一朝一夕之故哉今失法禁而至兵革遺海外而守蘇門策亦下矣蓋非得已也時予與爾等同冒矢石不敢先退流矢中胷溺而復救愧不與爾同歿然幸苟活收爾骸骨使不為魚鱉鳥犬之食聊盡予心嗚呼吾何安哉爾知夫人之有死夜旦必然親上死長人之大義今我倡爾以義使爾皆為國而亡不亦美乎夫復何憾尚享

祭孝豐義士吳石田陣亡文

北庵集

卷之三

五

某病居武林時知孝豐有豪傑倡義兵討逆賊江天祥者矣然不知為石田也近日少溪茅子見過備道石田之事且言其才可併為致之昨來相見甚惟握手如平生方將與石田商確討賊之計以安江南而不幸遇賊猝至不暇為謀竟殁于陣嗚呼哀哉使盡爾之謀亦必有所建立當不寂寂已也嗚呼惜哉時盜方擾攘蘇城盡閉人不敢出越二日方遣人遍索得屍子亦中流矢傷甚倉忙收殮聊盡吾心嗚呼痛哉

尚享

祭忠義文榮陣亡文

嗚呼文榮爾事吾子學業夙興夜寐勤勞匪懈
經籍圖史收帙整然吾子視汝猶左右手也每
以時亂暇則嘗習弓戟諸藝故吾行遣汝事我
汝之慙慙固無異於吾子之事我而我之視汝
猶吾子也昨隨我於楊涇橋之戰與衆俱歿索
屍三日不得近方得之於屋端左手執弓右手
執石汝亦何所為而然哉嗚呼文榮世方以愚
為忌汝主之愚至矣汝又從而愚焉其不為世
所嗤耶而今而後汝復何愧歿斯寧矣愚者所
得獨賴有此汝知之手尚享

策問三條

問天地一氣也生於其間而變理轉移之者人
也故論天變者必本之人事蓋人事動乎下天
變應乎上切於影響夫孝婦含冤三年不雨鄙
夫結怨六月飛霜是以一人之氣足以干天和
而致變有如此者而淮之人自歿自縊死者甚

衆所司申報殆無虛日其有司匿不以報者又
不知其幾則怨忿之氣上干天和者多矣今淮
災患頻仍歲屢不登未必不由此者古謂大軍
之後必有荒年亦以橫罹者之不得其死故干
和而致災也是豈地方細故深用憂惻然必何
如而可以使其不爭不殺招和致祥共樂堯舜
之世也耶願有以告我

問盜本民也赤子也捕而殺之君子所不忍焉
古人弭盜于未盜者蓋必有道也夫盜賊多起

於地方之飢饉而淮海貧民日甚安東近有殺
人之盜及所緝獲者則皆東門下閭之民私販
為生者也或曰近日鹽禁太嚴人無以為生故
相聚而為盜若然則將弛鹽禁以弭之乎比年
以來邊事日啟正仰給於鹽法而鹽法之害莫
甚於私鹽之盛行則鹽禁又有不可得而弛者
今此盜販之民竟何業以安之而使不為盜乎
古人已試之方不識復有可行於今日者乎抑
惟嚴緝捕之令使之畏法而不敢為乎弭盜安

民固修于家者所必講也所幸勿秘以裨寡識問稼穡乃民生之本實為政之首務而王者致職必曰田野闢重民生也今淮土地荒蕪不治者十之六七雖膏腴亦棄焉豈淮民果皆逐末所廢耶抑或有欲治而弗遂者夫民之情猶水火也在因其情而導之方其逐末也固未可據抑其末然勸課之令自古所先不可一日廢者若撫其流亡勸其耕耨若牛若器若食若種均量給貸以助不給則荒蕪漸闢而民生必有賴矣或曰吾淮水溢不時縱然耕治隨必淹壞不則亦為蝗蝻所食恐艱於獲徒費而勞不若使之長草則猶可刈而為薪也或曰不然耕獲蓄蓄常理也旱勞蝗蝻災變也虞其災而廢其常不由因咽以廢食乎束手視斃非計之善也二說不知孰是願聞定論

玩鹿亭稿卷之三終

玩鹿亭稿卷之四

四明萬表著 男達甫編輯
孫邦平校梓

東

復錢緒山放心說書

緒山子示我以求放心之說既聞教矣願有以復之夫仁人心也心則仁之體也由是而達之正路也即元而亨也四德本一元也學問之道無他求其放心而已矣而已矣者盡之也謂求

放心之外無復有由義之功也今子曰求之未放之心使不馳於物無乃有以制之乎明明德者明之也慎獨誠意者勿欺之也尊德性尊之也盡其心者盡之也存其心者所以事之只奉承而不違也孔子曰出入無時莫知其鄉惟心之謂與蓋心之體本如是也然雖曰出入而實無出入雖曰操存舍亡而實無存亡也學問之道求其放心者蓋欲因其已放之心而求之使得其體也故曰求而不曰收求則尋求義也苟

求得其體則千緒萬端昔之紛馳而放之者悉皆得之無復遺也則無放與不放也不得其體雖時存之猶放也以心制心是二之也行其所是而去其所非其取舍之心乃知識也非不識不知也非感而遂通也非乍見孺子入井一時怵惕者也亦二之也子謂性不可離又惡得而放則得之矣而又云馳乎物者又誰馳也敢以是質之

讀錢緒山叙思樂書

此處李橋

卷之四

二

讀緒山子叙思樂之什文則美矣然於言樂若有未盡敢述所疑叙曰樂者心之體也學者所以復其體也不學則私勝欲流而戚戚然憂也又曰君子之學以全其樂也其不容不學以遠憂也夫樂固心之體而喜怒哀樂四者皆樂也子以行歌泮堤油油然之樂為樂以為復心之體也則喜怒哀樂之時為非心體乎若然則是心體為有間斷也喜怒哀樂聖人所不能無子謂聖人非樂乎孔子謂顏子不遷怒非無怒也

蓋心之體即太虛也喜怒哀樂心之用也譬之太虛則雷霆風雨開合往來無非太虛景象子獨以晴霽者為太虛乎是故君子求得其體而已矣喜怒哀樂隨感而見所謂左右逢源則觸處逢渠者也又何疑乎惟其喜怒哀樂之一體也故曰常樂故於富貴於貧賤於夷狄患難但據目前隨所顯見無非一體之流行而此體未嘗或昧此之謂無入而不自得也然非窮理盡性至命何足以知之是以君子貴窮理也子盍

此處李橋

卷之四

三

曰二三子今日行歌之樂於拂逆憂惱之時其懷抱景象殊異究竟其體是果同乎異乎其中或有一負性命者不作文字見解便能聞言即疑寢食弗措唯然策發親到孔顏樂處其為樂也至矣若只以行歌泮堤油油然之樂以為真樂不復會其本體則樂亦是苦耳近來狂夫之言更覺狂甚惟吾子擇之

答劉省齋都督

久遠侍教甚切瞻思每接手書恍如對晤况益

以厚幣之賜拜領感愧公金陵間氣武弁超楚
氷蘖之操始終一致而持政奉公如保髮膚雖
權要之言不為少徇人所莫及此素所仰服者
也奚待詢之人而後信哉公亦不知小子矣但
公過於自信而不相時進止所少者此耳其他
於公何損耶辱愛知不為罪即今公論自明殆
必有為公白之者矣某山野放廢大不成章無
以宿疾未瘳已分終棄詎承此命何以克勝
強力疾誠非獲已況此地衆所競趨不揣孤立

此處事稿

卷之四

四

鮮不仆耳公固識之有言不盡

荅楊文峯戶部

比來養病山中人事俱廢無便奉候懷仰渴然
適領手教知兄惓惓不忘于此只此惓惓不忘
便知造詣日高矣性命玄妙更無可議擬易簡
超脫只在妙悟則自然易簡超脫如欲得易簡
超脫便不易簡超脫也蓋悟人即其碍處便是
超脫今之超脫便是滯碍此即謂之玄兄云不
能超脫者非在世緣在此方寸則深得之蓋欲

於方寸不超脫處不要放過極精研思不要隨
人言語文字作解自然有箇悟入處則脫洒滯
碍自不相妨也蓋即此方寸滯碍處便是玄關
便是格便是叅性命之要無出於此除此便無
處入頭矣千萬珍重

與白溪張公

某昔叨侍教未久即違殊切瞻戀後以病歸山
中人事俱廢曠問闕然頃復被

命承乏於淮懷仰遺風益興山斗之望淮人之

此處事稿

卷之四

五

思公如鳳鳥一鳴為希世之瑞耳蓋時久脂常
尚同而公以直道行之固與時違其於地方
國計真誠懇切持法據義裨益多矣公所撫之
地所督之士頌言嘖嘖無處非碑也茲北上道
過鍾吾咫尺不能趨侍教言停舟耿耿謹以專
人奉候不盡傾仰之懷伏惟台鑒

與傅虛巖

行時三承手劄示教精義極荷不鄙別來冗俗
不可言今久不奉音教殊耿耿也近日道念如

何弟之所以惓惓於兄者蓋欲兄迴光返照直窮性命一切文字知見於生死岸頭俱用不着宜皆棄之惟獨觀自心以為究竟則玄關在此藥物在此火候在此庶不為一切聖賢言語所瞞且不辜負已靈也惟細心察之弟雖冗俗於此第一義終不敢忘古宿所謂生死事大光陰迅速真可為懼不當以此戲論耳何日對兄一細究之悵然悵然

荅馮真所憲副

現庵手稿

卷之四

七

白河幸會甚慰渴思未盡請教復爾聯遠殊悵然也清濟領手教并新曆多儀之及極荷記存豈勝感慰道德經則併領矣公謂老子明物理之書貫徹天人不可強合以吾夫子之道未易窺識其端緒今吾夫子之所傳只章句文字為科舉之學外此則以性命之說傳習相談夫性命之微但當心悟豈可言傳然知夫子之道者鮮矣誠強合也公意向超脫留心老氏一書而究極精微深所仰服更望于吾夫子之道併精

之則老氏之說自見願暫屏二氏之書惟究自心更為直截必當一旦貫通矣如何如何敬因還使漫述正之有便惟不靳示教千萬前許佳佳何不併教豈忘之耶

荅傅虛巖

現庵手稿

卷之四

七

別遠漸遠想仰殊渴兒輩來獲承手教惓惓愛念之意感服何可言日來委覺塵勞習熟與初出意思景象若有不同乃知一切忻厭皆習也讀兄所示語言文字之說反覆論辨謂不可無弟亦未嘗盡謂無言蓋為兄諄諄以語言文字見解便為會道故不得不切切以屏絕言語文字為言然道本不立文字亦不離文字如來教云只在自已心上照破會得道之本原方可忘言似為近之若夫養生之說煅煉全形非弟之所知若金丹則全言性命不落形氣故參同契者參同此理而已悟真篇者悟此真而已此二書之要旨也兄之高明足以識之但恐心欠細欠虛未免扞格更願察之如何昭慶寺功成甚

賴留神可喜亦存一方古蹟也餘杭砌路事已
論臧省固是然亦當圖堅久之計工程雖大豈
一時所成固不可責效于旦夕所前分水諸曹
牌面相臨亦有之蓋行之諸有司者內脩勅
語未免及之承教亦感相愛之切毋過滯母專
主二語深服之矣人便草草附謝尚容嗣布

答羅念菴太史

別來每忽念兄思即相見而不可得欲致書以
達所懷又卒無良便後遇便羽又為事擾非前

此處手稿

卷之四

八

所懷是以因循殊曠修問耳果齋至獲領手書
欣然失笑知兄捻着此繩頭也所示語言皆無
證可見兄之夙發真心固應有此入處然雖如
此只是解悟未可據以為是正好着力研窮必
盡去此礙膺之物觸處洞然頭頭明了此便是
盡心知性須一毫不容自瞞過去為好第一要
遠口談性命之友俱其任混轉為所蔽不見自
心大抵海內要尋一箇真下手人真在性命上
研窮下工夫者實是難得此曲真如陽春白雪

和固應稀也第二要將一切世事俱看得破萬
事如幻得失俱幻是非亦幻方不礙此性天作
用千萬愈切精彩如鑽火逢烟切莫住手也第
居此豈敢曰火中之蓮出力擔當還須退步倍
加精彩煅煉始得不然自贖非淺自家跟脚不
着地焉能與人救火耶夢瀑一向在九江金陵
等處漫遊前寄六書統之未達或因是也果齋
事因制中兩司俱自揚從陸故不及會已托相
知轉言之矣洛中事因不相識不能為達聞令

此處手稿

卷之四

九

即中痘甚稀此大可喜春深能至淮上一會否
偶尹子談及何善山在儀真附書最便聊此草
畧諸惟希有以鑒之

答劉西巖

萬里之別一去五六年竟相阻絕往年奉
命南徂又以病返想念何如也石漢回領教甚
慰去歲過鎮江會沈紫江公又得兄寓粵之詳
如與兄對且聞留心儒佛二教之辨畢竟何所
分別然此恐須精辨吾心乃可辨二家耳第比

居山中未嘗敢廢此學未嘗敢外吾心而作他觀一切文字語言於吾心終無干涉不復敢求其義亦以光陰迅速性命在我年已半百生死無期吾暇乎哉近來力疾于漕亦甚勉強適逢全運便難遽脫只隨事役役而已於此心此理其何能忘但不得與兄一晤以致商確耳

答傳虛巖

屢枉手教惓惓義理之精論極荷德愛不以鄙人為不足言而棄之豈勝感慰但愚弟芹曝之

味庵手稿

卷之四

十

誠欲兄捨詮求理因文見道故也欲明其分合之微洞見道體之妙不於吾心求之殆緣木而求魚耳所謂參訪傳授講論亦即討箇入門路頭取證吾心所見之理曰藥生曰和合曰運火曰溫養者又豈外乎吾心哉兄當更思之道經贅言昔年寓江右時所成附上一冊請正之暇時幸垂細覽勿以弟為虛談不根據以覆釜如何修路事聖堂僧已回當來候見乞與商之周道執一而不變通誠然他僧不可信似不

敢用吳子兄謂花酒狂士絕不知道甚是甚是而其却病之法亦不可盡誣同野文谷南衡必試有明驗乃信弟固未嘗行其術但人之有病咨及者遂舉以告之今承兄教當不復言其行之可疑處固亦知有所避忌耳其泥水之說不聞不聞方崖道長再三托致謝意併聞

與聞石塘冢宰

前因人便具啟奉候諗當達之門下矣昨見榮轉之報無不稱慶如久旱積思而沛然得雨不

味庵手稿

卷之四

十一

獨某一人之私喜而已也公碩德重望久繫天下人心況遲以十年之轉故惟騰快覩人人自不容已仰惟留意蒼生諮詢采擇蓋非一日所以答天下之望者固蘊之素也不勝翹仰之至謹狀賀聞

與王同野兵憲

豐城之賊今如何或當撫散未可專攻也此不可與之持久須早撲滅當此困窮之時恐伏匿覬覦者不止一方更有乘時而起者則從此亂

矣今年歲首白虹之見太白光芒火星入壘壁皆兵占也望公深留之意而勿輕之地方仰賴茲黃岩胡思嚴者乃翁東崖之故人近以邊事行取道便因令一見扣之或必有行兵之妙術耳諸不盡

又

卑鉅之賊知勞智冀想不日就擒矣聞今困于竹林中未知信否但只坐困之撫勦俱易然窮寇弗追不當亟成功也淮兵甚弱又無器械誠

東庵集

卷之四

七

不可用况非邊衛常調之兵法應請

旨今梧翁倉卒調發蓋欲為公聲援耳先聲後實固兵家之言而淮城太覺空疎奈何以寇若不早為撲滅使之延蔓地方真是無備惟側耳捷書也蔡冀二人所領兵快惟公裁度用之愚意且令守房村下邳等處勿遣出境如何是亦以為聲援而又不失法意矣蓋慮以兵既無勇力而又無利器徒取地方輕笑故贅及之

與沈紫江總戎

相隔不遠末由奉晤耿耿然公西南名將士論共推江淮之借誠淹台節新

命固似降屈然為地方有事而用蓋所重在事不在官也將來兩廣之印非公其誰佩之幸願安意大策奇勲以答

當宁之望俾同袍庸末亦預有光不勝傾仰耳謹狀

答傳虛巖

昨領天象之教未一月即有嘉祥妖賊之變勢

東庵集

卷之四

七

甚猖獗合山東河南徐邳數萬之兵未易撲滅我軍每戰輒北奪神器而殺官兵延蔓月餘近得山東曠徒之捷殺戮頗多賊餘黨西遁矣兩淮無兵又無器械止有老幼千餘以為城操此實天下喉襟重鎮也可慮可慮所示八月之應如何舊治興化至買民田民為坐害者曾為言之梧翁及陽岡道長聞越望諸公而道長之意終存灶丁耳今灶田清查新舊越望之意頗公稍革其害知兄留念併聞

答張石里儀部

屢枉教念感服厚愛不可言比來病冗每違啟候殊闕然耳今年全運藉庇苟完比上年差早一月昨晚報遼東之火往套之寇俺答之請邊事皆有可憂即圖糧運早納未知如何如某稍俟會議考察本發隨當力疾督催北上矣奉教之期量當不遠昨者山東之寇地方甚覺無備觀此北虜之患中原更較可慮蓋心腹受病不可愈也兩淮為天下喉襟之地今無一可用之兵

北庭集稿

卷之四

五

動輒召用鹽徒甚非可久之計即今武備誰復圖之惟苟延目前耳近日之事倉皇如此皆以無備為言及事過即已何哉昨汴塘所調之兵其情叵測亦甚危也公謂事在今日動見掣肘誠然所云業有七八分即已幸也豈敢如此過望蓋得三五分亦難自達山中役役一年世味倘嘗時勢倘識但君子惟當見吾心而不見事苟事必求可功必求成則吾心本直焉為以委曲固君子之所不道也不知有道者何以教之

入夏諡道體清勝承顏加慶為慰近喜榮轉儀制

朝廷增重蒼生有待尚客躬賀

答錢緒山

雲舟來領教甚慰第居淮役後所謂倚毗屬望者全未全未而今覺得政事着些心不得轉為所累只隨事處事稍覺省力也尋常心中順逆得失冷冷熱熱往來來以理之常亦稍識破亦無可去取者耳吾兄何以教之讀尊翁雲夜

北庭集稿

卷之四

五

吟集句句皆從胸中流出非詞章之學所能窺識客贅數語另當寄上俚說一章附請教今年全運幸俱過淮七月半邊當議北上矣

與萬養菴萬履菴二宗丈

小兒寓荆溪辱惠愛稠密可謂至矣言何以悉謝聞二兄居喪守禮之甚雖哀戚之情自不能已而亦足以範俗賢人君子在邦在家何往而非利也趨候無由惟以瞻悵弟以來諸冗不甚着意遇事亦不敢不為之盡心悠悠度日而已

梧翁近甚相信事無逆者淮中上下小大亦頗無間不無絲粟之益大抵一切事功真如浮雲太虛於我若無與耳賤體夏來多病昨力疾以行意太懶散山中之念時起時息終不得消磨如何茲遣小兒終業望頻垂指誨乞以猶子視之勿云客禮則友誼宗情並敦之矣

與馮真所憲副

向夕舟中清話爾我俱忘可作一場鼓吹別來至清源人皆頌德雖嚴子亦甚服公蓋如真金美玉隨處光明不昧本色故也以後不知于何地再請教承使遠道因還附啟言謝不盡

與楊禹峯兵憲

別遠甚切懷企昨過德州不及奉會豈勝悵然但聞德之士民感頌德政而已亦足深慰吾兄明道君子作用自別愚意於人無所不愛則為慈悲貪官污吏之害人者毅然去之惟恐不速則為解脫二者惟公所行但隨時節因緣一見之耳吾何心哉不知公當印可否戶部戴渾華

磊落不凡者也一見甚契公朝夕與處金蘭之好又當何如許守倫亦可人最謙謹者幸加禮之使各盡其職則陽春化育自廣大矣辱道義愛厚言忘狂僭冬還道當復經必得侍教舟行匆匆布以不盡

答羅念菴太史

疊領手教句句皆析精微從此精進直造更無話說第意常疑兄亦相似語非實際理地語然所可疑者目前有三欲回諸公赴匡廬之約是

北來書稿

卷之四

七

一與何善山寓書辨論是二念念接引諸友是三兄當於此三處細察之於自己實際理地尚未相應尋捉得手只在舊根上發用故也今若真實為此學一切且當不顧蓋不是顧人之時古人只了自己便是顧人真切處也故成已所以成物明德即是新民其於諸惓切處總謂之魔然亦于人無益不過文字見解而已總是葛藤牽纏他日兄當自有驗處偶病暑頭暈盛价欲回之速力疾數字不盡請教何日晤言對使

悵然

答何總戎卿

勲名威望傾仰有素淮上每會月梧公讚服不盡其前歲秋暮入京時公出城未久不及一奉晤以慰平生豈勝悵然但見潤菴公竊聞雄畧耳願見之私如何可言去臘還淮舊疾復作至今伏枕忽拜雲翰顧承謬愛之深感愧兼集白草之功非公夙望素懾蠻夷更誰成此也敬因便羽聊具短狀上聞力疾甚畧尚容別啟

沈夷齋

卷之四

七

與沈夷齋海道

別又隔年馳仰恒切近日海上多事邊備久廢知勞整飭士民仰藉但事勢誠有不可責効于旦夕者固須從容窮治其本而姑先其末則地方賴安矣近日来持通市之說者漸多以所謂因弊變法而不知體者也敝府在成化弘治間並無通番者亦從無海寇之擾正德末年始漸有之然亦只一二人可數今往通者不可數計海賊之擾年甚一年亦不可以數計矣使先嘗

通番元無海寇今因禁而致則當開禁以通之近日海寇之多實因人頑禁弛所致其受病之源蓋可求矣知公於此固已了然不敢復贅日來科中所言未識地方機宜故耳公實心實政而虛以受人根本之病久而自除軍食久而自足邊防久而自飭若夫目前之擾只少紆籌策自足以驅之矣生自謂知公為獨深也豈勝顙仰伏望安意地方幸甚近有一儒者挾兵術過淮觀其法畧頗奇不知試之於用果皆驗否知

沈夷齋

卷之四

七

公為地方之寇所留意者謹以其書奉獻併為引見請一一試之如何

與吳劔泉少卿

往夜造宅上樓後聞道舫嘗至善卷愚父子時即返杭乃失奉晤嗣有漕命匆匆奉役北上既違再造孱軀力疾困冗並奪問候闕然豈勝罪歟都下獲頌董後峯所寄雲笈益感存記去臘還淮一病至今尚未全愈春來恭諗道體康強開情曠逸殊切瞻企每至灣中督漕會通輒思

功德真垂無窮之利然不特省費而且進速比
年全運若非此河則湖廣浙江之船俱凍阻矣
每見經紀船戶追思公德至於感泣昨已磨碑
往求龍湖公文章托舍甥朱生催文刻石容另
報聞

與唐克菴

小兒遠勞令郎枉教非吾兄過愛篤於道義通
家之好詎可得此知感不盡但兒輩頑稚不足
施教杭寓乏人有慢令郎恐得罪耳弟病疏不

此唐克菴

卷之四

十

行比來漕事日集過客日煩病體甚艱周旋但
覺精神不足支持不去為之奈何較之吾兄悠
悠自得尚論古今發舒志意心逸日休者豈不
帝天淵乎道經贅言乃臨江客邸一時漫題但
據陋見亦不曰老氏之意果如是也弟平生每
求自信自覺亦以為必欲得古人之心先得吾
心古人之心元與吾心不少有異若只以古人
之心求之便覺有間故耳幸有以教之如何老
氏質疑心粗尚未精閱病中口偈附呈

與羅念菴太史

與兄別後冗俗不可言祇覺紛雜應酬心每煩
厭亦有時洒落以心委之而已但景象頗異不
能常洒落也實有非調抑寬散能安舒之者縱
得安舒亦不能久惟常寃以宗起落難易令安
穩不疑耳時憶同心不覺吐露尤一念真實不
為戲論海內相求豈可再得驛中別言意各懇
懇豈非古謂眉毛厮結者乎但常不向外求只
從心究所謂寃中捉驚知無走失必於學問見

此唐克菴

卷之四

主

聞上漸漸移動平日所愛書籍忽置不用方是
入道得力處也否則恐終不離自己窠臼如何
屢辱手教深感愛切相違愈遠不任馳情弟初
六日領 勅初十日長竹卜念六日到任候至
准有便更當奉啟不盡

答章三洲祠部

兩承翰貺感荷高情賤恙近稍止衄尚覺頭暈
心跳蓋因勞所致不敢復勞耳攝生之說素每
畧之不欲於軀殼上起念祇添心上一種纏擾

切謂人生修短有數不可以術免者高見如何
金陵僧人別久已無相知然知道者本少兩往
來者亦不過迎待之雅借以偷閒耳高廟實錄
為小兒盡卷而還昨已奉告非敢為秘病中他
無所聞敬因使還力疾裁謝不備亮之

奉張半洲總制書

某病側居於事百廢曠遠奉展豈勝歎甚恭喜
特起留都揔握機務適吳浙海寇危擾之日此
天意有寄也不勝仰切某昨復補中府聞

建康書稿

卷之四

主

命即行時江之南北賊正猖獗自集水陸兵一
千率領前來聽翁指麾稍為一助及至蘇州聞
江北之賊已退而蘇松之賊方熾度今事勢欲
固南京必守蘇松遂與本處撫按諸公詳議海
上賊勢舊者未去新者復來源源未已必先截
之海外庶斷其源先將水兵四百發往江陰駕
領福船一百往太倉州支領火藥軍器復往江
陰下船出海截殺隨報海賊百餘自嘉定太倉
而來某率陸兵五百禦之至楊涇橋地方拒河

而守不意賊衆數有二千乘勢長驅一日夜過
崑山沿途放火劫殺直趨婁門某親與衆兵同
冒矢石督兵力戰殺賊二三十人衆寡不敵遂
為所奪某亦被賊矢中胷溺而復救與疾入城
先松江賊急蘇州諸兵俱發松江止有山東兵
五百守官瀆橋更無他兵可以應援者某病瘡
頗重心脇俱痛不能帖枕席而各賊沿城劫掠
四下圍燒恣肆已極聞南匯所復報賊船一百
七十隻登岸嘉定縣報到賊船八隻松江元有

建康書稿

卷之四

主

賊二千恐其相合而來大不可支今蘇城十分
危急且聲言欲往無錫以至常鎮二府勢逼南
京某甚憂切昨已急遣人往調水兵四百原往
江陰駕船者今暫回無錫防遏尚恐兵勢不盛
又為所奪乞如翁近日所題亟命韓璽或路正
賁銀募兵星夜前來無錫地方併禦方張之虜
不勝幸甚然截之於蘇常地方而後南京可固
也某陸兵五百陣亡一百有餘發回殘傷併病
弱者亦有一百餘見存二百共同水兵七百俱

在但各兵所食口糧所用兵器取之各府似亦不便耳謹差舍人董甫間道馳狀以聞病不能詳伏惟台鑒賜教祇候

又

竊聞海寇見在松江地方者尚有萬餘每欲渡湖西來其勢似不可止一過蘇州則勢逼京城誠不可不早為之備所謂毋恃其不來恃吾有以待之也詩云迨天之未隕雨徹彼桑土綢繆牖戶於時亦晚萬一果來何以禦之今城以內

現應事稿

卷之四

書

則宗廟百官城以外則有皇陵使少動一杙土其罪誰歸可不慎乎所關重大豈當惜費若夫明春風汛賊來必多相合之勢殆有不可言者某病垂絕之餘即今稍回一息日夜憂惕伏枕思惟敢以保護京陵數事冒陳采納至於戡兵分守蘇州至王宅楊涇二橋防賊之西來以保松城募彼土人為兵使知道路且止饑荒之民相率從賊屯兵要害為堡設險固守嚴戒松江住寇出沒之路時復運謀出計相機剿

絕以祛宿患設布兵船於寶山陳前殿前諸山遠近之虞以防賊舟之繼入募撥耆民沙兵分列劉家河吳淞江各海口以為重防嚴飭浙東海道之兵或召募屢年出海人民併力巡邏遇到截殺使不得過馬稷下八等山以為浙西東吳之害如以此則今冬明春之事並舉無患然此皆非某之取議也今特守城事宜開列于後

計開

一守狼山竊以陳前殿前等山皆浙西蘇松通

現應事稿

卷之四

書

泰節中之地松江見賊萬餘俱入寶山內河恐其乘便揚帆徑過狼山不登餘東各墩以擾通泰則從圖山金山直至上新河登岸燒劫便不可禦京城驚皇矣必會操江并江北巡撫衙門亟行造船設兵給與火器刀杖應用器械擇官督兵晝夜以守過賊截殺不使入擾此非大福船五隻蒼山大鐵頭船一二十隻不足守也今鎮江見有造完大福船五隻可以應用金山圖山各設兵船或造車輪船一二十隻以防狼山

之失守此備賊之舟來者也

一練營兵先當擇各營把總中之才力可將者數人量其才之可將多少則與之多少令其自選精壯堪用之兵并舉堪為副裨衛總一員以分統之每名日給口糧三分常川操練聽候征調遇賊報警即遣各官領兵分守各要害地方務令盡力拒戰仍令坐營將官督之如各營無可將之官則於各衛選取更換不失營規選下不堪者或暫令休息候警分派上城防守如以

北地事稿

卷之四

五

一守要害彼賊過蘇常而來則丹陽入句容鎮江入岸渚龍潭二路俱為要害而丹陽句容為最若入宜興則溧陽溧水一諾為要須當預先多造火器等項齊備一聞過蘇即於三路各擇要害賊所必經去處暗設坑陷密埋地雷無以伏弩窩弓之類并多列弓矢銃鉤以待之彼賊豈能飛越蓋我軍之氣多弱若不設險於前使

之膽壯則未有不望塵而退者未易守耳此備賊之陸來者也

一備應援南畿無賊之郡必先檄其各選民兵照郡大小定以多寡擇官統領備處工食毋令缺乏操練聽候或差官各歷點驗務在精備一遇軍門牌至即便星夜前來應援如違時刻坐以軍法先令其各將選委官員職名由報所選之兵不拘召募僉報俱要精強不許將無用民壯快手迎接應役赴食之徒充數誤事如此則

北地事稿

卷之四

五

應援有備而京城無虞矣

一設遊兵夫既以營兵守各要害若不增設遊兵以為策應則各軍孤矣雖檄各輔郡之兵為之應援然緩急恐難卒濟必選謀勇將官二員令其自行召募務得精兵二千分領屯駐城外時親練習或委部司官二員監之遇有警急左右往來策應或京城事勢稍緩則命率領南去相協諸兵征勦此居重馭輕之所不可無者蓋京城事體重大不宜惜此小費而不為之備也

故曰有備無患且物之不齊過物之情集以千夫自不能一少不循矩但當嚴飭以齊之則久而自安至於慎選責在主帥如此必無他可慮矣

又荅張半洲總制書

某病中聞翁無總制之命不勝喜劇 宗社生靈並有賴也方將奉啟而忽拜使翰祇領感慰某雖駑鈍敢不勉承以備奔走但賤體素弱遭以傷溺復患泄痢力不稱志殊負知愛為可愧

北唐書稿

卷之四

主

恨昨賊過吳江浙兵五千禦於王江涇我兵被傷數百殺總督夏光千百戶數員徑往嘉善聞今已至松江矣敢以所聞所見忘其僭陋為翁一陳之近日山東募來之兵損傷頗重全未見斬獲之功地方每為所擾今

欽募六千若與無異恐不足倚大抵江南地多水田溝港真英雄無用武之地此兵至以墮水不救者甚多狼兵終比他兵勇猛昨被殺數人亦不敢出都司周應禎募來徐邳亳州之兵至

浙中者亦有可用但難駕馭非統領之將官得人審識机宜而善用之則兵雖強多然未必能成功也以此渡河涉水如飛一半收用吳民故其道路極熟抄涉涉徑曲折皆知而各兵至以此先失地利每為所陷其埋伏一起橫衝中後如山東長鎗手一時已過者勢不可折旋後者亦無所用技只棄鎗奔走而已從其追殺此皆已往可鑒者也往時此賊用兵零散或一二十人或三五十人多則百數十人神出鬼沒使人

北唐書稿

卷之四

主

莫測以此番二千之賊布旗列陣分作三路齊來又與往日不同賊中似有善用兵者為之主張耳蓋自用兵以來只水戰每勝陸戰往往失利蓋陸戰彼之所長水戰則我之所利也但一登岸雖數十之賊千兵不敢近為今之計必召募寧波下八山兵相兼太倉沙兵領駕福船數十隻更調蒼山大缺頭船百隻截之海外去者擊其惰歸使片帆不返來者乘其未備使一帆不入則杭嘉蘇松江陰并通泰淮北諸處俱可無

虞明年之事斯不足憂也謹以海圖呈上審裁
蓋比之陸戰事易而功倍惜上年之不為此耳
地方安危全在此一舉今年似不可再失如寧
波定海兵船數多但令參將俞大猷率兵至上
下九山大洋往來哨捕則浙東諸郡可無虞也
今南漚所船二百二十隻賊數量有萬餘聞皆
飽載而將去者近報嘉定新船一千有餘亦過
松江其崇明南沙大船十三隻聞是新來尚未
登岸今陸兵之計但當以守為戰如蘇州婁門
外楊涇橋地方乃嘉定崑山太倉賊來衝要之
處當築敵臺開戰場置河棘立墻屏設埋伏屯
兵二千拒河而守雖千賊不能踰齊薊二門之
旁路近可以併守此守一固則自蘇以北常鎮
諸郡皆無患矣常州只守靖江可也今崑山太
倉蘇州閶門一路皆為所掠再有賊來不擾蘇
城必至無錫一過無錫則宜興瀝陽在所必擾
都下亦危所當急議若松江上海之賊由嘉善
吳江裏湖而北者則吳江水兵船數百艘自足

以禦之然非信賞不可使也今松江上海崑山
嘉定城外俱被殘掠無遺已是青野但令各城
堅壁以待時選精兵或用狼兵山東等兵漸移
賊巢近處擇地為營與之對壘其重船在港者
仍蒞沙船以火攻之先攻其所必救則陸兵乘
其亂而奮擊方可取勝極宜慎重計定而戰務
出萬全輕戰徒折我官軍益沮我士氣非計也
人以三處沿海之民遭兵燹之後耕植俱廢誠
不聊生勢必從賊於本處發銀募兵所費不多
必用精選每日照客兵給與口糧則人皆樂從
募得一千可省一千之賊然知路道且又可用
其利又愈于用他兵也若戒其口食去其雇值
則所得者皆非可用使其從賊亦不足畏者耳
前云閶門賊首乃是徐碧溪故獨獺如此今看
來不是若此賊來必有烏嘴銃未見有此故知
其非然亦此賊所引來者皆吾土各處沿海大
家造船雇人雇倭而來每倭一名用銀七兩彼

國王皆所不知蓋以倭為名正以自蔽况我皆指其為逆荒倭奴彼益得計恣意敢為夫此輩於海上得財寧復于海上享之必歸其家若使人務廉其跡則一繩之力耳此皆由海禁法弛所致豈一朝一夕之故哉然彼耳目極多凡一舉動彼無不知而彼賊之情我則懵然莫識但報賊來則便發兵往攻似太踈畧每多取敗實非知彼知己之道不得賊情而欲取勝未之有也此非重賞密遣其情豈可遽得大抵諸賊雖各方之人皆賊首王五峯等所引不費已之力不用已之財而以利使之競來殘破困乏我之兵力其深謀遠慮恐未可測殆不可一法以圖之所不能盡近日用兵全無兵器誠以其卒與之至于禦守猶以火銃滅賊于數百步之外者為先次弓箭次鎗刀次盔甲皆當急造然必精而後可將就苟簡未免債事仰惟我公為宗社生靈專茲重寄中外倚望敢恃舊愛偕陳懷息伏乞涵育賜擇不勝幸甚其再生之餘垂

玩鹿亭稿

卷之四

三

絕之息此心若有不容已者萬一調治稍痊尚當趨候指麾更容對悉不宣

玩鹿亭稿卷之四終

玩鹿亭稿卷之五

四明萬表著

男達甫編輯

孫學稼梓

九沙草堂

雜言

西湖之上有武穆精忠祠焉過者至今憤然意猶未平謂武穆之精忠如此而全家覆滅人則已矣而天之所以報施者何在也善曷以勸予曰不然天地之間只是氣之往來屈伸耳今人

玩鹿亭稿

卷之五

一

之生皆出是氣既出是氣則屬往來屈伸夫誰逝之蓋未有來而不往伸而不屈者也故日往則月來寒往則暑來寒暑夜旦之相推屈伸之相感天地不能逝而況於人乎自武穆之應募劉韜以百騎擒陶俊降吉倩也所向克捷金人無敢嬰其鋒席捲長驅盡復中原直擣燕幽不難也其氣之盛何如哉惟其氣之盛也故其屈之至惟其屈之至故今廟食千載而又一伸之皆氣之所為耳若例以天之報施論之則難言

矣

儒者不易稱儒者仁義而已矣不言利所謂利者只事求可功求成便是利也故孔孟行道濟時而終身不遇蓋不言利此古今之大儒也漢董仲舒正誼而不謀利明道而不計功之言真有儒者氣象孔明出師表曰鞠躬盡瘁死而後已至于成敗利鈍非臣所能逆觀也其所以稱儒者氣象者非以此乎夫必欲事之可功之成未免違吾心以就事與功也違吾心則違理違

玩鹿亭稿

卷之五

二

理則非道非道又可以稱儒者乎

黃河自野雞岡而下分為二股其自東南渦河而行者則為河身其自孫繼口出徐州小浮橋者則為支流然皆併合于淮以入海是故河流入海舍淮無他道也比歲庚子二洪水涸漕舟並阻議者謂為黃河改流予則曰非也夫河流遷改宜必有漫溢之處計今水道只渦河孫繼口耳今孫繼口之出徐州者既淤則當泛溢于東南之渦河而渦河之水即今亦微至可截以

壩也斷可識矣蓋自清河以至徐沛地勢隆擁節高一節如往年黃河盛溢之時則上漫濟寧其魯橋諸閘皆為渰沒而淮水亦幾浸城後水勢少降則自魚臺以出谷亭再降則由飛雲橋以出沛縣而淮水亦以次漸小又降而出徐州小浮橋則淮水亦漸平矣近年黃河之水日微故小浮橋之水淤塞豈特小浮橋之水淤塞宿遷桃源二小河亦塞今淮安河口合流入海之處可以蹇裳而涉也此徐水之通塞實本於黃

見虎亭稿

卷之五

平

河之羸縮豈關于河之改流也哉漕河原不用黃河之水惟用洸汶沂泗諸泉溝湖之水足以濟之渡淮而西皆是清水故名清河正統十三年黃河決滎陽至陽穀入漕河潰沙灣以達於海景泰四年都御史徐有貞塞之乃分流自蘭陽東至徐入于漕河以疏殺之而黃河始來然亦小小與清水合流清水七分黃水三分竝入于淮至正德六年水勢方盛行浸漫而衝洗之矣先是黃河未衝之時清河河道

皆狹水故易充然亦有淺故沿河俱設淺鋪每年轉運固無滯也後黃河水大來而淺鋪雖設而不用矣今觀二洪之舊堤宛然正是先年河道但二洪一向黃水浸漫一旦水落后出而清河一帶淺涸人心乍見不能無異其實則故河也蓋自淮達濟由會通以至衛河一路隄防只恐黃河之水衝入為漕河之害今徐州二洪以下一向反用黃河之水而忘其故及水不來則用工拖漕以引之日望其來而不可得此即所

見虎亭稿

卷之五

四

謂以病為藥也如酒本傷人之物而耽酒者一向沉溺于酒反以酒為生一不飲酒即欲死矣此非今日漕河之喻乎渦河在淮之南商船皆自淮入渦河至河南祥符銅瓦箱以達陽武陽武去衛河只六七十里議者欲鑿而通之只萬夫一月之力耳可以直至白河比之由會通河甚便且渦河雖比會通差險不愈于海運之險乎其言固近是但先會通河之役也築金口堰於充東而障泗水流西

南築堤城壩於兗北而障汶水以南注疏渠出漕流分南北南達於徐北通於衛當時會通河之塞自濟寧至臨清共三百八十里內止七十七里有小河可通漁舫其三百餘里皆為陸地工部尚書宋禮都督周長蘄山東濟兗青東四府丁夫十五萬登萊夫三萬以成之而開河建閘設官置吏所費不貲當時若可為豈有棄七十里之易不為而顧為其難哉今若鑿而通之則黃衛二河之水合矣二水相合則衝激非常

北唐李綱

卷之五

五

誰復測之其說決不可行以會通之運誠永久而不可易者也夫誰敢議若于衛輝府置倉每年糧運就以鳳陽等衛軍船兌鳳陽等府糧米者令由渦河達陽武陸路七十里輸于衛輝倉交納遇有災折支運至京則由衛河順流而下甚易以或可通且會通運船得以分減而河道船行亦為疏便可無凍阻之憂如昔年山東流賊之變運道不通京師阻絕則又可為事變之備殆亦一策但多七十里之腳價耳

海運為

祖宗已棄之策今人厭常喜異動輒以丘文莊之論為言此文字之見非達于事者也在昔海運歲溺米不止十萬計其載米之舟駕舟之卒統卒之官皆所不免又何忍復言若海運役以官軍則是以官軍船糧委之海也必欲為事變之備今浙江海船雖極遠番國皆能通之至京師或不難也松江府與太倉通泰州俱有沙船淮安有海鵬船嘗由海至山東寧海縣買米云

北唐李綱

卷之五

六

離天津不遠若以南京等總缺軍缺船衛分坐兌松江太倉等處近海糧米者求的當船戶厚與雇值量運三四萬石歲一行之使海道漸熟可為日後之備似或可行也

自古夷狄之侵擾中國未有中國人不為所用而能侵擾者也如近代之遼金元可鑒也夫華夷異類屋處寢食氣味絕不相同豈有棄衣冠而願為犬羊之役哉不得已也必有驅之者矣比年北虜入擾山西太原等府地方蹂躪殘害

生民塗炭上壁

九重之憂中外所上利害章疏日有獻納然所獻者類多擊截之計所薦用者皆善為戰善為陣之人而于籌邊固本久長之道則置而勿論夫用善戰善陣之人急于攻截捍禦之計乃一時救變之事如醫家所謂急則治其標者也今每替諸鎮之兵日事虜賊于一擊而他暇顧然卒不能以禦之如病者屢投以逐邪藥表之劑而邪卒不去元氣不為其所傷乎古方製參

沈氏手稿

卷之五

七

蘇飲藥表逐邪必用人參以先固本者深有謂也且諸邊自將權之移而邊政日廢矣自屯田鹽法之壞而邊儲日不充矣邊儲不充而軍士殍死者衆矣殍死者衆而軍心日益離矣軍心日離而故多叛亡者矣凡叛亡之卒虜人皆孿養之與之以婦使生子女給以牛馬孿息使有恒產土俗漸宜心無變反而後用為向導使為奸細故地里之迂近廣狹兵之強弱衆寡貨財之盈虛人心之離固將之勇懦昏知事勢之離

易常變皆得以知之而諸邊饑餒苦瘁之卒聞先叛亡者之有子女牛馬雖以犬羊不類然猶得以緩其死故相繼亡去而不亡者亦無固志是則深可憂者耳夫虜之來也不測而我之禦也無時諸邊日夕所慮惟以目前捍禦為計竭本窮力苟利捍禦無不為之何暇圖惟固本也哉此所謂決陂以取魚圖一朝之利也

運法一船十人一人運正米三十七石分倉收貯共封識之中推一老成者綱領之謂之綱司

沈氏手稿

卷之五

八

次綱司者又有攔頭扶柁二人相協持之旗甲則管領之凡出納必同悉于綱司籍記之餘則共利少則共償其贏縮利害亦同也同船十人事由一體以故交兌無虛會之弊沿途無盜賣之失而運于是乎興矣今也兌納皆旗甲一人衆則惟任撐駕一毫利害若不相聞甚至一船皆雇倩之無藉夫以數百石之米付之一人苟非其人可乎此運之所以敝也是何也各處月糧不給軍日貧乏故也一船求旗甲一人之得

人尚不可得况綱司廢卒乎雖有聖實在伍百
法避之而領運之官又營營自私誰復任怨以
盡公此運法之日敝而不可復也

漕運者漕則漕河運則糧運然河道糧運元只
一事其事權不容分故自瓜儀以至通州河道
皆屬漕運衙門兼理設郎中二員南北專理之
其諸洪閘各有主事一員專司之今漕運都御
史總兵官

勅諭則各有自通州至揚州一帶水利有當蓄

玩鹿亭稿

卷之五

九

洩者嚴薦該管官司并巡河御史管河管洪郎
中等官設法疏築以便糧運急職候事者一體
叅奏凡有便于糧運利于軍民悉聽爾便宜處
置之命一向事權歸一先年遇有河決事體重
大則專 勅大臣一員往治之事竣還京後連
有水患遂任缺補以為定負其職專管黃河于
曹州駐劄故河南山東管河副使則屬之管河
郎中洪閘主事不相屬也故管河都御史
勅諭內云今特命爾前去總理河道其黃河北

岸長堤并各該堤岸應脩築者亦要着實用工
脩築高厚以為先事預防之計如各該地方遇
有水患即候相度訪究水源可以開通分殺并
可築塞隄防處所仍嚴督各該官員斟酌事勢
緩急定限工程分投用工作急脩理凡脩河事
宜勅內該載未盡者俱聽爾便宜處置事體重
大者奏請定奪此原勅也近今添奉

勅諭云近年沛縣迤北漕河屢被黃河衝決已
經差官整理今特命爾前去總理河道督率管

玩鹿亭稿

卷之五

十

河管洪管泉管閘郎中主事及各該三司軍衛
有司掌印管河兵備等官時常往來親歷多方
經畫遇有淤塞去處務要挑濬深廣蓋此
勅旨亦為近年黃河遷變不常衝塞漕河故有
是命其實專為黃河也先年漕運都御史總兵
官每歲進京會議往迴查看河道比年都御史
以巡撫地方常托巡按御史奏留不行遂成故
爭自嘉靖元年都御史俞公諫後更不赴京矣
嘉靖二十年二洪淺阻糧運不通漕運衙門

不肯身任其責協力為處乃具本盡推之河道奉

旨切責自管河都御史而下俱戴罪整理自此河道糧運遂岐而為二豈特岐而為二竟成仇讐凡運船上聞則用意窘乏而洪閘使用比昔數倍漕法自此亂矣若漕運之職無閑漕務何以漕名夫漕以轉運運必資漕二者元不可得而分者也

今大憲即平江劉家港元人海運開洋之處永

玩鹿亭稿

卷之五

十一

樂初蘇松浙江歲糧俱輸納于此裝運入海以達直沽永樂九年開會通河十二年會通河成十三年罷海運糧令浙江杭嘉湖直隸蘇松常等府歲糧原坐太倉海運之數改送淮安倉交收鎮江廬鳳淮揚糧送徐州倉交收徐州并山東兗州府糧送濟寧倉交收令裡河船於會通河以三千隻支淮安倉糧運至濟寧以二千隻支濟寧倉糧運至通州倉每歲通運四次其天津并通州等衛各撥官軍於通州接運至北京

玩鹿亭稿

卷之五

十一

自是罷海運而為轉運也又浙江湖廣江西布政司并直隸蘇松常鎮等府除存留及起運南京外坐撥二百五十萬石令糧里人戶自備船隻運赴北京通州河西務等處上倉先時裏河運糧軍民相半軍則官為打造淺船民則自行雇船裝運經年往復多失農月永樂末年巡撫侍郎周忱會同平江伯陳瑄議奏民運糧儲俱於淮安瓜州水次加增船腳耗米對船兌與軍船領運令衛所出給通關付還銷繳軍民兩利自是轉運變為兌運矣宣德七年以右叅將吳亮言江南浙江湖廣江西軍船各回本司府地方交兌諸府州縣各于附近水次蓋設倉厰領兌不盡者令南京并江北衛所不下壩軍船仍於瓜淮交兌其北邊一帶如河南彰德等府俱小灘鎮交兌山東濟南州縣各于德州交兌東平等州縣于安山交兌沂州等州縣于濟寧領兌其餘水次類多倣此民糧仍有送納淮徐臨德諸倉者支運十分之四成化七年都御史滕

昭議罷瓜淮交兌令南京并江北官軍雇民船于江南水次交兌軍船俱不下壩民加過江船費視地遠近有差至是兌運變而為長運矣至長運而制始定矣按自有漕運以來江船不入汴汴船不入河漢唐則河船不入渭各於水次隨便置倉轉相遞運古今稱善漕者首劉晏原其用法然亦無踰此者

國初於水次淮徐臨德天津置倉正為轉運之計又相傳以為五處要害之地萬一中原有變

疏虞

卷之五

七

可以屯兵實無此意故只今五處俱設鎮守兵備守備等官是也歷

朝損益海運變為轉運轉運變為兌運兌運又變而為長運蓋因時便宜為軍民計也成化十年又議將民送淮徐臨德四倉支運糧七十萬石亦改就水次兌與軍船名為改兌而諸倉之糧每歲又有災傷支運所儲益少倉廩倒塌皆荒蕪矣今長運之法民無往復出納之擾軍得加增脚耗之利亦可謂長使之圖但湖廣浙江

江西等軍船原於瓜淮交兌今各回本省水次領兌往復江河多涉一二千里之程守淺阻凍之困利害蓋相當也議者欲于臨德天津增置倉廩水通則舟船長運於京遇淺及凍則寓于倉然而又有觀望寄倉故為遷延之弊嘉靖初以糧運連年凍阻數多又有復瓜淮交兌之議者而少司徒乃江南人懼為民累執以為不可乃止夫以湖廣江浙四千里之運一船裝負四五百石之重十人撐挽一船挨幫而進往返

疏虞

卷之五

七

萬里兼以脩船隻買辦器具過湖越江守水剝淺道路之難若督率少緩未有不凍阻者矣當時初罷瓜淮交兌改就各州縣水次民心甚樂其便船到水次即時交兌又設酒作戲以待旗軍蓋有勞酌之意有主道焉有司亦以客禮待之軍民相悅其始未有不善及夫行之年久民忘其故軍士則漸有勒措刁難之弊焉勒措不已便有人命屢年問諷遑衛充軍累死無數糧長

則漸有糠谷濕潤之弊焉漸有開倉留難守候之弊焉漸有集衆相持相打之弊焉漸有扶老病飢民誣賴之弊焉漸有誣申捏告拿害之弊焉爭端日起奸弊日滋近年以來官軍赴各水次交兌若告債然有司全然不理只言事冗運官不相見面甚有令各舖戶不得賣酒米魚菜與各運糧官及拘治歇家不得容留安歇以困之必使官軍至於甚不得已哀懇求請之至而方為之講兌有守候至數月方得領兌者竟不

卷之五

十五

以國家糧運之重軍士代運交納之難其心但謂糧運愆期虧折掛欠米色不堪罪在軍也不民及也故得以任意為之而地方上司又曲為庇護公心正論者能復幾人慮存軍國大計者又復幾人及戶部每年奏差主事一員分詣監兌然不能秉公作主者勢不能行于有司也雖奉專

勅亦只求有司禮貌體面過去而已然又有不論糧米好惡逼軍交兌示恩有司者亦甚多也

其有私者又不待言且如領兌糧米務要乾圓潔淨此明例也如不能乾圓潔淨米色濕潤倉場窄狹不及晒揚以一石為率明折多少為準而加增之亦例也每年監兌主事出京必持漕例一本以行而此例更不能行但漫無所據而定奪之將何以服人且兌糧米進京通二倉必晒三日揚一日方收豈有不晒揚於交兌之日而晒揚於交納之日乎此糧運之所以日難也夫瓜淮交兌民久便安固不可復若不嚴交兌

卷之五

十五

之期公濕潤之增禁困逼之害則長運之弊又豈特守淺凍阻而已耶司國計者所當軫念也譬人之一身心則君也目視耳聽手持足行皆一體聯屬而聽命于心者也若目為目而耳為耳手足自為手足則支離其體矣支離其體而又可以圖存也哉

糧運輕齎所謂一六二六三六者即耗糧也江西湖廣浙江兌運正米一石加耗六斗六升又加尖米一斗共七斗六升以四斗隨船佐耗餘

三斗六升則折銀故謂之三六江南直隸兌運正米一石加耗尖米共六斗六升除四斗隨船作耗只二斗六升折銀故謂之二六江北直隸兌運正米一石加耗尖米共五斗六升除三斗隨船之耗亦只二斗六升折銀故亦謂之二六若山東河南兌運之耗并尖米只四斗一升除二斗五升隨船餘一斗六升折銀故謂之一六蓋加耗隨地里遠近為差耳先是耗糧俱本色隨船候到灣顧車起糧則易銀為用後以灣中

北地事稿

卷之五

七

米價低昂不一而易賣又滯交納弘治十三年都御史張敷華都督郭宏方議折銀每石定價五錢可以輕賣就于交兌之時支領隨船此一六二六三六輕齎之名由始也然只令完納兌運三百三十萬石而已餘耗本折皆歸旗卒官固無利之者是故旗卒富饒糧運於斯為盛其成化十年改淮徐臨德四倉支運糧七十萬石此山東河南直隸民運四倉交納者亦令軍船就水次與民交兌運赴京通二倉上納即今之

所謂改兌者其加耗數少止有隨船耗米俱無一六二六三六折耗輕齎就令於兌運輕齎銀內均貼腳價進倉等用若地方災傷支運倉糧亦以兌運輕齎處貼之六只總完四百萬石而已此雖減耗完貼比之只了兌運者數雖減少然用亦裕而軍無告困至正德六七年來京師權要始有官債虛立文約逼奪輕齎而弊又從此生矣時各總運官多出其門牽引為害蓋借公物以為私賂希寵庇耳於是始有鞘封過淮

北地事稿

卷之五

本

赴漕運衙門呈驗重封仍委官至張家灣驗封乃發之蓋以革逼奪之弊而把總聶欽遂因貪緣驗封查算使用以羨餘獻之於官故有扣除之例矣欽雖即以賊敗而後之相繼者則用意算扣歲增其數咸務多獻以為功太倉庫所積羨餘至盈數十萬而官旗揭借陪費貽害不可勝言欽之倡始為可罪也夫一六二六三六輕齎乃耗糧也惟因地有遠近故耗有多寡非腳價也若腳價則一例矣灣中起糧使用各總皆

同又何必分一六二六三六之殊哉今以輕齎扣除于官是則于正糧四百萬石之外復收其耗糧也豈制法之意乎後又添設叅將一員駐劄通州專一驗封叅將王佐乃定腳價搜括倉中使用如太監則有茶果錢如經歷倉攢每石一釐則謂之釐兒錢及至吏書門官斗級之類莫不定之以數每年造報花銷而遂為例矣先年倉中使用初無定數每因人之狡懦而高下增減之司使用之人又有虛數以欺衆者屢致

北庵手稿

卷之五

七

爭訐故以法一立一時人亦便之但使用公行太監茶果又添火耗催茶果者又有班兒錢其經歷倉攢往年各衛得以所帶本地貨物高價與之而今皆紋銀且以此為應得又于數外求之為厚薄低昂矣蓋作法于涼其弊猶貪作法于貪弊將焉止故為法之不可不慎也後又革去叅將只巡倉御史會同通州坐糧員外驗封查筭凡倉中一應無名之費俱不准開銷扣除愈多糧米不能上納運軍苦逼之甚勢不可行

乃又別淮南河趵剝以抵其費為法不一故倉有掛欠之米庫有羨餘之銀而理不可通又往往人皆以為言故又議以羨餘給軍夫羨餘不復扣之於官而以給軍是矣然而無救于其運之敝者蓋有說也各總運船只旗甲一人管事衆軍只任撐挽今以羨餘槩給之使旗甲則有掛欠鎖扣追賠船軍則有羨餘歌唱飲酒恣然不顧但恨扣除之不多又相結黨告訐欺打旗甲時灣中糧運俱集衆聚數千人成群哄嚷官

北庵手稿

卷之五

七

亦無如之何為弊一至于此而旗甲受累日益困敝是故旗甲敝而運亦敝矣愚謂贏縮之利當歸旗甲旗甲裕而運其有不裕哉衆軍則量賞之以酌其撐挽之勞可也蓋小人薄福領銀二三兩在手便不能勝糾群合夥飲酒宿娼無所不至然亦可惜但今之司驗封查筭者乃以給衆軍為公給旗甲為弊專持此意不復詳審而務扣剝旗甲之羨餘給軍以為盡職使旗甲困苦揭債陷之死而不恤豈不謬哉

初以耗粮枉齎扣算羨餘解太倉庫作正支銷都督楊公宏上疏其畧曰漕運粮儲除本色正耗完糧之數外餘耗浙江江西湖廣三六江南江北二六山東河南一六耗米照例折徵輕費銀兩先年俱係各運官軍收掌較多益寡隨便空貼支銷但欲正粮完足不計耗米羨餘弘治以來用非其人漸有那移提取之弊掛籌累債之名至正德年間勢要恃強凌逼公然奪去莫敢誰何已該漕運衙門計議用鞘裝盛以革前

北康平稿

卷之五

五

弊銀雖頗存而糧多侵盜京儲掛欠官軍愈困過蒙正德十六年四月二十二日大赦漕運官軍借欠債負不拘多寡俱不許還漕運官軍幸得甦息前項輕費仍舊盛銷印封至通州參將虞查筭雇脚支用計算羨餘扣收在官其各衛粮船經過瓜儀二壩及沿途遇淺起剥并置辦隨船什物無錢支使往往動用耗米官軍乘機遂將正粮侵費及到京倉交納掛籌復如往年法立于彼而弊生於此欠粮却于

槩總扣算餘剩粮米以補其數餘下輕齎銀兩以為羨餘作正支銷臣按唐史裴耀卿為發運使凡三歲運米七百萬斛省僦車錢三十萬緡或說耀卿獻之耀卿曰此公家贏縮之利耳奈何以市寵乎悉奏以為市耀錢宋崇寧初蔡京為相始求羨財以供侈用用所親胡師文為發運使以糴本數百萬緡充貢入為戶部侍郎自是來者效尤時有進獻而轉搬無用矣二人得失悉載史冊仰惟

北康平稿

卷之五

五

國家混一六合富有萬方軍民之財皆朝廷之財豈賴此完粮餘銀以為裕國之計伏自太宗皇帝建都幽燕屯宿重兵數十餘萬歲用錢粮數百萬石迄今百年中間豈無冗兵剩員可以沙汰然而不能去者由所繫重也至于漕運粮儲歲額四百萬石出于田里之地收于粮里之手運于各衛之兵公私耗用豈止千萬石然而不能裁損者顧所得多也矧輕費原係耗

米以備沿途僦雇水陸車脚之用折收銀兩以輕運船實非正納之數今欲筭計秋毫但無遺餘舍耀卿之至計用蔡京之弊政誠所謂竭澤而漁焚林而畋恐所得不足以富國將來人情不堪軍運廢京儲正糧將有缺軍挽運之害所繫誠非細故此則可憂之甚者也疏入下部看詳議

准給軍公關中人正德間忤劉瑾得罪謫戍于邊時遂菴楊公為總制甚雅重之常召至制府

玩鹿亭稿

卷之五

三

商畧邊務凡所建白多出公手嘉靖改元復公官尋

命提督漕運時年六十餘銳意脩振雅好讀書每于政暇手不釋卷未嘗問及家事常切切以祖宗典章法度為言在淮六年後還南府以致仕歸卒于家子為公屬受公教愛獨深今九泉莫佐儀刑尚在老臣練達如公者豈可復聯國家經制國用戶部財賦或存留於司府或起運于京邊賦有常額費有常經公私所需未嘗

不足今查順天等府浙江等布政司每年財賦實徵起存之例夏稅收糧馬草地租屯田食鹽錢鈔稅課鹽課顏料果品厨料蠟茶燈草蒲杖鹽金局稅門攤各有成額成化弘治以前各邊寧謐百費歲入之賦足供歲出之用尚有盈餘南京及內府光祿寺并兩直隸天下司府衛所各邊一應起存錢糧不計外姑自其盈縮易見者言之京通倉糧歲入三百七十萬石嘉靖十年以前至有八九年之積今則所儲僅餘四

玩鹿亭稿

卷之五

三

年太倉錄庫歲入二百萬兩嘉靖八年以前內庫積四百餘萬外庫常有一百餘萬今則內庫止存一百一十餘萬外庫僅及三十餘萬太倉銀兩極費而其詘者邊防為最商鋪料價次之馬疋料草次之加以不時奏討如進用脩邊給賞賑災之類不可勝紀且今之邊費每年仰給太倉有增無減及備查太倉歲額銀兩折銀折草餘鹽等銀止計一百八十餘萬加以派剩餘米輕齎放剩等銀每年額入實計銀二百餘萬

年歲用各邊額用主兵年例銀四十一萬衛
所額用折糧四箇月銀二十三萬一千四百三
十餘兩職官額用有綃銀一十一萬五千九百
餘兩軍士額用布花銀十萬餘兩京營額用馬
疋草料折色三箇月并巡捕一年全支共銀一
十二萬六千六十餘兩倉場糧料草束額用銀
三十五萬餘兩每年大約實支銀一百三十三
萬三千三百餘兩是太倉每年支剩銀六十六
萬餘兩近年以來除進用脩邊給賞賑災等項

疏奏事稿

卷七五

三

外各邊每年加添募軍銀五十九萬二千八百
餘兩各邊每年加添防秋擺邊設伏客兵銀一
百一十餘萬各邊每年又加添補歲用不敷鹽
銀二十四萬五千六百四十餘兩京營每年加
添免放下場馬疋草料銀一十八萬餘兩
內府每年約用加添商鋪料價銀二千餘兩通
前額用銀內除衛所兩箇月折糧銀不放外大
約每年實支太倉銀三百四十七萬餘兩是太
倉每年歲費少銀一百四十七萬餘兩迄今不

為節省年復一年出浮於入雖有開納括取等
項有時所濟幾何此近日戶部之所具題國計
如必誠不可不為之慮也

名利之士不言生死每每忘生以求所欲養生
之士則營營於生死滋味寢處極其奉養廣延
方士講求丹術呼吸屈伸鼎器藥物百計以求
長生而卒不能生轉速其死惜哉淵明詩云客
養千金軀臨化消其實誦之亦可哀也夫人之
延促定於當生之數蓋有不可得而逃焉者耳

疏奏事稿

卷之五

三

其可為者惟減祿延壽之說乎語云人無壽夭
祿盡而亡若不自儉惜一旦受用遽盡豈可復
固存哉故曰省嗇淡泊有長久之理可以延壽
也

暴殄天物蓋人間一切所用之物皆天物也今
之富貴侈麗恣所欲而靡費之惟日不足人或
以節儉喻之則曰此吾物也噫是豈知為天之
物哉夫天之生物以養衆人豐於此則嗇于彼
矣又焉得視為已物而恣用之梅屋許先生曰

天不能家訓戶飭賢一人以誨衆人之愚天不能家贍戶給富一人以濟衆人之貧非以賢私一身富私一家也故凡事曰天事職曰天職位曰天位蓋我者天之所生而我之所養無非所以贊天也可以人而不知天乎書曰順天者昌逆天者亡

儉吝二義似同而實異儉者德也吝者惡也儉者約於己也吝者蓄於人也儉而不吝者約于己而厚於人也吝而不儉者約於人而豐於己

現處事稿

卷之五

三

也儉而吝者人已俱約也已俱約是亦謂之吝也人已俱不約者則不可謂之吝然亦不可謂之儉殆猶愈於人已俱約者乎約人而豐已斯下矣

近年陝西總督撫按官會奏欲自花馬池迤東定邊營起至黃甫川止一千五百餘里接脩牆塹以固邊防而總督曾毓又自建議欲大發兵糧兼為復河套之舉以除禍本兵部議云舉大事興大工則必動大衆捐大費就沙漠不毛之

地以修築千數百里之邊牆利害固已匪輕入險遠必爭之穴以驅逐數十年盤據之黠虜安危所係尤重必須慎謀於始乃可保無後艱詳看修邊之議自定邊營至龍州城自龍州城至雙山堡自雙山堡至黃甫川分為西中東三段興工期以三年內完事總計二十萬之夫連起於一省人力或有不堪二百餘萬兩之費仰給于內議國計亦恐有碍且前項財力特以居常處順而言其天時雨暘之不齊虜寇侵擾之

現處事稿

卷之五

三

難保水土沙礮取用之便否夫役逃亡事故之有無凡此皆所當慮者也又詳復套之議所引周秦漢唐故事多非今日之所宜取法况虜賊據套積有歲年生長蕃息動稱十萬今以六萬馬軍二千槍手將為攻伐之正兵鳴鼓而前則主客懸殊恒憂其不足將為掩襲之奇兵啣牧而進則形迹滯重又嫌其太多加以正駐馬匹牛騾幾於九萬計程五十日行糧草料共該二十五萬以上賞折銀則艱於得食饑乏之難免

運本色則疲於涉遠抄掠之可虞且精兵盡抽於三邊不無顧此失彼勝負求逞於一擲抑豈善後圖全在正德初年議修邊牆總督楊一清首創其端經畫歲餘方敢舉事至嘉靖八九年間總督王瓊復繼其後首尾二年始克完工夫二臣銳於籌邊且有才力然前後所修者止是花馬池三百里牆整則其難其慎可知矣一清又有言曰茲欲復守東勝使河套之地歸我耕牧斯為上策顧力有未能未敢議及若將延寧一帶邊防設法整飭使虜不能犯饋餉可省休養生息於數十年之後東勝未必終不可復此皆昔人之所用心而今議之所未及者也此出治齋萬公鏜筆引據籌畫可謂有見當時惜不能從其言也因撮其畧於什一以見大意云

世崇三教儒與釋道也釋道二氏皆出世之學惟儒教為大中至正治天下國家之不可一日無者也然二氏教雖各異而盡性至命處則同故道謂之玄釋謂之白言於性命無所加損皆

本色也但不同者教耳故曰三教而釋氏所謂菩薩道菩薩行者則愈高遠而無涯涘矣中庸亦謂君子之道聖人有所不知不能天地有所不足者亦可謂高矣遠矣而皆不出乎平常日用之道但不令有止耳

希仙學道者先要識破世間一切虛幻身亦是幻凡有必無凡生必滅既少而長必老而死此必然之理也故須具此正信無惑於中斯無貪慾凡諸邪師謬解不能亂之可以入道矣但一有貪生之念生於其心則邪說易入而無所不至雖名學道祇是任業豈有欲此身常存於世朝夕用心只成一己之私而可以為道乎蓋人之貪慾莫有大於長生者也老子曰吾有大患為吾有身及吾無身吾有何患又曰死而不亡者壽人知死而不亡者壽則知長生之說矣

甚矣財色之溺人也人初學仙意本為長生也及夫盲師邪士指以彼家鼎器泥水金丹黃白燒煉點化之說鮮有不為其所溺者嬌艷入室

慾火熾然鉛汞在爐貪心海若卒之長生之念亦不足以奪之精耗神散財散齒衰而不知止破其家戕其生而不知悔嗚呼甚矣財色之溺人也可哀也已

金丹不落形氣專在性命世傳參同悟真二書皆金丹之學也亦言性命其旨只是一陰一陽之謂道而已蓋參同契者參同此理也故觀天地萬物之理未有外于一陰一陽之道而莫不皆同者也悟真篇者悟此真理也真理即金丹

玩虎亭稿

卷之五

三十一

也陰陽之祖也篇中所謂一乾一坤一離一坎一日一月一男一女一龍一虎一鉛一汞一鳥一兔一彼一我一水一火一金一木一主一賓一剛一柔一有一無一浮一沉一情一性一戊一己者揔是一陰一陽也諸皆引喻耳故篇中詩云不識陰陽正祖宗萬般作用枉施功其要專在悟此陰陽之祖方名悟真若不於此悟皆非所謂金丹也二書多為隱語者正使人精研其義以求之庶或有得于心若直說破則不復

有悟矣更何有得於心耶為此學者當正志虛心以求自得毋為邪師謬解之所惑可也

太倉揔督廳板刻則例一厥兌運正米一萬二千石每石加耗米七升共計八百四十石約定四百八十石作正支銷餘准作耗數內欠五十石或一百石以至二百石以上經歷官攢甲斗照依欠數多寡責治有差數外間有剩餘者則是多收之數不敢別作支銷節年於倉中隙地掘窖埋之後主收者日苛剩餘漸多嘉靖十三

玩虎亭稿

卷之五

三十一

年周侍郎叙初督倉場見餘米歲埋數多心切惜之乃言於大司徒儉菴梁公材公曰此出耗米附餘四百四十石之外若欲具題作正支銷主收放者法應參究况起此附餘之端他日害大計矣寧復棄之不敢作俑也周乃貯之空廩以數作一手本報部公亦不受令揔督廳自計乃知老臣固識體耳夫每廩明交耗糧八百四十石以其不淨盡耗責以四百八十石附餘作正支銷然或缺少亦止於責治而已不為深

究蓋恐後之流弊至於多收也宣德年間京通
二倉收受斛面一尖一平尖斛淋尖平斛行槩
後將淋尖斛外餘米俱要入官有虧旗甲成化
元年參將袁佑奏要每石不分平尖明加一斗
俱刮鉄收受戶部題奉 欽依只加耗五升此
佑之見惟目前之圖而無久長之慮彼當事者
猶存寬厚之意耳成化二年又該戶部題為收
受糧斛事奉 欽依准加八升今載入議單每
石兌運加耗七升則是加耗米七升原為尖斛
而增今於加耗之外復收斛面以為附餘則是
耗外又加耗矣正德十六年予總浙運時每石
只加一進倉便穀交納常有餘剩土米照出今
每石加二五進倉尚有掛欠若不革去耗外斛
面行槩平收則軍運歉雖有善者亦無如之
何矣蓋所取之斛面餘米不多而 國計根本
所繫為害者大耳此只十數年來之弊老成籌
國者固當革弊以存大計可也
今人言吏隱者以其官之地位清閑謂吏隱也

殊不知所謂吏隱者以吏為隱也商隱者以商
為隱也有道之士泯迹於名利之場而中之所
存固衆人之所不識斯可謂之隱也故曰大隱
居朝市以此耳
凡寺中所塑佛像西域謂之像教其山門塑二
金剛者言學者入門當發勇猛也次天王殿塑
四天王者言勇猛之志不可退惰當直造其奧
也大殿則諸佛菩薩諸天羅漢具在蓋言升堂
入室而理無不具事無不周斯入大圓融境界
矣
釋門出家即去本性別名雙字如圓明圓朗之
類皆直呼本體蓋性元如是也欲其言下有悟
耳道教凡百模倣釋教故道士名亦雙字而不
去本性失其意矣
玄門之學金丹尚矣悟真篇云學仙須是學天
仙惟有金丹最的端是也金丹元無修證惟在
妙悟如劉長生曰心上通得一物出得一物發
通得萬物出得萬物發又曰一分塵盡則明一

分道十分塵盡則明十分道尹清和曰修行人有志越有魔無志則無魔但魔一番心上明一番性靈一番又人說要傳道道本無傳但說傳道便是恠人參的亦是恠人又曰自古聖真皆自貧苦得來不從富貴中出赤腳劉先生曰脩行人只合向根蒂上下工夫根蒂是心世人學的莫學世人愛的莫愛世人做的莫做只向日用上搜獲自己端的處莫胡亂放過又曰不於自己心性上下工夫只是隨人脚跟轉只向古

玩原序稿

卷之五

五十五

人言句上做活計說時暫悟對境還迷為甚麼只是工夫少不識自己端的處假如解得千經萬論又於言句上甚有所悟止是一點螢光有多少明處若是自己本性上悟得如百千日月放大光明宇宙乾坤無不照徹又曰脩行人着衣喫飯尚不得已而為之因甚麼只為有寒有冷不能忍得湏是着些紙衣布衲遮形蓋體只為有飢有渴不能忍得且喫些粗茶淡飯填腸塞肚此外有甚所取若志不怠則一步進如

一步前進一切飢寒貧病難至於大魔大難俱要衝撞得過也丘長春曰脩真悟道湏憑積行累功若不苦志虔心難以超凡入聖或於教門用力大起塵勞或於心地下功全拋世事又曰祖師云凡為遺者先捨家而後捨身病即教他病死即教他死此皆先代諸真之語乃後人作丹之基也依此脩行縱不得丹亦當植本況於自己心性上求殆不求魚於陸若辦肯心固無不得之理是何也吾性即金丹也今之好此

玩原序稿

卷之五

五十六

學者甚多而長生之慈根于其心往往便為邪師彼家弄器之說所惑乃謂長生住世可得因而流于黃白之事擇鼎立室以為入山養道必資法財非得外事則內事不成遂使盡生精神皆弊于此畢竟無成雖賢士大夫亦惑之而况其他哉殊不知學道者飢寒貧病皆所不顧又何待于法財養道之具色色齊備而後可以為道也蓋饒寒貧病正以煉心只在志耳故曰自古聖真皆自貧苦得來非從富貴中出黃白之

事非未必有亦不足學人生精神誠不當為此一事遽爾汨沒亦可惜也古人得亦棄之何況求而不可得執至於鼎器彼家之說尤為非道悟真篇云先把乾坤為鼎器次搏烏兔藥來烹蓋言大虛鼎器也陰陽藥物也若只言以坤為鼎器則牙說猶可附矣吾性流于情識則喻曰彼家所謂白虎凡鉛皆此也今人以彼家為女豈不謬耶悟真篇云只緣彼以懷真土遂使金丹有往還蓋言五為其根也又曰人人自有長

玩虎事稿

卷之五

五十七

生藥又曰此般至寶家家有蓋言人人本具也曾何假於外物執近來惑此說者甚多人心真為其陷溺愚故不得不為之辯

海寇議

嘉靖壬子歲作

寧波自來海上無寇每年止有漁船出近洋打魚樵柴並無敢過海通番者後有一二家止在廣東福建地方買貨陸往船回潛泊關外賄求把關官以小船早夜進貨或投托鄉宦說關祖宗之法尚未壞也二十餘年來始漸有之近

年海禁漸弛前項貪利之徒勾引番船紛然往來而海上寇盜遂亦紛然矣然各船各認所主承攬貨物裝載而還各自買賣未嘗為群後因海上強弱相凌自相劫奪因各結綜依附一堆強者以為船頭或五隻或十隻或數十隻成群分黨紛泊各港又各用三板草撇脚船不可數計在於沿海蕪竹劫掠剽斯生矣自後日本暹羅諸國無處不至又哄帶日本各島貧窮倭奴借其強悍以為護翼亦有糾合富實倭奴出本

玩虎事稿

卷之五

五十八

附搭買賣互為雄長雖則收販番貨俱成大寇徽州許二住雙嶼港此海上宿寇最稱強者福建陳思昭住橫港吳美幹福建義官原通番者朱都堂行取福清船令其率領而來後因海邊反為所擾令率一半先歸遂不復還省別作一夥亦住橫港後許二為朱都堂取委福建盧都司帶領福兵破其巢穴焚其舟艦擒殺殆半就將雙嶼港築截賊首許二逸去今見在京買賣汪五峯亦徽州人原在許二部下管樁素有沉

機勇畧人多服之乃領其餘黨改住瀝港而陳思盼尤強後吳美幹為陳思盼所殺其黨不平陽附思盼潛通五峯五峯正嫉思盼之壓已而瀝港往來又必經橫港屢被邀截迺潛約慈谿積年通番柴德美德美族家丁數百人協之又為報之寧波府府白之海道差發官兵但為之巡援詢知其逆船出掠未回又俟其生日飲酒不備內外合併殺之盡奪其財德美所得亦以萬計擒其姪陳四并餘賊數十人送官及各船餘黨還無所依悉歸五峯後雖有一二新發番船俱請五峯旗號方敢行使五峯之勢于此益張海上遂無二賊矣此因其有隙而用賊攻賊亦兵家之常未為失策五峯以所部船多乃令毛海峯徐碧溪徐元亮等分領之往來海上肆散劫掠番貨出入閩無敢阻而興販之徒紛錯於蘇杭公然無忌近地人民或饋時鮮或饋酒米或献子女絡繹不絕邊衛之官有與柴德美通番而往來五峯素熟者近則甘為臣僕為其

送貨一呼即往自以為榮矜挾上下順逆不分良惡莫辨法禁之壞至此極矣今雖平昔本分者亦往通之是果誰使之乎近自破黃巖屠霸嚮而其志益驕至定海樑江亭族牌送府追貨稱淨海王偕竊叛逆腰斬指揮殺府知事殺千百戶焚燒房屋擄掠婦女財物數月以來沿邊軍民被殺數萬罪惡滔天在所不赦昔年太倉秦燭王良之亂未嘗見其攻一城殺一官而撫按衙門即以奏聞請將出師一面通行各省緝捕其親黨剪其羽翼而其勢始窮束手就擒地方遂寧今此賊屠城掠邑殺官戕吏一至於此而見今肆散劫掠不於餘姚則于觀海不于樂清則于瑞安往來塗毒生靈無有虛日而猶濕言倭寇不實上聞果何待耶既曰倭奴酋長為誰是誰欺乎其所劫掠地方凡通番之家皆不相犯蓋以立信故人皆競趨而賊黨之在省者紛紛不可復言奸細如汪五峯之眷屬徐碧溪之子弟亦且安住出入真若無人况其他乎近

日碧溪子弟見為人首告拿獲在官而又故縱
毛海峯鄞縣人先因長子毛子明通番通欠貨
物以父往質而後以弟代之頗有勇力善使佛
郎機又善彈射五峯因有為子託為心腹就稱
海峯父去子來子去父來交馳番國且徐碧溪
毛海峯皆五峯部下賊首也黃巖縣寔徠碧溪
同姪明山率領攻掠又嘗臨關叱罵肆無忌憚
其惡不在五峯之下族誅猶有餘辜而待之若
此果何說耶杭城歇客之家明知海賊貪其厚

疏序事稿

卷之五

四十一

利任其堆貨且為之打點護送如銅錢用以鑄
銃鉛以為彈硝以為火藥缺以製刀鎗皮以製
甲及布帛絲綿油麻等物大船裝送關津畧不
譏盤明送資賊繼以酒米非所謂授刃於敵資
糧于盜者乎此自古所未有者也今之在位者
亦明知事機但曰巡按不欲行夫

朝廷之法有職者之所共守若抑法以徇人邦
家又何所賴愚謂當此之時不論官之崇卑事
權之在與否皆當自奮所謂人人得而誅之蓋

所協恭者惟一人之事也或又曰行法慮以招
釁若只畏忌必欲法不行而釁不招但各悠悠
以度時而彼賊養一日則盛一日四方黠猾之
來附者日衆沿邊財物之劫擄者日富畢竟縱
之何所至而後已也且今日之屠殘是果誰招
釁以激之耶正在法之不行有以釀成之耳先
年夷裔沈公為海道正當群盜縱橫之時虛心
訪寃盡得其情惟盡心奉法畧無假借凡地方
積年通番者一拿即至不敢踰時按法治罪雖

疏序事稿

卷之五

四十二

豪右不能以計免而人皆始知懼法無敢窺海
者如巨猾柴德美亦逃之福建而不敢歸番船
亦各漸往廣東別為生理若遲以一二年海道
其肅清矣惜乎其去之速也豈遼海之當厄耶
至今士民皆懷誦之後自沈公之去而法禁復
弛逃避者復回問罪者復脫而海賊復橫後又
拆巡海之哨船減墩寨之戍卒城垣任廢而不
脩邊糧侵欠而不究海賊殺掠禁不許報惟務
隱蔽大壞邊備苟延脫身但令邊官買賊以為

功姑以塞責僥倖以去

祖宗之法益蕩然矣夫以朱都堂搗穴焚舟除海巨寇鑿山築海功非不偉而人未有懷之者蓋以其高而不下粗而不察惟專攻其末而反遺其本臨下雖過嚴地方之通番者紛然如故除一許二增一五峯其勞宜不足稱此不猶汲水滅火而厝薪沃膏者之不息乎故本之所當先而末之所當後也明矣今以抗之弱卒器械不利裹糧不足盛暑以往即欲攻其末不亦難

疏律學稿

卷之五

四十三

乎赭山鰲子門又焉能守賊船盡入其將何法以禦之但謂之迎賊可也各郡役民守城妨其生理殆不可久况通番者得利而良善者受勞人心焉服且勾引者之不除則海賊必不可去從逆者之不正其罪則遠近黠猾者何所憚而不為此紀綱法度

朝廷所以維持天下不可一日或廢者也豈勝太息或又有謂欲禁通番為碍士夫者噫此官府之碍士夫耳士夫豈有碍官府者乎如沈公

之行法更誰敢犯且寧波士夫並無有通番者雖間有一二人衆皆鄙之其餘不過因他人番貨之被獲而為其說人情者有之若官府執法自不敢說今謂寧波士夫盡是海賊豈不冤哉叛亂至此而猶為此顧忌是果何說耶因循猶豫必至身與地方俱壞而後已誠可哀也豈當局固迷如此乎識者有謂今歲不亟為處養至明年二三月間其勢決不可復為浙東諸郡皆危矣豈特浙東之危如杭州由鰲子門而入嘉興由澈卞二浦而入其先潛住諸黨又為之內應其可保乎斯言殆不為誣然即今誠猶可為也但以

疏律學稿

卷之五

四十四

朝廷之法治之則有不待血刃而可以成功者交通既絕酒米不饋彼亦不能久住今舍其易而不為坐失事機何哉前雖有幸脫者此又非其時矣豈可效尤且聞此賊攻掠之虞未嘗不有人勾引而但無勾引者則無攻掠此黨又豈可容潛住近地又聞許二覘知海禁之弛糾領

黑番復來海上此尤可憂事勢甚急而諸公談笑飲宴若罔聞知畧不為意以為賊去百萬生靈之命誰一念之愚衷切切若不容已深知逆衆耳而犯衆怒所不敢恤伏惟公誠為

國者一垂覽焉

張棟庄先生曷字仲明咸化壬辰進士治鉛山每有異政鉛俗尚鬼神邑中淫祠甚多禍福靈異祭獻者充斥於路公曰蠹財惑民莫甚於此盡毀之乃教民力勤稼穡以正人心時有羊角

先生集

卷之五

五

巫者能呪法立致人死前令每宴待之畏禍惟謹其法書人年甲子木屑取生羊向糞道一擊之羊仆人死公知之勿發蓋俟其犯一日有老婦泣訴巫殺其子公受其詞選勇銳者數人令往捕之時巫在山已覺謂其徒曰今日縣有捕我者徒曰何不避之巫曰縣主張公正人也吾不能避吾命盡矣乃束手待縛至杖百數無損反傷杖者之手公釋其縛謂曰汝能呪杖者死復呪之生吾即宥汝矣試之法卒不驗遂收之

獄夜半烈風飛石屋瓦索索若崩公曰此巫所為起而衣冠焚香肅坐詰旦取巫至庭時耆老士庶皆以巫為神人咸請釋之公不聽謂巫曰汝以邪術惑我吾以正法治汝何如巫叩首請死公厲聲叱之巫忽墮珠一顆光燄燭庭又墮法書一帙如掌大公取而置之案上乃會察屬焚其書碎其珠于庭問曰今欲何如巫不荅即仆而死衆請舁出之公曰何言之易也躬往瘞於獄中仍取大石壓之時暑月越三日啟視之

先生集

卷之五

五

腐矣巫害遂息公釋奠邑中孝子節婦皆得頌昨敦風化也有節婦之子持肉踰嶺而歸為虎所噬其母泣訴于公公作文告城隍言神為一邑之主今虎噬人吾與神皆有責焉限五日神當驅虎於吾不然吾當罷職神亦當毀像皇天鑒臨豈虛語也是夜公夢中恍惚聞高聲叫云虎至者公覺曰豈神之驅虎來耶命列炬于兩傍啟門視之虎果伏於外若有束縛而不能動但俛首戰栗如畏罪然公叱之曰良民何辜遭

汝灰牙之毒雖碎首斷肉何以償民之命遂命衆擊殺之以皮肉賜婦後絕無虎患又民有賣薪者性嗜鱔一日晡歸乘饑恣啖忽患腹痛而死隣保疑其妻殺之執送之官械繫踰年而獄未成公蒞任方三月偶於月夜步庭見一人衣冠皓首向公揖曰公毋疑吾某鄉土地也某婦之夫中鱔毒死非婦之罪凡鱔首昂者殺人試烹以啖狗即死言訖不見公如其言明早取婦問之曰汝夫平日好食何物婦曰好食鱔公遂命婦捕鱔數百間得昂首者五乃設釜于庭即命婦烹之啖狗果死公謂婦曰汝事白矣遂為釋之一婦喪夫翁姑逼其改嫁乃書嫁狀詣婦告批婦不得已佯許嫁期是日泣祭夫畢潛投後園池中翁姑怒即填屍于池事久不露自後暮年不雨公憂之齋戒宿城隍廟夢一婦抱狀且泣且訴公詳閱其狀既覺悉記都里姓名竟詢至其家鞠之啟池土得屍婦貌如生公為之大慟作文祭之忽雨如注平地水尺餘即為之

現虎亭稿

卷之五

四

殮葬併罪其同謀者因輓之以詩曰士類曾為俗所移可憐孤寡受翁欺半生婦節將誰恤一點天心尚有知堂上肯教違父母地中端可見男兒于今留取鸞湖月千古清光照野池復立祠塑像春秋設祭以表其節如此類者尚多不能盡記大抵公之精誠通乎鬼神懋德昭乎天地人心所未知者鬼神通之人力所未至者鬼神相之夫為政而至于格天地動鬼神至矣後公為御史則抗疏暴權奸太監蔣琮尚書陳誼之罪辭連監閣及諸執政不諱以至落職為監司則伸民命之冤殺巨萬之豪巡按不得而抗之事與心違即棄官而歸家居一十九年未嘗一入公府閉戶著書暇粥飲水兒女啼饑號寒於前而不為意都御史王璟遠以百金堅卻不受始終一致至死弗踰公病篤郡守周坤率僚佐問疾寢所見陋室敗垣周帷敝榻相嘆感泣嗚呼公誠山川之間氣天地之偉人也余祖母都憲公女公之嫡姑與先君中表兄弟故聞于

現虎亭稿

卷之五

四

家庭者甚悉先名嘗遣族公每侍公教公手垂過膝頗長盈尺龍準劒眉霜髯雪鬚雙目炯炯危坐一室望之儼然神明云

鄧布衣胡弘字任之勤苦力學正統初游杭遇一老翁自云汴人深于易理弘從之遊因盡得其秘景泰初張都御史楷征闖寇延之軍中所言奇中卒賴成功而功竟不錄者不能盡從其言故也居蘇士大夫競往卜之趙御史筮得坤之師云當發科官風憲至某年月日罷官生子

現庵亭稿

卷之五

七

祝叅政灝筮得比之二五爻云君臣慶會必先黃門近侍之職轉大藩而止後皆如其言楊尚書翦筮得復之六二云公至中年方有奇遇若官三品壽九十官二品壽差減五年有子亦露祿後果以潛邸舊恩累進大宗伯卒年八十五子以公蔭受吳縣簿此其易筮之妙全主乎理觀趙之罷官得子楊之增秩減年可見人生祿壽子嗣俱有定數而每相通流豐此則嗇彼今黃緣得顯位者皆默損吾數所有以益之非數

外別有所得也弘不特易筮隨所遇皆占之無

不尅應二士子將赴鄉試遇弘於途因請卜之

云某名當領薦某名有服阻皆不以為然已而

一果喪父一弟或問之弘曰某名問時傍有

一人汲水而立此蒞字故知其服阻某名問時

傍立一人此位字故知其領薦又一應試者書

一串字問之弘云君當連中進士串是二中故

也又一士聞其語亦書串字云君勿言科名當

憂疾病其後二人一果連中一果得重疾或問

現庵亭稿

卷之五

十

之弘云前問出於偶然爾後從而效之則有心矣串下加心故患也其術大抵如此弘與先祖竹窩公素善故得以聞記其一二云

九峯孫公交湖廣安陸人嘉靖初以宿望同幸

卷彭公見素林公奉

詔起用以公為戶部尚書時予以都指揮領運

兩浙至京部見公召至暖室從容謂曰聞子青

年才敏盡心運務我故欲一見我不敢當長者

子速業未涯當去以秀才氣將來自有受用于

領佩之尚未深解後涉歷之久方有悟于公言每嘆曰公誠長者也憶自往歲壬午獲受公教于今二十八年犬馬之齒漸衰所謂秀才氣者尚力除不盡慚負此翁多矣果能除此則純一真實其于聖賢之道不廢幾乎然不自棄者尚未敢忘乎公言也

南湖余公本在庠時母舅夏攬納官錢費用逋欠時郡守伍公符于攬納逋欠之法甚嚴犯者必杖之死夏惧竊匿公家捕者日急公毋與夏

北庵事稿

卷之五

五

相持而泣痛不能釋公亦悲泣乃以身代詣府伍怒乃拽公于庭痛笞之流血汚衣仍逮繫必得夏乃免公曰願以已產鬻以代償情極痛切伍許之公產不厚遂盡鬻以償後罪遇赦免終庇其舅乃自授徒以養不數年公連第

中榜眼授翰林編修歷遷南京通政卒于官公性孝友其析居逆兄弟數人皆貧乏不能自給公令并爨食之公性直不能抑情凡語笑皆真切聞者不厭甬川張公閒居常曰安得余南

湖在一聆語笑洗我鄙懷蓋深思之也

丹山屠公瀟為吏部尚書時九峯孫公為文選司郎中以遠方員缺呈堂擬補公停批者久之曰此死地也乃為之定擬若不得已者後公卒九峯公作詩悼之有執筆停批念瘴方之句此見公仁人之心也

九峯孫公為戶部尚書時鳳山秦公金在侍郎鳳山明達于政部中事公委心任之大事致商決焉鳳山亦為之盡心或讓公不事事者

北庵事稿

卷之五

五

公曰昔韓魏公與歐陽文忠公同相魏公無文人曰歐陽公之文即魏公之文也今鳳山之政即我之政何必出諸已耶聞者服之書曰人之有技若己有之人之彥聖其心好之不善若自其口出九峯有焉

丹山屠公在吏部時致尹頭陀于京留居數月不垂一語臨行公再三懇之但謂曰早飯要早午飯要飽晚飯要少不吃又好竟不復言豈以名位之士不堪他投耶予謂此老所得亦只形

骸小乘耳

金太僕公混字本清號朽木居士善草隸作詩
寫墨竹鈎白竹俱清妙有思致人得片楮尺幅
莫不珍之稱賞海內咸謂殊品公多鬚鬚嘗封
王出使一路經宿郵傳恐鬚污被乃製布囊至
夕囊其鬚以寢惜公物如已物此亦人情之所
易忽者而公獨慎之可見公存心之一端也後
致仕家居悠悠詩酒無病而卒

堪輿士謂予曰造化忌葬揚嘗見人家造坊牌

阮康事稿

卷之五

七

者數年之內不落職則喪身但立于當門者謂
之獅開口其禍尤驗公試觀之當自知矣予曰
此固理也豈獨堪輿之說耶後偶于淮杭寧三
處建造之家歷驗之果無不然間有一二福厚
者或免然亦減分數予益信之予謂坊牌尤為
身外之物所得已者就以世俗之名勢亦不假
此縱有榮觀殆不可以彼博此也況上費官錢
下役鄉人自勞心思非惟無益而反招災是不
可以已乎但未之察故耳予故有感于堪輿者

之言而因識之

杭州自北關以至布政司大街皆為

詔道未嘗覆以坊牌布政司左右坊牌二座亦
止題承流宣化四字未嘗書某官某立蓋

龍亭往來之處不敢以臣子之名加諸其上也
昔年陳進士橫街造一坊牌後 詔至即移于
街側至今諺云陳進士坊牌請過一邊今數年
以來起造大石坊牌高標姓字林林相望非風
昔矣予自宦遊初歸為一駭然

阮康事稿

卷之五

七

武宗朝諫疏當以武選郎中黃華第一其疏首
曰 陛下臨馭以來 祖宗之紀綱法度一壞
於逆瑾再壞于倭倖又再壞於邊臣之手至是
將蕩然無餘矣天下知有權臣而不知有 陛
下言者寧作 陛下而不敢忤權臣 陛下弗
知也其曰通言路夫古之明王導人以言用其
言而顯其身後世則不然不用其言而反罪焉
今則又不然不使以其言獲罪而以他事獲罪
由是雖有安民長策謀國至計無因以達于

九重之前雖有亂之事不軌之臣 陛下無由知之矣其曰正名號 陛下自稱為鎮國公誰則為 陛下者今天下不以 陛下事 陛下而以公事 陛下是天下皆公之臣非 陛下之臣也其曰戒遊幸 陛下始出遊戲不出大庭止于南內論者猶為不可既而幸宣府幸大同幸太原幸陝西榆林延綏諸處所至費財動衆寓縣騷然又曰即今江淮之飢父子兄弟相食天時人事如此加以休息愛養猶恐不支

現處事稿

卷之五

李

况又重以盛之其何不流而為盜賊為危亡也哉奸雄窺伺待時而發變生在內則欲歸無路變生在外則望救無及 陛下斯時悔之晚矣彼居位大臣用事中宮觀昵群小皆欲 陛下遠出而後得以專權自恣乘機為利也其或不然則亦袖手旁觀如秦人視越人休戚之不相涉也夫豈有一毫愛 陛下之心哉其曰去小人今之小人簒弄威權貪圖富貴寶繁有徒至于首開邊事以兵為戲使 陛下勞天下之力

竭四海之財傷百姓之心至今紛紛未已者則江彬之為也又曰彬外挾邊卒內擁兵權騎虎之勢不亂不已天下之人切齒唾罵皆欲食彬之肉彬不誅則天下之亂必自彬始 陛下亦何惜一彬以謝天下耶此疏議論第一忠誠第一文章第一真所謂與日月爭光者也因識其畧云公莆陽人字伯固號后峯中弘治乙丑進士有後峯集梓行云

現處事稿

卷之五

李

先祖蘭岡公平日好焚香隨寓不輟一日先母夢有人告曰汝舅壽本七十以焚香多故壽止六十四今當盡矣越兩月忽中風果卒是知馨香臭味乃是人生一種受用皆不宜過滅祿延壽之說于斯益信然香最散氣亦養生者之所忌也但可以之勝濕解穢而已
近予目病退膜兩眸皆粘破痛澁不能視物彌月不愈甚苦之適武林舊知王雲谷潼過予謂曰此風熱也非苦不可以清熱非辛不可以散風宜用黃連剉碎先以生薑一塊切兩片剗空

連煨之次以紅棗去核加少礬末入連再煨
俱用溫紙包裹候以紙乾取出加人乳置磁杯
中蒸熟點之熱淚淋漓其病如解又曰於大小
便時閉目固齒意隨便下降火尤妙二法用之
俱驗雲谷磊落不允年踰六十止育一女後自
喪室遣女郎棄家不娶遊于江湖好讀褚伯秀
莊子得其旨趣所作詩畫亦脫俗嘗寫王大痴
山水雲氣悠揚令觀者動丘中之想人謂之王
小痴又嘗草萬言書論時政甚悉不果上一日

玩鹿亭稿

卷之五

七

寓徽州以詩謁余明府曰十年南北竟支離出
不諳時處復違書草萬言空憫世交論四海可
依誰自梅苑菊饒冰霰客况人情送髮絲酒醒
山城聽夜雨新寒又是去年時亦可誦也
海寧邑中有高堅者為糧長費用官錢頗為侈
肆後罷役里人以詩嘲之曰西鄉糧長脫高堅
便覺萎蕤不似前拚性命拖官府債寫文書賣
祖宗田當時口是無量斗今日身如沒舵船寄
語一般糧長道此人堪笑亦堪憐詩雖嘲戲實

切事情可以警俗

玩鹿亭稿卷之五終

玩鹿亭稿卷之六

四明萬表著

男建甫編輯

孫外孫校梓

奏議

奏慶大惠船糧跡

為異常水患衝滾船隻漂流糧米泮死人命事
據江北直隸把總運糧指揮僉事梁端呈據直隸泗州衛運糧指揮趙思呈備左等所旗甲潘真等連名告稱領運蘇常二府武進等縣糧斛

此係平海

卷之六

一

本年六月十八日僭運到灣至長店鎮地方住泊起糧間本月二十六日雷雨猛風大作連夜山水陡泛涵湧漫流四顧成湖人民房屋衝倒致被皇水漂流將大河衛旗甲鍾得名等三十餘船從亞巴莊衝開數幫順灣隨流真等一十四船盡被衝壞頭稍梁棧隨即溺水漂流糧米各旗軍得抱篙櫓救生至次日真等前往里二寺尋得王谷許鶚二船當就撈獲濕米五百二十六石五斗告蒙本衛照例分散各船食用易

此係平海

卷之六

二

換好米代補外實漂無存正糧一百一十六石真與宋綱簡義魏廷仲劉保唐志劉現凌餘蔣舉李方孔璽陳有才十二船共漂流正糧三千六百二十四石并帶官磚一千七百三十八箇官酒瓶九十三箇俱被衝溺無從上納等情具告到衛轉呈到總行間又據大河衛運糧指揮管善呈備中等所旗甲王受等連名告稱駕船於六月十九日到灣住泊亞巴莊地方聽候起糧間不意本月二十五日夜二更時分山水陡漲平地約高三丈有餘兼以惡風暴雨大作將受等船八隻衝開又被大木交橫互相撞碎漂溺各軍得篙木伏搭救命當有前所旗甲王貴三船隨翻淹故該船軍人未知存亡下落中前所運軍張阿金等亦被淹死二十六等日止尋獲中右所旗甲趙向老鍾得名雷仁三船漂入居民田內梁頭棧板俱壞沉水撈救濕米七百七十石告蒙本衛給散各船易換代納外實漂無存正糧一百六十九石又與王林陳保一陸

復三王貴三五船共漂正糧一千五百六十石并磚瓶盡被衝滾無跡等情具告備呈到總呈乞照詳等因又據中都留守司把總史謙呈據懷遠衛運糧指揮王佩呈備後所旗甲李玘等告稱各役領兌常州府無錫縣糧米於六月二十四日駕領到於張家灣亞巴莊地方住泊蒙撥京倉上納聽候起糧不意天雨大作至二十五日夜二更時分陡發風浪齊湧將玘并旗甲吳貴武雄三船擠攔衝倒原裝在船正糧共九百四十九石本色蘆席二百三十七領臨清廠城磚五百七十六塊盡被衝滾無存玘等搶扶篙櫓得命上岸告乞分豁等因到總理合呈乞施行又據江南下江把總孫承宗呈稱鎮江衛指揮李楫下旗甲施寧船裝正糧三百一十四石跟幫行至北河泗河崖南京留守中衛百戶高軒下旗甲正勝船裝正糧三百七石住泊長店地方俱于六月二十五日夜忽被水災將船衝滾連人糧不知下落呈乞施行等因又據浙

現處事稿

卷之六

三

江把總孫友呈稱杭州前衛運糧千戶蔣文迪呈稱本衛前後二所旗甲周永寧鄭林二船各裝支運粟米四百石官磚二百箇於六月十八日至張家灣地名新河口住泊聽起糧間不期本月二十五日黑夜風雨大作山水泛漲將各船磕撞沉沒淹死軍人周憲章陳淮又據本衛中所旗甲陳行亦告本船領兌粟米四百石磚二百箇亦被衝滾次早水耗於里二寺地方尋獲本船打撈濕米一百六十四石五斗分散各船易米代納實漂正糧二百三十五石并周永寧鄭林二船正糧八百石官磚四百箇並無踪跡緣由又據南京水軍左衛百戶劉儀呈稱本幫千戶周易管領支運臨清倉糧船隻到灣本官因病呈准在於小甲孫惠船調理糧米起上於六月二十五日陡遇水災連船衝滾淹故打撈不獲等情又節據各官呈稱流澆糧米俱經備呈巡倉衙門批委通州知州汪有執公同江北把總梁端山東署總指揮劉經徐州左衛運

現處事稿

卷之六

四

糧指揮陳鏞各親詣張家灣漂流處所拘集地方巡司總小甲及隣幫官軍人等結勘是實四報訖各呈到臣據以竊照臣猥以薄劣積病孱廢誤蒙

聖明簡用方未履任即遭此大患漂流糧米數多淹死官軍臣聞不勝驚惶寢食俱廢無以自安除待罪外臣查得漕運議單內一款漂流糧米所在官司奏到之日一面行巡按御史覈實勘報一面先將運到糧米照例就將兌運京糧

疏

卷之六

五

減除通倉上納如漂流十石減除一百石每石省下脚米一斗以補漂流之數除正糧照例加耗所省脚米止是刮鉄兩平收受若通州倉缺嚴不必減除仍赴京倉上納如漂流一百二十石免晒一千石亦兩平收受每石省下晒折米五升并耗米七升共一斗二升以補漂流之數前項免晒及通倉所收省下脚米俱不挨陳先行放支又一款自嘉靖二十二年為始漕運糧米漂流船糧照舊奏勘處豁其官軍侵盜費用

照舊奏提外其過洪開遇風浪灘淺等項船存糧米漂流多寡者拘審該幫官旗衆証相同若果漂流損失不係官軍侵盜者就將該幫官旗應給羨餘銀兩查算扣失米數每石折銀七錢徑解各該倉庫收支折銀應用如該幫官旗羨餘銀算不足損失米價就將該衛該總運內扣除務要當年補足原數如扣餘剩照舊給軍等因節該戶部題奉

疏

卷之六

六

米委係非常水患衝滾無存節經巡倉御史委差多官勘明參奏所據前項糧米除大河等衛尋獲旗甲趙向老等六船係船存糧漂各將撈獲濕米分散各船易換好米交納其餘漂失糧共五百二十石五斗俱合比照洪開灘淺碰撞船存糧漂多寡事例就將應給羨餘銀兩責限買米上納或買不便查算損失米數每石折銀七錢徑解各該倉庫收支應用務要當年補足原數其潘真等二十四船係全船漂流無存正

糧七千五百五十五石六斗五升四勺相應遵
照全船漂流減撥京糧通倉上納事例處納或
令免晒以省脚耗陪補竊照前項全船漂流與
船存糧漂事例分別甚明具載議單非臣所敢
擅擬再照各總官軍自六月二十五日以來為
因衝决石堤稽誤進糧其被患四總軍船雖納
完者亦不敢支領羨餘俱各守候計經三箇月
日尚未發船回還明年又該全運缺船千餘缺
軍未計將來之事誠當亟亟所據淹沒官軍各

疏

卷之六

七

越數千里之程身為

國儲一旦遭此災患隨糧漂失不知去向實為
可憫即今京城內外同患漂沒軍民之家俱蒙
聖恩垂恤萬姓懽騰咸需

天澤如蒙伏望

皇上軫念漕運重計乞

勅該部將前項漂流糧米并各該官旗查照節
年漂流事例早為慶發軍船南還亟亟下年全
運之計其淹故官軍照例令各該衛所查出今

年應支糧俸并羨餘銀兩全給家屬存恤以溥
皇上一視之仁螻蟻群生不勝仰戴漕運幸甚
緣係異常水患衝滾船隻流浣糧米淹死人命
事理未敢擅便為此理合具本親齎謹
題請

旨

議處截起通運疏

為水旱二患先後遲阻糧運預計起納事近據
浙江等總處州等衛所運糧指揮等官王熙等

疏

卷之六

八

呈稱孟陽八里灣仲家淺新開新店等開水甚
急溜難行每船用大纜八九條方拽過閘日夜
無停每閘止過船五六十隻艱辛萬狀不能速
進過違期限官軍負累何堪呈乞議處分豁等
因據此案照今年春夏自淮迄南天道亢旱瓜
儀一帶外江裏河水小不能相接四等月日先
各據湖廣江西上江等總武昌等衛所運糧指
揮羅英等各呈稱兌完糧米見抵儀真停泊守
水不能過閘該臣會同前任總督漕運都御史

韓通行高郵儀真管河管開郎中等官并淮揚二府州縣各管河官負逐一閉塞涵洞毋致漏泄蓄水濟運至五月中旬幸遇時雨接濟方於六月初二日儘催過淮臣復會同都御史韓具奏及行叅將賈席并委各把總官逐節分押幫船沿途催儻外後據南京等總廣洋等衛所指揮等官李春等呈稱自清河縣至徐州一帶大水泛漲洶湧非常船不能進每十船併找一船日行不過數里耽延遲誤緣由又經會行沿

疏

卷之六

七

河有司着管河官員拘集淺濶人夫相兼運軍晝夜打拽前進臣隨於本月二十四日離淮隨路催儻又據江北等總泗州等衛所運糧指揮等官蔡需等呈稱濟寧迤北十里舖等處衝倒堤岸決口數處長闊不一大者計長四五十丈阻集糧船數多已該河道等衙門當即撥夫築塞但決口闊大不能即完又該行令各把總官調集各幫運軍併力修築月餘方完船始通行後遇連雨決口修築不堅又復坍塌隨行修築

船復無阻為照全運一萬餘船各總先兌江北糧米船隻所去不多其餘江南兌糧各總船隻俱為旱阻一遇時雨通行沿途聯接前後挨幫不能速進一船少延後幫即阻雖派委各把總官每員量管催船一千逐節分督照顧每不相及臣隨路身親督催每見各幫動輒告稱已頂前幫雖遇好風亦只坐泊蓋由船多壅滯不行疏先達後之故臣即嚴督見在閘河上下把總黃印呂元孫永宗等所領三節幫船盡轉白河

疏

卷之六

十

次第抵灣起納計後接續繼至而把總劉救所領幫船止到一半餘未見到又經差人鎖拿脫幫台州衛千戶衛潮并查把總劉救未報今復據呈濟寧迤南一帶諸閘水溜艱難尚爾延滯臣聞心切驚憂雖則與上年抵灣進納之期不甚相遠而今年無閘九月節氣更早晚後幫運船不無凍阻之患事應速計尚可圖脫近先准總督倉場管理西苑農事戶部左侍郎李咨據本部委官員外郎周魯呈據武昌等衛指揮羅

英李文明等呈前項水患遲阻緣由煩為差官前去沿河催備備行到臣除檄委把總黃印自河西務起直至尾幫止沿河一帶迎催如遇各閘淺溜阻集去處就彼調發人夫併力扯拽日夜催備前來不許時刻停泊及分委把總朱文呂元管催起剥督發完糧空船清理張家灣一帶河道又經差人守催完糧把總指揮孫支周應禎出京并取遼洋完糧把總賴天祐各總完糧指揮陸琦弋揚劉翺等分布各淺協力催備

疏陳事稿

卷之六

十一

先將楊村以上見到各幫嚴催抵灣起納俾後幫續到船隻隨到隨剥隨起不致守候廢無復滯其河西務起剥近因天寒河水淺涸各船剥米數少行至蕭家林等處仍復淺阻不能抵灣又尋剥船起剥甚是耽延照今時日甚迫豈容少滯如各總缺船衛分每船有加裝正耗米至七百餘石者須起米二百五十石方得通行抵灣若裝六百石以下者須起米二百石亦可無阻已行委官把總酌量各船重輕加剥石數毋

令再剥就將輕費十分之三沿途起剥銀兩動給船戶以免守候隨皆開行仍回河西務地方聽剥如後幫船糧到多剥船不足量留江北路近回空運船湊剥以速前進外即今允有可為出凍之圖者猶當悉心周計不敢坐待臣思每年通會河石填日起京糧數止三萬石又有陰雨遲阻之時今查未到京糧自寧波衛起至末幫安慶衛止共計九十六萬有零雖日起米常盈三萬石之數計須三十餘日方可進完中間

疏陳事稿

卷之六

十一

又有風雨間阻不能定計今十月十二日小雪只隔三十三日節前每年河先走凌船已難行計不足三十日之期矧今石填每日起米二萬餘石或不及二萬似難出凍甚為可慮必當通融為處方克有濟惟通糧路近進倉頗速而湖廣江西上江路遠船隻一經凍阻有誤來年兌期允宜亟處為今之計查將後到投文湖廣江西上江三總糧船盡進通倉將各空船急發回家其扣下脚價存貯通州候下年三四月間江

北等總先幫糧船到日照數給發盡起京糧以補原定兌改京通三七四六之數此時各幫到灣數少時日從容進納不難似為通便仍令后填委官每日務起三萬石之數共圖脫凍一面馬上差人行令河道等衙門一體催儻毋容停泊并嚴行後幫把總劉教田于公魏元等晝夜兼程督押前來如或遲延以致誤事照例參調降黜廢使人心警勵糧運可完矣如蒙伏望皇上軫念全運水旱路途之艱難凍期時日之

玩應事稿

卷之六

七

迫促乞勅戶部參酌臣議早為計處俾圖完納不勝幸甚

奏請發銀補造以濟全運并議折銀疏
為議慶缺銀脩造船隻以濟全運事據江北直隸把總運糧指揮周應禎呈稱本總所屬八衛額運淺船一千六百七隻該修船料銀并辦什物等項大約用銀一萬二千餘兩先年俱于本總減存料銀動支給發近無減存料銀蒙漕司題

准於各衛完糧羨餘銀兩內扣留三分之一銀九百三兩二錢六分四釐六毫六絲四微尚欠銀一萬一千餘兩如今年壽邳等衛缺銀脩船報已兌完到填船泊外江守候延至四月方纔借得淮安府庫官銀前去買料旋脩旋復始得起運僅能完事近年見奉

明旨全糧緣無減存軍料前項船隻未免缺銀應用臨期誤事罪及何驛呈乞預為計處免致遲累等因據此先為議處輕費羨餘銀兩以備

玩應事稿

卷之六

七

修造以濟全運事該戶部咨該臣等具題議查嘉靖二十五年以前各處災傷間有折色衛所淺船得以減存旗軍照例辦納料銀連年藉此修造船隻應用去歲奉有

明旨全運本色原額淺船俱派見運無軍減存辦料缺銀修船委難區處議自嘉靖二十七年為始將浙江等十總運軍應給完糧羨餘銀兩以三分為率二分仍照例給軍回途盤費量扣一分給付各把總官收領解淮貯庫相兼支剩

料銀聽候應用題奉

欽依通行欽遵去後今把總周應禎又呈下年本總除扣留羨餘一分外尚欠銀一萬一千餘兩為照各總幫脩貼造銀兩自來俱有減存料銀例於各軍月糧扣解惟周應禎所屬淮大邳三衛因缺月糧是以料銀亦每缺少然尚足給近因全運通無減存非獨周應禎一總無料各總俱無但各總猶有先年解到給發未盡料銀尚可為一歲歲半之給後亦無虞今年運回即

疏

卷之六

十五

該修船赴兌事體甚為緊急所當亟圖及查嘉靖二十一年漕司具題補造各總衛所節年漂流毀壞事故無存運船共一千七百餘隻一向減運未造上年因全運缺船查支節年減存料銀七萬兩先補造船七百隻餘查無銀又復停造及將老舊沉水壞船盡行秤斤修驗赴兌不足裝運又將山東糧米俱雇民船其餘缺船之糧加派見在各船附帶苟免完事今年老舊壞船不堪再修以故船逾缺少加派附帶逾重一

疏

卷之六

其

船原裝正耗米四百五十石者今裝至七百餘石船重載洶水疲卒撐駕甚艱隨路報患如率波衛指揮顧松一幫大患船八隻失米一千四百四十餘石小患損失不計委實錢糧可惜追陪可憫臣司統領沿途目擊豈能自安為今之計必將先年原題未補造船一千數內量行補造二百隻撥浙江下江二總缺船衛所領滿裝運少甦重銀計該銀二萬兩并給湊周應禎總年例脩船銀一萬一千兩俱係十分緊要誠難缺少即今十月已盡急為議處修造已遲萬一誤事獲罪何及臣查嘉靖初年補造事故運船俱借運司餘鹽銀兩應用前項或備邊用不可借支查得每年糧運解貯太倉銀庫扣省等項銀兩俱係漕運錢糧似應查發修造以濟全運然以數亦有限若以後俱是全運未免不繼尚當別圖料銀修造以為經久之圖臣復思舊例漕運糧斛四百萬石不得虧欠議單內一款倘有災傷等項停免於附近府分撥補附近

府分各有災傷漕運官就臨德二倉照數支運
撥補務不失原運四百萬石之數者為災傷停
免而言夫災傷例當停免然恐虧國計且以
臨德二倉糧米支運有限故准折銀往年益於
災傷停免之中以為減折非無故折銀坐虧
國計故減存料銀自漕運以來之所並有修造
淺船一向所需實皆自昔相承之法臣愚以為
理財之道莫要於本折通融互用如飢飽寒溫
各適其自然之宜而已是故惟財與衆同謂之

疏

卷之六

十一

理蓋得其理則贏失其理則屈無他道也如豐
年米賤全運本色則取民所有而京儲大本以
充雖連年全運繁苦劇費在所不惜遇奏災傷
或應停免者量減折色以存國計使民易出
辦運稍休息而折色相兼為用于國計亦不
可無若俱運本色臣恐後之財力勞費難繼而
公私所傷亦多未可為一定經久之法也臣又
常竊計漕運糧斛除河道工役之費其輕齎耗
米并修造淺船料銀官軍行月等糧率四石致

疏

卷之六

十一

一石艱難險阻實不易得如今年支放京軍月
糧每米一石不過易銀三錢難得而賤用似為
可惜若以先年所收折銀每石七錢者作二石
放支公家所獲之利既倍京軍莫不鼓舞而糧
儲省積不逾於凶年重困吾民以取盈者乎
至米貴之年放支則軍需實濟京師之米價亦
平而鼓舞者衆矣故常平之法自古稱善有則
不至於傷農無則不至於價踊亦惟因時調停
損益而已原非執一之法今本折出納實寓常

平元承夫舊蓋無不適其自然之宜以裕

國用非專於節運之勞徇民之欲者也臣今會
議至京正舊運方集來運接始之時適遇
明旨因災條陳之日特陳修造缺乏之由併獻
一得之愚少摠忠悃輒忘冒昧伏望
皇上垂念國計俯擇萬幸

勅戶部將前項銀兩早為查覈給發亟令先冬
修造以濟下年全運併將減折事宜再為從長
定議上

謂以為經久之圖不勝幸甚

丙午年會議二條

一均進納以蘇敵運看遮洋一總十分疲敵節據該總官軍告稱天薊二倉交納繁難薊州倉尤甚比之京通二倉遲速懸隔允遇二倉上納者糧必掛欠船必凍阻官必累罪軍必逃亡借貸既多賠償無措以故各皆避死不敢赴彼交納今該總各衛俱輪年派撥二倉上納無有不敬者官俸軍糧每年盡數扣除完補尚且不

見虎手稿

卷之六

七

足貧難至甚日來各衛俱故輪流亦難幾不可支及照各總衛所上納京通倉糧大約三百三十餘萬石如災傷之年亦有二百餘萬石以一幫自進糧晒收計之糧多者不出月餘少者二十日俱得完報十月終旬二倉糧米通報納完惟薊州天津二倉數各六萬石往往不淨完報且如上年淮安衛指揮吳山一幫六月二十六日船糧抵薊州倉河下守至十月方收兩次晒颺回碾加增斛面稽遲日久挂欠賠償比之京

通事體迥然不同是以難于上納及今若不早

為之處決當大壞極敵臣等罪復何辭合無查照京通二倉事體投文到倉即與進糧進完即晒照例晒二日颺一日晒颺完日即與報收毋復稽延守候以致困累再照天薊二倉去京不遠只二百餘里或令各運官投文到倉赴總督等衙門告限併進十日一次到京報限尤為畫一庶免事無統紀因人變遷遮洋困憊可以漸蘇矣

見虎手稿

卷之六

二十

一重逃法以修運政據南京把總朱文呈稱南京各衛糧船例不下填水次兌糧每船止用旗綱二名雇覓民船裝載餘軍八名在營聽候糧運到填上船內有奸頑者觀望糧到輒便逃躲虛食月糧三四箇月者有之或中途畏懼艱辛弃撤船糧逃回者有之直待幫船去遠掇稱患病等項具首南京兵部未經百日者免叅已經百日者叅送刑部不過問擬越關杖罪改驗別差以遂避運奸計船非人力不能前進南運北

回旗甲只得雇人代運逃軍行糧止于三石豈足雇人工食及至運回南京戶部查扣逃軍行糧反將旗軍名下安家月糧扣抵還官一船或二三名在逃旗甲月糧經年累歲不得開支蓋因逃軍罪輕易於玩法旗甲貽累難以支持奸弊日滋漕政漸廢呈乞議處等情據此為照運糧以船一隻負米四百餘石駕船以一人一船十人缺一不可南京兩總兌江南糧者船不下填旗綱二人既先雇船裝兌其餘八名自合赴船

疏傳事稿

卷之六

主

聽候糧至駕運詎意奸頑安然坐視糧至反行躲避或行至中途弃糧而逃致累旗甲雇人撐駕本軍行糧數至三石不足雇人所雇之人又將何食若不重治人皆效尤逃亡日衆為患非細南京兵部常例一向於逃法太輕如一軍在逃未經百日免參已經百日參送刑部止問越關杖罪改驗別差今各軍既於年前派撥在運以至兌糧之時先已虛支月糧三四箇月及至起運即逃伺運稍遠即視患病首役所得既多

而獲罪甚輕則人將何憚而不為扒旗軍受累不可勝言而又將月糧扣除苦屈愈甚奸頑愈肆查得議單內一欵南京運軍逃走回衛及買求衛所官員改當別差者許把總并管運官旗呈告南京兵部督拿獲日轉發應天府解送漕運衙門問罪改正仍發上運招出衛所違誤并受賍改差官員叅拿提問照例發落又一欵運軍恃頑不行上運不候交兌及雖交兌而弃船逃走以致遲誤者將行糧賞鈔盡追入官仍問

疏傳事稿

卷之六

主

發邊衛充軍另勾戶丁補伍合無通行南京兵部查照前例一體遵守自嘉靖二十六年為始兌糧起運之時凡有逃故者令把總并衛所運糧等官先將開報南京兵部行南京各衛督拿獲日轉發應天府解送漕運衙門問罪改正仍發上運毋容一槩首役別差并將旗甲月糧不得混行扣官虧累旗甲中間果有事故照例替補若至完報回日通無到船者依議單前開運軍恃頑不行上運弃船逃走事例將行糧賞鈔

盡追入官仍問該邊衛充軍另勾戶丁補伍如
此廢法例歸一奸頑知所警戢漕法不可紊亂
矣

丁未年會議二條

一補脚米以免虧累據南京把總黃印呈切照
南京江北中都五總淺船俱在瓜儀二埧寄泊
官軍前去江南等司府領兌惟江北三總給與
過江脚米一斗三升內除七升雇船水脚餘剩
六升給軍盤填修船其南京衛分每石止是雇

疏虎考稿

卷之六

三

船過江脚米七升有司徑給船戶其盤填旱脚
有司並無升合官軍只得將各船本等加四耗
米內動支一升應用又無餘米幫助修船俱令
運軍包賠出辦所以軍船狼狽為最切思南京
衛分二總官軍領兌南糧雇船到埧盤糧修船
復載俱與江北三總事體相同南京官軍止隔
一江除雇船脚米七升與江北相等外至於盤
填修船何獨給與江北六升而南京官軍並無
給與升合查得江南糧米先年俱係民運過江

就軍交兌雇船盤填皆出於民今民既免轉輸
之勞盤填之費亦當在民不為虧累呈乞議處
等因到臣查得先年南京二總官軍屢常呈告
漕司會議欲行有司每石量添二升部司恐其
增多病民未准所擬今把總又呈前因蓋因見
運軍陪累之難誠非得已委應議處查南京
二總衛分先年議將領兌浙江三六耗米輕費
內存二六完糧扣出兩尖米一斗折銀五分名
為斗米封收在總一半作改造旗船軍三料價

疏虎考稿

卷之六

三

一半該總貼補修船什物并盤填等用以故南
京各衛未嘗稱乏後至嘉靖十二年為存斗米
復辦料以濟漕船事該戶工二部咨將南京總
下三六輕齎銀兩照數驗封入鞘完糧合用給
軍羨餘數內用使不盡者作為軍三料價造船
又該漕司議得羨餘必俟糧完方得查解不無
有誤造船覆議將領兌浙江三六耗糧內每石
原扣銀五分除該給各廠成造旗船外其餘銀
兩合依所議仍發各總領解赴京完糧回咨戶

工二部查照外所以斗米止儘造船完糧羨餘給軍其修船什物并過填米並無給與升合一向累軍包賠合無仍酌量先年舊例將南京二總領兌江浙三四耗米內原扣斗米銀五分除扣解軍三旗船料價外所餘數內量扣銀一分以為過填旱脚并幫修什物等用俱報循環稽查其餘銀兩仍盡發各總照例驗封入鞘領解赴京完糧支用羨餘給軍是以各衛三四完糧給軍之多餘給補槩總起運包賠之不足上不

玩鹿亭稿

卷之六

三

扣損於官下不加賦於民完糧脚價亦均而揭借賠費之苦可少息矣

一議廢耗米以蘇軍困據遼洋把總蔣懋勛呈查得山東江北等總每年領兌山東河南二省改兌正糧每石加耗一斗七升運赴京通二倉每石例交上納耗米四升惟遼洋官軍領兌河南改兌每石止得耗米一斗五升運赴天津倉上納每石交倉用耗六升較之山東等總領兌耗米原少二升交倉反多二升共計每石虧耗

米四升節致掛欠累軍揭債賠補疲困已極況有司原收民納耗米一斗七升山東江北等總照數領足惟遼洋止領一斗五升却留所餘二升別項支銷既不寬免於民何獨貽累於軍若謂運納倉分稍殊天津相去何遠減去二升及照天津倉歲收遼洋改兌六萬石不過隨收隨放較之京通倉久貯挨陳放支者却反多納耗米二升事體不一久為軍累呈乞議處將遼洋改兌糧耗比照各總每石加耗一斗七升運至

玩鹿亭稿

卷之六

三

天津倉亦照京通交納四升以蘇軍困等因到臣查得議單內一款改兌糧米加耗則例山東河南一斗七升遼洋一斗五升天津倉相去京倉不遠輒減二升亦似太多又一款內開進京倉交納糧米每石兌運加耗七升改兌加耗四升遼洋六升山東江北等總交納京通二倉本倉俱兌兌改納耗自是不同其單內遼洋六升惟指正兌納耗而言如薊州倉上納正兌耗米應該六升至於天津倉上納改兌耗米與京通

倉納耗事體相同不係正兌却濶作正兌亦要
納耗六升蓋因議單遞洋未分交糧正改加耗
數目以致每年天津倉改兌涸照薊州倉正兌
俱納六升負累官軍槩將月糧或揭債賠補困
敝已極故遞洋總分比之他總十分狼狽相應
議廢合無嘉靖二十七年為始行令有司將遞
洋總改兌原徵耗米一斗七升先年止領一斗
五升扣留二升今量給一升每石領兌耗米一
斗六升其運赴天津倉亦照京通改兌一例加

疏奉

奉

主

耗米四升則民不加徵軍不虧累永為定例開
載議單廢耗米適均敝運可蘇矣

患病乞代疏

為患病危急亟請更代免誤漕務事切照臣素
患虛火怔忡病症調治未痊嘉靖二十五年欽
奉

勅命提督漕運臣聞

命喜躍力疾供職以圖補報連歲奔走苟完運
事但前病怔忡時作時止每發數日或旬日即

愈至今年九月間僂運進京一時虛火復發遍
身火熱咳嗽吐痰加以鼻衄伏枕月餘稍愈隨
復奉

旨嚴整明年運事欽遵陸路兼程回淮因勞動
火前症大作頭目暈眩喘嗽不息鼻衄不止心
氣怔忡全身戰動復加疼痛日夜呻吟半月不
痊轉加危重積患交攻勢難延活縱使醫治得
生亦恐終成痼廢切念臣犬馬之年今踰五十
叨竊運樞正當

疏奉

奉

主

聖明向用之日不意命蹇福薄遭此病患不能
少效絲粟圖報何時思之感泣臣螻蟻微生固
不足惜但漕運重任時難廢息只今病卧不無
誤事憂惶激切如蒙伏望

皇上軫念漕運為

國重計察臣惓惓圖報之心積患危急不得已
之情乞

勅兵部早賜推官更換容臣回籍調治以圖後
報不勝感激

戊申年會議二條

一禁私兌以重京儲據中都把總運糧署都指揮僉事尹鳳呈據懷遠等衛運糧指揮莊棠等呈稱蒙派領兌蘇常二府州縣糧米依期到彼眼同官里將在倉糧石從公領兌此又外有不入倉糧石名為兌戶各居鄉城不一每衛派散五十七家糧米多寡不等旗甲挨門找尋伺候彼便則出兌不便則叱回只碍守等曠延月日又被將糧棹和糠糲濕潤倚勢兌與官軍受害

光緒二十六年

奏六

壬

不敢聲言緣由到總呈乞禁治行間又據江北把總周應禎呈稱泗洲衛運糧千戶劉爵領兌常州府武進等縣糧米被糧長白子道等仗倚豪強濫將粗惡糧米存落在後通不上倉晒揚勢逼官軍私家領兌實應京通交納虧苦呈乞議處及據杭州右衛千戶暴以平呈稱領兌蘇州府崑山縣糧米被延四月之上未完糧米千餘豈被勢豪糧里倚恃豪家不行運倉逼軍上門領兌等情各先後到臣已經會行江南巡撫

衙門查究禁治外切惟漕運糧斛乃

國家重計各處自有水次官倉晒揚交兌係不易之定法奈何近年江南各縣豪戶罔畏國憲不遵明法公然不將糧米運倉倚勢存家任其拖延該府縣管糧等官莫敢誰何直待三四月內倉糧兌畢之時方令官軍找兌既不晒揚乾潔反又棹和糠水百計留難官軍畏懼違限比較問罪只得屈兌上船沿途蒸折臨倉虧欠負累包賠不勝困極且前項奸弊不獨蘇常

光緒二十六年

奏七

三十

二府糧長白子道為然上年節據江北把總呂元益城所千戶李顯紛紜呈各相同若不申明法例嚴行禁革第恐效尤者衆不惟官軍被害報運日敝

國法亦為撓阻誠非細故如蒙俯念軍儲為國家之重計法例為天下之遵承阻廢不容以漸合無通行江南巡撫衙門嚴行各府州縣掌印管糧官自嘉靖二十七年徵收兌軍秋糧為始務要遵照律例依限開倉收受完足具收過

在倉糧數開報漕司聽候官軍晒揚交兌雖升合不許容放私家敢有勢豪仍踵前弊不行上倉逼軍私家領兌者聽臣等并撫按監兌等官拿問重治該府縣管糧等官問以罷軟革職如有賍私照律治罪仍計各戶不進倉數糧米坐以侵盜申照法例乞載議單永為遵守

一併軍船以便漕運撫中都留守司把總運糧署都指揮尹鳳呈照得本總所屬河南潁上所止船五隻官軍五十一員名運糧一千五百餘

疏應奉稿

卷之六

壬子

石數為極少官軍不便有三該所寫遠不善過江每年輪兌山東鳳陽二處糧米冰碯三四州縣水次星散一官不便鈐束一也糧船北上經過洪開灘溜軍船畸零難於併力捧挽二也抵灣分撥京通二倉交納上下不能相顧三也此外不便於本總者又復一端該所應報合干上司一應錢糧公文因隔寫遠多不如期雖差守取往返千里動經旬日每每稽遲誤運查得總屬潁川衛亦係河南都司所轄該衛止船二十

隻額設指揮一員百戶一員領運船糧亦為簡少如蒙乞將潁上所原運旗軍五十名改革春班京操却將潁川衛春班操軍摘留五十名領船駕運遞相互換庶不兩誤呈乞議處等因到臣為照潁上所原無運軍成化年間為因長淮等衛缺軍運糧始於該所添設五十名領船五隻駕運及查嘉靖元年該先任漕運都御史陶琰總兵官楊宏會議題

疏應奉稿

卷之六

壬子

准將淮大等衛春秋兩班京操旗軍改撥運糧以抵徐左泗洲二衛缺運之數却將歸德等衛所空閑餘丁頂替淮大等衛京操今照潁上所止有額船五隻官軍五十一員名地居僻遠逐年領兌交納委果星散一官難以鈐束及中途經過洪開淺溜人少力薄不便併拽每致愆期呈誤及照潁川衛與潁上所俱屬一省各有操運二差均係重役且該衛止船二十隻數亦不多見有指揮百戶二員管領若將潁上所運軍改操潁川衛操軍改運互相兌換彼此均便查

與徐邳歸德先年改機操運之例相同似應議處合無自嘉靖二十八年為始將潁川衛春班京操旗軍於內摘留五十名充領該兩船五隻併附本衛運糧不必添官却將潁上兩軍糧旗軍五十名抵數赴班操守運官退所別差如此廢操運兩便事易統攝俱無妨誤矣

辛丑河道淺阻議處起糧出凍踰

為儲運糧儲事切照臣先於今年二月間前往瓜儀二堤催備各運陸續過淮前來五月十一

東唐事稿

卷之六

三十三

日隨至清河一帶督船過淺後因兩洪清河有水船行無滯臣復至濟寧一帶各關督催今見督過濟寧南糧運船先後總計五千七百一十隻即今未幫運船俱於七月二十二日過呂梁洪挨幫前進但查往年先幫運船正月已有過淮二月三月四月陸續過淮不斷次第抵張家灣進倉交納每年七月間隨路俱有空船南回今年五月初六日兩洪方渾水運船方行即今八月頭幫高郵衛運船方纔交糧一兩月間各

東唐事稿

卷之七

三十四

總運船先後擁集深慮灣中擠泊不下起糧起剥俱為艱冗而火盜之變干係重大昔嘉靖元年臣先任浙江運糧把總時因糧運節年遲悞自天津以至張家灣船俱凍阻臣訪得天津丁字沽桃花口一帶俱堪起糧蓋由武清縣馬駒橋一直進京路不甚遠其京糧車脚銀兩比之張家灣起米進倉所差不多惟通糧車路沿河灣遠進倉比之京糧途路亦各相等所費車脚甚多臣議將丁字沽一帶凍阻運船通起京糧

天津以南開河一帶凍阻運船通起通糧總不失京通兌改三七四六之數將分機通糧船隻脚價空貼京糧蒙戶部題

准前議行臣催督不加絲粟給濟通將凍糧起發進倉後江西安福所浙江台州衛幫船連日兩處起火共燒船數百隻得糧米俱已起完止燒空船實出萬幸今後幫各船接聯轉河指進豈但重船阻雖起完空船亦恐擠塞分接差官晝夜清理不開其起糧條子剥船尚有阻旬日

半月不得到閘者今年八千餘船除陸續先發只今雖見清理八九月間後幫運船俱到數當不下五千比常加倍督發尤難火盜干係將來豈不深有可憂况九月以後凍不可測只有八月一箇月之期神輸鬼運展轉不及若照常格起糧必然致誤况江西湖廣二總途路遙遠若再凍阻明年凍開方回勢難復運下年糧運又須停減及照各總糧運近來十分疲敝今年受累尤重隨路逃亡再使守凍缺食十亡八九將

現應奉稿

卷之六

五

來糧運從此不可救藥若不預陳區處以致失時誤事雖罪死無益為今之計必須水陸並進或於後到運船內量摘通起京糧就令於丁字沽一帶灣泊聽候雇車不須抵灣擠塞却於已過河西務各幫摘起通糧惟不失京通三七四六總數京糧腳價于摘撥通糧船內提貼但今輕齎二六者止是二四三六者止是三四恐不足用其原減二升量動累年由閘節省銀兩照數補足其通惠河每日進糧三萬照舊不誤或

將湖廣江西二總路遠運船從權水兌以速回南今年河道涸阻遠近共知後不得援以為例然必多方並行庶圖出凍仍查先年各幫扣存事故給軍銀兩每船量給雇人不候交糧先行駕船回南則下年運事可以依期責成若一年凍阻則歲歲愆期為害有不可勝言者矣今年河道枯涸異常臣等不勝憂懼荷蒙

皇上軫念糧儲重計

特命大臣督治河道又

現應奉稿

卷之六

五

遣官祭告河嶽等神以故萬靈効順百職殫力多方疏理晝夜靡懈以致於斯實出望外今事在垂成正虧一簣如蒙伏望

皇上俯念艱阻垂成之時重恤軍士守凍之苦早圖下年兌運之計乞

勅戶部早為議處水陸並進將路遠運船從權水兌兼濟務期早完出凍不誤下年起運則上不負

皇上聖慮之勤至下不虛諸臣奉職之辛勞糧

運不勝幸甚

乞免淮邳官軍守江以固重鎮疏

題為乞免摘撫淮邳守江官軍以固中原重鎮事切照兩淮為南北要衝天下喉襟之地東臨大海鹽徒出沒不特倭夷之防北接徐沛盜賊尤多自昔雄強桀猾之所隱伏蓋中原之鎮未有要於此者也今淮安大河邳州三衛戶口日減差役甚繁所最先者春秋二班京操裏外河運糧巡鹽捕盜河下接替夫役雲梯關把守次

疏

卷之六

三

則派撥廠料局料顏料并賠納屯田荒糧餘補守城操備軍少差繁實不足給近年又該江淮巡捕總兵官湯行文選取淮大邳三衛并東西二海兩官軍共二百餘員名前去鎮江湊足二千餘名之數在彼操練以故城操愈少今年山東單縣地方妖賊竊莢境聯豐沛切近徐邳嘗調軍防禦於淮大二衛城操軍舍內逐一挑選只二百餘名其中尚有老弱充數人心驚惶甚為可慮臣思兩淮喉襟重鎮既無調集防守

之兵而乃以兩淮之兵調守鎮江即今城伍空虛誠不足以居馭彈壓緩急殊無所賴且淮大二衛原非沿江衛所今調彼防守過湖越江遺家遠役雖則於該府地方給有行糧而連年月糧多缺關支家口亦無供贍每去必屢幫貼軍伍愈累况江南亦無哨聚之盜在彼亦為冗食即有盜聚調取亦易如蒙伏望

皇上垂念兩淮為中原重鎮乞

勅兵部行令操江巡江提督巡捕等衙門將前

疏

卷之七

三

項官軍止於沿江各衛查撰其淮大邳三衛原撰鎮江操守官軍仍回淮安本鎮操備遇有盜賊生發聽彼調用庶不顧彼失此地方有賴人情亦安武備可修中原可固矣

乙卯年會議六條

一嚴收納以祛風弊據遼洋把總運糧以都指揮體統行事署指揮同知徐學下德州衛指揮周金呈稱本總所屬淮安通州左等衛官軍每年在天薊二倉上納守戍艱難至嘉靖二十六

年該篆漕司議擬比照京通二倉事體各運官赴京總督等衙門告限併進每十日一次比限稍得蘇息但近年運官赴京承領各衙門限票止篆比併運官不篆責併各倉官吏夫運官在倉孰不欲其速完早歸但進倉晒收俱係各倉官吏所司運官豈能預力責限既不加之倉官晒收愈加稽阻展轉索捐不可勝言况運官赴京比較往返耽閣動經半月盤纏花用未免科派貧軍比之先年尤為繁苦呈乞議處等因到

疏奏稿

卷之六

三十九

職卷查先該漕司會議看將遮洋一總十分疲敝節據官軍告稱乞照京通二倉事體投文到倉即與進糧進完即晒晒完即收勿得稽延守候或令十日一次到京報完該戶部題奉欽依通行欽遵訖今據前因為照該總官軍呈稱天薊二倉晒收延遲欲求并限比較蓋因近年責限止及運官而不及倉官遂致倉官乘機求索愈致稽遲乞要議處職等竊惟糧運稽遲其弊有二一則運官運軍窺知在船耗米數多

沿途侵欺花費以致虧欠正糧不得完納一則在倉官攬軍斗指以常例為由索要財物少有不遂縱使糧運進倉完足仍復百計刁難不即收受中間忽遭風雨動至半月或一月不得收納完足以其為弊已非一日之積矣今若獨比較運官而遺倉官將益中其姦貪之計恣行措勒若獨比較倉官而遺運官將縱恣其玩愒之為愈益稽遲又十日一次到京報完兼行比責畧亦責成速完之意但各倉自天津薊州到京

疏奏稿

卷之六

四十

往返四五百里若使運官屢行至京豈惟勞費艱難抑恐曠廢進納為照天薊二倉各設有戶部管糧郎中主事等官堪以委任且見在彼處地方行事勢亦甚便合無自嘉靖三十五年為始凡各該糧船將及抵倉之日運官投文戶部總督并巡倉等衙門給限發與各倉并運官各照糧數多寡定限某日完糧戶部仍即行文令天薊二倉管糧郎中主事等官就彼將運官倉官查照總督等衙門原定限期嚴加比較責令

上納一如在京各倉主事之例免其運官數數赴京止是半月或一月一次其該倉郎中主事將收完糧數呈報本部及移文巡倉衙門知會查考不然或令運官一月一次赴京呈遞完欠數目因行比較如有延捱日久糧運不完及掛欠數多番有侵欺情弊者就將運官旗甲人等叅送法司問擬追併不必復待運回致令展轉遲延如此則風弊可除繁文可省而糧運亦不敢久稽矣惟復仍舊赴京比較施行

玩鹿亭稿

卷之六

四

一復舊規以紓疲軍據江北等總把總運糧以都指揮體統行事指揮使等官張弘等呈據歸德等衛指揮千百戶趙滂等呈稱漕運舊規旗軍領兌糧米運船駕至張家灣等處住泊坐糧衙門撥給外河剝船將糧剝運后土二堤通糧則車戶搬運京報則裏河由開旗軍只在各倉候糧米至日交納輕齎銀兩給與腳價騰出空船即日趕發回南止留一旗一軍在後完納此是經常舊規旗軍尚多負累近蒙改派完運至

密雲昌平等處作為遠糧每運船一隻裝糧三百餘石其牛欄山水淺瀕用小船七八隻或十數隻剝運軍少船多防範不周至于起早之時車戶人等四散行走尤難照顧往往中途偷盜淤激追陪數多切思糧運自水次抵灣跋涉月久指望至灣交卸少得蘇息却又令其完運水陸復有二三百里十分苦累乞賜轉達免其完運只照舊規運至京通二倉交納實為萬便等因具呈職等查得議單節年題奉

玩鹿亭稿

卷之六

四

欽依止是運至京通二倉原無送至牛欄山事例近自一二年間委因北虜侵犯古北口等處動調主客兵馬錢糧不敷乃遂有改運牛欄山之議此亦因時轉輸以供軍餉事理職等何敢不遵但思近年各處地方災傷重以倭寇道路梗阻交兌為難其各省如期兌完者少過期者多比及兌完起運已犯住俸降級之例以其轉運之苦一也又運官運軍自江淮一二千里赴山東河南水次領兌比運至通州已極困憊正

望息有而復重以必役實是筋輸力盡轉運不前且南人至北道路不知雇倩車戶脚夫人等十分捐勒典衣鬻櫓艱難萬狀以其轉運之苦二也及職等查得先年該戶部主事胡致和建牛欄山水運之議節經該部行巡撫等衙門覆議逾年未報彼時蓋已知其難矣且今由通州分水以至牛欄山水道八九十里雖有小船剝運之勞亦不敢辭惟自牛欄山至密雲石匣等處則陸運險阻遠方疲困之卒實難為力及照

光祿寺奏

卷之六

聖訓

近年宣大亦嘗它運俱是戶部題行順天府起車或運至宣府或運至懷來戶部出給官銀雇脚原非運官轉輸似于軍民兩受其惠其在今日亦乞議處將原議糧米止照舊規運至京通二倉上納如或以近議已定則止運到牛欄山交卸其脚價亦不敢煩費戶部就于輕齎銀內動支但乞行文各該坐倉員外或密雲昌平管糧主事督令彼處通判州縣等官給領前項官價雇車裝運至密雲并石匣昌平等處如輕齎

銀兩不足則於新加耗米三升內出辦則公私亦兩便矣等因到職卷查嘉靖三十二年該戶部議擬備什漕運衙門查將三十三年山東河南應運京通粟米內撥一十五萬石運至密雲昌平為主客兵糧之用其薊州密雲昌平班軍行糧共五萬六千一百八十八石除薊州該一萬二千一百四石七斗照舊轉運外密雲該三萬四千八百一十石八斗昌平該九千二百七十二石五斗俱比照小灘至臨清事體於原先

光祿寺奏

卷之六

聖訓

地方除應加耗米外每石量加米三升以為盤剝之費徑由通州水路運發密雲昌平收貯聽用仍要將頭幫船糧撥發等因備咨漕司遵照分派江北等總挖運嘉靖三十四年七月內該戶部咨為僨運糧儲事內開會議嘉靖三十四年漕糧查將原派密雲鎮主客糧米一十五萬石內量改六萬石運昌平鎮四萬石准住主兵二萬石客兵隨宜參酌支用以後年分查照派撥施行等因備咨前來除案查撥運納外今

據前因職等竊惟法貴通變亦貴宜民南糧節年運至京通二倉者

國家經常之制也改運至密雲昌平以濟軍餉者一時濟遼之權也維今倭寇四出東南民力已竭其運至

京師亦難矣而可復重以遠輸之苦耶易曰通其變使民不倦神而明之使民宜之語云強弩之末不能穿魯縞其在今日通變宜民之道亦不可不為之所矣如蒙伏乞

聖明

卷之六

聖

聖明軫念民艱將遼洋等總糧米止照先年舊規運至京通二倉上納完足出給通關即令回空南去不誤下年糧運乃為長計惟復令其運至牛欄山交卸戶部行委管倉郎中等官就彼收受督令府縣等官議處或于牛欄山蓋造倉房寄囤或令車戶人等支領腳價般運至密雲石匣等處少紓軍困此亦一策又或不然則宜查照

京師官軍半年下通州倉支糧事例令密雲石

匣昌平等處官軍將應得月糧自牛欄山等處各自般運回營用度則軍餉民情實為兩利矣此於運事尤切乞

賜矜處

一專責成以重

國計查得近該戶部咨開漕糧四百萬石係額運軍需少有虧缺例當即時措置完補今查以前年分至三十三年止額運數內每年各有掛欠漂流一總或數計盈萬本部雖屢行撫按并

聖明

卷之六

聖

漕運衙門督催百無一二完結照得各該把總職任一總運務攸司先該本部題奉欽依議得各該把總但有掛欠漂流不許推陞縱有還轉聽本部叅留等因在卷近節准兵部咨開下江把總郭全仁湖廣把總常勲江西把總華蓋江北把總姚澧江南把總朱冠南京把總張建節俱陞任去訖且節年掛欠漂流之數皆各官經手錢糧若既離任則將來愈難完結合行移咨前去煩照本部先題

准事理將前開陞各把總備查領運經手糧米除一總下通計欠少不勾千石者着落新運把總補運不必拘留外其掛欠數多至二千石以上者拘留在淮完結一面叅

奏前來以憑從重叅究情輕者完日行令赴任情重者革任等因備咨到職為照漕運四百萬石係千軍國之需是故漕司自總兵叅將而下設有把總都指揮有署都指揮有以都指揮體統行事者俾之總司一總之事官階既崇人心

此應手稿

卷之六

四十七

自服其漂流者令其處補掛欠者令其嚴限催徵至於緊要重大甚有關係者則尤在總領輕齎船等項銀兩每年以千萬計皆此一人典司出納之權也可不慎乎查得正德五年四月內該都御史屈直奏該戶部議擬題

准漕運把總等官三年以上果有廉能幹濟運糧依期不至借債者准於實職上陞一級總督總兵等官務要從公推訪恤服衆心不許徇情聽囑有辜

恩典等因在卷故先年推陞把總俱在十月十一月漕運會議之後必查得把總官糧無掛欠銀有羨餘方纔推陞其在正月二月以後漕務方殷則不復推用此其立法良有深意今照嘉

靖三十四年自二月起至四月止不及半年陞還把總運糧官郭全仁常勲姚漢華蓋朱冠張建節李忱共七員且正在糧運過淮之際而各官忽叨遷轉在本官則棄原官為弁髦幸以為脫身之謀在他人則視本官為贅麗實無服從

此應手稿

卷之六

四十八

之意是之謂臨敵易將矣關係豈其微哉且交承官員倉卒前來固知頭緒其漂流者何項抵補掛欠者遽難催納至於輕賁銀兩則出入盈縮之間其有無侵欺皆不能毫分而縷析矣緣係先年題奉

欽依事理況准戶部明文咨行前來除將各官欠糧二千石以上如常勲等各行拘留完納外及照各官陞轉多係湖廣等處都司僉書閒散官員原非軍前聽調緊急之用職等失今不言

萬一將來復有遷轉不無變易漕規重誤
國計如蒙伏望

皇上軫念漕運重務

勅下戶兵二部會議允運官應該陞遷者仍須
查照先年題

准事例每年完糧之時令戶部并漕運衙門查
將糧無掛欠銀有羨餘把總指揮等官開送兵
部查果係三年以上者照例加陞其遇有軍情
緊急不次陞擢者亦須於內參酌巡按巡倉等
玩視事稿 卷之六 罕九
衙門疏薦推用中間但有掛欠凍阻者雖有論
薦不得推陞仍乞載入議單永為遵守如以廢
事有成規人有固志而僥倖速化者將無所容
矣

一均法例以勵運官查得戶部議單正月終有
司無糧軍衛無船者府州縣掌印管糧官領運
千百戶各住俸半年二月終無糧無船者府州
縣掌印管糧官領運指揮千百戶住俸一年若
迨至三月終船糧不到者提問降二級四月終

船糧不到者連布政司掌印管糧官領運把總
通行提問各降二級等因近該戶部咨為備運
糧儲事內開嘉靖三十一年投文到部送納未
獲通關并次年二月終不完及漂流等項照例
問罪降二級閒住浙江等總杭州前右等衛指
揮千百戶等官邵昇等共二百六十餘員節又
准戶部咨為清查侵欠錢糧未完通關事內開
違限照例降二級山東華總任城等衛指揮等
玩視事稿 卷之六 罕
官許遷等共五十九員俱經會行漕運理刑司
提問降級去後查得一二年間參降運官共三
百二十餘員職等竊惟完糧違限重誤軍儲住
俸降級載在議單所宜遵守夫復何言但照近
年各處地方災傷重以兵燹小民上納艱難多
不如前其在有司無糧者豈止三月終而已至
過四月終欠糧者恒十之三四又軍衛運官羈
累水次已違過淮之限縱使過淮亦已違完糧
之期其各該監兌備運等官止照舊規一時槩

泰今一二年間黜降至三百餘員其各該衛所
每遇京操領運實是缺人差遣且指揮降千戶
千戶降百戶百戶降總小旗只待終身之日子
孫襲替方纔復職職等查得見行條例軍職有
犯監守常人盜受財枉法滿貫等項立功五年
滿日還職帶俸差操其餘減至杖九十徒二年
半以下與別項罪犯俱照常蔭落原係管事者
照舊管事原係帶俸者照舊帶俸以天下之通
例也今照各該軍衛等官止以運糧違限公罪

現應奉稿

卷之六

五十五

反致終身廢棄情似可原且較諸有司并布政
司官無糧違限者尤為偏罪通合議處如蒙伏
乞

聖明軫念時事艱難運政凋敝查將各總衛所
自嘉靖三十四年以前除犯賊情罪深重及漂
流虧欠數多者另行議處外其犯該完糧違限
并軍船到遲降級官員

勅下該部會同法司議擬題
請候

命下之日備將各官行各該撫按衙門或理刑
主事查勘果無別項重情姑照軍職立功事例
已及五年者准令復職未及五年者候滿日准
復各許改過自新聽候委用如或以節年議單
已定一時未可盡復或降級至七八年或十年
姑行准復則懲創已久自新有日而曾經領運
人員亦不為終棄矣其但係託病避運棄撤船
糧逃回等項問擬降級者並聽終身子孫方許
復職不許一槩妄行援例如以廢法例惟均勸

現應奉稿

卷之六

五十五

懲允當庶官亦得勵志於運矣

一中舊議以整漕規據浙江把總運糧以都指
揮體統行事署指揮僉事朱仁呈照得漕運通
志內一條每衛指揮二員分番修船運糧景泰
伍年該總兵官徐 具

奏江南船隻經涉江湖車輿損壞原擬各衛掌
印官措料協同整理近年多不遵守往往稽遲
起運又先年各衛原有指揮二員運糧後暫停
止今合照舊每年一員管運一員整理船隻聽

庶下年輸運守禦千戶所亦同職觀以條誠為便益何者如浙江兩總運船近遭黃河水患船多漂流無存及至湊運抵灣起糧上納軍船先回而總運指揮千百戶等官仍復羈縻在京掣取通關其軍與船無人管束修補直至次年正二月間各官方得南回乃亟欲於數日之間行文於數百里相隔之府衛催解料價修船淺船補軍整甲不亦難乎是以各稱有旗缺船有船缺軍允以皆由分理之人幹濟不預之過也呈

疏

卷之六

五

乞議處查復舊規以便糧運等因職等竊惟凡事豫則立不豫則廢而况漕運係軍

國之需必須得人協心預處庶為有濟查得各總衛所官員有掌印有軍政佐二掌印者掌一衛之事軍船皆其所屬運糧佐二官則代掌印官分理原非判然為二事也但近年各該掌印者以運務一付之佐二官其船之修否軍之有無漕不加意蓋由利害不切於身考察無預于已是以缺軍固肯僉補料欠不行扣追犯罪脫

逃者不行拏解富豪隱避者受賄改差而領運官員倉卒回還復欲赴究又焉能一一整理之乎是則不獨浙江總分為然而湖廣江西上下江南京等總糧運愆期率多由以緣今歲正當考選軍政之年諸允事務可以選定如蒙合無查照申明先年總兵官徐恭奏行事例自嘉靖三十五年為始通行各該巡撫等衙門查將所屬衛所等官務選材幹指揮二員定擬一員掌印一員運糧一廵一年分番領運如三十五年

疏

卷之六

五

佐貳官領運赴京其掌印官在衛不妨原務即行預整三十六年運事軍有逃亡即為僉補船有損壞即督修造派下新糧就便行文依期催備事事完備候領運官回交代印信令其署掌本官即遵照議單限期於正月內起行赴兌早圖完納其下年運糧事務則署印者在衛照前預理停當輪流上運以効同舟共濟之義如有急緩誤事者聽漕司并撫按官叅拿究問如果係緊急地方掌印官必不可缺該衛堪用指揮

有餘則定擬指揮二員分當上運亦聽從其便
如以則廢乎事有責成官無曠廢而

國計漕規亦或可得修復矣

一議分理以速漕務竊惟漕運之設專脩

上供及京邊仰給之需關係寔重

國家設有總督都御史又有總兵有叅將蓋俾
之各司其事各効其勞事乃有濟為照淮安為
南北要津議單內各總兌運糧米俱載有過淮
之期其各處軍衛有司開兌時則畏監兌備運

現存書稿

卷之六

李五

郎中主事并巡按御史查叅既兌後則畏職等
在淮稽考比較是故率以過淮為重且每年三
四月間漕運叅將復至瓜州儀真等處催儻故
人多龜勉爭先過淮無敢後者一自過淮之後
以為職等給過幫帖無復事矣其把總并指揮
千百戶等官乃遂夷猶自得在途遷延或販賣
土宜或收買貨物甚或把總并指揮乘坐大轎
張傘登陸或以漕卒送人棹船或以漕卒恣行
私役展轉遲延罔知畏憚以其有誤糧運一也

又自淮以至邳徐波濤洶湧逆流而上舟行甚
難故嘉靖三十一年間率三四船共輓一船

方得牽拽而上糧多人衆非有尊官以統蒞而
聯屬之鮮克濟矣以其關繫糧運二也又近年
南直隸湖廣江西等處運官運軍人等侵費官
糧慮無陪補往往駕言徐邳等處黃河溜急中
途漂流覆沒者無歲無之雖經行勘大畧地遠
年久聞見失真亦徒取具文書而已今嘉靖三
十四年五月內准戶部咨該本部總督左侍郎

現存書稿

卷之六

李六

盧題稱鎮江衛運冊陽縣糧米漂流宿遷縣
具老人宋通一勘結遂為遞飭以其為弊已非
一日之積其虧損

國賦不已多乎其蠹害糧運三也又近年江
淮盜賊出沒無常往往焚劫糧船重為運阻近
該兵部題奉

欽依命都督周于德江南防護遂得無虞是亦
近年事例昭昭可見者以其關繫糧運四也職
等查得嘉靖三十二年六月該刑部左侍郎吳

賑濟淮徐條陳封事其一曰重守鎮謂徐邳當
兩京之衝瀕職重者居此控扼廢幾人心有所
畏攝欲將淮安叅將常在邳州駐劄往來淮徐
訓練兵馬防守城池此為曲防至意于時因是
不專漕務未即舉行今該漕運都御史陳親
到地方七月間會河道都御史魯謂淮北一
帶缺官催督糧運乃遂稽遲且復滋弊合行議
處題

請以裨漕務如蒙乞

玩鹿亭稿

卷之六

七

勅下戶部再行查議如果可行候會議已畢之
後令總兵叅將即便回南在淮經理下年糧運
事務至次年正二月間叅將先赴瓜儀經理過
堪過開次第待至三四月糧運湧到之日本官
即回勘處自淮以北一帶糧運由清河直抵徐
州嚴加催督令其日夜前進如有水溜則多方
牽輓漂流則就近覈實其有多帶私貨即行盤
詰一或有盜賊生發即行緝捕務要周旋其間
夙夜匪懈如果糧運之到稍遲就于邳州暫行

駐劄將邳州并桃源宿遷清河等處各城操并
民兵快手民壯等項時加操練聽候往來調度
防護一則可以速京儲一則可以控要害緩急
良有攸賴矣其淮南糧運則職等會同委官或
把總或府衛官多方催償如或稽遲廢格則職
與巡撫都御史不時巡歷所屬地方親行督責
務期早完載在議單永為遵守如以則衆志攸
同而事務畢舉其于

國計不無小補矣

玩鹿亭稿

卷之六

七

玩鹿亭稿卷之六終

玩鹿亭稿卷之七

四明萬表著

男

孫

文移

淮大二衛告缺月糧行巡撫都察院

為乞憐軍歎拯給月糧救濟生命事據淮大二衛見運軍餘家屬陳海等狀告前事海等各有子姪兄弟夫男在船駕運所有應給月糧除節年缺欠數多一時未敢開告今年分蒙本衛造

玩鹿亭稿

卷之七

一

四箇月糧冊送府於四月內各軍南來再三哀告止給糧兩月稍得漿補衣衫以去遺棄父母妻子在營正遇年歲凶荒柴米價高有役過操運老疾廢殘不能動履者有餓損染患瘟疫時病將垂死者衆口嗷嗷缺食救命老幼飢饉日夜悲啼不能覓討全家委實不能存活惟望月糧濟度如蒙可憐乞將本年分未支月糧先行查給兩三箇月急救性命以後月分再乞查明准給賡慰貧軍仰望有此苦情具告連名狀陳

玩鹿亭稿

卷之七

二

等情行間又據春秋兩班操城操守門局匠疾幼等軍謝蘭等各告相同據此隨行淮大二衛先將嘉靖二十年起至二十五年止各軍已未支過月糧備查造冊繳報前來查得淮安大河二衛裏河運軍月糧嘉靖二十年分淮安衛未支八箇月大河衛未支九箇月嘉靖二十一年分淮安衛未支四箇月大河衛未支七箇月嘉靖二十二年分淮安衛未支四箇月大河衛未支十一箇月嘉靖二十三年分淮安衛未支四箇月大河衛未支六箇月嘉靖二十四年分淮安衛未支三箇月大河衛未支九箇月嘉靖二十五年分淮安大河二衛裏河運糧各支二箇月餘尚未支其遞洋見運節年已未支月糧多寡不一大約與裏河運軍相同其減存運軍月糧奉例抵扣料銀修造船隻者多皆無支其邳州衛東西二海所尚未查報缺欠尤多及查兩衛春秋兩班京操者惟起程之際各告支四箇月餘亦無支其城操海操守門備倭局匠老疾

等軍歲支不過二三箇月有全無支者查據得此為照官軍俸糧

朝廷所以養贍官軍按月給之謂之月糧以故先年皆按月開支未嘗遲缺蓋身役于伍食寄于官為有司者一方在官之人所共仰食故以歲計之以給一歲之用且如一年會計除起運若干災免若干官吏俸糧若干師生膳米若干衛所軍士月糧若干必先為之徵派務使足給如民間一大家其賓客之費僮僕之食農庄之

現處事稿

卷之七

三

需亦必歲計之事同一理蓋未有忽然置之而不為之處給者及照淮大邳三衛并守禦東西二海兩操運等項官軍俸糧舊例坐派淮安府二州九縣該本府大軍等倉存留夏麥秋糧米豆并淮大邳三衛屯糧籽粒相兼本府稅課司局商稅課程給放不缺今淮大邳三衛軍士歲歲缺食累不為處但曰無糧竟無查據及又行據淮安府將原派各州縣未完錢糧并商稅銀兩查報前來中間隱細雖未盡知而其所以缺

糧支給者大約有三其一有司不重農桑淮安各州縣地土荒蕪者多而人民逃亡者眾蓋人民之逃亡者日眾則地土荒蕪者日多且如一里若干戶其一户逃亡則一户錢糧槩里為之陪納逃亡兩戶則陪納兩戶逃亡漸多陪納漸重陪納漸重逃亡漸多地土豈不荒蕪錢糧安得完備月糧何由足給夫荒閒田土召民開墾蠲其稅糧限滿科徵者俱有

現處事稿

卷之七

按臨憲綱冊內首先開答但不肯着實奉行不過為紙上故事以致澤不下究荒蕪如舊良以考覈遷轉原不係此故也其不視地方如傳舍者幾希孰有以生民為念者哉且今淮民之有田不能耕種者只少牛具所用黃牛二隻為一具不過用價二三兩再給以飯米一石可耕一頃有餘則是得銀四十兩便可開田十餘頃歲可望收千斛而於地方亦多千斛之糧雖不能盡為之開墾而一縣用銀四十兩亦易處辦若

試為之以次開墾則荒蕪漸闢收穫漸多其為
地方之利不細其極低窪之虞亦可樹柳為薪
以克糧稅苟存誠於為民殆無不可為者又往
年嘗至清河等縣地方督溪觀見耕熟地土切
近居民門首者亦任其長草嘗怪而問之則曰
以逃戶之田也若拔田中一莖草則里甲便來
追要原戶節年拖欠之糧故不敢種及問其見
年糧稅何人出辦則曰里甲共陪夫里甲何愚
也就令附近之民從便耕種雖不能償宿欠之
糧亦可以代見年之稅就見年免稅以後亦固
有望若竟不敢種而終使荒蕪陪納寧有了期
大抵只州縣官不為之主耳若查逃戶之田使
附近居民有力耕種者給與印信帖文執照不
許里甲追要宿欠之糧仍照例免稅限滿科徵
則人誰不種但種得一畝得一畝廢田土不致
荒廢里甲漸免陪累官府亦便催徵將來逃亡
漸可止矣此皆不費給銀區處者亦何所憚而
不肯為哉然此亦須州守縣令留心于此身親

區畫非泛常委之里甲文移查報而可行是以
難也竊以為不務開墾而止逃亡終無以為月
糧之本開墾既多逃亡既止則又豈特為月糧
之本而已哉若夫水旱荒歉所不允論蓋水旱
荒歉雖云災變而事實常成化弘治間倉廩實
軍儲足之時亦未嘗無水旱荒歉之災也蓋耕
獲常理也若云荒歉而罪於歲不務開墾豈有
不耕而獲之理故曰所不允論也其二糧里收
頭串同吏書徵收侵隱襲以為常其弊有不可
言而各州縣管糧官一到即吞捐餌莫敢誰何
惟其所使曲為庇護但曰無徵州守縣令竟不
之察及府行催但亦曰無徵乃以蔽護僚吏糧
長收頭撐持上官為有力量而府管糧通判令
已不行於州縣知府惟以州守縣令之言為信
本府該吏又相扶同遂亦曰無徵上司問以官
軍月糧則曰無糧而其所以無糧與是否無徵
竟未嘗為之深究豈不重誣上而蔽下也哉今
據該府所開本府倉各州縣未完之數然不謂

全是有徵俱屬侵隱中間亦有無徵亦有有徵者且如每年之所派徵如起運先改糧若干鳳陽倉糧若干徐州倉糧若干常盈倉糧若干本府大軍等倉糧若干每年先儘起運其次即儘鳳陽倉糧蓋鳳陽倉有坐倉主事又有巡倉御史叅問例嚴故也徐州與常盈倉各有坐倉主事經管督催而無巡倉御史事得稍緩又次及之惟本府倉糧每年但數完給官吏師生俸廩則已至於官軍俸糧有則量給一二月無則遂

死虎亭稿

卷之七

七

止未完之數遂不追徵其糧若可已者又且向無人查以故各該吏書糧里收頭人等皆得緣以為奸恣為侵隱慣得其利但說本府倉糧便作肥家之想且如荒歲無徵猶可諉之荒歲至於成熟之年官軍俸糧每年亦只支得二三箇月固無加於荒歲之不給者何也然謂之無徵不可也謂之非弊不可也其弊多是糧里收頭串同積年書手為之豈但官不之知雖該吏亦未之知也官吏常易而書手未常易故也又聞

有錢糧起解至府前而復回分侵者此亦皆書手之弊其由實本於該府官不以軍士月糧為念置之度外故奸小得以窺伺而為之爾况吏書只利放支錢糧之少而不利其盈足蓋少則可俟衛所之謀幹乃為呈請而方與之如其盈足按月放支皆各人應得之糧何人謀幹支領則不須呈請為矣然以豈特三五年來之弊其所積漸者深也再查該府申報查過各州縣自嘉靖十六年起至二十五年夏稅止總計十年

死虎亭稿

卷之七

八

原額該徵府倉夏麥八十三萬五千七百一十石秋糧米一十七萬三千三百四十四石二項共該額糧一百萬九千五百四十四石內除奉例減免三分并災傷勘實蠲免糧三十四萬四千三百五十八石實該徵夏秋米麥六十六萬四千六百九十六石於內止徵完一十一萬八千四百二十四石未完糧五十四萬六千二百七十二石申稱各縣不行徵解恐非盡是小民拖欠若不專委公正一官素有風力心計者為之清

查剗革前弊則無以圖新而軍士絕仰食之望矣其三稅課司局商稅課程一向俱同本府倉存留夏麥秋糧米豆并屯田籽粒盡數相兼給放軍士月糧近來存留夏麥秋糧米豆各州縣拖欠無徵數多以致缺糧固應遵照見行事例即查倉庫錢糧或別項區處補給今該府既不區處補給却乃反將原派商稅銀兩留以糴穀備賑以致反招物議其夏麥又那作起運甲丁二庫顏料之用是以官軍俸糧愈缺闕支矣今

疏庵亭稿

卷之七

七

以夏麥那作顏料猶為有說至於商稅銀兩必是故給月糧有餘方可糴穀備賑舊例即以各衙門贍罰糴穀備賑者正以其無碍也今奪軍士應得之食而以備賑其可通乎然獨備賑為有司之事而給軍又非有司之事乎亦可謂不知休也且先年軍伍充足食之者衆嘗聞軍儲足給倉廩盈餘今軍冊戶口歲減僅存原額之三四食之者寡比之先年宜有餘積而反告匱者似無可說蓋不出乎以上三者之弊也夫國

家養士所以待有事而備不虞今雖所養非所用而見今淮大邳三衛軍士春秋兩班京操者千里裹糧以趨役况又有到京工價之納鎮江南操者路雖稍近而身操於彼令妨生計遺棄父母妻子在家與京操者均無仰給其裏外河運糧者則駕運往來父母妻子終年遺棄其在城操者則有南北往來差使迎接護送上至邳州下至高郵一差動經旬餘往返豈能空腹又有兩班京操與南操之幫貼屯田荒糧之陪納

疏庵亭稿

卷之七

十

然各軍雖用有不同要皆身役於官而未嘗寧處者也且又有諸項出入之費豈可無糧而役之假使月糧一年全給內除一箇月作為公費半箇月扣為廠料顏料只得十箇半月今每米一石給銀三錢一軍每月八斗只該銀二錢四分一年所支十箇半月總計只得銀二兩五錢二分尚不足一人之食如上年米貴每石價銀一兩五六錢只糴米一石七斗將允何用蓋各軍自己衣糧在此父母妻子仰給在此一應盤

費幫貼京操工價出辦在此全給亦不足濟何
况缺給乎是以各營老幼衆口嗷嗷飢寒待哺
求乞無門流移困苦疾病啼號誠有不忍坐視
其死亡者今有司任其飢寒至死而不恤誠不
犬馬畜之然此輩亦人耳實非異類其同胞一
體之義何在也且兩淮為南北喉襟之地武備
不修久矣比來逃亡者衆戶口數減差役繁重
分疎不下武備豈但不修亦不知所謂武備也
今北虜方盛各鎮警報未息識者咸以中原為
念昨者中外所上利害亦以山東江北中原地
方皆宜備禦以防衝軼而自古徐邳之間雄強
桀猾之所隱伏其畜不逞而待變者或多殆不
可以不慮而古者安不忘危思預防之道固
不俟其幾見而後備今三衛軍士月糧既缺口
食不度所謂救死不贍豈暇他治欲求其親上
死長之義亦難矣夫飢不得食寒不得衣雖慈
父不能有其子安能有其民哉斯言殆不誣也
即今開墾查糧給軍誠為今日地方第一之重

務蓋軍安則民安民安則軍安軍民安而地方
安兩淮之地方安而中原之本固矣揆之法義
察之人情叅之時事誠非可緩所據錢糧係巡
撫衙門掌行合用手本前去
欽差總督漕運兼巡撫鳳陽等處地方都察院
右都御史喻 慶煩查照施行
議處全運缺船發銀補造稿
為議處漕運事故缺船以蘇軍困以裕
國計事先准戶部咨該漕運衙門具
題議單內一款補造以濟駕運據南京等十二
總把總韓哲等呈稱本總所屬南京龍虎左等
衛見運漕船節年漂流損壞不堪拆卸等項各
缺不等共計額船一千七百餘隻為因年限無
滿并底船無存不能補造節年領運只得將糧
洒派繫衛見船附帶以致載重難行遇淺閣損
負累困苦漕司查得先因節年漂流毀壞船隻
曾經
奏請益運司錢糧補造合無仍照先年事理那

借餘鹽銀一十七萬兩買料造成該戶部會官
議擬前件行漕運衙門另議回奏題奉

欽依備咨前來又該漕司覆議得各總事故缺
船一千七百餘隻近年為因河道梗阻打洪放
開損壞及守凍回遲遺棄等項所缺之數又不
止以去冬荷蒙

聖恩軫念漕河艱阻軍民困憊

准將嘉靖二十一年分漕運糧斛減折三分軍
船亦省三分臣等罪過少遠萬一深慮來年全

疏

卷之七

上

運本色前項缺船計該裝運正糧六十餘萬石
若使加派豈能盡載許多但前

請鹽銀既該本部查革所缺船料動以萬計委
難別處查得今年漕銀減折三分隨船旗軍得
減四萬二千餘石各辦不等大約共該辦納料
銀九萬三千餘兩俱係奉例於月糧銀內抵扣
之數應該陸續解淮或于各省收貯以候及年
打造并修捻船隻之用除當年修船用過約計
一半其餘尚有逃亡事故等項不扣外若嚴加

徵處僅得三四萬兩可以補造缺船三四百隻

仍將嘉靖二十二年分漕運糧斛照依今年事

例減折三分或查照有災去處減折五六十萬

石以抵前項缺船裝運所存旗軍亦照例徵辦

料銀除用當年修船之外餘者亦聽徵解補造

缺船二年間可得補造七八百隻派給領運其

餘缺船陸續修補等因具題該部議擬題奉

欽依備行前來已該前任總兵官顧會同漕

運都御史張備行浙江等十二把總官轉行

疏

卷之七

下

所屬衛所各掌印領運催料等官并各該司府
州縣將嘉靖二十一年二十二年分減存軍辦
料銀照例于月糧內扣解赴淮及委造船把總
并指揮等官許信等十員前去各總查催解報
去後續據湖廣把總指揮丁奎呈稱湖藩木植
萃聚之所事故缺船若赴淮祿造補不無往返
不便要將前銀免其解淮留彼造船緣由前來
亦經准擬其餘江南中都南京江西浙江等處
節據委官催解各年料銀大約有四五萬餘兩

俱經驗獲淮安府貯庫比因節年漕糧奉例災免本色減派折銀大半用船數少是以前船未經補造今照前因會同都御史喻議得來歲糧斛近該戶部題奉

聖旨漕運糧斛歲輸四百萬石悉徵本色係國家之舊規如何節年任意減免過半欽此為照全運本色伏承

明旨督責甚嚴連年因災傷減存大半用船數少將就選棟堪駕船隻裝運明年全運糧斛缺

光緒事稿

卷之七

十五

船數多將何裝運所據前項事故缺船雖經題請補造尚未興作相應急為整理及查先年三次補造船隻原因流賊燒燬及節年漂流大患積壞之數比來燒燬漂流歲報有數屢歲積計尚不盈百挨年又復改造今又報缺船一千七百餘隻者其故原不在燒燬漂流也蓋近年以來各廠造船公私費用太多船不如法堅完如江北十年一造者每每只駕七八年江南五年一造者僅駕三四年甚有未及造完不曾出廠

光緒事稿

卷之七

十六

而即沉水者以故缺船數多雖歲借官銀補造亦無補足之理當時只為目前應濟之計不暇細究遠圖而嚴切于造船之始只言補造是以無救於今日之缺為今之計若再因循則歲歲缺船寧有了期所謂三年之病求七年之艾苟為不畜終身不得所據查究以為後圖誠不容緩今查嘉靖二年以至十一年民七大料俱只用五十兩或造一船至十二年增銀四兩五錢十四年又增銀二兩二十一年又增銀三兩五錢共增至六十兩加以軍三小料三十五兩并底船貼造無底船者又給銀二十兩每船一隻共銀一百一十五兩其價不為不足船隻固應比前堅完而積弊既深所加銀兩未見有增于船料商人又將空心木植混送付廠解板粘補印貼將就打造又各廠官賢愚不一所領小料三十五兩公私費用其灰油釘麻除那苟且豈能堅緻足駕十年而造船把總每每不行用心全不稽考此亦數年因襲之弊也及照各總運

官勤惰不一交糧畢日不行的當委官背押空船回還以致貧難缺人撐駕遺棄中途漂失損壞其域存在家停泊各處河下者又有看守不謹苦蓋不周以致損壞其浙江台州等衛又有灣中盜賣情弊缺船之故亦叢衆弊非止一端相應通究今既慎之于造船之始又嚴之于領駕之後庶幾以後可免缺船矣但今嘉靖二十六年全運糧斛緊要用船前項所圖乃為後計逮不救急所據前項補造一節勢不容緩及查

先准工部咨為議處休息船料以便糧運事內

開通行各該撫按官嚴督司府衛所掌印等官

嘉靖二十一年

自嘉靖十年為始將各總衛所減存軍辦料銀就于各軍當年應支月糧銀內扣抵在官以備修船并補造事故缺船之用等因題奉

欽依備咨前來俱經通行欽遵外查得各總衛年俱有減存旗軍該扣料銀不下數十餘萬兩內江北等總每年間多解淮貯庫支用惟江西浙江并上江等總解淮甚少近年俱扣彼處官

軍止是修船支用數亦不多其支剩者銀數甚多俱係補造事故缺船之數與年例料銀無干除候行各總查報缺船的數照例通行各該撫按衙門查將扣貯前銀就彼給發各廠委官買料補造事故船隻盡數補足聽候下年全運餘剩銀兩各候修船支用外行據淮安府申查得嘉靖二十五年以前各總衛所解到各年減存支剩見在料銀七萬六千五百餘兩并查嘉靖二十一年二十二年支剩減存料銀五萬二千

七百餘兩計共銀一十二萬九千二百

餘兩各數目開造前來為照前銀俱係例該補

造事故缺船之數但查嘉靖二十一年該前府

題開南京等總共缺船一千七百餘隻向未補造及查數內江西上江江北揚州等四總雖原報缺船頗少况與各總今又俱隔四年之後各總衛所又有漂失等船不知數目應合于前缺船數內先行量造七百餘隻一面行府動支庫貯前銀七萬兩委官分投買木補造派給裝運

一面查修減存舊船以備全運之用其有不足之數各總作速查明議處呈來定奪再查遼洋總額運糧米內有常例折銀十分之六本色四分船可穀用山東總耗少船輕可以加帶湖廣總缺船近年補造足數外合將前補造七百隻內派浙江南京江北淮安中都五總各一百隻下江總六十隻江北揚州總四十隻上江江西二總各五十隻其江北南京等五總船隻查照上年補造舊規在于儀真等處浙江下江二總

照原議

題准每船連底給銀一百兩俱行淮安府呈送清運衙門當堂驗發其銀數已免虧折木植釘灰油麻等料俱用見銀收買匠作隨便雇用別無公私等費雖比清江廠年例船料少銀一十五兩亦已足用但使承委得人亦克濟今照衛河造船把總指揮黃印浙江造船把總指揮

牛天賜各廉能詳慎堪以管造南京等五總船四百四十隻原任江北把總杭州右衛指揮朱鸞嘉興府原運糧今掌印指揮肇洋各老成勤幹堪以管造浙江下江二總船一百六十隻造船把總張天爵管造本總船五十隻江西都司委官管造本總船五十隻各協併提調其分理等官江北造者聽於清江廠內浙江上下二江江西聽于該廠或減存運官內各責委差用支領府庫料銀七萬兩分領前去蕪湖等處收買木植等料各赴所定地方聽造各該廠務另行委官帶管仍行各總查撥全無底船旗甲并帶長行船軍四名赴廠領料執匠興工并查各船年分原造字號造冊在官候及號之年行廠扣將軍民料價解淮貯庫擬合通行各總并清江等廠施行

玩鹿亭稿卷之七終

玩鹿亭稿卷之八

道德經贅言序

老子之世傳記言人人殊方士者流尤迂誕不經宋儒因斥為異端與論語曾子問所稱異學士無所取信余嘗閱世本世紀管子古史路史王深寧金仁山諸說似得其梗槩老子者偃姓生而聃耳下垂故名聃字伯陽父皋陶之曾孫曰理微為夏翼隸諫吳伯不當誅死之娶幹蘇氏生聃走之亳更李氏李者理也變其文而存

玩鹿亭稿

卷之八

其音不忘父也歷事成湯太戊武丁為商賢大夫封彭城稱彭祖商末以德長諸侯號大彭佐武王伐紂見牧誓又歷事周成王與史籀同為柱下史幽王時論三川震見國語敬王時猶掌周室圖籍壽最高學最博孔子寔師之故曰竊比於我老彭若方士謂僊人李霸飛配玉女生李耳為老子又言錢鏐彭祖析為二人非也今傳道德經為老子出關授令尹喜者不經見顧其文太奇道太玄諦思之要皆性命之理善讀

者妙矣獨其曰谷神不死方士類以藉口列禦

寇又謂出黃帝書蓋秦主呂政好長生博士叔孫通輩乃取賢聖經訓託之黃老禱以不死之言僥幸不俱燔耳古之聖者脩德養生一貫身也者道之器也身存斯德脩德脩斯道在孔子亦云身者親之枝也敢不敬與又曰利用安身以崇德也豈二道與周官保傳暑寒晝夜兩暘之際喜怒言笑動息溫涼之宜論語飲食之節內則玉藻滋味澡浴之微罔不曲載謂養生脩

玩鹿亭稿

卷之八

七

德一貫非邪志士成仁取義必時有大不得已者權其重輕可耳非不得已而輕生以傷勇匪至不仁者莫之忍為是故夭壽不貳修身以俟道斯正矣秦漢以來言養生者罔繇于正或矯揉顛倒盜以偷生固儒者所斥亦老子未嘗語也都督萬侯鹿園子暇時著道德經贅言深明性命之旨而不褻于迂誕俾人脩德疑道順受其正甚可傳也或疑贅言詞旨似本於楞伽何居則解之曰浮屠漢中初入未有妙說至晉宋

問世主好之於是許玄度宗少文輩援易老子
遂語入釋典而廓之緊彼實藉我我曷本于彼
與鹿園子過謁子曰聞子學誓于經于史傳博
而覈必詳老子之世與通其言幸為我序贅言
乎余曰唯唯序曰贅言道經若干言先刻嗣德
經又若干言余從史成之鹿園子天資聰明蘇
平粹美而虛心好道於百家言靡弗通敷歷至
於大帥于天下事靡弗燭於心使為文官殆可
以坐

玩鹿亭稿

卷之八序

三

廟堂議禮樂佐

明天子進退賢不肖俾海內安富守在四夷不
但汶汶已也

大明嘉靖三十有一年玄默困敦之歲春二月
丁卯望前進士水丘天兀翁豐道生人牀序

玩鹿亭稿卷之八

四明萬表著

男達甫編輯

孫那學校梓

道經贅言

道可道章第一

道可道非常道名可名非常名

常者真常不變者也可道可名以其有實實
則有形數形數則有衰壞故曰非常蓋神無
方而易無體無方則無可道無體則無可名

玩鹿亭稿

卷之八

一

何變之有乃所謂常也

無名天地之始有名萬物之母

未有天地先有此氣未有此氣元是玄虛何
名之有故曰無名天地之始既有此氣即有
陰陽既有陰陽即生萬物故曰有名萬物之
母

故常無欲以觀其妙常有欲以觀其微

不思善不思惡正是本來面目此即喜怒哀
樂未發之中此即真常不變之體即無而真

有也萬化生焉不有以觀其妙乎然有雖真有其歸本無所謂萬物歸焉而不知主不有以觀其微乎故曰微者歸也

此兩者同出而異名同謂之玄

雖有有無之名而實無有無之別故皆曰玄所謂水即是波波即水也

玄之又玄衆妙之門

有無之辨不可勝窮故曰玄之又玄為衆妙之所自出非久於內觀深達造化之妙者不

龍虎亭稿

卷之八

二

足以語此

天下皆知章第二

天下皆知美之為美斯惡已皆知善之為善斯不善已

不識不知順帝之則乃為至善擇其所謂美善者而居之即離體矣緣拘文字總屬識情故曰斯惡已斯不善已此蓋謂最上一乘者說其餘學者舍此善美則將何以持循哉故聖人不汙已而立教廣為衆生也

故有無之相生難易之相成長短之相形高下之相傾聲音之相和前後之相隨是以聖人處無為之事行不言之教

有無相生難易相成長短相形高下相傾聲音相和前後相隨皆自然之理也如易所謂日月寒暑之相推屈伸之相感同一自然也然則聖人又何為哉又何言哉此聖人之所以與天下之為美善者不同也

萬物作而不辭生而不有為而不恃功成而不

龍虎亭稿

卷之八

居

作而不辭盡其性也生而不有體本空也為而不恃無能所也功成而不居與道冥也

天唯不居是以不去

諸行無常皆有生滅以其有居也夫唯不居何去之有蓋非不居實無可居耳

不尚賢章第三

不尚賢使民不爭不貴難得之貨使民不為盜古之聖人治國治心同一無為其旨只在齊

物使民復性而已若以賢者而尚之則民便有爭為賢者矣是使離性而有作也以難得之貨而貴重之則民皆競趨取貴故慕統綺而服市素不足慕膏粱而食菽粟不足其不為盜已乎

不見可欲使心不亂

不見可欲使心不亂者妄除心息也此承上文而言聖人之治心亦猶是也如上章所謂美之為美善之為善者皆不見有可欲則無

說虎亭稿

卷之八

四

所揀擇而心自安矣謂有可希可求者皆見可欲也是即妄也故妄生則心亂妄除則心息此義最精信心銘云至道無難惟嫌揀擇又云一種平懷泯然自盡是也

是以聖人之治也虛其心實其腹弱其志強其骨

虛其心者中無一物實其腹者一得永得弱其志者心無進取強其骨者不為搖奪蓋心無進取即下章之絕學無憂也所謂不起精

進心是名常精進蓋本自無瘡勿傷之也人性上豈別有所增益哉

常使民無知無欲使夫知者不敢為也

聖人明德新民只是一義吾之絕學無為民亦無知無欲是以智者無所用其明也為無為則無不治矣

凡為有為皆有限量故有不治者是以聖人但為無為則無不治矣此總結聖人無為之治

說虎亭稿

卷之八

五

道冲章第四

道冲而用之或不盈淵兮似萬物之宗

不盈者無滿足也凡實則有盡虛則無窮道以虛應萬變而無窮似無而有淵深莫測故曰似萬物之宗也

挫其銳解其紛和其光同其塵湛兮似或存

挫其銳者元是渾然解其紛者元是無爭和其光者元不異物同其塵者元不離塵湛兮似或存存而無存也道體元自如是曰挫曰

解曰和曰同非實有功可用也

吾不知誰之子象帝之先

吾不知道所從生而先天地生似可象也主宰萬物之謂帝

天地不仁章第五

天地不仁以萬物為芻狗聖人不仁以百姓為芻狗

天地以生物為心而未嘗有心於必生聖人仁民愛物而不留情于仁愛故似不仁芻狗

此處事類

卷之八

六

束芻為狗古之祭祀所用用時則用之

則棄之故以喻萬物百姓蓋天地聖人無心於萬物百姓元無係累此其所以廢之

窮也今人但知仁之為仁而不知不仁之為窮以為仁也豈慈悲恩愛者可以言仁乎哉

天地之間其猶橐籥乎虛而不屈動而愈出

橐籥之籥也橐籥之管也皆所以生風本無

而動有者也屈者窮也天地之間虛而不可窮動而愈出不猶夫橐籥乎

多言數窮不如守中

天地即吾身吾身即橐籥也橐籥即中也吾中本虛應物無迹萬變皆從以出寧有窮乎此謂之無盡藏也聰明才辨皆有窮屈以其屬數而有盡也故曰多言數窮不如守中

谷神不死章第六

谷神不死是謂玄牝玄牝之門是謂天地根

谷空而應謂之神應而無息謂之不死深遠之謂玄能母萬物之謂牝有闔有闔謂之門

此處事類

卷之八

七

是謂天地之根陰陽之祖也

綿綿若存用之不勤

惟谷神常應而不息故謂之玄牝故又曰綿綿若存用之不勤皆所以狀道體也勤者勞

也言不之也與動而愈出義同

天長地久章第七

天長地久天地所以能長且久者以其不自生故能長生是以聖人後其身而身先外其身而身存非以其無私邪故能成其私

此章言人為己之私過于自愛而卒以自弊
天地之長且久天地何嘗自生聖人亦何嘗
有自生之心故常後之外之而顧獨先獨存
蓋以其無私故能成其私也無私者無自生
之心也能成其私者窮天地亘古今而不壞
也

上善若水章第八

上善若水水善利萬物而不爭處衆人所惡故
幾於道矣

水性就下隨其所遇之方圓廣狹高下盈科
而進無與忤者故曰善利萬物而不爭諺云
人向高頭水向低流故曰處衆人之所惡蓋
高則危而卑則安道者安也故幾於道此非
大智者不能以自處故曰上善易曰知崇禮
卑崇效天卑法地然非知崇如天則未免為
情識所礙故不能禮卑如地禮卑如地者必
其知崇如天豈尋常勉強可行者哉

居善地心善淵與善仁言善信政善治事善能

動善時夫惟不爭故無尤矣

上善者居則善地心則善淵與則善仁言則
善信政則善治事則善能動則善時皆與物
無忤故如水之善利萬物而不爭亦以其所
見者高所處者卑所行者安故也夫既不爭
何尤之有而物自莫能勝之此所以為上善
也

持而盈之章第九

持而盈之不如其已揣而銳之不可長保金玉

滿堂莫之能守富貴而驕自遺其咎

聰明睿知守之以愚其可持而盈之乎天下
事變無窮故君子臨事而懼其可揣度而銳
行之能常倖不敗乎物聚必有散金玉滿堂
雖有智力能為守乎高而不危滿而不溢長
守之道也富貴而驕能無患乎以上四者皆
言衆人知進而不知退知得而不知失之事
功成名遂身退天之道

四時之運功成者退天之道也故君子功成

名遂身退則無上四者之失

戴營魄章第十

戴營魄抱一能無離乎

此章蓋驗玄德也言人之營魄要在不離一則不離離則不一故曰戴營魄抱一能無離乎營魄抱一即神氣相依情性相合也

專氣致柔能如嬰兒乎

嬰兒氣柔惟性所役食息哭皆為自在及其既長則識生而氣剛不為性役氣反制性

玩鹿亭稿 卷之八

十

欲言而訥欲行而止觸途成滯矣所謂如奴作主是也學道者必淘去情識則情來歸性氣專而自柔惟性所役若嬰兒然故曰專氣致柔能如嬰兒乎

滌除玄覽能無疵乎

窮理盡性須從玄覽然玄覽不除反為心病所謂病去藥存而藥是病矣故曰滌除玄覽能無疵乎此佛氏謂之理障

愛民治國能無為乎

此言事理無礙權實雙顯蓋事能顯理亦能覆理若愛民治國未免全在事上雖在事上不為世諦流布頭頭明顯無為而為既不失理亦不失事事理渾融然非大聖人不能也故曰愛民治國能無為乎此佛氏謂之斷除事障

天門開闔能為雌乎

雌者即玄牝之義天門開闔動靜無端也故如谷神常空常應常應常空生生不息綿綿

玩鹿亭稿 卷之八

十一

不絕大哉雌乎此即人生而靜聖人定之以中正仁義而主靜所謂靜者非動靜之靜為有對待正雌義也

明白四達能無知乎

言灼然一切處光明活潑要在無知所謂用之不可見見之不可用若少有知則神包乎氣而非氣包乎神乃無量劫來生死本也故曰明白四達能無知乎冊書所云神包乎氣疑神入氣者皆大隱語欲使人精思而自得

之今邪說謬解離智者亦惑其言可悲也已
生之畜之生而不有為而不恃長而不宰是謂
玄德

生之畜之而實無生無畜即不有不恃不宰
也是故謂之玄德蓋以其無迹也此重言上
文之義宰者主宰也

三十輻章第十一

三十輻共一轂當其無有車之用埏埴以為器
當其無有器之用鑿戶牖以為室當其無有室

規虎亭稿

卷之八

主

之用故有之以為利無之以為用

車為衆輻所湊轂當輻之中其空處則容軸
而利轉也埏和也土黏曰埴和土為器而其
空處則受物也牖以通明戶以出入鑿戶牖
所以為室而其空處則居處也故曰有之以
為利無之以為用此以車器室三者之用以
明此理之用妙在於無也然無因有而無有
因無而用有無不相離微哉微哉

五色章第十二

五色令人目盲五音令人耳聾五味令人口爽
目能視色而所以視者非目耳能聽音而所
以聽者非耳口能知味而所以知者非口曰
目盲耳聾口爽者蓋言物於物而失其本心
蔽其所以為視聽者耳故曰盲與聾也

馳騁田獵令人心放狂難得之貨令人行妨

以上言眼耳口三根之過此則言意根之過
有二故馳騁田獵難得之貨能狂其心妨其
行乃意根之溺於嗜慾而失其本心者也

規虎亭稿

卷之八

主

是以聖人為腹不為目故去彼取此

易曰坤為腹腹歸藏也離為目目發用也視
聽皆慾知所歸藏則發用亦歸藏也故不以
其小者而奪其大者去彼取此達本故也

寵辱章第十三

寵辱若驚貴大患若身

貴重也人之寵辱若驚者蓋以其所重之大
患在有吾身耳下文更詳言之

何謂寵辱寵為下得之若驚失之若驚是謂寵

辱若驚

聞辱而驚者常也遇寵宜喜而亦驚者蓋其汲汲於希寵患得患失之心勝故也寵為下几承寵者皆在下也

何謂貴大患若身吾所以有大患者為吾有身及吾無身吾有何患

有身則有患故人所重之大患以其有身達者知身是幻不有其身則一切皆空又何患焉故曰因愛生憂因愛生怖吾無於愛何憂

莊子內篇

卷之八

十五

何怖

故貴以身為天下若可寄天下愛以身為天下若可託天下

以身為天下者天下即吾身也不有吾身故可貴愛若吾有吾身則天下為天下矣可以寄託乎哉此蓋明夫無身之義

視之不見章第十四

視之不見名曰夷聽之不聞名曰希搏之不得名曰微此三者不可致詰故混而為一

此言道體之無聲無臭至矣以其無色可見故曰夷無聲可聞故曰希無形可持故曰微曰夷曰希曰微三者詎可詰而辨之總同於無故曰混而為一

其上不皦其下不昧繩纆兮不可名復歸於無物

形而上似明而非明形而下似昧而非昧繩纆兮運行無極而又不可以名要之皆無實體故曰復歸於無物本無故也

莊子內篇

卷之八

十五

是謂無狀之狀無物之象是謂惚恍

凡狀皆有狀而此狀獨無狀凡象皆有物而此象獨無物似無而有似有而無故曰惚恍迎之不見其首隨之不見其後執古之道以御今之有能知古始是謂道紀

推之不見其始要之不見其終是以聖人惟執無以御有也古始者即虛無也故為道之紀也非窮理盡性至命者詎知所謂古始與道紀哉

古之善為士章第十五

古之善為士者微妙玄通深不可識

微則不有妙則不無玄則不窮通則不滯古之得道之士有是四者故深而不可測識之也

夫唯不可識故強為之容豫兮若冬涉川猶兮若畏四鄰

古之為士者既不可識故強為之容蓋借猶豫以狀之也以下皆言強為之容猶豫皆歎

玩康年稿

卷之八

十六

名其性多顧慮而不定王弼氏云冬之涉川豫然若欲度若不欲度其情不可得見是也猶兮若畏四鄰謂東西南北不知何所向也道人心無意必已亦不自知他人能識之乎

雖鬼亦不能觀其幾也

儼若容渙若冰將釋敦兮其若樸曠兮其若谷渾兮其若濁

儼若容者言若有儀可畏也渙若冰釋者言若灑然無滓也敦而不鑿則若樸曠而空闊

則若谷渾而同俗則若濁蓋其變化莫測元無定狀易之乾卦六爻皆曰龍者亦以變化不測之義故曰老子其猶龍乎

孰能濁以靜之徐清孰能安以動之徐生

此承上文而言雖渾兮其若濁以靜之徐清濁不常濁也其孰能濁之其靜而清則似安矣以動之徐生安不常安也其孰能安之蓋道體之妙不可湊泊故耳

保此道者不欲盈夫惟不盈是以能敝不新成

玩康年稿

卷之八

十七

道無可盈盈則非道是以得道之士實無所得乃為得道故曰悟了還同未悟人是謂之能敝不新成也若有成則有壞矣

致虛極章第十六

致虛極守靜篤萬物並作吾以觀其復

中無一物虛之極也一念不生靜之篤也而萬物作焉作必有止故觀其復于以洞窺精微矣若多慾混亂又何以見之故易剝盡乃復周子曰無慾故靜古衲三廿人愛黃金我

愛利那靜金多亂人心靜見真如性亦此意也

夫物芸芸各復歸其根歸根曰靜靜曰復命復命曰常知常曰明不知常妄作凶

此言物之芸芸茂盛莫不枯落以復歸其根而人心之萬變紛紜未有不息而歸其體者本體元靜故曰靜此即人生而靜天命之性所謂本來面目是也故曰復命命無生滅故曰常知此則頭頭上明物物上顯故曰明不

九龍書稿

卷之八

七

知常則任其所為奇特與聖不殊皆名妄作以其不違本故也是故窮理盡性至命之學不可無也

知常容容乃公公乃王王乃天天乃道道乃久沒身不殆

此復申言知常之妙蓋知常則體自虛空何所不容容則萬物一體自無物我之殊故曰公公則巍巍蕩蕩無不周普其尊無上故曰王王則與天為一天即我而我即天故曰天

惟其天乃所以為道也道則無盡故久一得永得夭壽不貳故曰沒身不殆

太上章第十七

太上知有之其次親而譽之其次畏之其次侮之

太上者猶言極上聖人至治無象下知有之而已所謂帝力何有于我也此為極上若夫親而譽之則德澤之敷民得而稱故其次也以政以刑而下畏之又其次也刑政之弊下

晚學亭稿

卷之八

七

復侮之斯愈下矣

信不足焉有不信焉

常是本體無不真實信斯全矣民相忘焉道之齊之為德為禮為刑為政因權蔽實離體漸遠而信斯虧是以譽之畏之侮之馴至於渝薄故曰信不足焉有不信焉

猶兮其貴言功成事遂百姓皆謂我自然猶兮其貴言者若難言也不言而躬行

大道廢章第十八

大道廢有仁義知惠出有大偽

大道本具夫仁義而無仁義之名故由仁義行而莫之知也惟大道廢而有仁有義則文字立而行仁行義矣自是以降取舍是非動拘文字則知惠出焉知惠之弊則為大偽其流益遠又何可勝言也哉

六親不和有孝慈國家昏亂有忠臣

孝慈與忠元無名字以國家之亂而孝慈與忠名斯立焉此甚言名教救世之不得已也

疏康事稿

卷之八

三

絕聖棄智章第十九

絕聖棄智民利百倍

示人以聖智而民得聖智之義於心意識中則醍醐為毒藥矣絕聖棄智則民無所汙無得則無害故曰民利百倍孔子欲無言而曰天何言哉四時行百物生達磨曰廓然無聖面壁少林絕人知見皆此意也

絕仁棄義民復孝慈

仁義立而民徇仁義矣絕仁棄義而仁義之

名不立則心無知見而父子之間孝慈真切藹然天性之發越乃所以為仁義也

絕巧棄利盜賊無有

巧以發民之機心利以起民之貪慾而盜賊生矣故曰絕巧棄利盜賊無有所謂雖賞之不竊也

此三者以為文不足故令有所屬見素抱樸少私寡欲

曰聖知曰仁義曰巧利則皆絕而棄之三者

疏康事稿

卷之八

三

固畫之矣以為文不足故令有所屬者猶以為未盡而申言之也見素抱樸純一無文也少私寡欲渾然天理也此二者以足上三三者之義

絕學無憂章第二十

絕學無憂

古語云有求皆苦絕學無求何憂之有為道而至於絕學無憂至矣

唯之與阿相去幾何善之與惡相去何若人之

所畏不可不畏荒兮其未央

唯阿本同一言而恭慢分別遂生喜嗔善惡不外一心而是非揀擇遂生好惡此皆為情識所轉流浪生死蓋人之危而可畏者故不可不畏然必有此畏而後可以絕學無憂也若付之不畏而遽絕學焉則莽莽蕩蕩荒廢寧有止耶

衆人熙熙如享太牢如登春臺我獨怕兮其未兆如嬰兒之未孩乘乘兮若無所歸衆人皆有

孔聖書

卷之八

王

餘而我獨若遺我愚人之心也哉純純兮

衆人甘味濃厚如享太牢目前一切色相皆真故如春之登臺咸有趨向而我獨心無起念形迹不萌如嬰兒之處胎而未孩謂無所見也怕當作泊澹然也乘乘猶言騰騰謂騰騰任運而無所歸着也衆人意氣盈溢而我獨空空若遺我誠愚人之心哉純純兮而無所分別也此正言衆人皆是情識而我獨超乎情識之外下文同意

俗人昭昭我獨若昏俗人察察我獨悶悶澹兮其若海颺兮似無所止

此復申言上文之義人昭昭而我若昏人察察而我悶悶也澹兮其若海則巨細淨垢無不併納又何分別耶颺兮則飄揚盡大地又何所止耶

衆人皆有以而我獨頑似鄙我獨異於人而貴求食於母

此言衆人之心皆有所為而我獨頑然似鄙

孔聖書

卷之八

王

全無所為然我之獨與人異者以我所重惟道是資而一切無心也道者吾所自出故曰母

孔德之容章第二十一

孔德之容唯道是從道之為物唯恍唯惚

孔德乃大德言得道者也大德之容蕩蕩無物唯道之是從然道果何物耶道本虛無無可形容故曰恍惚

惚兮恍其中有像恍兮惚其中有物窈兮冥兮

其中有精其精甚真其中有信

惚恍有象者實無象也恍惚有物者實無物也無象無物窈兮冥兮雖無而實有故曰其中有精然極真切者莫如此也故曰其精甚真無感不應故又曰其中有信

自古及今其名不去以閱衆甫吾何以知衆甫之然執以此

甫始也自古及今唯道獨存其名不去道為萬物始生故因之以閱衆始吾能知衆始之

孔鹿亭稿

卷之八

三

所以者正在斯道恍惚窈冥中有以見之也

曲則全章第二十二

曲則全枉則直窪則盈弊則新

常人求全而反不全求直而反不直求盈而反窪求新而反弊道人則曲而全之枉而直之窪而盈之弊而新之然非故為曲枉窪弊而唯道是從實不知曲不知枉不知窪不知弊也即前章所謂處衆人之所惡故幾於道者也

少則得多則惑是以聖人抱一為天下式

易簡而天下之理得矣若支離膠雜豈不惑哉故聖人抱一以為式於天下而示人以易簡也抱一者惟道是依也

不自見故明不自是故彰不自伐故有功不自矜故長

自見則障已之真光故不明自是則人不與也故不彰自伐者常自滿假故無功自矜者則的然日亡故不長不自見不自是自不自伐

孔鹿亭稿

卷之八

三

不自矜四者正曲枉窪弊之反

夫唯不爭故天下莫能與之爭

夫安處曲枉窪弊而不自見不自是不自伐不自矜則與世無爭也唯其不爭則天下莫能與之爭無可爭也

古之所謂曲則全者豈虛言哉誠全而歸之

曲則全三字最緊要以極難用力處乃為道之生施路頭也蓋後吾好則違時好狗時好則違吾好故善為道者唯道是從一切是非

不顧所謂天下非之而不顧也夫至於天下非之曲之至也苟見道不真孰不為其所搖奪哉惟見道而不見人抱一不離故能全而歸之若少徇時好雖得世俗之憐全與道違矣故曰修飾人間事最苦不堪諧謂不可與適道也然則曲則全者豈虛語哉誠全而歸之

希言自然章第二十三

希言自然故飄風不終朝驟雨不終日孰為此

者天地天地尚不能久而況於人乎

希言自然蓋言無聲無臭於穆不已而自然流行所以明道體也飄風不終朝驟雨不終日以喻作意之行雖顯赫而有止蓋言非自然者之不可久也風雨乃天地之所為既不可久而人之所作又豈能久耶是以貴自然也下文皆言希言自然之事

故從事於道者道者同於道德者同於德失者同於失同於道者道亦得之同於德者德亦得

之同於失者失亦得之

故務道者惟體自然道無所道德無所德失不知而失故同於道同於德同於失言無可見也惟無所見故道亦得德亦得失亦得此所謂希言自然也

信不足有不信

此希言自然之道惟其自信不及故有不信然學道者當求自信也

跂者不立章第二十四

明處亭稿

卷之八

于七

跂者不立跨者不行自見者不明自是者不彰自伐者無功自矜者不長

跂者一足着地其可立乎跨者盡足闊步其可行乎自見者蔽其能明乎自是者小其能彰乎自伐者滿其能有功乎自矜者弊其能長乎蓋猶跂跨者之不立不行也

其在道也曰餘食贅行物或惡之故有道者不處也

餘食贅行言自見自是自伐自矜四者皆道

外之事反害道者也物或惡之言人道惡盈
也有道者不處處則喪道也

有物混成章第二十五

有物混成先天地生寂兮寥兮獨立而不改周
行而不殆可以為天下母

未有天地而有此理故曰先天地生以其無
所自出故曰混成寂兮寥兮言無可捉摸也
獨立而不改不逐四時凋也周行而不殆能
為萬象主也可以為天下母無物先之也

北魏書

卷之八

二天

吾不知其名字之曰道強名之曰大大曰逝逝
曰遠遠曰反

此物元無名誰復知之今字之曰道者道亦
不足以字之強名之曰大者大亦不足以名
之也以其大而常遷故又曰逝常逝而不息
故又曰遠雖逝雖遠而實未嘗去故又曰反
所謂江河競注而不流野馬飄鼓而不動日
月歷天而不周微哉

故道大天大地大王亦大域中有四大而王處

一焉

道大天大地大人大者言同一氣故皆曰大
然人能盡其性則可以位天地而育萬物豈
不大哉故曰域中有四大而王處一焉王雲
氏曰言王舉人之盡性者良是觀下文曰人
法地可知故天德王道亦盡性者之通稱也
人法地地法天天法道道法自然

上言道天地人為域中四大而王處其一此
言人法地地法天天法道道法自然者謂人

北魏書

卷之八

二天

與天地道本無二猶言人即地地即天即
道道即自然所謂法者言後先相繼也此甚
言自然為斯道之極蔑以加矣若為道者惟
曰自然則知果而不知因又謂之自然外道
然必窮理盡性至命而不知其所以然乃所
以為自然也

重為輕根章第二十六

重為輕根靜為躁君是以君子終日行不離輜
重雖有榮觀燕處超然

輕躁不離乎本體輕躁雖動而本體實未嘗動故曰靜重蓋所以為輕躁之主也是以君子必識心達本以為其主而不釋動以求靜終日行而不離輜重者言終日動而常靜也燕處謂不動超然謂無礙也雖有榮觀燕處超然故不妨朝市也

如何萬乘之主而以身輕天下輕則失臣躁則失名

心如萬乘之主若隨識變遷以徇事物則是

現庵亭稿

卷之八

三

萬乘之主而以身輕天下也輕則失臣躁則失名言體用皆失也是以貴窮理盡性而得靜重之本體也

善行章第二十七

善行無轍迹善言無瑕謫善計不用籌筭善閉無闕捷而不可開善結無繩約而不可解

無轍迹可尋者謂之善行無瑕疵可謫者謂之善言不假籌筭者謂之善計不用闕捷而不可開者謂之善閉不用繩約而不可解者

謂之善結蓋先發此五者以起下文聖人無棄人為善救人之意不必例以為道用而費辭牽合也

是以聖人常善救人故無棄人常善救物故無棄物是謂襲明

此節加是以二字以起之可見重在此下文也蓋救人救物勢不能以盡救必有棄之者聖人救人而無棄人救物而無棄物乃所為善蓋無救之迹也是謂襲明言晦其明也

現庵亭稿

卷之八

五

故善人不善人之師不善人之資不貴其師不愛其資雖智大迷是謂要妙

善者不善者師之以取法不善者善者資之以為用故善與不善皆無可棄者矣二者固皆無棄而又不貴其師不愛其資雖智若大迷皆無迹可見人不得而知是謂要妙此等氣象必深造乃見蓋自有無可分別者也

知其雄章第二十八

知其雄守其雌為天下谿為天下谿常德不離

復歸於嬰兒

雄動雌靜靜乃常而動則用也知其動而守其靜者貴一本也故曰若得一萬事畢殆為衆水所歸謂得天下之所歸也得天下之所歸亦只是不離常德而已即常守其雌也惟其常德不離而復歸於嬰兒蓋情識盡而天真全也然欲復嬰兒者必須知守雌之要乃能嬰兒所謂嬰兒者豈齒落更生反老還童哉謂不失赤子之心也

玩鹿亭稿

卷之八

三

知其白守其黑為天下式為天下式常德不忒復歸於無極

白以喻明謂識神之昭昭也黑以喻闇謂性天之混混也道人知白守黑者不識不知而順帝之則如闇昧無所見也為天下式得天下之至則也得天下之至則可以為式於天下者亦只是依於常德不差忒而已常德者即守黑也無極猶言無盡諸行無常皆屬生滅常德元無極故曰復歸於無極

知其榮守其辱為天下谷為天下谷常德乃足復歸於樸

知其道理之榮而甘守其辱遇賤惡不移至妖壽不貳堅定故也為天下谷者言天下之至深也如理未穩實未免遇賤惡而移至妖壽而貳故守辱為天下之至難必過此以往常德乃為足矣常德本樸故曰復歸於樸亦言究竟不出於樸也

玩鹿亭稿

卷之八

三

樸散則為器聖人用之則為官長故大制不割凡木石之未斲削者謂之樸樸散則為器言斲削而為器是散其樸也聖人用樸以為治故曰大制不割不割者不破其樸也

將欲章第二十九

將欲取天下而為之者吾見其不得已聖人濟世之心固皇皇然而用之則行舍之則藏又若無與然也若欲取天下而為之是着物矣聖人豈如是哉其欲取天下而為之者如舜禹湯武之曆數在躬天與人歸蓋

不得已也

天下神器不可為也為者敗之執者失之

天下者天下之天下當以天下處之豈有方體故曰神器蓋不可以已意為之也故為之者反敗執之者反失聖人豈特不欲取天下而為之而有天下者亦不可為也神無故也凡物或行或隨或歛或吹或強或羸或載或賾是以聖人去甚去奢去泰

物之不齊物之情也聖人去甚去奢去泰蓋

玩鹿亭稿

卷之八

子思

因其情而損益之行所無事也故曰聖人有小而無為

以道佐人主章第三十

以道佐人主者不以兵強天下其事好還師之所處荆棘生焉大軍之後必有凶年

以道佐人主者不以兵強天下以其事好還也蓋天道好還無往不復我既以兵強天下而天下畏之矣其事殆不可常他日必受天下之攻而畏人也然不特其事之好還即時

所害者蓋亦不小師之所處農事必廢故荆棘生焉大軍之後傷天地之和故必有凶年此理之所必然也

善者果而已矣不敢以取強焉果而勿矜果而勿伐果而勿驕果而勿得已果而勿強

善強者自果而已矣不敢以取強於天下也果而矜伐驕之心勿行焉可謂果也已矣此三者有我而好勝蓋兵之所由用也果於不得已而用之果於勿強以侵人所謂寬柔以教不報無道南方之強也而君子居之故曰果而已矣

玩鹿亭稿

卷之八

子思

物壯則老是謂非道非道早已

恒久不變者之謂道物壯則老壯老之變非道也非道則未有能久者故曰早已君子不敢以兵強於天下者非道故也知其事之好還也

夫佳兵章第三十一

夫佳兵者不祥之器物或惡之故有道者不處

佳兵善取勝之兵也天道好生而兵以殺為佳故曰不祥之器好生惡死人之常情故曰物或惡之也有道者不處蓋不以為美而居之也

是以君子居則貴左用兵則貴右

君子平居之禮則尚左而用兵則尚右以見君子之所不處也

兵者不祥之器非君子之器不得已而用之恬淡為上故不美也若美必樂之樂之者是樂殺

玩鹿亭稿

卷之八

李本

人也夫樂殺人者不可得志於天下矣

此復言兵者不祥之器非君子之器然而不能盡廢者以除暴去害或敵加於已不得已而用之也恬淡為上勝亦不以為喜故不美也若以為美必樂用之是樂殺人也孟子曰不嗜殺人者能一之未有樂殺人者而可以得志於天下也

故吉事尚左凶事尚右是以偏將軍處左上將軍處右言居上勢則以喪禮處之殺人衆多以

悲哀泣之戰勝以喪禮處之

禮以吉事尚左凶事尚右尚右者喪禮也今用兵以偏將軍居左上將軍居右則是以喪禮處之也殺人衆多以悲哀泣之戰勝以喪禮處之蓋甚言兵之不祥故君子所不處也

道常無名章第三十二

道常無名樸雖小天下莫能臣侯王若能守萬物將自賓

道無體豈有名乎樸亦無名蓋以喻道樸無

玩鹿亭稿

卷之八

李本

小大天下不能臣之以其為物之始也王侯守此則萬物自然賓服蓋道能賓物物不能臣道也

天地相合以降甘露人莫之令而自均

此言道之混然天地合而甘露降人不令而自均蓋陰陽相合而混沌自然故降甘露言混沌自然之樂若甘露也不令而自均出入息帝何有於我也此皆明道之混然無迹也

始制有名亦既有夫亦將知止知止所以不殆譬道之在天下由川谷之於江海也

制者判模成器之謂夫支派流注離體漸遠若不知止則終迷不返豈不殆哉故始制有名當即知止也言當返體也是故道之所以萬殊只是一本譬川谷之於江海耳

知人者智章第三十三

知人者智自知者明勝人者有力自勝者強知足者富強行者有志不失其所者久

現虎亭稿

卷之八

五

知人者用明於外也自知者用明於內也勝人者以力勝人也自勝者以理自勝也富者有餘也知足則自有餘矣強行者無急也無急則有志矣凡物得其所以則可久也以上皆泛論之重在下文死而不亡者壽一句

死而不亡者壽

此理通乎晝夜之道而知死何曾亡死既不亡則常存矣其壽何可量也今道家相傳以為長生之學者非以此耶

大道汎兮章第三十四

大道汎兮其可左右

大道汎汎元無定着故可左可右蓋言其或左而或右也皆無形象方所之意萬物恃之以生而不辭功成不居

萬物生而不辭言生生無盡也功成不居言不有其功也大道虛無固無窮盡亦無可寄泊耳

衣被萬物而不為主故常無欲可名於小矣萬

現虎亭稿

卷之八

五

物歸焉而不知主可名於大矣

衣被萬物而不為主此一本之所以萬殊體此道者於此萬殊總是自然故常無欲也謂名於小者以其散在萬殊故名小也即小德川流之義萬物歸焉而不知主言萬殊之一本也萬殊一本故曰可名於大矣即大德敦化之義一本本無何主之有是以聖人能成其大也以其不自大故能成其大

自大者不大不自大乃所以成其大也聖人不知其大故不自大不知其大豈有限乎是以聖人能成其大也

執大象章第三十五

執大象天下徃徃而不害安平泰

大象者即道之完體無形之謂也以此為之總持則天下無徃而不通也不害者勿傷之也若以大象可執寧無傷之然大象無形何可執也知不執之執為之執則徃而不害不

玩鹿亭稿

卷之八

單

害則安平泰矣曰安曰平曰泰皆言全而不害也盖一事而三致意云

樂與餌過客止道之出言淡乎其無味視之不足見聽之不足聞用之不可既

世之有聲有味者故人悅而為留而道之出言淡然無味所謂冷水蘸冬瓜者也視之不足見聽之不足聞言無可取也無可取而用之不可窮乃所謂道也

將欲歛之章第三十六

將欲歛之必固張之將欲弱之必固強之將欲廢之必固興之將欲奪之必固與之是謂微明將欲云者將然之辭也必固云者已然之辭也此據其已然而逆其將然也盖道之張者所以翕也強者所以弱也興者所以廢也與者所以奪也此道之妙用至微而至明者也柔之勝剛弱之勝強魚不可脫於淵國之利器不可以示於人

玩鹿亭稿

卷之八

單

魚之不可脫於淵國之利器不可示於人本體如是也

道常無為章第三十七

道常無為而無不為

今人言無為之道只靜默以無為乃謂無為何為玄妙道無不為而無為此其所以為玄妙也

侯王若能守萬物將自化

君人體此道者故常不廢天下之為而實則

嘗為如天之四時行百物生而已故萬物日
化於道而不知也

化而欲作吾將鎮以無名之樸

民之既化而猶有作也吾將以無名之樸鎮
之樸者器之未制名以喻無為之道也民之
欲作而欲鎮之豈有他哉亦惟此道而已
無名之樸亦將不欲不欲以靜天下將自正
以無名之樸鎮之亦似有物故亦將不欲夫
不欲以靜則民之化而欲作者自止故曰天

玩鹿亭稿

卷之八

甲子

下將自正也此正所謂鎮之以無名之樸也
蓋聖人到底只是一箇無為而已於民之化
與不化作與不作更無二道也故大人者正
己而物正者也

玩鹿亭稿卷之八終

玩鹿亭稿附錄

羅念菴先生

自聞教後舟中終日忻忻然若出樊籠
界若入巨海見龍宮藏舉手動脚皆是飄風已
而於家務中混攪一月又覺乍昏乍明乍存乍
亡然一切不與剖判只任其番覆流轉彼自動
擾彼自疑惑彼自堅凝彼自熨貼日有改慶日
有透慶乃知易言日新大約近之從此一路乃
吾終身消受不盡慶乃吾終身幹當不了慶不
賴引進人終為失路子感德感恩寧有窮已時
也此後往復書中不妨重下刀斧頑梗大膽人
頗能承當不知畏懼到得大了手後還公一捧
不然公亦俚俚行耳誰與了會心話頭乎果齋
處傳至六月書復承指點且聞開闢之期甚慰
甚慰好書藉事漸減誠有如書中所言所言不
作疑慶尤見工夫密切果於此通達真是火中
生蓮非是揀路下脚矣
去冬數寄書緣去人甚多今春音耗杳杳正尔

牽念忽承手教驚喜若狂開緘讀至只是解悟未可據以為是之語則拍手曰千里同心正在於此同心之言不煩詞說此可驗也弟即以為是却不敢若以為非亦不肯即此研窮自無了手大意不得小勝不得只甘心不忍瞞昧一味破除是吾活計處處是幻念念是幻此境尚未逼真只是漸破除去雖較之他日粘皮着骨較量是非執着影嚮已是輕快已無嫌疑然自身斷根處不知在何日耳面前諸般議論隨人開口因緣說法皆不礙吾此件真處與口談性命者却對話不前只有閉口結舌此處所苦正為無了手人常與作對到此真有不能奮飛之嘆近日遇一異人儘有下落七日相伴受益不少乃是禪宗人物只此輩無停脚無緣攀留渠甚有意于兄所恨窮達兩途不肯往見不知吾與兄後來機緣如何此大性命所關言之痛心兄此出得力如何能知脚跟不穩即是不落魔障眼前誰人肯論到此願加細膩到精光處無絲

毫繫着乃是受用時也龍溪兄屢約不至荆川閉關之計如何弟夏中以室人有就館者故未可出秋後或有廬阜之行淮上之會於勢未能五月間有小价商於維揚因遣相候當盡所未語也浙弓雖美此枝已讓荆川無意復爾相効小兒承念謝謝不盡別後乘北風三日至家舟中頗不畏暑至新濟因食蠶賤體全愈能飲酒恨不早對君一醉也相對旬日受益不細於道理障稍有警悟誠不敢不策勵所願吾兄亦於密實處皆身有之使處處俱無滲漏然後為得理不然言論知見豈足濟事哉獲事在八月初始得畢至期必期終領教益茲先遣祥勝供事左右脩治諸樂樂完遣歸拙作四首求改正樂府一本天文圖一小摺備覽尚有虞林清賞未尋得在後續上豆豉米粉致行厨不盡千里而米為此一件淹留毘陵兩月未得真精聚合比一再見承垂慈憫惠以延劑惟恐其沉

痼日深生活無路此情此德何日能忘四海交
游平生極少遇吾丈當不啻一當百萬歲月已
無幾一次往復形貌更變後來知復有餘日否
敢復浪棄為吾丈憂所望以後遇便示我真言
倘令吾道眼或於維摩示疾時大膽問病亦不
為孤寡如何登舟大光手致多物感謝感謝更
不欲言聲者懼拂愛也秋間北行萬里珍攝無
過勞是禱

前連附二書意吾丈京行或未歸而舍弟綵以

沈氏事稿

附錄

五

奏辦行恐其失望故先後脩奉異一有遇不知
果相見否此時草木零落大化歸根回想越中
行又是夢中事天下何事不如此山居人無他
望望吾丈時出真舟點硯石耳至京風景又如
何諒達人當此只作一番局面開玩以等處有
所經歷幸于便風中示之使有相長也家兄授
任廣西布政經歷郎綵同胞茲起復過京經從
帳下附舫通候倘天寒舟凍必從陸望指示之
不爾則幸以一人衛之出疆感德多矣同舟有

周兄汝方者弟之妹夫而冷塘先生乃弟也均
乞推愛餘不多及

自去歲屢奉書相候止寄浙中不知旌旄已入
金陵計別來五年冲養嘿守當益邃密未由一
晤盡傾倒也弟自去年靜中初有尋求比之往
日隨言流轉隨地觸動差有安頓日用應接此
間皆有樞紐可據大端只於心源上察識稍分
曉便各色漏精神者自當不枉用力耳年紀倏
近五旬今春齒落髮白自度不能久於人世賴
路徑不甚差朝聞夕死之機今當可勉或不至
孟浪則幸矣他更何言久不聞箴誨徐生歸大
病故見書稍遲讀罷即忙忙裁答以徐生云有
便使不問為誰何聊作郵傳耳

前得本省把總迺至手書當時草草具復已而
持書時一對証句句是真語切語至密語所謂
起死回生第一劑也而今只有儘力磨鍊遇有
迷處必究原到底求緣何至是直至無去處始
有脫手處處是迷即處處是悟更不啻至何

沈氏事稿

附錄

五

時方了結以此日間頗有依據頗不散失精神
前此俱逐聲響轉動而今只就自家上了更不
欲證何人何法也道理障漸覺不見欺瞞雖
日隨道理作用却不是將來作本領以隨世緣
殊不相混來諭云勿逢烟住手既已見烟豈肯
遂歇此心絲毫瞞他不得到未歇處縱人道好
于我何干此處也有安穩也有失落也有懲創
也有奮發只好此處了一切言句皆無用也此
弟之日用向往者兄試以為落何病痛可時與

現庵手稿

附錄

六

之劑乎家兄來又得手書且勞周視茲祥勝往
附此奉族寧波弓已高懸日米頗愛惜精神更
不遂意興上奔馳但有深山長往一念甚切而
事機未湊泊坐是耿耿安得一面為我壽之別
紙所需幸為速發小价回乞與數字慰以飢渴
連得手書高韻令人嘆仰四書義中有尚欲請
教者然不虛度時日又復鍊然敬矣此學一二
年間初有跼徑緣平日被良知兩字牽扯逐外
未有歸根返本安頓一處今方時刻收視反聽

以補滲漏猶朱子所謂補小學之缺者然痛悔
平日孟浪錯過光陰不可復返為可悲也回思
向承指示處比之逐外若有間視無聲無臭之
體尚覺隔遠又所謂乍昏乍明乍起乍滅亦謂
為本體者亦屬孟浪且操存保守之功疎而不
講以無所存而自無不存為究竟法亦覺與聖
門脉絡殊異在執事固是袖珠在不肖不免逐
塊故耳眼前可與證此件者絕少每思吾兄與
荆川兄道遠莫致切切如何益日暮途窮不容
依違稍不鞭策即屬枉過一生幸有以示其的
也理欲之辨落見解者固是非真若混俗任情
未有約情返性之實未可即用出脫語自古戰
戰兢兢方是聖人何等絕望紫峭天理二字未
能嘿契未可輕言離得欲界也乘便布所欲請
書稿附上求證不允他傳也

現庵手稿

附錄

七

不奉手教者幾一載昨聞有書在吳雲泉手米
亦未轉示故人北望時復牽情自聞教後此件
工夫又幾番變動皆于運用中試驗即又回頭

今日看來放膽不得着意不得平日所說已見本色尚是傳度來者非是直下盡屬此物顯現不免以意思湊泊諦為片段從以一覺便覺有澄然處然以澄然非是一任漫去却又深藏退步時刻不露機緘自信此後方好受兄爐錘不似前之散逸也因咲翁行草草附以漕政得兩賢合志平生有欲為而未酬者宜盡力商量難得者時也山谷中人言政事亦屬越分一笑兄近來自察進處何在千里牽情處諸不盡言

玩鹿亭稿

附錄

八

去歲瓜洲承打哄之教令人受益不淺自是頗有所懲創歸家紆紆以來只有時時念想一一不敢少懈今肝膈中所信服而依倚以為可與商量此件者指不多屈不知執事已歸家否山中絕與世外人少交涉家貧無資不能遠出游以求切磋荆川秋來有南衡之約喜有商確處獨念吾兄拳拳不置耳即今甚有識病痛處始知前此愈着力愈是遠却真性至於牽纏處又自包裹過去今方與斬截直任去尚未有脫手

信得及地步不知兄何以教之追憶兄往日所造第萬一不能窺測然于自信處亦覺有任情作性之弊不知近日當精詣何似也草草附以相念頗懇相見何由

今秋各庄稻皆未收偶有先塋偷樹訟事二三僕答應官府遂無一人可遣茲不得已自入山中收拾適使書遠來招遊山且遣舟來盛事不偶樂意難再有如此者奈何東望怏怏倘能留至初七八日可仍遣舟來弟是時百事皆完矣

玩鹿亭稿

附錄

九

又不能久留則玄漂勝地不可缺高人踪跡弟冒炎暑訪兄兄恐不一回答耶又况玄漂去敝縣四十里縣中正官皆入科場留視篆者庸輩耳雖招之亦不來更有何人擾兄耶即乘舟至縣城下尚無人應者以可不勞速避兄在玄漂弟當久留奉陪蓋去家止二十里小兒消息常聞一旦裝舟北下止一宿可至臨江允事行處皆是過影欲更待何年皆屬虛筭且有為兄善後一策非面晤不可弟初八九拱候羽颺耳更

勿聽拘士搖惑是望前數日為夜酒所傷今日脾胃方好金酒之惠甚佳蓋秋來頗宜山人少秋者謝謝餘湏面談

前祥勝去亦坐家兄未得詳盡此舍弟忙忙期赴敝郡劉總運舟行復附此此學如談夢中事縱有聰明者皆至于愕然不應既寡友不得不極力尋求然殊于此可慨也安得隨兄山中鍛鍊耶祥勝回乞賜所求藥以慰遠望兄京回又是隔年人彼此當各證近效耳日者善山兄連

現處事稿

附錄

十

書來論兄之學且力歲弟病初不欲答不得已有言錄往一覽

山中人懷遠地昆友甚于飢渴忽見手書驚喜無量則以為遠地來也談絨乃知留滯臨江問來人莫知旌旄所指則驚喜益不可當矣別來數年種種欲請者得此一遂若夢游天姥與群仙飲清露飯胡麻不啻過也來期具在別希兩歲不見尺書未知兄精進何地視弟瞠乎其後宜無復有情也年來精力比前頓減故遠游

之念不復耳萌向來承指境界近來覺得稍別一切虛寂得下始是入門良知二字猶覺費分踈兄近來當以何為口占也風便幸證之小川毫幸見賜數十枝為山中驅使也切望

蕨富陽連日風雨舟行甚便景物氣候皆蕭洒清逸足以助秋念王生處舟如夏屋之幪幪也兄為惠豈細哉茲入山則吳楚阻隔不能不悵悵有懷人處榮行何期錢王二兄尚留宅上否良晤不偶佳時且去日體箴語如蹈空水他時

現處事稿

附錄

十一

相對不知可免呵責否耳外舟中所作附上幸教示

昨有書在雙江公處當未奉覽即今貴體何似幸保愛弟精力比前頗不逮甚惟自知過處稍密時時有實下手處不敢似前漫過耳時時教之孤寡之望

家兄行已敝同年王武山見過極慕兄為人意過淮必求見復布此為先容武山兄忠謹篤厚論心之外更無他求但欲轉肉眼為法眼清淨

眼幸分真冊彼缺憾惠他日與共山水遊觀者
舍此兄莫與圖也望留意

得吳中寄來詩值盛暑伏枕時一吟哦輒如侍
玉趾于芳園曲沼之上不覺潄汗之去肌體也
賤體向秋啜姜茶而愈往年戒酒戒肉等項皆
為增衰之語然則養生豈有常耶讀駁與陳明
水書極領教但弟之意以為良知須養而後完
湏致而漸明未可以一念之回復遂信其全體
而忘外斂之功蓋懲往日之疎曠非藉以立異

玩應亭稿

附錄

十三

也近日自反習氣頗重只覺虛寂不下每一念
輒欲下淚今鬚半白矣齒搖落矣來日幾何尚
爾悠悠孤却少壯之志何以自贖兄不能來弟
不能往惟盡力向往耳尹封君行匆匆裁布百
惟垂教

玉峽別後登山北望則僊舟已眇然矣心馳如
何然尚謂貴體果安和也及奉手教云云令人
邑邑不釋安得舊飛相從乎大要畏服藥者屢
為病苦前言洛村兄是矣乃今復驗之兄宜與

暨商量進藥勿固執為望省中事體勿留宵次
飲食須節即此便是分別真性與嗜欲處勿輕
視過也洛村兄聞此數日將至玄漂渠欲相見
甚懇切計正月初必奉謁又得慰孤癖耳

小价回脩承分惠名藥起衰之功當不忘仙人
采掇辛勤也小詩因不暇尚未染墨即高志可
遂玄漂之游決不宜食言敝鄉山水可容不留
芳躅耶偶白坡老先生追訪附以布問外道德
經并壁談二冊奉返經中所示皆極精當已命
小童全錄俟閑中細玩再申惟塵談欠中冊仍
煩轉階也

玩應亭稿

附錄

十三

前別魏秋溪擬遣舍弟隨乃岳謝潮溪過杭必
可祈致尺書問候比數日計未定又成虛念矣
想懷如渴惟是吾兄聚首有無限言外感觸處
近方有商確恨無從促膝也得理後惟謹守規
矩不得得少為足吾兄當日精日粹日進進不
休蓋今之所謂游理正吾儒學知方處是初起
手非佳脚也秋溪所見甚正所言甚謹兄取人

宜無誤也。昨有所指適無意中得者。若果然乃天授也。因此事悟得世間萬事由天人莫能分毫與力。今頗覺不與天爭權。即自省事但無從質有道者。輕車熟道更如何耳。拙詩引笑。寓作不佳。其才力有限也。

去秋灰洲示我真言。指我膏肓。一時奮發。真不欲生。歸途又復落莫。不知警省。近來山居。忽自省平生受知見病。作崇半生精力皆屬此輪轉。不能直信自心。尚泛他人人口耳作根脚。今似有

玩虎亭稿

附錄

十四

可進步處。又去兄太遠。無從切劘。伏牛之約。日縈于懷。緣平日無理財之術。無資出門。不可越境。近與黃洛村為會。期待荆川。緒山同遊。後送入越中。求一面為快也。

唐荆川先生

冬來鄉莊閑居。典味頗覺悠長。獨念吾鹿園龍溪諸兄。則不能無離索之感耳。承示還山有期。甚慰。但恐人不能舍兄。若還山不可得。則行藏舒卷無處不是。道場何必以烟霞泉石為癖也。

高同年誠未為深知。然如兄所稱述。則因可信其為人。也有便容。致兄意耳。使者行迫。草率不盡。俟使節至瓜洲時。更修問也。

僕與吾大平昔痛痒相關。近楊行人過淮。來言兄卧病。為之悄然。不能忘懷。以是知兄聞吾之病。亦悄然不能忘懷也。僕自交春來。病骨漸瘳。既可以慰兄之懷矣。而使者來詢。吾兄尚在床席。飲食尚減。則我之懷益甚也。如何如何。然吾兄素善調養。客氣雖暫。相干於元氣。因知無損。

玩虎亭稿

附錄

十五

也。計今當勿藥有喜矣。但兄書中所言幾斃。人手之說。不知所謂。大率世路嶮巇。于直道多不利也。錦衣玉帶。綸巾芒履。於兄曾少有軒輊哉。途中諸詩。有韋蘓州風。致見兄性情不染風塵也。來書所託賢郎請師事一麟。與賢郎師生之情。素厚。量彼亦不能舍。今盛意再三。道之希古。彼當有以相復也。淮上有往來人之便。兄居千萬相示。蓋兄在病中。以心懸懸耳。得來書慰甚。前書言漕事。散懷極費精力。整頓。

而兄又恐有障理之疑大率宇宙內事雖至縻
縻轉轉瑣瑣碎碎勞勞攘攘一切應感皆出于
真機之所不容已既皆出于真機之所不容已
自是吾人本分內事故曰非彼為即我為又曰
言天下之至賾而不可惡也此儒者至誠惻怛
萬物一體之學與虛無寂滅家自私自利根子
終竟有別然雖是勞勞攘攘費精瘁神而皆出
于真機之不容已原無一毫人力起滅其間則
亦未嘗不空寂也兄為動靜合一之學久矣豈

東坡集

附錄

十六

待僕贊乎聊以請教耳別來懷兄甚渴來春決
須圖一面晤但老父在家此身殊不自由也容
更訂期二賢即俱有長進正是向上之時須尋
一好導師不可失也草草不盡

得所示雜編不覺欣然快意所論理道與世務
多與鄙見不謀而同又去年蔡生還自南都云
嘗見兄大學解稿蔡生不能舉其詳只語及一
二指歸處則僕四五年間恍恍有見而未敢自
決亦未嘗敢以語人也吾兄已先得之可見此

心此理之同也甚快但吾兄前後解釋著述刻
本頗多得無亦是一漏否願兄且更留意藏密
之學使含蓄默識處多而發揮散洩處少則與
疑道當更有力即使異日見之言語文字當更
益精明也何如何如牛首燕磯之間久欲一償
宿願尚爾未果若有定期當先寄一信于兄也
王明齋行曾附數字不識違否

東坡集

附錄

十七

日望吾兄之來相與對寂寞之野共證妙道歲
云暮矣而不果來豈家事所羈耶抑別有所適
耶翠峯老禪師此行將往海上及設齋招慶總
伏吾兄護法之力而海禁多虞尤望兄悉心一
處即所以推愛于弟者也容面謝不悉

兄之此來不特脩佛蓋寺自是荆溪人心一番
向往機緣所繫不謀而同方信古人朴實頭處
感動人處最多工文藝詩錄上請教

承示諸詩極似常孟而山寺雜懷之作脫去言
詮坐證玄理又當與寒山石屋詩並看兄嘗戲
言詩興發之自我乃今甚有青出於藍之意道

人增以一枝兩不知為妙用耶為技痒作痒耶
此等若不自解脫中作用則如兄向日所訶明
齋呈字說于念菴又作一罪過矣呵呵

弟病病增劇只候命數何如兄縱傷幸無恙甚
慰各保性命餘事且無論矣金創諸戒不可不
守謹錄要語奉覽精于醫者無錫徐折脚名格
者其家住在館驛後不知避難何所如兄全愈
則已稍有未穩湏求其人也

念菴先生

東庵事稿

附錄

上

四憶詩者憶鹿園萬君也嘉靖癸卯夏君辭廣
西總戎之

命卧病于臨余訪之天王寺中旬日論心塵緣
欲盡因促視獲整爾分携比再往同遊閭皂山
九月顧我玄漂聞呂純陽題詩雪浪閣事留衣
道士三宿乃去余送至玉峽時安玄嘿咤然忘
言改歲音書感而成咏蓋悲往臨之何在慨來
日之大難勉修微言庶寡積蒙茲其永矢焉
南征早挂鵝鵠冠虞虞尋山學止觀卧向維摩

誰問病坐依祇樹當登壇階泉浴日諸天近窺
岫看雲六月寒乞食我來脩法忍整違猶自別
名難

閭山萬木遠蒼蒼百尺風泉帶雨香丹井共窺
容自好仙臺一宿道偏忘經殘鍾磬惟聞鳥石
隱烟霞盡類羊莫訝桃源千載事與君前度是
劉郎

玄漂丹閣卧斜暉雪浪秋聲消翠微對客巖花
如半笑傍人江鳥欲忘歸偶聞往事傷流水未

東庵事稿

附錄

上

惜臨寒解別衣此地游仙留有賦知君離思定
依依

異鄉同賞轉情親迺沿溪不歇頻久客忽然
輕別友尋師未遇遠懷人雨中浦樹疑過棹城
上山樓見去津欲向來鴻問君信幾時重晤峽
江濱

後五年戊申夏作寄鹿園萬君

別君淮水上歸卧一丘閑時見白雲起如同滄
渚間遠書憐歲月離思滿秋山詎意來千里輕

車恣性還

不矜萬戶貴但愛五千文避地誰相問幽泉靜
自聞慣邀鹿苑士耿對虎符軍底事頻推轂知
名重報歎

朝廷方用武寂寞病何如智歛南中策心依藥
上書施金酬佛力減食就僧居誰識將軍勇機
鋒日已疎

平生重然諾道在即依依言有同心利情能終
日違山中新黍熟早晚築場歸縱切鱸魚思遲

余共釣磯

孔文谷先生

金波園集送鹿園先生入山

鹿園先生內懸智鏡外艤仁航鏡則普照而弗
留航則周流而無滯廼仁智之雙營非宣歙之
一隅故居然域中之務復倏爾方外之遊此魯
叟嘆其猶龍軒皇標其罔象者也予與虛齋王
子龍巖趙子少曄譚子月山楊子及吳門周山
人時樂與遊正數晨夕忽聞遠彼無何翩然散

濬而緒山錢子龍溪王子顥度江來送予等共
寫寒壺並勤以歎龍巖又賦留行而公方吟招
隱蓋如白雲在天終無定跡者已但各咏一詩
而別

送君已在湖山上君去湖山何處遊遊到不知
人我處歸來還見故山秋 虛齋王績

君去青山何處深石雲蘿月杳沉沉故人相憶
書難寄祇有長宵一片心 文谷孔天胤

天寒筇杖遠相將名向青山問藥王害馬予心
是奚病願貽靈草救膏肓 龍巖趙維恒

滄江十月雲淒淒道人西去欲何之青山是處
有黃獨莫道不如他山奇 少曄譚榮

誰能湖海薄公侯隨處青山是舊遊朔雪彤雲
千里夢也應回首繫先憂 月山楊欽

幾迴湖上共論文忽謾湖邊又送君不斷青山
憐獨遠願携孤策訪重雲 虛巖周詩

朝山湖上游暮宿烟霞寺與君結初心日辦山
行事君懷五岳姿遺我意如棄振錫駕長虹白

露橫秋氣窮探會有時萬里豈無際收拾杖頭
春為我發幽滯

緒山錢德洪

憐君久抱烟霞癖莽莽長林卧綠陰
孤棹又將千里別九華
山色入雲深
龍溪王幾
君獨胡為遠別離片帆江上朔風吹西溪
若耶人來往長日閉關誰扣之
維垣

許后屋先生

聞鹿園先生習靜山中日與釋子遊玄言妙法
溢于篇咏暇日見寄作以奉懷

虎虎亭稿

附錄

三

聞君辭漢祿未老乞歸留穎脫人間廿逍遙物
外遊山川真性洽風月浩歌酬予亦巖棲者閑
門同所求

吳射陽先生

鹿園公藏真有融應果無迹再秉旄鉞功流我
邦賦子以冰下風已是十年之舊穆如願獻寄
在小篇

牙門百尺寶旗明組練光寒肅衛兵虎帳晝眠
何所夢寒驢三竺聽泉聲

蔥袍羅帶久相忘重為

天恩出道場舊日朱衣今在不山童試檢貯經
箱

儲胥萬舸餉神京風水連檣畫不驚始信山人
無長物只憑心地作干城

春茶夏筍脩僧供白拂黃香遲客談朝會雙龍
從接武靜居彌勤憶同龕

到廬山僧為寫真淨名心事宰官身誰知萬里
封侯骨却是雙林示疾人

虎虎亭稿

附錄

三

四海太平無戰伐元戎督府自禽魚烏皮斐几
翻新綠閑倚芭蕉註道書

風爐茗盞蔭庭柯齋罷徐行腹自摩十萬甲兵
何處洗一瓢秋乳酌銀河

交遊海內總心降獅子壇中認法幢我欲問君
無可問露華寒月印空江

荆川先生

與鹿園宿工文菴吹韻一首

何處尋山不厭深淡烟歸鳥暮鐘音去家百里

訝如客別爾經年尚此心
宴坐清香滋夜氣開
門殘雪映寒林相從一宿應堪覺機事何須問
漢陰

奉贈督府鹿園先生次萬禮部思節韵四首

時倭寇內訌君自家居倡義起僧兵戰于
姑蘓身中流矢喪家童一人

幾年枯寂學全真一握兵機運鬼神
驕養義兒皆判炮灰心禪客亦投身獨承利鏃生如剝
編散黃金家益貧直欲填橋跨滄海先聲萬里走

現化亭稿

附錄

三

波臣

暫脫荷衣事鼓聲從軍亦復有新詩
犯難甘為智士笑還山肯顧道人期
申胥自信知天定李廣何心計數奇
尊俎運籌今已就演池馳躍欲奚為

許國誰能似爾真每憂時變幾傷神
試看養亂偷生將共是腰金拖玉身
杼軸千家愁命盡轉輸萬里嘆師貧
飢饉干戈今並急謨謀全仰二三臣

寒宵清嘯雜征聲
撫劍劉琨本善詩
開幕待降收炮力
隔江遣課刻還期
功須因敗翻成巧
策恰當機不見奇
長子帥師今在爾
道傍築室莫輕為

萬履菴先生

宿工文菴次鹿園宗兄韵

山寺蕭蕭萬樹深
閑吟聊得與知音
浮雲不住虛空相
庭栢能諧入定心
日夕寒禽喧暮景
雲殘明月照疎林
對君坐覺塵緣息
祇有松窓一片陰

現化亭稿

附錄

三

片陰

暮入禪宮一徑深
寥寥萬籟群音試
看松栢雪中色應
識乾坤歲暮心雲
白疎鍾和梵語月
明歸雁過禪林
坐來忽悟無生理
徙倚庭臯看竹陰

宿善權寺贈鹿園道人時鹿園註老子解

住來經月不言姓
何處山僧尚識名
甘味總看如逝水
替纓差可比浮雲
行披禪衲聊同往
坐向仙巖若可群
何幸開門瞻道氣
求書應得五

千文

寄贈鹿園督府兄時以蘇戰後

先事憂時意獨真幾年區畫暗勞神奇謀不售
還開口險難頻經只許身僧為慈悲來偕死家
因散資自甘貧遙知近上便宜疏多是君王用
老臣

淮上會鹿園兄次韻

四歸漕府原司賦共說明時用舊人入定久甘
清淨味絕我聊作化緣身論詩詞客還須讓報

北苑集

附錄

千文

主文臣孰比真自嘆山中猿鶴伴別來衰髻六
經春

過淮稅鹿園居士

憶從賜告住禪林頗怪詩篇着意深傳得韋家
佳麗句湧金亭下月前吟
謾將禪寂學盧能一遇時艱憤不勝曾將虎鬚
身九死危途仍共素齋僧
武畧文才兼寄跡佛廬仙院絕脩行平生萬事
應難了身後還傳底處名

功德身為禪教重黜階家受國恩長灰心久已
拋妻子一飯何曾忘海洋

丰姿疑帶仙人骨籌畧常餘濟世才辟穀未能
謀亦棄提戈忠憤不勝哀

幾番淮上伴同遊北道頻因地主留依舊山川
人不見春風和淚過揚州

顧玄言先生

萬都督民望才清思逸稟履高曠言行無俗韻
其詩如空巖曲瀨宛轉寥夏時復滴瀝淅幽閑

北苑集

附錄

千文

真趣即深雲看世遠短褐覺身輕深曠市塵隔
蕭條墟里同五侯延士少數口向誰存海雲朝
數變山鳥暮雙還又我已出家惟帶髮君來連
榻與同心並得韋應物深致乙卯間丁倭變公
倡義集僧兵為捍子婿死之遂薨薨抱病多寄
跡蘭若平生苦空事佛豈風世高僧輪化耶余
為作感知傳後云萬公獨縣解多著鹿園書好
道事齧缺用兵師穰苴素所厭軒冕蕭條只泊
如雲峯隨處宿香飯淨齋居出世比丘者應修

法喜盧寂冥甘被褐尚論在冲虛

玩鹿亭稿附錄

玩鹿亭稿

附錄

主文

邵督鹿園萬公行狀

賜進士出身奉政大夫南京武選司郎中

山陰王畿撰

名諱表字民望號鹿園君生有異質慧穎過人性至孝及長好學不倦習舉子業尚理致不為浮詞鄉士人多推之早歲喪父晨夕受訓于母雖動履微過必深自省惕惟恐傷母之心年十七嗣職謫遠有大志不與時上下耻事紛遂屏居郊外晝則騎射夜則誦讀經史留心經濟嘗

行狀

以孔明寧靜澹泊之語揭諸座右母嘗強以執籌會計君跪而請曰大丈夫當經營天下此特生事之瑣瑣者耳兒不欲為也母笑曰小子母大言正德己卯中浙江武舉庚辰中會試第十八名論將之策有曰將係于相天下未嘗無將特惠無相耳學士石公珏奇之錄第一衆以其激切時事乃更定焉尋擢都指揮督全浙運時運事多艱難君周旋其間曲盡經畧凡所建畫為轉漕永規聲聞于朝先是運軍貸負卅家每

船未抵灣逼于勢必先償私負而後及於官名
嚴法禁之欲行奏免衆皆誓服其稽覈錢糧別
紀籍以便查檢不恃文案吏胥不得緣以為奸
歲歉兩淮千里無烟人食草根木皮餓殍遍野
名建請於漕運欲候題准始發賑名曰人命旦
夕不能待候

命而發將無噍類矣舊制非奉

旨擅發運米者罪抵死名慨然曰予恐以一身
易萬姓之命乎即先以所督運米發賑之流民

行狀

二

存活者萬計人咸為危當事者廉名捨身任事
竟得減免一夕昏暈氣絕詰旦始甦謂家人曰
予夢天神詔予曰汝先世皆壽促上帝憐汝捨
身救人益汝壽若干年其事若幻然名一念精
誠所感不可誣也嘉靖乙酉推浙江司閩介靖
自持門無私謁鎮守中官為其親故請托名正
色拒之時鎮守之權方重呼吸與禁庭通或為
名危名毅然不顧卒亦無所伺隙已丑推南京
大教場坐營董營事時營伍凋廢兵多病苦流

亡名徧撫病卒煮粥和藥以濟之又為立法使
軍士相為保恤有把總一二人恃魏國勢踰法
虐衆名痛懲之無所忌魏國深以為憾見名正
氣凜凜久之敬服遂為相知常寄居蘭若精神
幽曠夜對長明燈坐繩床靜息觀心平生伎倆
曾無毫髮早卯告病歸壬辰起江西司閩辭病
不赴母王恭人病劇名侍湯藥晝夜不解衣帶
禱于北斗願以身代癸未居母喪哀慟數暈絕
家人勸以節哀則愈痛哭不勝曰母死何以身

行狀

三

為廬墓西溪有芝生阡側人以為誠孝所致是
年冬陞漕運叅將時河道淺涸
朝廷特設都御史以理之有欲通渦河直達白
河者名力明其不可若于衛輝府置倉每年糧
運以十分之二就中都運船免鳳陽等府糧由
汴達武陽陸路七十里輸于衛輝由衛河以達
丁京庶可為有事之備也丙申推南京錦衣僉
書癸卯推廣西副總兵至臨江以病乞歸丙午
起為左軍都督漕運總兵下車之日淮民拜舞

于道私相慶曰此前好道舍命活民萬族也君申明法令禁賭博遊食之徒咸使務本開荒蕪之地以招流亡民皆樂業焉是年水患異常漂流船米軍士死者若干君奏以該幫官旗應給羨銀并京通通變腳價斛面扣數折補其濟沒官軍照例應支糧羨全給其家以示存恤軍旗既免賠疲之苦而且有賑恤之惠君之周慮皆以類也又議處折銀謂理財之道莫要于本折通融如豐年米賤則全運本色以充京儲如遇

行狀

四

災傷則量減折色以存

國計凡本色至京計其沿途所費率四石而至壹石及其支給每米一石不過易銀叁錢貴得賤用甚可惜也若以先年所收折銀每石七錢者作二石故支其所儲本色候米貴之年支給不至取盈以病民公家所獲既倍而漕費亦省京師米價可平蓋常平之法自古稱善今之本折實寓常平惟在調停損益而已時山東單縣妖賊謝漢惠金等作亂徐淮騷然淮城久虛無

兵君召募盜徒死士為兵皆給免帖厚與撫恤擇其尤者以為之長眾皆感奮嘗曰收錄此輩非惟增我之兵實所以賊敵之黨也尋遷南京都督府僉書南樞清暇無簿書之擾益得潛心所學一時士大夫或究理道或商經濟或訂詩文或談玄宗各以所得相証君虛心樂與翕然風動庾戌復以病乞歸優游湖山間蕭然物外時閱

行狀

五

本朝奏議分類為六部十三省九邊採其關於

國體切于時政事宜彙成一書名經濟錄且曰古德有言一日不作一日不食閑居無事庶幾以心代力消三時粥飯耳壬子春海寇初起人心洶洶君雖在告憂懷激發慨然有澄清之志深究亂所從起欲治其原繼聞黃岩失守寢食俱廢常中夜披衣起步中庭仰天竊嘆是時賊首王直號聚倭夷眾猶良賈目之未顯明其為賊君乃作海寇議大意欲明正王直之罪嚴禁通番以絕其黨或曰此議一出閩君門戶事不

小君曰吾世受

國恩不論事權之在與否義當捐軀以報他何所顧也當路問策于君君為規畫誘致賊中黨與多設間諜以圖密擒之計曰兵法所謂上兵伐謀其次伐交若徒以兵革相向不治其本財殫力竭禍敗無涯矣因條十一事議不果行事機屢失癸丑夏海寇犯赭山賊衆慄悍官兵屢北杭城震驚時巡撫王公出巡海上左布政游公居歆強君出君慨然任其事乃單騎出城相

行狀

本

度形勢以鼓人心既而曰以革羸敝之卒不可恃也急歸選募方僧為兵倉卒召集咸曰菩薩出世救人我輩寧愛一死乎一日夜得二百人遂召婿指揮吳懋宣將統之懋宣是夜聞賊據民舍遂率僧衆進焚其巢奮勇前驅斬其先鋒數人賊稍遁遂乘勝追擊斬獲數十人餘黨奔竄山谷間懋宣恃勝獨窮追為餘賊所殪賊亦隨遁城中賴以獲安時有五峯謀士某者潛居內地巡按趙公炳然獲奸細并其所與謀士書

稱蘭谷先生不知其為誰因密示君君歸訪旬日得其姓名即擒其人趙公駭然曰公智策何神也君以陸地當以守為戰相機而動惟截之海外乃可以逞謂沿海下八山人時常入海販鮮採薪習知水戰為賊所憚年來困于生理俱欲為兵不然且將泛賊亟須召募駕船給以火藥兵器分泊陳錢馬磧大衢等山迎擊來賊毋令登岸內地始保無虞甲寅春復詔起為南京都督僉書時無討賊之

行狀

七

命聞嘉興蘓松通泰諸路賊報甚急乃變產聚糧倡義集下八山水兵併僧兵合八百人以進指畫要害分兵截守復以下八山水兵五百屬之軍門蒞往江陰駕領沙船出海截殺時報海賊自嘉定太倉而來遂率所隨僧兵往禦之猝與賊遇于婁門陽涇橋時各路兵將皆微服潛入城君以孤軍在外誓與賊死戰乃拒河以守分為三隊先發火器以挫其先鋒俄而賊衆四出我兵無援衆寡不敵身中流矢一義勇力戰

殞于敵賊亦逸去遂累瘡力疾趨留都時尚
張公經為總制君作書以告終始主于截海之
說君至督府病勢復作下血數斗幾暈絕右手
足漸成痿痺伏枕三月猶日以地方為憂因陳
固守京畿之策以告當路吉陽何公遷大洲趙
公貞吉西溪萬公恭聞公之議翕然足之以語
於總制張公乃強君以出扶病執道與武庫郎
中譚君綸兼程趨吳中募兵度地築臺置柵開
濠設險為拒守計至嘉興值大夥賊自平望來

行狀

勢甚熾君曰此賊重載而還志戀財貨可要擊
而破也遂親詣戰地布險設伏分立奇兵水陸
並進期在必克捷於衆議不果行君不勝憤激
坐中忽暈絕而甦方欲辭病乃轉提督漕運君
以

特命不敢遽辭赴任月餘倭寇犯鹽城先期
漕運巡撫鄭公曉出巡楊州料理通泰兵事君
在淮衆議欲調兵守廟灣君測曰此賊必赴雲
梯関若守廟灣則緩急無及矣後賊果趨雲梯

見有備尋遁去乙卯秋病勢轉劇懇疏乞歸未
幾復推為浙直海防總兵病不能往以前

旨歸山中靜養才數月忽一夕墜衾端坐而卒
有大星墮于庭忽雷雨大作時丙辰正月二十
六日也距其生為弘治戊午八月二十二日享
年五十有九君生平志於古人之學才長於經
濟性素冲雅樂方外交嘗曰枯淡寂寞乃近於
道一切世紛塵擾徒喪精神且增罪業無益也
居官四十餘年終始以廉自視居無華飾衣無

行狀

九

紈綺食無豐味每遇賓會盛饌繁樂則辭而避
之君屢病陳乞歸不受祿曰居官任事猶恐不
勝矧今閒居可坐享耶君兩為督府不為父母
請贈人或以為非君曰吾家世祿身為列侯計
功藉賜厚貲已多猶為不足耶遂推辭之心
缺此一贈知亦安也君性純孝痛父早亡事母
如父愛而能敬事姊恭養如母族弟襄家落矣
君為構居置產授貲娶室訓育其子終始保翼
冀其有成曰此吾祖宗支裔也君追念外家王

氏之德而憫其無嗣為之立祠以祀君居家不事殺牲惟食淨肉二子分授產百畝僅使足用勿令羨餘雖寸帛尺絲必開白而後用以防其侈心君于每歲之入約為四分一以供公賦一以裕家用一以應賓交一以賑貧乏嘗欲于宅後增建一樓已積米百餘石工料減集術者以方向為忌即盡以所積散給諸山行僧及親友之貧者凡居官積俸未嘗益產業亦以助給施之用甚至易衣脫家人簪珥以繼人或以為癡

行狀

十

君曰財者世間流通之物譬如元氣周身纔有壅滯即能生疾吾見世人之癡耳君屢病賜告隱居西溪九沙環抱君築室其間名九沙草堂因自號九沙山人幅巾布袍混迹緇素墾山力田以給饘粥歲釀酒鄉耆野老相與聚樂鼓缶而歌意曠如也已亥歲大歉疫痢盛行饑殍積野君于昭慶寺設群釜于庭煮粥調藥以次分給時搦衣策杖經理其間或以疫染阻君君曰若輩獨非人乎苟可利人所不辭也時杭守希

齋陳君仕賢聞而嘆曰是吾守土之責胡以勞君乃相率僚屬捐俸餽以贊助之存活者千萬人遠近賴焉君嘗遊伏牛山嶠嶺半忽見曉日初昇赤光閃爍恍惚若有証悟見伏牛道場火坑鍊魔晝夜不息君慨然曰吾人為習氣所勝反視此輩不如欲墮成道得乎君嘗隱名姓作雲遊道人歲除之宜與善權寺僧方擊牲盛會拒而不納不得已處之隘室君藉草為牀與一僕拾薪煮粥以給後嗣知為君惶懼乞哀君笑

行狀

十一

曰不足異也乃更為募荆禪室坐禪誦經寺僧感化皆戒殺崇教至今守之君久處善權乘輿著感遇述懷諸詩時予與荆川過訪因出所作以示荆川曰諸作皆絕去言銓坐證玄理深得韋蘇州三昧君赴廣西途中以病陳乞候命于臨江時念菴羅君洪先問疾于天王寺以其所得相證君謂曰兄夙發真心固應有此入廋然此猶涉解悟未可遽以為得正好着力研窮必盡去此礙膺之物第一要絕口弗談性命

第二要將一切世事俱看得破如夢幻一般觸
處洞然頭頭明了譬之鑽木逢烟切莫住手到
得烟消木盡即究竟法因微示旨歸念茲躍然
自謂得所證也君極喜食楊梅西溪遠山麓植
楊梅百餘本雖遠出數百里外及期必趨歸就
食日啗千餘顆不厭或宦涉不得歸談及則口
津津神若與往時注懷寄咏悠然有蓴鱸之興
每出雲遊携藥裹方集履徧諸名山所至人爭
識之即窮陬僻壤山童野叟無不知為鹿園云

行狀

主

然絕不喜與生徒會聚每逢東南會所見衆中
相酬答輒避處隱房衆或強見之終非所樂也
以為此輩未曾發心為道不過以意氣形迹往
來比挽牽扯門面雖終日與之言徒費精神彼
此何益譬磨刀片石縱使少有淬礪自家所損
亦多矣待彼此機緣到時偶一成就未為晚也
予曰此意不講已數百年幾成絕學况成就人
才非徒為人實以自為所謂教學相長若待其
憤悱然後開口明道所謂法堂草深一丈非取

友求益之初心矣余語君以良知之說君未以
為然君嘗與余論格致之旨以為聖賢切要工
夫莫先于格物蓋吾心本來具足為情欲意見
所蔽本體始晦必掃蕩一切獨觀吾心格之又
格千態萬狀愈研愈精本體之物始得呈露是
為格物格物則知自致也予曰君所說格物正
是說了致知古人格物之說是千聖經綸之實
學良知之感應謂之物是從良知凝聚出來格
物是致知實下手處不離倫物感應而証真脩

行狀

主

離物則知無從而致矣明明德在于親民明德
即所謂致知親民即所謂格物吾儒與二氏毫
釐不同正在此然吾兄所見已是說歸心上與
後儒在物上求理者不同如此用工久當歸一
未頃屑屑在言向上求同異也君平生不信養
生之說修短自有數如旦暮必然昔人謂五情
喜怒四體安危古猶今也百年尚厭其多况久
生乎吾不欲軀殼上復添一念也亦絕不喜人
談說性命曰學者之事務在躬行夫子教人只

是文行忠信至於命與仁則罕言之纔涉言語
勘到極精微極慊切處總謂之魔不離文字見
解而已海內士夫以君好與方外交遊嘗以火
炭藥物為問君曰心體即是藥物格物即是火
候一點靈明徹底光透則火藥一矣時有兵憲
來問慈悲解脫之說君荅之曰于人無所不愛
是為慈悲貪官污吏之害人者毅然去之是為
解脫二者惟君所行但看時節因緣一見之耳
君于方外禪衲素所尊禮者為小達磨風自然

行狀

古

二人余皆及見之達磨嘗謂金鱗脫網離不得
水子訝曰還有這箇在果能飛騰變化何論離
與不離乎一日自然顛躍放歌跳舞縱口罵人
若狂若痴子戲曰好箇禪定頭陀已而忽收膝
枯坐若木偶人復戲曰何作此散亂伎倆耶君
聞之笑曰龍溪饒舌吾于達磨表行于自然表
智皆吾助道資糧也緒山嘗以收放心說示君
君辨曰子謂求之未放之心使不馳于物無乃
有以制之乎求是尋求之義苟求得其體則千

條萬緒紛然而馳者皆此體之呈見即無放與
不放也不得其體雖時時存之猶放也以心制
心是二之也循其所是而去其所非是取舍之
心未忘乃識也非不識不知也皆放也子謂性
不可離又惡得而放是矣而又云馳於物又誰
馳也君遇應聶煩悶或思慮耗竭即欲以他玩
適事換境解之以此為滋養予曰此猶是移接
法若能當下回照弗令煩耗方是不轉換工夫
君曰纔有回照即落漸法予曰若論頓法應

行狀

十五

思慮觀體瑩然煩悶耗竭從何得來總有煩耗
乃是習氣消化未盡照破即了更無回換亦是
頓法須是真悟真修始得非言語所轅泊也君
嘗自謂色根名根漸覺消脫無染予曰談何容
易昔人因情欲而正性命萬病之根惟色難拔
君子色之一事原作遊戲看這臭皮囊原不堪
愛惜且置若夫名之一事君以為無染處正恐
落在好名窠臼不可不察也君每與予料事自
以為神眇志弱不能深慮苦思得其大較了了

而止時有厭心或并置之亦無成心以是為超脫嘗謂予志強善思慮且機圓無滯可以應變成務予亦不能自知也君作詩本于性情和平婉切頗得陶韋精意荆川深許之君亦自信其作文明達踈暢直寫所見如江河順流而下意盡而辭止荆川嘗曰鹿園為詩已得冲淡一路為文直達漸已脫去俗套纏繞若夫體裁奇崛險健雄怪與夫紆徐幽眇以虛為用之機括更須有商量耳君諳練典故不為好奇喜新之論

行狀

某

遇事必虛心經畫究其立法之原嘗謂

祖宗舊制皆有深意存得舊法一分則養得一分元氣若以聰明妄意更張則元氣索矣君久於漕任於漕政猶為精遠論我

朝漕政歷代損益以來凡五變自海運變而為轉運變而為兌運又變而為長運其後淮徐臨德四倉支運米七十萬石亦改就水次兌軍名為改兌始有定制而名嘗謂淮徐臨德天津五處置倉正為轉運之計相傳以為五處要害之

地皆設鎮守兵備萬一京師及中原有變可以此兵其慮甚遠而今皆廢之非立法之初意矣若夫一切法制變更之由與夫隨時經畧之詳載諸通志議單可考覈也君嘗修砌常山路四十餘里餘抗女兒橋路若干里蘇州楓橋若干里脩佛寺造橋梁若干處皆隨分自盡此心非以求福利也君所註述有學庸志畧論語心義孟子摘義居常與予證寃斯義謂明德于天下是吾儒大願力舍此皆為小乘之法謂未發之

行狀

十七

中無聲無臭即虞廷道心之微戒慎恐懼是由人道以達於天之功精一之學也謂顏氏曾氏足頃漸二教謂集義養氣是孟氏盡性致命之學大都取裁于心于聖賢說旨多有所發非苟然者他有灼艾諸集唐詩類選萬氏家藏諸方書行于世君平生勞心盡節風夜思誠憂國濟人忘戀之志終始一節無間于出處卒之前半月聞倭寇之報猶欲集鄉兵為守境計制竹銃火炮等器又圖截海數策欲告之當路不

果其切齒東南忠憤一念至死不忘嗚呼可謂忠矣君姓李畢萬後漢唐來譜系遭兵燬無存者祖禮四府君元時世居鳳陽之遠縣生義八府君其名皆無考義八生斌舊名國珍有文武才元季兵亂

高皇帝龍興首率義兵歸之為易今名充萬戶下滁城河陽定濠及泗洪武戊申以功授武畧將軍滁州守禦副千戶北向定中原永平進征沙漠力戰而死贈明威將軍指揮僉事即君之

行狀

本

始祖也斌生鍾洪武九年授龍驤副千戶十七年甲子受

命將兵寧波備倭有功丁卯

賜第於寧波郡學東始家焉乙亥秋以年勞

詔赴京校明威將軍寧波衛世襲指揮僉事鍾

生武謫戍交趾死于戰無嗣弟文繼襲永樂丁

酉倭夷入寇率舟師禦之大勝師次飛渚射中

龍目颯作覆溺文生全豈弟有文學念曾祖及

考皆以王事死而大母洎母皆守志乃繪像表

為四忠三節修世譜以叙全生禧禧生椿即君之父也雅好儒術究心釋典家貧以文史自娛晏如也君娶方氏故督學御史方公誌之孫文子二長謙甫寧波府學生廢出娶兵部尚書甬川張公邦奇之女次達甫襲寧波衛指揮僉事方出娶禮部侍郎致齋黃公宗明之孫女女二長適杭州衛指揮同知吳懋宣陣亡次適學士北川吳公惠之孫寧波府學生師道長生孫女二人次生孫男一人俱幼君交游遍海內念菴

行狀

九

荆川緒山及子三數人尤為相知予與君居聯迹比臭味孚契自謂平生交與知君為甚深謹次序歷官行事出處與夫論學之槩表而著之君之學雖混迹方外而實欲以賢聖為宗君之為政在漕日久故述其漕政為獨詳若夫軍旅之事世或以為非君所長大抵因人立事多掣肘不能自遂其大較亦可見使其獨任專責發之以精誠而要其所終當亦必有可觀者矣而必欲以區區狀貌槩之則輕裘羽扇不任鞍馬

獨非名將耶海內名輩必有信予之言為之勒
銘以傳者矣謹狀

行狀

下

明驃騎將軍南京中軍都督府都督僉事前奉
勅提督漕運鎮守淮安地方總兵官鹿園萬公

墓志銘

賜進士及第翰林院修撰儒林郎直

起居注纂修

國史文華殿日講官瑯琊焦竑撰

賜進士出身承德郎刑部山東司主事范鈞書

賜進士出身翰林院編修文林郎陳之龍篆

古名將功在社稷者多矣至以文學飾勲名

墓志

一

如杜預常孝寬者蓋間有之若夫鎔裁九流
挈其要眇以修身而繕性者古今未有也嘉
靖中唐應德王汝中羅達夫三先生者以理
學名於時而聞鹿園萬公與之相頡頏心竊
慕焉退而考公之平生與其議論然後知公
殆方駕三先生而不啻過之其所精詣固未
易以淺近窺也公歿屬汝中為狀而應德銘
之亡何應德亦歿迄今四十有一年子達甫
晤余京師命補應德之闕謂余庶能知公也

余則曷辭按狀公諱表字民望別號鹿園居士世居定遠

高廟起淮甸始祖國珍首率義兵歸之

賜名斌充萬戶下滁和濠泗諸州縣授武畧將軍滁州守禦副千戶北伐改永平衛副千戶征沙漠力戰死贈明威將軍指揮僉事斌生鍾授龍驤衛副千戶奉

命備倭寧波有功

賜第因家焉以年勞

墓志

二

詔授明威將軍寧波衛世襲指揮僉事鍾生武無嗣弟文繼文生全全生禧禧生椿即公父也仁厚儒雅脫畧世故家貧以文史自娛斌迄椿七閱世而積德於公公生有異相玉色方頤額有三文風神炯炯忼慷多大節相者奇之曰異日當名高天下讀書一目數行下性孝友父早世母恭人王內訓斬斬每事規以義方公奉教唯謹居官畫出治事夜侍恭人盡啟以日所行事有一善恭人色喜公乃

喜卒卧苫枕塊者三年齋閣中懸一小象晨昏出入必謁或他往亦奉以行至老長子孫未嘗忘蓼莪之痛也姊歸郡諸生張芳芳食貧恭人憂之公慰曰恭人生兒一人幸有女兄當甘苦共之每宦遊奉母就祿家產所息盡以付姊從弟襄貧為授貲娶室比卒撫兩孤兒教之相繼為諸生嘗卜兆得佳地即以與弟曰使他日大吾門也年十七嗣世職志在鵲起不事家人業晝習騎射夜燒燭讀書

墓志

三

揭孔明寧靜澹泊四言座右曰大丈夫當經營天下如武侯然何能頽首作求田問舍計乎庚辰武舉中式石學士珪閱公卷以為奇置第一衆以所對多忤時語稍抑之尋授都指揮督全浙糧運晉視浙江閩篆南都坐營錦衣已為漕運叅將者二漕鎮總兵掛印者二及南京中軍都督府都督僉書皆以宿望為當軸所推轂公歷漕既久國計詘贏河渠通塞

祖制及時救當復當釐靡不明習嘉靖庚子二
洪水涸漕舟並阻議者謂黃河改流公著論
折之力言漕河惟用洸汶沂泗諸泉足以濟
正統十三年黃河決滎陽入漕河潰沙灣入
海景泰四年都御史徐有貞塞之乃分流自
蘭陽入至徐入漕必疏濬而黃水始來稍稍
與清合至正德六年黃始盛來漫衍衝決方
黃河未衝時清河狹淺水固易盈沿河設淺
舖每年轉運無滯也今二洪舊堤宛然可見

集

四

但向者黃河漫漫一旦水落石出清河淺涸
人心乍見不能無異其實則故河也蓋自洪
達濟自會通至衛河一路堤坊原備河衝入
為漕害今二洪以下反用黃河之水而忘其
故及水不來至疏濬以引之此所謂以病為
藥也渦河在淮之南商船皆自淮入渦至祥
符銅瓦箱以達陽武去衛河六七十里議者
欲鑿而通之直至白河則會通河可罷公議
會通河之塞自濟寧至臨清計三百八十里

尚書宋禮發山東丁夫十五萬鑿河建閘為
費不貲以彼棄七十里之易而事三百八十
里之難此無異故蓋鑿而通之則黃衛二水
合二水合則衝決非常誰能障之此會通之
運誠永利不可易也若於衛輝置倉歲以鳳
陽諸衛之卒部鳳陽諸郡之糧令由渦河達
陽武歷七十里輸於衛輝其勢甚易如昔山
東流賊之變運道中梗亦可為備變一策又
論海運為

集

五

祖宗已棄之策人情厭常喜異動輒以丘文莊
之論為言非達於事者也必欲為事變之備
今松江與太倉通泰州有沙船淮安有海鵬
船嘗由海至山東蓬萊貿易云離天津不遠
若以松江太倉近海歲糧厚與淮直量運三
四萬石使海道漸諳似或可行也太倉則例
每糧一石耗七升至槩斛若輕齎之美以還
運卒故卒有餘力運無愆期後官悉收之賸
削四出人不聊生公憤曰此其患不獨在貧

軍而且移之國計矣大者疏小者議累累百千萬言詳具國史漕運志中且極陳本折通融為

國長利而又欲開河北山東圻內一帶荒田重農薄賦以實中原尤根本至論識者趨之歲甲寅海上倭亂起公散家財募死士奮欲往擊會以都督僉書南京中府道經姑蘓與倭遇婁門楊涇橋公率所募及少林僧躬冒矢石挂賊鋒身中流矢不為止遺書於子曰我

家世以戰功死

墓志

六

王事乃我獨持文墨議論身不任兵今晚年增一箭痕不亦美乎時賊據七團八團為巢我軍數戰不利公謂巡撫周公琬賊據內地久近賊處民不得力田逋負日多催科敦迫相率去而為賊是驅之以助其勢也宜亟請蠲積逋懸賞格使就中作計以攜其黨兼下募兵令土著之餉等容兵則人人樂歸如得士千即賊減千人也以校用他兵孰利議行歸

者寢衆賊寢衰乃進兵賊懼夜遁殲之海上焚餘皇若干內地稍甦因作海寇議所為籌畫甚具賊方蜂屯諸島而歛汪直者以統雄魁其曹公策其疎鹵可誘而縛也薦鄆人蔣洲張惟遠使為間兩人雅善直其家坐通番逮約獲直以贖且以上賞許之曰強聒當路未及行而公卒後總督胡公宗憲卒遣洲使豐後山口諸島渠魁立致東南晏然一時謂為奇功不知皆公本謀也公策夷情洞如指

墓志

七

掌而論北虜尤人所未發嘗曰古夷狄侵中國未有中國人不為之用而能突入者夫華夷異類居處寢食絕不相同豈甘心棄衣冠為犬羊後哉不得已也比年虜入太原殺掠慘毒上屋

九重之憂中外章疏類多擊截之計所薦用者大都善戰善陣之人而於籌邊固本之道則置而勿論夫善戰善陣之人急於截殺乃一時救變之事如醫家所謂急治其標者也每

督諸鎮之兵日幸一擊虜以為功而他暇
顧然卒不能禦如病者屢投逐邪發表之劑
而邪卒不去元氣不為其所傷乎古方製參
蘓飲發表逐邪必用人參固本者深有謂也
且諸邊自將權移而邊政日廢矣自屯田鹽
法壞而邊儲日不充而士卒殍死者衆矣殍
死者衆而士心日益離矣士心日離叛亡日
衆凡叛亡之卒虜皆厚遇之與婦生子給以
牛馬草息土俗漸宜心無變反而後用為向

集志

八

導故地里之迂近兵力之強弱貨財盈虛人
心離固將帥勇懦事勢難易皆得預知之而
諸邊饑餒劬瘁之卒聞先叛亡者幸少須臾
無死也輒相繼以亡而不亡者亦無固志是
則深可憂耳夫虜之來也不測而我之禦也
無時諸邊日夕營營以目前為事何暇為邦
本計乎此所謂決陂以取魚圖一朝之利者
也先是庚戌虜闌入塞內傳大都公聞之日
夜束裝為行計曰吾世受

國恩今憂及

君父豈臣子安卧時耶尋事定乃已夫倭變作
衆洶洶無所出當事者恨不即引去公不難
以身代之北虜內訌則公林居日耳而聞一
邊警未嘗不慨然義形於色也聞一時事未
嘗不精思其後也而卒未竟其用以殒然公
則可謂鞠躬盡瘁死而後已者已公少嗜玄
學已而閱內典獨契於心關西釋自然者以
苦行鍊磨得悟絕學獨露真風不立文字公

集志

九

與語大悅之自是參究不輟一日披衲入伏
牛山曉行見日升忽大悟嘗言學貴真悟語
言精切不離見解又言世論克已淺之乎其
論顏子也夫視聽言動而溺焉已也視聽言
動而止焉已也視聽言動而不溺不止焉亦
已也禮者中也即吾之性也仁之體也不可
絲毫容意於其間也是故無思無為感而遂
通不識不知順帝之則克之至也一日與羅
達夫論道於臨江達夫躍然而歸遺書云自

聞教後舟中終日忻忻若出樊籠見大世界
若入巨海見龍宮藏舉手動脚無非道妙其
相契如此公雖超詣獨往而諄諄導人以實
行謂夫子教人文行忠信至命與仁則罕言
之吾曹抗手談性命而自愧於倫物得無為
跼者嗤耶為文敏給疎暢直厲胸臆所著有
學庸志畧論語心義孟子摘義道經贅言九
沙雜言玩鹿亭稿及纂經濟文錄灼艾集玩
鹿亭詩抄濟世良方玄門入道寶鑑山中集

墓志

十

諸書行於世公薄田僅供饘粥諸為德於鄉
如建橋賑饒不可指數故歷官四十年家無
餘財餅鉢蕭疎與野衲偕遊見者不知其為
名將也嘉靖丙辰正月二十六日無疾端坐
而逝是夕大星隕於庭光射數十丈云距生
弘治戊午八月二十二日享年五十有九葬
西湖僊芝嶺元配方氏督學侍御誌女孫子
二長謙甫貢士娶兵部尚書張公邦奇女次
郎達甫能世其學歷官廣州叅將娶禮部侍

郎黃公宗明女孫女二長歸杭州衛指揮吳
懋宣次歸郡諸生吳思道孫男二長邦孚山
東都指揮使司僉書次邦模尚幼嗟乎公晰
理窮微細入毫芒而臨陣出奇有賁育不可
奪之氣指揮三軍風走電擊不可狎視而禪
榻茶烟至與縉流共其岑寂枯形灰心於物
不留而累尸狗國之志則至死不能忘也跡
而論之三先生若武不外究而公文不內施
摠之其名理之精風采之偉有足相發者杜

墓志

十

元凱云若道德則吾豈敢立功立言或庶幾
焉公蓋加元凱一等矣是可銘銘曰
維浙之東以海為池噴雪撼山萬怪千奇哲
人崛起濯纓其涓玄宗釋部是寃是追褰裳
歸儒孔孟我師域中二大維虜與河豈無謀
臣莫敢誰何公紆石畫既富且多厥維鯨鯢
東海美波公遇蘇門掇甲揮戈以一枝伯矢
死靡他賊氣以折保此危哉人曰壯哉公心
靡益驅民于數寇是用張何如收之以弱為

強奇謀一試海若安瀾誰實尸之公其濫觴
文經武緯乃施乃流演迤茫洋小大畢浮用
止於斯公則何尤文藏於家子衍厥澤可以
此闕公所自得日月有丘其下冥冥昭公無
窮太史之銘

玩鹿亭稿八卷附錄一卷

浙江巡撫
採進本

明萬表撰表有海寇議已著錄萬氏世以勲績顯
表獨才兼文武每與唐順之等講學禦倭亦有功
績號爲儒將然其詩文氣格稍弱故終不能與一
時文士角逐詞壇是集凡詩二卷文六卷末附錄
贈答詩啟及行狀墓誌乃其子達甫所編其孫邦
孚所刊達甫有皆非集邦孚有一枝軒藁皆能傳
其家學云

少石集十三卷

〔明〕陸鉞撰

原北平圖書館藏明萬曆刻本

附《四庫全書總目·少石集十

三卷》提要

跋陸太史公文集

此余叔大父少石先生之遺詩若卷而後而後繼
元繼魁梓之以傳者也先生少穎敏殫精藝文
遇結撰數百言下筆立就甫弱冠舉於鄉對策
大廷賜進士及第官翰林駁駁獨用矣尋以諍
大禮補外歷山東學憲遂卒卒之年僅四十耳惜
其詩文凡若干首詩溫麗沉雅有開元大曆風
文淵源左氏務顯理道切事情懋龍嘗伏讀之
其旨慨然宏其氣恒沛然而有餘而竟不究其
用以致此何以故造化精英鍾於人爲即隄次
爲文章而祿位壽考固有時盡也先生無乃
其大者歟先生晚不見先生而自
每見先生於夢寐間已叨鄉薦名次與先生同
及成進士又先生科分也亦異矣哉不肖何敢
望先生而先生之不亡此亦一徵云并載其事
於末簡識余之耿耿焉集稱太史公者仍初銜
且志先生大節也
萬曆庚辰秋從姪孫懋龍謹跋

陸繼元二序

少石集目錄

詩類

卷一

慶成宴

人日夜偕文衡山廖洞野集廬秋官樓分

得開字是日招王界塘不至

雨中遊張氏園亭二首

送周振之令高安 春雨

送鄭德夫湖廣審刑

贈方塘子還吳 登鏡光閣

功德寺 夜集童王宅用杜韻

次韻答趙愈憲二首

次韻答吳仁叔 洗兒寄家書

鄉客話別 贈姚太僕致仕

送陳司空之南京 贈密雲李鎮撫

齋宿興隆寺 候駕疊韻

泗亭歌贈廬子 慶石齋閣老恩遇

贈張維靜赴南曹 壽董郡伯

壽虛白真人八十 賀閔克清生子

元夕宴希齋宅分得鎖字

雨中過文衡山宅次韻

贈鄒東郭謫廣德 送孟司寇之南曹

吳白樓省墓一首 壽溫菊莊先生

壽松逸先生歌 使君行贈應推官

憶昔五首代友人作

棟塘行

和燕泉先生世講會

遊西山次壁題韻 暮歸

入郭有感 憶山房

賜扇二首 贈周節推調重慶

和余仁遊白氏園四首

贈呂涇野謫解州 胡節婦壽圖

送李肅之州徒丞 送金文素分教曹縣

送周司訓之茶陵

七月十五日諍禮下獄

獄中 獄夜

獄與七兄同床 幸杖後得生

贈初侍御巡鹽河東

廖洞野奉使歸湖南以秋興八首留別次韻

讀七兄獄中詩感懷次韻

遠僧房同劉水澄姚五泉對竹懷王界塘

大韻

送董子庸令太湖 友梅

送范廷儀守廣川

姚子宅宴集次文衡山韻

送鄉客南還

送袁二兄之崇安

送馬教諭之光山

送吳侍御無呈田文梓

送黃允吉少參之雲南

和盧師陳積雨二首

鶴江

賀葉夢松得子

贈鮑主簿之銅陵

二卷

贈柴通判赴松江

次朱子羽留別韻

次汪石潭留別韻

翟子謫信陽判話別一首

贈趙司寇致仕司寇之去也

上賜詩嘉

止人皆榮之

月食有事督府首

送崔都尉使安陸

秋日懷歸次衡山韻

送王太史前峯省親

午門臘八賜食次衡山韻

潘博上判杜林

進寶錄書晴次費閣老

賜宴

須賜

夏日若雨

七夕宴和韻

謝司諫宅賞燈二首

夜雨集允興宅

秋日次希齋韻四首

劉侍御謁陵還

喜晴

聽蟬

和七兄病中書懷

朴菴

秋日迎祥寺分得長風二字

春日偕諸友遊西山

送萬金憲視學湘江

送孟司寇之南曹

新竹

贈王殿講參蜀藩

得詩三首

寄別館友用贈行韻

曉發潞河

夜泊天津

江行雜詩六首

東田都閭二首

遣興

和華石窓舟題二絕

望浦縣懷古

贈榮秋官

贈孫念憲和韻

游雪竇寺

次楊鏡川韻

次屠丹山韻

石女祠

妙高臺

錦鏡池

飛雪亭

桃花坑

御書亭

夏日過戴靜山宅

和馮松坡道阿育王寺

方洲草堂

題扇

題二兄所藏外祖賜扇

王內監荷賞蓮

楊惟仁謫判宿州

畫松歌

題畫

東齋對山為蕭郡伯題

尚書別駕

愛峯

淳齋

西崑篇贈王氏二子

救濟贈史醫士

送大尹劉君考績

和自備元

題畫六言二首

又代父作一首

題秋江圖

芳洲賞菊

再次宗舜一首

和張甬川二首

蓮峯歌贈鮑丞

壽陶少參六十

梅林為蕭太守賦

贈許少叅之湖藩

南河雜曲

三卷

江行紀懷

錢塘懷古

山寺

湖上次萬鹿園韻

過嚴灘

登釣臺

王山訪詹子

湖口

湖亭寄沈子

皖望

謁顯陵

吉祥寺

出塞曲贈中將軍

觀音巖觀泉次許少華韻

同許少華登黃鶴樓四首

立春登樓

雨中同許少華張南溟過江寺

申將軍歌

黃鶴樓讌崔東洲次韻

夏日同許義菴過古城寺

送余都閩鎮蜀

送朱子宜遊武當

八日登嶺吟

屏嶺

華石窓話別

春日武當宮

楚藩燈譙

月夜陪少華南溟登廣親堂次韻

南溟衙短菊

贈宜齋封君還鄉

九月十日譙童太史於廣親堂悵然有懷

賦贈一首

洪山寺用韻答少華

贈龔發軒之辰沅

雪中偕諸君訪少華留譙值沈近瀾饋生魚有作

除夕

漢上訪朱子直

顯陵歌贈嚴伯宗

讀孫太初詩

晉接清光卷贈周憲長

哀朱生祠

岳陽樓

野宿二首

訪廖子白鹿山居

送蔣山山解官歸

余竹城同過江館

旅夜紀懷

不寐

武陵道中

龍陽別南溟子

用韻答張文邦二首

東歸不赴南岳柬許少華兼呈徐添江

旅夜宿少華館

雨夜再宿少華館話別

送楊憲副之郴桂 贈嚴介溪還朝五章

吊許夫子

許夫子

潯陽訪王蓮峯

七夕歌

立春公燕與許少華汪蛟潭聯句

晦日嶽麓流飲與汪南雋許少華聯句

還家口號

古泉為楊長史題

用韻答華石窓

寄林中丞六首

又代父作一首

稅湯公子

五愛亭歌

南山祝壽為張得御題

守歲和陶韻

贈與泉子

春口清道觀和湯葵峯韻

觀中飲姚東泉宴

再飲王十竹宴

贈唐葛陽

贈白厓子

四卷

南山草堂歌

春日重過芳洲和王定齋韻二首

和居十詠

和黃南谿新正感懷

壽李將軍

郊行

病居遣懷

挽方居士

又代父作一首

送胡生歸閩

山中即事

戲東山僧

山寺聞鐘

山寺抱病

用韻答馬子莘

西湖泛舟

雨泊江口候師山不至口號一首留訂

湖上贈馬子

上之約兼呈寒泉主人

宿梵天寺

五子詠

答馮松坡

和友人金陵遇清

南屏閣和韻

寄壽文仲子

扇面桃花

贈沈子令桐廬

秋溪

敬一亭

與杏垣陶子仲文講道三首

讀太白山人詩柬張陸二子

學臺秋集

生日辭家

常山道中

望費子新居

江口同詹子費子昆玉夜酌

贈范浣溪歸蜀 滕王閣晚眺

雪中見紅梅三首

歲暮席中觀紅梅贈劉使君之顗

贈朱鶴坡遊白鹿 樓上張東沙叙舊

來書 倭書

贈劉將軍 雲厓為宗室題

菽田 登王峽吊古

謁文山祠 宜春臺

臺上懷古

宿市溪驛

荷峯為陳中丞賦 袁州道中

和汪蛟潭遊麻姑山二首

梅桂詞

夏日八厓過飲署樓留作奉答一首

五卷

觀化篇有叙

舟發南浦值大風雨驟作幾覆晚齋宿石

頭口志悲喜一首

石頭口舍舟陸行超建昌

建昌道中 至德安縣

開元寺

南康雜詠五首

喜伯氏至

五老峯

廬山五絕

白鹿洞四亭觀五老峯

中秋對月懷八厓

次八厓入廬韻二首

望雲為竹石宗室題

竹泉為陳都閫題

和汪石潭九日同弟登觀音峯二首

過費定軒新居話別二首

擬登嶽三首

贈熊子赴遼陽

豹突泉用趙韻贈熊子

中秋臺說

次邵端峯韻

北極臺

千佛寺

矮槐二絕

夏日北樓陪劉學士作

次函山韻

赤城篇壽周侍御母

魚臺歌

許東夜訪任子

贈陳給事使琉球 宿醴泉寺

贈邵端峯陞太僕 壽陳太守母

伏生墓

羅漢洞

贈邊東阜赴南京兆次韻

閉關歌贈張敬之 贈陳龍山

贈陳虞山赴浙藩 南澗詞

龍洞

和南澗草亭韻

新嘉驛草亭和壁韻

相思行贈陳石亭

文類

六卷

贈萬侯視浙闌序 琴堂新化詩序

送湖廣僉憲汪君序

送節推錢君之大名序

送都憲張公巡撫宣府序

送揭陽丞曹君之任序

贈南京國子博士江君序

贈都憲東泉姚公總督兩廣序

七卷

無極縣建名宦鄉賢祠記

慶俞君廷器壽六十序

慶菊莊邵先生受封序

七卷

送惠州郡守顧君序

贈直隸太守王君序

贈司訓金古木仁赴南陵序

綿州兵備道題名記

市中詩序

吏部尚書王恕傳

都察院右副都御史陳璧傳

禮部尚書張昇傳 春遊紀別詩序

送陳塘李先先生榮歸序

敬贈王舍人婦傳

送經歷鄭君南還序

西野記

送萬安丞劉君之任序

孫君成齋墓誌銘

送邵君德邵署教武進序

八卷

慶方伯李心齋先生七十序

贈劉侯容甫名績序

壽性圖序

保餘堂記

七卷

贈南陽子序

贈鄭子南金守宿州序

蓮渾周翁挽詩序

明故文林郎湖廣道監察御史孫公墓誌銘

一樂編序

贈包君仁夫判無為州序

東巢雜著序

壽封母周太宜人七十序

封宜人徐氏墓誌銘

陰陽學正術李公宗錫墓誌銘

雲南按察僉事邵君室陳氏墓誌銘

贈毛君良會判興國州序

九卷

重脩湖廣提學分司記

送憲長泉坡周先生入觀序

壽大司馬晉溪王公七十序

江漢朝宗詩序 宜齋周先生榮歸序

三朝恩命錄後序 壽母圖序

賀提舶趙先生遷居序

壽五谿曲先生六十序

慶楊淑人壽八十序

壽封檢討洞雲張先生七十序二篇

湖廣重建按察分司記

贈王上人住隱學寺序

江陰邑博戎先生墓誌銘

十卷

送南京太常寺卿筠溪黃公序

八屏集序 宗漁祠記

刻呂氏讀詩記序 忠惠祠錄序

送江西少參蛟潭汪子序

壽松園序 贈曹大夫孝績序

鵲巢記 芝里氏族譜序

明宣義郎商菴陸公墓表

壽東江楊先生七十序

村文林郎貴州道監察御史涂公墓誌銘

榮歸錄序 甘安人張氏墓誌銘

近湖詩叙 趙氏家乘序

泰最承恩序

十一卷

山東通志序 山東按察司題名記

海岱澄清詩序 崇正祠碑記

許忠節公祠記 六月西征詩序

贈應天府尹達先生序

墳墓別調序

慶別駕東高林先生序

樂川別意序

武定兵備道題名記

贈雲南憲副楊君序

十二卷

贈福建右轄心齋張先生序

谿山詠餞

陽信縣學尊經閣記

胸山書院碑記

送石亭陳公擢太僕卿序

贈順天府丞半窓羅公序

贈山東參議東公三公文

朔方建節詩序 節壽圖序

宣義郎楊君墓志銘

贈御醫吳從仁南還序

封一品夫人屠母姜氏行狀

雜著

十三卷

書棟塘詩州後

題史氏鴻儒公告身後

復屠氏聘定書 祭省太親母文

祭九伯父文 代父作 又代六伯父作

祭

自莫伯父

又祭

又代族人作

祭張孺人文

祭親家屠公文

祭定海鄭大尹文

祭岳丈王郡侯文

祭庶母文

彬上人像贊

守拙楊公像贊

定上人像贊

三司祭白御史文

祭傅都憲文 代作

祭王太史文

館閣祭江太史公文

祭楊孺人文

坦菴對

跋魏文伯和塘詩

書序藍錄後

三司祭陳都憲文 振衣亭志

贈都憲樂軒姚公贊

贈淑人姚母胡氏像贊

本軒說

跋何氏藏二楊先生手稿後

拙政述

祭胡太淑人文

無心子像贊

祭東臯王公文

少石集目錄

少石集卷之一

詩類

慶成宴

天上卿雲開錦宴日中宮樂奏虞韶鳳凰池畔仙
山迴鳩鵲樓頭花氣饒絳繹奇珍將御金趨鐙雜
珮盡中貂侍臣近誠龍顏喜海宇先占王燭調

人日夜偕文衡山廖洞野集廬秋官樓分得
開字是日招王界賔不至

夜闌深閣共傳盃人日人逢笑口開梅蕊半含殘
臘雪洞庭初試早春醅星垂極渚當窓動雲暗高
城如月來何事仲宣孤此興登臨况復剩詩才

卷之三

雨中遊張氏園亭二首

衝泥躍馬到西林洗竹行盤花氣深
海至蒼茫誰辨柘槐陰看山孤嶼煙中沒鼓鼙鼓
龍浪底吟向晚冥濛迷出處打魚沽酒思難禁
出城冠蓋擁群仙風雨花期春可憐豈有車塵淹
白日即看池渚淨紅蓮沁衣度竹溪橋路載酒翻
蒨雪夜船公子華筵愛賓客醉歌還擬樂遊篇

送周振之令高安

白壁風塵落爾才黃金何事築燕臺偶為仙令江
湖去不道重山城郭開錦水春帆行畫舸琴堂秋
月淨氛埃明光早下徵良詔鳬鳥翩翩去復來

春雨

陰雲漠漠浮天際鳴雨垂垂度苑牆石燕沙鳩愁
太劇岸花汀柳濕何妨霏微仙闕鯨鬣香縹緲寒
江舟楫長春色紛披不知處祇疑烟浦對瀟湘

送鄭德夫湖廣審刑

漢使紛馳絳節開虞庭欽恤藉君才雲霄冠蓋青
春舸文藻江山黃鶴臺入部法星臨渚動繞車甘
雨自天來楚湘况屬龍興地草木恩偏王氣培

贈方塘子還吳

繞屋清溪半畝塘亂雲低樹漾晴光千峯雨過源
頭綠四面風來荷氣香把釣夕陽聽白芎抱琴流

卷之三

水入滄浪孤舟萬里青春伴行盡江南碧草長

登鏡光閣

湖邊翠閣凌空起閣裏丹梯伏道斜寶鏡光寒侵
石壁佛燈烟裊落天花披雲忽見蓬萊閣步虛
疑河漢槎白晝未能生羽翼青春今已負璫華

功德寺

古殿空山澗道窮翠華當日駐仙踪百靈地迴峯
巒拱萬玉泉流星漢通春寂魚龍沈畫舫夜深溪
閣奏松風侍臣歌藻思遊幸院靜忽聞長樂鐘

夜集董玉沙宅用杜韻

春月歌鍾宵宴起仙家冠蓋樂并難酒盃花氣凝

芳液竹樹池陰繞曲干湘賦才憐金馬客楚江魚
出玉盤食醉貪清賞頻移席坐久明星閃畫欄

次韻答趙僊二首

白首江湖汗漫遊草堂春色上溪頭曉鐘長樂懷
清禁落日滄浪穩去舟老著方書聊獻曝醉眠溪
樹自親鷗片砂為覓長生藥消得風塵兩鬢秋
海上孤槎泛客星東風吹纜故園情詩從花鳥愁
遶落夢遶烟霞谷口醒杜甫行囊須藥物馮唐絲
髮薄功名五陵年少非君侶洛社衣冠待老成

次韻答吳仁叔

緘書季子勞相問會報通家結會新海內弟兄真
不偶春來歌賞故須頻詩名久重江關客五湖還
憑道義親欲待城東花事好約過陪從王驂塵

洗兒寄家書

頃年望子愁難遣三十生兒亦未遲北土敢誇驥
驥種南山羞比鳳凰雛日高蓬矢懸朱闥香囊蘭
湯淨粉肌江鴈尺書傳故里開緘還有弄璋詩

鄉客話別

萬里移居泰嶽東百年喬木故家風殊方上俗渾
相狎衰髮鄉音自不同夢繞關河春樹碧話深桑
梓夜燈紅秋風慣作并州別一曲江南倚暮鴻
贈姚太僕致仕

天閑雲錦功成日萬里滄江忽棹歌黑髮幾人輕
組綬翠微深處卧烟蘿九仙蜃閣春潮湧三徑松
風落日多回首玉霄丹鳳迥每依北斗憶鳴珂

送陳司空之南京

千年豐鎬存周典四岳虞庭薦禹功劍珮星辰移
極北樓船烟山下江東石城遙閣三山外鍾阜明
霞八座中黃髮幾勞勞當宁想復聲時動玉階楓

贈齊公本鎮撫

邊柝蒼蒼古戍班大荒漠漠鳥飛還嵯峨百道窺
烽火縹緲三軍駐王關入幕有賓諸豹畧策勛何
處勒燕山海東戎北威名迫總入麒麟書閣間

齋宿興隆寺

花梵瑤宮接禁墻清齋無語坐焚香月移林影
天淨閣道春回午夜光萬戶曉鐘開畫戟九衢仙
蹕擁金章侍臣遙憶趨陪地欲賦甘泉獻尚方

候駕魯頌

縹緲彤霞覆苑牆鬱金風動御袍香雲開闔闥臨
黃道日射旌旗閃翠光九奏燔柴周禮樂百年歌
鼎漢文章居飲此日休徵集天際陽和及萬方

泗亭歌贈盧子

徐山蒼蒼入烟霧泗水滔滔日東注芒碭龍氣收
紫雲雲去還留泗亭樹泗亭墟迹埋草萊土花秋

碧歌風臺當年亭長提三尺疾呼百萬驅雷西
走彊秦南屏楚一日韓彭盡臨組壯士何能守四
方況復儒生棄如土山中老嫗猶夜啼浦上小兒
歡聲聲赤帝炎光倏如電西風木葉同悲悽使君
懷古意慨慷駐馬亭碑泗亭上英雄塵土堪嘆嗟
登亭眺散決芥

慶石齋閣老恩遇

石齋奏新績綰綸下明光鐘鼎啓華宴松嶽呈休
祥良辰樂事集慈惠德音將雲天正藹藹瓊珮何
瓊瓊僊瀛嶽太液斗柄燭文昌八珍出駝金九霞
泛瑤觴庭中廣樂懸階下靈鳳翔念茲鍊石勞報
以彫甍麗龍樂既已極勛業誰能量負國式維日
邁德齊汾陽旂常紀調燮磨歌續明良願言眉壽
永符此景運長

贈張維靜赴南曹

垂髫振瑤華携手入雲路結念匪禁名秉心以貞
素沈思會已詮幽抱訪所遇夕陽懷徂光清時播
芳譽

芳譽何紛籍好修以自珍虞宗亦已邈周鑄誰為
新直清諒茲存夙夜奉以寅我聞古達者禮樂當
致身

致身取多岐所志况翫辭曠情薄塵軀清暑憂
致身

掌勝遊足佳秀退食恣幽賞黃鸝翩然與使我神
欲往

欲往將安之鍾山鬱欽嶽凌風跨雲表掛席遊江
湄超忽任所適樂并復何時踟躕祖道傍執手言
心期

心期欲何言要我同袍子歲晚各自持後凋以為
美令德載永終端修慎初始誓言共努力明光鑒
河決

壽董郡伯

崑堯會稽山雲林俯喬木綽楔凌層霄華簪起名
族達人奮清朝大業托高躅真真鐵柱孤蕩蕩甘
棠育抗志卑辭榮棲身向幽獨朝濯滄浪纓暮采
東籬菊蒼虬嘯玄溟赤豹潛深谷去思動豐碑續
休籍餘紫閣巢鳳凰碧山輝珠玉朝露紛灑灑
庭花翩翮郁龍章疊金泥霞彩護瑞軸况復北堂
春並稱南山祝庭中列綺羅門外停車轂緋袍麗
鮮新瓊琬垂離陸皎皎明蘭增呦呦奏鸞曲洛社
榮已逾瑤池勝堪續慶源良有存樂事誰能足行
矣培根本三槐篤冥福

壽虛白真人八十

琳宮鬱鬱青琪樹拂雲杪真君服入和虛白以自
葆虛以含玄精白以凝素灝帝念龍錫殊昌而籍

靈禱拓第輝金繩賜袍爛火藻秘室開丹經芝田
足幽討羽童雙蹠躡瑤盤獻赤棗一服歲已千長
見顏色好花壇坐午陰松壑青虬老吹簫紫洞雲
鶴馭凌風杳終然白日昇脫迹長安道

賀陶克清生子

海東有桃樹糾結青虬枝翠芳幾搖落花開獨後
期靈根沃玄瀨黃矣朱實垂瓊霞復和露仙種迥
自奇何時青鳥來嚙向西王池
丹穴有朱鳳鳴出丹穴雛皎皎入雲際五色苞彩
殊一鳴息野鶴衆鳥皆喧呼來儀良有自覽德當
明都太陽況中宇照此高同梧

書卷

太

七

元夕宴希齋宅分得鎖字

塵世驅糾紛幽抱繁煩鎖元夕諧讌歡英繁華
棧庭虛皓彩流景淑芳華妥寒滴催銅龍重
金鎖九陌馳繡輪千山起熬火坐歷銀漢明纖纖
絳煙墮對景怡賞心披襟豁盈坐清歌擊琳瑯
藻翻淡沱劇歲託賡酬娛樂忘爾我願言祗明德
毋使交脩情

雨中過文衡山宅次韻

竹裡茅堂絕市埃看花長傍雨中來鳴琴獨鶴為
起舞踏破半庭蒼苔苔

城中車馬沒飛埃靜愛仙居秋自來正是池塘雨

初齋坐深南仙上青苔

贈鄒東郭誦廣德

百年鄒浩心仍壯自倚孤忠慷慨行天祿暫虛慕
火照朝陽不聽鳳凰鳴金牛洞古逢新主范老何
荒締夙盟子去鸞名齊北斗我留慚愧侍承明

送孟司寇之南曹

劍履朝辭星陛迴秣陵遙指畫船來百年豐鎬神
謀在八座鍾峯紫氣開王國蘇公直執法轅門頗
老舊憐才南州莫戀三山勝北斗重登五鳳臺

吳尚書省墓一首

吳峯翠削青人杪勝地牛眠五湖島赤亂紫鳳藏

幾秋碧霜紅嵐日縹緲明公聲迹茲一方

肱來何長宿德青宮需啓沃元樞彤閣參翺翔却
憶兩都轉車轍延陵道阻春芳綠百年木木動遐
情萬里松松懷故國殷勤踞請天王憐寵光特許
馳驛旋江空蒲鼓帆檣動日麗鶯花袍袖鮮震澤
春濤湧千丈聖朝雨露同濟濟未誇書錦榮鄉閭
還詫金泥貴泉壤紫微回首瞻雲霄九重側席思
爾勞格心大業未須緩明公早晚迴星輶

壽溫約莊先生

蜀山嵯峨江浩渺萬木雲林鬱穹宇中有仙翁上
築居玉壘金蹕列蓬島仙翁舊是紫微郎黑頭解

組歸徇律三峽冥蘿釣煙水百花幽畔開菊莊菊
莊千樹秋金爛錦石高雲啓華宴醉舞狂歌樂不
休晚節孤芳人共羨日邊鳳子文章奇琅玕五色
紛披離赤紱朝回憶萊彩白雲西消瞻峨眉峨眉
峯頭南極照青鸞恰送泥金詔填門車馬紛沓趨
書口林泉勸光耀紫芝瑤草春風妍白眉無憂逢
倭倫桃源花開幾甲子海水眼見成桑田吁嗟榮
華誰比伍種德楓庭自今古願公強健寧子心蒼
生消慰商霖雨

壽松逸先生歌

江頭老松蟠萬虬先生卜居林塘幽茅齋書鎖寒

少集卷之六

六

本

烟碧蘿幌夜浸陰山秋風高玄鶴暖瓊園野水笙
簧為誰奏翠蓋停霞歲可食紫苓和露朝堪漱先
生冠鵬游徜徉撫松坐石吟蒼涼高標豈羨大夫
寵延齡浪問倖倖長俛佺海外空杳渺何如行地
神仙好洞口桃花泛水輕庭前桂蕊飄香早即今
繡斧天遠歸艸堂白日生光輝鸞函玉軸雙鸞讀
芳族金花五綵衣春風高宴張雲綺鶴鷄啼樹萬
紅紫潮湧翻紅釀玉醪花徑停驂盡珠履先生雙
鏢明雙眸醉行溪畔鳩杖扶東海仙成丹壑藥南
山坐倚碧松圖碧松皓首共悠久歲晚冰霜傲蒲
柳試問徂徠山下人伏龜青牛曾見否

使君行贈應推官

使君矯矯凌雲姿南州佳士稱白眉十年抱策干
明主萬里悲秋嗟數奇填胸壯氣薄遲暮寶劍虹
精吐烟霧白馬誰驅紫陌塵青符鏡入黃堂幕我
聞瑞陽俗好事鯨翻鼠突君為平訟庭無喧鶴鶴
下案牘日掩冰壺清山城洞府神仙樂座外群峯
嵐翠落仰止時欽二賢祠賞心間眺雙清閣君看
閩嶽騰龍泉此去纔樓須振翰賈傅多謀召宣室
呂公大業由潁川君家慈水名卿後喬木清芬播
華綬勛猷前輩皆可師爵祿於我亦何有秋風蕭
條祖帳開擊歌為爾登高堂寧遠日暮黃金落江

上之石長卷

憶昔五首代友人作

憶昔仗劍游帝鄉關西貴客垂銀黃青雲意氣
魂礪富貴肯逐統綽即英雄坎壈一失勢側身遭
路悲且傷窮巷蒼苔坐寂寞攬衣夜起徒徬徨
憶昔明公起徒步赤手青天撥雲霧海內英豪
後先賤子龍門亦攀附生涯漂泊二十年白首綈
袍戀如故寸心激烈空自持公車難上感恩賦
憶昔先德難且陳胡我後世遭遭迫敝裘羸馬不
柳意鵲冠短髮將隱淪瘴南骨肉多阻絕高堂日
林潛悲辛明公舉手運六合倏忽枯槁回陽春

憶昔市中富金裝填街屠客如市瑤盤玉箸
前楹高談四座盡知已一朝門巷張虞羅白袞
紛紛是我今不樂亦何為仰天歎息而已矣
憶昔君王恩浩蕩我族簪組延世賞鵲鴿原頭
黯淡狂風霹靂蕪烟颺浮雲散天白日昏安得
光照復益損磨躑躅仍大呼忍使壯士長悲快

棟塘行

野塘四月雨霽紫棟花開爛如綺東皇不鑄
李顏萬綠千紅化泥滓我知造物真有情故遣名
花殿群芳香煙籠不老枝錦雲光漾空塘水塘
邊老翁心裏看花消眼眼中紫白首京華辭

心自喜
花信不
王露
相倚君
無乃似

和蘇泉先生世譜會

昭代風雲慶壽身百年落落老成人朝端大業
名迴海內交情道義親春入廣筵開玳瑁曉
復下星辰群公禮數寬無量還見通家氣味真
群仙曾共曲江春兩世衣冠會有因龍虎傳家

勝柳鼓鍾周宴樂喜賓情深倡和還三疊歡劇交
酬定百巡昨夜綿星來聚室德輝應照座中人

遊西山次壁題韻

宦遊山水故多情野寺尋春春草生欲向沙鷗分
隙地獨憐身世絳浮名玄關日滿鶯花麗高閣雲
通鳥道平清夢屢知木穩隔溪頻送竹泉聲
春來花鳥最關情禪榻題詩太瘦生虛窗高峯真
擬勝蓬萊仙閣浪傳名層羅昏黑諸天在野竹參
差萬塢平落日空山群籟寂暝鐘時散暮鴉聲

暮歸

遊遍春山不盡情石林回首翠烟生禽喧薄暮還

留客樹頭繁花不辨名村徑小橋來市遠野塘

馬赴沙平塵纓未許湖山老長樂明朝聽漏聲

入郭有感

東風應識宦遊情剛入城門草不生歸袖尚含青

障色到家還說碧雲名朱樓翠館春先醉赤日金

羈路未平為語諸君一惆悵壯懷今夜舞鷄聲

憶山房

一宿山房便有情虎溪風物望中生朝天不逐江

湖興塵世難兼更隱名石燕飛飛空自舞春田渺

渺為誰平五更夢轉聞殘漏猶道巖泉瀑布聲

再疊前韻謝謝侍御校賈西

鷓鴣伐木正含情忽設驪歌別恨生野戣東山纔
寄胆豈冠南粵又傳名蠻烟萬里蒼梧濕銅柱千
年碧落平何處埋輪問豺虎行行聊避王駉聲

賜弟百

龍賜噴傳紫殿東半輪擎出玉華宮袖藏祗覺恩
尤重題處驚石御墨農三伏大雲先退暑仁僚襟
字自生風白閣翠羽空雕飾肅得官箴掌握中
墨定輕盈絲綉紅尚方珍錫製偏工口華雉尾瞻
依近金水鵝行拜賜同顧影忽猜明月墜昨宵應
在碧雲東朝來早駭真無賴欲借清飈掃祝融

贈周節推調重慶

西去扁舟下錦灘十年漂泊郡寮官調南
音少道在何妨行路難巫峽浮雲開白日楚湘秋
曉足幽蘭冥鴻不負凌霄志五色明霞刷羽翰

和全本仁遊白氏園四首

江上名園依綠草王孫不見昔年遊苔深絕徑人
稀到鳥落寒塘水自流牧豎任教尋犢隴園丁借
解放鳬角江南人上頂年困前遊蓬蒿訪故丘
竹邊亭子花邊柳月春芳芬題游蓬島人間空
勝槩衣冠江左憶風流百年地上誰停蓋千里烟
波此繫舟蓮社君家餘樂事却將金碧付荒丘
豪華一去無消息留得荒園恣客遊果熟園分欺

故主花殘風送入東流濯纓清瀨依平石訊竹前
溪任短舟野老夕陽談往事相看麋鹿上墟丘
花徑陰沈風物古輪蹄日日往來遊薔薇露冷香
堪把鸚鵡村空翠不流白鶴幾巢深院樹青蛾羞
上採蓮舟日池金谷終塵土猶道繁華是樂丘

贈呂涇野謫解州

兩朝侍從論思切萬里孤臣去國輕高樹烈風巢
不定亂山崎嶇路難行首陽采薇憐商老楚賦懷
沙泣賈生直道古來終戀主白頭雙眼望昇平

胡節婦詩圖

彩發貼瞻烏鵲橋綺筵歌擁鳳凰簫種桃春興難

離熱沈栢秋江滾滾潮碧玉塔蘭澤瑞雲紫泥旌

誥下青霄畫圖祗識瑤池意辛苦平生不盡描

送李肅之丹徒丞

江上波濤天地浮遠開丹國抱仙冊魚龍夜吼南
徐窺星漢平臨北固樓花綬海雲翻蜃島午鐘山
寺報衙籌監田自識吟哦意月白松陰碧樹秋

送金文素分教曹縣

秦嶽青徐萬里迴文芒東魯揭中台百年洙泗源
流迥兩觀門墻日月開歲晚功名悲短髮官貧湖
海重憐才欲知化雨春來足三月桃花滿鳳臺

送周司訓之茶陵

天寒木落洞庭濤客子青氍感二毛石馬峯高翔
瘴雨鐵牛亭古壓城濠三湘文藻江山麗五嶺宮
牆日月高講罷空齋無復事青我吟入楚人騷

七月十五日誨禮下獄

漢庭禮樂休論古廷獄衣冠已溫今天際疾雷翻
白晝夕陽高柳閉重陰百年縲紲知吾罪萬古綱
常繫此心報國有忠多棄擲小臣含淚下沾襟

獄中

盡日幽狂獨愴神牢籠天地百年身授書黃霸能
聞道不祭臯陶為直臣赤暑虫蠅喧撲而空梁魑
魅落窺人

老妻

太

五

聖朝八葉扶忠義今日誰知誤觸鱗

獄夜

簷見依依落暮庭柝烏啼罷復傳鈴挑燈護鐵鉤
陽疏拭淚頻占貫索星滿耳寒螢喧暗壁空牆腐
草亂流螢常年不識囹圄地此夕含悽坐獨醒

獄與七兄同床

棘牆鎖館暗青梧跼蹐連床氣未蘇海內冠裳今
並辱天涯手足自相扶枕邊風雨愁交切夢裡池
塘興不孤天外數聲鴻鴈侶祗緣羅畢散江湖

幸杖後得生

天威迅赫能誅滅臣罪狂愚託

望明已分一朝成厲鬼寧知萬死得餘生茂陵多
病愁還劇賈誼匡時恨未平藥裹扶吾蹈東海此
身猶足任農耕

贈初侍御巡鹽河東

清秋節鉞九天開三晉風雲動草萊蒲坂落霞明
豸服連峯高樹隱烏臺當年海筴誰興利今日邊
儲已匱財隨轡即看多意氣濟時還屬楚湘才

廖洞野奉使歸湖南以秋興八首留別次韻

露白愁猿萬壑哀楚林風景暮颺颺湘流曲抱烏
欄轉漢月流輝照客懷先師廟計謝公才
美鳳凰毛羽謀已適湖南棹吾志江門聽海濤

老妻

六

夫

憶昨鸞輿代邸來郡仙同目下蓬萊照玉環

金闕步月吟詩登玉臺轉盼悲歡俱浪迹故人存

沒幾憐才秋風落葉仙堦靜白日蟬鳴空自嘯

城頭悽角夜分明把酒論心空復情寒菊露團秋

淚滿斷鴻聲落塞雲橫登臺滿目兵戈恨去國孤

舟江漢名欲為知音歌白雪哀絃風急調難成

拔劍狂歌獨抱憂湘城風雨入邊秋將軍不戒蕭

牆禍壯士番成敵國仇胡騎烟雲屯列寨漢官金

紫擁重裘仙槎遠憶張騫使匡國還須賈誼謀

供奉君王侍紫朝群星落落散清霄五陵車馬誰

輕捷七澤魚龍自寂寥狂狂苦遭羞計拙笑新先

笑頭焦百年僕議直任主地下悲魂誰爾招
萬里湘濤天地清同庭秋渺白雲情青楓樓觀搖
金浦虛閣松風奏玉笙黃鶴歸仙傳北使大家有
子逐東征閒居暫擬安仁賦花下浮盃絲竹聲
長安甲第列彤扉九陌珠簾繡檻圍午夜歌鐘聞
激烈花燭宮柳轉霏微誰堪草閣揚雄悶不見湖
船范蠡歸落月江關愁極目幾時滿灑艾荷衣
多病閒庭事事幽黃花無語飲清秋枯蟬抱葉鳴
初下淚雨隨雲散流螢高談輕世態舞雞深
夜宿子愁野人未合棲金馬謾把行藏付倚樓
讀七兄獄中詩感懷次韻

世事從今重可哀往瀾奔注歲時回收殘
非禮魯國儒生空負才人初衝星越嶺舞劍流
水悶難裁觀桃細詠劉郎句他日齊都無舊
病客秋來不舉杯謾勞黃菊暗相猜傷心湖海新
戎馬去國英雄半土萊江鴈寒天愁極目池魚失
火幸全災商飢日暮鄉心切夢裡青山夜夜迴
多難微軀幸此生夜來風浪夢魂驚差役囚首傷
心地謾說披肝報主情寒日竹風秋易老病餘鷄
骨瘦還輕庭閣忽憶幾箇口消息真傳淚已傾
旅館蕭蕭木葉風後對日度簾櫳聽笳悲極心
愈壯行路難苦道不窮折角未能為郭泰玄令

已哨楊雄燕山急吹胡沙黑使亮鹿多落眼中
當日圍扉為觸鱗無端風雨涕交頰蕭條夜榻鷄
原恨牢落陰房鬼火親話入多情增感慨事於追
往倍酸辛江城兩月傳書札骨肉殊方堪愴神
遠僧房同劉水澄姚五泉對竹懷王界塘次韻

幽徑通禪秋梵清竹光浮座日華晶青蓮已媚滿
相景蒼珮若聞鐘磬聲無復王猷同載酒空勞王
板數尋盟英標夜色虛度宇惆悵詩痕碧薛生

送董子庸令太湖
江門萬里連秋色木落雲寒鴻鴈來晚伯風流周

句邑仲舒經濟漢庭才日斜山郭絃歌起
村錦繡開此去江湖非浪迹朝陽長倚鳳凰臺
友梅

江浦梅花千樹垂主人幽抱對相宜柴門瘦影月
初上錦席寒香風為移野水竹松憐意氣暮天冰
雪共心期羅浮萬里春烟亂幾度山窓繞夢思

送范廷儀守廣州
長憶南泉范司寇把麾湖海更愁予攀崖拾蚌蠶
方俗度嶺穿梅使者車陶侃功名惟運甓羊公心
事在懸魚秋深瘴雨連衡嶺鴻鴈能傳萬里書
姚子宅宴集次文衡山韻

朝回看菊散清歡
錦席高寒倚畫欄
晶城霞開
近照蕭蕭庭葉
輕寒山陰不減當年興
詩社應
便散地官
若憶金門尚拘束
五更殘漏促銀鞍

送鄉客南還

越客懷鄉感歲華
燕京五月放歸槎
雲帆渺渺三江路
海畔冥冥萬里家
袍袖總誇沾雨露
田園應喜問桑麻
秋風我亦來南國
稚子先教理菊花

送袁二尹之崇安

柳莊華胄世多賢
少府才名尺五天
花綬昔遊南汝際
松衙重下建溪邊
烏鵲地轉迴晴嶂
蜃閣潮喧雜午絃
石室門前爲予一訊武夷仙

送馬教諭之光山

河洛人文天地中
浮光山畔接巖宮
古來遺蹟胡瑗此去傳經美
馬融璧水門墻懸北斗
松齋鐸鐸動秋風
欲知化雨當年足
瀛海仙桃天上紅

送具侍御兼呈田文祥

金陵帝殿鬱嶙峋
仙子乘驄雕玉鞍
故典獨存周鑑邑
埋輪只在漢長安
江行白豸鯨波帖
秋落丹楓鐵打寒
好去田郎議計事
朝陽高閣近樓鶯

送黃允吉少參之雲南

銅柱滇南幾月程
錦帆秋水下昆明
相攀玉樹祗昨日
慈意薇花合遠情
瘴雨絕天惟鳥道
蠻烟流

戊見鳥城碧雞漢使虛席上
周室旬宣重此行
和盧師陳積石二首

鬱暑蒸空淡句雨
霏微宮闕水雲多
千家樹暝連烟火
百道泉奔落御河
悶劇商羊還自舞
朝來石燕又相過
迷門反聞狂吟處
却憶秋風起玉珂
客居滯雨逢迎少
睡起池塘青草多
長夜雷霆喧矮屋
漏天波浪注銀河
啼鴉對客渾無賴
走馬邀賓客未過
手裏柳邊歸院夕
御溝流水雜鳴珂

鶴江

仙舟騎鶴下江頭
水鳥沙汀秋日浮
雪浪蕪天明玉羽
海霞似樹見丹丘
聽琴雲外瑤臺曲
結綺空中蜃氣樓
飛馭即看烟霧起
鵝羣環遶曉鷗浮

賀葉夢松得子

客星紫氣滿燕關
庭畔春深見碧蘭
夢裡玉環符往牒
生來紅日近長安
黃金衣鉢家聲重
蒼髮江湖懷抱寬
聞道秋風去丹穴
海雲天末下雙鸞

贈鮑主簿之銅陵

雲霄萬里初看劍
木落江寒秋思濃
鐵甕城邊過彩鷁
銅官山下問花封
卑棲莫厭仇香棘
幽眺還尋李白松
家世甘棠播餘澤
未緣湖海絆仙蹤

少石集卷之一

少石集卷之二

詩類

贈柴適川赴松江

憐君秋髮不得意
詞竹江湖半刺符
郡裡旌旄並
五馬城中財賦重
三吳處春書舞金城
鶴官味盤
登王贈鱸回首塵沙
展驥五雲寒郭說長途

次朱子羽韻別韻

江門飛鴈三見
相遠東風度曉塘
東村連溪
雨絲湖山春接洞天長
催科政拙憂民瘼
獻納情
多總袞裳
願事晚晴
月靜亂峯將景入詩腸
勝地渾消吏事忙
縣門流水繞溪塘
花明小徑春

少石集卷之二

雲亂風細鳴絃古調長
五柳書陰移漏刻
四郊
雨濕帷裳漢庭折檻君家事
柱史還勞鐵石腸

次江石潭留別韻

曉鐘曉罷漢宮秋
潞水帆開去國舟
陶徑陰松來
舊主謝池芳草結離愁
百年禮樂論心事
兩字行
藏為道謀彭蠡烟波孤島出
釣磯新築占沙鷗
萬壑雲間江上秋
短蓬疎雨自孤舟
廟堂誰仗玉
珪議湖海應先范老
曼碧水丹崖餘樂地
赤松黃
石秋身謀絲綸
白首重來日
天外旌幢散野鷗

程子謫信陽判話別一首

言揚山郭歷重關
遲暮差君行路難
對酒風花隨

劍舞背城冰雪帶春寒
孤臣有淚江湖滿
吾道不
窮天地寬
環翠夜堂看北斗
五雲鐘鼓隔長安

贈趙司冠致仕司冠之去也 上賜詩嘉止

人皆榮之

曉移星履下承明
琴鶴飄然故國情
賀老榮歸新
賜曲蘇公執法舊齊名
雲間泰嶽堪支笏
菊滿清
秋及解纓湖海即今憂不細
白頭扶杖望昇平

月食有事督府一首

豹府森嚴出露臺
禁聲伐鼓叩千官
雲間忽送青
蛇影天上誰敢白
一語為譏其飛歷
亂星河
閣向關河開海門
會見妖氛靜萬里
清輝迥自圓

少石集卷之三

送崔都尉使安陸

全貂貴客中朝望
玉節三持向楚門
萬里烟波
壯勝九天風雨憶鵲原
黃樓日落秋雲滿
赤盤洋
前上氣存漢使星
搖真不忝直從牛斗問湘源

秋日懷歸次衡山韻

江上茅堂幽事微
秋風偏想芟荷衣
苦遭塵鞅不
相放
若見冥鴻無數歸
寒落田園生計拙
問關湖
海信音稀
天山越岫
東揚杖溪鶴林
俱浪是非

送王太史前峯省親

紫省朝辭供奉班
白雲東望滿吳關
倚問慈母三
秋望題村仙
即嘲馬還江
畔外魚登饌
美春風花

柳上花枝淹留夢擬開居賦回首青紫雲漢間

午門臘八賜食次衡山韻

漢宮臘日千官會爛熳朱筵傍紫墀浴佛前傳有
土俗賜鋪初展上方儀瑞階齊雪輝金仗大波飛
雲凍玉危近侍恩波知爾共還家更擬少陵詩

蒲博上川桂林

橋門翠水重橫經八日分符萬里行蒲博多才輕
別駕馬融道客歸高士矣天日月銅標閃粵道山
川於露清月華正清風使傳早將嘉績報承明

重賞得書時次費閣呈韻

花外彤霞擁彩輿曉晴剛及上麟書金勝紫閣千

三

年在藜火青烟此夜除九奏階層隨仗舞雲霓

鵲噪簷虛仰窺漢武遺謀烈遷史應慚紀太初

雲開雙闕淨扶輿龜馬呈祥已載書東觀日臨輝

寶冊北宸香裊散林除三長寔負編摩愧一得還

憑采納虛慶協天人真不偶八朝文運中興初

錫宴

瑞初獻大明宮錦席雲張禁苑東鐘鼓一朝真

幸會石渠三載愧無功蓬瀛座列群仙迥太液盃

分既醉同宴罷夕陽滿歸路馬頭春擁萬花紅

頒賜

詔傳金馬蒲博行中使頒恩出尚方日射霜華開

曙色錦拋銀女散天香不緣侍從偏榮寵為舉先
朝舊典章千載漢庭車馬賜敢將稽古藉餘光

夏日苦雨

年年夏日炎蒸苦今歲炎蒸風雨深門巷祗疑江
海泣陂塘不斷水龍吟草光漠漠浮書幌雲氣層
層上客襟朔土驚心殊物候濁醪常醉四時陰

七夕宴和韻

華堂夜迥涼秋宴仙子詩吟白雪才月落海門催
漏起露深花氣逼人來清狂日為殊方減絮落真
逢笑口開天上鵲橋人不見忽疑銀女下傳杯

謝司諫宅宴贈

三

華宇留殘月春蟾簇絳紗烟浮千樹火光動九仙

霞星斗垂珠絡風縈散寶花五陵行樂地今夜醉

君家

簫鼓翻春宴星毬朗夕幃天孫織割錦月魄迥添

輝醉眼看花亂寒聲入漏稀踏歌歡不盡况復對

元暉

夜雨集允興宅

花樹濛濛雨銀鞍傍險來新涼浮竹檻夕艷上花
臺歌落金蓮炬情添玉醴杯感君多惠氣懷抱若
為開

秋日次希齋韻四首

三

低館懷君夕新詩破我愁幾看燕嬌月同上庾公樓
樓江海忘桃鳥乾坤不繫舟樓連對金馬應念碧山秋

冉冉浮雲暮天寒倍旅愁感時長抱杞多病廢登樓
樓日月雙馳轂行藏一葉舟有懷各悲壯揮劍倚高秋

高城紛落葉滿目送新愁寒日思鴻渚明星傍鵲樓
樓幾懸徐穉楊空羨李膺舟滄海還憐汝狂歌起暮秋

吾生非楚客搖落自添愁寒露淅淅關樹層雲蔽海樓
樓驚心雙杵月歸夢五湖舟勛業蹉跎裏風塵入暮秋

劉侍御謁陵還
絳節中元會青山謁寢祠先皇金盞地勝槩玉蓮池
池松露鶴班肅蘿烟多錦垂橋陵多感愴應不廢新詩

千嶂迴臺殿諸陵紫翠間金銀浮王氣鼓角到重關
關駟馬溪雲度龍髯夜月繁萋萋宮草白愁絕侍臣顏

喜晴
雨霽宿烟收天空碧玉流詩脾將爽氣野色動清秋
秋簷角珠添網池塘鳥出游呼醪乘晚興月上廣

公樓

聽蟬

樹杪露華清涼秋寄早聲迎風疑入調向晚最含情
情暮落三秋思悲悽萬感生知音誰太賞高潔向余鳴

和七兄病中書懷

睡起坐空堂翻惜葉繞床驚心沙鴈落墮客病傷
傷吾道謀身拙秋風引興長年來須藥物肌骨半消盲

庭曙浥芳塵閒居亦自春竹風晴弄日簷鳥下親人力
疾心還壯翻愁意轉嗔生涯憑一醉漉酒問陶巾

苦憶艱危際箕往可自狎未乾襟底淚還哭眼難
瘡問訊頻過客疎慵獨掩床故人多鬼錄斜日憶秋印

已昧浮生理難忘再造恩冠裳身外物風浪夢中魂
魂秋雨新肥蘇修林暮宿驚吾生未衰謝湖海志堪論

高城樓鼓角獨坐起悲傷寒菊秋多露愁苗夜有秋
秋歲華雙轂轉身世百年忙未合虛卿病殘書幾行

朴菴

大道悲淪沒江湖復此人
瓦盆傾濁酒野葛倒拖
巾至性元無偽吾儒自有真
澆風絕知己商代問
遺民

秋日迎祥寺分得長風二字

出郭尋幽寺看山興轉長
野蘿開晚酌溪樹坐新涼
萬籟秋空寂三天花霧杳
空江重回首騎馬立斜陽

古寺禪聲裡清尊此日同
入門鐘磬發開徑竹泉
通野霽明沙鷺天寒落塞鴻
登臨意何恨長嘯碧林風

春日偕諸友遊西山

鑿鑿出曉道山寺費幽尋
石洞陰雲古巖開野竹
深幽泉鳴澗王晴樹燦嵐
金清磬聞玄籟幽禽送
好音橋陵橫翠壁風磴隔
朱林春水平田瀾蘆花
落照陰虎溪風脉脉花樹
月沈沈煮茗芳林禪
湍撫素琴梵香青縷細羅
幌碧苔侵半榻逢僧話
禪通不住心

送萬愈憲視學湘江

絳闕辭夫日雕駟攬轡新
聖朝期得士吾道屬斯
人憶昔趨庭歲來過湘水
濱丹山馳騁裏清游託
麒麟氣壓千軍敵經傳二
載真風流追大雅文體
則先秦拔劍驅雷電揮毫
泣鬼神南宮魁俊又東

省列華新寫英策朝賢瑞光爛席珍中年縱豺虎
世路忽別榛抗志匡衡疏完名郭泰巾乾坤新蕩
滌湖海僧沈淪賈誼當前席王褒領得臣署選司
馬重名鵬豫章頗類趙時聯符駉翔幾接茵濮園
碑議起梁欽授書親道術元經國才華果致身文
昌輝漢渚臺泉迥霜輪寄節金廳肅甞江紫氣勾
攀幽神禹洞平古越王開鳳山湖山約重來草木
春飛旌隨化雨奔軼望超塵周典弘三物虞庠重
五倫賢良登濟濟博約誘循循性豈詞章貴風還
禮樂淳宮牆懸日月山斗接嶠嶠報國無他術成
村倚大釣歸來復明主持此獻楓宸

送孟司寇之南曹

嶧甸鍾靈傑由來間氣殊
兄吾騰雪劍澤水奮龍
駒王樹高風勁金天爽氣敷
河東誇伯仲海北迅
搏扶憶昔蘭臺過下今鐵柱孤楓宸多建白獸錦
已拖朱細柳曾當閣長城盡挽張甲兵雄小范烽
火息強胡邦恩資半允師僚佐簡孚明章施噓電
仁德諫麟虞丹筆千人活玄霜六月無爽鳩真競
美瑞鵲幾呈符直道應多忤流言可厚誣憂時添
素髮爲渠摺弘圖南園勤宵旰孤卿選碩膚白雲
何依旌彤轂又送卿簪劍遙星陞旌幢夾柳徂風
霆奔石燕波浪噴儒島山郭朝暉淨津亭候吏趨

紫鐘開八座滄海鎮三吳漢獄虛庭斷曹馬托廟
謨欽哉能體舜敬爾式追蘇不愧周司寇咸稱魯
國儒江山增秀潤草木定榮枯至治基三典祥風
過九區泰山須作砥滄海詎求梓北斗時瞻關東
京憶返輅文昌懸法從黼座贊元樞天厚明公業
鴻名重兩都

新竹

春雷宵寐動野竹暮成林冉冉烟梢起冥冥霧縈
深含風憺弱篠弄日有輕陰冰雪標先勁雲霧意
不替當空纖鳳尾隔水細龍吟蒼翠分三徑絳黃
恥萬金短園勝解帶清涼協開襟無肉還瀟灑潭
水

消世俗心

贈王殿講參蜀藩

芸臺辭北極薇省向西川幾共金門直相攀玉樹
憐浣花秋水路雪嶺暮離船霄漢頓瞻平江湖
謫仙唐皇珍侍從周業重旬宣自是文章客能無
經濟賢何時趨紫掖前席對金蓮

得請歸觀

遊子憶庭闈君王特賜歸祇憐形管從不遣碧出
違振珮移花苑含香著彩衣黃封馳壽宴爭道此
行稀
捧檄動朝簪還家喜不禁愁數千里道定省十年

心結駟非題桂枝夢有賜金丘雲乾鵲噪先為通
瑤音

寄別館友用贈行韻

飲餞辭同袍執手言綢繆寒飈衆芳歇川原朔氣
幽馳車赴朝吟日落臨河流河流渺東注湖山興
已悠譬如汀渚鴈奮翮誰能留行行日漸遠仰瞻
紅雲樓離衷正苦結揮軫聊自抽藉茲瑤華音情
好以為酬緬懷夙昔歡茲夕誰與傳荆跡心匪離
敦義良足求采采河渚蘭贈彼君子仇

曉發潞河

潞河秋水落平川撾鼓鳴金曉發船日氣半含青

嶂雨江光初破白蘋烟雲山客路三千里飄飄

心五六年此去班生未須羨彩衣輕棹亦登仙

夜泊天津

半落孤城對海門片帆烟渚泊黃昏三秋水涵蕪
葭冷一夜潮生風雨翻蓬底蛟龍眠暗窺枕邊雞
犬吠荒村疎燈獨照難成寐坐聽沙頭人語喧

江行雜詩六首

積水長天白颿颿宿莽津細聽蓬底語俱是欲歸
人
放船日欲落湖口淡煙生那路何勞問青山深處
行

沙崩古岸折石山臨驚濤舟子渾不懼揚帆遂飛

哀鴻不可聽頂哺兄且悲開蓬見明月烟波障江

波搖雲際月傍水邊樓長笛一聲曉青峯江上

愁對盈秋渚輕歌拂畫樓采蓮人不見隔水明漁

東田都閣二首

金馬淹樓客風塵暫脫羈借看青雀舫馳我自雲
思錦纓霞光動官樓海色遲故鄉渺何處烟雨萬

山迷

將軍真愛客高誼薄秋雲豈謂追隨並還憐嶺
勤樓船橫漢渚劍戟下江濱吾向碧山去君行策

遣興

遠水泛孤槎天寒戀物華片雲殘照雨衰菊半簷
花野靜聞玄鶴江清照碧沙飄然湖海興是鴈汝

和華石窓角題三絕

蘆花淺水泊江船正是霜寒白鴈天月暗江豚還
出海却驚波浪夜驚眠

隔村燈火見漁船獨坐秋聲喧暮天沽酒沙頭待
明月一江風露醉中眠

望浦縣懷古

千秋漢業龍興地王氣消殘尺土存亭上烟花飛
舊雨臺邊溪樹向黃昏江流自轉青山色野哭虛

贈榮秋官

俊逸清朝長沙漢傳才聲名動湖海詞藻託風
雷象典欽虞命星輶向越隈江光鯨島見劍氣蜃

雲開貫索虛霄漢蘇霖被草萊湖山無勝覽襟抱
滌氛境勝臨流浩瀟瀟宮燭紫台六橋笙管沸三

烟雨上花臺

贈孫僉憲和韻

金馬憐君得意時秋雲江上遠含思才華獨擅
相賦世事空嗟一局棋鴈蕩紗籠重記取多冠霜
節舊相宜海門不斷沙鷗路風雨冥冥音信遲
楚峯吳嶠夕相望碧水秋紅劍氣長舊時君王辭
玉案忽疑仙子下雲房風迴海嶽潮聲足霜落烏
臺樹色涼却憶三年共焚火石渠清夢繞彤墻

游雪竇寺

山寺嵯峨霄漢間霞梯窈窕任躋攀迴峯樹隱金

銀闕側徑林穿虎豹關
寶鼎香消知偶散石門煙
起覺僧還妙高臺畔
聽泉罷坐對雲盡日閒
方樹雲深鎖翠微寺門
烟霧重寶鼎香消知偶
散石門煙起覺僧還妙
高臺畔聽泉罷坐對雲
盡日閒

次楊鏡川韻

曉窗積翠九龍盤上界
樓臺迥自寬錦鏡搖光
星斗亂石湫飛雪髮毛
寒豐碑寵勒君王夢卓
錫聲引霄漢端獨喜論
禪有支遁燃燈坐我到
更關

次屠用山韻

紫芥金刹書圖開仙吟
詩白雪才勝地幾年留

眺賞空山何處著氛埃
參差香閣烟中出空落
僧樹杪來昏黑諸天禁
絕磴直看蘿月土花臺

石女祠

烏峯夕雲際惟石支
嶺巖死如望夫立窈窕
脩容儀冰肌自粉華
風何自離應憐浦霖雨
抱祥尤怪奇神疑竅如
御夢高唐思我來覽幽
勝誰能展荒祠

妙高臺

石徑入迂迴高臺出林
杪遠岫迎歸雲層巒得
飛鳥月崩欄交撐地寂
花竹掃凌風一振衣清
曠絕塵抱印接烟霞重
俯視樓觀小安得灑蒼
虬脩然

下卷五

錦鏡池

錦鏡何激灤石泉瞰瑤
宮寒漸瀉空碧倒影流
長紅金鱗散波出芙蓉
映日紅麗可浣溪並時
與銀河通源渠直趣桃
水欣再逢清靜紫雲中
子來後池上翁

飛雪亭

結構緣蒼崖源泉客千
丈然星轉飛花谷靜越
清響析新風松杉蕭蕭
澗咽對此心昨齡坐來
氣森爽觀瀾浩玄思夜
馳遐想匡廬續餘韻曠
代同心賞

桃花坑

武陵迹已幾度系那可
求丹葩自仙種灼灼林
中丘露華嵐翠重霞氣
日夕浮縹緲隔雞犬開
謝知春秋我欲愛其實
願從劉阮儔胡麻仙相
遇汗漫成直游

幽中早

宋祚昔板蕩臨安駐驚
鴻與君王紫霞想結夢
青山隔宵研勒鳥篆壯
觀垂鴻謨所嗟瑤水馭
竟忘中原驅諒固傳嚴
應細愧燕然圖憑軒發
長嘯夕陽滿干旄

夏日過戴靜山宅

長日江頭化事幽草堂雲物淨溪流虛窓細竹漾
濛濛遠水孤烟泛泛鷗五馬未應歸黑髮三山多
是戀瀟湘聞過訪戴清尊共興劇難回雪夜舟

和馮松坡遊阿育王寺

禪房雲木翠微靜對南山獨掩扉深夜寶珠光
自吐高峯仙杖還飛談玄老衲能相和太極經書
生差未歸清湖客心清涼以坐來真覺萬緣非
出郭石徑入雲林杖履移來處處家青鏡年華忙
裏漸碧山風月草中吟能吟溪山知底鉢鶴避厨
烟意煮茶自便須方外隱萬松深壑卧丹霞
翠蘿石磴扣玄關勝賞春來一破顏萬疊蒼苔開

寶地三山蓬島隔塵寰

主

寶地三山蓬島隔塵寰迴廊發風聲約幽徑花

香月色間凡骨未仙難隱十五雲回憶紫宸班

盤梯千丈上招提古木陰森曲徑迷僧定寒霞樓

石榻佛頭空碧映花溪穿林傍月時聞磬步壑看

雲一杖藜名勝古來麗文藻莫教碑蘚蝕新題

芳洲草堂

淒水寂寥千古興輞川今復見高情泉花映檻自

爭發沙鳥背人時一鳴石瀨雲濤清動木蘭波

擁釣絲輕狂吟五夜魚龍駭枕畔如聞風雨聲

題扇

草閣陰陰嵐翠合江潭渺渺夕烟開石橋幾斷紅

塵路時許高人看竹來

題二兄所藏外祖賜扇

烈祖昔遭遇嚴華明光宮尚方賜牙笏製此純素
工披香入花苑幾幾侍重瞳什珍二十載御墨猶
鮮濃揮炎一舉手閭闔來人風矧茲它相倚眷彼
榮寵同藏之毋棄捐敬以言形

王內監衛賞蓮

五月芙蕖欲放花水晶宮畔數枝斜虛疑玉井仙
人種移植金匱貴客家白鷗翻波驚翠蓋黃柳飛
雨濕丹葩蘭橈不川西施未已見尊前墮若耶

楊惟仁謫判宿州

入

其

虎豹森嚴獨上書江湖此去意何如孤忠總關還

憂國古道啼猿有謫居畫省爐香瀝憶汝朔雲鴻

鴈定愁千柑看助業青真起肯逐濠梁學釣魚

上高松歌

上高松不畫色畫骨松自奇老范年來稱絕手氣酣
筆落風雲馳一松昂藏勢欲起蒼髯標架怒青天低
一松糾結枝幹古懸蘿掛磔盤蛟螭徂徠地縮嵐
氣黑慘淡白日迷只尺銀盆深成玄鶴巢雲根曲
抱丹崖石蒼苔封此骨髮清蕭瑟四壁聽有聲空
中低愁癩牀泣座上已含烟夜半商岩陶徑如在
眼雪骨冰肌歲晚月半入片鮮城垣填覺

山林遠鳴呼上范今已後未作者誰復以聖宏
寺僻絕代無仿佛僅見雙松圖居不見其長妙寧
名畫禽象門四練輕千金太常墨竹湧島在海內
爭傳罕真跡請君珍重此圖勿棄卿我欲題過其
爾虛堂坐寒石

題品

木蘭輕紫泛滄浪柳畔沙陰夕氣涼洞口桃花正
相遇仙家只在水雲鄉

東齋對山為蕭都伯題

堂前漫草風翻草蔓花水檻前捲幕青山渾
絕無林白書幾鳥眠池草樹鳴聲碎江閣烟

壽曹別駕

溝屋氣連太守亭成新志喜商錄選機到轉運既

壽曹別駕

紫極祥輝巫峽來黃堂冬暖壽筵開幾從桃水尋
丹訣且甜陰步綠去臨座烟花張錦繡滿城蕭
鼓擁蓬萊海天春色真無賴亂逐流霞入酒杯

愛峯篇

愛山愛孤峯峯高而不可即詠茅計其旁憑軒看空
碧晨晨金天蒼海霞蕩日夕下有蛟龍盤波濤起
淵宅我思天柱遙溪江渺奇蹟亦有匡廬幽誰能
奮羽翮對此聊自怡冥搜但只尺浮雲條故虧白
日慘無色蔽虧良有時我情自不易請看石上蘿

綢繆永為過

淳齋

塵世悠悠右道淪江湖落落見斯人茆茨不為巢
居剪麋鹿還依杖屨親義書未成心獨到莊濠欲
沂夢偏真瑞冬月白酒半醒高調一聲誰共論

西崑篇贈王氏

西崑峙雙壁南海揮聯珠奇珍世罕有閒氣生或
俱矧茲豪傑際產海嶽精靈儲元愷萃華族河東富
仙雛千載絕塵響二難復名區長公清廟彥鴻詞
振三吳排雲入閭闔東節遊江湖季子復豪挺耻
逐章句儒峰歌調逾古隱璞尤已敷森森最時爽

藉藉聲名都素翁

大

好高篇勒宏圖宏圖貴立德古道悲淪沮傳心自
庭戶大業敦友干伊洛儼遺矩機雲非爾徒

穀齋贈史醫士

種秫不愁餒長生自有丹靈祐甘雨足春意寸由
寬但覺青精飽還加白髮餐赤松如可避湖海晝
飛翰

送大尹劉君考績

虞庭奏績餘三載漢詔徵良喜及時海畔一琴將
馬去雲霄雙鳥並鳬移林喧車馬攀相送花滿其
堂去有思彤管瑤編刺勳業江城還旋勸曹碑

五月仙槎入漢京，初逢冠蓋半傾城。
青鳥忽評南溟起，丹闕遙瞻北斗平。
遺愛秣麻思故老，上功金紫錫承明。
留君枳棘應難住，阿閣朝陽有鳳鳴。

和白齋二絕

江閣秋深掩市埃，潮聲白日暗驚雷。
黃花對酒青山好，好鳥閒庭白竹來。
梧竹蒼涼絕點埃，海陰落日送輕雷。
草玄亭畔秋多少，江葉風高捲地來。

挽李少司空

憶昨焚魚尚黑頭，重山中出碧峯幽。
蒼生屬目林中起，白日乘箕天上遊。
石室松皇吟夜雨，詩壇花

鳥悵深秋司空大業存，疏築淒淒長河天。

又代父作一首

洛社憐君髮未絲，風流文藻更能詩。
玉樓天上何年記，蕙帳山中此日悲。
易箴尚遺憂國語，蓋棺休上乞恩書。
老來朋舊皆零落，風雨寒花倍所思。

題畫六言二首

萬樹溪雲帶暝，數椽茅屋歲春。
可是鳥飛絕處，寒江獨釣無人。

楓葉一江紅雨，桃源幾曲清溪。
寂寞草堂無主，白雲采藥多時。

題秋江圖

秋江萬里寒山碧，黯淡烟波天一色。
驚濤落木翻清湘，疊嶂垂蘿恍赤壁。
木蘭輕漾蘆花汀，江楓半赤江沙清。
衝帆數點鷗鳬起，斷岸一聲鴻鴈鳴。
開篷四顧豁襟宇，白雲忽起江心樹。
酒酣耳熱歌正長，露下天空月東吐。
三山九華望未真，微茫何處問通津。
故柁那愁風雨至，收綸莫觸龍蛇嗔。
君不見鳴夷子，扁舟浩蕩歸五湖。
又不见張季鷹，秋風一夕思鱸魚。
洞庭滄浪亦奈何，我今胡為尚塵途。
蒼涼對此神欲往，悄然坐我於蓬壺。
為君一灑秋江圖，君不見草堂四壁走烟霧。
海風蕭蕭庭樹枯。

芳洲賞菊

野圃重過爛熳遊，短籬疎菊向深秋。
含烟玉蕊爭相媚，弄日金粧淡不流。
裊娜虛疑五柳宅，滄浪還似百花洲。
莫交蜂蝶愁風雨，醉罷歸來掉浦頭。

再次宗舜一首

黃花紆徑恣情遊，木落雲深巧耐秋。
國色娟娟和露淨，林香脉脉帶溪流。
奇葩未數鴛鴦種，麗藻何如鸚鵡洲。
塵世百年俱浪跡，野烟寒日一搔頭。

和張南川二首

十月江城群卉盡，東籬渾似艷陽天。
鶴翎霜滿藤蘿石，龍腦香飄綺繡筵。
醉倚花神棲夜榻，靜看林影散平川。
小橋東去仙源近，借問漁郎何處船。

洲上小堂環翠竹花前吟望碧山幽高雲錦石開
芳宴急管嬌歌起暮秋助劇傳金盃折蔬夜深歸
艇懼驚鷗鷺華一任都銷歇老圃寒香只自留

蓮峯歌贈鮑永

蓮峯山迤在八閩東嶺迴巒蔽日起蜿蜒西走
忽平原橫百連城數十里天馬騰龍來金雞屹南
峙上開玉峽千層壁下蟠蒼谷百尺石蒼蘚
半空紫翠翻風烟倏忽陰晴散江渚君不見蓮城
美使君手持尺檄驅風神乘櫓遠涉滄溟波攀崖
直躡蓮峯雲龍香玄洞九鯉逢碧峒寶刀氣吞
吐花綏泰新風流再振崔斯立俊逸想見鮑參

若輩

八

主

軍參軍妙思懸江河古衙靜對青松哦此曉
亦在眼風燈月出明烟蘿吁嗟世上冠纓走塵
誰向山林設官府我本瀛洲客君亦神仙伍青春
玉樹不可攀却憶蓮峯為起舞舞罷聽我歌酣狂
激烈聲復苦君不見海風日落來庭樹

壽陶少參六十

黑頭薇省賦歸來流水才堂日日開三峽烟霞隨
杖履九江雲物變陽春北極馳封詔野菊清
秋舉壽杯名世早傳池上客鼎鍾勲業望三台

梅林為蕭太守賦

千峯曲抱青樹林二水平開白雪堂月吐龍山橫

瘦影風迴漁浦度寒香傳盃巧斲春相媚弄笛蕭
疎意轉長謾說西湖與東閣曠懷今古復仙郎

贈許少參之湖藩

西曹推俊與南牧重分憂吳楚江山麗樓臺日月
浮紫微開畫轡青雀轉春流鸚鵡迴清瀨蕪陵起
白鷗魚龍聲出海雲氣回秋五嶺仁風迴三湘
寶務收旬宜周召虎謀畧杜荆州勛業非湖海嚴
霜倚大猷

南河雜曲

河水崑崙萬里來河邊古寺誰為開碧窓烟霧翻
鯨渚白日波清結蜃臺

若輩

八

主

紫霧紅嵐跨石橋冥冥烟水暗生潮却疑滄海浮
三島直訝銀河接九霄
春水晶焚酒太虛梁主人閒釣魚汀月醉歸青
峯舫野鷗指點白雲居

赤城雙闕漾中流縹緲瓊花水霧收落日馮夷來
擊鼓踏歌神女出芳洲

南市津頭新買船晚風載酒春可憐荷花菱葉出
半水灘鷗鷺相對眠

仙家只在水雲鄉海上蓬瀛竟渺茫試聽雞聲隔
烟浦莫教桃片誤漁郎

恰似岑參好漢波轉清歌舞人家池道人欲斷紅

鹿麋稚子遙吟白苧詞

柳陰沙畔築堤新
仙子尋源意自真
他日雲門訪
丹龜從君槎斗問河津

少石集卷之二

少石集卷之二

三

少石集卷之三

詩類

江行紀懷

海門烟雨放樓船
獨客宵行思渺然
豈有文章鳴
館閣謾將勲業付江川
麒麟日靜爐香細
鸚鵡春深洲草連
直道寸心終戀主
五更清夢忽朝天

錢塘懷古

黃屋南遷日
蒼山結鳳樓
可憐江海地
曾是帝王州
草樹沉宮怨
笙歌喚客愁
寒潮自來往
難雪古今讐

山寺

桂檝聊停渚
芒鞋上碧岑
谷深平見寺
村午靜聞鐘
篆蹟殘碑藓
林香滿澗松
王程不可住
僧訪未從容

湖上次萬鹿園韻

春湖一望翠波平
淡日風烟柳絮輕
水雨笙歌青雀起
澗邊桃竹紫鴉行
古探三竺蒼苔盡
忽訝諸天昏黑生
與子携壺酒
縱樂明朝莫謾開陰晴

過嚴灘

風塵自愧三湘客
漂泊來過七里灘
豈謂君王勤物色
却令夫子釣江干
青岑兩岸荆榛起
白雪群鷗樹影寒
衡嶽洞庭從此適
祇應無夢到金鑾

登釣臺

高臺一牖碧峯烟紫
谷嶽俱利天不見長竿臨
巨壑獨留明月照平川
南陽貴客虛席上北海清
風自歲年欲問當時釣魚意
野樵無語夕陽邊

玉山訪詹子

十年對榻金馬下里停驂訪玉峯
地迴茅堂開
問寂夜深蘭酌話從容
空憐阿閣南東鳳忽憶滄
江有月龍庭畔花枝須細把
宦途萍迹恐難逢

湖口

湖口荒村渡人家
落照邊遠憐彭澤樹羞上洞庭
船草色迷芳甸江聲起宿烟
此身隨物役空羨白

湖口

湖亭寄沈子

君昔為巴令吾今復楚行
雲霄俱浪跡湖海共含
情獨樹荒城見孤帆
遽照明憑高一悲慨風浪幾
時平

皖望

皖望江波迤邐城
伯氏居天空一鴈度樹遠夕陽
踈麥草新傳句看雲數寄書
欲知弟消息慚對武昌魚

謁顯陵

龍蟠紫穴開靈嶂
鶴立清霄肅露班
廟祀已隆周

禮樂園陵猶抱楚江山
蒼梧煙水層臺望碧殿衣
冠夜月還瞻拜松楸一惆悵
昂湖雲遠莫追攀

吉祥寺

叢林紺宇連峯起
御榜金書耀日明
帝子空聞開寶地
山僧猶說迓霓旌
堂虛衣鉢留雲氣
院靜風簾雜磬聲
多病微軀羞竊祿
祗應投隱學無生

出塞曲贈申將軍

寶裝金勒紫駟文
夜度關山鐵笛聞
草白沙寒照明月
南飛鴻雁不成群

金閨星馳奏捷文
王開昨夜羽書聞
將軍不盡麒麟閣
沙漠誰空虎豹群

觀音巖觀泉次許少華韻

觀音巖在滄溟
許瀟湘萬里胡為名
無乃茲泉太奇秀
觸目偶入高人評
龍湫鴈蕩金沙落
香爐瀑布銀河傾
松杉蕭蕭山鬼泣
潭窟隱隱蛟龍聲
或云靈旌古來少
時有光彩空中明
驚濤飛鳥怯莫
度怒沫衝舷疑不
行君不見崑崙之
流一道來西極又
不見江漢之水萬
派朝東瀛山有漸
自不息流水無情
須解爭沙明水碧
白石爛孺子濯我
滄浪纓

同許少華登黃鶴樓四首

丹閣凌空渚層城
擁翠微浮雲纖棟
入高鳥逗簷

金銀氣風翻翻荔磯登臨同謝眺把酒欲

斜輝

仙樓真壯觀之子獨相招倚檻看雲夢開尊酌斗
杓珠簾嵐翠捲風俗竹烟消子晉空山笛愁聽雲

漢道

萬里登樓眼三秋作客心晴天霜鴈落寒日水龍
吟漢樹分城郭江流自古今酒酣橫落照覓句對
岑參

仙子歸滄海高臺白雲江清波渺渺山紫葉紛
紛鸚鵡中流見笙簧隔水聞詩成俱慷慨風雨泣
湘君

立春登臺

立春登臺

澤國春生早陽臺豈故丘携壺聊引望東鳩幾同
遊山色晴催柳江聲暖泛鷗漢官傳彩勝無復殿
東頭

雨中同許少華張南溟過江寺

翠律香林起霏微水殿開幾懷巖際宿聊向雨中
來雪浪翻蓮座江花湧石臺觀經同謝客劫海問
沉灰

申將軍歌

申將軍氣橫八極吞滄溟金吾奕葉名帝京慷慨
獨存燕趙種縱橫少學孫吳兵憶從射策明光殿

腰懸金斗誰不美東海牙旗建柳營北關鐵騎驅

沙句虎符戟擐來瀟湘樓船蔽日魚鳥張盡角寒

吹漢口月寶刀夜閃荆門霜將軍才畧無文武紫
髯白羽揮尊俎秋雨蕭鈴靜虎豹春風緩帶歌鸚

鵡檄書昨夜到轅門禁中頗牧須召君漢騎材官

木曉勇唐家神策號親軍君家甲第長安道十二

龍樓春色早釣尾香隨玉輦塵貂裘翠染金坡草
邇來西北愁備胡登壇誰勒燕然圖紈袴衣冠盡

駑脆輿逾歌舞空酣娛丈夫志氣要硯石射鵰飲

馬思青海扶桑早掛樓蘭頭幕南馳奏金門凱楚

江落日風怒號美君行色壯秋濤狂歌擊劍為起

舞回省閣樓中宵

舞回省閣樓中宵

黃鶴樓謙崔東洲次韻

憶昨樓連對金馬却來同上漢江樓炎天驟曠千
峯雨高棟新涼六月秋黃鶴不來空悵望清尊多

暇且淹留湖山文藻崔郎後花鳥愁添鸚鵡洲

憐君自是金閨彥作賦登樓興益豪萬里湖山雄

楚觀十年風雨聽湘濤雲帆曲抱江流轉星檻平

臨漢渚高跨鶴飛鯨俱浪跡洞庭西去有仙舫

夏日同許義菴過古城寺

香閣叢林紫翠深朱旛夏日共登臨堂虛縹緲青
蓮影谷靜聞幽鳥音却暑冰漿鳴曉磬碧深可下

洞薜蘿陰諸天晝噴發孤嘯潭底毒龍時一唸

送余都閬鎮蜀

燕市逢君憐意氣湘潭今日唱驪駒三巴節鉞通楚五月樓船早渡瀘虎帳軍容金鎖甲錦溪文采鐵珊瑚肯將細柳牽桑梓還向交烟勒壯圖

送朱子宜遊武當

陶令歸來惟種秫葛洪此去覓丹砂朝從五嶽仙人館暮宿三茅道士家

跨海橫江憐爾興訪真先去武當宮花邊拄杖看金龜松下尋師問玉童

金闕岩巖上帝尊鳳笙龍繞半空聞青牛一去留

丹笈黃鶴重來訪白雲

天邊瑤草直堪拾洞口桃花春自開狂客遠携青玉杖仙人來獻紫霞杯

八日登朗吟亭

楚眺逢人日仙臺碧玉岑青陽知候轉丹井自春陰海色雲霞動江聲鳬鴈深少陵時序感潦倒一

屏燈

玉漏遲宵安瑤燈出內家堂開雲母障座擁繡屏霞彩焰春星亂流輝皓月斜金吾明夜弛何處共銀花

銀花

華石窓話別

楚澤憐君至沙頭倒屣迎風塵俱作客江漢波多情錦纜高流急朱簷北斗明焚魚方合去不負碧山盟

春日武當宮

仙宮積翠凌空起飛磴盤梯上界寬五嶽雲霞朝絳節三天星斗傍木闌琅函日靜蘿烟繞石宮春生玉髓寒虛主十年恩羽異洞霄何日乞祠官

楚藩燈燭

鳳館歌鍾春宴開虹城千炬繞星臺遙分漢苑青榆火長照梁王白雪杯七寶香塵花外結雙蛾舞

袖月中迴清光却憶金蓮送午夜何妨銀箭催

月夜陪少華南溟登廣視堂次韻

石徑攀蘿轉山樓足楚觀星河懸檻外燈火出林端陰壑猿啼急高飈木葉寒夜深江月上長嘯一

凭闌

南溟衙短菊

仙葩移別圃野色艷秋堂綴玉千絲弱垂金萬疊黃婆娑姿低晚照搖落爭孤芳共是風霜客銜盃興獨長

獨長

贈宜齋封君還鄉

高士不愛烏府居鵲冠鳩杖吾意如鄰翁瓦缶開

花徑稚子山扉迎竹車黃菊天清籬影落紫芝歌
長屏翠虛溪猿林鶴莫相狎架上還有蟠龍書

九月十日譙童太史於廣視堂悵然有懷賦
贈一首

楚城烟雨重陽過越客登臨空復情木葉仍黃菊
菊淚樓臺虛映碧山晴江鴻急吹催寒影海樹秋
陰起暮聲抱病我今懷故國五雲君去侍承明

洪山寺用韻答少華

江閣邀賓至雲峯入化城遙憐丹室靜寔少王驄
迎洗鉢開林宴飛泉促澗觥清秋孤眺迥寥廓見
高情

贈龔發軒之辰沅

攬轡山城迥遶秋鼓角妻霜鵬寒日勁瘴癘雲
低魚鑰防三楚龍泉控五谿君看古名蹟銅柱碧
天齊

雪中偕諸君訪少華留燕值沈近湖鱖生魚
有作

麗宇輝晴雪寒爐散夕筵氤氲垂絳帳浙瀝繞朱
絃折竹開深徑飛花逗遠天銀駟迴難迷珠履集
聯翩徐穉能留榻王猷未返船騷壇酬賦白丹室
靜談玄酒力侵瑤絮茶香噴玉烟楚江新集習梁
苑忽投鮮鱸錯水鱗細羹分翠釜傳名須同丙穴

味擬出甘泉張翰逢秋思羊公憶舊懸占豐歌
出協瑞詫三鱣興劇金壺聲情深玉樹隣聊追豪
上侶難和郢中篇

除夕

江城歲暮永霜結閣道星回午夜燭銀燭金花堆
爛漫椒盤柏葉頌芳鮮兒童喜劇知何事客子蹉
跎祇自憐玉漏催殘臘盡天涯春色到梅邊

漢上訪朱子宜

滄江歲暮驚龍卧長見風雷白晝昏山閣遠烟開
返照岸花殘雪映寒尊狂憐李白尋瑤草靜愛龐
公隱鹿門興劇移舟晚歸去月明鐘鼓到沙村

顯陵歌贈嚴宗伯

顯陵宮闕抱靈峯峯上雲霞紫氣重一白衣冠
此地千秋人憶鼎湖龍

高皇寢廟踞鐘山天壽諸陵壯北關郢國並稱興

王地松杉形勢九龍蟠
漢文興代際昌期后稷由來王業基功德萬年隆

報祀京山須擬龍豐岐

松殿陰森雕玉梁祠官歲時奉恭青魚燈銀海無
銷散金石奎文萬古光

萬里蒼梧烟水愁楚鄉自古帝王丘五陵不盡
依思漢水湘江日夜流

手持玉冊下遙天腰綰銀魚綵綬鮮秉禮從來周
秩伯乘槎不數漢張騫

翠管朱絃九奏聞秩宗朝禮散靈君克憺想像松
楸外白日驚車下紫雲

樓船烟水泛瀟湘麗藻青春山水光試問郢中歌
白雪何如溪上詠滄浪

唐帝尊親四海名夔龍昭代仰宗卿爭誇禮樂超
千古謾有文章賦兩京

霄漢懸慈燭紫雲華草秋日賦旋車金門早聽三
台履玉簡還揚五嶽書

玄宮禮樂備幽明歸薦神禧洽帝情南國咨詢憐
赤土慙慙宣室對蒼生

商祐重歌烈祖篇帝心臣德格幽玄靈泉瑞雀通
堪頌寶曆鴻圖卜萬年

讀孫太初詩
海內詩名歸大雅關中人物迥天豪長遊轍跡窮

吳越逸思風流起孟陶萬里雲霄雙白鶴十年湖
海一青袍何時掛劍過蒼水謾把遺編泣楚騷

高人一去空湖海家在青山舊葉荒折角風神思
郭泰登樓詞賦擬清郎子規春暮啼花徑白鹿秋

深過草堂已見斗牛衝紫劍更掛琬琰照青箱
晉接清光卷贈周憲長

訪廖子白鹿山居

萬里樓船行漢渚三湘簫鼓帖鯨波紫雕霜落
葭冷黃鶴秋深洲草多蕭散快瞻虎目月園陵須
問楚山河明光早奏康侯績錫馬春風鳴玉珂

哀朱生祠

整南祠堂駕危碧整南父老相嘆息嘆息朱郎誰
復如二十書生已廟食憶昨前村喧鼓鼙天昏日
落豺狼馳蒼茫野哭走兒女黯淡殺氣衝潢池朱
郎此時挺身出憑陵大呼探虎窟鄰生掉舌機已
危果卿罵賊死不屈古來壯士思解紛朱郎救焚
番自焚寶劍精光忽夜缺乾坤誰與清妖氛湘水
村童擊鼉鼓共采幽蘭薦芳醑英魂時駕黃鶴來

祠下松松泣風雨

岳陽樓

洞庭二月春水平樓閣蕩漾空中明衡岳流雲變
今古君山若木生陰晴漁舸弄日白浪闊鐵笛墮
檻蒼虬鳴客子狂歌縱孤眺烟蓑忽動滄洲情

野宿二首

林藹薄日青峯沒山花惱人黃霧昏疎燈明滅自
客館夜半山鬼喧柴門
地僻已鮮車馬跡村遙不聞長短更寒塘月出掛
茅屋推窗欲枕憂魂清
訪廖子白鹿山居

紫陽廬嶽爭名勝白鹿茅堂春洞開學士碧山今
地主仙人黃鶴有時來巖間桂樹蒙丹露階下泉
花繡錦苔楚畔懷君歌上澤漢京回首望三台

送蔣山山解官歸

扁舟琴鶴故山歸黯淡湘江春雨霏萬里滄洲雙
短髮百年青眼一沾衣賈生去國聲猷壯王祭登
樓心事違何處鹿門堪卜隱海風秋笛上漁磯

余竹城回過江館

江天豁野館溪雨淨朝氛岸圻蛟鼉窟烟衝鷓鴣
群袍光分碧樹杯影亂春雲對榻情何限山鐘送
夕曛

少集卷之三

旅夜紀懷

旅館寒宵坐春愁日自昏角聲三鼓月野哭聲
村養拙韜龍劍含悽愧鹿門時艱諸老在好為定
乾坤

不寐

不寐喧城拆其如夜永何攬衣燒短燭擊節動悲
歌蝶夢春來刺蛙聲雨後多楚江愁對眼無地著
漁蓑

武陵道中

鳥徑花堤行暮春武陵道中多風塵不禁楊柳惱
征旆欲向桃源羞問津谿洞豺狼太驕毒石壕鷄

蛇多苦辛腐儒肉食愧何補嘆息垂首空活中

龍陽別南溟子

旅榻春宵共官程曉旬分躊躇悲遠道去住任浮
雲柳暗龍津碧花明茅錦文梁園如引興消息遺
先聞

用韻答張文邦二首

鳳凰城北仙人館鴻鴈天邊音信疎楚澤風烟慘
賈誼漢京詞賦美相如春深草綠王孫路江暝花
迎學士魚天祿幾聞勤汗簡金滕新閱紫函書

湖海頻年懷鳳侶洞庭春月聽猿聲翻風蕙草孤
芳遠獨樹梅花太瘦生記載爾能齊董史行藏吾

少集卷之三

已上君平海門日暮登樓眼極北愁看銀漢流

東歸不赴南岳東許少華燕呈徐淑江

許渾秀句江關重徐禪高名湘水聞炎嶽遠攜青
玉杖靈巖深覓紫霞文星羅霄關蟠螭蓋雲起松
林散鶴群狂客春帆向東海渚蘭汀芷重懷君

旅夜宿少華館

蘭署春芳寂藜牀晚更移清標憐玉樹短翮並驚
枝鼓角江聲壯琴尊夜色遲挑燈俱不寐風雨重
含思

雨夜再宿少華館話別

暮雨湘花暝茅堂許再過張燈還舊宴聽漏自明

河綠酒連狀語朱絃子夜歌抵帆朝浦別春草奈
愁何

送楊憲副之柳桂

春宵對酒歌芳樹曉陌行馳動遠臯萬里旌旗衛
鐵密九江舟楫洞庭潮邊城刊出吹羌笛瘴嶺花
深擁牙袍不是承平勤遠畧早期勲業靜弓刀

贈嚴介溪還朝五章代友人作

漢區漢皇邑代運昌期靈輝耀珠瓏王氣騰江
涓龍馭倏然舉駿並周岐

天王夙仁孝陵園新宮玄籙護象設豐碑勒鴻
功時咨遣宗伯裸

功時咨遣宗伯裸

七言

古

迎車下楚甸備物陳天庭金石流唱嘆性暢達
馨竭虔以將命假哉綏皇靈

明禋既登告覽勝遵江隈滄浪富新調白雪吟陽
臺條然下黃鶴漢渚凌風迴

四壯旣旋邁卷阿奏明光神休薦靈異帝心豫以
康願言篤周祜永錫邦祚昌

吊青斜祠

蓮幕高名汗竹間江城祠像對龍山碧苔春雨蒼
生淚紫栢秋霜烈士顏

祠下春江流水長祠邊松檜鬱蒼蒼祇緣遺愛留
湘土不放忠魂歸蜀鄉

青尉真成偉丈夫英聲烈烈動江湖救時疏擬卹
模字悟主功多鄭俠圖

苦竹春深啼杜鵑碧祠蕭鼓暮喧闌山城尚哭捐
軀日野老空傳減稅年

壽許夫人七十

彩發晴瞻烏鵲橋霜臺還有鳳凰毛設誇楚鐸春
江化湏記熊丸夜雨勞秦女笙簫流玉漢天孫雲
錦爛官袍湘門二月瑤池宴渭水藍盤薦碧桃

潯陽訪王蓮峯

憐君粵嶺不得意我亦瀟湘返謫居且向茅堂對
五老何須蘭畹吊三閭孤烟倚棹江波迴落日留

七言

古

暮山蕭瑟此去海門須卜隱肯教彭蠡鴈來疎

七夕歌

夜深涼月散簾櫳清淺銀河碧靄空綵幕雲軒遇
織女金盤玉果薦兒童

錦機織罷露華明一水東西萬古情祇見橋邊烏
鵲影不聞天上珮環聲

立春公謙與許少華汪蛟潭聯句

青陽初應律錦席薦辛盤少石擁坐江雲暖浮盃
臘蟻寒少華歲時驚遠客歌筵罄交歡蛟潭酬澤

隨春遍同沾漢令寬少石
晦日掛麓流飲與汪南蔚許少華聯句

石澗流泉細花杯去不遲石酒香浮岸草旗彩

晉草絲少華勝日蘭亭集名山嶽麓祠南唐舞雲

陪二妙歸詠思無涯少華風流傳曲水契飲復山

陰少華送酒催花幟行歌和鳥音南唐泉香溪雨

過潭影洞雲深少華倘遇麻胡泛仙源共爾尋少

隴越行驄客蕭相返悼人南唐賞心千里共淑

景萬花新少華碧水傳杯酌青芹採澗濱少華不

妨巴里調倚醉和陽春南唐

還家口號

瀟湘萬里風塵客海畔孤帆歸去遲沙瀨鷗鳬迎

舊主草堂松桂長新枝清狂愛中山陽酒潦倒長

金杜曲詩無奈燕雲愁對眼華萸秋水正含思

拂衣聊向明時隱舊業青山喧暮潮世路十年驚

滄海生涯今日賦鷓鴣東遊拄杖滄溟霧北望浮

雲絳節朝野老村童時問訊微軀久已屬漁樵

古泉為楊長史題

梁園名勝地剡水割瀟湘高注青雲濕寒分紫液

香暗雷喧竹實晴雪洒松堂白石綸巾坐鳴絃意

獨長

用韻答華石志

萬里江湖客長懸霄漢心風城花氣轉驚院柳條

深習靜便多病傷春欲廢塗知音遠憶汝白雲弄

璽琴

寄林中丞六首

江臯潤陂澤桑野稠綠陰君去日已遠君惠流且

深豐碑篆鴻績擊壤歌好音渺渺長江水悠悠寄

我心

我心念仙年海壖歲惟虛凋瘵多迺移杼軸空籬

落君來播仁風四境欣所托政平沛 皇慈庸以

瘳民瘼

民瘼重惻隱上書叩重閭煩苛倏蠲掃枯槁回春

溫膏田秀禾黍夕陽散鷄豚石壕無催吏山翁話

酒盆

酒盆樂未央公車倏然舉難堪不可勝通鑑

仲胡彼括蒼民奉我萬間宇寬德思後漢餘輝

庭樹

庭樹何森蔚中有遺愛祠兒童走伏臘簫鼓日半

西峴山無乾土雷竹多新枝願言慎呵護後漢崇

遐思

遐思在海東粵南邁征憶銅柱天際振扶桑日邊

遂秉鉞張龜威安疆殄烽燧後漢昭理台衡勳後漢誰

能纂

又代父作一首

領外傳黃鉞湖中有後漢凱日雷竹正班

時春雨棠花發秋風塞鴈歸
老余泉石眼動紫雲鍾

挽湯公子

公子乘雲去空山碧草深
如何蘭芷秀偏易雪霜侵
虛猿帳秋風怨鶴琴玉樓天上記讀罷一沾襟

五愛亭歌

潘郎愛花花滿溪河陽歸去賦閒居
元亮風流百世師清秋把菊金新詩
葛巾漉酒管淋瀝通仙放鷁西湖
六橋梅花千樹垂茂叔留題萬頃波
清連腹郁推素藥太華藕船恨莫移
曹侯蕭酒鸞鶴

婆逸志不受風塵欺洛陽彭澤聲名震
山不

蜀山奇浣花溪似見瀛溪草堂花塢日
半西池風淡蕩幽鳥啼天清露白秋卉
菲霜梧雪篠碧參差四時光景流隙駒
五愛亭中春晝遲倘徠散後接鶴隨手
持綠玉冠接離舉觴大叫歌紫芝歌長
月出橫蛾眉吁嗟乎金鏤玉壘我所思
安得西方之鳥雙翅飛與君浩蕩同襟期

南山祝壽為張侍御題

曉彼南山在沮之陽瀟瀟雲霧龍潛豹
藏爰有一七棲止其旁居貞履素含潔
紛芳朝飲沆瀣暮宿扶桑以游以衍與
世相忘顯允令子霄漢翱翔

杆梗梓厥聲琳琅種德有奕服寵斯光
鸞紫雲簇金棠矧逢泰週借彼求凰雲
妃駢集瑤池相將冠離陸珠璣鏗鏘彭
以湘瑟酌以霞觴言介繁祉樂孺且康
子既攬管海甸夕望南山之頽白雲渺
茫彼岵何陟瞻拜登遐載歌天保祝壽
無疆

守歲和陶韻

殘臘不足惜韶華近流泉冥坐轉淒淒
對景寂無言歡宴誰與展愁心促以繁
陰陽有恒軌代謝理無愆夕鳥返天末
寒烟歛遠山更殘苦燭短氣淑知春還
嗟哉逆旅中世故多糾纏仲連未高蹈
賈誼空少年明星忽東曉挽衣思茫然

贈吳泉子

匡山有懸瀑鴈蕩名龍湫茲泉並奇秀
高挂千峯頭紛如晴雨落浩若天漢流
娟娟掛虹影颯颯鳴楓秋蛟龍噴靈窟
海若翻滄洲達人抱負借澄心恣冥搜
結廬溪谷間拄杖巖花幽鳴絃響同清
澗纓意與遊遐哉川上想藐彼濠上求
我有紫泉疇養石懷好仇

春日清道觀和湯葵峯韻

山中臺殿盤龍虎洞口碧桃春自開
石壁斷霞松半暝緋林芳草逕無媒
花邊金屋藏州籟竹裏玉龍傳鶴杯
却憶通仙栖隱地湖光十里放晴梅

觀中飲姚東泉宴

江流曲抱琳宮轉
山色陰森古樹蒼
明月鳳簫留羽客
煖烟桃水失漁郎
東山散後青春伴
北海文筵紫液觴
五嶽三茅真對眼
十年塵土夢俱忘

再飲王十竹宴

王霄宮闕入蓬萊
錦樹明霞返照開
偶駐紫駟朝絳節
忽思玄鶴下瑤臺
松光翠湧琉璃月
花氣春濃琥珀杯
仙令王喬真不忝
漢庭鳬舄幾時回

贈唐萬陽

仙郎卜築秦人洞
作令來看海甸花
但使桃源流赤水
何須勾漏覓丹砂
陸機草閣漸文賦
賀老香

名集卷五

太

手

祠近酒家不道春
庭逢白雪醉歌庭
樹落烟霞

贈白厓子

白厓溪流石齒齒
蘿洞霧合花眞眞
君愛紫泉築堂靜
我携素琴過月明
東遊人迹涉滄海
南望鐘山賦玉京
歲晚冰霜重相許
碧梧紫竹談心盟

少石集卷之三

少石集卷之四

詩類

南山草堂歌

南山岷嶺開草堂
芙蓉翠削青天旁
草江樹色烟濤裡
滕閣風流水光中
丹穴棲靈鳳五色照
嶺嵐霞動地勝還疑李相庄
雲深忽訝秦人洞迴嶺
秀嶺蘿幌垂上人杖藜吟紫芝晴窓亂飄瀑布
雪落日半映山花庖一從挾策謁明主白雲長鎖
巖關樹霧林俄驚文豹翔澤國已徧蛟龍雨我昔
從君江漢遊擊劍狂歌黃鶴樓風神想見崔即逸
廊廟真懸范老憂節鉞從天鎮南紀風霆迅忽狼
煙徙漢軍宣威伏虎謝軍都敵膽沉寒食天章
忘林壑情安危國計重長城紫垣回首台衡通綠
野他年書錦榮我歌南山氣衝斗巖巖具瞻古亦
有北山猿鶴那得知南山勲名垂不朽
春日重過芳洲和王定齋韻二首
春湖溪蕩細煙霧誰者卜築林塘幽麗日濃花已
千樹截波錦鱗頭萬頃不辭深盃恣佳賞已覺爽
氣凌高秋鄭谷秦樓幾摩上曠懷寂寞君爲酬
江村曲抱龍蛇窟石閣蒼涼松桂枝長憶謝池紫
草夢遠繁杏紅結襟期青春杖屨能乘興日髮烟
霞有故知便合焚魚從卜隱碧山薇蕨正含思

恒居十詩

物性本派直人心胡弗知便應折惡木種栢環我

居我居僻日幽其境雖佳趣烟月消庭柯寒光滴空

空翠樹林杪古幹蟠蛟螭凡鳥不敢下上有蟠龍

食鱗鵠志雲漢風展修翮結子不克勝沈瀝足朝

朝食自赤木暮歸蒼涼豈不美桃李穠華煥冰

霜積玄冥萬壑塵卉滅峻嶺兀蒼標君子以

比節貴植德為學須苦心寒榮徹末夜漸歷風濤

吟風濤鳴聲悲陽景倏幽閼赤松亦我徒食霞負遠

志遠志欣所托春蘿結采絲論交苦不早寧待歲寒

時歲寒志弗渝德周白隗磊君看孔明廟黛色千年

在和黃南谿新正感懷

長年王署見飛翼朝下傳呼祝萬齡一自江帆黃
鶴去幾回宮柳翠煙生且傾栢葉杯須盡欲著晚
晴書未成佳年華空物役靜觀天地一浮萍

詩李將軍
江上龍蛇蟠第宅營間星斗動旄旌伏波勲業憐
黃霸都段詩書本六韜見說西平誇鳳子不愁東
海息鯨濤壽筵霜韻近春水水盤薦碧桃

郊行

以黎出郭謝塵市野曠物態怡神鷄勸晴沙意
自得菰蒲小閣花鮮新江湖蒲眼不一醉歲月如
流龍幾春草蔓蔓上烟墟越王臺暮山鬼隣

病居遣懷

憶昨君門夜直廬五更銀漢漏聲疎金蓮燭
明月王輦香塵隔紫渠賈誼謾勞宣室召賀公須
卜鑑湖居白雲水竹衡門寂多病一春長著書

挽方居士

空山寂寞煙霞路往事淒涼太史銘王粲多情悲
楚地鄒陽何罪泣秦庭江湖已入高人傳霄漢空
瞻處士星生氣只今堪想像銀光寒日下淪溟

又代父作一首

君結城南社余歸獨樂青山瀨我輩白髮幾人
存暮雨殘花館悲風起柏木絃不成調落日一

招魂

送胡生歸閩

青春文藻漳臺客，杖屨東溟萬里遊。
問字長過楊子宅，歸心忽動李膺舟。
白雲親舍藍田在，碧海鄉山綠樹留。
此去鯉湖須入夢，早占鵬翮奮高秋。

山中即事

春山冒靜不知暮，溪閣生陰水氣涼。
天際雲輕孤岫出，雨餘花落暗泉香。
狂歌白雪思同調，醉把清尊惜衆芳。
湖海年來成廢隱，不愁顛倒艾何裳。

載東山僧

老僧最愛清狂客，百遍登臨意不憎。
雲谷杖藜時引興，山風吹酒易為醒。
且看竹院留新句，不用紗籠覆舊名。
欲待虎溪秋月，上來同聽石泉聲。

山寺聞鐘

大衆旛宮僧待漏，萬山禪觀暮開鍾。
虛疑絳幘傳銀箭，忽訝清溪鳴石淙。
永夜星河看擊劍，遨遊天地任飄蓬。
寂寥轉覺聲悲杜，風雨滄江起暮龍。

山寺抱病

閒日松關長抱病，白雲禪榻照金銷。
當窗獨鶴飢能舞，隔葉鳴鳩語自調。
須信烟霞成痼疾，不妨皮骨向春凋。
茂陵消渴渾多事，著述窮年未寂寥。

山寺聞鐘

群峯蒼翠入烟蘿，巖閣對峙蒼龍開。
已翻江漢道石壁，忽洒巖瀑喧晴雷。
金銀氣閃靈壑動，龜鳳聲絕王風哀。
帝業千秋共塵土，與君細酌山花杯。

西湖泛月

雨霽江門月如練，天空湖水淨含暉。
千峯影亂潛蛟舞，萬里烟消獨鶴歸。
歸鵲金波千對酒，琴瑟荷露細沾衣。
乘槎我亦金閨客，何處仙人采石磯。

用韻答馬子莘

空山客思瑤草白，鶴舉尊萬里行。
煮帳空悲楊子宅，花空須吊越王城。
交清戴雪舟能放，坐石飛觴酒易傾。
意氣感君同漫落，海門寒日劍光橫。

湖上贈馬子

海畔支離嗟獨客，清朝何事乞山林。
馬周時計王粲樓頭，故園心王弼萬年探禹穴。
芒鞋三竺到迦峯，我來共爾滄洲興。
日暮聊為白紵吟。

雨泊江口候師山不至口號一首留訂湖上

之約燕呈寒泉主人

馬卿帶雨來應幕，湖上須携陸放翁。
欲共雲浮同去住，肯緣溪滑異西東。
五湖舟楫煙濤外，三竺樓臺草樹中。
聞道寒泉能愛客，行厨洗玉待從容。

宿梵天寺

江蟠秀色蛟龍窟，日落空山麋豹群。
萬樹樓臺出

鐘磬五銖衣鉢動風雲
青上界知藏法頭白孤
僧能好文最愛虛堂對
蘿月蒲團淪茗意殷懃

五子詠

五子者皆名賢也余何人哉
獲與之遊講道湖山淡句
言別緒縷不能舍去作五子
詠紀余懷云

落落中離子刻志布古哲
蘊璞光不揚扣鐘擊盞
列篤信曾唯傳沉冥會真訣
大道若康莊謂余策

篤劣

矯矯師山子英邁振流俗
抗疏薄功名投簪卧幽
獨壯哉司馬遯暮矣悲涼
不服道餘十年著書高

深谷

挺挺青湖子意氣何倜儻
鸞鸞振羽衣金石操
響亦知萬里心致身耻尋
枉白石敦道盟赤松結

遐想

楚楚龍溪子悟道一何早
黃鵠脫虞羅青山服瑤
草意參中已融筌蹄跡如
掃正學多秦蕪與君共

幽討

沉沉緒山子托交匪文苑
道義資切磋裏情結蘭
蕙超悟覺天機玄談發關
秘宋陸千古豪鵬湖力

刊蔽

答馮松坡

白髮綸巾放鹿車青山結
屋自棲遲正逢張翰多
歸思却憶馮唐老故知
世事那卽驚往夢江湖茫
梗愧清時富春日暮懷吟
侶西望嚴灘有釣垂

和友人金陵遇清明

江湖地遠逢佳節草木城
春御氣通海曙雲霞三
島外夕陽臺殿萬花中
五侯第宅新榆火九市村
樓細雨風繡轂香塵馳
上苑絲繩遊女颺晴空少
年豪俠心還壯旅食不
同結蕪空憐鸚鵡
賦後河誰復鳳凰宮
已拚劇醉三春暮莫遣多愁
雙鬢蓬蒿隨芳郊晚歸
去青尊細雨落花紅

南屏閣和韻

翠屏南望一峯遙虛閣青
尊吟語嬌此地禁
寶藏何年仙錫住山腰
江聲夜渡青蓮舫草色春
深朱雀橋一卧煙霞蘇
病骨十年簪組愧清朝

寄謝文仲子

得歸早賦陶元亮初度剛
逢屈大夫籬菊晚香澄
歲月晚蘭秋水遍江湖
幾懷彫閣分藜火不共花
朝醉玉壺白日群仙下
蓬島聯翩南極向東吳

扇面挑花

武陵春色千山暮獨樹陰
陰覆曉霞洞口不知人
去遠東風還發舊叢花

贈沈子令桐廬

瀟湘洞江今爭誇沈約才風流為政體山水入詩
裁日靜琴瑟細花明錦綉開漢庭前席召仙為幾
時回

秋溪

搖落楓江候溪光淨可憐
杖藜明遠浦鷗鷺下平
田暮艇冷浪曲晴窓秋水
隔嗟余形役者訪戴定
何年

敬一亭

露藻流天上奎光耀楚東
道傳三聖統文冠百王
雄篇什非汾曲詞豈大風
一誠昭至德四勿炳
宸聰爽塏開新稱高明俯
闕官軍簪飛瑞鳳盤檻

古臺舊

引晴虹琬琰星辰煥龍蛇
御墨工精靈山水勝呵
護鬼神功臣忝周官末身
逢漢道隆繪天慚德術
稽首頌文同

與杏垣陶子仲文講道三首

玄風舉世說玄關九教伊
誰真九還今日赤松吐
靈秘分明龍虎見形山

仙人省老本潛夫十二樓
懸黍米珠已向一元逢

妙有何勞萬劫問虛無

君還今日陶元亮余擬當年張子房
江漢相逢夜

不寐鵲山偃月坐生光

讀太白山人詩柬張陸二子

我愛高人係太初詩名當日滿東吳
青山作客圖
富白首為儒擔石無千仞鳳飛爭快
觀十年龍
卧蒼苔夫知君博物張華似投贈何
慙照東味

學志秋集

嘉會客陽節賓庭禮上英鮮
煥酒魯宇流景耀遂
光候什公帝崇天高氣乃清時菊布
金彩秋蘭綴
下華嚴席爛綺綺列如雲
壇廣樂沸中除靈囂
震前檻淵淵奏周雅呦呦歌鹿鳴
瓊香殊集續
紛星弁迎升階等魚貫由坐似鴈
征東掌翠文宿
西雍觀德則肅虔若儀軌溫穆
穆道情旅酬既卒
爵終燕鮮意慙慙余信寡昧接歲
忝稱名倡道謝

古臺舊

師訓切嗟惟友生蓬麻賴扶植
芝蘭藉德業屬茲
選舉備欽皇文教成珪璋薦清廟
騰鳳雛
標有遺響善我廁頌聲哲后敦
化理君子茂休貞
所期勤志業宏樹翊昌明

生日辭家

江城似劍三秋色海樹懸派萬里
心正憶劬勞貪
弄彩轉傷離別淚沾襟毛生自
捧娛規檄莊舄難
忘故國吟吟外天升片帆路亂山
回首白雲深

常山道中

驅馳遠道風塵際迢遞鄉心征旆
揮春色靜浮滄
海日秋聲旋帶浙江潮此景黃菊
非五月白鶴青

山愧爾招懷王蕭峯開返照王中仙笛度雲霄

望費子新居

新築湖邊宅還同溪上居幾時開竹徑共爾對銀魚勝地餘今古浮雲在卷舒夕陽聊繫舫惆悵翠屏虛

江口同席子費子昆玉夜酌

野興憑江閣高談倒夕尊多情憐玉樹往事憶金門山曠風光重蛟蟠水氣昏飛騰藉君輩回首北江鯨

贈范溪溪歸蜀

金陵市上逢君日鐵柱城邊悵別時三峽琴尊携

少長

遠道九江舟楫滯歸期風塵不動煙霞色歲月長

含烏鳴私春日錦江晴弄彩玉盤魚笋繪銀絲

江閣送君巫峽去滕王須擬望鄉臺劍光落日蛟

龍吼秋色滿大鴻鴈來錦里晝迎衣繡金草堂

對浣花開茂陵著述非關病湖海先憂寔使才

滕王閣晚眺

樓上煙霞回浦照樓中簫鼓暮衙盃江光半隱漁燈亂木葉驟鳴山雨來萬井兵戈餘野哭千年臺礪依荒臺古今帝子俱消歇王祭彌衡空爾哀

雪中見紅梅二首

風雪朝寒勁園梅忽自開素輝一嶺蠟春色到丹

臺憶共金峨醉幾時
舊年餘月汝東閣費

詩裁

衆芳搖落後冷蕊放南枝已共江湖遠還同冰雪期明霞輕媚眼流彩艷春姿莫遣鄉愁亂相逢倒玉卮

歲暮席中觀紅梅贈劉使君之顥

幾年霄漢風塵隔歲晚江湖水雪稠賴有梅花供節序可無栢葉冠鄉愁紫微日動瑤堦影絳蠟香分玉署秋欲折贈君將遠道南春色近羅浮

贈朱鶴坡遊白鹿

漢庭折檻名元重淮海投簪興轉幽偏爾尋真探

少長

白鹿祗緣吾道在滄洲素人洞口桃花紫

前春水流柱杖香爐凌絕頂不須瑤草煮丹丘

樓上張東沙叙舊

長憶張平子吟詩帝里春含香辭粉署擢轡出風塵虛枋無高士開尊有故人豫章雙劍合江色倍精神

精神

菜蔬

我有紫芝圃今為綠玉畦盤食不長飽摘葉朝已稀

盤饌原上綠纖纖盤中絲野人歲暮饒肉食安得

知

倭畫

來朝看北斗歸國信東風香靄煙波裡蓬萊日月

官

贈劉將軍
漢京奕葉金吾將江甸分符東節旄長見琴尊多暇日坐看湖海息塵波動葉雙飛鬢却親詩書一徹袍何日燕臺招駿骨誰瞻麟閣在雲霄

雲庄為宗室題

南浦清江翠壁開孤雲冉冉爭氛埃陰生葛令丹砂井影落梁王白雪杯金屋依然龍卧冷玉簫何處鳳飛迴河間帝子非凡伍洛水千年作賦才

菽田

桑陰蔽原野菽田何離離達人耕田事耕田事悲清時客羅網古道多尊遺緬懷有莘氏樂道新耕犁北山永微蔽南陽任耕賦之子亦薄落處世羞詭隨茅簷幽獨秋風吹鬢絲豪華等駒隙組綬空縶雲泥腥不得飽種菽長不饑野人薄鍾鼎意味良在茲豐歉歲所遇菽信有特願言加食政明德永以持

登王峽吊古

金川自古稱佳麗王峽千峯龍虎盤天際孤雲時縹緲城尖小閣自嶺岧傷心寔下齊山淚雲世空

歌蜀道難一自首陽人去遠長留明月照江湍

謁文山祠

丞相高名宇宙垂螺江今有報忠祠運移諸葛身鐵日義盡睢陽力竭時戎馬中原空北淚松杉異代尚南枝燕京碧草傷春色楚賦招魂有所思

宜春臺

江浦但知滕閣勝宜陽今始識春臺峯巒百疊重城固煙雨三湘秋色來極目浮雲聊拄杖殊方落日更嘶杯昌黎竟少青山句鄧曲誰當白雪才

臺上懷古

漁溪道化千年在吏部文章祠並開顧我亦為監

稅客憐君真有濟時才城分楚轄山川盡秋聲瀟瀟天地迴惆悵古今春望裏土花煙碧上樓臺

宿市汊驛

江閣開帆日已曛驛樓停旆濕行雲黃家渡口村烟暝丁字磯頭水派分市近漁燈喧浦淑波搖龍劍動生文客懷愁絕難成寐夜靜猿啼不可聞

荷峯為陳中丞賦

仙子鳥隨黃鶴去相公庄在碧蓮池空山月簾笙還發一夜錦塘花亂垂靈氣萬峯深玉井道心千古到漁溪為霖正屬蒼生望降嶽聊吟申甫詩

袁州道中

山入宜春春更宜
烟花雲谷度征與
野人剩有看
山與盡日山行興轉迷

川峯縹緲入雲梯
絕勝西湖瑪瑙陂
天外聲鐘聲
不遠煙中樓閣隱招提

春山紫翠綠陰繁
山家農務自村村
耕雲放犢歸
沙磧截竹分泉繞石門

秀色江蟠畫舫橋
雙螺隱隱元雲霄
草深不見袁
京宅日暮還逢王子喬

和江蛟潭遊麻姑山二首

古洞雲深花鳥喧
仙宮絳節會群靈
煙中萬瀑泉
聲起谷口一聲松樹白步月石梁飛白鶴波霞王

北集卷四

古

雙問丹經紅顏振羽非
吾意塵夢江湖聊
月峯城樹接城隈
數瀑冷冷石竇開日照紫煙晴
雲雨濤翻滄海地
驚雷仙源西望瑤池水
麗藻難
尋謝客才江漢十年黃鶴侶
如何不共碧霞杯

梅桂詞

余繼陳石亭督稅江藩藩署有梅桂雙植

堂下石亭堂賦之余讀焉慨然有懷而作

梅有香天寒地凍冰雪強桂有芳秋風一夕木葉
黃與君氣味畧相似幽姿勁節挺不僵胡為乎風
波一失所漂泊皆殊方岱有嶽江有匡楚南濟北
進相望憶昨同趨金馬門螭頭鸞鷟參翔翔碧山

學士畫苑走妖狐
縹緲紀綱束閣吟詩淹歲月
北山招隱雲林琅歸哉
與君卧白石歌滄浪安
能與塵世者競芳華之
世露猶腐草之餘光吁嗟
乎悔有香桂有芳

夏日八厓過飲署樓留作奉答一首

草閣陰森古樹蒼
炎天冰雪正微茫
南州高士能
留榻北海文選聊縱觴
笑傲塵寰空歲月狂翻歌
藻入瀟湘憑高徒倚暮山碧
忽送江門月色涼

少石集卷之四

少石集卷之四

圭

少石集卷之五

詩類

觀化篇

克齋王子學道句曲山十餘年叩其中奧如也與之談博而辯精確而不迂蓋有得于道觀云少石陸子曰夫善觀道者體道物善觀物者體諸化是故物非形而下也化非形而上也精而一之謂誠明而通之謂聖然而道之謂神道不在茲乎道不在茲乎廼俗學之多岐則固弗達于觀也已余故作觀化十篇於王子之別書

以識久要云

吾觀萬物化升降由氣機兩儀運不息七政運差凝然鎮坤軸居中堂不移因茲悟玄象太極含化樞萬變從茲始中心靜無為大道日淪仰皇羲跡已覩顧思精一傳千古竟誰紹俗學既支離玄談復虛竊瀛洛起狂瀾紫陽蔓秋草與子結同心遺經足幽討登天亦有階望洋豈無淚顧茲學道功先民有遺矩博約功匪偏悟觀惟一理擇術苟不精毫釐謬千里大哉時中聖條理貫終始緘波伏澄渚皓月流長空陰飈條以舉萬象俱冥

濠靜觀吾心體元化相流通將迎適為累思慮何憊憊伊洛儼遺訓順應存太公

古人學為已窮年知不足今人學未優舍已徇流俗得魚竟忘筌還珠空買櫝義利途轍分聖狂豈殊域所以卜學功其要在慎獨道器本不離心體無外內卷之入至微放之浩無際神易寓其中昭曠絕秘累老佛尚幽玄申韓恣狂悖多岐良足悲合一斯統會

太上本無言人文起來世龍馬發元精六經道無敵草玄極其搜括虛寂遊蕪狗象乃喪心執詞斯害意安得起義皇畫前叩玄秘

名集卷五

二

尼父本生知軻賢得先覺好古事敏求博文思約如何夸毗子粗浮意落落變化乃通神至誠致曲戒成忘與助優游以自勗

為山本平地掘井須及泉道體何浩森問學在精專賜以願息損參以日省傳進止機在我馳騰性多愆青陽力不早駒隙驚流年

與子言別離別離安足惜人心非有岐大道渾無迹但使意氣同千里如居室不見萬水流滄溟歸會息道遠恐莫致念茲永無斁

舟發南浦值大風雨驟作幾覆晚霽宿石頭口志悲喜一首

毒熱氣鬱雷雨垂江白日勝蛟螭開帆已誌風
浪惡回首忽看城觀迷舟子驚惶不自顧水神播
弄何相欺崖崩岸圯玄豹泣杵拆牆頭青雀歌章
江亦作清江險楚水遙牽湘水悲天意蒼茫那可
測平生忠義吾何疑石頭村晚月色霽酒烹鮮
聊賦詩

石頭口舍舟陸行結建昌

江水何瀾瀾石頭亦齒齒舍舟怯洪濤駕言陟彼
圯洪濤所危懼陟比無寧軌乃知世路中所向多
坎止義命各有宜安危視所履但驅忠信車營營
亦何以

建昌道中

赤坂揚塵覆朱甍轉炎熾下有修樹林清泉蔭
翠行子苦鬱蒸居者自幽憩豈為躁靜分亦緣身
世異東門瓜已踈南山豈堪藝回車理故岑願言
遂高致

至德安縣

廬嶠望嶙峋山城草木春難忘君子澤能使後民
淳水火耕餘楚衣冠俗避秦勞勞行役者明發異
風塵

開元寺

清秋入古寺廬嶽最高峯紺殿穴孤兔玄潭伏蛟

龍泉飄千澗雲雲起萬年松頭白孤僧在殘碑話
夕春

寶梵開珠藏龍池但劫灰何年歸帝子此地復樓
臺日月金輪轉笙簫玉宇哀山靈莫惆悵柱杖我
重来

茂陵多病客山水意殷勤洗竹聊分瀑攀崖更勒
文衣裳三峽巖樓觀九江雲隔罷林煙散香爐天
樂聞

星闕招提近石門深幾重客來青玉峽僧住白雲
峯法鼓出魚鼈鐘苔印鹿踪諸天路昏黑谷口但
聞鐘

南康雜詠五首

落星自何年江心已飛錫但聞天上精今化水中
石長夜吐光芒奔流俯澄碧窟龍飛沫汀鳥倦
棲翻天柱儼孤撐金山恍神迹雲氣互慘舒風帆
渺瞬息奇探境入真禪悟理終隔不滅金膏光長
照紫微客

千金買寶地萬金築書樓地勝從茲罕樓高啟林
幽藐哉集父想竟逐華胥遊洗墨空結藻垂衣尚
玄修兵馬倏臨境法鼓鳴不休莊嚴已消蕩丹碧
成墟丘吹笙調悽惋古樹鳴陰颼憑高恣遐矚脉
脉春江愁

昔人騎白鹿其事已千載呵護藉山靈洞古依然在宋造跡名賢託盟良有待山水性所諧亭謝觀屢改壁立欽士模光靈發林彩濟濟餘青衿洋洋絃誦藹榛荆忽暗滋元豆有餘慨瑤草非儒真谷馨佩幽藍

五老蟠江涓迴峯合天造顧茲名號殊無乃形容肖稜層石髮踈呼吸山風嘯降生混沌初彭期齒還少東井墮元精南極墮靈樞六轡力莫移九關踰能到砥柱障頽瀾剛風竄虎豹我欲效圯橋跪進石應笑

醉石大如何欲置柴桑野蒙密喬樹陰滴瀝哀湍

瀉淵明早辭榮結廬棲其下漉酒樂天真世事飄瓦當其醉卧時羲皇夢非假月白酒半醒風露挹盈把踈籬菊不芳素琴諧調寡我有仰止思願結林中社

喜伯氏至

憶昨春塘賦玉京秋風鴻鴈更含情喜傳錦纜沙頭至忽設荆花江畔生天上紫微嬌並照洞中白鹿故相迎看雲步月殊方恨蜀水吳山萬里程

五老峯

南極星精一墮地西江骨立老煙霞陰晴祇識殊顏貌寒暑誰將定歲華天近九關窺虎豹地蟠三

峽起龍蛇紫芝不去尋常白鹿青牛此是家

廬山五絕

匡廬吾所愛雲意共躊躇惠遠如堪作山中定買房

飛瀑懸千丈遙疑銀漢通却從煙霧裡洗出翠芙蓉

可惜南唐寺誰招後主魂小樓吹玉笛遺響不堪聞

雙劍峯何迴精光射太微只疑風雨夜化作雨龍飛

參差萬樓閣恍忽見諸天僧住香爐頂半空燒紫煙

白鹿洞四亭觀五老峯

亭前看五老石壑響秋泉濠梁有佳侶吾意欲從之

右觀魚亭

亭前看五老紫氣正嶙峋泛影秋尊月銜盃更幾人

右獨對亭

亭前看五老空翠出林梢不聞五老語盡日聽松濤

右高美亭

亭前有五老山水意幽深坐到忘言處秋風鳴素琴

石大意亭

中秋對月懷八庄

露館香飄錦席開風簾清切玉琴來相逢此夜尊前月疑是故人天上來碧海冰輝流萬戶紫宮雲氣接三台屈膝湘浦人如玉獨坐寒檠罷舉盃

次八庄八簾韻一首

秋苑秋霜落花庭午消明唐科崇禮樂楚國盡臺英日靜水雲微雲開碧霄望所期惟得七報主不勝情

寄懷友

七

蓬瀛開妙選臺史作龍門神驥來丹渥奇珍璫現網羅時已密山斗道為尊午夜看奎壁祥光達帝閣

望雲為竹石宗室題

兵戈苦憶艱危際涕淚長懸南浦雲綠草春江歸白髮綠衣重整舊朱門

竹泉為陳都園題

閑道將軍野興長竹泉深處一茅堂鳴戈蹕馬有何意散帙投壺殊未央日靜魚樵推翠篠天清袍袖濕蒼浪蒲湘只在虛無裡風送雲和引鳳凰

和汪石潭九日同第寄懷音舉二首

仙峯雲氣鬱蒼蒼鴻鴈天邊秋自遯落帽風煙黃菊候振衣巖壑紫泉飄謝池結藻真堪並洛社開尊莫謾招從此看雲頻拄杖歲華都向碧山消謝公老去愛登臨雙鬢風烟不受侵白鶴青山仙子伴紫萸黃菊故園心悲秋興劇還能賦曩世情多可自禁細把巖花傾濁酒晚風零落樹頭金

過費定軒新居話別二首

江村遠抱芙蓉障雲樹分明錦繡屏君傍碧山開盡閣我乘素舸下滄溟春巢燕雀當窓舞秋蟄龍蛇識地靈投筆幾懷東顧草移文誰勒北山銘金闥有客棲江湖草閣結傍青林孤野曠天晴下

若素書

八

鷗鷺秋高水落零孤蒲曉翁得魚不自飽家子酒來相呼才力嗟君更強健開門長日著潛夫

擬登嶽二首

杖策天門步紫虛盤梯歷盡見青徐峯迴樹隱龍闕谷轉花迎白鹿車掩映雲霄行日月微茫湖海散清渠彩毫正擬登臨賦玉筍誰探封禪書

仙宗靈秀鬱龍蟠自古乾坤壯魯觀絳節朝臨星闕迥碧霞神住玉峯寒琅函萬壑虛奈領御帳千松儼漢官瀕海直看天際落會稽不見見長安

贈熊子赴遼陽

飲饌灤水濱停車問遼陽嚴霜戍寒序長風鳴枯

桑真鴻倏歟舉雲路幾回謝感時歲暮欲濟河
無梁東有蓬萊閣北有華表岡滄溟共遐隔日夕
遙相望

回車自蜀道駕言復東遊蜀道誠險巖遶水非安
流棄置弗復備行藏以道謀志士齊險夷達人貴
靈修浮雲倏虧蔽白壁然須求撫劍意慷慨行哉
樹遠猷

豹突泉用趙韻贈熊子

西極崑崙事有無東泉縹緲散隨空驚翻地軸星
河轉愁吸坤靈渤海枯白日雷霆喧石竇青蒼
舊照雲湖梁園客多詞賦松雪吟懷今不孤

中秋臺詠

泉亭移桂席壇露暗香飄寒浸千山碧明懸八月
潮瑤宮臨兔窟銀女度鸞簫便欲凌虛入秋光遍
九霄

次邵端峯韻

華月今宵爭瑤臺尺五天清輝流鵲渚寒氣吐龍
淵王笛心先折朱樓人未眠陰晴家萬里蓬轉嘆
流年

北極臺

長憶西湖生遠興聊從北極望城春天邊海嶽雲
霞動水面飛瀟灑鶴馴東蒂苦遭淹歲月振衣長

嘯出風塵丹臺信美非吾上瑤草珠泉意自親

千佛寺

岱陰煙樹鎖龍宮香閣客羣翠巘重狂客遠携青
王杖高僧長住白雲峯瑤燈萬象懸虛照松喬千
巖起暮春蓮社風流吾所美宦途禪榻未從容

凌槐二絕

黃袍已化紫雲空牢落郵亭卧黑龍老幹翠裘勝
不得受恩誰比大松

斜日槐亭古道西綠陰垂地曲蟠螭掛袍試問當
年事何似陳橋擁衆時

夏日北樓陪劉西山作

高閣溪風送午涼炎天冰雪正微茫煙中遠見南
山寺天畔平開北海觴太白酒樓同壯觀長卿詞
賦有揮光瀟湘只在朱闌外慷慨悲歌雲樹蒼

次西山韻

湖邊樓影靜涵波樓上新涼山雨過當檻鵲峯煙
點黛迎風鷗渚翠翻荷杖藜忽動滄洲興擊筑遙
聞白竹歌最愛扁舟晚歸去杯陰沙畔夕陽多

赤城篇壽周侍御母

赤城遙在滄海東蓬萊香泉煙波中瑤草金光氣
鬱葱層樓貝闕何龍庭主人鶴髮蒼顏童仙錄遙
傳白兔公玉井丹砂路可通胡麻石隨行相逢重

梁春水桃花紅老人星照金銀宮玉璽錦席流長
虹吹芋擊筑聲玲瓏繡衣使者雕王驄日邊綵袖
楊春風南翔宜之雙羽鴻東方還勒虞淵功君不
見天台大嶽幾萬里白雲縹渺飛長空雲開下見
仙人宿攬纓須登日觀峯

魚臺歌

魚臺縣前秋水高洪濤拍天風怒號野外平原變
江海城中萬戶生蓬蒿岸前岸近疾如雨安得回
潮射強弩黃河噴沫亦虹霓青閭日蒼龍舞可
憐樹上棲人家忍饑父老相悲嗟漂零已分莖魚
鼈征科况復愁難蛇府帖朝來促堤築築聲樓斷
林依哭千夫蟻聚空苦辛一夜鯨翻盡傾覆我來
泊舟魚臺旁枕楫顛危魂魄揚燃燈歎息坐中夜
觸目流離增感傷豐衣美食千萬厦天寒誰庇蒼
茫野重閨日遠不得知歌罷秋風淚盈把

許東夜訪任子

携尊出城郭涉舫到林丘木愛草堂靜菴成雪夜
道林煙星散炬野水渡驚鷗任訪何年隱滄浪倚
釣釣
野館延秋色茅堂護短籬喜逢高士隱偏遇菊花
時碧碗漿流蔗銀盤膾錯絲浮踪俱渡落吾道望
鳩鵲

贈陳給事使琉球

周王錫券分重譯漢使乘槎壯遠遊翠謁白牛頂
自至碧雞金馬更何求蓬萊宮闕開三島司馬文
章記十洲玉節春明回海角皂囊心事在螭頭

宿醴泉寺

寺門煙霧曉羅障丞相祠堂松檜開地湧靈泉千
澗落僧傳香火百年來埋金事往留卅穴洗墨池
荒長碧苔夜靜孤峯明月上鐘聲偏到讀書臺

贈邵端峯陞太僕

楚甸同攀黃鶴樓齊川還共李膺舟江山文藻須
吾輩騏驎風塵誰爾求南國棠陰思去召東方鴻

諸惜歸周奏功雲錦非君事前席蒼生有國謀

壽陳太守母

東郡魚軒迎上國北堂鸞語下雲邊家聲不數金
吾貴母德真餘水藻賢淇澳棠陰浮紫氣離離桃
實上朱筵承歡莫羨潘郎賦燕喜重歌魯頌篇

伏生墓

斜日下荒塚瀟瀟溪樹陰白頭秦博士青簡漢儒
林古碣龜文細平沙鳥篆深祗餘齊魯化紋誦諸
青衿

羅漢洞

險絕陂門路悠然雲洞深潭空酒餘瀝樹石接層

陰白鹿煙霞侶丹砂歲月心鳴絃坐秋石細和水
龍吟

贈邊東阜赴南京兆次韻

紫鳳銜書下玉除青藜光照十年餘謝家簪組承
三葉班氏文章賦兩都政典尚存根本地朝廷有
道中興初鷄鳴牛首多公暇會有新詩一啓予
齊門冠蓋唱騷歌鐘阜南來紫綬多臺殿煙花思
故園樓船箭鼓愜春波趨庭忽憶山江舊夢國真
憐鬚髮皓不數趙張勲業異直看霖雨沛商阿
閉閣歌贈張敬之

黃沙紫漠鎮烏臺
朱旗蔽日米塞外風煙盡

豺虎王關魚鱗莫輕開

中官氣勢奪嫖姚御史威名山嶽攝此日北門須

冠準他年麟閣畫班超

赤羽雕騶白玉鞍紫茄吹月上陰山埋輪莫問豺

狼窟拔劍須當虎豹關

漢帝當年因白登唐皇鴨綠為親征閉關自足防

夷策聖主東征莫羅兵

千官土木消妖氣憤事酸心不可聞砥柱若非張

御史戰場重起石將軍

警吊忽報夜回驚塞上喧呼萬姓歡八駿于今消

心斷萬年基業固長安

贈陳龍山

憐君共浙水胡為客齊川貞士負耿介雲衢帶天
簪南山拾瑤草北渚採柔蓮君歌滄浪曲我吟秋
水篇歡娛意不足離別促繁絃岱陰積愁霧華滋
媚春泉臨流賦絕濟岐路多風烟睽踪恐難紹結
念懷靈筌

贈陳虞山赴浙藩

萬里旬宣周岳伯兩朝節槩漢乘騶紫微春色開
晴嶽碧海潮聲起暮空去住幾逢高士相行藏真
見古人風亦知南國多棠詠聊為東方賦渚鴻

南澗詞

南澗子產于冀北覽此燕西歷關陝南連
楚蜀東抵海岱蓋宦輟幾遍宇內乃不忘
南澗焉所至輒披圖寓思曰吾生斯業斯
歸將菟裘斯哉少石子曰夫窮探遠覽者
弘其業耽幽慕靜者求其志斯達人之謀
也已系之詞曰

繫達士兮懷四方超玄覽兮具鴻翔踰河洛兮觀
渤澥泛洞庭兮涉沅湘放瞿峽兮凌灩澦投汶泗
兮窺宮墻忽遐思兮故土信吾美兮修燕澗之石
兮齒齒澗之水兮湯湯潏雲木兮翁鬱雜衡杜兮
幽芳結五蘆兮臨碧止把吾釣兮歌滄浪引涑水

兮遠赴沂汾流兮茫洋瞻首陽兮既周道望蒲城
兮思虞唐瞻王明兮不舍霖雨兮八荒蛟龍螭
兮靈液鯢鵬舉兮雲揚渺余從兮無路迺長風兮
求望慚授簡兮振藻希嗣響兮琳琅

龍洞

石門晨晨度雙旌松徑迢迢入化城龍去何年留
洞古牛眠此地護山靈雲開寶塔芙蓉障日麗鶯
花錦繡屏隱約諸天鐘磬發暮林啼鳥不勝情

和南澗草亭韻

茅簷長日坐銷憂肉食須知為國謀歷下亭臺傳
勝事杜陵花鳥入春愁屏開錦石三峯秀風奏笙
簫萬木秋始信高情兼吏隱乾坤聊此寄襟懷

新嘉驛草亭和壁韻

小構東泉上悠然北海亭洗流飛澗白嶽霧出林
青把酒近溪月揮毫動客星少陵千古興吾爾鮮
忘形

相思行贈陳石亭

相逢日何短相思日何長君行復西顧懷舊懷我
腸憶昨瀛洲並華選君才白眉誰不羨委佩朝承
鵷鵲棲披香晚出鵷鵲殿十年漂泊風烟苦學士
奔波賤如土君探白鹿賦滕王我上黃樓吊鸚鵡
江藩賦役清且平我當君後畫一寧眼前替組爭

駒隙世上動紫歸儒生汶濟相看復相憶亦有方
城正蕭瑟雲漢長縣存日心風塵肯墮垂天翼君
不見池上駕同飛復同宿又不見陌上桑同枯復
同綠物理榮枯自有時世事如夢變棋局願君未
勿道白首長相思長相思單衣東流無盡期勸君
且盡杯中酒歸去聊吟白下詩

少石集卷之五

少石集卷之六

文類

贈萬侯視浙閩序

萬侯民望視浙閩人曰侯少而銳也克諸侯聞之
蹙然起曰有是哉亦老而諳者之克也銳之言也
者非也且夫寡更者聞於務勇為者躁於謀余惟
是懼弗祇承

天子之命一日持以告余且謀焉余曰子職兵不
聞兵家說乎朝氣銳晝氣隋暮氣歸又曰鈍兵挫
銳戒師老也夫人少則朝壯則晝老則暮氣盛衰
亦隨之故銳也者氣之精華果確不挫於物者也

去聲

下

配道義弘功業斯其用矣世俗下趨委靡相尚余

力憂銳之未蓄子以銳為非耶侯曰吾亦疾夫挫
之靡也守進銳之戒耳余曰否天賦之謂材人成
之謂能用不善則銳咎用之善則銳休存乎人焉
耳今天鏖鏖千將天下之鋒莫銳焉銜蛟龍刺犀
革排紛堅而不缺與折者煉之火淬之水磨之石
矣故君子懷負利器非致遠之難不善用之為患
且子將家英也續言力學博藝治問髮年而嚴振
戎幕既則校武以興校日克以長臨日精以究大
司馬登序漕司之役宿盡殷鑒能舉者以拙退介
人者以汚出子獨同奈何

遺無纖巨咸

當故不三年塞者通陳者飭乏者饒絕者繼由者
舒蓋開歷之智示矣今茲之命蓋效而後用也

宜若易然言子猶若是歟焉如弗勝者君子曰養
能於拙以慎出之令章於晦以厚發之善用銳無
若子者而奚聞躁之慮耶然其所以克也雖然鷹
揚之師以老為貴侯少之動以晚者吾豈樂少銳厭
老成人哉謂世無老成人久矣亦無蓄銳之士耳
故曰少負奇偉之氣則壯立剛特之操壯立剛特
之操則老著磊落之功完其銳弗喪其所謂精華
果確者二公可幾矣奚啻折衝一道者之克哉侯
廼起謝曰銳之言也者是也吾將從事焉遂書以

贈

去聲

二

琴堂新化詩序

諸暨越鉅邑也包山瀝湖地不飲潤而易湯
鬱塞習鄙朴不可禮馴黠胥豪吏漁獵其貧弱
之愈熾土不博於市不崇貨戶無恒利而好徙民
斷斷健訟相尚吏總總窺隙以舞文肅聚出沒之
徒阻山負海莫可踪跡討捕故吏茲土者六事鮮
克舉焉嘉靖甲申通山朱子禮以進士出宰暨下
車甫月餘吏民懷之期而頌聲四馳達於京師或
曰若是其邑之難也奚子禮易然彼三年而報
政始謗而後譽者將是之非逮與武庫陳子者邑

人也余問焉陳子曰吾邑令數十年來僅得子禮
子禮之政愼愼然舒也悶悶然醇也煦煦然可近
而愛也是故惠施而易洽威行而不敢犯六事叙
修靡難不克余作而嘆曰今

明天子綜核吏治出進士令邑者遍寰宇而士禮
卓魯其治矣將為四方則耶夫廣衢大途列轡而
趨驥亦群然者耳陟羊腸歷坎坳千里之足見矣
肉試而腠解大阿與凡刃同截盤匝斷犀甲百煉
之鋒出矣諸暨之難非子禮固弗克治使子禮不
遇是其能自拔於儔類以致今日之譽哉雖然陳
子諸暨巨室也今之為政者恒病於不得巨室之

心蓋施恩過則令撓而政阻持法峻則怨相
生若子禮者得其道矣不然胡陳子之心服而口
譽也孟子曰巨室之所慕一國慕之子禮用之以
治一邑其又何難耶陳子退而為巨冊繪圖為
六曰田野闢曰教化興曰賦役均曰戶口增曰訟
獄簡曰盜賊息彰子禮之績也有題焉曰琴堂新
化謂子禮今之宓氏也有詩焉諷諷乎循良之詠
朝之大夫士為子禮賦也既而持余請曰吾子昔
者之論宜序諸首余惟子禮之治書之史冊可也
余承乏史氏不能為子禮傳循吏耶而奚是之為
陳子曰紀事公也頌德私也採詩以考政據實以

成史皆不可無也且子鄞人也鄰諸暨而居將
觀其成以沾其餘也序其可已乎無以辭

送湖廣金憲汪君序

汪子汝梁之僉湖泉也朝之大寮士咸惜之因汝
梁奈何得常叙或曰汝梁剛而忤物有是役也夫
陸子曰信乎今世之陋也亦難乎為剛矣夫俗靡
而尚同習悞成媚媚成巧習巧成詐習詐成鬼
言危而激者媒謗行矯而獨者積尤骯髒特立之
士其誰與免哉曰然則汝梁將是懲乎曰否士有
貞剛而不變者矣貞剛者天地之正氣完而弗喪
浩乎至足也剛足故志毅志毅故守確守確故行
可常行可常故可變可變而不可沉毀之不能亂
其真挫之不能撓其是譬諸金然火燎而益精矣
譬諸刃然石礪而益堅矣故君子之處世患已之
不剛不患道之不能伸患剛之不足不患世之不
能容孔子曰吾未見剛者為士無貞剛也衰世適
有太剛則折之戒矣夫折不折存乎其遇豈剛之
過哉為是說者鄙夫患失之徒耳嗚呼鄙夫患失
之說行而天下之為剛者懼矣天下之為剛者懼
而貞剛之士寡矣貞剛之士寡而五者之習成矣
治斯弊極矣夫汝梁者秉志不屈抗義而行視世
之依阿澆忍若將浼焉而思以易之也不懼剛矣

今茲之後沮且益奮弗數其初將不得為貞剛之士乎哉且夫易器而操用違其長因勢而導施罔不順汝梁昔為節推以不畏強禦聞暨官司馬郎以嚴恪振戎度蓋自刑而兵得其理矣廼今握風紀專糾察復刑司也將不得理於兵乎兵亦刑也威不軌而昭文德與懲奸慝而飭邦憲剛之不可廢均焉耳况大澤之間民慄疾而俗勁悍又雄藩巨室封於梁馮陵而撓法尤未易馴服汝梁亦出其效於兵者為克強弗友之治肅清一道何有哉雖然剛之用大矣汝梁亦非一道之才行當任夫遠且重者必充其用而後已乎然則諸君無重為汝梁惜可也

送節推錢君之大名序

今年秋余同年進士出為節推者二人錢子以時得大名俞子寵之得吉安皆稱雄郡先是錢曹二闕以上諸次選進士咸憚吉安祈得大名者暨命下人為俞子戚為錢子喜問其故則曰吉安訟健政繁大名俗簡朴無深詞滯獄簿書案牘僅當吉之屬邑俞子得其難錢子得其易矣余曰失二子者豈以是為喜戚哉天下事無難易操觚危則六馬可馭存放肆不能制匹雛刑獄天下之大命關焉持之以慎猶懼不得其情況先以易心待之

耶古之論刑者多矣其切要之訓曰明慎曰欽恤曰敬明曰勿悞聖人不取易於刑也近世刑司徒執其一定之法以繩民間昧則弗察剛愎則逞威頗僻則阿私深刻則誣罔闕悞則無斷用法不同同歸於弊皆易心乘之耳國家慎重刑憲凡郡邑大獄察於部使而後議成于司寇鄉里小民苟不得伸其能自直於有司者鮮矣有司不直其能自辯於部使者又鮮矣至於議成而終抑焉者不知其幾然皆自郡邑始故節推之任尤不可易也錢子忠厚明達其接人謙實以不欺為本事無巨細縝密有條其理刑獄必知所難而不敢易大名之民將不得其理乎余考大名為古衛地子路嘗仕衛治蒲矣孔子曰蒲多壯士難治也則大名在昔亦非易治者矣獨易於公乎孔子言治蒲曰恭以敬可以攝勇寬以正可以容衆恭以潔可以親上斯又正本清源使民無訟之道也子路用之而蒲民靖錢子其將試之亦自其不敢易者始余經生也不知刑律於俞子之行也告以馭難之說亦既不為之戚余錢子之行也敢輕為喜耶廼述其不可易者書之以先行李云

送都憲張公巡撫宣府序

嘉靖甲申秋七月大同軍士告變諸邊陲戒嚴會

宣府缺撫臣先命一人未至廷議謂宜別選才
望大臣充之於是都山張公自大理少卿擢都察
院僉都御史以往方命之未下也在廷無不惴惴
懼已及公得報矍然曰四郊多壘主憂臣辱宜力
効忠此非時乎即起入拜命越宿而陛辭再宿
而就道公神閑氣定義形於色輦轂之民環道左
而觀者如堵其小人踴躍相慶曰壯哉公是行乎
吾儕恃以無恐其君子欣欣相告曰難思其奮勇
也食圖其報忠也功赴其會智也忠勇定內智以
謀之靡弗濟矣公之門人吳君汝瑩輩聞之持以
告公公曰小人之言誇而鄙君子之言侈而不規

諸君何以告我衆起而言曰昔周之仲山甫
式辟為王喉舌東方之役宣王不得已而遣之
公祇山甫之德以仰副

明天子之休命唐之郭令公身係天下安危吐蕃
回紇之變微單騎一見幾不可為願公樹令公之
望以鎮服反側之心宋之富文忠公奉使契丹事
亦危矣虜廷數語國勢賴以復振願公培文忠之
志節以張廢隆之紀公受且遜若不敢當者衆復
進曰昔公為御史按吾浙也值寧藩之亂瑞鎮陰
為應援浙民恟恟懼變公入則陳忠義以挫其志
出則練兵戎以撓其謀從容回幹不動聲色而兩

浙安堵如故公自以為視數公之業何如而謙謙
然猶若未滿公之識量不可及也今日之事固知
非公弗克我

皇念舊勲以責新圖毅然誓以付之為公之計無
亦如在吾浙而已矣抑不知今之宣府視昔之全
浙其勢為孰強鄰之寇視大憝之在蕭牆其患為
孰近可名之賊視謀未發而難動者其機為孰危
大府中丞統戎幕操節制視御史之職為孰重施
為難易之間可以卜公勲業矣然則公於數公奚
足多讓而人言之足徵也可謂其誇且侈耶公無
以應遂命余次第其言書之

送揭陽丞曹君之任序

人有恒言為令易為丞難令主一邑勢集而傳事
得自展厥施故易丞於事無不當問顧勢統於令
而位逼動輒多掣故難余曰斯韓昌黎記崔斯立
之遺說也斯立以言事左遷為丞昌黎之說蓋有
激而云不然亦該之將使優游焉習廢而無所於
業受直怠事者得藉以便其私矣可為訓哉今制
上自寺監司府下逮諸邑皆置丞以貳其長故丞
名以承長之命而佐其不及也近世居是職者往
往膠於聞見或曲意異媚懷嫌而自退漫不可否
事或挾賢智動以聲氣相尚至貽道晴呼雨之謂

斯二者皆非也同室而處長曰可幼曰不可開墻生矣同舟而濟柁人南櫓人北滅頂及矣況人民社稷之理耶曹子汝喬之除揭陽丞也僉慮其難余以是言之曹子年壯而氣銳識精而材敏遇事毅然敢為且冲冲而和也翼翼而恭也謙謙而有禮也視人若無不可與者夫以其遇事敢為之志將靡職之弗舉而肯以嫌避耶以其人無不可與之器雖非類將納之而況處其長耶長賢且材吾子若也政固不良子其承以布之長弗子若也起力弗逮子其佐以成之承無違志有善必歸諸長佐無隱能有勞必任諸已夫是以上下睦而化理

九

宣書曰同寅協恭和衷哉曹子其將克之雖然揭陽嶺南巨邑典衡者慎選以授子殆有所試矣爾余竊有為子慶者季子明德氏吾浙望士也子同郡也頃以憲臺言得失出簿茲邑揭陽之治方俟焉吾子其朝夕而咨之得所規矣政必久矣斯不負丞矣

贈南京國子博士江君序

江子仁伯與余同舉辛巳揭初釋衆喜相賀江子獨鬱鬱懷抱戚然著顏色余叩之江子曰夫士慶遭逢樂進用吾豈人殊哉吾有母垂白懼羈于仕而不得養也居數月史事起江子以才進士分采

閩錄得取道省觀再越歲事竣來京謁選余適焉伺其情察其色復如初第時叩之則復如昔之告余者余適知江子之志必朝夕乎親之側而後已也未幾除閩之充溪令江子處不寧其居食不旨上味皇皇然喪厥常度蓋視昔有加焉其友若識莫或之知也相與私臆而言曰出材于外察乎簿書則穀之弗習乎僻壤遐邇之非樂乎必居一於是矣余曰是非所以窺江子也夫江子誠為其親也仕達而養之弗逮豐祿奚食焉道阻而將之不能榮名奚啻焉茲其所以大戚也情之至也既疏請易任以圖便養

十

明天子仁孝憫其情許之以為南京國子博士江子聞命大喜居安而食旨者倏如其常眾以是德江子之果為其親而余言之不誣也曰知江子者莫子若子宜道之行余惟國學天下俊髦之所萃博士師屬也朝夕進諸生質經辯難考德問業有風化之責焉將惟其藝文佔傳之務乎周官師氏以三德教國子終以孝德知逆惡三行之教又以孝行親父母為先說者謂孝德孝則至德敏德有所依而進孝行謹則弟行友行有所立而推古之人所以重教本敦化源也而師氏寔以身率之若江子之為其親可不謂孝乎修德勵行表率群士

駸駸焉復古厚倫之化以為天下倡者必自爾雍
始江子其圖之雖然世之為其親仕者往往屈伏
下寮位不足以行其道勢不足以弘其業志士或
不屑焉未有如博士之官內之既足以便其私而
外之無廢於道業者然則江子又非直為其親仕
也亦驗諸其施焉爾矣

贈都憲東泉姚公總督兩廣序

我 國朝大臣以德望勲業震耀海內者後先相
望余於近世得三人焉王端毅之俊而偉嚴而直
劉忠宣之介而清忠勇而奮張簡肅之孚而恪沉
重而有謀皆所謂卓然自樹於時者余備職史館

卷之六

七

得三公之遺事而論其世嘗歎夫天為人
人之難也夫端毅之望起於滇南之役忠宣之
著於宣大之行簡肅之聲振於關陝之捷當是時
憲孝二廟方注意老臣挈其重且大者畀之三公
亦乘機赴會不避險難以宣効其勞於是天下仰
望風采徐而坐之廟堂表儀百寮遂成一代偉人
其視從容諷議白首臺省間者動業果孰烈耶嗚
呼世亦有負三公之畧而不得其遇與得其遇而
或負焉以至泯滅無傳者余故歎夫天為人國之
成人之難也今年夏兩廣缺總督憲臣銓曹先疏
二人以上未允既過得少司馬東泉姚公遂拜都

察院右都御史以往朝之薦紳咸為公惜曰黜居
禁闥可過淮南之謀出準天雄夷將覘我乎余曰
否天下安危之計邊防繫之矣兩廣去京師萬里
王化罕及撥蠻負險易怨以變 朝廷憂其地而
重其任總之大府假之專柄名號體統視諸鎮為
獨雄不輕授人也公之命况出於再疏而簡擢者
斯

明天子之厚遇 憲孝二聖用三臣之心也及退
而伺公之隙則志感而奮色義而壯言激烈而果
神安閑而不動又竊喜而嘆曰是三公傳也天之
所以相我公而篤其成也余之喜豈獨為公耶公

卷之六

七

自登進士官春曹郎擢臬憲兩督桂撫
崇本土子多所造就及廉貴州苗夷熾服威德其
旬宣山左值 武皇帝南巡供億倥傯民懷不獲
撫延綏以恩信至身親戰壘士卒倍奮邊
全陝賴焉為少司空理揚州厥苗嫖髮擲奸弊肅
清大同之變遂以廷薦佐本兵未幾而復有是命
則公之德望勲業蓋不俟今日著也顧位愈高則
責愈隆責愈隆則望愈重而業日大書曰罔俾阿
衡專美有商故天下期公必紹三公之業而公亦
有不容自諉者也他日名譽揭帛與之並再鴻號
於無窮者天下亦孰能為公靳乎公與家君為同

年友惟東太史又余兄選之同年與余同官嘗得接公議論至傾慕先哲固不朽計者恒拳拳不置故於公之別也不能無厚望焉情之至義之篤也迺若韓昌黎贈鄧神鎮海南始極波濤險駭以難具行終致來歸之祝以慰其私則又非余所及者公亦寧無擇於其間哉

無極縣建名宦賢祠記

曲阜郭侯名禮今無極三年政恬民熙禮文咸秩廼公暇覽乘圖閱史志慨然嘆曰無極畿輔邑也道化莫先焉吏績之循良士民之賢哲美哉遐乎彬彬然盛矣古所謂德業興輝煌以死勤事與鄉先生沒而祀於社者可謂無其人乎百世之下雖是

主

考德觀政吾蒞茲土而弗舉厥事不敢以寧居遂詣學宮陳師生進邑民之耆俊而謀之令曰茲盛舉也惟我侯克圖敢不竭力從事維時督學監察御史王公應鵬黜滌崇雅多所肇興侯傳訪集議得可正祀者自是說之而下五人為名宦甄琛而下七人為鄉賢請于公許之侯先撤文昌祠葺舊舍創社學至是鳩餘材建祠于學宮隙地以嘉靖甲申某月經始某月落成列享奠次悉侯所更定既而具書遣二庠生來請余記二生曰無極創邑百餘年是祠曠廢逮今微侯將遂泯焉願書以示

承示余曰邑有廢祀有司責也胡先侯而今者類弗知重且急哉神之顯晦存乎遇禮之舉廢存乎時侯亦逢其會矣二生曰否吾見昔之令也皇皇焉日惟進取為慮以傳令視官府以奔走期會為謀最有生之曠輿輒諉曰非吾一人之力能為而亦非一人之責也我侯直毅然當之若無足為者余曰天下事固仍易創造難故有其志才不充焉不可也有其才志不副焉不可也侯其並優焉二生曰然吾邑素凋敝自侯來百廢振飭是舉也官不費于費民不憊于力衆樂成之余曰民神之主也古人有是言矣民和而神降之福謂先成其民

南

後致力于神也侯其知道乎二生曰然邑自春不雨小民戚嗟祠方告成而大雨如注或者神之應與余曰天道遠人事近即近徵遠可以觀侯之政矣夫宣王禦旱靡神不舉周禮救荒索鬼與神彼淫虐弗祀猶足以干天和致災氛古之人必急圖焉况崇德報功為邑大祀乎廢之于百年舉之於一旦民心協而神意孚歡欣交通茲美之所以雨也而侯之精誠實意亦感乎其間矣雖然祠之創也四方之士來仕茲邑瞻拜登降政有程式以修其良將推而惠澤其邑民邑之士游歌俯仰德有將勸以底于成出而惠澤四方之民得無似茲雨

與二生再拜稽首謝曰至哉言乎斯我侯建祠之意也遂書以記

慶俞君廷器壽六十序

余少時識俞君廷器于京師廷器方盛年負穎敏善豪談世事時鏡川楊公翰林廷器游其門公令讀素問難經諸脉訣書悉能體會用輒有奇効遂以世籍除太醫院吏目詎今二十餘年余壯且及仕復來京師廷器顛毛已種種官尚如故怪而問之廷器輟然笑曰吾豈昧速化術哉第耻為巧宦耳蓋正德間政麗法弛藝術之士競以傳乞進用廷器肯一染指貴可立致顧惟循循然守其常

少集卷五

五

資無毛髮親心誠若拙焉無謀者更何以爲巧宦皆落職君獨保其舊祿無少恙嘗譬之操規而進千里可企疾趨則蹶矣揖讓而食終日不飢貪饕則噎矣仕獨不然耶廷器自入官考九載績者再僅陞俸二級而已今年又滿六載適壽屆六十又與其配施偕焉十一月二十日為廷器生辰鄉士夫屬余言以壽余惟名位祿秩天之所以錫乎人也有分焉多取則謂之盈盈則人共嫉之人之所嫉天且奪之矣歟然不足謂之虧虧則人共惜之人之所惜天且庇之矣老子曰天之道損有餘補不足又曰物或損之而益益之而損夫益之

少集卷五

五

而損者所謂天奪其盈也有餘故也損之而益者所謂天庇其虧也不足故也冥默之中劑量予奪豈毫釐爽哉夫廷器者實孚於名而不炫藝充於位而不矜資踰於祿秩而不戚于其中無求于其外斯人之所惜而天之所庇也天庇之謂福福莫先乎壽矣人之言曰富貴吾所自有所不知者壽也故富貴或可倖取于一時壽則不可求而得矣名位祿秩之不足而壽以償之天豈負吾廷器哉雖然廷器博施其術濟物多矣疾病天瘥慮不得其生而吾寔生之是與之年也吾能與人以年人亦將樂舉而歸報于我也造物者得無聽之乎茲廷器之所以壽也又遠厥配矣廷器先世為官也田郎中者三世皆以醫徵授從事郎施亦鄧巷溪舊族余文詳於廷器而畧於施者就所尊也氏叙事體也然孺人相夫之美亦因以並見云

慶翁莊邵先生受封序

今

上追隆藩典詔廷臣未歷一考者悉聽馳封於是姚江邵君元廣氏以已官封其父菊莊先生為承德郎刑部江西司主事母朱為安人既而元廣以使事南行將便道省覲司諫張君懋登輩其戚里也備余言以賀余惟世之所聞世家累族垂百餘

年簪紱不絕為海內並稱而榮焉者豈偶然哉余
受命登大麓見喬木矗立問虞人焉虞人曰茲木
植幾千餘年沃以泉壤飽以霜雪滋以雨露其根
固矣又嘗涉巨海觀潮流洞問舟人焉舟人曰
茲潮上下幾萬餘里接以河漢通以崑崙洩以尾
閭其原深矣余適嘆曰物理人事寧獨殊耶夫善
不積不足以延其澤德不厚不足以弘其福巨家
望族必有謹厚老成之士出乎其間飭勸倫修行
誼卓然以齒德高一鄉以化導其後人雖身不膺
顯仕其後人率賢且貴以繼其名褒封錫馬福履
綏焉家益昌而族益顯其種本固發源深故也

名譽表

主

之萬石氏必辭封爵稱宋之三槐氏以仁厚著
厚著古之世族固有然者若今姚江之邵其
幾乎邵自國朝以科第起家代有聞人即今
籍有為方伯為臬副為秋官為行人者未易悉數
也迺元廣復以雋才官刑曹明法比籍籍有聲
者謂菊莊先生厚積之慶不於其身於其子發之
蓋先生余之所謂謹厚之士也宜食其報邵氏之
福澤駸駸未艾大麓之木鉅海之潮當無似之乎
先生年以垂白康強無恙朝夕偕伯仲氏烏紗
杖徜徉容與於泉花竹石之間元廣歸而陳制詞
進冠服稱觴起舞為先生壽余以為會中九老樂

原缺

少石集卷之七

文類

送惠州郡守顧君序

南海南凡數郡惠以難治名夫地僻阻而易愚民
驕悍而好逞慝且逞焉激以生忿忿斯爭斯訟
訟稍不得其平則撻撻叫號殺越公行而不忌大
怨之所由起也維昔守非其良控御失所俗沿而
不可革治斯難矣今

天子政不勝慎慎嚴嚴得顧子於司寇之屬曰惟
茲稱頌定昇之人口顧子明習法比川道其長往
茂弗弗曰子曰否吾聞之伏罪以驅獸野無旋蹄

名譽表

一

張機以俟烏林無遺翼夫法使人易避而難犯豈
其為弄與機乎聖王之制政以宣慈刑以弼教仁
義之術先後異施是故簡節疎目時有所置而不
究非以崇奸也飭執密防有戾必獲而不赦非以
毒淫也明察之官忠信之長慈惠之師咸是與焉
吾未聞徒法之能濟矣顧子之為郎也昭斷以剔
冤析鑿以擿伏確守以貞度何者佐王之刑法為
先政為後茲役也有子民之責政為先法為後若
憂治之弗馴而挾其長以繩民奈何其不為獸與
禽也相率投焉耳以禽獸驅民而蒞其上其誰附
我且夫畜疑以待物者多拂情慮難以設防昔但

過思拂情則尤生過思則爭起無平政矣操不平之政以理其易然且不可而況于惠乎雖然惠亦不幸而蒙難治之名矣其習則然非民之性也天下無不可變之俗無不可與爲善之民易刀劔而牛犢化淫汚而識父子夫婦之道亦存乎人耳故曰無迎而拒民莫不與無望而畏民則無對虛心者行政之本也恕思者布法之基也此之謂仁義之施乎願子將克之信然易惠之治而返淳無訟而化理必自子夫

贈真定太守王君序

王子允升守真定三年報政銓曹以課最聞

天子嘉之命復守茲土於是刑部郎中范仲廷儀輩過余請曰昔者王子之出守也吾儕例有贈言而莫之舉今以考績來來且復去不可遂已余曰王子亦既效治矣尚俟余言贈耶范子曰贈也者增益之也真定之治王子視若敝焉憂民牧理之念耿耿不懈豈將以求益乎余惟郡邑興而畿甸之職爲重漢人置左馮翊右扶風與京兆爲三輔唐宋分近畿州郡爲四輔委任責成視諸守令獨異然古今吏治循良獨盛於漢其著績三輔者惟蕭望之黃霸爲最及考其政則望之以持法不撓霸以用法平和說者謂輩較之下先法令今法少

屈政泥不行二子者達畿輔之理也真定何服邪也昭瑞敷成之族維處閭閻怙勢驕恣以麗於法者日數輩至縱之則玩生而長慝急之則怨積而兆尤或不免於禍仕者尤以爲難王子蒞治繞三年而惠澤洽聲聞流奚若是易哉王子嘗官法曹里廣東司折錦衣諸衛微持政不阿夙爲豪貴所憚一郡之法固無是舉者法舉則禁令一禁令一則政軌齊政軌齊則強讒息小民有所恃以安大治之道也今且復蒞其地矣法日益信政日益舉治其可量耶昔夫子適衛冉有曰既庶矣又何加焉曰富之既富矣又何加焉曰教之子賤論卑父始之以小節曰小民附矣未足也斷之以中節曰中民富矣未足也終之以舉賢曰大者乃在此矣古之人不自足其政故益進於治也後世吏道日敝力怠於官成功隳於志滿至卒無所底就若王子之歛焉米足求益其治者思易今之俗而進之於古與真定之治庶必富富必教靡民不附而大者之悉舉也王子之心斯歉然矣乎後有談畿輔之治者將曰王子今之望之與霸也復古循良之風以爲天下都邑倡曰真定始余執筆史末尚幸觀其成而書之

贈司訓全君本仁赴南陵序

大江之濱澤鹵不稼開辟而播種之種穰茂然茂
生窮山墜壑草沒人跡樹之嘉木培之水上不數
年可以棟明堂扶大厦蓋六合間汪洋瀰漫不擇
地而布者天地之氣也作而成之者人之力也人
力不至雖膏田廣麓將濯濯矣况其下焉者乎甲
申春吾邑全居本仁貢上京師明年分教寧之南
陵或曰南陵僻阻山隅習鄙而朴勁而犷生徒不
百人有數年不登薦書者吾慮本仁之難於教也
余曰有是哉人材無地不生顯晦盛衰之異勢者
存乎時剛柔緩急之異俗者存乎性舉齊其政和
同其化涵養培植繫之乎師儒矣所謂天地之氣

本

中

而人之成之豈因其地哉即南畿諸郡在周秦魏
多屬異楚號稱下國衣冠文物不齒於中州者凡
幾閱代漢唐以來風氣漸開我

皇祖肇南服定爲畿輔百餘年來道化沾濡異才
輩出遂稱東南文獻之會可謂今之南畿非昔之
下國乎以是而例之一邑可知也余又聞之天地
之氣淳而未漓則積之必厚而發之也弘蓄而未
洩則觸之必暢而出之也奇南陵山川之聚也其
秀靈清淑磅礴鬱積歷數代而未有鍾於人者尚
翦然疑也其士民浸淫

聖澤刻勵靡粹而日趨於仁義禮樂者又勃然奮

也得無所謂淳而未漓蓄而未洩者乎且今天下
士習不古華而飾也幾於偽矣不患其失之鄙與
朴也頽而懦也幾於靡矣不患其失之勁與犷也
鄙朴者反朴之本敦厚厚慤慤之才出焉犷勁者自
強之資毅直果確之才出焉皆天地之正氣也本
仁往哉其慎用而善教之南陵之士將彬彬焉稱
雄諸邑發之弘而出之奇矣本仁端飭而文爲諸
生時門徒已至數十人若今侍御謝君國正番禺
令戴君時霖輩受君訓迪尤深夫道不以窮達異
用教不以廣狹異施推其淑諸鄉人者沛之一邑
何有哉鄉大夫繪圖贈君請余言書之爲序

卷之六

六

五

綿州兵備道題名記

綿州地沃而形險逼松茂疊溪諸番夷或曰居沃
則用饒憑險則守固邇夷則情狎而易防綿有三
利矣君子曰不然饒生侈固生肆狎生玩玩敵弗
備侈肆臨之夷其伺我乎綿有三憂矣綿之兵置
於成化甲申兵燹之餘以臬憲督其事若利綿保
順諸備威屬焉是故假之專勅以重柄也坐之大
府以肅令也時有閱伍歲有巡徼以防警也逮今
數十年烽埃晏然綿民恃以安堵非其利之爲能
無忘厥憂備之力也嘉靖甲申四明戴君鰲以刑
曹郎拜僉憲定來視綿甫歲餘諸廢振舉聞閩州

圖志考諸先有事茲道者自江君沂而下十四人
疏其姓字爵里時貞珉鐫之以堅堂左朝夕注觀
曰庶幾徵厥賢否以資吾理嗟乎是舉有備之道
焉夫備卒乘以強戰備城堡以利守備芻粟以給
餉備戈矛械器以耀敵無非備者惟備謀為急備
謀非自用之賢能取諸人之貴夫其取諸人也已
試而可徵者莫先焉是故往者來之軌也前者後
之鑑也遵軌以象賢則事有準昭鑒以明度則政
不忒猛也濟之寬也糾之威也振之惠也宣之智
也崇之斷也裁之能自得師矣其或優游怠荒弗
戢于其戎弗完于其民吾得而議之又惕然自省

卷之六

六

曰母使後之議我如我之議昔以重辱茲石也夙
夜殫厥謀慮靡敢不周故是舉有備之道焉然則
殄綿之憂恒保厥利其有賴于茲石也夫惡可以
無記記曰維時嘉靖某年某月某日綿州兵備按
察僉事戴君賢堅虛其左以俟後之君子云

雨中詩序

雨中詩雨中遊張氏園作也園在都城西十餘里
地稱佳勝丙戌仲夏望夏官郎查子瑞徵盧子師
陳屠子文卿李子時言余兄選之暨余六人相期
出遊維時陰雨瀟瀟途泥濘天趣起客有難
色陸子曰吾儕不能復山

君乃躍然竝起披毳執蓋聯轡出郊行數里道迷
復紆迴走北二十里日中始至至則主人列盤餐
以伺酒數行駕舟入渚沂曲流上下舉貯間山色
沉翠水光浮黛游魚飛鳥相與偃仰而棲息雅有
奇趣已復歷修圃登峻坡撫崇臺攀綠林莽衣履
盡沾徐憩一小亭中園丁折諸卉以進迺復展觴
盡醉暝而後歸是遊也吾儕偶乘公暇非有夙約
况自晨及暮雨濯濯不少停峙嘔登頓有不勝其
勞者故始至興若索然既則游目騁懷有留連不
盡之興茲雨中詩所以作與余嘗愛王右丞輞川
詩及杜工部渼陂行以為古今遊覽之什斯為絕

卷之七

七

唱然皆得之雨中者何昔人謂詩有江山助余
風雨之助尤深是故詠發乎情情會乎景景奇而
情暢情暢而詠作若或神焉以觸其機而灑落關
適之懷俊逸奇偉之思於是焉逞此其詩之所以
美而傳也然則觀雨中詩當想見古人之襟抱矣
乎詩凡若干首皆近體七言書以得詩先後為次
云

吏部尚書王恕傳

公諱恕字宗貫陝西三原人正統戊辰進士改翰
林庶吉士授大理評事歷左寺副條陳刑罰不中
六事出知揚州府屢折疑獄歲飢賑濟多所全活

楊人立石頌之天順中擢江西右布政使轉左河
南成化間陞都察院右副都御史撫治南陽諸郡
流民以內艱去會襄陽盜起詔公起復會兵勦平
轉左副都御史巡撫河南遷南京刑部左侍郎丁
外艱服闋改刑部巡視河防復改南京戶部值雲
南多事時論推公遂改左副都御史巡撫劾鎮守
中官不法事沒其部下所得金寶勲戚咸憚使人
至夫方無敢索賂居雲南九月疏二十上言皆剴
切由是直聲動天下進右都御史尋改南京都察
院叅贊留務兼督巡江又改南京兵部尚書為同
事者忌復以尚書兼左副都御史巡撫南直隸會

蘇松諸郡災傷請停織造應貢獻奏免稅糧數十

萬勅中官王敬千戶王臣科索罪敬被收臣梟首

于市中外稱快後南京叅贊時刑部員外郎林俊

經歷張徽言事下獄公力救之因請罷永昌寺役

尋加太子少保左右有嫉公者俄有 旨落太子
少保以尚書致仕 孝廟在東宮聞公名即位首
遣使召為吏部尚書加太子太保階榮祿大夫公
在吏部抑僥倖獎名節振拔淹滯人不敢干以私
有內批傳陞公輒言天下官以待天下才奈何徇
私戚妨公義公有建白多謂業已行之則曰天下
事設未當雖十易庸何傷識者以為名言公遇重

輒論不合即引疾求去每 溫詔勉留會太醫院
判劉文泰阿當道忌公者誣奏公公疏辯下文泰
獄事既白而公求去益力

上不得已允之命馳驛還鄉有司歲給祿米人夫
賜寶鏹三千貫今

上即位遣行人存問饋牢醴加祿米人夫賜勲襲
其年九十三卒計間輟朝一日贈特進光祿大夫
左柱國太師謚端毅給葬祭如例公方嚴偉特敦
歷中外四十年以身負天下之重屢抗疏陳時政
多所匡救然頗直敢先發人多嫉之終以持正免
禍論者謂 國朝宿德大臣完名始終如公者不

數人云

六

九

都察院右副都御史陳詳傳

公諱詳字瑞卿山西太原左衛人成化壬辰進士
授嘉興知縣改武進擢監察御史巡北畿郡復巡
山東剛直有威人呼為陳虎弘治間陞山東按察
司副使整飭臨清兵備有藩王就封過其境左右
求賄不得諸王擊鮮幾死竟無撓辭徐令索左右
私監以狀聞左右悉坐罪自是權貴過臨清無秋
毫犯陞按察使進南京太僕寺卿正德初陞都察
院右副都御史整飭薊州等處邊備兼巡撫順天
等府所至風采凜然公嘗以事下詔獄獄卒求公

賄公毅然曰吾犯法當爾豈賄汝且朝廷不欲死
辭任汝為之卒竟不敢凌正德四年致仕至是卒
詔給祭葬公性慙好面斥人過處患難益奮居官
守法雖權豪無少屈然處事剛愎少包荒之量人
以是惜之

禮部尚書張昇傳

昇字啓昭江西南城人成化己丑進士第一人授
翰林修撰改右春坊左贊善陞左春坊左諭德進
左庶子兼翰林侍讀以劾奏太學士劉吉擅權忤
上左遷南京工部員外郎以憂去服闋復庶子上
言時政大要汰冗濫罷齋醮停工役審奸擇賢為
應天之實又以禁奢靡重名器省供應併解編為
言多中時弊尋陞詹府少詹事兼翰林院侍讀學
士陞禮部侍郎轉尚書時崔志端以太常卿積
資至與同衙頗倨傲公宰舊惟隱忍昇待之優絕
正德二年乞休 詔加太子太保給驛還鄉至是
疾卒年七十有五計間輟朝一日贈太子太傅賜
祭葬如例昇居翰林舊志力學為詩文平實嘗主
考兩京榜首得侍郎儲璫編修陳瀾士論以為得
人自擢尚書頗不協人意望屢為言官所劾嘗奉
詔選宮女禁娼優隸卒榜書獄為吏眾開然騰謗
迺不安於位時言者有謂小吏敢罵尚書而不問

蓋此也昇原籍著餘居官雖無大建白自守亦
傍然性偏急與人寡合侍郎羅玘負時望與昇同
里間竟不相能議者以是少之

春遊紀別詩序

世多會多勝樂若陝之終南洛之龍門建康之牛
臨安之吳山皆為古今登眺遊觀之地然其地
之勝雄峙江南北都惟西山為最其崢嶸壯偉雖
不逮陝洛諸山而奇峰怪石幽泉邃壑茂林澄湖
與夫琳宮仙梵輝映金碧真天府之佳麗一方之
奇觀矣余居京數載未能一今年春二月果庵
侍御謝君將出按西廣謂茲遊不可負已酉臘辰

借李鹿巖楊後江張東沙暨余四人聯轡出平則
門行可數里清風徐來塵意灑落遂遵湖堤繞村
徑後先惟意行歌相答舉盼間樓臺鱗次出沒烟
靄若非人世所有者午至功德寺主僧汲泉淪茗
酒數進起陟 英廟行宮已迺促騎西往緣崖攀
磴穿雲霧間溪花石竹幽芳襲人徐憩玉泉登望
湖亭撫看花臺道傍諸剎不能遍歷惟聽主僧談
名耳頃至碧雲下窺巖洞松風如沸颯有奇趣復
尋絕壁得小亭泉可飛觴箕踞酣歌時日已半暝
餘興尚濃復還功德載歌載舞主僧俄出陽明紀
遊二律讀之颯颯然遂各用韻賦數首二鼓宿禪

楊群籟寂惟聞四壁山鬼聲詰朝易故道東行
經耶律楚材墓吊焉午駐一野寺飯而山且眺且
旋抵都門燈火煌然矣曾不知驅馳之勞也於是
諸君相顧而嘆曰樂哉今日之遊乎非果庵倡之
何以得此也果庵行且有日茲遊不可無紀復用
韻賦別詩若干首鄉先生不預遊者交和之又得
若干首總為一卷冠以陽明詩題曰春遊紀別屬
余序諸首余惟山水之樂其得專然上已楔
飲古亦有是晉會稽山陰道直江至今傳為盛事
故當國家宴安民物和暢百官委蛇公朝暇則朋
酒遨遊以舒其鬱而無荒于業未為不可果庵為

御史克振風紀雖處政務繁劇中襟度清曠不羈
是遊也不為孤登獨眺俾吾儕同有其樂宛然童
冠舞雩之風較諸放情逸豫遺落世事者又不侔
矣今承

天子明命以往將歷洞庭登黃鶴覽八桂之秀靈
窮萬嶺之奇勝以極其所謂大觀者樂莫甚焉誠
用是心推之剔奸弊鋤貪暴恤幽隱拯諸艱危俾
遐方亦予無怨無惡室家胥慶以上 紆宵旰之
憂則九遊豈為徒哉大樂具人視獨樂其身者誠
樂矣今日之遊有焉樂其樂觀樂其人者其樂不
益弘乎余於果庵茲行有望云

送棟塘李先生榮歸序

棟塘先生居海濱者數十年朴畧不事榮利家面
塘塘植雙棟怡愉其間先生豈所謂有以自老無
求於人者耶今年以子循義舉進士來遊京師居
數月懋戚不自仲曰吾焉適茲置辭歸哉樂吾棟
塘耳既廼以 恩詔受章服進士君擢推池州遂
奉先生以南士大夫賦詩榮之許多與棟塘者是
故暢情於幽曰茲元亮之菊也適其玩矣比德於
似曰茲和嶠之松也成其性矣祝齡於修曰茲蒙
莊氏之椿也遐不朽矣徵福於冥曰茲王祐氏之
槐也仁有後矣然而先生無預乎其間者有謂知

先生者曰子不獨聞江南花信之說乎寒絕而榮
棟為最晚先生年六十而服華於其躬梓豐於養
晚節似之余聞而笑曰是知先生之粗耳夫棟苦
木也凡物苦則人棄而不用率能自全其則取戕
焉蔗其也以蹂躪其也以粉瓜其也以割商丘之
木也之口爛嘆之狂醒其陰可庇千乘為無用也
故知無用之用其用不可窮茲莊周氏之所以支
離其德遊物外而不累者歟夫今之華裾而奔軼
勞形摧精出入於死生禍福之中幸而不為蔗與
瓜蔽者幾希而先生徜徉容與身不驚寵辱耳不
聞理亂方圖歸老棟塘之上以怡其天年夫誰得

而用且戕之茲其所以取於棟也雖然食苦而後知非其生於苦其味雋長先生今日之歸榮矣蓋苦而後甘者况節推君勤苦力學厚積而施行將沛其澤於吾民者自一郡始豈非先生之餘哉於是先生聞而嘆曰至哉言也請歸而識諸吾廬遂書以行

敬齋王翁夫婦傳

翁諱欽字克敬姓王氏別號敬齋世為九江之德化人始祖勉齋公為給事中九傳至翁代有隱德祖習陰陽堪輿家術翁得其傳于遺篇益力以精鄉人叩吉凶事歷酬答不倦有貧困不能致翁

古

者往為難盛風雨不辭時時書敬齋劉公守禮見雅重敬舉並術慮無以屈迺已翁于汝賓方登齒而警敏公一見奇之曰斯兒必顯厥宗吾何庸于此翁遂令汝賓就學恒以無負劉公為勉翁性愿慈接人以誠無事輒焚香誦道德佛經曰吾取其清虛玄淡可資身心非以徼福也翁喪父竭力事母撫諸幼弟成立而婚之有司屢欲禮翁於賓筵堅辭不起嘉靖辛巳改元應詔拜冠服時衣衾已成進士矣翁配鄭氏仁慧而貞肅治家秩然有條奉先禮賓尤致敬絜翁養其母也鄭為備膳隨奉湯藥朝夕匪懈翁撫諸弟也鄭為均處康

無升粟寸帛私汝賓之就學也翁督責于外鄭檢防于內至客伺出入察交游賢否見喜怒色為勸懲少弗順撻之流血汝賓竊自念曰母之訓我也甚于父之嚴也是學克底成翁與鄭雍睦以居終其身愉愉然翁嘗疾篤鄭割股祈代絕殺七日果獲感于午三月鄭染風痺翁逾求醫坐喪厥常度甲申二月癸丑鄭卒翁哀感成脾疾越一月丙戌亦卒時汝賓以行人使湖藩適抵家先後奉衾槨侍二親以終翁助行人水訣曰兩喪相繼得吾兒百無餘憾嗚呼是豈偶然哉翁生天順己卯十一月十七日卒年六十有六鄭生天順丙子九月八日卒年六十有九子男二長行人次汝臣郡庠生女三俱適名家孫男二長師韓邑庠生次師范孫女三曾孫男一師韓所出云論曰古稱夫愛婦內助婦愛夫則家曰父相愛也夫婦之際可以觀德豈直情愛之篤哉君子不以欲勝理不以恩掩義正內外之位守健順之常明唱隨之節同心一德家之所以和而肥也若翁與鄭其庶幾乎方翁之疾篤鄭欲以身代及鄭沒而翁以哀死繼之其篤愛有如此者世猶可幾焉嗚呼若翁所孝敬鄭亦孝且敬之協和輔比敦修倫理以其成令德保厥家曰厥嗣世復有幾人乎卒至其生也偕老其沒

也。同聲且先後不旬餘日而並極以舉合聲以並
有期而然者豈非同德之感哉鄉士夫作僭老
光緒補張甚悉余姑提其要者合而傳之

送經歷鄭君南還序

此土俗勁而民悍恒玩視南人謂非爾治治之者
亦苦於難馴密雲通廣巢穴居民半甲士少失馭
變生巨測又北治之難難者鄭子之經衛事也密
雲之士卒懷且畏之曰南人固若斯乎鄭子氣果
感而辨捷有膽略方逆彬竊柄時戎馬四馳畿內
騷然州邑甚多望風奔竄當道舉捕邑治雖倥傯
如暇事能立辨彬等執控之張目響應種種有條

卷之三

不

六

竟真能屈當是時權豪貴顯極形和熾鮮不駭愕
失措而鄭子以一髮當千鈞下無少畏憚意亦壯
哉即是古之雖界以繁劇有司靡不克勝經衛安
能展其驥足耶今年夏六月解職南還鄉大夫知
君者咸嘆惜曰鄭子年纔強仕不當去就其材識
可任事不當去按部使者昂慨得獎譽不當去然
則其去也必有以中之者於鄭子何尤鄭子先鞅
鞅不樂至是忻然大慰曰吾志業幸而不辱公論
吾歸而重諸縉紳先生之嘆息復何憾陸子者鄭
子之戚也于其別崇酒殺以薦焉且告之曰子知
所以去乎盈虧者天地之數也進退者陰陽之運

也。屈伸顯晦皆物理人事之常也故知盈之必虧
可以藏其用知進之必退可以從其幾知伸之必
屈顯之必晦可以順其時而不忒故曰君子尚消
息盈虛天行也斯其仕而出也無所慕以為得也
仕而歸也無所戚以為失也蓋上自公卿百執事
下逮有司胥吏無不然者數也運也理之常也吾
其聽之而已矣不然落莫之悲窮途之哭無所于
歸之嘆庸乎不至於此也涕泗離離眷戀而不忍去
此其於遠人高士何如耶大鄭子者浩然往也將
無所戚矣鄭子家鄉之懷村環山為廬有泉花石
竹之富謀農為業有烟霞風月之樂今茲之歸

卷之三

不

七

時情有感登山適野抱琴引觴放歌自娛陶陶然
夢身世而游天地也寧復知有廊廟軒冕之貴且
重哉而傾以為戚耶於是鄭子起而引滿自酌陸
子復為之歌曰駕秋鴻兮翔翔濯塵纓兮滄浪世
不用兮歸藏又曰山青青兮多木雨冥冥兮空谷
結吾廬兮幽獨又曰登絕壁兮披朝雲俯清澗兮
製幽芬獨惆悵兮思君祖帳撤書以贈行

西野記

余嘗道江淮而北淮之民謫連飢苦扶携而走者
踵于途問之則曰洪流浸天歲時不熟盜斥于境
毒我生業又地衝南北舟車絡繹有司驅民于後

窮日夜竭老稚而莫之恤民是以疲余蓋惻然悲焉既抵邳見飛甍巨棟繚垣數重屹若江涯者曰彼獨非淮民耶奚而衆無嫉且戕也有走告余者曰茲我周君德深氏居也德深富而不有積而能散往歲公帑告匱小民嗷嗷待哺有司計無所出德深捐其家貲數千濟之百脩幸而不飽魚腹棄塗膏以有今日德深惠也余喟然嘆曰今非漢之時乎奚而輸粟助邊之衆復見也然而式有圖矣德深不沽時譽不求榮達視民之不聊其生若已推之而思與同焉其過古人遠哉士大夫往往以是推重德深高其義也德深別號西野嘗曰吾志在西野爾吾將離塵俗遊曠蕩與莊生所謂廣漠無所有者並馳斯亦足以寄吾樂矣余曰德深之樂非私其身之能樂也同乎人之樂也大擁萬乘之尊不恤其國之民而能樂其臺池鳥獸者鮮矣况富千金之產不恤其里之民而能樂其園林居室哉今淮之民惟德深焉依食其惠而生者不知其幾德深雖華居而處豐服食美聲樂極其自奉淮民非惟無嫉且戕戕走相慶曰惟我周君怕愉無恙以享其樂惟天降祥我周君長保其有以慰吾小民之私斯德深之所以爲樂也余聞活千人者其子孫必封淮民之所以祈報于君與君之人

所以自樂者或是在是哉易曰同人于野亨說者謂曠遠無私有亨道矣夫無私其斯能同乎夫亨其斯能樂乎孔子彖傳終之曰乾行也夫乾陽也陽健也陽上義陰上利主義則利微矣用健則私決矣夫然後可以語大同爲于野乎西野子將進于是者也余知其樂之未涯也遂書記之

送萬安承劉君之任序

奉川劉君伯通之除萬安丞也或慮焉曰邑頑而徒訟如之何治之伯通以告余曰奉川亦號難治子以爲信然乎伯通曰亦談治者過焉耳余曰江浙治亦畧相似安知人稱萬安非過耶今天下郡邑不幸而蒙頑訟之名士大夫望而畏之至則嚴綜核密禁約以頑訟繩其民民亦頑訟自待上下積忌競起而爲僞卒至小民不堪而吏亦不免遂稱難治噫豈誠治之難哉夫民心無不好善惡惡樂治懼亂其姦僞健訟者非其性也習使之然也天下無不可變之習亦存乎其人爾楊子雲曰馭得其道狙詐咸作使馭失其道狙詐咸作敵斯名言也馭之道有三德爲上法次之術斯下矣是故立誠以感物主信以一民敷禮與義以更俗奸僞猶未息也然後刑辟以威之制法以驅之而民不敢犯術非所用也昔者李路之仕蒲龔遂之治潞

海張忠定之化蜀皆用是道矣况佐理一邑耶伯通愿而慙卦而不華近乎誠矣口呐呐如不出親恂恂而謹近乎信矣力學績文聲譽不俟有禮與義矣頃斯以往雖蠻貊可行文獻如萬安治之易易也伯通尊翁嘗分教吉水萬安寔隣邑民性上俗之宜官司政理之方涉歷於耳目講談於家庭者素矣駕輕車而就熟路予尚何慮哉雖然予職丞也余言令事也為一邑言也令行而丞佐之丞於邑事有不當問者乎顧為之有道焉勞必任諸已毋嫌位逼而隱其能善必歸諸長母恃已賢而侵其柄斯不負丞矣今之令萬安者余同年周君

伯賜也弘博達敏代理宜矣予其得所資哉願陳余言以往當質諸宗賜而行之

孫君成齋墓誌銘

吾邑廖翁先生成化間發解浙闈仕宜興教諭廖翁早世遺成齋有賴資成齋甫髫歲能讀父書長益刻勵業幾就以疾廢攻醫其窮搜方脉用舉子觀理法故不數年超悟而深詣授劑輒見奇効余素喜多疾恒賴之家人咸利其施正德末成齋遊京師朝縉紳爭相延致門無停轍遂以一旅起家時權貴有德成齋者惟所祈可得成齋避弗少涉嘉靖改元年革幸進諸藝士院署一空詔選名

醫入供事科道交薦成齋既試春官果優選乃膺冠袂分醫師之治未幾戎興并肅諸醫競同從幕以邀近功獨成齋為大司馬所知欲薦之行則力以母老辭士大夫由是益雅重之成齋氣骨俊秀美鬚髯奮身雖以醫術而志不忘儒故言論舉止儼有儒度至清修慎立耻謁倖門又儒所難者夢菊之澤豈泯哉夢菊厚積而薄施吾意天必於成齋發之成齋所自期樹遠且大也年四十四而卒位不克其藝業不盡其能亦足悲夫成齋姓孫氏諱叔字德常以成扁齋自勗遂號云世家于鄞曾祖叔倫仕長樂令祖辟終郡庠生父鑰即夢菊先

生母章氏配黃氏子男二長材次棟女一秀適屠

大綱成齋以壬順壬午十二月二十八日生嘉靖

乙酉三月二十二日卒材等扶櫬南遷將以某日

某日葬于其山之原涕泣捧狀乞銘余與孫有嫌

且生食成齋之德烏死可以不銘銘曰賢也夢菊

振清修兮芳躅業也岐黃潤儒波兮耿光祿也群

士悼勲名兮中止銘也史官勒貞珉兮永存

送鄧君德邵署教武進序

丙戌春鄧子德邵試春官不偶乞就教郡邑庠有為謀者曰德邵力齒壯銳不宜就贍學而工文才可遠奮不宜就師儒職號閒散志業無所于見不

宜就鄧子輟然笑曰吾謀豈不逮是顧吾母垂白矣古者不以三公易一日養况能以數事之養俟一第乎陸子者鄧子同年友也持以訪焉陸子曰吾子往哉無惑于人言吾為子籌之熟矣夫今之制為親而屈者聽情也處之師儒不責以民社分也儉其祿而亦不賈其養義也六年而復上之春官與群秀並論而拔其賢又盛典也是故體其情也明有親也崇其分也明有尊也義之周也欲其稱也典之舉也懼有遺也則是其始之就之也若不獲已寔足以便其私而其終也階之奮焉又得伸其抱此近世豪傑有志之士所以樂趨是途而未有以為不宜者豈非與世俗之見殊哉鄧子曰諾吾計且決矣遂領常之武進教諭先是鄧子處京邸日懷念其母鬱成著顏色既捧檄乃展然蓋既沾祿以養而武進又密邇其鄉板輿可數日至鄧子固為其親喜也濱行同年仕京朝者數十人令餞之陸子次當作序廼起而言曰古之教者務本今之教者溺於末矣古之教者尚實今之教者近於名矣夫佔俾文心榮利奪志浮靡喪真雖嚴條約督課試飾焉已爾嘗觀師氏之三德終以孝德知逆惡三行之教又以孝行親父母為先說者謂孝德孚則至德敏德有所依而進孝行謹則弟

行友行有所立而推古人重本與實或是之謂與傳曰先之博愛而民莫遺其親陳之德義而民興行先之敬讓而民不爭導之禮樂而民和睦示之好惡而民知禁皆自孝始矣今鄧子為親而仕無擇於其官得之未得至形諸欣戚可不謂孝乎其於武進也當知所以務本尚實復古厚倫之化而與是諸士時見彬彬然真才輩出矣然則鄧子之仕豈特為其親者耶諸君咸起謝曰善言鄧子無如子者遂書以行

少石集卷之八

文類

慶方伯李心齋先生七十序

心齋先生以貴州方伯致政家居者六年為嘉靖丁亥於是先生春秋七十三月三日其初度也鄉士大夫預謀以慶者先生聞而力辭不獲則扁舟散服出避村塢間曰吾豈為生日樂哉陰予曰生不為樂古也喜不致慶非情也夫喜之大者莫壽若天保之誄麥丘之祝古亦有之矣然則諸大夫所以為先生慶是惟在是廼若先生今日所與其圖樂事者又非諸大夫不可奚其能避之也先生

少石集卷之八

一

與家君同癸丑進士而少一歲往臘家君壽先生生偕諸大夫為文以賀茲舉也寔次及之故諸大夫不敢以先生之避而遂已命余作壽序昔余家食時嘗謁先生于第先生抵掌談理道低昂人物勤奉接引無倦色其歷工兵部署外轉藩臬踰三巴越五嶺周流大江吳楚間所至文章政事蔚有聲望蓋先生始以經學舉禮闈李文正公器重之先生亦朝夕淬礪期自樹立故厥歷中外二十年雖其古心直道與物多忤而名位日益以起先生于時視天下之事無不可為天下之人無不可與者及其歸也杜門掩跡謝絕賓客雖郡邑長按部

使不能以易致余歸數月足三及門而守者辭曰于是知先生不復顧人間事矣故先生之行人或病其簡僻疎蕩不適于時而余獨有以諒其心蓋余嘗得心齋稿讀之見其沉厚而和平冲遠而曠達脩然若道運乎八紘九垓之外略不以升沉寵辱繫懷然後知先生之志誠有見乎其大即江湖廊廟之憂有不遑恤而况與塵驅物役瑣屑爭較得先不亦勞且拙哉今夫神龍沖澤覃被天下翬之則九淵之宅莫可沮洳高岡鳳鳴人爭快覩翔之則千仞之表賢德者莫從焉故動息者物之化也顯晦者時之用也體化者神運而不窮善藏用者氣完而不挫神運不窮精之所以弗竭也氣完不挫形之所以弗勞也此之謂長生之道矣由先生出處之跡與其守身御物之法觀之蓋深達乎是道者宜其貌澤而體康聰明矍鑠無少衰態壽厥有徵哉雖然壽而弗榮榮而弗樂猶弗壽焉耳先生仕至三品書繡還鄉有其榮矣自今偕諸大夫結社林泉歲時燕集遊歌登眺寄傲雲物以追鏡湖剡川之逸韻傲香山洛下之高踪俾人望之若閬風玄圃之仙不可得而攀附此真天壤間至樂也而先生之所以自益其天年者或亦不能舍是矣先生聞余言而莞爾曰子非以生為樂

殆以樂為生邪吾其返諸遂鼓棹入城延諸大夫
登堂展儀恭劄飲竟日而罷云

贈劉侯容甫考績序

劉侯容甫今吾鄉三年二政成將奏績于朝值
歲飢發賑按部使諸非侯不可留竣事以行侯迺
單馬傳謀蘄寧寧夜稽顙闕門冊會倉儲生香
象漁獵審戶田上下以平蠲施民廼渥沾侯之績
彰矣於是侯當道輶諸大夫榮其行咸走實隄
隄崇醴般出祖門門曰劉侯茲去當被寵褻而膺
顯陞鉅闥司之署必以侯乎而道旁小民獨咨
嗟鬱悵若欲尼侯之行者曰侯令我去我無能忘

名集

六

三

一

侯也侯亦戚然若不能舍余時亦在祖作而書曰
斯不足以徵侯之政哉夫政成而可紀曰功深長
而可思曰德功播士議德入民心凡諸大夫之榮
其行也嘉其功也小民之欲尼其行也懷其德也
是故徵侯之政夫侯北產也其始來蒞吾邑或
慮其土俗民性之弗狎也侯既至則其政醇而格
和而輯詳而核晰而不苛敏而能持有感而可近
座于南而習其理者弗逮焉故上下交誦之雖然
懷德情也欲私侯于一邑也嘉功義也欲公侯于
天下也侯志在天下能為一邑眷戀留邪余廼執
盞而進曰今

天子仁聖憫災布德寤寐循良切矣賑飢康民之
績行當首為明庭奏之斯非最課也與夫侯之政
六事具舉博大纖悉更僕有未易數而余獨拳拳
云者考易千難所以彈其智例常千變所以盡其
才故雖不崇月之施而其撫字緩急經綸區畫於
三年之久者槩可推矣夫賢沒黯者必曰矯河內
之業備趙抃者必曰拯越州之飢須當弼者必曰
回青民之流徙數公名望德業炳耀當世寔甚于
茲要不可以一時弭變之圖而易之也劉侯往哉
嚮用未艾他日當天下之難應天下之變以恢弘
其作用而遠大其勛猷罔俾數公專美前聞者余
行

壽萱圖序

木

四

壽萱圖壽母也母為誰史氏而嬪于陳為陳母也
應龍禹文氏其子也廼嘉靖戊子陳母年六十矣
正月七日其初度辰也七日者人口也人曰主膳
人故里巷競為金勝以相遺法瑞圖像王母俗之
沿也而繪圖壽母適符其會矣然則圖孰為之哉
父之友人暨其門弟子推禹文所愛敬者愛敬之
以篤通家之誼伸祝頌之私也凡圖以示象象以
明意意以表德故有德則圖史也人信之傳之

德則文焉耳母氏之德不踰閭閻家之人咸頌之
鮮矣宗之堂歲頌之又鮮矣姻婭而處者外內照
聞言僅可一二數而況其子之交游相與而後愛
祝者無少長無疎戚無或敗後先非其義義慈純
穩聞而誠服何能及此陳母信賢矣哉是圖足徵
夫且吾聞之堂宜男草也曰合歡一曰忘憂詩
云焉得諶草言何之昔昔其堂也故後世遂以萱
喻母而祝壽者恒稱焉矣是則瑞也其為幻妄而
不經蟠桃海鶴頭屑而堪鄙也吾儒所道哉雖然
且男非直孕祥也有子而賢是之謂宜夫陳母者
以禹文為之子瞻摩上文馳與廟校如青萍結綠

保餘堂記

大江之游崇垣飛棟雲連而星布者屠氏居也有

堂聿新丹碧焜耀豁然而弘敞開然而幽靚也大
舶危帆瞬息千里往來而不絕奇嵐怪厓晦明變
化於煙波杳渺之間一寓目可盡堂中之勝觀也
迺若衣冠萃止禮度紆徐長者先幼者後尊者坐
卑者侍屠氏之子姓有事于斯堂也就筆錯陳絃
管交沸歌以淋漓歌以激烈堂中之譙集嬉然而
歡也冠蓋騁輿之盛僅僅僅之稠出城闔而競
渡者邑之士大夫來慶斯堂之落成也堂之主人
為誰石菴公之仲子壽卿氏也壽卿扁其堂曰保
餘蓋曰先世之餘子孫保之期弗墜也凡人之為
其子孫惟所餘則遺焉遺有餘不盡之祿以取貴
遺有餘不盡之貲以致豐然或有易世而繼繼者
厥德不培澤易竭也易曰積善之家必有余慶豈
貴與祿之謂乎夫屠氏卜居勝土幾百餘年秀靈
奇淑之氣磅礴鬱積鍾之乎人是故多賢而且貴
為冢宰為侍御為尚書即列京朝而典郡牧者後
先輝映也迺石菴公雖詘于位而豐于德以致諸
子競爽仕者樹勛望居者篤行誼而壽卿尤勤儉
起家以勑斯堂也將日登游歌眺於其中以樂其
勝而食其休善克保厥餘哉且夫日月不斬于餘
光是故能久照江海不竭于餘波是故能長流屠
氏將來之慶日月之方升江海之方至也保餘固

非所云余獨慕名堂者無復張後大之意而寓夫
揚厲深長之思為可歲也故記其說以為世其家
者告

贈南陽子序

南陽子存叔生而穎異九歲學古詩文長益淹貫
正為舉子年二十二父白菴先生誨之曰儒而
不用文學哉道為弟子員遂命偕余輩二三友聚
盟講學凡再歷寒暑不輟於是存叔之宅心制行
有衆所不及知而余獨知之者存叔亦曰子吾之
鮑叔存叔性狷介而少容喜怒輒見顏面于是
寡諧于俗余固病其處世之難矣已卯發省解余

卷八

不

十

獲同榜計偕北上赴春官試抵雲陽道中忽賦詩
東返有驅馬歸東山白雲足怡怡之句蓋浩然有
終焉之志矣嘉靖更始白菴先生後促之行癸未
舉進士拜秋官調儀部余時亦官京朝存叔每過
必語口任官非吾願也從親志耳未幾與氏父子
以諍禮伏

闕得罪白菴先生既遠咸存叔力請而南為天曹
郎上疏乞休為時例所格丁亥春考績歸疏再上
不報館京察為流言所傷左遷通州倅嗟乎以曹
氏之忠亮有叔之學之才而養之深粹出之和平
而遠不若士俗惜其於所謂狷介之私未能盡克

卷八

不

十

以至積尤于人而自中其身願存叔于內省何愧
哉余時造告省歸見存叔無少愠色慨語人口舌
不復對吏民矣必乞歸以畢初志則又喟然歎曰
綴縈一女流耳能贖父罪而吾不能以身成歸吾
父將父氏弗逮耶遂連馳二疏欲上值
天威方赫非劄請者往往觸禍在朝鄉縉紳力沮
不可於是存叔復為淮海之行蓋遂巡曲就以圖
後舉而余實為贊之也或曰存叔抱立誓之志子
知之素矣乃不能成其志而後勸之非意之就邪
余應之曰風雲雨露無非教以名位爵祿予之奪
之升之沈之有升有沈故順天者冒逆天者殃懷
憤以罪時不可謂之仁務激以叢咎不可謂之
且大馬或奔蹏而致千里士有負俗之累而致
名動心忍性增益不能又聖賢所不免也三輔之
試將階之奮乎故凡為存叔謀而勸之止者其論
似高而近于詭勸之就者其論似卑而近于忠余
知存叔者也故不以詭而以忠乃若存叔之所自
許與為其親而不可已者行當自圖之豈吾友入
所預謀哉

贈鄭子南金守宿州序

進士鄭子南金之守宿州也有為憮然不懌者陸
子聞而異之大夫階五品牧方州士一蹴而至是

亦榮矣奚為乎不擇哉鄭子夙有嘉聞甲第居衆
先僉擬必得京朝官茲出補外是為缺望與然非
所以窺鄭子也鄭子之出於閭閻所舉上余觀其文雄
渾渾博博論議皆有遠志其於復讐明達有過俗
不辟之志既領職歸家以崇卑內外介顏色
且冲冲焉懼弗舉舉者以知鄭子之不易窺
也嘗考之科目興而進士之出闕漢射策申科始
得為郎唐進士高第僅補將尉宋之設魁纔為僉
判其大節推乎簡而已我朝始中其選非京朝
官即得州牧視州尉永鎮孰為高下漢郎官出宰
百里又不足倫也唐是官者當知國家待士之

厚矣宿州隸鳳陽郡我

聖祖肇造區夏維茲實為根本之地蓋周之岐
漢之豐沛也牧其地者當知朝廷寄責之重矣

皇上奮自潛邸習見民隱深惟守令不得其人是
慮故近時進士外補者獨倍其昔得非慨循良之
日敵將更張振飾以助維新之治乎際斯會者當

聖明求治之勤夫大待厚則報圖其隆貴重則業
思其盡求治勤則志于用者得展其蘊鄭子其慎
往哉余又聞宿州軍衛雜治中士半居民文武勢

相頡頏政稍不平則閭閻然起治者恒有掣肘之
患余竊以為天下之事惟公惟中自能服人心而
馴強梗吾未莊其地而先橫大操切柄馭之意敵
將安所不至故文與武皆求底於治也軍與民皆
斥之亦子也同欲其出於一者是謂大公理之
欲其均於化者是謂大中公無私無私則下無訕
議大中無偏無偏則下無尤心雖猶之邦行之矣
奚有於宿也雖然以鄭子之才誠其施必有大過
人者嗣是揚聲休以來旌擢京朝之選宜終舍子
哉余故為叙之以慰或者之不憚以禪鄭子之行

蓮潭周翁挽詩序

嘉靖丙戌夏奉川蓮潭周翁以疾卒于家維時仲
嗣中書舍人璉邦器氏繫官京朝計至哀毀幾不
自存余往弔焉則泣且語曰吾父積學期奮鉛槧
不輟者三十年而隱淪以終其志之弗克少可
哀也暨璉拜官直禁掖謂馳封之典可刻日俟
而竟亦弗遂其身之弗沾一命可哀也疾焉不能
侍湯藥沒焉不能親棺衾其訣千里永懷終天茲
其可哀獨甚焉余傷其言泣然涕下越旬而再見
邦器泣語如初徐出巨冊示余皆朝之大夫挽
蓮潭翁作也揄揚悼歎或懷或慨各極情態要之

無非即翁所可哀者聲之乎詩而翁之潛德茂聲
與其宅心制行之善居家御物之方可述而傳者
繫之矣邦器之哀茲其或少釋耶且吾聞古者無
挽歌然為死而哀人之情也古之為死者始則升
屋以號終則執紼而謳冀其或反也斯挽之溫觸
與難歌之可也故不獨人子之哀其親為人子之
親哀者亦然此無他子之為其親哀仁也愛之至
也為人之親哀義也厚之至也皆不可已之情矣
然世固有其久無可哀而哀之者是無疾而呻吟
茹葷而索淚雖謂之不清亦宜迺若翁之可哀夫
誰其痛心而況諸士大夫論交邦器誼篤而情孚

卷之六

六

七

哀其能自已哉嗟乎王公貴人死則人祝死則人
初其分固然鄉黨常布之士非其行誼修諸已而
聲光動乎人雖其可哀孰為哀之是故其生也榮
其死也不哀謂之大戚其生也雖不榮其死也哀
死無憾矣翁之謂也且翁志雖弗克售子克續之
身雖弗及榮子克顯之則固不必流連涕泣執手
為牖下之訣而翁且瞑目九泉矣余懼讀是詩者
哀而或傷故為敘其所可哀而繼之以其所可忘
哀者斯亦挽之意與

明故文林郎湖廣道監察御史孫公墓誌銘
公諱漳字希學姓孫氏其先河朔人宋季有諱仲

者南遊至鄞遂家焉世有顯聞高祖元蒙以學行
應辟主清忠書院會祖尚珍祖其皆隱居成化間
有諱紘者舉進士拜官御史以劾權貴謫判廣德
州公之從伯父也考諱鐸以公貴封監察御史母
張氏贈孺人公生而穎敏甫髫髻日誦千餘言雖
綜錯名數詰屈不可句讀一覽輒記不忘屬對賓
客捷有奇思長遂肆力于學以監察君久客濠泗
家既落學日益奮踵門而游者雲集亦多所成立
弘治戊午領鄉薦當魁明年試春官中乙第例當
署教事或勸沮之公竟以親屈就教崇邑將之任
遭張孺人之喪哀毀幾不自存凡喪具皆已出不

卷之六

六

七

以累諸弟迎監察君歸養極其孝敬服闋改授南
陵南陵僻阻山隅士寡問學公至則教範一新士
心翕然正德既元
孝廟史事起分采天下實錄寧國華守建以公博
學屬纂成之庚午典山東文衡輒論服其精當辛
未舉進士試政秋官遂究心法家雖曹長號素練
者莫能窮詰蓋公天分極高所學即過人類多若
此壬申拜南昌令以省蒞政冗又值桃源東鄉華
林諸賊並熾邑幾不支公下車不數月整頓諸廢
井井有條至其廉靜勤恪為民節縮於三年之間
者惠澤尤深按部使連章薦之乙亥擢湖廣道監

察御史適

武皇帝西巡旋蹕被章服銀牌之賜尋奉 勅詣
戎陝西復按直隸河間諸郡凡畿輔多習武
政或撓沮公悉裁以法亦不至矯亢宸濠之變
重為親征所過供費有出公與巡撫伍公符協謀
區區民恃不擾復得舊帷幄朗朗奏對無少端
上為動容凱旋復以勞被賞賚庫辰奔歸察君復
突未起復出按山東暨竣事還京余走謁邸舍見
公羸弱如不勝衣大厚常度為驚惟之蓋公之在
山東也值歲饑盜股有汾倖隱窮日夜不少停積
勞內傷次公屢疏乞養不許仍命制京畿悉勞憊

卷之六

五

益深復得命按廣西力疾而南抵家月餘卒公性
溫厚與人樂易犯者不較居官二十年清約如一
日遇事喜為所歷多繁難精勤匪懈卒以勞瘁其
躬傷哉易黃之日命諸子曰汝輩孝養母氏以勤
儉保家吾死殯葬從宜毋作佛事且曰吾官至侍
御歲踰下壽死後何憾第報忠未竭有負 國恩
耳公生于成化丁亥七月二十一日卒于嘉靖丙
戌二月一日享年六十配周氏封孺人子男二長
積娶李氏邑博常之孫女次槐娶蕭氏戶侯孟姚
之女女一適國子學錄姜瑞子德恕早逝孫男二
觀一觀二女一皆幼穉將以公卒之明年十二月

天俯不忤于人言達性者知之知之斯好之好之
斯樂之矣或曰子之親顧庸乎時伯仲氏弗替替
級樂殆有其焉曰是里巷鄙夫之談也天下有可
樂者富貴利達足以榮其身而弗能易其志性定
故耳性定則內慕專內慕專則外物于我何有故
得其樂王天下不與其樂有天下不足以解
憂而況其餘耶叔世此義弗明迺有捧檄動顏絕
裾斷愛侈連壁之美誇列戟之榮者亦汨于物矣
雖幸俱存無故其弊也必至于相夷相猶自貽咨
戚有不能一朝居者樂何可得也余于是知樂在
我不在物在內不在外油然生勃然起陶然自怡

卷之六

五

莫知其然耳其情性之至乎故曰樂則樂矣
惡可已惡可已則不知足之蹈之舞之是
編者當有味于斯言矣

贈包君仁夫判無為州序

無為古巢伯地也秦人始邑之隋人鎮之宋人軍
之元總為路既則定為州矣我

皇祖創基南服遂入畿輔稱上郡焉包子仁夫領
判無為問政于陸子陸子曰夫弗易乎其舊邪之
理乎猶之畝田而種也無弗穫矣包子曰異子吾
聞也木父則蠹生器久則垢積國舊則民玩且
玩也故法滯敝也故政銜飭滯舉愆理孰難乎陸

子曰否王者之治不易民有道之政必先通無為
逼于都治聖澤莫先焉固本之朝培而暢茂器
之時滌而潔新者與吾子無難視之且秦人之邑
也以慮始謀弗備也隋人之鎮也以偏安澤弗宣
也宋人之軍也以攘禦威輕而惠襲也元人之州
也夷之汚也政之紛也今之治則承平百餘年治
久故慮詳慮詳故法精法精故化洽是故談無為
之治者曰入其疆土無與萊室無懸來地有常利
矣視其民好儉而有文敦行而先禮里有善俗矣
更畏于軌執事儆于在位官有常度美地有常利
則民不匱里有善俗則教不惑官有常度則上下

卷之六

七

七

相信而可守詩曰周雖舊邦其命維新
基也且吾子湖之故家也世美弗替廢
舊邦宜殊哉觀于身可以示準觀于倫可以立政
觀于族可以取衆及遠亦歸而求之而已矣包子
曰子之言誠達于治也顧余之專職則判耳陸子
曰夫判也者斷也分也平其政而施之職之良也
今有司之政失其平者多矣休戚則中情崇勢則
外撓徇好惡則理偏三者皆廢守也廢守斯亂政
矣故善政治者以我剖物不以物役我是之謂能
斷以理辯事不以事眩理是之謂能分斷欲其如
雷霆之下擊也力不反也分欲其如鐃刀之解紛

也節不亂也故斷者公也剛也分者理也明也公
以存之剛以執之理以裁之明以照之天下之政
可平也而奚有於判哉於是包子作而謝曰敬聞
命矣吾於是達舊邦之理矣

東巢雜著序

東巢子與余論之稽典上下今古千餘年慨然傷
俗學之多岐曰曹魏澤能今之弊斯極矣蓋自科
目之途闊而直才病詞章之習成而實學荒其來
豈一日哉東巢子閉戶讀書寒暑不輟者數十年
自典文下逮諸子百籍窮搜力索旁及陰陽星律
皆能舉其說與人辨析疊疊無倦色人曰東巢子

卷之六

七

七

博于古之學矣雖然將無適乎今之用與夫儒者
學古凡以探物情而識時要是故閣成敗則審利
害之幾泝沿革則知興廢之故辨忠佞則明理亂
之原三才之變化六合之政理咸是基焉若徒務
博洽其聞見斧藻其詞說問之以世故休戚茫然
不知所對可謂之儒哉余于是知東巢子之學非
徒事博古而其卓然自信不為俗學所移必有辨
乎是矣嘗觀其雜著數篇或援經訂史折衷淆亂
或據事立言剖決可否辨而中詳而確乎實而可
施諸用自非學古有德留心于當世者鮮克逮是
東巢子蓋今之有用之儒也且吾聞潛夫著論以

託情鹿門草書以明隱古之君子不得示時賢中而無所洩則筆之簡編寄空名以垂不朽然往往譏刺時短則訐而不厚發舒幽憤則激而不平要之所謂可施諸實用者寡矣是編寧有一于茲邪嗟乎以東巢子之學謂世無知者其名固已籍籍于時謂世已知之則猶屢蹈而未奮而其匡時之略用世之志發之言論則有浩乎未衰者顧安可以世之知不知深為是編評哉余敢為東巢子告曰如有用我執此以往不然卷而懷之百世之下有能搜林壑漱笥之藏者必取于斯矣

壽豐母周太宜人七十序

本

余讀史至范滂傳嘗歎滂母氏之賢能以忠義易其子及觀其告誡之詞悲愴激切若不能已於怨尤者夫善必為不善必不為大丈夫能之婦人非至性夙成通訓典諳理道智罕及是故賢如滂母亦不能無惑焉婦德信難與哉吾鄭豐氏自清敏公以忠諒世其族百餘年來詩書禮義之澤守而弗替而其家範之整肅斬然內外尤足以表世故不特簪組駢輝代有令譽即母德亦多可稱如太宜人周又其燁然有聞者太宜人先郡博西園公之繼室翰林學士白菴先生之母今考功主事存叔之王母也太宜人來繼時先生年未及冠撫如

已出及抱諸孫皆親為衣哺而存叔負奇穎幼多疾疾鞠愛尤深故先生及第官翰林存叔舉進士官天曹郎文章德業尤於作述人謂太宜人之教居多乙酉歲朝紳以誼禮被楚捷豐氏父子預焉而先生以倡義論成有叔病杖履危時太宜人家居日夜號泣不絕顧無纖毫慈望芥諸詞色人又謂太宜人有滂母之賢而其識見之曠達若或過之將不得為女丈夫哉今年太宜人春秋七十四月十四日其初度辰適存叔以考績還得遂稱觴鄉大夫士咸致慶祝獨余以言余昔為諸生與存叔同講盟復同舉於鄉既竿史職得侍白菴先生教席有通家之誼故知太宜人獨詳太宜人性聰慧而寬和治家勤儉不以尺帛銖金私其黨子弟有犯忍弗與較畜諸勝侍以恩寵而驕者咸化之然則太宜人克成厥子若孫于忠義而不易其心者豈聲音笑貌為之哉雖然今之所謂壽者曰永年以壽身曰昌胤以壽世然未若垂名不朽壽其德之為久且大滂母之言曰既有令名復求壽考不可得兼是不知名存天地間未為不壽而身與世有不預焉若古今母氏何可數計然惟斷機之教倚門之慈伏劒之節和丸之訓光昭史冊稱於後世今名亦豈易得耶今太宜人康彊無恙

孫曾繞膝足供樂事壽其身與壽其世老咸有之矣余獨懼其隱而未揚者世或遺焉故為著之於篇與勞母評之俾後世考德豐氏者知有賢母三斯固不朽之圖也亦諸大夫稱壽之意也太宜人將聞而頌之乎

封宜人徐氏墓誌銘

嘉靖丁亥四月二十四日南京刑部侍郎省齋沈公之配徐宜人卒其子鄉進士儀余同年友也立其寓狀以墓銘見屬憶余曾叔祖康僖公官司司寇時省齋公方在郎署余生弱冠即聞永蔭聲後二十年獲與進士同鄉榜締交通家廼復知有宜人

徐宜人

年一

而因以推其相夫教子之勞有足徵者銘其可已乎按狀宜人姓徐氏諱淑璋徐之先錢塘人洪武中戍寧夏以貞襄公貴遂蠲尺伍歸籍為貞襄官至資政大夫南京兵部尚書宜人其姪孫女也考鐸妣陳氏天順戊寅八月十九日寔生宜人有慧資在室嗜女紅精饋食以淑婉稱省齋公先喪張宜人聘宜人繼之逮事舅封主事公姑潘安人奉養周至歲時享和率女侍供豆觴及賓朋宴會必親蒞烹飪極其腆潔處妯娌雍睦無間言張宜人遺一女幼齡而多瘡鞠育如已出其居京邸尤甚重慎密時戒飭奴僕嚴扇鏹內外斬然刑曹訟職

旁午公夙夜勤于理家政悉屏馬公性嚴毅處家庭儼若公府宜人濟以寬和弗吐弗茹上下咸宜之中歲留處子家治子女婚嫁及經畫產業諸務纖巨有條公自曹郎出愈稟憲洎總外臺陟方岳入尹京兆為少司寇敷歷中外二十餘年廉介自持無厚貲素宜人節縮以佐之即鉢金尺帛無妄費且自奉尤儉約雖履盛滿服寵榮布素澹如也未幾公得謫謫解組被酷罰家益就落宜人至脫簪珥鬻器其自給不以撓公之懷時進士方在庠校有聲宜人勤訓誨以督其成有和丸之風公既歿宜人漸感疾瘵一日自李氏女家歸言笑若常晨興盥櫛坐中堂俄而疾作遂至大故享年七十其封宜人益公為愈憲考績時也子男三長即進士次休佐女五長適夏珪即張出次適莫雲漢次適庠生王悌次適聰選官李榮次適山西布政使江曉孫男六恩卿名卿良卿忠卿順卿某卿女二俱幼墓在風篁嶺之原卒之歲某月某日將啓公壙合窆焉銘曰赫亦司馬寔顯厥宗彼淑一媛穎出女中鯁鯁秋婦于歸允配允矣今儀封章顯被擬賢嗣爰振家聲匪母之教曷底厥成我我風篁閣此幽安維以永存我銘其石

陰陽學正術李君宗翊墓誌銘

李氏以賢雄吾邑者稱宗翊邑之士以醇篤謙厚
重鄉評者亦稱宗翊故自縉紳大夫宗常姻戚及
里閭所嘗與識者咸心醉焉宗翊何以得是哉夫
世之稱有家者恒剽情剽情故寡義務豐殖者多
崇私崇私故姆怨宗翊富而尚禮積而能散裕而
能安行而不侈其知所持乎故上下交頌之余
昔為諸生嘗侍少司空董山先生及與宗舜君同
講盟見宗翊事董山公甚虔董山公亦不以猶子
蓄之宗舜交遊多一時名賢宗翊能推其愛愛重
之諸賢士亦樂與之遊余之獲知于宗翊以是也
頃余得請歸訪諸姻舊則宗翊已在九泉矣聞嘗

李氏

人

重

宗舜謂君之墓見崇垣繞繞麗宇鱗比泉花竹
石森鬱墓旁則又歎宗翊之能厚其終非曠懷遠
識胡能及此視世之較錐刀而斬于自奉以至寧
速其朽者不亦陋哉然則宗翊之賢雖身後可想
見也迺宗舜狀君遺事介其子承嗣捧泣來請曰
先君子葬且有年墓石尚虛以俟太史氏余既追
念夙好又重孤請不敢以不文辭按狀君諱維翰
姓李氏宗翊其字先世涪州人宋丞相昉之後八
世祖翼始家于鄞遂為鄞人高祖泰亨妣祝氏曾
祖伯儒祖鼎輝蔡軒俱貴贈通議大夫工部右侍
郎曾祖妣蕭氏祖妣沈氏俱淑人董山公推也蔡

軒生傑彌怡悅有隱德以列授宣義郎娶宣氏寔
生君君狀貌魁梧惟孝友寬簡有度處人謙和雖
擇橫逆不較少業舉子弗就遂力農積粟以貲起
家樂施予多所濟貸賴之舉火者千餘家正德癸
酉應詔輸粟授陰陽學正街以祖居稠隘別恢第
居治起世恩堂以表先德蓋宗氏世有為司馬
即為方伯為亞卿先後相繼而怡寧翁及君雖不
仕亦沾 國榮示不忘也嘗遇正術缺署有司委
之固辭不赴當董山公貴盛時足跡罕及公庭其
恬潔多類此董山公歸田囊無厚貲宗翊時給其
乏公嘗欲製先塋 勅賜三品儀節力不能措宗

李氏

人

重

翊奮然曰范文正公言祖宗積德百年而後興今
叔父之貴翰之起家誰之功也叔父以貴顯其先
翰獨不能以貴助乎遂鳩工置成之族人業儒
貧不能贍者捐千金與之為產宗舜得肆力問學
成進士宗翊之助尤多君生于成化丙申二月一
日卒于嘉靖癸未八月十七日年四十有八娶五
鄉陳傅氏無出立宗舜次子為嗣故名承嗣聘憲
副汪公王之女甲申十一月二十四日窆墓在城
南清道鄉之原 銘曰李氏簪纓流世芳君積致
富雄江鄉高城蔽日飛棟梁原田禾黍千斯倉漢
庭翰粟不拜即江湖散秩身名彰揮金結義氣宇

昂佳賓四座嘉高堂活饌焚券無取償三槐未數
陰功長君胡不壽嗣不昌繼兒王立傳書香佳城
紫翠鬱南崗百手理玉揚映光太史之銘金石藏

雲南按察僉事邵君室陳氏墓誌銘

嘉靖四年冬十二月二十六日二部員外郎邵君
德成配陳氏卒于京邸明年春二月德成擢雲南
按察僉事以携版南還舉葬事濱行捧營繕即楊
君安叔狀來余銘安叔與僉憲君同里開學同
塾仕同官皆余同年友也狀可披云憶余嘗偕安
叔過僉憲君第見諸幼斬斬序進肅拱遜讓如成
立人則驚問之安叔曰其諸慈範之迪乎徐出益

卷之六

入

書

名列簞饌咸極腴潔則美實之安叔曰其諸中
之脩乎僉憲君寅于朝而酉于署出有乘服入有
膳養無顧慮于內外則又怪且疑之安叔曰維厥
內寔為經畫僉憲君安所知哉蓋孺人賢淑素聞
于鄉黨故安叔稱焉一日余復以質僉憲君君曰
斯婦職之常耳孺人之賢有過焉者吾少貧苦力
學試每比孺人無愠頗輟警慰之曰出處遲速命
也患學不至弗患名不成暨已卯舉薦明年登進
士授行人司行人奉使歸寧見家衆荐食慮或弗
給孺人正色言曰君謝常布纔二年舅姑若子女
得脫寒餓足矣敢侈望乎其識見多類此余于是

又知孺人非女流也孺人性莊簡奉舅姑孝謹
郎事女紅僮婢咸自衣之躬杓素以率眾處妯娌
宗姻咸得其歡心嘉靖二年秋隨宦來京未幾僉
憲君由行人遷司副正尋陞工部一歲間轉徙靡
寧以是僉憲君勞于公而孺人夙夜勤于內理不
知其庠明年疾作遂不起按狀孺人姓陳氏世家
妣江之雲柯里父某母某氏成化十九年四月十
八日寔生孺人距卒年纔四十三生子男四長基
補邑庠生娶陳氏次中娶陳氏次墜次聖方穉年
女一適邑庠生顧應以某年月日葬于某地 銘
曰彼鍾厥英雲柯之初我式聞之維爾鄉邦有評

卷之六

入

圭

彼歸克變果臺之彥我式仰之維爾內外閭閻
躬瘁亡子姓之昌我式銘之維爾幽淑永光
贈毛君良會判興國州序

丙戌春陸子被

命分校禮闈既事竣出棘已子良會拜興國判來
以政訪陸子曰大判之職也斷也分也平其政而
施之職之良也且今有司之政孰如訟獄之難判
乎而子思以平之余非法家謀不逮也雖然竊
於校文得其說矣夫士之以藝相角也各逞其見
而伸其說以求其必售美常聚訟然辯詭而放也
疑於富也思暗而窒也疑於冲也詞詭而注也疑

於驪也。浮者疑達，理者疑朴，庸者疑顯，紛然而陳也。惟是司馬校之而去取之，奚啻訟之難折，然校弗辨，夫與取弗當，士將闕然騰議於下，則又奚啻舍然冤抑而號其不平者？是故主司不敢不慎，公無私以臨之，明無蔽以照之，直無枉曲以低昂之，存厚而不刻，曲成而不棄，如不得已，夫然後去焉取焉，而後足以協人心之公，可以無議於天下，故稱曰文衡衡者，平也，輕重之適其宜也。毛子往將平一州之政矣，蓋用吾術而推之，嗟乎世之法吏，牽於勢則移，怵於威則屈，徇於好惡則偏，鮮不失其平者，是之弗達焉耳。與國介湖湘大澤間，俗雜

卷之八

六

美一

五方尚鬼而健訟，況省府通轄民，神弗神，神弗神，起訴莫可令過而雄。藩巨室之維制，與學來

之來往，憑陸驕恣抵禁而撓守者，又不可以易為也。毛子其慎圖哉！毛子來京師，居與余並，常炙其言，若行樂其敏而銳，俊而逸，諒溫而直，儉飭而有章，與國之政，吾信其施有餘力矣。而況推其公，可以懾詐，推其明，可以摘姦，伏推其直，可以信衆，志推其厚，且誠，可以昭恕，而得情，如足難勢，與威，可好可惡者，日陳乎前，而吾固守之有定，如唐人所謂南軒，可易此判，不可易者，亦惟求得其平爾矣。夫訟獄平而州之政有不得其理乎？毛子起謝曰：

是以舉邦職矣，遂晉以行

少石集卷之八

卷之八

美

文類

重脩湖廣提學分司記

湖廣提學分司舊建武昌學宮之左背岑而市居
弗敞學宮中甲申閏右許侯宗魯以愈憲來視學
顧瞻慨然謂觀匪稱謀肇弘址值上荆南道歸併
無民有隙署遂徙居焉明年乙酉侯開西圃構宜
靜軒軒前隙地結小亭環植花卉爲素芳亭堂寢
仍舊云再明年丁亥許侯晉副山東兵憲戊子春
復視楚學比至則堂寢迺漏幾傾矣侯廼謀于憲
使周侯期雍憲副胡侯岳張侯鯤僉憲汪侯漆何
若素元

侯鰲柴侯經蔣侯珙暨余曰弗葺且亟壞矣
後葺孰與先焉周侯曰士瞻弗崇化源斯竭矧茲
葺敞費約而功倍其曷可緩諸大夫咸應曰諾遂
請于巡撫都御史朱公廷聲巡按御史唐公符許
之廼檄諸司發金市材諏日鳩工撤腐易陋事然
鼎新外爲分司門中爲敷教堂後爲自公堂堂後
斗室爲省軒左右隸廡庫咸備而宜靜素芳弗
更營也先是役興有以浩繁爲慮者暨撤舊材多
可用故其費甚省凡用學司贖金僅一百八十有
奇其工亟就肇自七月八日成于閏十月十五日
其緒繪罔浮于度而藻麗炳煥視舊有加焉落成

之日許侯觴諸大夫于堂而言曰夫是舉也臺司
主之諸大夫贊之群工執事勞之余何敢享其成
諸大夫曰美哉斯壯居乎子之功也其誰敢居雖
然抑亦可以觀士矣陸子曰否夫侈觀近末崇教
貴本侯之功非觀是侈教之崇也故觀于是居者
可以喻教矣夫士習之敝也相沿而不振化斯敦
焉在易有之山下有風蠱君子以振民育德言蠱
後當飭也是以先王之教學也時其藝業肅其軌
度申其條章一其勸懲以飭敝也敝飭斯化更化
更斯善治許侯之蒞楚也諸廢秩舉教典序敦故
始至而士欣欣然繼居而士彬彬然既去而復來

道章化洽士恆然儒者奮頹者立鄙者蘇
華教斯成矣其譬諸茲居之聿新與是故教學唐
虞至矣曰敷教示敬寬也敬寬其生于心乎曰宜
靜示心學也心靜故無欲無欲華斯歛矣曰素芳
示返朴也動息不違所以時其教也曰自公以息
慮也理欲之辨微矣慎獨莫要焉曰省軒以番幾
也夫是數者固學之準也化之樞也教之本也許
侯之所以式諸士與諸士之所以觀感而興者將
不在是與於是諸大夫起為侯頌曰子之功猗與
盛矣弗記將泯焉已乎遂書于石

送憲長泉坡周先生入覲序

嘉靖戊子冬湖廣按察使臬坡周先生北行修觀禮也凡觀

天子坐明堂百官序立階下大計群吏淑慝以彰黜陟迺若憲臣齊軌率物執辟振紀寔朝廷耳目之寄是役也視諸臣厥惟重哉於是臬坡先生進諸寮友謀曰惟余職在臬與諸大夫共之茲行何以告我諸大夫唯唯曰余二三人何能為言哉先生之蒞楚也平反以滌冤滯搏擊以屏豪蕩綜核以飭廢敝楚吏民懾且懷焉余二三人何能為言哉無已則成陳厥職焉廼憲副方山侯子言白余歷襄鄭值歲多青工浩民殫惟財力國計余寔

卷之六

三

閩厥圖浦南胡子曰余詰戎伍用備不虞惟是攝懼或罔忠于謀少華許子曰教敷欲敦化久易敝余載視楚學惟敬寬有古訓庶幾無教南冥張子曰觀風有機行法自邇余按省部臺府日臨惟是有所承式以寡于戾發軒轅子曰圖治者緩遠策勲者在邊五溪荒遐伏波之跡存焉余不敏懼忝茲前烈愈憲蛟潭汪子曰荆岳大澤地廣民稀撫流制得余夙夜罔敢寧沅溪何子曰維茲衡永風浮俗鬼浮懼日靡鬼懼日淫余惟德刑未修是懼松洲柴子曰南楚上游厥民朏朏厥化汶汶知茲夷跳在撫余不敢倖功以勤有衆於是臬坡

先生屏而受之曰是惟諸大夫之惠我也至矣德音洋洋衆美畢集吾行其有持哉顧謂陸子曰謂何陸子曰諸大夫之職也憲也今諸大夫之言也亦恪供爾職矣且夫侯子之言憂以深胡子之言貞以達許子之言恪以慮其成張子之言敏而識其要鑒子之言果而任汪子之言毅而晰何子之言縝而詳柴子之言詰而中是故憂以深憲之思也貞以達憲之幹也恪以慮其成憲之矩也敏而識其要憲之樞也果而任憲之度也毅而晰憲之章也縝而詳憲之體也詰而中憲之準也以思則繹以幹則植以知則協以樞則運以度則飭以章

卷之六

四

則明以體則建以準則平憲其有弗舉乎且夫操舟而濟舵師秉節群工運斤匠氏上功諸大夫之舉厥職也固臬坡子之克蕪矣今之入覲述所職也亦述諸大夫之克舉者乎於是藩伯南山胡子暨諸寮聞之曰於戲休哉諸臬伯之有是也詩曰及爾同寮臬坡先生以之書曰同寅協恭和衷哉諸大夫有焉迺屬余書之以先行李

壽大司馬晉溪王公七十序

嘉靖戊子春詔起大司馬晉溪王公總制西事於是公春秋七十矣有為公謀者曰我

治不遐遺簡茲黃髮擢之于廢置寄之以安危

公不出如西顧之憂何或者迺曰古者大夫七十不得謝安車几杖懼或勞也戎馬鋒鏑之衝少而銳者或怯焉公即出如優老之典何於是公上疏懇辭

天子曰往哉母替朕命無謂乎老臣者公遂行憶辛巳之夏公伯顯名旁觀者皆股戰失色公毅然就道弗沮弗懾若履夷然而哲人幾上察微審前固亦預知有今日公夙負奇偉於諸無所不讀為文浩博闕衍有法程及舉進士然以經綸天下為已任歷官戶兵吏尚書所主僚友唯唯仰成迺若輪謀料敵定變極分言脫而衆心帖服事舉

而群策翕就聲望在丘晉尤為赫煒至今稱賢焉馬者必曰王公王公今三邊且多故矣

皇上切撫解之恩將卒有挾纊之望公雖欲以老辭不可得已傳有之故精壯嫌疑吾乃始壯是故趙克國之在金城圖上方畧馬伏波五谿之後援較鏖鏖以示可用郭令公旋廢旋用卒收吐蕃在昔老臣之為人國不避難以孤志不遠嫌以隱功類有若茲奚獨公爾耶公嘗憲副方山侯子與余同官楚臬常通公出處行旅之詳至謀所以為公壽者余曰公身天下安危計也迺今徒以眉壽祝而不以天下之壽壽公其濫之乎知公矣夫邊

圉絕樂境土輯寧所以壽吾國夷不跳梁室家登慶所以壽吾民迺西事奏績內召有期輔理承弼格心弘化又所以壽吾君君夫國壽則福益綿民壽則頌日起君壽則腹心元氣相依以為固易豫之四有曰由豫大得志也天下之壽有壽於是乎而公之所以遲榮寵而休格以自益其天年者亦係之矣且夫松栢之茂隆冬不假潮潤百折流且益長何也後深者枯斯同歷險者脉斯遠公出入四朝啟歷中外垂四十餘年或起而踣或踣而復起天之所以默佑曲成以豐其植而濬其脉者固且遠矣斯又非壽本也與公配白夫人同躋七

十亦因憲副檢閱其賢迺余文詳于公而累乎夫人者志所重也史氏敘事體也然夫人克勵之美亦因以並見云

江漢朝宗詩序

湖藩伯蜀國盛子將北覲諸大夫士咸有贈言蜀岡子拜而受之策為巨冊題其端曰江漢朝宗紀自楚也夫海為百水王故水朝焉臣執覲朝于王也江漢距海系管千里其勢固已趨之遠不忘君表臣義也故覲之為言近也古者諸侯時見于天子春朝而夏宗覲三載一行之以敷言辨職考軌協政彰淑舉廢黜陟由焉非特見比也且吾聞之

水陰類有臣德焉善利萬物而不窮仁也由地中
行順也蹈險不疑勇也疏則流防則止智也重
下恭也澄鑒不淆清也今天江漢珉嶧潯其源
沅沛其勢合流而赴遠六德備也君子託物以興
言比類以象宜其斯有取于是與或曰蜀岡子嘗
遊蕪湖遵海岱抵徐吳歷淮黃官跡幾遍天下矣
今茲仕楚固亦壯觀不可無紀陸子曰否否夫窮
幽廣覽探奇結勝獨行之士故情僻蕩斯可矣大
丈夫立德以垂休弘業以遠江山合其流峙宇
宙同其攸久故頌禹功者稱河洛思孔澤者邇汶
泗何者功德在人名跡因之以並存爾蜀岡子之
仕楚也秉憲于臬則著澄清之化平政于藩則攝
前王之猷夷考其施慈而恤惠而有濟則仁矣由
衷而不拂優柔而不躁以迫則順矣果而不滯教
而任則勇矣晰而剖燭奸而不遺則智矣恪而自
卑居勞而不施則恭矣朴而飲淡而無欲則清矣
是故六德備而政基有弗崇乎基崇故業廣業廣
故施博深仁厚澤洋洋乎江漢之間豈非不朽之
弘樹哉抑詩有之漢之廣矣不可冰思江之泳矣
不可方思陳王化也又曰蔽芾甘棠勿剪勿伐言
德政也文王化行南國召伯寔為布之故詩人歸
功焉然則諸大夫士之詠蔡公為入觀紀抑亦可

以稽蜀岡子之政矣

宜齋周先生榮歸序

昔者景坡先生為侍御于留都奉其尊宜齋公來
官邸承歡比洽值

天子下推恩之令曰其如子官公廼謝鵬我豕袍
袖爛紅綰紳大夫飲臨之曰宜齋公可謂榮養矣
先生出愈臬于閩于汴進而參藩于浙周歷南北
幾十年朝夕思慕公欲迎馬以道阻修弗果且公
春秋亦漸高邁值

天子頒優老之命曰章服其如子秩公廼橫金拖
朱袍髮暗映綰紳大夫又飲臨之曰宜齋公可謂

榮壽矣今年先生擢楚憲使楚密邇先生之鄉與
馬可數日程廼奉公就養如在留都時而其緒履
之繁其寢處之華美几杖服御之供飭視昔有隆
焉公曰吾豈是適哉吾聞楚山川之數也天下之
大觀居焉吾將從之廼陟黃樓瞻雲臺探赤鱗之
奇撫洪山之勝則既喟然嘆曰美哉斯壯遊乎吾
昔遵大江覽金陵廼今幸且及是樂既酬矣吾其
歸哉先生踞而進曰願大人庶幾少留以介茲樂
也藩臬諸寮率其屬進曰維先生是養故以伸
曠隔之慕公蓋聽諸楚之吏民與臺隸卒之徒則
又咸舉手私相祝曰願公毋繫土思以賦我君侯

寔吾儕小民之福然公竟不能留也雖然可不謂榮歸矣乎陸子曰余觀宜齋公外朴而履謙內簡而敦恪貴不靡淫雅尚幽潔豈不誠隱德哉夫且有子而賢賢而仕仕而有公而教之遺也夫三榮者固天之所以錫厥多祿德之報也今歸而徜徉乎泉花石竹之間優游乎禽魚水鳥之樂外則偕諸朋徒尋盟結社以爲消內則諸孫牽帷引裾分耳以自怡而泉賦君榮望日起寵榮荐至馳音問而報平反者方絡繹于道途宜齋公雖家居猶樂夫官也宜公之不能留也諸寮友繪圖賦詩以述公歸余僭爲之序

三朝恩命錄後序

余讀三朝恩命錄而知南岡公之優業也夫其始遇而名籍再遇而節著三遇而位亨施達維時若治定因焉是故將命則使績有褒矣監察則督筭有遣警伍有戒矣愈臬則馳封有勸矣管副則鎭戎有訓矣巡撫則柄寄有諭矣褒所以嘉勸也遺所以擇能也戒所以明守也勸所以廣忠也訓所以慎防也諭所以隆昇也是故可以觀南岡公之優業矣夫頌笑之微哲王所慎重服之賜臣子所榮詩曰受言藏之志不忘也矧茲王言昭如日星華如黼袞寶如琬琰賁如丹青垂之于國是爲

章守之于家是爲宗器其或弗緝而淪弊焉如錫何故予是錄之紀所以彰君寵也勒臣義也光世德也斯庶幾備矣

壽封圖序

嘉靖戊子春二月丁丑許母太孺人孫壽七袞云憲訓東侯定惟太孺人承嗣東侯先嚴御史績太孺人破 寵封東侯憲學于楚奉太孺人來官極其娛養三年晉山東右憲無何再視楚學太孺人復依馬東侯之再來也道抵襄陽值太孺人誕辰即旅獻觴禮弗腆稱至則備物盛儀張宴樂賓寮雍然敦愛展敬門生故吏感知遇而將祝慶者獲滿于戶庭東侯迺捧觴跪進曰願大人履康食善介茲眉壽君子曰母氏有子是其樂也子克養非教之貽與陸子曰夫古今稱母氏之教自斷以隆僅一二數矣自非子賢曷克徵信是故有知即之家法世知柳母有榮公之德器世知申國東侯早乖怙而力學二十而名籍于闕中三十而獲榮于中秘四十而顯庸于天下博碩弘雅為時文宗太孺人善教之功居多且余觀東侯之迨楚也秋秩乎矩之嚴也洋洋乎訓之敷也晰晰乎典之備也彬彬乎儀之章也惟法象太孺人之教是故觀其矩矱則知有肅穆之範觀其訓敷則知

有淑慎之詞觀其典備則知有祇修之則觀其儀
章則知有莊嚴之望夫肅穆所以昭德也淑慎所
以重言也祇修所以明功也莊嚴所以表容也四
德備而母道全矣夫德原于隱其朕必彰化原于
靜其動必光太孺人以身教其子則家之人咸象
之東族以身教多士則國之人復化之飲河者固
知源其且故聞之壽壽德中壽壽年下壽壽祿
是故豐爵厚祿者壽之餘光黃髮眉齒者終古
之瞬息植德無疆者無際以永終譽壽斯為上
此大夫人之所難也諸婦道耶今太孺人履榮
鼎食既壽其壽踰稀望耄亦壽其年迺若迪成厥

壽

入

士

子以淑邦家庶幾孟柳中國之風壽德壽無疆
非鮮哉於是泉坡周子偕諸寅寮歌南山而圖之
則復授簡于陸子曰夫詩以詠蹟蹟莫若紀圖以
示象象莫若徵徵象紀蹟匪德曷陳故凡吾子之
頌太孺人究諸德也壽之至也遂書為圖序

賀提舶趙先生遷居序

滇南距吾浙幾萬里山川風氣異宜民殊習尚其
語言食服之方舟車宮室田廬之制賓喪嫁娶之
節恒不能相通故浙人宦於滇不樂滇人宦於此
亦不樂豈惟涉遠之艱亦上思繫之矣提舶趙君
宗道滇人也居吾浙三年政廉而惠須臾交也

幾果以績是遷佐思恩郡當去君曰吾遊且倦矣
惟樂上將上焉豈必歸滇邪吾始入鄞觀其民和
而龐敦讓而有文曰是可與處睦也問其俗泉井
而土深稼穡而錯肥曰是可居以豐也接其士大
夫有禮以敬有子以愛曰是可因而宗也居且久
如始至然曰吾之所謂免裘粉榆其在鄞乎於是
買田置廬遂為家焉陸子聞而歎曰趙君善上居
哉有三善矣處睦則不偷榮豐則不匱有所宗則
不患寡助趙君善上居哉或者乃曰燕驪不忘北
府越鳥不忘南翔樂其生也故晉幽者楚其奏楚
顯者越其吟彪以北征賦感祭以登樓寄思自昔

北

六

士

羈旅之賢無弗懷戀故鄉以得歸與否形之欣戚
趙君奚獨無是懷邪陸子曰否否大塊寄我以生
天地為之逆旅四海內外孰非吾寓民胞物與孰
非吾徒故懷土自便曲土之所以滯觀也安土無
擇達人之所以居易也昔夫子嘗欲居九夷矣曰
吾東南西北之人也陳良楚產北學於中國北方
之士未能或先焉趙君之計安知不出於是而顧
規規然議之以守桑梓戀鄉井如兒女之為不亦
隘且私乎吾聞之山居而徙之水則溺是不通於
水之性也水處而徙之山則顛是不通於山之性
也居四方則有大同之道矣仁厚者培其基也忠

信者植其幹也。禮義者清其防也。敬恭而無失禦其侮也。約慎而不肆。添其澤也。能行五者。天下無不可通之俗。無不可居之邦矣。趙君之上居也。其亦有聞乎。是邪。且吾對號名邑。稽昔賢達亦多遷寓。若謝昌元。自蜀產趙梓中。自廣產黃龜年。陳璠。少軫。皆自閩產。數公名跡輝映。定昌。歷。諸邑之文。厚亦足徵焉。矧趙君。宜吾上惠愛結于民。行誼于衆。誠有適焉。又能出其所謂善居之道。居之以復踵諸君子之盛。不亦增重吾鄉邑哉。斯則可賀也。已。斯則可賀也。已。

書五谿豐先生六十序

五谿先生之謫閩海也。越茲五年矣。有自閩來者。走詢先生起居曰。先生體康而食善。髭髮容色如恒。坐一室左右。琴書環竹樹數行。日怡愉其間。客至談笑移晷。或與之辨論古今疑難。旁及醫藥方書。虎兇怪語。有問及時事。或議執政得失。輒嘿不出口。暇則逍遙。優杖登九僊。吊越王撫烏石而觀。浴海興至。飲酒半醺。歌離騷數曲。或誄詩數章。怡然陶然。不知其他。嗟乎。先生以諍懷被謫天下之士。識與不識。無不惜其去而壯其行。顧今恒情值茲往往。嗟尤營戚有不能一朝居者。而先生獲之若夷視之。若固有然。豈非所進哉。夫說者謂先

生深居掩晦。似陸宣公之在忠。堅誠不動。似劉元城之在廣。豪曠自適。如蘇文忠公之在惠。固窮不濫。如張無垢之在安南。而余獨又謂先生之所處。其危疑視數公。有甚焉。何也。震威之未齊也。蜩刺之方興也。瘴癘荒戍之非其處也。余是以信其難也。且夫人臣之為國。有三大患。懷忠者易于愼。秉節者易于激。歷險者易于挫。自非有道之士。深養而識弘。操定而履堅。鮮不墮茲。是故能不懟時斯忠厚矣。不傷義斯全節矣。不辱志斯居易矣。三者先生固克之。可不謂有道之士與。先生為清敏之裔。公當宋熙寧間。以抗直遭貶。竄文公叙其遺事。

書集卷六

六

六

先生嘗勒之廳屏。以自勵。期率祖攸行。而今果微諸用哉。余先生之門人也。欲效何蕃之留陽城。叩闕上書。尹焞之事。伊川觸禁。負笈愧未能焉。矧於先生之教。尚能無負也乎。今年先生壽六十誕在十月二十八日。吾劉邦大夫預謀遣使為先生壽。余廼對使者再拜稽首。為諸大夫祝曰。維天為人。國非困抑頓挫。無以成大賢。而畀重任。則先生不能無今日之謫。維福善降祥。用培忠直之氣。使君子有所恃。而勇于善。則先生賜還之期。或不可緩。先生春秋漸高矣。惟保錫純嘏。天其聽之。又曰。先生之行。足以播今而傳後。于國為扶植綱常壽脈。

作惟永固于家為克篤忠貞壽厥世惟永休于身
為砥礪名節壽厥德惟永有令聞是則先生之所
謂壽亦異乎世之齒髮壽矣於是諸大夫起謝曰
至哉吾子之言斯天下之公祝也獨吾鄉邦私哉
遂書之使馳以獻

慶楊淑人壽八十序

余嘗讀文懿公壽誕記而知楊氏福履之未艾也
夫其叙顯庸則有楊伯起奕葉之盛頌觴燕則有
諸安仁板輿之樂陳慶會則有孔文舉賓朋之娛
省親則有韓魏公畫錦之榮自今觀之鄞城巨
室無慮數十姓歷數十年間罕有能儔焉楊氏局

考集卷六

六

五

克臻是哉公之言曰

主上大造之成也先世餘慶之被也太孺人孝慈
貞淑之徵也夫是三言者豈非綿福之本與蓋世
有淺夫曲士膺一爵沾一命輒曰吾稽古之力耳
忘其為君之賜幸而稍樹門閥曰自我元宗矣忘
其為祖之貽暨發榮而志滿享其樂而圖所以自
逸則曰是適逢其會和忘其為德之致信若是不
再傳而澤弗斬者幾希矣是故不忘主之謂厚不
背祖之謂仁不怠厥修之謂敬厚天之所助也仁
人之所與也敬百祥之所發也茲楊氏之所以綿
其福與迺嘉靖己丑淑人壽屆八十九月十九日

定維誕辰伯子以節季子以明先期戒事值仲子
卻守以和考績歸自真南萬里外於是奉淑人登
堂設悅張宴慰賓賓客眾捧觴上壽淑人喜動顏
色見者無不稱嘆曰昔文懿公記壽誕履美蹟之
附傳勝事之難繼也孰知易世之後淑人復踵其
盛哉余於是信楊氏福履之未艾也雖然余竊又
謂淑人之福視太孺人為尤備太孺人稱壽時封
不過即官壽繞古稀而多彥廼今貴封三品班朝
禁闈耄且望孝履康食善此太孺人之所歎而
淑人之所獨隆也文懿公時官尚宮洗康簡公初
拜監察而碧川西川麟州鳳洲諸公猶在家食廼

考集卷六

六

十六

今父子弟兄六登進士三為尚書卿佐藩臬環
相望食蔭樛而濟世美者方彬彬然接武於中外
此太孺人所未及見而淑人之所躬逢也太孺人
當家初造儉素無腆養廼今宮室田園之充拓寢
處几杖之纖其簪珥服御之華美其古滌瀟之豐
潔奚啻十倍往昔此太孺人之所未遑而淑人之
所獨裕也余嘗譬之君恩如雨露之及物必沾久
而後濡家慶如草木之投種必培深而後暢而克
勗祇修以迓多福如累其蘗室然亦豈一朝一夕
之故哉詩曰如川之方至以莫不增謂福之始也
又曰俾爾昌而大俾爾耆而文謂福之成也太孺

人迂福之始故其享也盛而或有所遺淑人考福之成故其享也豐而靡有弗備而其為榮與壽為樂事為奇端為公舉則均焉耳矣不然太孺人貽其所有餘而淑人者固食其所未盡和淑人先方伯錢公之女少司寇麟洲公之配於文懿公為家婦其夫之孫婦也淑人負其賢在靜慈惠克嗣夫諸人敬音其可稱述以傳者更僕不易盡數傷氏常有能文者續壽誌記以播揚厥休于世世斯又淑人不朽之壽云

壽封檢討洞雲張先生七十序

桂湖之濱壤腴而林茂繁川帶山修曠幽勝稱樂

七

七

七

士焉張氏世居之樂士氣凝和龐弗漓其鍾子人也坦而乎朴而茂恪而能固故里多隱德如封太史洞雲先生又獨票其秀者邪先生以其坦而乎若守之是為醇發朴而茂者華之是為資文恪而固者敦之是為仁俗家人咸化之是故入其閭絃誦洋洋然長幼秩秩尚文而貴賢秉信而先義稱禮族焉夫禮家之積也植植斯家昌家之將昌寔生多賢多賢寔多顯庸是故為邑令為藩相為古即為翰林鳳毛麟趾迭瑞王國稱望族焉陸子曰夫培深者枝茂流澹者澤長凡世家巨族必有端人慈士齒高而德邵者以豐其植而啓其祐醇行謹

七

七

七

篤萬石君之所以有家也仁恕忠厚三槐氏之所以裕後也然則張氏之族之盛可謂于世德無徵和余聞先生早歲力學屢舉弗售識其祠常甫君穎異曰必能竟吾志遂以業授之課督其成常甫弱冠舉進士入供翰史出秉學憲陟宮庶為大司成以文章政蹟鳴一代則先生之志未為不售而况服有寵榮享有品養拖金紆紫優游泉石雖萬石三槐之福履豈復足過哉今年先生壽躋七旬八月六日其孤旦也卿大夫咸走問壽於余余方自楚歸楚多名山大川聞先生嘗携杖履遊矣登洪山覽赤壁撫黃鶴看雲夢倏然若驅呂僊而揖湘君也此非先生昔日之曠懷乎秋清氣朗良辰屆茲賓朋畢集弟子執几杖捧觴而進侑以考樂歌以南山此非先生今日之樂事乎迺若常甫遜仲頌祝四方能言之士抽詞樹藻播揚聲光若珠璣璀璨鏗鏘炳耀風風乎極一時之盛矣或者謂常甫羈于官守以不得稱觴為歉而不知常甫師模士類德尊道洽所以達先生未伸之志正惟在是則孟軻氏所謂得天下英才而教育之者樂固在先生也天下之樂也常甫即欲觀庭闈舞斑斲能舍天下之樂不以壽其親而以一家之樂壽之乎吾恐先生未之聽也諸大夫咸曰吾子善言先

生之壽矣曠懷紀壯遊也樂事頌佳辰也皆稱壽也然而天下之樂之壽壽之至矣世之福獲之綏綏未艾矣遂持以獻

又

洞雲張先生者吾鄧隱君子也隱居常乎曰今大司成常甫其嗣也常甫先供太史氏從之貴也太史服金紫乎曰恩制也從常甫今秋也然則曷稱洞雲乎曰先生放懷林丘寄傲雲物以雲自怡洞雲記志也嘉靖己丑先生壽七十歲八月六日為懸弧辰吾郡佐曹侯張侯等來屬余一言以壽今惟稱壽必擬諸物古也自成周天保行葦諸

老集卷六

六

五

詩下逮後世觴歌燕曲莫不然矣岡陵之固也松栢之茂也龜鶴之修也金石之不朽也數者物莫壽焉為古今所恒稱吾循懼其時或乎崩裂焉萎焉化焉磨滅而消蕩焉又奚取以為先生祝余聞贈物者必投其好贈言者必逆其志先生志怡雲物請以雲為祝詩曰會兮蔚兮南山朝濟狀雲之始升也夫南山高矣雲始升未已也敢以况先生之壽壽斯裕莊周曰乘虛不墮觸實不碍乘雲氣而浮游謂之神神人也者忘形而無累也敢以樂先生之壽壽斯休抱朴子曰春服雲英夏服雲珠秋服雲液冬服雲母服之十年雲常獲言長生

老集卷六

六

五

也敢以益先生之壽壽斯無疆夫槎潭雲水之鄉先生所棲息也金峨杖錫雲岩矗立陰晴倏忽先生所瞻眺也江漢洪流山川巨觀昔人所謂白雲黃鶴千載興思者先生又嘗登陟而歷覽焉斯其有適於洞雲也邪先生厚德醇行視世俗所謂白衣蒼狗者壯焉而其崇朴敦雅淡然則有浮雲富貴之志迺今鎮盛而持謙始和而順神結社吟詩徜徉泉石朝而遊也英英乎若雲無心而出岫也夕而返也冉冉乎若雲隨風而歸壑也不知老之將至也將合六氣之精而駕馭乎鴻蒙終始乎造化也斯不亦壽矣乎雖然壽其身者身廼康壽其

湖廣重建按察分司記

嘉靖戊子冬湖廣按察分司災分司在總司南舊

稱爲清軍道蓋楚泉分六道以覈諸郡惟勾稽戎
伍以憲副一人督之然亦不憚堂事獨稱清軍示
有專寄以別諸道云爾先是舊址通隘濱湖渚後
成通衢左右夾壁居若鱗多連絡解宇識者預
有曲突之慮果及焉維時憲副胡侯岳定分蒞是
司越明年已丑春歲重建侯廼白巡撫都御史朱
公廷樞巡按御史張公祿發武昌贖金鳩工飭材
經畫惟慎惟謹惟憚是懲曰必拓故址偉厥瞻母適
于民居庶殄後虞廼以司右隙地可十餘丈南迤
楚府廢營地復起大請益爲塞坎誅萊石輦而
平之址益弘衍爲堂三楹左右輔室翼然後堂如
之隸庶厨溷咸備中爲儀門外爲分司門四維皆
峻垣閑寂不復聞囂聲蓋規制嚴密仍舊而軒敞
弘邃過之然木石瓦甃匠傭之費視昔加節縮凡
用金兩計共五百二十餘緡不復動民以郵夫在
隙者京之故民不告勞經始于二月初落成于五
月杪侯廼爲余爲之記余聞役之始興也有謂楚
歲不登慮舉贏者侯鬱思籌度集諸寮大夫謀之
矣曰官與民孰重愈曰民爲重曰官以出政政缺
則官曠民以滋財財費則民廼如是役何愈曰夫
官有弗爲其民乎民重則官重矣夫政有弗爲其
財乎則失斯政急矣是故政修而後民康民康而

卷之九

六

五

後物阜物阜而後財與力不可勝用是之謂以迄
道使民民誰敢余豈易曰理財正詞禁民爲非曰
義今夫憲固義之施也政莫要焉且楚稱巨邦澤
廣賦繁商舶湧貿財莫斯聚矣俗儻而健朋淫作
惡詞莫斯詭矣持兵滿聚剽掠山澤莫可踪跡而
撲滅民非莫斯德矣夫財聚斯生詞訛斯訟刑
民非倫斯訟訟明三考無紀極矣是故理
之者導也治其紛也正之者範也息其爭也禁之
者威也禦其暴也齊其務也重且急可缺署乎哉侯
謂專寄而責成其務尤重且急可缺署乎哉侯
用諸大夫之言以却群議興廢修葺底績云君子
曰職思其勞志在公也長慮而動協和衷也胡侯
之慎舉與諸大夫之忠於侯謀徒善是修已乎抑
可爲秉憲者規矣遂爲記

卷之九

六

五

贈王上人住隱學寺序

邑東南數十里有山名隱學溪寒而谷幽樹叢森
蔚風泉颯然入迂逕數里境甚奇秀有寺亦名隱
學從山也凡名山亦後張僧繇若金鷄白鶴虎丘
龍泉聞者心躍神往矣茲名隱學和曰古賢人嘗
棲跡茲山讀書樂道故名焉今釋氏之道以無爲
爲有以空洞爲實其徒黷情割智擬思而廢事
又奚取斯名利曰釋氏未嘗廢學其所學云爾

不然聞吾之所謂學而慕焉止於樂趨吾名而終之將就吾實也斯不足與進乎在昔獨行之士憤世逃名寄跡方外若道安慧遠文暢了元之徒服緇而心純言簡而行準恬憚寂則起諸覺路滅塵紛則明榮性靈身少什則擲聲中律追響騷壇若走者謂之發乎吾弟信焉一時名碩如習鑿齒如陶元亮如呂纂子雲咸與擇于論交傾心若故豈其無所取重而然耶夫隱學浮屠氏之趨乎類也仕不忘隱士大夫之潔其志也宜其有合也今夫隱學之勝清曠幽絕足以澄心息慮賢跡之所遺足以仰軌興思吾意其必有高僧如惠安

卷之六

七

七

之儔出乎其間然寥寥百餘年未有聞焉蓋隱而學者固難其人耶抑有其人余未之與遊邪延慶王上人者出于名族習聞詩書禮樂之訓服道十餘年親賢而好文余少讀其虛每晨鐘暮鷄聞誦經朗胡聲獲助省惕與之談若龍領會善根宣滌碍滯口事余久而甚虔余固樂其可與進也往哉隱學將駐錫焉因名而索實思其所學何如以希古名釋非余所望哉余才不類習鑿齒志不如元亮文不逮呂纂子雲適歸自楚求十隱未能也然曠懷逸思樂與方外之士相結社寄傲塵表獨謂視數公風韻畧同春和意熙余計偕同志芒

鞋葛中躡天童覽阿育歷金娥杖錫諸峯當取道上方與吾子談茗碗別蘇碑泝道源而探實際且示之以隱學之秘也益邁往以俟

江陰邑博戎先生墓誌銘

嗟乎此吾師慎菴戎先生之墓先生性謙厚溫雅持已嚴格外癯弱如不勝衣而中剛有智與人言訥若不出口然其言高永有振擢往往持片語折雄辯讀書則深遠不競清靡為文平實無險語而理趣自足故為諸生時及門之士獲常滿負笈而遠至者踵十之五余兄選之暨余初業舉子家君為擇師命曰慎菴先生篤學醇行之士也舍將焉往遂師焉先生教有法程對諸弟子歛襟危坐言笑不輟發質疑辯難輒置無倦容間嘗進余兄弟語曰梗楠瑜瑾匪攻弗器子慎所用哉蓋先生謂余兄弟頗領悟故謬加器愛而其造就期望之念視諸弟子獨遷至焉正德丙子先生以歲薦上春官居最授江陰邑博余兄弟亦先後成進士先生每一寓書不忘規譽顧余不敏於先生之教何能服膺萬一哉先生教江陰一如家食時楷範黼黻振頹敦雅抑浮尤足為諸校先且善推分任真樂施予士貧不給常拍貲郵之故諸士多感奮有家入父子之義曾先生遭疾則相與惻惻戚顏色甚

卷之六

七

臣等謹將閣下及卒哭盡哀奉視登道攀援號泣不忍去既禮訖上當道進祠名宦云嗟乎先生所以得諸士心與諸士所以眷戀弗諉先生恩義可謂篤矣雖余於先生之沒奚啻諸士之為憾故不能以不文之辭為先生銘墓然則士為知己何邪按狀先生諱斌字尚質姓成氏別號慎菴其先維陽人九世祖諱景者始遷于鄞遂為鄞人祖洵以歲薦授湖廣黃州節制父勵處士母李氏生先生養至虔善承順志意李早世處士庶景怡適凡以先生侍奉有方允篤友愛兄弟怡睦有薛包風先生有子弗育擇其猶子曰立曰綺並撫為嗣愛如

卷之九

六

三

厥宗

少石集卷之九

少石集卷之十

文類

送南京太常寺卿鈞谿黃公序

皇上法古圖治考文秩代詔下宰臣曰若稽遠典協和神人書在秩卿顯惟官弗慎選舉失其業名實相乖政體不肅古訓有之直哉惟清惟慈庶其康哉於是南京太常卿鈞谿黃公自方岳內陟臨簡惟鈞谿公之行也惟清惟慈惟閭諸大夫相與為別公願有詩焉屬藩大夫起謝曰吾屬保登茲土職在旬宣政令之淑慝吾既聞矣清廟典章惟有德者圖之臬大夫起謝曰余奉厥辭激揚惟憲刑罰不中吾茲懼焉禮樂之興以俟君子聞大夫起謝曰余職戎兵無嘉祥俎豆之事武弁不敢以與聞陸子曰美哉讓且至矣諸大夫之言也亦試諸鈞谿公之施爾矣昔者聖王之治阜成而政行焉率軌而刑生焉序成不至而後兵興焉以修六府以叙九功以均四海禮樂之道洋洋乎通天地達民物其極一而已矣是故政也者理之達也刑也者教之弼也兵也者文之紀也理達則事叙教弼則執同文有紀則度嚴恪而不紊故曰先成其民後致力於神神既寧子曰百志成禮俗刑然後樂尚和平也曰則克我祭則

暢幽明也故君子通乎政刑之道禮樂無弗弗
約鈞豁公夙負穎敏振聲唐虞進士高第選讀
中秘書養益弘遠既出理郡倅入典衡選再罷憲
學佐藩理節書裁刑獄甲兵隨試而輒效迺今
江浙之間士有過化民有去思無弗頌公政教則
豐樂固公所優為也余等何言以先諸大夫哉雖
稿閭之矣周業中興之興魯宮闕祀用續
服南都我

星祖典創之地實為所任靈昭昭焉制作之所
道典則垂焉備物則存歲時惟式則有司存攷謨
訓以光述作微渺以谷靈祥斯其根本之鴻休

明天子之注望乎詩云嗟嗟烈祖有秩斯祐申錫
無疆及爾斯所願為今日頌之

八厓集序

余昔楚遊覽觀洞庭而知八厓之勝也八厓雄峙
湖表與東山崢嶸並起控衡嶺俯若山引荆湘沅
沅諸流而匯諸之蓋天下之偉觀莫京焉八厓子
於是築居學道冥搜洞覽昭昭穆穆宇脩然萬象之
表意廓如也夫達士弗拘拘克大觀大觀不器肆
言為文何則山川者効其助也意象者會其精也
効助故神通會精故氣完無弗工於文矣故長遊
歷覽子長以贈其作探奇抉勝靈運以富其藻矧

生斯業斯挹鍾其秀靈吐發其奇偉其得弗益弘
且肆哉余觀八厓集汪洋澄麗行弘暢宗文典
述風騷步驟屈不班馬蓋詞人之超軼昭代之名
家也其究其於八厓之勝為多是故疊障疊嶂掩
薄日月以呈其壯蒸雲積霧條忽明晦以彰其變
蛟龍水若豹犀罔象隱見而莫測以閱其蓄驟珠
丹碧水府之珍光彩錯落以吐其華壯則體魄變
則美不遺蓄則結縈不露華則有章八厓子之文其
誰弗愛且傳哉雖然地有靈傑則士有特行文藝
非所論焉厚賈之忠懷希文之憂樂岳武之勲庸
咸是焉寓余獨謂八厓子之大觀不在名勝而在

卷之十

三

茲矣八厓子豪邁跌宕治行焯焯名乎中外品
申嶽時之所謂輕重方屬焉雖其藝之貴也讀
其文考其履而要其至八厓子其文人焉已乎

宗濂祠記

南昌故有宗濂書院志曰宋周濂溪氏令南昌有
惠政邑人立像祀之稱宗示有尊也尊其道也猶
山之宗岱水之宗海矣獨遺愛焉已乎歲久院廢
徙于新建學宮之旁隙舍舍卑池復圯祀乃遂湮
民有餘慨正德辛巳柱史唐公龍按江右百度既
貞庶典惟飭值毀濬令下士民言火神廟不當與
學宮並公曰吾得濂祠矣命毀其神而葺之馳疏

以請下禮官議如公遂為宗憲祠有司歲祀罔斂
嘉靖庚寅余奉職至江藩展謁祠下顧瞻幽庭
草如存光霽可挹南昌郡守莊君惟春進曰維是
杜史之功貽我後人勿述將派焉嗚乎三代盛王
之治饗絕叔季豈惟古今人不相及蓋道與法離
而天下無善政儒與吏分而天下無良士有司競
功利則集詩書尚法術則輕教化民斯斯焉趨于
治治舍命於散矣可勝嘆哉先生聞經述訓
明道立極或者徒以儒目之及其出歷州郡為政
精絕不動聲色而上下嚮應則復稱之曰老吏不
如曰先生物口是常辨分獄者審若是先生
直今所謂能吏傳耶亦淺之乎知先生矣夫內聖
者外王體明者用達先生家傑之才聖賢之學其
得於道者粹然深故施於政者醇然善矣故明無
疑以剖紛靜無欲以存潔公已公人以博愛達剛
柔善惡以視教優游乎中以觀化而其言次之洒
灑識趣之高朗浩然無累與物同游所謂安百姓
育萬邦者實寓焉孔子曰君子學道則愛人若先
生者非其人與使得邦家而治之王道可哉矣先
生宦跡焯焯其在江右簿分寧監盧溪稅再舉南
安被薦來南昌擢判贛州卒未南康軍以終所至
士民懷思祠像赫奕如新矧南昌是今省郡政教

首出之地宜觀風者重加之意哉君子曰徒惠易
劫徒愛愛微惟道澤之入人如江河之潤物愈遠
而愈深千載之下振波揚瀾寔賴吾黨君子又曰
後世祀則報崇節藩瀆則經正報崇故俗不偷經
士故教可飭三代盛王之治其庶幾勃然興乎柱
石於吾道有功矣用志之石以告來者

刻呂氏讀書記序

余嘗讀呂氏讀書記大事記未睹讀書記也近得
宋本於友人豈有叔讀而愛之其書宗毛氏以立
訓考註疏以纂言前綴諸家如出一手有司馬子長
貫穿之巧研精殫歲融會渙釋有杜元凱真積之

卷集

五

悟緣物醜類辨名正義有鄭漁仲考據之情茲余
之所甚愛焉延柱史應臺傳公亦曰夫是書也固
詩學之正宗矣且夫愛之欲其傳也遂刻于南
昌郡刻成或謂余曰今詩學宗朱氏集傳矣刻呂
氏何居余應曰子謂朱呂異說懼學者之多岐耶
夫三百篇微詞與義我執我選矣齊魯韓毛皆則蹊
徑之始分也其適則同也註疏所由以遠也譬則
轍也集傳灼其迷也譬則炬也灼迷者必導之往
往必有所歸夫呂氏者亦示之歸爾矣譬則轍與
的也雖其灼之弗熾與的猶夫迷也安得宗朱而
盡棄呂耶呂宗毛氏朱取三家此其樂云爾朱說

記采之呂說傳亦采之二子蓋同志友也非若夫
立異說以求勝也善學者審異以致同不善學者
友同以求異是故刻呂氏以尊毛異朱求合經以
致同而已矣雖然余於是竊疑焉三家之詩唐人
已失其傳雖有存焉者訛矣毛詩固未嘗忘也後
世經生傳誦緒之三家不啻珠壁棄未亡之毛氏
直如弁絢何哉毛氏行而三家廢君子既已惜之
集傳出而毛氏之學寢微又奚為莫之慨也夫去
古近者言雖賾而似真離聖遠者說雖詳而易淆
故曰家尺難斷可定鍾呂毛氏殆未可輕訾也或
曰然則將盡信毛氏可乎曰余觀其釋鴟鴞合金

卷之六

六

六

勝釋北山蒸民合孟子吳天成命合國語碩人清
人黃鳥皇矣合左傳由庚諸篇合儀禮其可尊信
視三家獨多故呂氏之言曰毛詩與經傳合最得
其真朱子亦曰其從來也遠有傳據證驗不可廢
者是故刻呂氏以尊毛異朱求合經以致同而已
矣呂氏凡二十二卷乃公劉以後編纂未就其門
人續成之茲又斯文之遺憾云

忠惠祠錄序

洪武間蜀人青文勝者尉龍陽值

高皇帝初定稅法尉慨邑上沮如不稼賦重而民
遭抗疏闕廢二上不報終于登聞鼓下上憐其忠

卷之六

六

七

臧邑稅大半邑人思其惠為祠祀之其子孫遂家
焉憶余昔備職史館知青尉名既官楚中楚之士
大夫每談尉事至感激悲愴不能自遏惜未考其
蹟也今年春歷龍陽采詢邑人咸籍籍頌尉如新
田夫野老語及有垂涕下者曰吾邑微尉且無遺
類矣嗟乎尉不負民民亦奚敢忘尉哉青子時中
者尉三世孫聞持遺愛錄請序余曰愛能惠矣忠
或歟焉忠而能惠惟爾祖克之遂更其名曰忠惠
序曰古稱循吏愛民如愛子治國如治家斯言至
矣然未聞慈母為其子以委命肯子為其家以捐
生則尉之為國與民殆有厚於恤其私者斯又循
吏所難能也可不謂獨行與雖然文勝一尉職耳
當其稅逋民移苟邑不支必有任其咎者尉適奮
然以身當之至忘踈逃之分冒離越之嫌抗孤直
之詞觸沮撓之禁試履咥之危犯五大不韙艱難
一死而求濟焉非其忠愛懇篤根乎天性未有不
役于私者易曰民其背不獲其身行其庭不見其
人青尉庶幾有之嗟乎殺身事易及民功難死而
無補奚用死為若公之死有史魚氏之直而蹟過
其烈有卹模氏之誠而功過其實廟食百世宜矣
然則讀忠惠祠錄而不惕然敬慨然悲愴然流涕
其為吏也必不良其為臣也必不忠則是錄之作

可以勸矣亦可以愧矣錄首像贊次公檄次公傳記諸文次詩詞總為二卷舊篆頗蕪亂余稍為更次付時中校刻云

送江西少參蛟潭汪子序

嘉靖己丑春

皇上朝天下方岳百執事大彰黜陟用裨化理蛟潭汪子自湖廣憲會參議江藩蒞鎮選云先是蛟潭子為司馬郎骭骸特立寡諧于俗是故有楚行暨蒞楚則秉威以昭斷耀智以摘姦肅頽以懾化風裁所被民士戰慄按部使或嫉其銳而思以挫之陸子曰是非所以昭法也今天下弊斯極矣

嘉靖己丑

六

八

職司之弗舉政紀之弗飭豪猾姦竄盤伏而無虞于警莫楚焉甚故臬茲土者法患其骭也不患其執之過也刑患其慢也不患其用之嚴也譬之理亂繩者必淬礪其鐫刀治疴羸者必苦辛其藥石歛鐸而求剖和飲而克瘳必不然矣蛟潭子固達于楚之治乎或曰蛟潭子信優于憲矣今茲之職則旬宣也得無用違厥長與陸子曰否居方而泥施者曲士之偏守體化而旁通者達人之妙用蛟潭子滯於器者邪且夫政不足而刑生焉刑之所輔政靡不立是故醇醇之化蒸赫之功悶悶之理察察之精異用而同體施弗悖矣昔者舜咨十二

牧曰柔能曰允惇然不忘難壬之戒召公張師戡亂而江漢之化民深長思之優於憲者有弗通于政哉嗟乎以蛟潭子之治行按部使固鮮知之迺茲僅得常調焉耳蓋今之職藩臬者其賢若否多出於按部有如厥職既盡治行焯焯而按部使弗知典衡弗舉將遂沒焉已爾若蛟潭子者豈非所允難哉斯固

皇上知人之指而蛟潭子之所以篤信而自樹者亦既驗矣君子曰感遇圖報以思奮也守德弗渝以植行也思奮則力強力強則志可崇植行則德充德充則業可大蛟潭子將克之以樹弘休而求

嘉靖己丑

六

九

終譽矣獨藩參一道宜爾哉抑蛟潭子先被楚命余嘗為文以惜其行未幾余亦外遷為同官茲行固不能無言以贈矧諸寮友之榮其行而惜其去也因復為申其說併志余感云

壽松圖序

壽松圖壽吾叔王母太孺人圖也太孺人年躋八十矣履康食善形神不衰是故擬諸松祝其茂也天保之祝也天保稱松栢矣奚茲若有遺焉曰大松千歲栢不並稱松其壽之尤也以尤壽祝祝之至也且夫衆木之宗其名為松太孺人非吾族人之所宗耶宗也者尊也尊有德也凡稱壽必頌德

故頌太孺人之德莫肖乎松矣記曰其在人也猶松栢之有心也心亦微矣物則肖焉物亦彰矣德斯寓焉彼圖之中孔蠅而偃蹇螻蛄而糾盤若挺若據昂然若然非徒其形之類德之似也嗟乎婦德亦難矣哉考厥系斯知原觀厥刑斯知化微厥復斯知節是故齊姜宋子稱族類也且齊聞雖言德刑也其姜栢舟擔復堅也婦德斯無遺矣夫太孺人者出桐溪之姚姚望族也以文敏公為之父則名卿也毓德鍾英厥有自矣故曰培螻之士不植松栢天陵偃蓋大谷倒生斯其知太孺人之原乎吾宗自康僖公始大門闢太孺人為之婦也淑儀有範族人則之襲餘輝而踵仕階者彬彬乎盛矣故曰松栢之下其蔭必長脂苓液珀材棟明堂斯其知太孺人之化乎吾叔王父曾監君早世太孺人二十而孀居介潔自持孤貞垂白觀風者踰表厥宅矣故曰歲寒然後知松栢之後凋斯其知太孺人之節乎夫德原之究也化德之章也節德之貞也貞斯固固斯永永斯壽宜稱壽者之取于松也恭嘗觀之天地之氣鍾於人物其始也非昇之以秀靈奇淑無以厚其生而其終也非成之以困抑摧挫無以完其受松於植物其稟獨殊風霆霜雪之剝折夫寔為之成之太孺人生長貞盛中

歷辛危自恒情觀之未有不以為逆者迺今成冰瘃之操敷蘭蕙之芳直與貞松比節享有遐齡豈非天所獨厚而完其受耶雖然物無不敝名有不朽故下壽壽歲上壽壽德太孺人貞心苦節家乘貳之圖史傳之千百世仰之將與鍾彝琬琰並垂什烈斯固不朽之壽也吾又不知其與松齡孰為久長也請書以頌諸稱壽者

贈曹大夫考績序

曹軒曹大夫蜀人也初試杭郡理官折姦摘伏持法不阿政聲赫如也杭之民咸德之暨擢貳吾寧寬和弗激惻肅恤隱政煦煦如也寧之民咸德之或問余曰曹大夫之政若何夫棘棘者非威乎煦煦者非惠乎威主嚴嚴罔弗恪矣惠主慈慈罔弗祐矣厥施不同奚而民之德之同也且夫不擇地而施者公于治不易民而化者通于理杭寧均吾浙郡也豈其土俗民性之類殊有不可膠柱而調耶陸子曰曹大夫達于政矣夫政猶天道然寒暑者其令也動靜者其機也晦明者其候也令故易機故神候故遷夫然後六氣不滯而庶物生故天道不可測陰陽盡之矣政之道不可窮仁義盡之矣夫威與惠固仁義之施也陰陽之則也觀于令斯節宣矣觀于機斯順動矣觀于候斯變通矣

昔者鄭僑惠也其與然明論政曰如鷹鷂之逐鳥雀季路果也蒲之治忠信而右寬故所皆平天下才者能張能弛能關能翕能為秋殺能為春生政豈有恒哉故知曹大夫之達于政矣大夫之理杭也司則辟也辟有擊之道焉故威為先慈為後令之佐寧也司則牧也牧有柔之道焉故慈為先威為後矧吾寧之視杭系營鄉鄙之於廣都大體乎而以寧民視杭之民其澆漓淳朴與其治之孰難孰易孰於寬宜孰於猛宜大夫蓋籌之至矣書曰庶民惟星星有好風星有好雨言政從民也詩曰柔亦不茹剛亦不吐言令德平也曹大夫之政殆

名

主

庶幾乎宜民之德之同也大夫溫厚端雅進用未艾行當被殊擢以弘厥施臬也則擊道也杭之政可也藩也則柔道也寧之政可也臺也省也威之惠之以時措之雖達諸天下可矣獨吾郡邑之民宜乎哉於是郡博陳君良猷輩聞之曰曹大夫奏績行矣吾儕當有贈言斯不足張之乎遂書以行

鵲巢記

嘉靖己丑冬都憲東泉姚公闢新縣居綽楔初構有鵲回翔集止遂定巢焉維時畚揭方殷喧囂上下鵲馴如弗驚淡句巢成再旬而乳雛啾啾其中矣陸子聞而異之曰鵲來巢瑞也或曰鵲孽必巢

恒焉余奚瑞乎曰巢於休恒也巢於木恒也非所恒巢之處而巢焉瑞也是故龍騰于淵則恒游於池沼則為瑞鳳棲於穴則恒舞於庭階則為瑞故瑞也者世不恒有邦家之恒而至德之召也豈偶然哉余觀鵲之性視群鳥為最靈月令曰季冬之月鵲始巢言得時候之先又如鵲東方朔以鵲尾占風理雅曰歲多風去喬木而巢旁枝言度風氣之宜莫如鵲淮南子曰太陰所建巢向為戶又曰巢戶向天一而背歲言識陰陽之向背莫如鵲夫時候者盛衰之機乎風氣者安危之宅乎陰陽向背者休咎之機乎而鵲皆知之鵲信靈物也惟靈

名

主

故能炳燁惟炳燁故能應感惟應感故能呈瑞余世之人聞鵲聲曰喜兆見喙足曰行人至棲於樹曰鵲將傳巢于庭曰刑幾措見升巢梁曰主貴巢可俯而窺曰世且乎固皆目之為瑞矣然未有如茲巢者辭茂林而來衣冠鐘鼎之家舍叢枝而當風聲未樹之地其為瑞不尤靈且異哉夫瑞不虛生福穰者微福不偶集德培者承姚氏忠厚仁恕之風詩書禮義之澤源植百餘年乃今東泉公與維東太史接武仕衢勛業懋於朝文章華於國位望隆于天下嗣家聲而播餘馥者又彬彬然盛也毓靈產傑厥居惟基咏祥所鐘奇禎斯見茲鵲巢

所以呈瑞歟抑聞之族將大者子孫才國將昌者賢才出詩曰思皇多士生此王國王國克主維周之積族大非所稱焉然則姚氏奕葉之盛寔昌厥裔惟邦家尚亦有和哉鵲巢之瑞為王國瑞可也為天下瑞可也姚氏不得而私之或以余言告公公曰可謂矣遂書之

董氏族譜序

余讀董氏譜而知其族之必昌也孔子曰吾欲觀夏道杞不足徵焉吾欲觀殷道宋不足徵焉文獻之係乎盛衰獨有國者然哉大家之有譜猶國之有史郡邑之有志不可一日缺焉而世之有家者

少集卷五

古

往往奪志於管殖曰焉用是彌文為哉而水木本源之意微尊祖睦族之道亡矣董氏出唐太傅晉之後宋淳祐間諱循者官慶元路遂家于鄞冊陽公必大始創族譜歲久宗支日繁紀載殘缺監纂公鑰嘗欲續修未就而逝嘉靖間董氏遭回祿遺文故籍為之一空而舊譜世系幸藏于別室得脫煨燼或曰董氏文獻幾滅而復存天其未墜厥宗耶於是監察家嗣潛自成均卒業歸收錄藏之則復慨然興思曰弗績遺緒是無其祖也弗竟先志是忘其親也棄祖不可為仁忘親不可為孝吾其副成之廼搜敝藏稽往牒詢宗老補殘綴遺舊譜

少集卷五

五

秩秩然章矣是故昭穆之序莫辨於世次故先之以譜圖論世者必考其行故次之以譜錄行修而後論定論定而後任官故次之以制勅有官而後蹟可傳故次之以狀誌狀誌必有所徵而後信故次之以墓誌墓誌若編次則仍其舊曰弗敢主也明也以示敬也卷末則衍於前曰弗敢遺紀載也以示詳也散逸而難稽也弗載曰弗敢傳疑也以示信也顯庸而非類者弗系曰弗敢嗣汾陽也以示智也書譜書名書字書行曰弗敢臨文諱也以示公也董氏譜成而衆美具矣嗟乎是豈徒善其譜焉已乎夫辨世次所以叙其倫錄行實所以觀其德彰寵命所以昭其恩徵載蹟所以垂其範備著作所以廣其澤倫叙而祀不紊矣德觀而賢可肖矣恩昭而報可圖矣範垂而謀且貽矣澤廣而業可大矣夫然後敬以持之詳以度之信以要之智以燭之公以臨之尊祖睦族之道其勃然興乎傳曰公侯千孫必復其始其庶幾在茲乎是故讀董氏譜而知其族之必昌也文獻足故也粵昔鄒子能言其祖稱名列國無邱不忘簡袖克光趙祚余之深取于董氏蓋亦有所試也夫

明宣義郎簡恭陸公墓表

余從父簡菴公之歿也族人聚而哭之廼相嚮謂余曰夫弗氏氏公行俾求厥聞汝則圖之余泣且諾曰是公遺命也其曷敢弗勉惟公之行足以勵天下必天下之公言斯信若余言則家乘云爾往余嘗燕侍公公尚康強無恙一日謂余曰他日汝必表吾墓吾平生無過人者幸而獲知海內縉紳褒揚紀頌溢於篇章行實其在茲乎廼已且夏余自楚歸謁公則公疾憊沉沉然矣間復命如初越數月竟不起嗚呼痛哉於是搜閱詩藏得諸縉紳名作如西涯李公之詠和瑞若用揚公之稱令德里山李公之頌幽貞太史徐公揚公之述厚倫半

湖陳公甬川張公之原篤慶致齋黃公之陳施報昭潛發隱金石鏗鉤所謂天下之公言非耶然則雖家乘可表也嗟乎王教息而睦族之意衰宗法亡而懿親之情薄分門割戶虧愛閭閻世道可勝慨哉克敦孝友厥行焯焯如吾簡菴公者非獨高十一鄉蓋天下鮮焉非獨叔世之所難雖三代以下寥寥不多見也公諱儼字文亨簡菴其別號世為鄞人弘治間以輪助授宣義即高祖廉贈資政大夫刑部尚書曾祖應祥祖琦父垸贈文林郎監察御史世有隱德母錢氏贈孺人監察公生子五人長偕次儀次公次侑余父憲副君居最少監察

公與孺人早世諸從父咸克幹起家獨余父困庠校監察公易簀之日呼公獨曰使弱子不廢於業者必吾兄也公稽顙泣受奉以周旋與余父同居合食者數十年內外愉睦時家蓄二乳猫出入相代哺識者謂和氣之感家事無纖巨公悉任勞勩弗以貽余父故克專志同學既成進士官御史出副廉訪十九在外公為齋食苦畧而廬給服食供費無余兄弟成立為卑婚娶延師課督視已子無少異故余父所至若登績凡以無內顧憂余父既歸田適道瑾酷罰背產幾蕩籍公輪助僅存君子口惜分親也輕賞義也不廢命忠也或可能也愛父母之子如愛其身愛兄弟之子如愛其子仁也公也倫之盡也是所難也公性寬簡有度事父母孝敬中歲家裕時憶監察公與孺人生無腆養每至泣下基祭時享必致豐潔族人貧不能立者收育之遇嫺嫺有恩處橫逆能忍弗較恒怡怡如也他若揮金結誼焚券激貪恤孤惠窮高風獨行縷縷可書而余獨詳於孝友者紀行本云公生千正統癸亥二月十一日亥時卒於嘉靖己丑十月廿九日亥時享年八十有七娶徐氏范氏側室陳氏子男一姪女三孫男三淳滂沛女二以庚寅正月十六日卒於西山之陽

壽東涯楊先生七十序

東涯楊先生之壽七十旬也其仲子言為其郡大夫先期馳使有迎先生于家使者登堂稽首曰願大人就養官邸言大夫寢食匪寧日夜以望車馬之至也先生諒將就道其鄉之大夫士與其宗黨姻戚則又相率留先生行曰先生誕且在邇吾儕盛饗倍奉几杖拂管絃為先生稱觴致祝豈非樂乎而奚官邸之為榮也於是先生行曰復沮對使者辭使者嬰然曰願一言於鄉大夫請為大人勸駕先生曰諾迺進使片於鄉大夫言曰吾大夫之迎養大人也樂甚月也君之也情斯至

太

矣書曰肇牽車牛遠服費用孝養厥父母厥父母屢自洗腆致用酒有如大人辭弗致慶如吾大夫之情何大夫之蒞吾郡也政廉而惠民愛戴若父母有弗均父母之欣戚乎故吾郡民亦惟日夜延頸以望大人之至也曰庶幾無疾痛道里之厄用慰大夫思是吾儕小民之福有如大夫之不得奉養為戚如吾郡民之情何且吳會佳土也綺羅文紵藥班桃竹之富足以供服御香杭錯繪橘柚櫻梨之產足以給滌隨娃宮蘭館笙歌曲舞之巧麗足以侑觴燕紆衣傳帶鏗金而戔王者多詞人騷客之流足以備紀頌而大夫力皆能致之願大人

無引然樂也鄉大夫輟然笑曰使者之言未矣大夫之事先生也以養志為大非耳目供具之為娛以克職為孝非豐爵腆祿之為尚昔者大夫之官諫議居禁閤也先生不以貴自侈暨大夫以直諫謫州郡也先生不以卑為挫其青瑩於大夫與大夫之所自樹以為先生榮且壽者何如而奚有於邵林哉哉先生守貞履素卜隱東涯處不豐其居服不華其飾怡愉泉花竹石之間客至飲酒哦咏暇則出郭遊眺侶煙霞群豕鹿而適禽魚是則先生之樂也亦異乎使者之所謂樂也使君再拜起謝曰鄙人弗逮也請歸以後吾大夫先生遂留于

見

家廼懸弦之旦燕會陳賓朋咸集起而歌行葦之卒章祈景福也再起而歌桑扈之首章張慶會也再起而歌考盤之首章揚隱德也君子曰德斯隱矣隱斯慶矣慶斯多福矣且夫辭祿養而安故土樂有今日樂其所自生也不忘本仁也仁者宜有壽哉余從諸鄉達後又大夫同年友也乃作壽序

封文林郎貴州道監察御史涂公墓誌銘

士居鄉而行足以表俗脩其身而教足以成子處常布而為名公鉅卿之所雅重二者世稱為難豈日樹之無基而可以襲取哉養晦涂公者豫章隱君子也性豁達而氣豪與人坦直無嫌忌論事秉

理道不詭不激鄉鄰有聞者不直有司而直公喜
賙卹貧乏亦不責報或負所貸則焚券示之其懷
慨樂施類有然者少學易晚悟盈虛以養晦自號
日與賓朋吟詩飲酒放懷泉花竹石之間視榮利
澹如也宗伯二泉邵公少許可至稱公行誼服人
有堅固而返之風其訓子不專督課試懇懇忠孝
為勸曰忠即孝推爾輩能竭忠于國是孝我也識
者以為名言子相舉正德丁丑進士官御史所至
著聲績義方之功居多嘉靖二年春以

恩命封文林郎貴州道監察御史從相職云君子
曰平心率物植良也修德弗耀德施光也食報于

少集卷六

年

子慶澤長也養晦公樹德有基矣不愧隱君哉按
狀公諱鳳占字應吉養晦其別號世為南昌人曾
祖太寶祖良益世以耕讀起家父丘山號誠菴母
喻氏寔生公公年十九誠菴客亡于蜀公觸險奔
逃得吉兆遂葬焉歸奉母氏竭誠供養終身不離
左右及卒哀毀如節人咸以孝稱公生於正統戊
辰十月初十日卒于嘉靖庚寅三月二十三日享
年八十三娶楊氏同公受封孺人側室宗氏子男
三長即侍御君次楫早世次校邑庠生皆宗氏出
女二長適斗山姚瑛次適壁斜吳雍皆楊氏出孫
女四以卒之明年辛卯三月六日安於張坊之原

寔與楊孺人合葬云余昔受侍御君知薦於公固
有夙慕迺茲來蒞江藩欲一叩閭觀德而公已不
可作矣然幸流聞尚存宜述以傳矧勤侍君之請
銘其可已乎銘曰 嗇于位豐于德為鄉閭之表
式善厥謀貽厥子膺素封兮柱史張坊之原隆然
若墳後欲考公之遺行尚亦有徵于余文

歸榮錄序

西峯趙公之致政也

皇上敦念老成賜 璽書以歸則有乘傳之遺猶
費之頒廩餼輿隸之供誦者咸稱嘆曰鑑湖賜曲
山水至今有光唐皇誠惜賢達矣不知當時禮意

少集卷六

年

曾若是繼繼周至否乎而西峯公固爭之輒置也
維時在朝卿大夫咸重公去掄揚紀誅益王鏐然
讀者又稱嘆曰漢傳辭榮都亭祖餞之盛千載誠
罕儼矣不知當時公卿曾播諸述作否乎而西峯
公固今之二疏也公既歸田閉門謝客煙霞為侶
鹿豕為群日與田夫野老吟詩飲酒為樂聞者又
相稱嘆曰是復見東山之履西洛之社矣顧獨如
公生之望何而西峯公固今之謝安司馬君實也
公明農之暇曩諸贈言冠以 勅詞名其錄曰歸
榮屬榮序之嗟乎士大夫於出處之際誠難矣忘
歸者迷得歸者幸惟榮歸者稱最難君子非榮歸

之難惟完歸之為尚是故擇履不變以完其守貞素不汨以完其志毅直弗挫以完其氣寵辱得喪弗能奪以完其節若是者雖斥逐而去之位君子榮焉其不然者往阿洪恩舉平生而棄之雖僅能以位保終所喪寔多矣又奚足榮哉西峯公早負時望自曹郎出歷郡藩入登臺省遭讒被斥屢踰嶮起峻潔耿直之聲久而彌固而其為大司空持正抗言裁冗剔蠹旋幹尤多今茲之歸雖不悅已者中之然

明天子眷注惓惓若不忍舍去而褒嘉錫予之恩畧不少替顧於公自許復何歉焉而謂非完歸者與嗟乎駕轡重於羊腸者無旋軌全趙璧未

喙者稱上功今之挾藝而仕者其貴與重何如而其涉歷畏途又奚啻羊腸虎喙之為險也有如公之完名終始豈非所難哉余嘗論之賀之達也斯鑒止疏之哲也斯勇退謝與馬之望也斯後樂鑒止故不危勇退故不惑後樂故克保終易曰視履考祥其旋元吉公完有之則是錄也可傳以為榮矣

封安人張氏墓誌銘

安人今福建按察使胡公岳之配按察憲仕刑曹即封安人云余昔僉楚憲與按察為寅僚居後

並余妻與安人往返甚密嘗謂余曰安人女中傑也吾後止庭蕭雅而無譁窺其婢侍和洽而尚敬享其饋精甘而潔膳而有度視其服珥儉素而不炫安人女中傑也迺安人卒按察謂余有世好以刑部郎富君好禮狀走書請銘而其詞極悲悼若不自勝焉者余固不能辭也矧安人之賢既稔聞于閭閻復取徵于縉紳耶按狀安人姓張氏名秀蕃華亭儒家女也年六歲喪母依嫂氏習女紅事繼母孝敬父國用愛之曰吾女必擇佳配按察父耐菴先生國用執友也因遺其子往謁國用一兒稱其遠來委身焉安人既歸胡值按察多瘡學幾廢曰偉男子不學將草木同朽耶按察用是奮厲寒暑不輟者三年而學益肆遂舉進士第按察亦早失怙孝養繼母安人相之事如親姑嘗偕按察隨耐菴宦雲調節服食朝夕不少懈按察居刑曹安人為嚴局鑰鑰戒飭城獲暨出愈蜀憲以道阻留家綜理諸務纖巨咸秩按察得無內顧懸著聲績其副楚憲時安人每見庭鞠從容問曰籌擬吐號能盡無冤滯耶按察因自警惕多所全活未幾安人得痠疾以歸值按察擢廣右參政過家安人疾劇遂不起明年再擢閩憲復歸乃謀舉葬事安人性明達寡言笑尤篤親誼外家中落子弟藉以充

給其待宗堂咸有恩妯娌諸婦動止皆取法或小
過輒相戒口付使安人知之其為家人所重頗有
然者安人生于某年月日卒于某年月日享年某
子三人長鍊邑庠生次錫國子生次錫亦庠生次
一側室沈氏生安人愛如已出孫男一嗣考嗣弟
女三俱幼以某年月日墜于某地云銘曰 嗟彼
婉淑毓德閨門儀之不成圖史習聞處事繼母歸
亦繼姑克孝克敬終始弗渝克相夫子勸學底成
振英中外為邦之慎胡弗遐享一命遽終泉壤載
錫徽音尚弔

近湖詩叙

近湖詩叙

卷

近湖沈子工於詩居近湖故稱近湖子因名其集
云近湖子嘗坐余于湖上之居出其集評焉曰夫
詩體亦難乎備矣豪嶮者弗矩偉麗者弗邃雄深
者弗逸余茲病焉陸子曰夫矩其生于法乎邃其
出于思乎逸其成于習乎法貴傳思貴助習貴養
是故傳莫親于家庭之授矣助莫神于江山之勝
矣習莫難于王公貴人之弗移其性矣夫是之謂
三善少陵天下詩宗說者謂東邵趨庭之日有所
授之司馬子長歷名山大川著述奇古盧駱常武
皆貴族能以藻翰相馳競慕流響者必稽焉夫是
三善固詩人之所向也近湖子髫髻能作咿哦聲

卷

主

其先憲副公長于詩長廼刻志庭訓益肆于吟近
湖子登金陵普北遊燕薊覽徐淮遵海岱廼今居
楚洞庭黃鶴赤壁洪山朝夕之所登眺而歷覽者
天下之奇觀也廼厥思日益豪放近湖子姻連戚
里無貴侈態築居一室左右圖書朝夕與賢士大
夫論文稽典故接之雅飭循循若寒士然廼厥養日
益沉邃宜近湖子之工于詩也 三善之備矣凡
夫弗傳其失訛弗助其失荒弗養其失畔雖般之
運斤蒙之巧射良之善御藝弗精也今天下學術
之弗精得無坐是乎夫詩固藝之上而學之餘也
知藝則知學知學則知詩矣近湖子起謝曰古人
論詩知學子之言其幾矣哉請書集端以正焉詩
云

趙氏家乘序

趙氏家乘載趙氏家世也稱家矣局系國牒乎曰
趙氏有宋裔也家化斯為國國散斯為家其本支
則一也故系焉夫系之其以焜耀厥閥乎曰非也
傳有之公侯子孫必復其始亦永言孝思之道爾
矣是故表之以慶圖泝其源也陳之以位序明其
授也聯之以字號別其次也列之以紀傳著其德
也泝其源本始厚矣明其授業守隆矣別其次昭
泝辨矣著其德典則貽矣載之盟府布之族屬子

孫守之固亦家之乘也孔子曰吾欲觀夏道杞不足徵焉吾欲觀殷道宋不足徵焉趙氏斯其足徵矣乎是故一遷而洞觀再遷而古源洋溪三遷而高山夷之不能汚威之不能亂恩之不能奪令中氏於是而有血食之勳凡以文獻足故也夫足則紀載宜詳矣迺趙氏夢於浙之東西江之左右荆湘大澤之上下燁有著聞系茲乘之弗及乎曰乘循史也史示信也示信則弗傳疑故世藐而易淆者弗載地遠而難稽者弗載若安福潭州以下歷歷如指諸掌矣令中氏於是而簡袖之賢凡以世德存故也嗟乎趙氏易姓於王閼世屢矣永華學古

卷之三

入

美

二公豈其得已而其心能一日忘趙氏乎趙氏毅然請復之君子謂有五德焉不背本仁也龍言其祖傳也以義制恩斷也克繼先志孝也立玉氏後而恤之厚也仁則惠博則達斷則有成孝則不匱厚則不偷繼之治其勃然興矣乎故曰觀于其家而國之政可推也趙氏方圖家乘其於令中氏之治得以國事弗書耶令中氏爽愷特達自夏官即擢守循郡稱亢宗云

奏最承恩序

馳封令也凡近秩率三年得之其遠者非於薦雖試最弗昇焉亦令也郭無極為縣四越歲而被薦

者再此試家宰復書最焉會遴臺臣無極在簡列願獨以例避謝於是

天子擢判松江府復錫命贈封其考坦巷公如

無極官妣若配並孺人前此既遷者罕被舊封實

異數也諸大夫士皆賦以詩而復屬叙于其友

史氏叙叙曰余觀於無極而父子君臣之道得矣

誨愛曰仁顯榮曰孝推逮曰禮服勤曰忠夫仁存

而教形乎禮達而誼定乎忠孝備而道立乎是故

父無虛授于無易業君無虧情臣無微惠盡其分

而已矣昔坦巷公厚積薄發檢校大名獨以其

業授三子故伯也舉安成仲也舉偃季也舉無極

且有業施焉可徵其仁也今

皇帝思濟元元簡守牧故於無極之最權以要郡

充其才也錫以榮封彰其異也是盡禮矣無極奉

身而履誼共職而勤事履誼故民服其化勤事故

上官嘉其能可謂不愧其君父稱忠孝矣夫君父

至大倫也忠孝至美節也墮體以敗名之謂辱微

恩以怙寵之謂欺出不可以寵國為民則也故懋

思庸業崇孝至德備廣業故浹浹而名榮備至德

故標建而道尊然則擢無極之治一邑固其小也

以移諸松一郡亦其小也彼其雋聲清劭報君揚

親者豈但已耶豈但已耶

文類

山東通志序

山東文獻名區維昔虞韶在齊周禮在魯先王流風善政洋洋乎風渢乎至于今不衰則固文獻之遺矣夫志以稽事載典彰往詔來於文獻不重且大乎迺曠焉弗脩者幾百有餘年嗟乎是直一方之缺耶蓋天下之文獻繁焉何者海岱山川之宗也聖賢天下人物之望也六經天下文章之祖也咸在茲土是故志一方而徵諸天下莫備乎山東矣顧今人輒曰邦舊者易湮文盛者難述又或譏曰志非一時所能就而亦非吾一人責也夫其說之者既無志難之者又不力廢將誰與興哉嘉靖壬辰武視學山東訪先學憲余君子華家得志草十餘卷例繁而載畧編亦未就竊嘗欲刪訂嗣成之顧奪於校藝未遑焉無何都臺靜菴袁公柱史蒞莊方公蒞山東慨茲陸陸典協謀毅舉武遂得為請許之迺同于藩參陳君魯南更立名例刻期張石檄高唐判張君寅輩集諸庠彥分類編摩酌繁簡剖疑難補遺正訛而荀莊公按部所至輒采詢故實致之越明年癸巳志成為卷四十為類五十有二為附類凡十於是舊志所存無幾矣或廼言

曰山東遭胡元兵燹之餘文史散佚子之為是志也曷徵乎余曰禹貢以辨封疆述土貢周官以明規制春秋左氏國語歷代史以考沿革紀盛衰美惡諸子藝文以辨方物陳士風文史未嘗亡也曰子之用志勤且博矣抑由東紀載有一千茲乎曰晏謨撰齊地紀李肅撰三齊紀阮叙之記南齊書孝恭記南徐張建章之記渤海唐之河南宋之京東咸列圖經今其全書雖不盡見而採拾於鄒元之水經註鄭漁仲馬端臨之志考羅泌之路史祝和父之方輿勝覽與夫寰宇一統諸志班班可考山東未嘗無載籍也曰然則如斯已乎曰堯墟舜井之跡靈光孔壁之藏大禹之廟周公之廟故址嶽鎮瑯琊登封之舊轍海王碣石之奇觀傷麟歌鳳臺臺劍塚之遺墟蓋嘗歷覽周詢得諸東人之口述焉斯不足備志實耶是故古今者跡馬爾矣興廢者文焉爾矣考跡則世故明因文則典章著孔子曰所損益百世可知也故是志也稽往實諸訓紀事核其實纂言會其精據簡冊者多耳耳目搜遐邇者詳於辨證是故以體國經野則矩協以考俗準治則政達以彰淑懲慝則鑒昭以正名辨物則典究綱陳目舉燦然可徵庶幾備一方之缺云爾迺若紀載貽於日力是非謬於去取言

之無文行之弗遠余方負大懼焉所謂繫天下之文獻云者余豈敢哉余豈敢哉

山東按察司題名記

東臬創自洪武戊申迄今百五十餘年刻石記名凡三易矣洪武甲寅刻十九人正統辛酉刻七十六人正德戊申刻百二十有四人迺嘉靖辛卯石窮紀溢值使東洲屠公至曰名不紀實將墜乎題贈貞砥鐫之又三十餘人豎儀門之右維時余纂山東通志嘗稽往牒詢故老得聞臬之賢大夫五六人焉夫是五六人者古所謂慈惠之師忠信之長明察之官矣愧耶益聞之憲有善五不善亦五是故履堅秉直以端其操明法習比以練其體摘伏果斷以昭其鑒繩奸詰暴以肅其規平反理冤以究其澤其或不然蓄昧以長寇弊也開好擊以殘善弊也酷崇昵以漏枉弊也翫滌文以鈎隱弊也刻奪勢以撓執弊也怯大是五六人者五善克五不善弗克舉能其官可為世法余安得不志之夫志固史之流也則五六人者可以不朽矣嗟乎更百五十餘年歷二百餘人可志以傳者僅茲五六人而已自五六人之外沒沒無聞者不知幾人矣君子立名以垂世誠亦難矣哉昔漢遺直指使八人分行天下獨張綱以埋輪著聲唐貞觀中

出部使二十二人察四方獨孫伏伽以鯁直被
彼其不得與二千並轡轡者又不可勝紀而今
五六人者將為綱為伽伏世稱賢大夫也豈非所
謂不朽哉後之君子思齊往哲惟五善期必行行
之惟恐不力惟五不善期必去去之惟恐不疾苟
其名之不足實將焉徵是故勒之石表其名也實
之彰也載之志稽其實也名之著也傳之史承其
譽也名實之備也名實備則規鑒存規鑒存則宜
師更吏于法軌民于尸祝邦于典刑維茲石其永
賴矣夫

海岱澄清詩序

七言集

太

四

余聞談海岱之治者曰美哉斯古齊魯之風
決乎大風之餘也秩秩乎藝章之飭也洋洋乎利
澤之饒也迺今東民弊焉極矣是故賊重而德
禮朋而教弛訟健而理劇刑繁而不勝其怨矣而
古今之不相及也傳曰魯道之衰馭法者非其人
齊併其法壞之故法者政之紀而治之樞也紀不
振故令愒令愒則政日蠹樞不運故化維化維則
治日頽今夫御史奉

天子明命巡行四方察庶僚而貞百度是惟法紀
是司有扶衰起治之責而況於所謂齊魯舊邦哉
嘉靖壬辰春荷莊方公出按山東下車慨憤深懷

俗敝政用嚴格既通陟岱宗覽帝丘弔魯宮意墟
搜虞周之陳典遂涉汴泗謁孔庭登鳧峤峰訪中
牟之舊俗挹琴臺之餘化遵海而東抵瑯琊遙瞻
碣石撫管丘考太公之故疆卑管晏富強之遺術
既迺繩奸糾惡理冤逮滯舉廉黜貪百司咸飭諸
廢漸舉東人為之歌曰鸞轡兮東國慨周道兮不
復嶽風兮清穆又歌曰鸞轡兮鸞轡鸞轡兮不
復藏海兮不揚於是藩臬諸大夫及後而詠之
風風然諸體備矣庶美彰矣嗟乎斯非所謂海岱
之風而齊魯之遺乎蒞茲公維新舊國者蹟蹟清
斯不足徵哉無若先王之治未詳以離風雨風乃

七言集

天

年

考俗考俗以知政是故民有謠謠傳之生有
奏之大夫有頌清廟歌之凡以彰盛治而播
非自其藝之尚也茲蒞茲公竣事歸矣東方之治
行將為我

明天子陳之是詩也紀采詢之實述明誠之功備
數納之一助矣乎遂冊以獻

崇正祠碑記

濟南城東北十餘里孤峯磔立巍然而蒼翠者為
華不注山山陽峻宇繚垣鬱然而盤亘者為華陽
官宮據山為勝泉深而谷幽愔愔鐘鼓震耀林壑
過者相顧嘆息曰秀靈融結之地明神弗棲而淫

讀其祀曷表勝觀以式邦人嘉靖壬辰 詔天下
毀淫祠於是自司議毀華陽值都憲靜菴袁公巡
撫山東釐革庶政爰秩祀典廼進藩臬楊君守禮
屠君僑輩謀曰祀淫匪彞毀成匪儉匪彞典將廢
匪儉民將戕蓋存舊而新之以正易淫傳曰先成
其民後致力于神如之何維時巡按御史宿莊方
公治敦禮教則復進諸大夫謂曰祀欲正報欲隆
舉欲不費慎之哉錢不敏從諸大夫後廼退而言
曰余嘗登華不注有遺嘅焉逢丑父之忠偉焉烈
矣閔子騫之孝醇焉至矣華泉取飲脫君虎喙茲
非其地乎而弗之廟食幾為華陽之墟矣余安得

已于嘅耶余聞古之君子生于其鄉則社稷
其地則邦祀死于其土則墓祀是故社祀以酬
也邦祀以徵勞也墓祀以寧魄也思不忘故也故
祠之言思也過畫邑者必思蠡入孝堂者必思巨
登華不注而不吊逢閔二公如忠臣孝子之思何
諸大夫曰祀以崇報報以立勸忠孝人子之大防
也勸斯至矣余廼復起而言曰 明興百五十餘
年士大夫以宦業鳴東土與鄉先生沒而祀于社
者何可勝紀然不曰有功德蓋六郡譽望之一鄉
者乎是故名宦自銘公鉉而下吾得二十一人焉
鄉賢自黃公福而下五得十有九焉雖專祀一方

奚其愧諸大夫曰禮以義起義協則禮稱數君子
周逢閔之徒也可合以祠矣余廼具請于兩臺兩
臺咸報議遂易華陽為崇正祠願者起之腐者新
之有堂有門有廡有亭有庖有瀉有龍有座其外
固以周垣表以石楔通以津橋引以川原規制嚴
煥觀瞻惟肅其祀則逢閔二公居于中 國朝諸
君子並列左右春秋歲祀著為令云君子曰闡靈
據勝得其地抑邪扶正合乎經存舊為新節乎費
舉逸脩曠饒乎典景勸俗寓乎教一事而庶美
備焉弗迷將泯焉已乎武無能為役姑識其始末
而系之銘華山巖巖乎崇正祠靈氣磅礴明神是

藏翼翼新祠誰其作之顯顯中丞允維慶之曰昔
華陽龍宮赫奕彼淫弗剪正氣斯蝕正氣維何為
忠為孝嶽峙川流日星同耀忠不避難孝亦底豫
挺挺哲人為世砥礪坎其擊鼓俎豆肅雍神之降
止居歆既同百爾君子有君有父式瞻永懷爰禱
罔斁
許忠節公祠記
余聞之國治無勇功時平鮮節義多危而後畧著
多難而後忠顯斯特其縣云夫謀定於素之謂畧
義成於性之謂忠故排難不括器之利也守死不
貳天之制也君子有從容以制變無貪幸以成功

有廉慨以社義無矯抑以完名時之理亂大非所
預焉 國家承平日久海內不知戰爭民不操兵
士大夫從容諷議謂言伏節死義事迺正德間流
賊燭禍畿甸海岱騷然州邑長吏望風奔竄忠節
公求令山東之樂陵甫期城無完堞民無固志下
令誓必死曰有弗如令者戮以徇迺勤日夜浚濠
增陴繕兵積粟拊循其民而守之賊至則設伏出
奇或親操矢石突城出戰每戰必勝斬獲無慮數
百人於是賊相戒不敢犯樂陵城

天子嘉其功擢山東僉事以兵鎮武定武定素凋
弊公復飭備如樂陵時勞郡之民扶幼而至者填

少者無恙

八

八

于道無何賊眾犯利津公出兵擊走之再犯德平
又擊走之於是賊又相戒不敢犯武定武定置兵
自公始至今領兵畧者必曰許公許公云公擢江
西副使值宸濠露反形亟白當道宜先發其罪有
不如意者輒拊膺頓足曰吾不知死所矣難果作
宸濠以兵劫公公抗義不屈竟罵賊以死嗚呼烈
丈夫之行也已蓋公少負奇穎以經略世務為已
任性慷慨直忠亮許國其素志也故卒然當變應之
有餘臨利害而不可奪豈平居無術遇事周章徒
自斃以塞責者可倫哉公遇害之明年

今上即位贈左副都御史謚曰忠節命有司建祠

少者無恙

本

江西之南昌廼棟人思公若喪父母歲時伏臘為
位哭奠祠未有立焉嘉靖壬午兵憲王公暘來備
武定士民有為言者公曰國之大事維祀若戎戎
飭而祀廢政迺弗咸盍祠之以言于都臺邵公錫
則從以言于柱史熊公榮則從迺撤廢寺得隙地
于學宮旁營之堂廡苞舍翼然煥然又得廢圃於
演武場懇之入其種稷以供俎豆有司歲祀罔斂
是舉也上下嘉其成幽明孚其感忠勇作其氣風
紀植其綱豈直附棟人之思哉祠既成余適以督
學來東泉兵憲公曰斯不繫風教耶子為記之憶
余筮仕聞忠節公事未嘗不悲憤涕下則又以不
得見其人為恨往參江藩得謁公于南昌祠廼
東來又謁公于武定祠貌像若生拜瞻悽愴能無
忠義之感乎然竊聞江右人言曰唐有賴平原明有許
樂陵斯二言何謂哉蓋文山祠于吉安南昌距吉
繞一水後三百餘年忠節祠建焉又一文山也平
原祠于陵武定與陵為接壤後五百餘年忠節祠
建焉又一平原也夫忠義之氣貫金石格天地而
况其精神氣類之自相感召死猶擇鄰曠世奚間
其事同其心同其血食之地亦同可謂之偶然
哉嗟乎開元天寶之亂河北二十四郡靡靡然摧喪

平原一倡大義天下始知有勤王之師航海發厓
國事去矣惟一死以明君臣之義成敗又奚擇焉
由是觀之忠節之功不獨在武定狼山之捷賊黨
勒平微公孰為之賊其忠不獨抗節鄱陽之戰群
忠効力微公孰為之倡然平原天子不知名而忠
節已錄功於生時文山賁恨以沒而忠節隨酬志
於死地二公血食一方忠節且燕祀焉忠節不負
臣子天下後世豈負吾忠節哉嗚呼可以為萬世
罪忠之勸矣忠節姓許氏諱達字汝登河南固始
人兵憲公蓋慕其烈者祀典迺秋云

六月西征詩序

嘉靖癸巳夏西蜀蕃部弗靖邊檄告警

天子軫念曰慎選撫臣以往於是用庭臣薦擢山
東左轄南澗楊公為副都御史

命曰惟飭兵戎給餉餽惟爾謀用滅惟戰在威
在德爾惟相厥宜惟副將若藩若臬閫內外惟爾
制之則又馳驛使諭曰往哉式遘母宿朕命於是
公即日戒行時維六月溽暑炎熯沸蒸諸大夫同
事東土者咸為公留行曰蜀道遠哉艱矣撤無火
停乎公曰斯

君命也我弗敢稽且夫勞吾于鬱煥也與驅民于
鋒鏑也憂訛為大焚溺之拯也與行役之恤也事

訛為急於是公遂行行之日余從諸大夫出錢郊
亭公曰何以贈我余廼起而言曰昔馬伏波之征
交趾也盛夏屯兵合浦將士至穿石窟以避暑瘴
然卒底平嶠南勒功絕域公是行得無似之乎公
曰定志立謀以干時主惟是往烈余弗敢失墜然
而善言必再余廼再起而言曰昔諸葛武侯提兵
西伐五月渡瀘威懾諸蠻功昭後代公是行得無
似之乎公曰惟竭股肱問關險難余弗敢暇逸然
而善言必三余廼復起而言曰昔吉甫匡周六月
啓戎薄伐獫狁王國斯定公是行得無似之乎公
曰惟有嚴有翼實奏虜功余何足知斯然而善言

至矣廼再拜授簡于余曰子為識之余惟伏波壯
矣以垂耄策勲武侯忠矣以備安定績吉甫文且
武矣以中衰起祚今南澗公弘偉博達經營四方
且當強富之年處全盛之世際 熙明之會而曩
爾醜爭點不如徵則詐不如子獲內侵非若朔方
自恒情度之若無足為公慮者公廼聞命就道志
激而義形食處不遑息勞暑不遑避則公於數君
子雖遇若不同而其立志之壯秉心之忠文武之
不廢非所謂思齊異代者邪余之竊望于公也昔
公嘗倅叙州守成都飭兵建昌蜀之山川土性民
俗政理夷情鬱鬱閭閻歷已素而其部落酋黨稔知

公名聞公且至將稽顙納款 惴惴恐或後其不
然者禽獮草雞傳傲而可定也又何足煩公之慮
哉雖然公負中外之望久矣

明天子簡注深矣西事且竣蜀鎮不能留公也易
之解曰利西南有攸往夙吉今日之行有焉詩曰
肇敏戎公川錫爾祉行將為公頌之

贈廬天府尹造先生序

嘉靖壬辰春

皇上大計群吏以彰黜陟廼東阜先生自山東右
轄擢應天府尹諸大夫同事東上者屬余文為贈
余竊聞之入言矣文藝之士智近迂世祿之家習

易修迂則弗諳政修則弗任勞如之何其言理

士

豈然哉夫禮樂文章者政之府也勲望德業者邦
之軌也政無文則國陋人維舊則政詳故彝章者
昭其監也經緯者著其猷也張弛者神其用也聲
華者繫其望也忠貞者篤其祐也清白者副其休
也以達家邦以御民物咸是焉出矣是故達人不
以技藝局其長志士不以居養易其性董賈之才
稱通達王謝之族多勲庸彼其本強無術中枯而
外室寒素寡聞驟登而輒敗又安所用之哉
明興百餘年海內稱望族者任丘邊氏而東阜先
生父子兄弟名跡輝映尤極一時之盛先生舉進

士選入 中秘書翰林宮允從容禁侍以又車為
職業罕自表見嗟出補東藩計盈餘疏積滯也悲

忠剖奸剔蠹老吏不能逮也蓋先生朴茂醇篤刻
志問學雖生長世族能絕貴富而窮夫官箴政範
民情物理典章世故熟聞於家處之指授充養於
館閣之漸濡者既完其粹故能隨試而輒效若
為筆若治為裘不夾縕度著上將模鄒韜精銳
一出而截盤匱刺重犀也其於京兆又何有或或
者廼曰藩宣以平政故惠必及乎遠京兆以倡治
故威必行乎近昔者趙廣漢以發摘為神而公政
清張敞以賞罰自立而四境治惟京兆者必效焉

余備曰

士

明天子在上漢治不足法也先生以文學飭吏治
刑法更不足尚也故惇大者存其體忠厚者崇其
基仁恕者綿其澤傳曰惟有德者能以寬服民又
曰無急如東薪無弗折矣無察如撤藩無弗亂矣
根本之慮是維在是東土之治可舉而措矣惟先
生圖之

填虎別調序

填虎別調者一厓陳子與其弟龍山子作也八音
殊響入奏填倡而虎應故伯仲氏稱焉取其聲之
和也凡聲由氣而動其氣和者其聲和天籟自然

之感也今夫詩心之聲也心氣之竅也氣同則求聲同則應求且應是以和生焉耳莫如兄弟矣廼亦有不盡然者何靜躁緩急之殊稟也如惡取舍之各趨也出處顯晦之異迹也乎且矣由是作矣是故君子不以攻取淆其性不以物我判其情因心則篤友樂孺則敦愛屢敬則忘卻爽則勸于善怡怡愉愉弗逆弗偷其斯致和之道乎和也者發皆中節之謂也和成於聲是曰至音修詞者得之以平調垂名者得之以振響推而極之則節宣陰陽出納今古揮斥宇宙暢幽明而達至治用斯為至矣夫一厓龍山二子者刻志希古以家學相

少長卷五

大

五

授受氣同心同故形諸詩章悠揚冲雅不詭不尤誠若相為倡和焉者君子以為至和之音斯集庶幾有之而或者猶惜未睹其全嗟乎清廟登歌一倡三嘆有餘音矣曾侯衆樂之闕耶且夫述平原贈者識機雲之並秀懷池塘詠者思靈運之摘藻聞風雨吟者慕東坡穎濱之結愛古之賢人咸重友于匪直托以昭遠亦名德之足紀也故曰誦其詩不知其人可乎余懼讀是集者或害詞焉故

繫言

慶別駕東甯林先生序

今制京朝官課最駢封如執券責償弗爽厥候得

之者亦視為恒焉爾惟外察非政卓異或有其政而按部使弗舉與舉焉而核孚其實輒不易得故藩臬大夫賢而不相值者有之矣二千石賢而不相值者衆矣倅駕永薄賢而不相值者又不知幾矣吾郡佐林先生先刑微郡有異政薦剡交聞天子賢之值三載績滿封其父東甯先生如已官君子曰東甯公有子宜享今日之榮稱異數焉嗟乎叔世道崩敎弛功利之風日熾父兄所以訓迪其子弟果克古所謂義方之教乎子弟所期自樹以慰其父兄果克古所謂不墜家聲者乎今夫佔俾稍能閤閤焉青紫之華督責乎其前世稱曰賢

少長卷五

大

五

父兄爵祿加其身而民瘼罔聞日惟豐實博產以自殖其身圖世謂之克肖若是則家與國奚賴焉而又希寵榮以誇耀其鄉閭曰是主上之恩也教子之功也豈非所甚愧耶東甯先生之教大夫自東髮時授經課業即以持身飭行為先暨入官每寓書箴誨期以不負清節而其兩判州理淡泊自持歸無羨者尤足以為家人表率是故誦業根謠而可以勵冰蘖之操矣觀河防疏而可以奮勤勞之績矣讀訓子吟而可以興圖報之思矣大夫之異政謂非先生之教之成耶君子曰樹德者豐基飲河者泝源石氏醇謹躬行之化也楊世忠勳却

金之遺也先生今日之榮於家為篤慶於國為禮
化於子為民其報者與先生用不售其志施不盡
其才適金係精靈神向洋泉石身榮而志遠大夫
名位且崇為先生迂直礙於將來者殆穰穰未艾
也一命之錫又奚足稱異數哉雖然大夫方為吾
郡浦其棠之澤惟先生在閩海無以致愛養之私
吾士民亦感然惟大夫不得致其私為戚吾郡佳
山水不在星臺公下則逸老焉先生肯惠然一來
乎吾二三大夫當率棠側範相候于鄞江之澣余
文僭為之媒六

澣川別意序

卷之三

六

去

龍山陳大夫之副東臬也剔蠹繩奸平冤達滯政
罔遺或居三年不遷或曰大夫憲之良也顧其行
踴躍寡合言刺刺無忌避性朴而儉法持一而不
阿人或尤之陸子曰甚哉處今世之難也夫寡合
不介乎無忌避不直乎朴儉不潔乎持一不信乎
士所患同耳詭隨耳濁耳詐耳獨且直而潔而信
將尤之使不遷乎甚矣處今世之難也夫陳大夫
者台產也台之土風峭直矯抗士負氣多節緊大
夫達不變其素履不越其素視世俗脂韋洪恣以
為非是而思以易之固難免乎今之世哉大夫嘗
謂余曰人之尤我我不為戚仕且倦矣歸謀菟裘

哉余應曰天下有軌憐獨行之士台士將有合焉
道之行否其在人耶其在我耶吾子亦俟其合而
已矣嘉靖癸巳春大夫以考績戒行寅寮諸君談
祖澣川之渚維時景熙情暢酒酣樂融繼以續繼
余乃舉觴臨流而言曰樂哉斯川如大天之去何
夫河梁嘆別湘浦懷思古人豈為是戀戀兒女子
哉要之道合惜睽撫景結衷蓋有不能已於言
者矣諸君咸起而賦澣川為大夫別嗟乎澣水
發正屋濫滌陽抵岱陰而出河濟之間其始也伏
于重丘阻于坎窞雍於泥沙疏之亦溜濬之不長
而其達也溢為川渚為湖放為海沛然其能禦
此其通與塞孰為之哉易曰水流而不盈行險而
不失信言水有恒性也又曰維心亨往有尚言人
有恒德也水有恒性故流遠人有恒德故行達且
夫澣濟水也濟者齊也齊度量濯垢垢德由來美
矣大夫遊斯斯觴斯詠斯於水德有深悟焉是
故以齊其心志則不惑以齊其得喪則不憂不客
激以資介不逆行以資直不受汚以資潔不棄候
以資信如是則德備德備則用周用周則施達蒸
雲霧而雨天下茲行固濫觴哉於是大夫起謝曰
水知我乎我知水平知我與水者子乎至哉吾子
之善喻也和帳撤書為群王之什

武定兵備道題名記

武定古無棣境襟河濟而枕北海地沃形險氏性
獷悍而武健或曰居沃則饒焉險則固民勇悍則
易倡棣有三利矣余曰不然饒生侈固生肆民易
倡生玩玩敵弗備侈肆臨之國其能守乎卑稽在
昔齊太公之封界也重節度使之鎮戍也宋防禦
固練之所治也武之上國而設備之要衝矣
我宣廟時殲賊諸謀昭布武畧寔維茲地遂更
治武定以正德間山東盜起所過城邑瓦解時則
有若曹陵公許公達實倡平原之義武定幾破而
德宗興陵有功焉於是公擢山東僉事以兵鎮武
定為銓額焉逮今數十年漢也絕磬刁斗不鳴齊
南特以安堵君子曰非其利之能為無忘厥憂備
之力也嘉靖壬辰王君賜以下曹郎擢僉憲來備
武定山歲餘諸廢振舉閭閻志考諸先有事
茲道者自許公而下凡六人疏其姓字爵里購
珉鐫之以堅堂左朝夕注觀曰庶幾徵厥賢否以
資吾理嗟乎是舉有備之道焉夫今之治兵者備
卒乘以強戰備城堡以利守備芻粟以給餉備戈
矛械器以耀敵無非備者獨不曰備謀之為急乎
謀非自用之貴能取諸人之為賢取人非博詢
方惟景行之為要是故往者來之軌也前不後

之鑒也尊軌以象賢則事有準昭驗以明度則政
不惑其嚴也吾濟之某寬也吾紂之某威也吾振
之某惠也吾崇之某斷也吾裁之以集眾思以收
群策能自得師矣其或優游怠荒弗戰于其戎弗
完于其民吾得而議之又惕然自省曰毋使後之
議我如少之議昔以重奪茲石也夙夜殫厥謀慮
靡敢不周甯敢不盡故是舉有備之道焉然則永
殄厥憂保利茲土于不窮其尚有賴于茲石也夫
贈雲南副楊君年
二檀楊子字濟南年而報政嘉聞溢於上下明
年春撫雲南副雲南古滇國去京畿萬里外夷
獠雜居俗獷得難治仕者往往不憚余伺楊子
然釋殺然壯飲然若不勝也廼楊子訪政于陸子
曰仕樂近而憚遠人情乎曰近易親遠易踈踈
之勢判而利害之轍分矣故曲士懷土以自便達
人居易以常守楊子曰吾固嫉夫世之陋也然而
近多僻遠多譽非耶曰火不遠燭輝不揚水不遠
赴流不長飛黃駉駉不試之千里與駑駘等耳是
故君子昭明德而弘功業非遠弗克自樹莊躋之
勇也伏波之壯也武侯之謀畧也滇人至今有述
焉楊子曰滇不界梁益乎治梁益如之何曰梁也
者強也跳梁不服其化梗益也者隘也儉隘不通

其政惡厥惟艱哉嘗聞之治遠人若撫嬰兒示之
信以防其欺懷之惠以投其好寬之禁以樂其生
是故有修文之治有柔綏之畧有招撫之方有羈
縻而不兵之術夫如是雖魑魅可馴格矣楊子曰
吾職惟憲憲主刑辟如吾子之訓何曰天不以窮
谷察其舒慘政不以殊方易其生殺遐邇邇一治
亂政與刑一道也今惟聽決性允執辟不貳非所
謂信乎幽隱必達冤滯必伸非所謂惠乎明恕而
行之毋殺不辜非所謂寬乎三者皆憲之職也以
柔遠之道行之則罔楊子之政矣且今滇為省治
禮樂刑政之治焉百有餘年豈復古南詔蒙段之
習耶而彼獫狴羅罽獠獠獠之種狂狴然蠢蠢
然固亦好生惡死感仁而懷信未嘗不可以道化
也吾知楊子往必克之矣楊子與余同舉于鄉同
登進士補有文舉余始目為文人耳暨歷冬官郎
通判瀘州陳新蜀材以薦幹稱出守濟南當省會
之繁劇處無留獄官無滯牒民無隱瘼又能以其
餘力肆為藻翰故濟南人言曰宋曾鞏元趙孟頫
之後文章政事稱楊子焉余於是又知楊子非專
於文者君子曰文以飾政政以舉刑刑以馭遠治
不易能以順行之濟南已試之效可舉而措矣昔
日適丁茲在茲楊子圖之遂書以行

少石集卷之十一

少石集卷之十二

文類

贈福建右轄心齋張先生序

往余濫史局纂 武皇帝實錄嘗得心齋先生諫疏讀之竊愛其詞意剴直不事勦說而忠義之激烈利害之詳明有人所不能言與不敢言者獨直之蓋先生時為御史守居庸 駕將北狩先生與同事武貓計不合乃按劍坐闕下曰有奪關者死天子聞而壯之遂傳回蹕於是天下多先生之功余始未識先生暨讀其疏意其人必峭直峻厲或落落豪宕不可近及與先生為寮友則見其氣和而量達行飭而禮卑政詳而有體論事平實不激不厲語叩其中淵然汪然是非可否確有定議余然後知先生之養有過人者故臨大事當利害能以危言悟主而收其功先生自內臺出副陝臬參東藩擢山西廉訪再更東京居無何擢福建右轄計不歲終而三遷陝方岳蓋稱異數云先生留行過余訪政曰夫木處者病穴土處者惡巢習性不同各有攸宜余北產也如閩海之治何陸子曰四方男子所有事雖遐陬絕壤靡不同歷是故懷石自便曲士之所以自泥也安上敦仁達人之所以廣業也異

楚之才嘗策勳于中原燕趙之士多垂名于南國古今何可殫述以吾子之才之器厚養而裕施豈其風土性習之所能易耶先生曰子之言誠達于治矣竊聞東南大海溟濤無際愚民駕艇出沒鳴箭嘯侶劫殺為嬉而海外諸夷波翻雲詭變恒不測斯豈易治與陸子曰夫駕羊腸之坂者窮轍皆以途涉龍門之津者舉楫皆安流何者其始之所歷固天下之至險難也今吾子以閩海視居庸為龍潭乎大阻江帶海舳舻千艘龍魚寶藏之所生商舶經畧之所集非有塞傲之苦寒武夷壺公之遺絃訓比屋士民興行非有北鄙之獷悍倭奴占城琉球波利諸國奉琛入貢脫有覘侮蜂蟻之毒耳非若北虜之驚勁是故土饒則澤易官民與行則理易達虜馴則化不梗以居庸視茲誠若駕坦途涉安流而況其時其勢其職任之難與易不同先生既克其所難其易者知不足為也雖然先生歎歷中外資望崇矣內臺柄擢可指日以俟先生為藩臬于東方纔二年去而復來未幾而復去東人欲信宿為先生留不可矧閩海獨能無以我公歸耶余又為寮友志別而遂及東人私欲以徵先生之由愛云

路山詠錢序

東洲子轍將南諸大夫同事東土者繾綣不能為別合錢於樂源堂廼起而賦樂源越明日復錢於襪祓山廼起而賦襪祓又明日復錢於大明湖之尹亭沂舟出北門抵華山日暝而返又為賦華泉蓋致詠錢然後別云陸子曰美哉諸大夫之別予並情暢而義宣友道於是微焉大臨流者曠遠以怡抱登高者瞻眺以興感沂景者流連以結思是故有懷有頌有感有紀有規懷言乎德也頌言乎美也感言乎過也紀言乎績也規言乎勸也咸識別焉爾矣夫人非鹿豕為儔勢不恒聚士有蓬乘之志業在四方道苟弗踈跡離安計故河梁以

卷之三

夫

子

慷慨陳詞洛濱以綢繆惜群淵淵以美今慎慎利載之下流響鏗鉤情義弗虧友道竟敦也太東洲子者懷義展敬弗矯弗亢德可親矣宜猷著藻顯於東土矣可掬矣寒謬自信時好弗容遇弗詭矣刑乎欲息化流澄清績用彰矣祗慎厥節克保終與勸靡忘矣斯諸大夫所以不能為別也繾綣不足飲錢將之飲錢不足詠歌繼之是故以德興懷則不昭以美敷頌則不溢以遇陳感則不隨以績載紀則不遺以勸進規則不諛繾綣然洋然然情由是暢義由是宣友道斯不足微哉雖然言聞之矣東洲子昔為御史以峻直不阿出守保仁曰吾

得式三輔之治復史延平曰吾得考豫章之遺迹而藩曰吾得親唐堯之化總東臬曰吾得觀周公太公之流風蓋身親古道而有得焉是故抑而奮躍而起憤而忘愈堅歷源而養益弊行乎而望日崇廼茲置擢廣轄蓋與命上逮慎選以往云余東洲子之戚也從諸大夫飲錢無能為役姑述其後以贈諸誼言

陽信縣志卷之四

余視學山東之明年春按武定集諸邑士校之維時餘姚徐九皋令陽信興學飭士教彬彬然嚮化余校藝且竣徐子率諸生請曰先生何以益之余

卷之三

不

日

曰陽信固多士哉蓋視諸邑稱雄矣余謂其有弗誦法孔子祖述六經者乎是故言乎易其文乎沖爾言乎詩其文渢渢爾言乎書其文渾渾爾言乎春秋其文縝縝爾言乎禮與樂其文秩秩爾言乎爾爾然聖人作經以詔後世其教止是乎而諸士之自負將維是焉自足已乎蓋聞之六經其載常道也其學心學也善學者熾心以體道不善學者徇物以喪心心之用大矣哉包天地合人物貫古今極天下之至曠通天下之至神是故易吾心之變化也詩吾心之好惡也書吾心之典常也春秋吾心之法臧也禮樂吾心之政典和也窮變化

以順時審好惡以逆志執典常以正軌研是非以
遠權主敦敘和以平性六經皆吾心中物矣其不
然者勸懲則弊乎學則弊於惑惑淫邪則弊
於其尚足為聖人之徒乎諸士子歸而求之越夏
五月陽信建尊經閣成徐子復進諸士曰陽信
地號僻陋往來莫弗備九章懼諸士之荒于業
也漸為購致經史凡若干卷既慮守者弗力為重
屋於學宮旁貯之曰尊經閣顧乞先生一言之訓
余曰夫藏經以廣業也廣業以迪士也迪士以藝
豈立教者之得已哉是故立德尚矣窮經次之藝
斯為下夫藝亦廣矣九流七畧諸史百家汗牛充
棟學者何可勝讀而其源實出于經譬則五緯之
麗天群星拱之矣譬則四瀆之行地眾水趨之矣
故尊經云者齒弗及藝也且古之藏經莫盛於周
柱下楚左史漢天官書時則有若老聃之多識
倚相之能讀劉向之博學乎其間君子猶病其
流于藝抑不知今之讀聖人之經者將博文如數
君子之傳不年亦將進諸藝而深造乎道也昔蘇
氏作藏書紀曰今之學者有書不讀為可惜以余
觀之有書不讀不足惜也讀書而流于藝深可惜
也有書不讀愚耳昧耳於道未為深害流于藝者

為浮為繁為闢為荒為陋五弊與而道術裂矣嗟
乎豈藏經之意哉於是諸士子撫然曰小子將安
從事耶曰吾昔者心學之說蓋之矣爾諸士盍歸
而識之遂書為記

胸山書院碑記

臨胸當青齊萬山之地僻而民朴俗穠儉難馴或
曰僻近陋朴近野儼近悍若之何化之陸子曰古
道之不復其諸性真之忘乎今天下士習華而飾
也幾於偽矣不患其失之僻而陋巧而競也幾於
市矣不患其失之朴而野頽而懦也幾於靡矣不
患其失之儼而穠是故僻陋者敦龐之化基焉朴
野者醇篤之行興焉穠儼者剛毅之守出焉斯天
地之正氣而人之成之豈繫乎其地哉嘉靖壬辰
余視學山東按青州集諸屬邑士試之則胸之士
多少銳而穎異視諸邑為獨盛余始異之曰孰謂
胸無士哉既乃進諸士子詢焉僉曰胸入國朝來
自馬溪翁學士以文章行誼鳴一時厥後寂寥無
聞賢校地而不修士風頽而不振至有數十年不
登薦者若我胸令諸君寶乘興學起廢治先教化
又以儲材在學校而蒙養必先小學乃倣古社塾
遺意創書院於邑城中前為泰正三楹後為景
賢堂五楹翼以書舍十六楹碑以左右塾八楹於

是選民間之秀彥立塾師以教之朝鍾暮鼓聚散
惟時辨方正句讀吟詩習禮考論名物器數居
處慎其與長幼明其節勤惰示其懲勸令雖日事
案牘不暇給稍間輒與諸生督課時校藝而進之
在塾升之左左塾升之堂升之堂者以需進于庠
校於是邑之士咸觀感而嚮化余作而嘆曰褚君
立不誠賢令哉達教本矣越明年癸巳巡按御史
蒞莊方公按胸重為嘉獎遂扁其門曰胸山書院
云嗟乎今書院之設遍山左然未聞以小學為教
者易之豈曰山下出泉家君子以果行育德言導
之漸也記曰禁於未發之謂豫言辨之微也導之

名集卷之三

上

漸則本立辨之微則幾審所以遏淫邪防逸豫而
正聖功咸自茲始余固謂褚君之達教本也且夫
天地之氣淳而未漓則積之必厚而發之也弘著
而未洩則觸之必暢而出之也奇譬之荒江大澤
之濱斥鹵不稼開闢而播種之種種芄芄然生矣
童山濯濯一旦培之水土樹之嘉木不數年可以
棟明堂扶大厦人才之盛衰豈異是哉夫胸固山
川之聚也其秀靈清淑磅礴鬱積歷數十年而未
有鍾于人者尚翕然凝也今茲多士浸淫道化刻
勵磨淬而日趨于仁義禮樂者又勃然奮也得無
所謂淳而未漓蓄而未洩者乎諸士子勗哉母負

良有司之意幼養而壯立以衍敦龐之化以樹篤
實之行以勵剛毅之守胸之俊髦將彬彬然輩出
發之弘而出之奇矣諸士子勗哉

送石亭陳公擢太僕御序

今之談治者曰文士弗諳于政甚或以迂腐目之
曰是不適于用也嗟乎豈其然哉豈其然哉夫文
政之華也政文之體也華弗著實之亡也其國敝
以陋體弗崇用之窒也其治焚以塞是故吾儒之
道旁舉萬物而不遺遍包六合而無際歷試諸難
而弗窮可內可外可升可沉可榮可辱而不可奪
斯其文士之適于用也有弗諳政哉宋人有言蔡

名集卷之三

八

君謀不喜政事而善談文章歐陽永叔不言政事
而喜談政事二公各舍長以益短以今觀之以永
叔非政才君謨非文士不可也吾寧石亭陳大夫
少負卓穎以博洽強記名海內暨舉進士文譽日
益起選讀中秘書歷官史局陟殿閣編摩磨汰之
功居多入固曰陳大夫文士耳無何宰執建議出
侍從諸臣外補蓋試之難也大夫得江右少參江
右賦繁而民猾奸竊盤據更老吏不能詰也大夫
至則繩惡宥良搜剔宿弊不歲餘廢者起滯者疏
之者繼貪婪而漁獵者不得作江右之賦稱平焉
而其言參東藩督稅之舊如在江右時人於是知

大人有政才曰文士固爾邪今年冬改太僕卿分署山右人為不憚曰大夫奈何當司圉牧陸子曰否居方而信能非以達化也執器而運長非以廣惠也且夫宇宙內事孰非吾儒所當究心乎秉司委史檢關擊柝雖聖賢有不辭而況牧圉大政軍國攸賴典衡者將用是以徵吾儒功用之全大夫豈有所擇哉昔者端孝邵公以左轄晉太僕大夫嘗為大贈之用衛文公淵之語為規君子曰其為友人謀也忠余于是知大夫為已之必忠也將無所擇焉且夫余言政與文非塞淵進諸德矣德以本之文以彰之政以達之圉牧不足為矣大夫將出其緒餘為文士寃厥用乎大夫未聞之曰善往哉吾將試之焉爾矣

贈順天府丞半窓羅公序

半窓羅大夫夙負穎敏年二十舉進士拜官中舍或曰少而銓乎然而大夫不有其官日惟母老弗養為戚遂乞留署改廷尉平於是大夫以恬退聞大夫離仙俾纔一年即試法比或曰閣厥始乎然而大夫入官如素平反鞠折一時老吏不能詰於是大夫以精捷聞遂擢守於表移於贛更於南康再更於南昌大吏也獮而勤贛也僻而阻康也敞而陋昌也衝而劇大夫不數年更歷四郡或不為

慮曰才病於數更澤阻於未浹乎然而大夫所至樹聲績是故獮動者良焉阻僻者達焉敞陋者豐焉衝劇者理焉於是大夫以幹治聞晉副江皋防兵於饒饒臨鄱湖地稱要害或又為大夫慮曰易備而兵治乎然而大夫善操法振紀文而有備境無劫掠焉於是大夫以防禦聞居無何竟以母老歸家家居數年復起為蜀憲飭兵威茂衆咸難其行曰大夫奈何復驅險遠乎大夫哂曰擇仕非忠也避難非義也吾往甚焉輟西嚮而東臬之命下矣於是大夫又以慨壯聞君子曰羅大夫信賢矣哉恬退觀于志也精捷觀于識也幹治觀于才也

防禦觀于謀也慨壯觀于節也羅大夫信賢矣大夫之副東臬也當督郵傳問嘗與余談曰科舉弗宜民疾弗息本東人何蓋始經書欲一洗宿蠹俄而內遷京兆丞以去於是大夫咄咄謂弗究其施者陸子曰今人下財力之困備有甚於京畿否乎而民之所當力拯之者有重於輦轂之下乎東方治不足勸公慮也夫根本者枝葉之宗也腹心者膚體之會也根本固而後枝葉茂腹心壯而後膚體強故漢世之盛京兆為最重然一時稱善治者不過曰賞罰立信耳曰豪強屏跡耳曰一府皆傾耳操核震刷之意有餘而培養休息之仁不足

外雖精明可喜而中則元氣索然以云論治者有
遺憾焉今大夫請練傳達於念民瘼誠以東方未
究之施為輦轂之民一拯援焉斯非根本腹心之
圖耶且夫一其志則政有恒矣情其識則物咸照
矣練其才則紛可解矣蓄其謀則策無遺矣固其
節則守弗渝矣大夫將克究厥圖五善備也雖重
且大下是者執此以往矣奚有於京兆丞哉於是
同寅諸大夫聞之曰是可以贈矣遂書之

贈山東參議東谷王公序

東谷王子舍東臬飭武定三年而政行境無崔
葦之害室無刀斗之驚東人稱安堵焉或問余曰

名集卷之六

六

七

武定古無棟境齊太公之封界也有餘烈存焉東
谷子經理其故疆而修舉其廢圯將謂政無所因
乎曰否志士弘駿謀以昭遠霸圖不足纂也或曰
樂陵古平原郡魯公之所守也有遺祠在焉東谷
子出瞻入謁朝夕而禮事之將謂勇無所激乎曰
然昭忠勲以倡義群勇無弗應也或又曰武定之
兵始于許忠節公遠忠節於武定有保障之功郡
人之所思也有尸祝存焉東谷子祠其像碑其績
而秩其歲祀將謂治無所裨乎曰暴殄餘愛以繫思
衆志無弗歸也余觀東谷子醇厚爽直遇事無纖
巨種種有條間嘗為余談古今兵法極變合奇正

進退攻守之氣究時日背向雲鳥變異之占而於
尉繚黃石司馬孫吳之所紀載咸能舉其說而上
下之余固知東谷子有志世用者也今年秋擢東
藩少參過余訪政曰軍旅之未閑如錢穀何余曰
政同體而異化同術而異施是故應變不窮存乎
通經緯不亂存乎智今夫車不脂轂則不行火不
積薪則不熾軍旅猶之轂也錢穀其脂也軍旅猶
之火也錢穀其薪也相須以為用而相濟以成功
孔子曰足食足兵豈有二哉東谷子曰然今之山
東多古齊地古之齊也強兵悍卒角勝西秦今之
齊也削弱不振矣古之齊也鑄山煮海富雄天下

名集卷之七

七

七

今之齊也荒涼不聊矣則如之何曰古今時也
弱豐儉勢也禹貢揚州田下今獨稱富饒雍州
田上上今半為塙壤又奚獨齊地為然哉是故善
為治者審時以立制則政有經因勢以順民則法
可久今夫東方非兵弱之為患患民貧而弗給非
民貧之為患患賦役之弗均故藩參者制其盈縮
量其虛實經其出入酌其體例時其歛散齊其勞
逸抑其貪豪利宣而弗壅惠行而有孚其職至重
且難也嗟乎士沾一命亦幸得以自効東谷子舉
進士出宰劇邑入官戶曹廼今存歷藩臬兵戎錢
穀經制一方嘉聞溢于時懋功及于物駿駿乎進

月亦艾也東谷子用世之志將自茲其大行矣乎
他日東谷行曰昔者少石子之論蓋歲我也蓋書
以行諸大夫曰可遂書為序

朔方建碑詩序

人有恒言立名處于朝立功處于邊遇志士之言
則曰寧處邊陲多其難余嘗壯其言而稽古功
名之士蓋惟漢世士多負氣尚功自表樹是故
趙充國自謂無輪者臣王漢中國上方畧班生授
筆自奮立功異域馬伏波持鞍鏖鏖以求自効彼
其不遺險難而圖之功獨志在功名已耶遇
叔世不然矣一在華要遠居驅使游禁禁罰之

入

主

養望而邊鎮外臺有召入臺省者士大夫美以為
榮為遇若是哉其視古人何如也嘉靖癸巳冬大
同軍士告變諸邊戒嚴

皇上命慎選撫臣值寧夏缺聞廷議以山東左轄
字川張公為請遂陞都察院右副都御史奉

勅以往同寅諸大夫或言曰以字川公之才望即
入柄用何歎必試之邊以平公聞之曰此吾志也
願戮力以報

明主蓋公自舉進士為秋官郎出為僉臬為少參
為太僕為藩伯仕跡多在山陝間故西北邊疆之
泥塞夷情之詭詐山川土俗之險易美惡皆嘗

詢而涉歷焉茲行固宜其慨壯思奮他不遑恤也

嗟乎古志士不是過矣雖然嘗聞之寧夏古朔方
地周漢以來獫狁匈奴皆由是內侵蓋其地衝
可長驅而賀蘭黑山莊浪西海諸地皆稱險絕據
之足以捍敵詩曰王命南仲往城于方豈非得其
要害哉唐置朔方軍城亦內徙宋人失守遂為虜
巢雖以韓范之謀畧僅能制敵一時而門庭之寇
終莫之去何者失險則守不固失勢則力不重失
紀綱則令不行唐守邊防不競犯茲三大患矣我
朝三邊並置而寧夏獨遠控夷壤洪溝天塹直抵
黃沙數千里所謂黑山諸險盡為斥堠其設險可

大

古

謂固矣屯種以積聚飛軌以給餉通雖以重利權
勢可謂重矣賞罰號令自總制而達之臺臣自臺
臣而達之土將偏裨如身使臂如臂使指有弗率
令者易置之其法守可謂信矣夫以祖宗籌邊
至計超越前代數百年來可以無事而後之有事
茲上者或出已意更張之於是西夏始多故矣公
至且如之何哉公氣清貌癯身若不勝衣而中剛
有制與人恭遜無競至臨大事決大議確不可移
君子謂有趙文子之德焉是故外遜以行順也順
生慈慈生惠矣內執以守正也正生嚴嚴生威矣
威惠行而賞罰信賞罰信而節制明節制明而政

令一政令一而將士服虜人懾矣易曰師貞詩曰壯猷公復奚愧耶公轍且西夏人斯得長城矣邊庭奏績當寧與恩夏人能無以我公歸乎茲又諸大夫之望之囑也

節壽圖序

節壽圖壽聞人母王孺人圖也冠之節表賢也圖之中穆然蒼挺然秀者松與竹也或曰以此節焉節斯固固斯久廼所以為孺人壽矣孺人新建伯陽明先生之姑先貞養隱君之配今進士詮之母也聞人與王並世其族陽明天下稱鉅公貞菴鄉之善士詮用世才是故考厥系則知德觀厥家則

卷之三

六

十五

知化徵厥嗣則知教兄固者大家也夫鴻都德也子仲郢與滂者柳范氏母也孺人之賢章矣君子曰淑哉休乎未也婦職之常耳亦盡諸變焉故常者順也安之者也弗可過也變者逆也守之者也弗可不及也於是乎觀節矣孺人之歸貞菴君也年三十而寡居家就落諸孤在襁孺人永樂自摯處之怡然者三十年如一日孤閨朴而茂則命之曰爾勤稼穡幹乃蠶維斯夕侍吾側以家食養詮敏而秀則命之曰爾業經史載爾質以往惟願庸其身以祿養則又勵之曰爾聞爾詮厥惟先君子之志周旋奉之罔墜既而閭果克家詮登第甲

科君子曰貞菴君沒且不泯母氏之勞也節基之矣嗟乎士伏節以全其忠婦居節以完其正事君與從夫道固不同頌其事與勢婦視臣為難丈夫誦法聖賢行其所明故易於自立婦非獨得於天稟而素閑於姆訓所謂女丈夫者鮮不愧此栢舟之操與忠臣義士並垂耿光而不磨也然則舍是以何以為孺人壽余竊又謂詮將有官守言責之寄矣移節為忠未必非孺人教且孺人所託以存之永世者非其高履之壽而詮之所以顯揚其親於不窮亦必有壽於是與孺人今年壽七十六月十二日為諡之辰計祀諡政非克歸展觴祝

卷之三

六

十五

宣義郎楊君墓誌銘

宣義郎楊君之沒也其子濟永涑水將奔馬涑之民有攀轅而泣者曰楊侯之不得侍終其親者為誰而吾儕小民實漬宣義感戴問之故曰侯蒞吾涑纔三年也洽而信孚以子視涑民涑民亦父母視侯未有父母之戚其子能恣然於懷以愛乎宣義君之賢斯不足徵哉或曰君嘗挾重寶游江淮

積而能散耻沽怨以富其焚券市義之驢乎購得
活人方修九散施衆求者無弗予亦不責報其市
藥有道之清乎歲饑民艱於食出粟千餘石賑之
有司勸借無弗樂應負且不怨其輸財助邊之式
乎夫如驢也利導而不殛如清也惠博而不有如
式也弗以私先公家先國義也然則君誠不愧宣
義而丞之愛其民也思肖先德宜不負承矣余是
以徵焉君諱錫字廷器世為山西石州人曾祖棟
祖茂父雷皆宣義郎與君均例授也母任氏生君
配王氏繼高智曹子男四長即涑丞王氏出次潤
晉府典膳賀氏出濮州曹氏出女一適庠生王景

少集卷之三

七

孫男一景新亦庠生曾孫男二應宿應奎君生於
天順庚辰五月二十日卒於嘉靖甲申十月七日
年六十有五丞歸將以卒之明年某月某日葬於
某地以侍御張君珮王狀來乞余銘余按其事實
諸所聞皆信故為叙而銘之銘曰維道有二曰
利與義類波日趨彼徇惟利君富以仁積而能施
允懷胡求吳冥斯庇焉生賢才百里展驥愛及爾
親涑民之恩綿綿福祿匪德曷致我勒茲銘耿光
勿墜

贈御醫吳從仁南還序

吳子從仁少業儒弗就坐折肱治軒岐之術視診

投劑多奇中譽廼日起有司薦其能升之醫師分
其治而稽之曰十全十全者周人謂上考也今制
則歲技群醫良入供禁掖於是吳子預焉歷十
有五載進為御醫入曰以吳子之勞績僅得是然
今而後始全也茲其階乎吳子必殫厥施而後已
無何遂引疾以去余感焉吳子曰子無易視醫也
吾用其術三十年而究其理習居身之道以語吾
子夫人之疾陰陽風雨寒暑晦明之氣稟乘之浸
淫不殄結於膏肓法謂不治今之仕者疾如馬夫
爵祿軒冕者陰陽風雨也榮辱利害者寒暑晦明
也其震耀炫惑易於喪入之守入之心殆甚焉

少集卷之三

六

明招雋偉之士往往迷而不返汨沒而不能振則
膏肓痼之矣尚可為哉吾是以去耳或曰子誠高
舉也其心以為樂吳子曰吾居山水之秀面金戕
背天目菑不諸峯環抱矗立吾於是角巾芒鞋觴
歌登眺採芝而食鋤木以殖種董仙之杏逢火君
之東隱是優游以適將不復知有功名富貴之樂
也子以為何如曰子之樂是矣顧今之居是職者
咸若子固如國之疾病疔瘍何吳子曰上醫醫國
吾歸壽諸山澤之民耳國之民壽則腹心壯山澤
之民壽則手足無痿痺濟物均焉陸子聞而嘆曰
吳子將不得為賢哉夫知足不辱以全其身義也

徜徉目適不慕其外智也壽民醫國以博其施仁也三者儒行之所難吳子有焉古以醫術擬諸相業者豈過耶吳子氣軒拔而謹厚藹有文采至其樂施不吝亦不責報又能自拔於流俗市交之儔矧承其仲父司務公伯氏從岷大參之訓源淵遠有端緒蓋醫而本之儒者也不然當正德濁亂朝諸藝旁午倖進鮮不濡足其間更化來亦且斥逐去矣與有今日之榮歸可得耶太醫院長楊君輩需余文以贈容采之別余亦舊識吳子序以歸之

封一品夫人屠母姜氏行狀

夫人姓姜氏光祿大夫桂國太子太傅吏部尚書

兼都察院左都御史致仕進階特進榮祿大夫贈太保襄惠屠公之繼室也姜之先松江上海人祖良始藉居京師父贈通政訥庵公旺母封恭人戴氏天順壬午五月十八日寔生夫人有婉容幼即警敏聰諸兄誦讀過耳熟記輒能領解大義甫長莊靜有則言笑不妄為父母奇愛曰吾女必釋良配年二十歸襄惠公蓋成化辛丑年也時公為僉都御史正寅封恭人丁未公為都御史封夫人弘治戊午公陟宮保為冢宰進封一品夫人先是在室戴恭人夢彩鳳忽起庭中夫人攀翼升雲表持一羽還詰朝媒適諧或以方齊懿氏之占又一羽

兆一品也夫人逮事舅封榮祿大夫太子太保吏部尚書松窓公及姑贈一品夫人徐氏奉養備至事襄惠公異順以虔公先配薛夫人賢淑或慮鮮厥儔夫人繼之内外咸宜公亦雅重焉每語所親曰薛夫人不死矣薛夫人卒歲餘公先娶側室方氏夫人後三月至愛敬相得居四十餘年終始無間內治翕然人尤以為難公在吏部夫人每戒其親族不得涉外事曰脫有是母及吾門當嚙斥之及思戴恭人不能忘僅迎養踰月或歲一歸寧而已夫人預朝謁者二十年屢被鉞幣綵綬之賜性簡重非公事不輒出諸宴會亦辭不赴雖處貴盛

少齊集卷之二

于

中布素泊如耻矜銜簪珥之飾尤樂施予姻族獨者時賜之下御婢僕嚴而有慈正德壬申公卒于家夫人督諸子治喪纖鉅有條俗舉衰結綵繡用諸劇戲夫人曰此無益而費也徹之鄉人以為知禮夫人居常以忠孝謙謹和氣六字訓諸子諄復不厭又曰今世兄弟不睦多起於奴僕私相諧愬有即逐之舉端自絕用是家人肅睦諸子友愛有棠棣風雖公之義方所成夫人預有助焉夫人素羸弱不娠為公置媵妾張氏楊氏以廣繼嗣諸子婚娶服食室悉為處分如已出者諸子亦孝敬不異所生嘉靖乙酉三月二十三日疾卒享年

六十有四夫人兄浩工部郎中清通政使司右通政子五人長偕前軍都督府經歷次徑吏部驗封郎中次健國子生次仕中書舍人次僕競爽于時偕徑仕方氏出健張氏撰楊氏出孫男七人大年大文大受大亨太貞大音太立女五人長許山東僉憲黃綬子伯康次福州府經歷陸銑子深次刑部員外郎陳璧子鈺其二尚幼諸子下以其年其月日奉夫人極葬於乳泉山之原附公兆也惟夫人生長鍾鍾後配名公雖壽不滿德而重沐褒封之貴雖嗣不已而享有諸子之養亦可以無憾矣若其幽德懿行稱之鄉邦鈺於姻末預聞一一

姑述其大者以備立言君子之採擇云

姑述其大者以備立言君子之採擇云

少石集卷之十三

雜著類

書棟塘詩冊後

棟塘詩冊成陸子誦之作而嘆曰美哉鏘鏘乎瓊琚玉珮斯盛鳴矣鹿巖子憮然曰使界塘太史存大篇雄詞不可少惜乎其不作矣徐出遺稿於藏簡閱焉得乎冊數葉詩凡四章曰洛陽名園賦雅操也曰別墅結茅陳幽志也曰日影園翠興滋德也曰庭樹屯陰頌晚榮也第不知其所詠何物所指何人味且繹之疑若為棟塘發者鹿巖子既喜既愕曰有是哉吾冊也斯無憾矣蓋界塘存時嘗許為李翁賦是詩又安知非指棟塘即非是詩意亦足揄揚况冊成而出忽得諸吁悼感慨之餘如夜光明月不期其至而暗中投之可謂偶然哉嗟乎掛劒表信勒銘踐約吾聞存者能施之沒未聞沒者能施之存界塘平生敦信重義死猶不負人若是不然鹿巖子之癖好深思鬼神貫通之幽明乎合之妙詎可深測耶因書以志感

題史氏鴻禧公告身後

鴻禧公沒且三百餘年矣告身至今若新當為後人世寶嗟乎公之賢可知矣蓋夫天地間無不朽之物雖鐘鼎琬琰歸於蕩滅故君子尚立德永其

思於世而人樂傳之物托以不朽焉鴻禧公常史氏貴盛獨能識幾守道介然立恬然退白首祠秩無昵于其宗是故以忠獻之數為而能使之有所畏獻文之不阿而卒能嗣其休士類飲其德天下稱其賢至于今吾鄞父老猶能誦之况公後裔之良斲故物而仰思其志行有不能自己者斯所謂物因以不朽者哉不然史氏金書王軸克勵積善其可今製而藏之今者當不止是公之賢信可徵也大行君立模為余同年友寔公八世從孫積學懋行當世厥美茲物得諸其族健齊進士夫健齊之授之也謂大行為史氏之無恤與

後屠氏聘定書

昔君之先大夫襄惠公及我先康僖公克樹明德光昭爵勳垂斯族用是世締姻好我從姊婚歸君之仲氏戎伯氏之子再委禽于君以徵襄惠之福而君定納之亦既敦世好矣唯是復尋舊德不鄙遺下體動二三賢達主張其盟廼布告於我父兄我父兄母收廢命申之筮謀筮謀從吉君子曰不忘舊德以修睦也賢達要盟以信為信也幽明贊乎以協順也睦以崇親信以行義順以成禮三美不易言歸于好願辱貺之豈縻時之懇虔敢不拜嘉若詩書聞業之弗墜義方有賴唯君圖之蘋蘩

中櫛之弗踰載在訓典我不效不肅諸母氏則曰惟伉儷之獲祉于世德有休焉

祭屠太親母文

惟靈毓德坤元蘭芳玉粹少嗜女紅長聞姆誨肆馨夢之呈祥獲鸞堂之佳配肅肅有儀于時日思勤定省於姑嫜極晨昏之敬愛交絜蘋蘩少親中饋相夫子以勲名借寵光於萬里東臨紫禁詰之封雨露協金桃之瑞奉宮闈於三朝接雲妃於九陞珠絡輝煌霞斬霞鸞履實盛而不驕恒滿盈之為戒儉素敦鹿車之風仁厚衍螽斯之派時分甘以布慈夜和九以終意踵孟母之遺芳振陶規於異代丹山復五綵之苞白首見諸郎之貴鍾鼎豐簪裾擁背啓內治之明章來宗姻之仰戴顏幽淑其咸宜期福齡於未艾昊旻弗仁濫爾棄適悵贈淡於慈堂空陸離之瑤珮音計驚聞恤思下逮既榮寵之克終雖泉壤其奚悔某等誼泰姻媿情深感慨望丹旌其尚遙陳椒漿而一酌慚損簋之從宜冀冥歆之不昧

祭九伯父文

嗚呼我同氣五人中最居少憶我父母中祖值家初造組時諸兄皆見成立而弟方困跡於庠校故治命之勤奉寔昇兄以教詔兄曰懿親周旋惟好

豐植我田廬時慰時勞鞠育我子女以婚以醮故
弟之力於學也志業靡分克奮庸以自効弟之出
而仕也十九在公內顧無嬰于懷抱數十年來門
庭燭耀內外怡愉益收友孝化食犬以同牢瑞乳
猶而呈兆崇傳播於縉紳美和氣之感召弟既歸
田兄年幾老慈育首以惜分撫紫荊而幽眺酬勸
迭勸爰語爰笑謂食獲之尚強當百齡而結耀夫
何冰雪暗侵頻成衰耗竟一疾之弗廖遽溘爾其
長歸嗚呼人孰無兄如吾兄者可謂有薛包之誼
而愛獨深有公藝之風而德彌邵言念厚恩罔圖
消報鵲原曷依撫膺痛悼悵音教其若臨聊陳性

而辭告

又代六伯父作

嗚呼我聞往訓同氣惜分矧茲永訣痛曷可言相
彼禽鳥日夕呼羣矧余遲暮言念懿昆曰惟醇行
肯德立園克孝克友古道風敦憶家初初幹壘克
勤迺豐厥殖寔大吾門迺昌厥裔孫仍若雲富壽
康祉鄉邦絕倫雅我伯仲五桂並芬我寔長爾爾
尤棄淪嗟嗟已矣顯有令聞我寂無侶靈光獨存
淒淒風雨慘淡鵲原爰率諸從真哭聲吞悵瞻來
格曷招爾魂

自奠伯父

嗚呼公之視我諸從愛均已出少也憫其艱任鞠
育之勞壯也冀其成躬訓課之責學也策其登第幸
顯跡乎榮名仕也恤其私俾殫心於厥職賢且仲
容趨庭嘉色愧負家風竹林表宅故博產豐廬不
足以言惠積和順而遺之安者迺其惠之溢輕財
散金不足以言義均休戚而示之以公者迺其義
之實昔人有愛兄子者夜起寢室或有問於子疾
聽諸父者上書乞封告其談於戚屬然則公之視
姪有倍古人而姪之視公何能企前修於萬一山
高海茫思難殫述痛隔九原報稱何日幸仕轍之
偶旋預哭公於寢室懷侍談之如昨命為文以志
石敢不勉承載揚紀筆聊泣奠以陳悰愧凡疋之
匪秩於赫有靈鑒茲芬苾

又舉襄文代父作

嗟吾宗之薄祐兮哲人云亡倏青陽之改歲兮我
心悲傷慨流風不古乖同氣兮自戕角弓奚為乎
怨兮或興誰於布粟分形骸以析產兮蓄忿怒而
闕牆伊伯氏之寡傳兮敦孔懷以為好謂葛藟猶
庇本兮胡懿親之能忘量恢廓其有容兮情懇恒
而獨至其共甘苦而弗渝兮析義利之毫芒余既羈
縻于仕轍兮念田園之荒蕪微伯氏其裕蠶兮將
內傾之奚遑絕庭屏之間言兮雍睦撫猶子其成

方飛黃別真淑之克助方既同心而篤美雖賦
復之不誠方亦信德而煦祥髮種種猶惜分方羞
感肅以復合備懷懷其日至方產和瑞而家昌鳴
項危方若腰鼓歌桑榆方樂未央胡湑爾其長逝
方竟年余而不返固令終以無悔方亦慶吊之靡
常雲噴慘方雨集鴈哀鳴方孤翔連壁障方沉彩
棠棣凋方餘方臨謝池之春草方問其無侶披姜
被之夜寒方孰與連床素施揚方鶴舉雲車邁方
鸞翔山掩霽而夕陰方鬱作城之窈窕悲薤歌之
朝發方泄余淚之浪浪即數相以跪告方既勤酬
之非昨之瑣靡以薦羞方錯椒醕而為漿意愴怛
而欲從方痛幽窀其何及冀靈修之不昧
茲以舉觴

又代族人作

嗟嗟省府宗之懿也隱德弗耀蘊貞粹也竟湛而
惠積能施也克敦友于諒棠棣也邦家允宜馳令
與也亦越升聞秩宣義也太享禮賓崇表著也眷
茲婉淑助聞治也準法今慈母儀備也維家日昌
昌克致也彝倫弗數自外內也當壽康寧百福萃
也湛湛螽斯引弗替也蘭茝南州今終遂也孰短
孰脩時足計也素施並揚芳烈次也雲水渺茫佳
域閭也戚我宗族含辛淚也天威攸同品物肆也

宜實有知諒無棄也

祭張孺人文

嗚呼孺人以介庵公為之配別駕君為之嗣其配
也領鵠薦仕花封惠洽齊東民歌十事人曰孺人
相之顯允勞勩其嗣也奮賢關起條幕揚聲藝林
為時利器人口孺人數之克承厥志夫聞助以俞
織猶賢母幼以和丸著譽故相夫教子苟擅其一
長亦足以鳴世而孺人獨燕焉則其幽德淑行明
章懿範又不可以履陳而殫記也卒至白首享康
樂之休華堂進雲錦之帔受鼎養之豐膳樂賢
之彩戲忽感麟其沉埃將魚軒而遠逝顧其以
矩哀惟孺人其克備某等論交令子通顯愛
真椒蘭告虔幽閔蓋雖知孺人之考終可以無憾
自不能不為之泫然出涕也

祭親家翁公文

嗚呼公氣豐而姿秀質溫而才懿其文之蔚也鸞
翔豹躍其行之醇也金貞王裕雖生長統緒之習
而能為謙守盈弗驕弗替卒克績箕裘之緒而鏗
灼炳耀發身科第始歷秋官天曹再試繼染翰乎
參戎日優游乎禁署全觀其書法之遒勁入鍾王
之巧思燦如紫王玄珠公若怒倪渴驥直足以輝
映乎琬琰之藏藻耀乎芝蘭之治余藉金門借爾

近侍忻朝夕其追隨許相期以意氣遂請茂王之
交求結金蘭之契維時勞績彰擢當不次忽值
奔喪既茲良過人孰不為公嗟吁而公獨怡然不
介之意則執手于阻達謫風神其和粹謂余式遠
言笑言慰人何別未幾時禍變紛至爰逮厥躬盍
兩中葉計聞于京我如刺若書有之公卿鄉邦
之士類咸為之惕然與思泫然出涕也嗚呼驛驢
負千里之才鴻鵠九宵之志以公之度量雖識
與不識無不稱為遠器然而竟止于斯者豈玄化
之靡常造物之多忌耶余適南還及公襄事追憶
平儀恍如夢寐悵永訣乎幽明聊陳詞而一酹嗚

呼哀哉尚饗

祭定海鄭大尹文

嗟嗟鄭侯處家為孝子居官為良吏孝乃累行之
基良有及民之惠固人之所助天之所庇也胡厚
施而薄報忽罹殃而中棄仰高堂白髮倚閭增日
暮之悲環堵蒼生攀觀墮去思之淚嗚呼上有不
朽功德在世侯位雖不滿其受而遺愛結民心業
雖未竟其施而令聞垂清議彼修短異數玄宰茫
然又安足深記耶其等治仰鄰封衣冠道契追惟
谷口之情叩泣道傍之祭侯有知否於昭來蒞

祭岳丈王郡侯文

嗚呼武昔髫髻華粗知誦讀侍我嚴君遠遊京國維
時我公霜臺紀肅擢守星沙井棠第綠兄索愛鍾
雀屏摩上廼藉良媒音書遠屬天作之緣誤收坦
版我寔凡兄有惻水玉甫壯南還公已辟穀仰止
易由青城岳陂令女下歸琴瑟雍睦婉淑相余沐
公餘福已卯之秋叨名薦錄再占廷魁竊官天祿
公在九泉亦賞公同昭彼西岡佳城翠鬱我昔登
臨十載倏忽省親言旋適逢寒雨悵慕有懷臨旦
興哭束芟且陳愧匪豐緼公弗我遺鑒茲虔告嗚
呼哀哉尚饗

祭庶母文

昔我兄弟幼齡爾維撫育辛勤愛如己出我父母
扶携仕途爾維敬恭左右周旋無失我家初進百
務倥偬爾晨昏幹理纖巨必親雖甚勞悴爾無
中年家事漸殷爾猶儉素自持食無蕪味衣無
飾蓋其勤苦之操淡薄之性出於夙成者閱終始
如一也云胡去歲漸罹羸疾吾猶冀其湯藥之時
進庶幾無恙而竟溘然以捐室哀計忽傳俾我心
怵嗚呼我父母垂白方幸得爾為終養之託而迺
先遺之以憂戚我兄弟既祭爾所以升梓報而友
為仕轍所羈不能攀號一致哀之何哉廼
拍棒餘聊薦芬苾千里之靈其聞哀事之

尚稽庶臨哀之有日嗚呼悲哉尚饗

彬上人像贊

白雲半榻兀然爾形爾形太朴爾性則靈孰謂其能起鉢龍而驅烟霧馴杖虎而駕風霆舒卷翰墨落筆人驚偏風道氣遠自宗盟噫古之道林文暢之徒庶幾可以爭衡矣

守拙楊公像贊

朴乎其貌之古也而蘊之有文肅乎其儀之整也而即之則溫淳衣博帶超塵絕氣襟懷爽朗霽月高雲噫斯像也其當三州倥偬之時退食委蛇舒煩鬱而調南薰者耶抑亦林泉投老之年放歌逍遙採簫蔚而佩幽芬者耶古所謂仕不近名隱不絕俗蓋庶幾乎吾君

定上人像贊

葆真華和豐姿秀宇披禪裳揮王塵秉心寂淵無去無住吾昔也慕蓮社之風流領虎溪之笑語固嘗許其悟三昧而息機借一龍與之處顧奚俟式丹青瞻貌像後信其為惠遠之侶耶

三司公白御史文

惟公豪邁之資遠龐之器早馳譽于中州繼奮英於甲第策仕蘭臺用宣其志大正輝厥壽域思帝靈之弗它也

之過勞戒惟勿

亟故公之才猷雖未及大猷于時而想望半采者咸服其作澄清之志夫何厥後方殷公忽歿

冥暑蒸濕乖和于土性之宜抑勤勞夙夜殫身王事之瘁叩大騷騷踰足于長途鏖鏖挫鋒于短技故士每陷于數奇才或屯而未施此英雄古今之所共戚月先生之所獨戾仲宣懷道死之悲阮籍哭途窮之淚歸旅櫬之蕭條阻關河其迢遞嗚呼元化混茫浮生若寄志士耻膺下之亡王臣以暴屍白勵苟得正而令終奚首丘之擇地其等承乏楚邦協恭國事幸風紀之復瞻慨經綸之未試爰薦椒蘭陳詞一酌蓋下以痛楚民之失望上以悼

名

不

士

邦國之喪賢非予二三子之為私涕也尚饗

祭傅都憲文

代作

嗚呼志士死邊王臣多難彼正首丘完軀澳忍舉惟滇服古稱蠻荒耿耿銅柱勳烈斯光倚公挺生奇振發麟鳳呈祥珪璋特達廷評筮仕曰惟允明廼滌楚寃刑清訟平臬憲荐遷藩甸再陟顯允令猷仁宣義立哲后綏遠簡惟碩巨嚴嚴節鎮六詔生春維勞瘁躬亦既罹疾綸命方殷計聞倏奏雷竹在道峴碑且鐫士林之痛矧我姻婭旅櫬南歸我行在郢永訣睽違悲懷耿耿爰陳束帛爰奠椒漿魂乎曷招江空水茫尚饗

祭王太史文

嗚呼天定降禍我鄉邑喪奪哲人嗟嗟已矣痛曷可陳子少艱苦而力學遭身世之屯迫十年脫跡三載侍臣傳經抱劉向之業樂道并原憲之貧耻隨波而汨俗期直道以立身方獲議之沸起衆懷望而後巡子也國無言責之寄家有垂白之親荒廬蕭索窮子悲呻縱掩尸而退默亦何忤于儒紳子獨不可事關彝倫故肝玉陞忠犯逆鱗公冶含冤於縲紲原抱哲於蘭紉竟捐軀於電擊俄驚計而沾巾夫以子之才川奔泉湧浩蕩無津子之行金精玉粹錫然陽春故識與不識無不目之為

館閣祭江太史父文

江右名宗衣冠葉奕挺生碩人顯允令德早年學道頂溪築室徜徉以遊煙霞泉石履素含貞服斯無敦卿邦儀表是矜是式課子勤勞躬操督青曰

惟尚書治亂遺跡爾惟鑽研毋懈朝夕子克敬承勉科奮跡通籍金閨蜚聲振赫君廼嬉怡樂茲歲績年來京師言笑言息庭趨既榮養豐稌食蒼頡未衰用迂樞錫返棹東歸尋盟故宅曾不踰年倏罹殃疾造物忌全多取者厄恩封不需以責寔安其等令子寅僚分同休戚景仰夙懷竟虛親炙哀計忽傳重我心惻江山阻修遙陳觴席英靈孔昭鑒茲微臆

祭楊儒人文

嗚呼蘭芳易萎珠媚沉淵彼元化之忌取豈物理為獨然相彼貞淑坤稟克全含幽章以蹈潔遵懿範而肅虔爰歸司諫奉以周旋司諫之家食也不徒操中饋執箕帚而且引機勸學內助稱賢司諫之登仕也不徒飾簪珥競締繡而且浣衣披絮敦素為先明章可式內則無愆求魚軒之郁郁諧鳳侶之翩翩念辛勤其甫脫期榮樂於永年况褒綸之在邇庶幽嘉其或宣云胡一疾溘爾弗延委陸離之遺珮徒寥寂於哀絃悵蘭玉之未秀徒抱恨於九泉蓋不獨家人婦媵欷泣而思痛離某等鄉黨猶戰戰無不嗟嘆而悲慟也瞻丹旌之既舉慘春華其就妍陳椒漿而一酌望明歆乎几筵

坦菴對

客有結幽廬而啓處思扁書以自勵名極曰坦莫
登其義或趨而問焉曰貧有堵宮富連甲第雖崇
僻殊觀紆曲一制中嚴局鑰外森屏翳俾升堂者
鮮室家之窺居業者樂圖書之秘予坦厥居不已
與乎客對曰子何觀之淺而論之近也元化混茫
浮生若寄市朝紛波趨名逐利殞身探虎穴之奇
恠志起羊腸之躋吾將避世路之崎嶇彈斯卷以
居易或曰如斯而已乎客對曰未也士耻懷居賢
能避地苟俟命而不渝雖一屨以適意故康節以
安樂名窩蒙莊以和順委蛇吾於是談玄守拙舉
白酣醉惟散慮而無憂將不知老之倏至或曰如

老集卷之三

市

斯而已乎客對曰未也人心險危谿谷難喻笑
怡而不藏言柔辭而整厲吾將臨岸斬崖和平骨
次混物我於兩忘庶消疑而釋忌或迺唯唯受言
退觀凝思顧憤然而未通持以質諸太史氏莞爾
而應曰客知其一未識其二夫天坦無朕六氣罔
滯地坦無垠品物斯麗乾坤之道易簡以示故幽
人坦坦以爲貞王道平平而無陂彼曠弗由愚蒙
自棄厲階斯崇機狙迺熾胡斯人之寡儔獨超凡
而遠詣余觀其敦信復謙柔心易氣隱不離群積
而樂施言紆徐以準繩行爽朗而和粹豁玲瓏於
六窓悟淵微於三遂將游心於廣漠茲達觀乎道

器是曰坦襟堂鳴厥志空聞而善曰至哉斯言詩
永厥味起雖不敏願請從事遂再拜稽首祈結藻
以助書而世端而觀記

跋陳文伯和唐詩

吾嘗讀陳先生雖不甚顯有詩名今其子敦抱
藝弗傳亦長于詩古所謂窮而後工者非與是編
特其和唐音之作步驟遺響有逼似者其用志亦
勤矣雖然詩不易作亦不易和王右丞和早朝一
律已不免於沈痼之口宋人以尖人險韻相尚賡
酬益衆皆無足傳焉詩言易和哉蓋作者意出已
然撫景觸事倏然而成句率多工和者以已之詞

老集卷之三

市

逆人之志其功已倍于作而况體裁之定青韻之
拘有不得而少肆焉者欲求其工信乎尤難也夫
觀難則易者可知魏子工于和矣有不工于作耶

書序齒錄後

楚士舉戊子八十又五人既歌鹿鳴迺退而詢邑
里通姓字脩謙會之好聯友主之義申久要之盟
則有錄焉錄曰序齒別薦書也迺諸士請于督學
許子梓之許子曰盍吉之陸子陸子曰猗與休哉
維數有材工則鳩之楚士良之多也許子之選乎
雖然是錄也可以觀化矣夫古道之弗敦讓弗崇
焉爾今天齒固讓之先也齒廢故讓弗崇讓弗崇

則飲酒敬義則義垂華義渝敬俗用是偷今觀諸
士雖雅然秩秩然少長有序不併不錯其與讓矣
乎宜有是錄矣余聞之虞夏商周之盛王未有遺
年者故德爵富貴惟齒是視德視齒賢智罔敢或
先矣爵視齒少銳樂進者無所容矣富且貴視齒
黃髮與則莫敢侮矣是故先王之世敬修而義
睦以長揖遜之風以達和衷之理以培忠厚之基
後世弗能過也今諸士亦既登明薦矣序于鄉則
齒序于朝下國德爵富貴列焉將弗齒之視與是
隨讓也且夫虞夏商周而息爭范宣子讓其下
皆讓小人而後君之風之諸士固有責焉懷忠信

三司祭陳都憲文

惟公德望在朝端勲猷在杜稷政澤在人心威聲
在邊場如日月之耀明如雷霆之震赫雖兒童走
卒孰不知其為江漢之名流邦家之肅頌而况某
等有事茲土固先王之所謂後進而覲德者耶夫
慕風采者徒憶于神交考行誼者必先于居迹故
入西洛則知司馬之高風履東山則知謝安之雅
識公之居鄉也簡嚴無政府之書端重表鄉閭之
則其克勤小物有衛武之日休其優盛完名並汾

陽之焉奕故公年雖耄而江湖廟廊之憂長耿耿
于朝夕公位雖釋而蒼生霖雨之望猶幸其庶幾
于萬一胡天弗仁忽茲降厄蝕妖殛于三台斂精
英于七澤嗟若舊之凋零慨典刑之淪斃藐予生
其曷依想風節而忽側莫振醑以陳告儼明神其
來格

振衣亭記

東橋顧公之保釐吾浙也政熙多暇登眺以娛
庚寅夏中離薛子至自廣師山馬子至自閩青湖
汪子龍溪工子緒山錢子至自稽余兄石樓至自
貴余適自楚歸咸聚于杭相與縱游湖山之勝

振衣亭記

八

七

日荷與休哉彬彬乎盛會也四美二難斯其具
廼集厥寮五溪萬公北屏李公觴諸賢于萬松之
飛躍亭酒酣情暢歌詠肆陳亭前亂峯嶺嶂草樹
蒙密有平崖元峙湖表上寬衍而境奇絕可眺公
命誅萊壘坎通以紆徑堅亭崖顛刻詩石薛名其
亭曰振衣蓋取詩人語以寓潔高自適之意云陸
子曰夫冥搜遠舉逸士之連觀摘蕙結思詞人之
雅致蘭亭楔飲醉翁自放千載之下流風可思豈
其適情怡物之私足以耀今而垂遠哉是故地以
名勝志以賢樂名者賢之跡也勝者樂之寓也有
跡則不朽得寓則不窮斯亭之所以創也弗記將

泯焉已乎作振衣亭志

贈都憲蔡軒姚公贊

廊廟衣冠煙霞半格其朴也有古人風其厚也有君子德圖麥舟可以觀仁知遺金可以表俗享不身燕貽諸後身服金章寵榮載沐其庶幾乎萬石之起家三槐氏之食福者與

贈淑人姚母胡氏像贊

家牖而莊凝坤之厚性婉而淑煦春之溫人徒見其我在冠披簪繡而不知其布素之念恒存又或頌其克闡助聖顯修而不知其慈闈之教風敦和九辛苦垂裕後昆徽音赫燁無忝德門宜都憲公

為之子太史氏為之孫後有述姚氏之家風不
足徵于化源耶

木軒說

木也者朴也朴則無文矣文者華也朴者實也華在外也實在內也道所由淳漓矣天地之始氣化混龐大美不和大圭不琢朴焉爾已三代盛王忠質文異尚朴之散昉於周矣故曰禮節之繁忠信之薄也樞機之備仁義之衰也白賁垂於易犧尊著於禮黜雕去偽其庶幾返朴之道與老子疾衰世之偽曰吾將鎮之以無名之朴然則朴亦尚名乎名近華而離實遠朴者遠之嗟乎必知無名之

朴而後可與敦古道矣吾友何子廷輔扁其燕居曰木軒蓋有志於務朴者或疑焉曰吾見何子廷衣冠緝容止淑詞氣秩秩然整也煦煦然和也彬彬然有章也斯不亦文矣乎而奚朴之有且夫參以魯鈍聞道勃以木強著庸朴之用大矣哉何子昂其克諸余曰何子之朴以實不以名其庶幾老氏之所謂朴耶今大敝靡不飾以昭吾儉污垢不洗以任吾直歲歲機拂露以示吾訥三者皆目之為朴然其朴偽也尚名之朴矣何也欲人之謂我儉也其喪其真也欲人之謂我訥也其喪其真也欲人之謂我實也其喪其真也斯名浮名浮斯偽滋故曰大奸似忠大詐似信詐偽也返朴將以求道而作偽者離道益遠甚哉尚名之朴不可不辨而無名之朴吾儒所當務也雖然此非老氏之說也孔子蓋言之矣曰剛毅木訥近仁仁人心也性之德也是故公無私直無枉正無曲中無倚明無暗昧內也非外也實也非華也此之謂大朴不文而美名之尚哉何子之務朴思以復古道敦性源也其無怯乎名之不足而求務實勝焉朴之用斯大矣無竹乎名軒矣作木軒說

跋何氏藏二楊先生手稿後

未田何子嗜古好文雖蠹餘殘刻以拾弗棄矧故
家乘又名公之所誤錄而幸脫於燬燼得於敝笥
其所當愛重雖尺璧寸珠奚過哉宜未田子之珍
藏之也或曰二楊先生文皆梓傳矣茲特其少作
耳奚若是重耶余曰屈宋班馬文章布天下千載
之下有持寸墨而立諸市人將謂一簞棄之乎以
千金購之乎然則如茲卷者久當益重而何氏先
德之美亦藉是傳之不朽矣茲又未田子珍藏之
微意與

拙政述

政亦難矣哉篤撫字則催科急急催科則撫字忘
然則如之何或曰寧拙催科勿忘撫字不為君
有司嗟乎是不達於政之論矣夫以民奉君古今
通義軍國浩繁賦稅是需催科之政如之何其可
緩也第求之當有道取之當及時災沴不可以不
蠲豪強不可以不抑侵漁不可以不杜幽隱不可
以不達虐胥奸吏舞文作態不可以不懲能行五
者撫字存乎其中矣是故撫字所以行催科之政
催科所以運撫字之心非判然二物也其或不達
于是而姑息以惠奸市恩以徼衆沽一己之虛譽
廢固大經而不顧獵一時之歡娛貽民重害而不
恤若是者邦政之積蠹王法所必誅良有司弗為

也或曰然則陽城不足法乎曰唐至貞元海內疲
于兵革間架酒權無名之征紛然四至而諸道競
以羨餘取貴寵如城之抗志不回為民蘇息可謂
賢矣第不知今之所謂賦稅果無名之征耶抑亦
中正之法所不可廢耶而今之布列郡縣者果盡
能如陽城之志否耶使陽城處今之世抑不知
視今之賦稅將拙耶勤耶不可得而知也是故為
令如陽城當自元之時則可非貞元之時縱焉爾
矣有陽城之志則可無陽城之心詐焉爾矣吾願
諸有司皆陽城其人如望陽城之拙而不得其意
流而為縱焉許斯不亦涉于巧乎易曰君子定
交而後求傳曰未有好仁下不好義者也
之本定惟在茲拙與巧又奚足論哉余性素拙
能以巧容于時延茲來督藩稅蓋以拙性為拙政
稱其能矣獨慮有司求拙者之涉于巧也非復古
之所謂拙也見輒與辨辨必有以稽其政而反之
以自省因退而書于拙政堂之屏云

祭胡大淑人文

於惟淑人坤精毓其靈玉粹和其則蘭幽振其芳
松齡厚其植其等蒞官茲土采風觀德從令子以
論交歛母儀之無忒令子之官柱史也憲謬播聲
於留臺人曰淑人之訓之飭令子之分廉訪也遊

清著名於浙廣人曰淑人之化之溢令子之涉藩
宣也政平仁洽井棠頌興人曰淑人之惠之澤令
子之柄撫巡也威信遐布銅標勒勳人曰淑人之
慶之碩故誦圖範者稱其有申國之餘風贊母幼
者謂可並文母之自織邦家允乎純嘏天錫

龍諸神聖壽萬壽之樂康徵休祥於烏
奕胡萊綵之偶忽勢星其宵蝕奔熊軾而來歸
馳魚其其懷素旆載揚雲飛窠蘭醕一觴布
茲微臆編微音其曷傳光圖史而永式斯邦家之
所共慨非吾二三大夫之為私戚也尚饗

無心子像贊

爾心若鑑妍媸自形爾心若雲出岫英英
於弗較履幽素而逃名赤松之孺滄浪之纓黃
為侶白石為盟嗟乎徂詐之風久而難化統榜之
習驕而易成如無心子者庶乎行能脫俗性不移
習斯其名之稱情也與

祭東皇王公文

惟公累朝宿德昭代名卿淮沂鍾其奇秀海嶽萃
其精靈是故其器也醇而厚其量也寬以平其才
也弘而遠其操也介以清二輩英乎甲第遂簪筆
于彤庭攬轡繼轡旬列郡周行霜飛電擊網無漏鯨
爰進秩于卿寺

帝京秉鉞三晉顯陟中丞惟惠孚而威振
而內寧望重萊公之鎖鑰謹傳范老之甲兵

帝曰汝賢佐王典衡總司六察百度肅貞赫赫
保庶僚師承倚中外之及歷正勳業之錫忽
晉以歸因戀泉石而修其期百歲以遐胡一
而濫升卿卑失其模範其期百歲以遐胡一
當宁卹典式膺龍章御黃馬鬣官終若先
者壽考令終既無負乎平生而其出處行業亦足
垂典刑矣其也夙承知愛叨歷顯榮第行迂而
合寧奉身以完名肯因時而泐忍負知己於幽
東臯鬱鬱沂水盈盈遙將東芻膳戀多情公

在賸茲豆餼

少石集十三卷

兩淮馬裕
家藏本

明陸鉞撰鉞有山東通志已著錄是集詩五卷文
七卷禠著一卷前有張時徹序稱其華不近浮質
不近俚而惜其志之未艾蓋具體而未成家者故
序有微詞云

張龍湖先生文集十五卷

〔明〕張治撰

中央民族大學圖書館藏清雍正四年彭思

眷刻本

附《四庫全書總目·龍湖文集

十五卷》提要

揚子云譚言敗俗故立言者必衷諸道夫六經道之所匯也立言而不知宗經則終末由庶幾於道近代以文章鳴者衆矣而律以道之離合蓋勵有存者此無他經術疎也吾里自宋元迄明人才迭出類由經學顯而張龍湖先生尤以命世經儒迴文章之瀾於既倒者也先生幼孤窘崎嶇負米之餘抱守六籍單厥心於微言大義其於道也蓋用功深而培養邃故其所爲文章根柢盤深枝條峻茂無論鉅篇雜著罔不綜理道之要揭忠孝之恒樹勸戒之義而綱紀於修身治世之程者夫勝國之文至中葉而衰徵兆矣猥庸者囿於疲繭黠黠之習而聰明奇杰之士又率爲蕩謫嵬瑣之態以相矜詡非有魁儒鉅公倡明經學以救其敝而力挽其流則靡靡之音狂惑競煽者不待至於隆萬之際矣先生於時以身爲之導其總持藝苑呼往發蒙必折諸聖歷主文柄多崇獎經術士如歸震川薛方山諸先輩皆出其門而震川被指授尤頻數故生平知己之感獨於先生三致意焉然則先生之文非惟自壽於世又能使經學通廣其傳起衰之功寧遜前哲哉且先生之足垂不朽者非徒立言而已余聞之故老先生未達時慨然欲行所學

序

以大其設施及冠南宮入翰林以至典南銓陟政府
翻輦感不樂當食輒歎歎初與張桂齟齬有託以歸
迨後世廟爲方士權輔所蔽屢劾補牘而迄無所濟
薰猶同器竟鬱悒困悴以至於疾疾革矣於時事猶
惓惓焉凡此孤忠亮節不爲小人之旬旬也而輟行
洵無媿於古大臣正己格主之道者而媚嫉之臣軼
其事於身後當時紀載家亦莫敢昌言稱述故世第
傳其自劾及籌邊定會典數事其匡正於寮友之間
啓沃於輔宸之側者僅僅流傳於鄉里故老之口而
已可勝歎哉然先生之可垂不朽者固與江河俱流
也今讀其遺文渾厚深醇古雅森峭有一或詭於道
者乎則先生窮經之效更可因其言以想見其爲人
也已是集也余先曾叔祖治中公爲先生壻於其沒
後鏤板以傳歲久漫闕翻本雜淆甲辰秋兒子新校
士兩浙爰授以家藏原本及親友所藏諸本俾於吳
越藏書家勘對譌誤校正篇次重梓行世以還先治
中公之舊且使通經學古者知所勸焉雍正四年丙
午秋八月上浣同里後學石隴彭思眷鶴田氏識於
萊浦山房



舊序

明興自設立內閣以來代有名哲以文章功業相宣
者在楚則有李文正文正文正爲茶陵人由天順甲申入
翰林至弘治乙卯入相孝宗以底成績說者謂其關
天運鍾地靈不徒以文章致身也非偶然矣及文正
物故未逾四載龍湖翁又崛起於茶陵舉南宮第一
值駕南狩廷試不果躬逢皇上龍飛江漢應運中興
首賜進士出身選爲庶吉士第一俾讀中秘書以鈞
陶之非貞元之會默有所期而然歟何天時人事若
是其相成不爽也翁自辛巳入翰林既與文正之甲

張龍湖先生文集

舊序

申同運而志存經濟不安於萎儒掇華襲馨以竊章
句凡軍旅刑獄錢穀水利之數與夫邊隘夷險地圖
修阻戶口登耗無不講求其法而欲通之以託於世
既而列宮采掌藝苑柄兩京銓政校文武士銖銖兩
兩不淆毫釐論人才正若邪忠若佞義色直言凜莫
敢犯至所崇獎名節士又如恐不及故海內縉紳相
與屬望於翁者久而孚矣晚年簡自當寧於己酉之
春命典機密距文正不逾一甲子而公亦慨然以天
下爲己任與一二元老奉法順流幹旋元氣必欲朝
政清明善類布列以培丕丕之基視文正與劉謝一

心共贊弘治之績先後相炳耀也而天運地靈不於是乎有明徵哉然文正功雖著於弘治至正德初季勢蓋岌岌矣翁嘗謂其有遺憾今皇上以上聖之資而乾剛獨運同符孝宗殆非正德時事比使假之歲月久於其位充翁之言必不以文正自限細旃廣廈從容啟沃自有以深中聖心而熙鴻號於無窮乃不克竟志以沒則翁之自憾寧不甚於憾文正耶是何生之不偶而久道之化不胥賴以成耶嘗觀邵二泉敘文正懷麓堂藁謂其澤被海內如大將御戎不聞號令是不專以其文而誦其文則知文正所持以不

張龍湖先生文集

舊序

二

朽者固自在也翁雖不可作矣然片言隻字流布於人者類繫國家大體而方正嚴毅巍然有壁立千仞之氣則翁之自期待而未竟者不可槩其一二耶禮忝翁知愛嘗欲勒成一代大典委責於禮而不獲執筆隨翁後蓋有餘憾焉因與翁婿治中彭宣拾遺藁序而存之使求翁於不朽者觀其大焉可也嘉靖癸丑季春吉旦後學豐城雷禮撰

舊序

夫道以文顯而亦以文而晦文以人傳亦以人而泯古今之爲文者多矣上下千百年間號稱名家者亦無慮數十輩而其遂傳不泯者非其人品卓越必其言幾於道者也然而識評指摘者則亦既有所不免矣其諸於道無所發明人不足爲世輕重鉛槧甫釋而影響罔聞竭一生之精力而曾不足以與春花朝露比榮者又豈可以一二數哉吾師龍湖張先生挺生南楚徑趨高峻旂初以文受知於場屋旣以吏事事先生於南部見先生直躬正氣侃然不回而好善

張龍湖先生文集

舊序

三

嫉惡無少假借蓋信道之篤而果於自任者也故其爲文皆根諸性情理道而光明俊偉一洗菁藻浮華之習此其志蓋欲上窺邃古而不屑以後世之文自命矣旣先生登內閣而余爲南宮司屬先生數以文示而虛心咨訪謂當無隱旂謂先生上下今古博極羣籍固於書無所不讀而左國戴管恒有所嗜惟是文之風容色澤時或有於四家之書大都相類先生乃掀髯長笑曰而謂吾文尚有蹊徑耶規矩者方圓之所就也律呂者聲音之所諧也成器以利天下導和以宣化機固有物焉以行乎其間矣行將甘苦俱

忘疾徐融釋陶鈞造物大音希聲再當示子未幾而先生疾革不起余亦以視學去茲余再至京師先生館甥彭君宣上追李漢故事刻先生之文以傳屬余序諸末簡余惟全楚山川古稱賢藪迨我明興益宏以肆在文廟則有楊文定夏忠靖在孝廟則李文正劉忠宣皆以文章飾政昭著中外其在於今與先生同時者則有石首蒲圻沔陽黃岡隨州各以才名藝林競馳湘漢載筆摘辭咸有紀述茲取先生之文熟復之正倫軌物經世範俗罔非載道之言而沉涵揮霍將兼體用而益大之雖天不慙遺而未酬之志蓋有足徵實於前四公有耿光焉而同時諸公固未能或之先也其爲顯道傳世之文也又何疑乎嘉靖甲寅冬十二月門人武進薛應旂謹序

張龍湖先生文集

舊序

四

舊後序

栢自髫年即聞龍湖先生者翩翩起湘中矣後遊京師留滯於辟雍相與朝夕而私心遂嚮往之己酉先生由南宰入典機密毅然以治安爲己任而宇內訢訐然想見其太平明年校文禮闈先生素厭文體與時俗相卑弱雅意復古獨以歐陽文忠自許而因子瞻器余也居未數月而病且已矣栢昔學政屯部待奉命往營葬焉與其子壻治中彭君欲收遺文刻之今甲寅刻成因屬余序其後且曰是子之志也海內知己非子誰宜序焉序曰夫文章之道不獨時與政關之而其人可類知也三代而下修詞之士衆矣曷嘗不效法墳典擬格於風雅哉然徒藝文爾已惟禹臯諸謨世稱絕德烝民之什千載誦焉蓋精一執中之學相與都俞而物則之懿山甫輩所克舉也是故其根之而爲德建之而爲功敷之而爲言其致一也雖其時太和之氣使之善鳴而諸人者所陳說詠歌於世道有裨焉故得之破壁斷簡至今訓爲經也明興承胡元之季學士之文多伏於草野惟我成祖加意表章迺稍稍著見然委靡俳儷之習至李文正始洗濯之文正余楚產也值成化弘治之時海內又安

張龍湖先生文集

舊序

五

得從容中秘盡肆力於詞翰故所傳甚廣卒能以文名也迨於今而龍湖先生出焉先生生於衡嶽之麓天性早慧少負時望會今上中興即應期以起幾三十年乃入而論道凡所歷翰院宮坊禮闈銓部其培養君德節宣化理圖度政務鋪張禮樂進退人才莫非至文至所陳說詠歌者則緒論也況其風節凜凜深係天下之望而一時人士析六經之疑考歷代之遺表當世之典靡不於先生折衷焉凡有所作屬興而就輒伸筆滿紙不爲婉昵細語萃乎如祝融浩乎如洞庭不尚藻飾比擬而終不可及觀其自考一疏

張龍湖先生文集

舊序

六

烈烈皆忠孝語而格心之妙隱然於天保之頌謂非其有得於精一物則之學者不能夫豈詞章之士所可及哉余獨憾夫秉政未幾世莫能究其用倘假之年優游經幄多所獻替必能如夔臯山甫諸人都俞諷咏庶幾哉稱虞周矣然先生之志雖銳意啟沃而其氣與節卒不肯少貶以徇時好即今久於其位或亦莫之能究也然其所未究者其緒論猶幸有茲集焉百世之下誦而讀之當自知其所不朽也嘉靖甲寅夏五月朔賜進士出身兵部職方司主事漢陽門人陳栢撰

重刻張龍湖先生文集凡例

一是集之傳於世者多非先曾叔祖治中公原刻余嘗以家藏原刻斷編數卷對校其篇目後先詩文多寡與字句增減往往互異不知何時翻刻遂顛倒舛謬若此如古體近體彼此互淆近體之後再列古詩又五七言古詩中間夾雜詩餘其他字句譌繆脫落者甚多殊失本來面目今得善本校正始無遺憾

凡例

一

一翻本與浙中藏書家抄本詩文篇目亦多寡互異緣翻本但行於楚省而前明東甌四明諸先

輩多與先生同時或獲其手訂稿本故不致沙礫雜入金玉混汰也今校定多從浙本

一翻本中有放舟及送一江僉憲之河南琚翰流輝閣數詩與鈴山堂集序壽序皆原本及抄本所無定屬贋作借名混入者今仍照原本刪去

即原本壽李蒲汀序亦似當時代筆做公壽張陽峯序文而為之者今姑仍其舊

一先生素薄文章為雕蟲小技平日泛泛酬應之作多不存稿今傳於世者惟此集及四書周易制義而已此外有長沙府志序及掌翰林院事教習庶常所作程式之文如屯田議廟制考區

田圖說與兩典南畿鄉試策問皆湛深經術裨益政治盛為當世所傳誦者東南藏書家間存其一二當續為訪求補刊

同里後學彭思眷鶴田氏識

凡例

二

張龍湖先生文集目錄

同里後學彭思眷鶴田編輯

男維

銳新銘

校字

卷之一

頌

嘉禾頌

有序

天保萬年頌

有序

卷之二

奏疏

請改官以便迎養疏

張龍湖先生文集

目錄

一

辭陞職以就親封疏

再辭陞職以就親封疏

考察自陳疏

陞南京吏部尚書謝恩疏

辭免內閣重任疏

謝恩疏

奉慰疏

謝賜銀幣疏

謝遣代祭先師孔子疏

謝賜飛魚衣疏

謝賜祭品疏

謝遣陪祀疏

謝遣代拜先聖先師疏

賀雨疏

賀太廟告成疏

賀白鹿疏

賀萬壽聖節疏

賀長至令節疏

賀靈雪疏

賀靈雨疏

張龍湖先生文集

目錄

賀長至令節疏

賀靈雪疏

賀元旦疏

賀冊進永妃疏

謝薦新疏

謝賜曆疏

謝恩賜疏

卷之三

序

會試錄後序

會試錄序

應天鄉試錄序

應天同年錄後序

武舉錄序

武舉同年錄序

應天府鄉試錄後序

茶陵州志序

卷之四

序

陽峰奏議序

張龍湖先生文集

目錄

松臯文集序

雩村存稿序

壽張陽峰少宗伯序

壽封君傳筆山八十序

壽王太夫人序

壽韓苑洛七十序

壽少師羅峰六十序

贈蕭山李大叅序

贈計太守入覲序

贈徐方塘序

贈張子乾序

贈郊梅巖北行序

贈趙完卿二守序

贈李蕉溪序

贈王克齋北上序

卷之五

序

贈劉希哲序

月菴序

贈王兩洲考績序

張龍湖先生文集

目錄

四

潛庵序

慕椿卷序

贈陳墨莊序

偕壽集序

戴星集序

晉昌榮哀錄序

雙槐序

楚潭世惠序

攸水之釋序

馬首劉氏重修族譜序

賜金汝礪廢武東歸序

別蔣崇冕序

願樂亭序

卷之六

記

安仁縣興建記

修復汶漕記

道鄉書院記

尚寶司題名記

安仁修城記

張龍湖先生文集

目錄

五

重修文安縣儒學記

涿州北河胡良渡舟記

易州懷愛祠記

遺愛祠記

北堂玩適記

龍田賀氏祠堂記

修倉廩題名記

志海樓記

卷之七

雜著

壽劉希哲

機理篇

物解

鈞衡

言馥

散教

周氏誌窮卷

讀周氏旌節卷

讀路口周氏族譜

贈潘封君七十壽言

張龍湖先生文集

目錄

六

榮壽篇

陳志篇

贈別胡子

溫泉問答

述知

大觀贈尹雙泉

承民篇

廣竹篇

經教贈三學博

求仁說

說素

壽何燕泉

卷之八

祭文

祭何瀟川文

祭劉副使文

祭陽峰閣老文

祭壺山先生文

卷之九

墓誌銘

張龍湖先生文集

目錄

七

光祿大夫柱國少傅兼太子太傅吏部尚書

文淵閣大學士許公墓誌銘

榮祿大夫少保兼太子太保禮部尚書翰林

院學士文通費公墓誌銘

徵仕郎戶科左給事中沈公墓誌銘

刑部司務五塘陸君墓誌銘

故麗水教諭黃公戴孺人合葬墓誌銘

故高淑人王氏墓誌銘

懷遠將軍茶陵衛指揮同知高君墓誌銘

河南布政司左布政使豐山孫公墓誌銘

卷之十 墓表碑

劉節婦碑

贈中大夫南京太僕寺卿直蒼趙公墓碑

贈通議大夫南京大理寺卿魏公墓表

翰林院編修王君懋中墓石文

大名別駕曾君墓碑

卷之十一

四言古詩

雙感

碩人壽陸公也

張龍湖先生文集 目錄

山之雲三章

五言古詩

江懷

靈巖雜詠八首

河北道中

呂堰道中雪行

中秋二首

天柱閣

贈別諸宗丈

月夜懷羅二峰

釣

武昌早發

宿諫議祠

共適亭次東洲壁韻

薊哀王輓歌四章應制

送邱以義令餘姚

江夜

昌平道中

壽沈封君

秋夜與永寧諸宗丈話舊

張龍湖先生文集 目錄

送陳清泉分教安成

熊峰篇

恭和御製敬一亭成

恭和御製輔臣詩四章

齊山

秋江雜懷二首

漢口望黃鶴

贈雷啟瞻

夜坐

送人官靈寶

贈宋君祉歸江西

同大霞洞壑登廣寒樓分韻得日字

送黃汝明歸長沙

贈陳原習御史謫海陽

西麓爲林吉士父作

題鳳陽張母貞節

次詹憲副韻二首

癸巳生日巨田省墓舟中對月感懷

夜過洞庭

送賀汝勛之官彌勒

張龍湖先生文集

目錄

十

靜谷同林北泉兵憲宴集

送王紹甫提學山西

題畫

河西草堂爲童內方乃兄賦

荊州寄王江野給事

送譚洪之官績溪寨

却金篇贈方一田封君

送黎主政監稅杭州

七言古詩

孤鴻歌爲吳節婦

竹溪巷

壽羅峰閣老

壽孟大叅母

燕臺送季仁夫令新津

河橋篇贈計太守還蜀

海鶴篇贈中洲李竹樸六十

送趙東竹僉事之江西

送黃時敬令江西因東秋潭

送郁太守山之溫州

送王石沙御史按閩

張龍湖先生文集

目錄

十一

送大司徒夏松泉之金陵

鳳岡篇贈譚七泉

擬四愁一首

白溝河

竹泉卷爲鄭僉憲父作

鐘石歌爲費子和贊善作

送九華顧長治還常州

送成鴻臚之金陵因懷王江野

贈史給事出判通州

送客之潮陽

送陳宗器令於潛

一經堂歌送尹時夫令臨海

椿萱圖歌爲趙信臣作

壽蔣氏母

送徐道正判晉州

陳氏祠堂

望廬山

四懷詩并序

贈芝山山人歌

廬山吟壽汪石潭宗伯

張龍湖先生文集

目錄

十二

蔡城歌

三陟永懷歌爲王秋官瑩題

恒山瀛海歌壽序菴相公

卷之十二

五言律詩

秋郭小寺

夜坐

江光閣

皇穹山

嶽麓山

酬友人二首

城上

遊石隴彭治中山莊留宿治中有詩次韻二

首

同楊後江黃希齋趙洪洋陸雙石迎祥寺分

韻得溪字

廖白石以詩見寄會童元白亦有書來愴然

成感依韻賦此因則敬寄去

瑞光寺次陽峰壁韻二首

真州遇雲東

張龍湖先生文集

目錄

十三

江暮

江上

天柱閣

夏夜青陽道院

山行

江宿

遠景樓

元旦

元夕

中秋無月

秋郊

定林寺次易舜山韻

懷舜山二首

寄高竹泉

草市廟

贈彭大尹

秋夜

送季長史還宣府

吳集市

湘中憶鄭栗齋憲僉

張龍湖先生文集

目錄

十四

赤壁

石鐘寺

送張舉人幹還宣城

武穆祠

峴山

巴陵別子明

雨中東南田

曉日皇雩山中

夜懷用南田韻

南田以詩見懷用韻答之

秋日登城樓用南田韻

發茶陵別諸親舊

發長沙別諸友

真州聞廖白石學士在維揚甚喜旣追弗及

感而賦此

清溪阻雨

獲麟渡

丁字沽五日

陽峰宗伯池亭宴集次崔東洲四首

渡淮

張龍湖先生文集

目錄

十五

呂梁

送人之零陵

淡軒

送江西鄒司訓之貴池

挽周生沔

聽雨

同楊後江諸公迎祥寺分韻又得枯字

秋夜

長陵

江晚

寄青岡太守

東子鍾

喜雨用聞字韻東江午坡

苦蚊

送袁璣司教廣德

送易璜司教饒州

弔郭中丞母

陽峰宗伯池亭宴集次韻二首

和羅峰閣老瑞雪韻四首

萬壽節朝天宮習儀二首

張龍湖先生文集

目錄

十六

卷之十三

七言律詩

送南城李知事

同古冲東園宴集言懷

送丁憲副大章入秦

懷水南學士

飲木末亭晚登雨花臺

懷貞齋少詹

寄懷周嵇山大尹

寄几川太守

禪後用南田韻

寄少湖三首

懷前峰司業

九日登觀象臺飲憑虛閣

壽顏樸菴

雨中天界寺赴同鄉之宴

送陳子正賓臚考績

孝陵次松谿韻

送戶曹郎中陳渠軒考績

雨後江亭送巾石中允

張龍湖先生文集

目錄

十七

元夕雨

喜晴用韻

紅梅

河上寄少湖學士兼懷館中諸友疊前韻

送劉四山別駕還湖州

弔郭中丞父母

齋夜次陽峰宗伯二首

陵祀用前韻二首

次貞齋寄懷

送徐伯元南還因寄淶江年兄

省中元會次陽翁韻

元夕雪中同石塘冢宰宴集北原司馬次元

會韻

承天寄內方

龍陽道中寄陽丹泉僉憲

送汪太僕還滁

念二夜鷺洲河亭觀燈次古冲韻

河上寄壽顧東川御醫

送宮保宗伯惠巖顧公奉詔展省歸常州

送田侍御之南都

張龍湖先生文集

目錄

六

天津晚泊

上燕子磯遇羅邦懷

謫仙樓

謁忠宣祠

炎陵

天柱閣

奉別陳墨莊用元夫韻二首

晚興

喜得家書因憶同時諸友

送萬長史之汝府

早朝

送劉田司教東流

衡山偶成呈留朋山大叅毛泉山憲僉

送王叅政承乏之蜀

送大霞洞林登廣寒山分韻得秋日二字

送蔡霞山之閩

壽王邃伯母八十

邃翁免朝志感和韻

送初內濱僉憲兵備河南

送張太史子陽封靜江王得省

張龍湖先生文集

目錄

九

送元善之金陵

送木翁閣老致仕

涯翁舊宅看花次韻

贈曾茂元奉母還南江

李古冲宅燕集別中川侍御限韻

南堂爲陽峰學士

送某侍郎使安陸

康陵

恭和御製敬一亭成

和羅峰閣老敬一亭成志喜

定興道中用馬太史壁間韻

哀熊峰閣老

磁州僧寺宴會呈伍大叅張溫二憲使

江上寄陸雙石

送大司徒近山趙公之金陵

送蕭尚黈之忠州因寄雲東

送袁中山繕部奉使歸省因寄壽西園先生

二首

送趙廷尉方巖之金陵兼便歸省

揚州與陳巽峰侍御宴集時尹民部督運真

張龍湖先生文集

目錄

辛

州龍秋曹理刑淮上皆同鄉也遂喜賦此

徐州次陳水部韻

漕河阻淺次江午坡韻

端午述懷用韻

再述

睡起用午坡韻

清源郊水部話舊次韻

河西志喜

送張藩幕之雲南兼懷南湖方伯白泉憲使

送高相之常熟

寄龍雲東副使

送大司成倫白山之南都

蓮塘書屋為吳進士瓊作

扈駕發京

沙河駐蹕

七陵陪祀

曉發天壽山

恭和御製謁陵

趙洪洋銀臺守東直與內方司成登樓有作

依韻奉荅二首時杜研岡亦守崇文用訊

張龍湖先生文集

目錄

壬

及焉

留別涂東潭次所作交游臺韻

送劉正之南還

閣蓮呈瑞和李序老韻二首

齋夜用元字韻二首奉呈翰院諸老

寄題清湖別墅

送龍雲東還浙

送趙洪洋巡撫陝西

宮僚燕集和許冢宰韻三首

送華侍讀察歸省

送沈太守愷之寧波

淮安南樓夜宴同約菴中丞次韻二首

送譚子明今建始

同前峰司業過內方庶子次韻三首

寫懷疊前韻

同內方過報國寺疊前韻

無題疊前韻二首

元夕招宴翰院諸公於懷麓堂次松臯太宰韻

齋夕有感奉次玉谿宗伯韻二首

張龍湖先生文集

目錄

三

對雪次韻

道上見軍餉志感疊前韻

道上望西山言懷再疊前韻

送黃以吉還閩中二首

送楊中丞金陵操江

齋夕用松臯喜雨韻二首

送子鍾下第南歸

送白洛川經府之金陵因寄洛原

送譚光浩司教武進

次陽峰賞花二首

寄龍雲東

對雪用韻呈几山司空

夜過几山留酌次韻二首

省中齋夜疊前韻

送戴龍山司馬還楚

送盛程齋還潮陽

送過廷諍歷滿還茶陵

送甘司務奉使西川便歸省母

送夏少叅寶之閩中便歸省母

和桂洲閣老三首

張龍湖先生文集

目錄

三

桂洲閣老壽日次韻

送劉善道還茶陵

立春有懷和子鍾韻

贈孟東漳僉憲赴京

雨中須野枉駕池園

再賦兼憶薌溪司業

和郊梅巖太守秋夜漫興二首

觀湘閣與彭大尹宴別

人日家居風雨寫懷

悼亡友過九章

壽勁齋翁八十有四

慰子明不第

思竹壽卷

用韻答子鍾

己丑元夕用前韻

楊氏山莊

暑夜用南田韻

喜雨用前韻

次韻答李西州

庚寅元夕雨和韻

張龍湖先生文集

目錄

三四

春日雲山寄廖童二太史

江上送方西樵閣老歸嶺南

卷之十四

七言律詩

過東昌寄開州守雲東

寄羅二峰省解

聽雪

舟夜與胡一松

晚酌汲秀亭用周白山韻二首

淮口舟中值風雨候白山不至

過金陵呈諸同年

春日愛雲書屋

彭子充以詩見寄用韻

梅園秋遊

劉揮使席上

再寄雙石

獨夜用江午坡韻

武岡道中

送彭廷重司訓合州

送董潯陽太史奉母還湖州因寄午塘宮論

張龍湖先生文集

目錄

三五

漣川秋官

春首喜晴次陽翁韻

再次二首奉松翁太宰

省中齋宿次援字韻

陵祀偕西佺少宗伯出郭喜呈一首疊前韻

輦華城疊前韻

瑞光寺同西佺夜話疊前韻

陵祀疊前韻

道場紀事

曉赴西山

送盧涑西少司成之金陵

懷貞齋江司業因羅子鍾寄去

雨後用韻邀周少府

中秋僧寺對月有懷

答陳師魯次韻

和桂洲閣老二首

院中觀蓮次泰泉學士韻四首

送盧石屏督撫汀漳

送東川憲副兵備閩海因憶北原太宰

送費少石奉使淮藩便歸展謁

張龍湖先生文集

目錄

三

送鄒明章令德化

送陳廷記令雲安

送杜通判之九江

舟次遇雨有懷館中諸友

小孤

七夕蘄陽一二同年席上

壽謙菴七十

雪夜有懷用子言至日韻

喜道亨至

九日殷氏宅對菊

送孫太史使交趾

送同年朱瑞卿令奉新

寶應呈戴龍山次韻

徐州贈趙近山憲副

送人之岳州幕

送劉楚望南還

送張司訓誼司教開州

送中川按貴州

送沈靜夫令番禺

送劉養和提學山西

張龍湖先生文集

目錄

三

送何勉之司廳奉使歸省

眞州尹元夫民部話別

陳御史兩尊人雙壽

送陳懋貞太守之蒲州

送曹龍泉歸隱華亭

九日邵園和韻三首

送張六泉別駕督運還浙

秋享同內方齋宿直廬疊前韻

送張畏齋御醫還吳

和松翁齋宮喜雪韻

送趙經歷澍之金陵

送馮御史提學南畿兼得迎養

賀某翁生孫和韻三首

壽顧中書母八十

次几山生日韻

南郊陪祀前韻

立春賜宴次几山韻

送周石崖琬督學閩中二首

送給事中陳棐送母還鄉二首

封卷進呈

張龍湖先生文集

目錄

天

簡西泉太史

送高謙菴先生歸閩

送六峰司教南陽

有懷諸同年

城上

廖白石奉使岷府過長沙水陸寺有詩用韻

奉答

南嶽二首

聽子明誦江上懷友之作感而和此

得士疇書用前韻

感懷次子明除夕韻

對雪

懷周少府次韻

寄詹少華給事

金陵別羅生子鍾

初登志海樓示羅生子鍾

答南田病懷用韻

次几山司空紀夢韻

寄陸少叅舉之

辛卯除夜有懷

張龍湖先生文集

目錄

无

厭雨

十六夜過志海樓

春日闕田謁先太孺人墓

陳體坤詩來促予迎暉之作次韻答此

慰子鍾憂居

壬辰除夜次子鍾韻

癸巳元夕次子鍾韻

端午喜邱須野省使宴集

林秋潭二守有愛妾之悼因贈二詩

秋潭以詩來言別再用瓊字韻答之

秋潭次韻兼名飲再疊前韻

中秋舟中疊前韻寄秋潭二首

壽元老三首

卷之十五

五言排律

贈於伯度出守大同

壽羅峰閣老六十

送趙白崖之任安成

送俞憲使兵備南贛

送李廷貴之官淳安

張龍湖先生文集

目錄

三

天壽篇百二十句奉羅峰閣老

送羅至善令龍溪

五言絕句

無碍山房

南嶽下山

秋夜與永寧諸宗丈話舊

九日子言家用壁間白坡韻二首

泊漢口走筆簡朱侍御

七言絕句

送戴石屏之官懷寧

春谷

迎暎十景

夢中寄桃村諸族詩有幾年不踏桃村路溪

上桃花今若何二句覺來因足成之

南嶽祠三首

和石隴彭松竹主人遊壽藏

天柱閣夜聽可泉詩話

春意

送劉經廬陵丞二首

送鍾時亨之南雍四首

張龍湖先生文集

目錄

三

壽封君止菴胡翁四絕句

春山祠五首

雜興二十首

雜詠四首

登石鐘山望廬山

送符太僕出守韶州

壽山人陳慕泉

送李礪洲之官瑞州二首

送陳白石官吉水因寄念菴宮贊二首

送王鶴泉光祿之金陵三首

送五岡鴻臚歸省寄壽乃翁適耕先生四首

送譚順夫分教南充

忠勤歌二首 爲張副憲作

送莫理問鈍之貴州

送吳中里憲伯防江岳鄂

茶溪

竹窓

雙感卷

鵲鳩小畫

有感

張龍湖先生文集

目錄

三

送譚性之判福州

送陳上舍一楷南還二首

有懷東里諸宗譜寄監鎮祖祠

詩餘

送劉春岡總憲留臺兼補怡椿賦

送鄭于野銀臺之金陵

大享燕樂歌五首應制

張龍湖先生文集目錄終

張文毅公傳

工部雷禮

張少保名治字文邦湖廣茶陵人其遠祖自江右徙茶陵之月江里歷公父伯誠並以淳樸稱初公之未婚也母譚淑人夢大鳥倏戛雲下朱顙佞罔縞羽止其庭忽縮化入襟袵間已而驚寤伯誠曰此鶴祥也將不有徵乎踰年公生神采特異機櫻慧動不可制甫七歲揮墨成巨字稍長偶辭屬對應聲諧捷多非人思構所及者知州董豫大奇之白督學使者補充校弟子負學官示以經書大旨即曉析旁及諸史百氏靡不綜貫發爲文蔚如也及鄭張文定督學試之見其文愕曰茲非劉李匹耶蓋指茶先輩坦齋西涯二先生云正德丙子舉於鄉遭父喪守制庚辰舉南宮第一先是州有龍化湖茶長老數言故有龍湖乾榜元出之識公嘗憇而樂之因寓號及計偕北上湖忽嘆洄龜裂果符應是年毅皇帝南狩明年今上即位始第進士入翰林爲庶吉士居一歲念譚淑人春秋高力引疾告歸屏交息營充養益盛五年起授翰林編脩會兵部主事霍韜奏稱兩京堂上官及翰林臺諫履任半年各舉一人自代公以知人爲聖哲所難請改官便養且曰道苟可行則乘田委吏不爲約

道苟不行則高官大爵不為豐識者知其志存經濟不徒以文章致身也七年纂修大典成擢左春坊左贊善公在史局未滿考遽遷二親之封格於例即乞辭陞秩願以舊職供事待封其親疏入上嘉其情特畀封弗聽辭秩蓋異數焉其冬奉冊使榮藩歸拜太淑人堂下不數日太淑人猝疾不起人謂天祐公至孝不使有貽悔云是時諸貴倖用事多不法公制終數年矣有超然之志至十三年縉紳先生以大義勸之迺起尋命主南畿試南士沿江左餘風並崇彫琢日入於弊公崇渾黜浮時稱得人明年同考會試又

張文毅公本傳

二

明年重書寶訓成進右春坊右諭德十七年秋命主考武舉會試是冬安南國人以篡臣逆命絕譯貢乞師征討上下廷議僉言簡近臣具文武才略者令宣諭聖朝威德因得擅制置不煩兵制可乃擢公翰林學士以往公喜盤錯自別乃躍然應詔曰丈夫志在萬里安南如履堂奧耳詎株守一職為章句儒耶未行有言小夷非兵不服者遂止十九年秋命復主南畿試南士益知所宗不迷厥趨明年拜南京吏部右侍郎又明年召改吏部右侍郎公趨事斤斤自信敢斷決銳然以辨正邪明升黜為大務及大計吏治貴

人嫉忤己者欲擠之持不可竟不能奪惡人趨競有京朝官鮮服行持所業文求正門下且甘詞申款公正色戒之曰國家造士以明經致用乃至矩唐汙人之詩耶其人愧沮性峻方不與世瓦合於持正自立為世擯斥者雖疎遠必欲延致之屢薦於太宰不以為嫌常薦一二謫官太宰擬常調公曰凡居官者悉以資深超用而謫者以淺資拘常調是佞者常伸而忠者常屈也何以勸後太宰悅從之時直隸諸差好持權責吏苛切歲劾罷不下十餘疏少能以一肯全者公言於太宰曰九州設官均為一體而畿輔多中

張文毅公本傳

三

差時時考察非所以惜人才安民生也議上天子可之著為令二年改吏部左侍郎兼學士掌院事二十六年春命主會試公見士習舉業類擬應試活套以徼一捷不知經史為何物於身心了無所得特率諸房考精別嚴汰必詞合經旨及援引有根據者錄之故所取多學行士姜習為之少變未幾奉詔教庶吉士每喻以立身大節其為學期稽古識世務不落塵荃有一二浮靡不自振濯對衆指摘不少恕故諸吉士多知省改明年拜南京吏部尚書往未及朞上以元輔介溪嚴公屢請增置輔臣詔廷推五六人乃改

公禮部尚書兼文淵閣大學士同南渠李公入閣預機務夏四月至闕上又命公與南渠公及大宗伯少湖徐公咸直禁中未幾賜飛魚服白金文綺尚方諸珍物亡算公遭際聖明日夜憂憂思納善道以興太平誓不營私不奸法不阿權貴有徇俗以勢通及以倖徑干者嚴詞峻拒不假色遜自是諸司弗飭者惴惴焉縮其蹤承平日久中外戰士離落車馬剝弱又連年調兵築壘未乾公囊已虛公對當事者憤而言曰今兵老民棘禍旦夕及肺腑諸公不歷算周思以爲宿謀而釀成疽根其可久乎及見士風瀾倒如水

張文毅公本傳

四

決防而天下乾耗經費無紀輒愀然歎曰噫哉士習靡則元氣漓矣民財竭則精血罄矣其將何所底止乎至二十九年奉命復主考會試發策命意多剴切時弊蓋納牖無由而所以儆庶位者深矣卒之虜犯京師而一鏃莫施始服公非過慮云公自夏在直嬰暑毒忽疾大作上疏請告上遣中使偕御醫往視賜內膳醪米溫諭降問少間公曰時方多事吾安得以疾自養乃強出供直八月以大慶恩加太子太保辭不允然自是疲於承事疾加劇不可完攝矣乃再疏請告及虜入犯畿甸公伏枕惋泣力疾草疏欲堰白

河水以遏虜涉會憊弗支不及上十月九日嚴公偕李公過問公疾不可爲神志猶惺惺語不及一私十四日竟卒長安西第先是公疾未作夜忽夢乘鶴遊戲飄飄若出九閼覺而占之曰斯吾始娠之祥也殆將反化以歸乎已兆之矣訃聞上震悼令有司治祭葬贈少保謚文毅公磊落有大志欲以功業行實光明於時雖博極羣書以文學爲下科雅不嗜尚間著於文若詩多切隱憂覽之令人省奮嘗奉詔修續會典公病前書沿革徒存本末失次往往取吏胥故牒并條例蕪積不提綱要甚或賦役之征用無紀內府

張文毅公本傳

五

之職制弗明與夫省藩外地軍士牧屯鹽政苑馬今昔殊紀漫不可核與禮夜分商確欲以事始爲綱後之舉廢爲目昭聖制於上附臣下建明載其節略以備一代明良之迹而又詳稽往制備載議原旣汰復沿義將何取中更復定始自何時其他如稽覈數辨歲供考虛實之類毅然以身肩之竟多尼格不果會三邊多警欲改一官自效又不果日取西北事宜諦究往失而精來鑒思注措之未嘗頃刻忘邊計也立朝持正論侃侃無顧忌意有未當詞氣激切衆莫能屈然胷中無畛域不善爲逆億又不宿怨有犯而不

校之風平生引薦善類如嗜飴然極厄雪誣雖忤時忌有所不避晚年列樞筦中外想望其風采而所爲多與願違至年僅六十有三不及究蘊蓄以沒惜哉平生奉制及應酬諸作信口肆筆未嘗不出乎正脫腐遠俗歸古典則其子儀制君元孝與公壻治中彭君宣收輯存稿若干卷梓行於世亦可以鏡其槩云論曰公之不起也豈非天乎禮初入銓部爲公屬吏見公議論天下大計如江河之不窮而勁節直氣不少撓阻視時事有戾於成憲者慨然喟歎至欲裁定會典權衡百度使狐鼠不得緣以爲奸充斯志也豈

張文毅公本傳

六

在富貴賢豪間耶遭際聖明柄用日侍宥密使久於其位必有以振肅百僚而善類日進泰運可回矣乃一疾弗起豈剛直難近天固仇之耶卜世道升降之朕者可以惕然懼矣

治博聞強識性亢爽有氣節言論侃侃臨事不阿是時上崇尚焚修輔臣悉供佞撰治不自得遂邑邑疾及卒上頗不悅詔加以中謚隆慶改元乃更謚文毅云見獻徵錄

張治字文邦茶陵州人宋張履翁之後也州有龍化湖故有識龍湖圻榜元出正德己卯湖忽嘆涸龜裂

明年治遂舉進士第一又明年賜進士改庶吉士授翰林院編修嘉靖初進左贊善尋以母喪去位時張桂用事治不樂其官有超舉之志家居十有三年而諸公以經濟大義動之始起蒞職爲翰林學士上欲伐安南使往諭行未至有言小夷非兵不服遂止以副總裁修玉牒稍以本支法更定奏上上曰卑不可踰尊亡不可先存學士指是其如學士所定還南吏部右侍郎召改吏部左右侍郎遇事斤斤自信敢斷決銳然辨邪正明升黜不瓦合士有持正自立爲世擯斥者雖疎遠必延致之二十七年陞南吏部尚書

張文毅公本傳

七

明年改禮部尚書兼文淵閣大學士是時廷推六人上持之十日密跡之至其明日乃以治與呂本同下蓋特簡也治雖與諸輔臣同侍禁近顧墨墨不自得冀乘間諍居二年卒上頗不悅詔加以中謚因謚文隱隆慶改元更謚曰文毅誥曰惟爾太子太保禮部尚書文淵閣大學士張治事我先皇帝三十餘年隆恩厚卹君臣之義有終始矣間於媚嫉之臣易名未當頃有言者朕下禮官考論其世以爾詞尚理要制作渾雄心存世務議論慷慨考文章以知人如陸贄之識韓愈因公正而發憤若汲黯之斥張湯引以同

升悉爲今日之宰輔與之異趣實乃當時之大姦是以朝廷服其節槩天下想其風采昔我先王良用懷思不有嘉名曷稱輿論是用謚爾文毅爾其不昧尚克享此治性卞急而志意廓落明習典章究極時務語及治亂之故毅然經濟自許而人亦以歸之見承平日久戰士離落車馬剝弱又連年調兵築壘未乾公囊已虛對當事者憤言曰今兵老民棘禍旦夕及肺腑諸公不歷算周思殫謀宿昔而釀成疾根其可久乎及見士風瀾決國用乾耗愀然歎曰士習靡則元氣漓矣民財竭則精血罄矣其在今日將何底止

張文毅公本傳

八

嘗欲裁定會典權衡百度復成憲之舊明因革之制使城社狐鼠不得府奸事格而止二十六年丁未二十九庚戌兩奉命主考會試發策命意多剴切時弊蓋納牖無繇而致倣庶位獨至其年虜犯京師一鏃莫施始知治之非過慮也方虜急時治伏枕惋泣力疾草疏欲堰白河水以遏涉騎會憊不支而遂卒

見晉江何喬遠名山藏

公諱治字文邦湖廣茶陵州人也性稟英毅學覽淵博自少以經濟爲心正德辛巳舉會試登第二甲進士改庶吉士授編修嘉靖丁亥同修大典書成授贊

善歷諭德學士遷南吏侍改吏左侍掌翰林院陞南吏書己酉改禮書兼文淵閣大學士加太子少保卒贈太子太保謚文隱慶曆中改謚文毅公弘襟曠度瞻智長才議論侃直無所瞻顧聽者毛竦不敢犯兩典鄉會文衡號稱得人尤喜獎進忠直汲引善類其於權貴視之漠然不肯阿附以固祿位用是佐政未久賁志而歿海內傷之所著有龍湖文集見麻城王人考

張文毅公本傳

九

張龍湖先生文集卷之一

頌

嘉禾頌有序

西苑瑞穀一莖而三穗者五一莖而雙穗者百一伏蒙諭示臣等臣幸際昌期獲觀盛美忻抃無已竊稽之瑞應圖曰嘉禾五穀之長王者德茂而太平則生又曰德下至地則嘉禾生周公曰三穗一苗天下其和爲一乎蓋禾也者和之謂也穀也者善之謂也詩曰俾爾戩穀言盡善也惟人君和德於上善及萬物則天地有嘉禾瑞穀之應是故同穎見於周書六穗

張龍湖先生文集

卷一

一

紀於漢史古今所共傳以爲徽美者也仰惟皇上德茂佐功仁育生類謂稼穡之寶所以養民而耕耨之力可以興利春秋則舉祈報之典水旱則致躬禱之誠軫恤民隱憂勤宵旰每先事而預爲有備之圖雖已治而不忘無逸之念天下之民涵濡休澤旣無一夫之不獲矣佐鑒昭答黃祇效順協氣流暢嘉禾迭生蓋以發至和之光而錫作善之慶者況當誕聖之期降此休徵一莖三穗而五本所以表陽德也二穗同穎而百一所以昭蕃庶也其爲玉祿萬年聖壽無疆之兆豈不章然明著哉在昔聖帝哲王其德足以

致貞符而召瑞應者載之史冊百世之下猶能使人喜談而樂道之況身被其澤目覩其盛者乎發而爲康衢之謠以自鳴其慶幸於萬一此固臣子之情惓惓不能自己者也臣謹俯伏稽首而獻頌曰

瞻彼天田於帝之苑維時在秋稼穡繭繭中有嘉穀三穗同出一莖而二厥數維百疑疑芄芃實堅實粒田畯來獻皇心悅懌皇曰受之天祐朕躬匪躬之愉樂此歲豐國本在民民命在農民食旣足國本斯崇乃薦清廟乃詔臣工交賀曰維皇之功維皇之功德於穹覆帝心鑒歆降此嘉祐嘉祐維何遐福單厚簡

張龍湖先生文集

卷一

二

簡穰穰百祿是受福祿攸集是崇是茂維皇誕辰璿衡在酉瑞穀之來不先不後天實命之以告萬壽皇曰休徵維帝之力惠此有秋立我民極禎符洋洋神祉來錫我敬承之敢怠厥德爰修圭幣爰薦芳潔祀事孔將以報佐烈於維我皇凝神恭默爰知民依所其無逸憂民之憂宵衣旰食以禱以祈有虔有翼堯德儆予湯躬自責軫民痼瘼稷飢禹溺民乃攸寧保有家室出作入息不知不識和氣薰蒸大化融液天不愛道綏以元吉地不愛寶生此嘉植其機孔神疇可與測維天眷皇維皇得天其眷維何玉食萬年凝

和養素以引以恬豐穰之慶被及九埏維禎維祉繼繼縣壽我皇祚維以億千天地清焉日月貞焉四時行焉萬物生焉中和位育成美功焉頌聲奕奕垂無窮焉

天保萬年頌 有序

臣聞粵昔帝王之盛其有天下也則必曰祈天永命而臣子祝於其君亦必曰天子萬年蓋君者天地萬物之命所寄也人君壽則天地萬物之壽隨之矣然人君受天命而興則天必昭以貞符膺間氣而生則壽必享以遐年天人之機印若契券不能爽也稽之

張龍湖先生文集

卷一

三

往牒帝王之以壽稱者莫尚乎軒轅蓋其秉斗樞之精應土德之運生而神明役使百靈敦敏廣淵善聖之宗也治天下則觀象設制垂衣無爲齋心大庭問道廣成授經王屋導養玄素爰能體鍊妙氣窮盡道真而長生久視與天地罔極豈非聖帝之殊軌而道德之高躅哉洪惟我皇上續天之統合道之貞昭受元符誕膺明命自軒后而下一人而已初丁卯之誕祥江漢也上距太祖所生之歲蓋百八十年得二九之會焉龍飛天極壬午紀元則上同乎成祖改命之歲蓋百二十年得九三之交焉脗叶昌期駿躡純景

茲非應土德之運而當出符之會哉河清兆瑞慶雲表祥則大電繞樞之徵也神明聖哲通侔遠覽則狗齊敦敏之具也精禋應禱玄德邇升則神明知止之應也察地明天稽典定制則正名百物之治也恭默有室太素有居則齋心大庭夢遊華胥之樂也冥契真詮納民壽域則順風廣成究意雷岐之仁也協氣薰郁休祥滋至則雲師紀官麟遊鳳巢之禎也稽符命之所加篤烈祖之駿惠天人合發區宇樂推神休暢茂靈祉顯思蓋天之所以啓聖神之祚而永無疆之慶也由是觀之則我皇上之遡神穹昊兼總元玄

張龍湖先生文集

卷一

四

長劫世而不老凋三光而獨存億萬之壽比於軒后蓋不待卜而知矣茲二十有八年時維仲秋十日在丁爲皇上天誕之辰萬神洽慶六合忻舞天下臣民感覆燾之恩朝明廷而獻萬壽者外盡四海罔有不至臣仰受渥恩倍切懼忤謹援天保之義演爲頌詩一篇上祝萬萬年之壽雖詞意蕪陋不足以揄揚聖美而臣子之於君父所尚在質非僅以文爲悅也敬俯伏稽首以獻頌曰

粵稽邃古皇王代奮咸有貞符以兆景命倬彼軒后大電感樞斗精受形爰啟帝圖於維我皇誕祥江漢

濁河澄清慶雲炳煥乃御乾極以正萬方龍造躋躋
靈貺洋洋丹靈壽邱千載同芳詩人有言天命玄鳥
降而生商我受命溥將肇域彼四方於昭聖祖實肇
皇基維皇之生二九應期於赫文皇奮於燕邸維皇
御天壬午受紀若合符節不後不先天實啟之人孰
能然姬周卜曆天皇衍年載代六百成數維千轉算
相乘莫可究焉詩人有言克昌厥後燕及皇天繩其
祖武於萬斯年維皇明德祇事上穹神功聖治純孝
貞忠帝心眷德錫福時萬百神受職三靈叶贊泰乙
流祉八景隤禧五神順軌九土咸釐至仁潛達佺化

張龍湖先生文集

卷一

五

殷溥先天不違物得其所詩人有言天保定爾受天
百祿降以遐福維日不足維皇建極萬方攸同焯焯
大業久而益崇天佑我人俾皇億壽垂祚九圍小大
咸受觀民設教神道佐興以榮以祈禔福繩繩載以
清淨民自不忒中心無爲抱一以式詩人有言民之
質矣日用飲食羣黎百姓徧爲爾德維皇格天申錫
無已諸福之物莫不畢至秀岐嘉穎于彼天田靈禽
異獸甘露醴泉休祥奇瑞駢臻還集協氣榮光氤氲
鬱鬱坤祗效珍乾象開圖龍文赤書日煥九區詩人
有言天保孔固何福不除俾爾多益以莫不庶盛德

在金三光並麗維皇誕辰萬靈應瑞九龍毓聖二氣
含神赤光照夜黃雲覆辰露浮靈液月抱仙輪歡騰
萬宇喜溢八垠閭闔洞啓鈞樂九陳鶴書翔舞霞綵
繽紛穹佺錫慶洪釐允申小臣作頌虎拜稽首虎拜
稽首吾皇萬壽詩人有言如日如月如山如阜如川
之方至如松柏之茂

張龍湖先生文集卷之一

張龍湖先生文集

卷一

六

張龍湖先生文集卷之二

奏疏

請改官以便迎養疏

近因兵部主事霍韜奏稱兩京堂上正官及翰林臺諫官履任半年各於舉人歲貢府縣藩臬內薦舉一人自代者臣聞知人之事聖哲所難蓋天下之人心不同觀其外者不能信其中之不蠹徇其華者不能揆其實之必孚故聽其言焉則奸言似忠亂德躁言似辯亂真夸言似大亂度邪言似直亂政是以巧言鮮仁而利口惡其覆邦也求其迹焉則尚浮薄者似精銳喜更張者似有爲斤斤似明喋喋似智術疎者似弘大行矯者似廉退是以清談禍晉而新法適足以亂宋也欲考之於博訪與則人類不一愛憎殊情君子以愛才爲心小人以傷善爲利愛而引之則近黨傷而沮之則似公近黨則不辨而遽疑似公則不覆而先信是以大道每陷於橫議而良才常厄於中傷也欲稽之以全德與則天之生物不齊輪楠異材駑驥殊品曲成則品物不遺求備則觸類皆棄是以夷惠之聖猶爲一偏稷契之才亦專一職才難之歎從古爲然也故孔子曰視其所以觀其所由察其所

張龍湖先生文集

卷二

一

張龍湖先生文集

卷二

二

安人焉廋哉孟子曰國君進賢如不得已將使卑踰尊疏踰戚可不慎與夫由視而觀而察則知人非朝夕所可能賢必求之左右求之諸大夫求之國人則用人非一己所得私也況夫育材之道必假之積久而變化之機惟存乎舉錯故堯之於舜猶歷試諸艱湯有天下舉伊尹而不仁者遠此臣之所以不敢輕有所舉以自贖於不智也然臣雖愚於知人而實明於自知緣臣本以章句腐儒謬叨科甲庸謏之才未足鞭策而又不通世務與時齟齬無班馬之長濫竽史館乏鄒枚之技空厠詞林瓦礫不可以爲圭璋櫟櫟不可以爲梁棟循省生懼訟愧弗遑此臣所以夙夜汲汲思去其位也況臣家世貧寒幼稍知學父傭母績以供衣食及至成立而父不逮養終天之痛更何可言獨幸有母然以八十之齡遠離萬里之外悲來日之無多慨甘旨之莫繼人子之情其曷能已夫非其才而冒位以孤負於君者非忠也竊其祿以自養而不及於親者非孝也伏望皇上敕下吏部將臣量改一職使臣得以隨尺寸之能而效駑駘之力便升斗之祿以伸烏鳥之私臣子大闕倘致弗悖則臣之幸當何如哉抑臣聞之君子之仕也行其義也入

而論思出而經濟或遠或近或崇或卑位雖不同歸
事於道而已矣故仁者不擇地而安忠者不擇事而
事道苟可行則乘田委吏不爲約道苟不行則高官
大爵不爲豐若徒計輕重於內外崇下之間則凡喜
內而惡外愛崇而憎下者將巧於進取無所不至矣
斯小人好利之見也故以道爲訓則士心正而王化
成以利爲計則邪慝作而道理失道與利之分治與
亂之由也臣雖不肖然嘗讀書窮理義利之途頗則
知之亦安敢容心於擇取之便以自棄於道義之外
負國家作養之恩哉伏惟聖明察臣之愚而俯從所
言則陛下用人之公益昭而孝治之化益廣矣

張龍湖先生文集

卷二

三

辭陞職以就親封疏

臣伏讀詔書內一款兩京文武官貢未及三年考滿
但到任歷俸一年之上無過者俱與應得誥敕封贈
父母欽此臣由正德十六年進士改翰林院庶吉士
嘉靖五年授本院編修六年正月內奉敕纂修大典
七年六月書成陞左春坊左贊善今照前例以編修
則歷俸二年父母可得推封以今職則拜官兩月似
與詔例不合臣竊惟人君之孝以錫類爲大人子之
心以顯親爲榮臣家世素貧幼而知學父母傭績以

供衣食劬瘁百荼致有今日臣父不幸不逮養者已
十有三年然九原之下待此瞑目臣所以思報劬勞
於無窮以少慰終天之恨者亦惟此耳臣母在堂年
逾八十風燭之期歲月是懼臣所以思致愉婉於無
已少舒愛日之誠者亦惟此耳仰惟皇上仁孝之化
洽於天下浩蕩之恩覃及四海臣愚無似儲之詞林
列之侍從今且數載執勤史館効事編摩亦有寸勞
既不敢上覬殊典如黃綰之輩又不得下援恩賚如
庶官之列徒以陞秩所限遂使父母不得均被天寵
幽明之中有遺恨焉區區人子之心尚可以一日自

張龍湖先生文集

卷二

四

安於祿位也邪昔趙槃會郊祀當進階封乞以封母
史冊書之臣愚不足附於先賢而愛親之誠根於民
彝初無今古之異伏望皇上下憫臣微衷容臣辭免
陞職仍令以舊官供事俾臣父母得階一命之榮則
臣受賜實逾九錫之重矣

再辭陞職以就親封疏

臣謬以纂修微勞躋陞前職第爲拜官未久父母不
得隨例封贈烏鳥私情已經具疏上陳蒙敕該部至
今未見覆請豈以爵賞爲朝廷所命未可輕變抑以
臣爲有所沾激而然耶臣竊惟爵賞者人君所以勸

天下於忠也推恩者人君所以教天下於孝也臣子所處不同其情各有所重有不得而兼焉者臣父母平生貧苦居無完室體無完衣臣知向學傭績以資供億其所以成臣之身至艱也及臣叨有祿位父不逮養終天之恨已無可言母年八十有一尺寸之晷又不可爲期則臣所思致微誠於二親者蓋不容一日緩者也幸惟皇上廣錫類之孝以及天下臣自謂千載一時之遭遇乃復爲陞職所限遂使人子之情鬱而莫伸幽明之中悵望如故則臣所以汲汲然乞辭至於再三者豈得已哉况臣之陞職以大典成也

張龍湖先生文集

卷二

五

考察自陳疏

臣湖廣茶陵州人由正德十六年進士改庶吉士授翰林院編修歷任左春坊左贊善左春坊左諭德翰林院學士南京吏部右侍郎改吏部右侍郎陞左侍郎兼翰林院學士掌院事伏念臣器非宏遠識乏該明學不通古今之宜才不適方圓之用徒以一介之鄙賤幸逢千載之休明始焉濫祿詞林尚未稱編摩之責繼乃貳政銓部曾莫贊均統之猷洵歷寵階冒嫌虛授坐糜年所積愧空餐報何有於涓埃恩實隆於天地頃者復援小宰之敘仍使再躋館閣之榮顧二秩之兼華何寸長之可錄術未深於稽古豈堪備顧問之司才不足以濟時徒自切經營之志雖駑足十駕敢不勉於馳驅而奮力戴山終難勝其負載恒慚非據永惕在梁况乎秉愚戇之資恒以忤物加之以踰分之福必至招尤茲逢聖治更新之時適值國家考察之典如臣者在羣衆最爲庸劣其黜罰在所宜先伏乞恩施即賜罷斥以具瞻之重地祈改任於時賢如此則官得其人將不容以倖位物還其分庶獲遂於生前下可協輿論之公而上可昭邦典之重矣

張龍湖先生文集

卷二

六

陞南京吏部尚書謝恩疏

嘉靖二十七年二月十九日欽蒙聖恩陞臣南京吏部尚書臣聞命下臨撫躬增惕望非意及感與懼并伏念臣衡湘寒賸樗櫟凡材學不通方器非大用徒知區區自守曾無榮榮過人始焉竊祿詞林未有涓埃之補繼而貳政銓部莫贊均統之猷積愧空餐坐糜歲月旋復援小宰之敘仍使還翰院之班顧二秩之兼華何寸長之可錄有匡世之志而力則不任有報君之忠而材莫能副每思瘝曠方切深憂詎意鴻恩更加崇秩竊惟我朝之治六典建官兩都分治留京根本重地四輔所先冢宰邦治攸關諸曹是長自

張龍湖先生文集

卷二

七

非夙負名德何以銓鏡品流況其地既遠帝庭人情易弛且此日士俗益偷吏習漸弊宜選於衆舉咸有一德之臣使暨乃僚懋董正庶官之緒廣忠正之路杜邪枉之門令四海曉然知聖意所加庶南北相與致太平之業如臣不肖謬荷甄庸德薄而位尊力小而任重滿盈已甚顛仆可虞茲遇皇上大德海涵至仁天覆才惟器使不以葑菲而下遺物皆曲成不擇纖芥而並育遂令瑣猥之細亦叨任使之隆矧由特簡之知罔避越次之驟此臣夔殞莫知所以爲報者也敢不淬礪初誠益堅愚赤雖奮力戴山不勝負載

而驚駘十駕願効馳驅誓捐未盡之身上答生成之造

辭免內閣重任疏

嘉靖二十八年二月二十九日該吏部差辦事官陶蘭齋咨到臣內開吏部等衙門會題奉聖旨張治改禮部尚書兼文淵閣大學士李本陞少詹事兼翰林院學士俱着在內閣辦事寵命天臨臣民驚喜里巷傳播以爲儒者至榮臣不勝感戴天恩慚悚伏地五內戰汗莫知所處謹緣陳力之義上布披瀝之詞臣竊惟我國家內閣之設所以輔承樞極參備論思雖

張龍湖先生文集

卷二

八

事無專成而職親要地至重任也祖宗之盛茲選匪爵秩之拘惟仁賢是任後乃資望並論蓋才必試而後見勞以久而能積也逮我皇上臨御以來簡任卿輔尤切審求近因員缺久虛至勤少待之旨仰見聖明慎重之心即古帝王疇咨之明而上法我祖宗建立之初意也伏念臣草茅末品粗識篇章樸愚乏通方之知迂疎非濟世之器徒以遭逢昌運竊祿詞林幾三十年初無尺寸之能仰答天造坐糜歲月滄歷通階雖先後五校文武之科出入兩貳南北之政亦惟碌碌隨人無所表見頃歲謬荷聖恩擢司留宰臣

雖不勝犬馬思報之忠而位崇務寡功薄心違每懷尸素切抱深憂豈意天慈即加收錄不遠數千里之外拔諸稠衆人之中俾參綸閣職以論思夫德薄而蒙非分之榮勞微而處非據之位臣所爲慄慄危懼而不能自安者也矧惟皇上神明睿知覆載如天地照臨如日月遠覽獨識超絕古今每大政大猷一經聖斷雖老師宿儒不能仰贊一詞而大烈成功昭垂宇宙有古帝王所不能一二舉者夫豈臣下區區思議可得裨贊萬一哉且握圖御極三紀於茲聖澤所被愈深愈厚然而祈天保民思賢圖治惓惓聖懷未

張龍湖先生文集

卷二

九

嘗一日忘焉此則數千載難逢之聖主也當此之際誠宜博求英碩或簡諸宅俊之賢或采諸遺逸之彥務得真才俾之左右宸幄庶幾仰承德意相與究太平之業顧臣何人而可與於茲選哉雖聖主之恩天地曲示優容而朝廷之事毫髮動關利害使臣不自揣量貪冒榮寵覲然受任則不惟上負聖皇知人之哲抑恐妨誤國事苟至顛覆臣雖糜殞何能自贖伏望皇慈俯憐愚悃特寢成命俾臣仍舊供職庶梗梓之材可以收隆棟之效而榱楹之用亦能參構厦之功矣

謝恩疏

嘉靖二十八年二月十二日欽蒙聖恩改臣禮部尚書兼文淵閣大學士着在內閣辦事續臣具奏辭免重任伏奉聖旨卿才望優著內閣重地特茲簡任宜殫竭忠誠以輔朕治不允辭吏部知道欽此欽遵除報名廷謝外臣誠惶誠恐稽首頓首俯伏上言伏以弼亮才難絲綸任重維時遴選蓋嘗疇慎於旁求忽此兼叨夫豈凡庸之可稱控辭莫避拜命增慚伏念臣晚出楚陬遭逢昌運當江漢龍飛之日感山川雲出之期既首應於文科中廻翔於詞苑學非博古重以寡能株守陳言未聞大道居恒思省彌切兢惶抱駑駘十駕之誠而力常不逮有經營四方之志而用則未孚薦歷清華久孤鴻造頃緣冢宰之職俾司留省之衡千里闕廷望雲天而仰睇彌年江海同犬馬之戀恩忽承收召之榮益戴眷私之渥文昌聽履秩宗聯東省之班秘閣演綸學士貳北扉之直職親地要恩異數殊臣載惟我朝罷丞相而設內閣本以臣道無專擅而代有終顧茲良法美意之所存即古輔弼疑丞之遺制惟禮樂自天子出雖皆稟於淵裁然德業成上下交亦相資於治理自非文優學贍何以

張龍湖先生文集

卷二

十

備顧問而代天言然必正直忠貞乃能開誠心而布公道況唐虞御極須求接武夔龍而我馬在邊宜有禁中頗牧乃如臣者姑使備員庶位尚或罄竭於小圖若令陪議鼎司豈能對揚乎明命望非意及愧與榮并茲蓋伏遇皇上道法祖宗德兼堯舜政惟求舊每興拊髀之思聖極自新尤重弼予之托然物生之品質每下而天地之冒育無遺遂令小大之材各適短長之用憐臣既愚且樸必知克謹於王章故雖至鄙而庸亦使猥承乎官乏惟皇上之神聖莫及初何俟於贊襄顧君父之知遇特隆實難爲其報稱臣敢張龍湖先生文集 卷二 十一

奉慰疏

臣以恭趨召命伏聞皇太子於嘉靖二十八年三月十七日薨逝臣不勝驚惻且信且疑四月初七日行至天津衛聞降敕布告中外臣隨就該衛公署成服如制仰惟皇上託重元良心勤慈育矚此仙逝彌切宸思雖父子至恩在聖懷固不能已然祖宗重器於

天命自有所歸伏望少抑皇情茂崇天福下以慰四海臣民之望上以圖萬年宗社之基

謝賜銀幣疏

嘉靖二十八年七月初三日伏蒙聖恩頒賜臣等各銀四十兩緞羅四表裏者臣等謹就直所叩頭祇領訖除同臣朱希榮等具本恭謝外伏念臣等猥以凡庸叨陪禁直濫從勲輔獲上天階引步若驚沾榮倍昔詎意天恩之浩蕩特加錫賚之優隆束帛兼金並一時之穠縟殊恩異數慶千載之遭逢揣分非堪撫躬靡措仰惟皇上凝神大始合德佺元明祝之誠上張龍湖先生文集 卷二 十二

孚於帝鑒洪釐之慶茂集於宸居萬壽萬年愈昌盛臣等初塵供奉未効微勞遽冒寵私實增慚悚矧才同襍線何所補於袞裳顧詞出蒟蒻尤難章乎粉藻仰承天度曲賜貸容更荷眷慈愈慚稱塞感獨深於銘刻報矢竭於捐糜伏願神禧如日方升聖壽與天並永撫環輿於有道衍寶祚於無疆

謝遣代祭先師孔子疏

伏以六經之道如日星聖人垂彞倫之教萬世之功配天地辟雍修報祀之儀禮特重於右文事莫榮於代攝顧惟謏陋詎荷眷私祇拜綸音豈勝忻悚仰惟

皇上日新治教天作君師學紹正傳茂建中和之極
統承往聖丕昭制作之權地緯天經參兩儀而並位
金聲玉振集百王之大成飭典禮而崇先師忻覩上
庠之殷祀備情文而昭馨德羞稱過魯之太牢冠裳
慶儒治之隆海宇仰文明之化伏念臣賦材樗櫟廁
跡章縫學未成章得其門而入者或寡才非知道觀
於海而所至益難愧乏秉文謬膺遣命瞻宮牆而陟
降祇存如在之誠依鐘磬以登歌期賚思成之祐入
廟每事問庶妥精意於明禋舉足如有循仰奉天衷
於淵穆惟深激切莫罄名言伏願登三皇咸五帝聖

張龍湖先生文集

卷二

十三

治日進於昌明祖堯舜憲文武道運允升於亨泰

謝賜飛魚衣疏

嘉靖二十八年九月十四日欽蒙聖恩頒賜臣大紅
金彩羅飛魚衣一襲臣不勝懽戴不勝感激謹稽首
頓首稱謝者伏以衣裳在笥命德昔重於五章官錦
飛華受寵特逾於三錫顧茲草茅之賤質仰叨天地
之深慈鴻賜駢蕃屢膺渥賚魚袍輝煥復忝殊恩露
頭角於風濤製出天機之巧絢翼鱗於霄漢榮增縫
掖之光龍雲自慶於遭逢鵜翼深慚於塵冒撫躬跼
蹐拜賜驚惶仰惟皇上道德光華服堯佩舜文章炳

煥緯地經天草木何知衣被卿雲之燦爛魚鰈至陋
涵濡滄海之汪洋臣運際昌明幸獲攀鱗於江漢官
陪密勿曷能補袞於山龍謬承特達之知獨拜非常
之貺昔唐人以口脂面藥猶侈篇章而漢臣之紫綬
青囊尚流史冊况被聖時之異數茂章儒服之至榮
念魚水之遭恒千載而難邁顧乾坤之德豈百身之
足酬臣敢不益奮愚忠思效銜珠之報期昭素節冀
無濡鵜之嫌惟曳尾以勉圖矢佩服而罔斁

謝賜祭品疏

嘉靖二十七年二月十四日恭遇皇上以陵名告薦

張龍湖先生文集

卷二

十四

祖廟禮成致蒙聖恩分賜翰林詹事春坊祭品各一
壇者臣等謹叩頭祇領除赴鴻臚寺報名廷謝外臣
等伏惟陽翠肇圖秀叶萬靈之域永陵薦號慶開億
世之基鼇岫卜祥制綠法祖鳳輻妥吉義重厚倫爰
諏日以告聞式命官而將事皇文昭達製出淵裁聖
鑒居歆敬孚佺穆臣等仰觀縟典莫陪顯相之班謬
荷鴻私均被神明之貺樽分秬鬯騰析瑤籙拜以登
嘉增光華於儒服熟而致薦溥仁惠於親祊共戴渥
恩彌深感激伏願高天厚地行堯算於無疆聖子神
孫奠皇圖於有永

謝遣陪祀疏

嘉靖二十四年二月初六日祭帝社帝稷於西苑欽蒙聖恩命臣陪祀禮成及頒賜脯醢酒菓者臣稽首頓首謹言竊以耕桑所以基王業惟聖人斯能重民案盛所以奉明禋惟孝子爲能備物顧茲帝苑爰播天田蘭場開紫殿之原翠園集芳春之耜省耕省斂德比觀於先王以烝以嘗孝致享於有廟屬東作之始舉載芟之祈登豆惟嘉流馨香於周甸盛禮會鼓樂田祖以豳詩祀事孔明天攸賴仰惟皇上志切懷保功即康田躬溝洫之力以養萬民光昭神禹典

張龍湖先生文集

卷二

十五

耒耜之利以教天下道合皇農貽我來牟莫匪烝民之極所其無逸爰知小人之依嘉氣滋生粒玉陳倉箱之富至和薰液黍珠垂畎畝之祥豈惟古哲王之盛復覩於一時仰見大聖人之作度越乎千世也臣家惟寒畯質本蒿萊四體未勤智不辨乎菽麥六經徒守業何補於菑畬久濫詞林已慚素食頃從銓部復玷清階祇承洪造之仁懼難報稱詎意青壇之祀獲奉瞻依慶釐事之告成戴寵光之薦及彌深感激莫罄名言伏願化溥博而無方孝奉先而不匱帝力何有樂農歌大有之秋神惠孔時介天錫無疆之福

謝遣代拜先聖先師疏

左順門遞出揭帖永明後殿先聖先師堂行禮遣臣代拜者臣聞命欣悚謹齋沐即晨恭詣代拜禮成謹稽首頓首上言竊以帝王中天地爲綱常之主聖賢垂道統開心學之源粵若義皇迄於唐虞以神道化天下迨夫禹湯至於文武以王道治萬民周公制禮樂而興王基立百世相臣之法孔子論詩書而明聖教爲奕代帝者之師其澤足以衣被生民其功足以建植人紀秩祀之典振古如茲尊事之儀於今特盛此蓋伏遇我皇上兼神聖之道以裁理萬國躬道德

張龍湖先生文集

卷二

十六

之實而卓冠百王緝熙光明優入希天之域恭默精一佺同象帝之先靜思期真則衆妙感會獨觀炳智則品彙咸通重道右文昭垂往則憲經制義懋創弘規開禁殿而禮聖師介朝望而勤釋奠信景崇之有地爰佑啓之在天豈往牒之可循實前聞所未有蓋唯聖知聖而道無不同斯以心契心而誠無不格也臣器凡且陋學寡而迂初涉獵於詞章遂攀緣於仕祿遭逢昌運謬玷清階責以綸經尚少知於訓詁使知貳政曾莫助於猷爲夙仰宮牆引領文華之末詎承綸綍叨私代拜之榮趨驚掖而傍徨瞻龍堂而跼

踞祭神如在翼翼帝敬之將綏我思成濯濯佺靈之
鑒喜當盛美感極眷慈伏願登三皇咸五帝極裁成
輔相之能履中正樂和平臻聖神功化之效文運與
世運而恒泰聖學與聖治而日新

賀雨疏

頃以經春不雨二麥未滋聖慈軫念降諭禮官躬禱
逾旬四月初四日再敕申祈下諭之初雷雨隨至初
八日秘叩上佺仍遣官遍祀神祇是午雨澤復至自
後十一日雨十二日又雨臣等誠懼誠忤稽首頓首
稱賀者伏以王者求端於天斯應變必以其實人君

張龍湖先生文集

卷二

十七

躬行於上則修輔克有其常雖災旱之來聖世有所
不免而感通之理鬼神實潛其機成湯罪已於桑林
帝堯儆予於洧水豈天道之云遠亦明徵之在人仰
惟皇上德合泰清道超無始運神化以康萬類立四
大於域中建皇極以協庶徵錫五福於天下居九重
之上而志切閭閻享四海之供而憂勤猷畝往歲祈
年於上帝既累錫以豐穰垂春敷賑於下民咸昭甦
於煦育茲者經時不雨顧彼百穀未滋實由庶職靡
修致此兩儀愆序爰上厯乎宸慮乃秘叩於重佺默
抒清一之虔肅致再三之禱誠在幽而必貫德無遠

而不孚先地先天幹佺功於無象爲雲爲雨慰農事
於有秋神液布垂陋成都之嘆酒泰和感召差魯國
之焚巫蜥蜴禁而匪靈麟鳳輕而讓瑞歡流原野慶
溢寰區臣等矯首上龍久渴雲霓之望同情草木幸
沾膏澤之濡感作霖於殷書彌深激切頌其滂於周
雅莫罄忻愉伏願知天之天而邦本永寧惟聖日聖
而神庥滋至日時雨曰時暘若叶徽美於箕疇書有
年書大有年揚耿光於世史

賀太廟告成疏

嘉靖二十四年六月十六日恭遇太廟告成臣等誠

張龍湖先生文集

卷二

十六

懽誠忤稽首頓首謹上表稱賀者伏以聖皇御極昭
垂一代之人文宗廟肇新載觀百年之禮樂尊親隆
而善繼善述理義叶而盡制盡倫寢成孔安式靈承
於烈祖孝思維則慶有道於一人天地偉觀國家盛
事恭惟皇帝陛下淵謨若古至德格天精義入神得
時中之妙用考文議禮集君道之大成當帝心仁愛
之餘勞經營者五載適衆論紛紛之日折淆亂以一
言謂先王之道有經有權斯作者之功可大可久因
心制義惟聖斷之無疑立愛自親豈皇情之可奪晉
睿皇以三穆用備考於四親合羣主於一堂仍全尊

於異室殫厥仁孝備極情文昭穆之倫既不拂乎周典懽聚之美亦兼採乎漢儀緣人情以爲節文監古而不泥於古觀會通而行典禮憲今而即宜於今乃名宗伯乃命司空度景方於舊址爰建寢桃爰崇太室卜鴻構於新宮靈效川祇江漢獻自浮之木潤回辰曜虛梁開營室之祥建經始於逾年遂奏功於不日金鋪璇榜輝映乾坤雕栱朱甍光騰日月隱若神明之奧屹乎太紫之威穆穆皇皇儼九聖神遊之地枚枚實實拓萬年宗祀之基于以奏永安于以奏王夏輪奐頌落成之美于以薦黍稷于以薦烝嘗本支

張龍湖先生文集

卷二

九

賀白鹿疏

嘉靖二十四年恭遇永和王奏進白鹿上祝萬壽聖節者臣等誠懽誠忭稽首頓首上言竊聞王者法先聖則白鹿來人君有盛德則瑞獸至蓋禎祥之興實由王政而天授之美匪以人爲况應時而來以萬壽

之辰稱名而得夫百祿之義屬光華之在旦仰休烈之丕宣兆庶歡傳百僚驚喜仰惟皇上玄德孚遠濊澤弘敷上下與天地同流功化備聖神之極致和而育萬物惠何屑於放麇顯比而用三驅仁殆同於解網羣生蒙被淪骨髓而決肌膚異類涵濡洽飛潛而沾動植用是帝心悅鑒協氣薰蒸珍瑞奇祥不一而足維茲白鹿貢自藩邦孕秀瑤光騰異形於革野含金精昊暉曜質於芳原濯濯不驚宛在文王之囿踰踰率舞依馴舜帝之庭匪煩力於虞羅如有感於王化蓋鹿壽所以表靈長之慶白色所以象明德之成

張龍湖先生文集

卷二

十

昔聞獻環於崑池而式啟道符投神於李母而肇開鴻寶紀牒所載固可謂希世之殊祥聖志謙冲猶以爲盛德之餘事可以播歌詩而奏郊廟可以被管絃而勒鼎彝無疆之徵端在茲矣大來之慶其有替乎臣等幸際昌熙樂觀靈貺校書藜館恒羨美於前聞載筆藝林願揚休於來史伏願懋敬德以承佺眷隆至治以慰羣心麟鳳來遊萬國頌泰和之盛犬戎不殺四郊藉煦育之休

賀萬壽聖節疏

嘉靖二十四年八月初十日恭遇萬壽聖節臣等誠

懽誠忤稽首頓首謹俯伏上言伏以聖人有大德而膺寶籙介壽考於萬年帝王撫昌運而應金天符誕神於八月璣衡日繞屬鳳曆紀三十九載之元海嶽天開仰龍飛御二十四年之統人心悅而普天胥慶物氣協而萬寶告成辰曜表祥煥光輝於紫府梯航稱貢充璧馬於彤墀百靈之眷護攸申千載之遭逢特盛恭惟皇上九龍毓聖二氣含神作之君作之師懋建維皇之極必得祿必得壽式孚有道之長抱一函三運黃樞於真始祈天永命穆修德於泰清四大立而萬有濟生七政齊而百神受職睿思作聖集箕

張龍湖先生文集

卷二

主

疇斂福之徵至道希夷妙軒后長生之秘用能以美利利天下無爲而成以仁壽壽萬民合同而化地不愛寶嘉禾呈九九之祥天乃降康鴻祚衍千千之曆時萬時億愈熾愈昌臣等稽首玉階佇瞻璿宇獻千秋之金鏡俯愧前賢捧萬歲之瑤觴率同舞獸伏願天保孔固王道遐升如日如月如岡陵載詠歌於周雅多福多壽多男子永欣戴於堯仁

賀長至今節疏

嘉靖二十四年十一月初九日恭遇長至今節臣等誠懽誠忤稽首頓首上言稱賀者伏以日麗天中寶

曆更新於二紀雷藏地下黃鐘復首於一陽乾坤妙發育之機神聖極裁成之道政齊璿度會七曜於太初氣轉鴻鈞開八荒之壽域履受踐長之吉庭充亞歲之儀庶彙潛萌萬方交慶仰惟皇上敬授法天之統佺同象帝之先悠久無疆如日之方永剛健不息與時而偕行安靜以攝元和蘊希聲於泰音之始恭默以思大道含有象於至無之中撫順璣衡歲月日孝濟格天之惠三萬里烽塵息神武昭不殺之仁王道大而化日舒何假周圭之測景聖治感而豐歲應

張龍湖先生文集

卷二

主

豈煩魯觀之書雲矧茲嘉至之辰大集朋來之福五紋添綉山龍瞻舜袞之華九葉垂祥莫莢衍堯階之祚綏將純嘏閱衆甫以皆昌膺保永圖極萬年而薦壽臣等葭灰弱質幸先得氣之微襪線菲才何補垂衣之治逍遙供奉欣戴休明依近清華彌深慶忤伏願陽扶陰抑雍熙回有道之長天施地生動植遂無方之化碩果收得輿之祉拔茅進連彙之賢

賀靈雪疏

緣自去冬恒暘不雪仰屋宸衷竭誠躬禱乃嘉靖二十五年正月初二日靈雪大降田野霑足臣等誠懽

誠忤謹稽首頓首上言稱賀者伏以寶曆更端肇二紀載新之始琪花呈瑞應三陽交泰之期萬方甫朝會於履端六出遂騰華於吉旦霏霽盈尺表陰德之珍符積素封條識太平之美象帝意與人心共協神功並聖治交宣天且不違民誰不悅恭惟皇上憂勤萬宇祇敬三靈念國本之所係在民而民事之所重惟食累求豐歲以阜羣生頃因冬雪不時寒燠愆序雖陰陽之常數則爾惟聖心每先事而圖爰布綸音躬祈夙夜百神受職驅屏翳以從風萬土含滋沃玄膏而發壤氤氲布濩與和氣而同浮霏霖既優知豐年之可卜况當春王之首元會之辰若解舊以從新信明鑒之可赫蓋雨珠雨玉曾何救於時饑而如坻如京實有資於民食惟二氣感通之妙在一念轉移之間曰謀則時寒曰哲則時燠於皇極之謂休徵與天地合德與日月合明固鬼神之所常享有年之慶莫大於此無疆之休端在茲矣臣等沐浴洪庥樂觀熙事雖涓滴無取感霖雨於商賢然疆場咸霑頌同雲於周雅伏願緝熙玄德膺保鴻基峻極于天體一元而居正靈承於帝閱萬紀以長生

賀靈雨疏

張龍湖先生文集

卷二

三

嘉靖二十五年四月初十日伏觀聖諭朕即日恭於雷霆洪應之殿內躬禱自十三日始停刑禁屠至二十二日止方綸言初下時即陰雲隨布微雨飄灑至十六日甘雨沛洽田野均沾百穀昭蘇萬民鼓舞臣等誠懼誠忤稽首頓首謹俯伏上言稱賀者竊惟聖人之道以奉天為心帝王之仁以重食為本蓋歲時之豐凶所值而民生之休戚攸關斯洪範垂訓於庶徵春秋謹書於大有然必人君能應變以實而後鬼神妙感應之機仰惟皇上敦本務農憂時閔雨既兢兢於無逸之治尤汲汲於有備之圖布德施仁下民雖未虞於艱食側身修患上心每不忘乎儆予自頃時或愆陽則惟天以示戒抑由庶官弗職致此旱沴為灾仰屋宸衷默抒佺禱眾靈受職驅風伯而戒雨師三日為霖起焦枯而回生意自中徂外咸被霑濡雨公及私靡不碩茂蒸黎歌詠知皆由於聖心草木欣榮如有感於皇化神功與天澤而俱遠膏液隨恩波而共深在昔魯史徒紀於焚巫桑林虛勤於剪爪豈若皇上玄德格於穹鑒至誠達乎幽微方一念之轉移致三靈之響答有如是哉臣等滲漉夕資於帝力涓滴何補於天工沐浴泰和深慰雲霓之渴望仰

張龍湖先生文集

卷二

四

瞻瑞貺俯慙霖雨之夙懷伏願至德馨而峻極於天
鴻仁溥而靈承於旅肅時雨又時暘斂箕疇之五福
天助順人助信綿堯祚於萬年

賀長至今節疏

嘉靖二十五年十一月二十日恭遇長至今節臣等
誠懼誠忤稽首頓首謹俯伏上言稱賀者伏以陽回
子半起乾坤交泰之機日永天中仰神聖寅賓之化
發歲功於脞籥萌協氣於黃宮荔挺芸生識八風之
從律珠聯璧合會七曜之同躔春動九幽慶生率土
恭惟皇上道涵真始德蘊泰初推策以撫五辰體元

張龍湖先生文集

卷二

五

而重三正雷聲淵默養至和於至靜之中玄象希夷
妙常有於常無之表察璿衡於舜典齊晷度於周圭
命律酌聲緹室密葭灰之候先事戒備臺官謹雲物
之書致孝享而山川鬼神攸寧建皇極而歲月日時
無易是以精禋格於穹昊純祐篤於永綏慈惡就擒
寢甲兵而不試蒸黎安堵樂禾黍以有成異瑞奇祥
莫不畢至雕題重譯罔敢弗臣適丁昌治之期茂對
迎長之序五紋添綉瞻黼袞之重華候日再中卜景
運之孔碩命維新而有俶福時萬以無疆臣等才乏
八能情均三祝龍墀星拱觀亞歲之上儀鵷籙晨趨

同百工而從樂豈勝率舞莫罄忻愉伏願道與時亨
化隨剛長靜則聖動則王中行敦獨復之仁扶則陽
抑則陰疇離獲朋來之祉麗貞明於四極綿慶曆於
萬年

賀靈雪疏

嘉靖二十五年十二月初九日欽奉聖諭今冬雖雪
雜以霜霧物癘人灾仍求正瑞茲十一日始至二十
日止有事於洪應殿欽此十二日之夕月宇光霽倏
然同雲雪花初泛灑於龍城詰旦遂遍鋪於燕野兆
人交喜百物咸嘉嘉臣等誠懼誠忤稽首頓首俯伏

張龍湖先生文集

卷二

五

上言稱賀者竊聞豐歲之冬必有積雪茲謂休徵太
平之世雪不封條夙稱嘉瑞蓋至人之道先天而天
弗違惟聖人之心樂民而民亦樂即一念之所發動
與二氣相為感通固不俟奏假之煩有甚於影響之
捷儼上鑒之孔赫信至誠之如神事出稀聞慶莫為
大仰惟皇上玄化醇茂渥澤汪洋合覆燾持載之功
配高明博厚之德恩加羣類禮及百神每先事而厘
備患之圖恒遇變而切愛民之念以茲歲之冬雖寒
雪時降而雨冰於木猶以陰冒陽由臣職或戾於靖
共抑兵介未寧於邊圉人之灾而物之癘本於地而

應於天爰軫宸憂恭祈皇昊啓靈文於洪應救齋祓於穆清呼豐隆而令佺冥驅異二而走滕六幽誠之達曾未踰時靈貺之來應如尅日密雲隨綸音而繼發霏霏與佺澤而並浮積素凝華輝連千野甃珪疊璐巧出六花威肅八遐消烽煙於萬里潤流九壤兆農畝於三登如坻如京宛若倉箱之富不徐不疾仍增殿苑之奇光簇瑤階花生琪樹豈惟洛神呈象來舞帝宮乃亦海騎相趨下朝仙闕東臯欣而望歲南史慶而書祥易灾旱而爲休嘉改陰陽之異數去邪沴而迎正瑞參化育之成能自非睿感通微乾心佑

張龍湖先生文集

卷二

主

德何以經緯六氣呼吸兩儀其神速如此哉臣等謬塵清列沐浴泰和樂熙運之昌明對天庥而踴躍慶忭之至倍萬恒情伏願謀則時寒斂五福於皇極思維作聖純一德於泰清昭功化之隆保曆圖而永固握道德之紀齊姑射以長生

賀元旦疏

嘉靖二十六年正月初一日恭遇正旦令節臣等誠懽誠忭謹稽首頓首俯伏上言稱賀者伏以春始歲功太簇應條風之律寅爲人統攝提迴北斗之杓矧鳳編建丁未之元適龍德屬南離之紀撫大明而同

王會國極萬以來朝觀曆象以敬民時陽至三而爲泰閭闔啓光華之旦魏闕布教令之和率土歡忻百嘉邇達恭惟皇上體乾之健出震而亨政順璿衡配四時而成序恩加寰宇育萬物以偕春體一德以爲元含泰始發生之用奉三無而並盛贊易簡造化之能惟聖神中和兼極其功斯裁成輔相各得其道是以佺心格而諸福畢致黎庶安而五穀屢登徒枉成輿梁成民不病涉靈龜出醴泉出帝乃降康况御寶曆逮二十六年其德澤之漸被者益久而基瑤圖億萬千祀爲天命所保佑者愈申維茲熙洽之辰茂對

張龍湖先生文集

卷二

主

履端之候太平有象瑞日麗而慶雲翔重譯咸寶玉帛陳而珍異集衆靈隕祉九域維新臣等喜際昌期仰同星拱誠傾葵藿隨百辟以在庭頌効栢椒極萬年而薦壽伏願靈承帝貺保合太和域中而王居一執軒紀以長生華封而祝者三戴堯天而永奠

賀冊進永妃疏

慶受淑媛天祚室家之壺禮崇顯號寵承冊命之華增仙祉於燕宮叶王風於榆翟懽騰墀陛喜溢宮闈仰惟皇上誕集帝禧丕膺佺眷三星耀彩載瞻法相之賢六列備儀爰著虞汭之化御家邦將由中以及

外奉天道在以陰而助陽矧當熊德孚於幽衡式貫
魚寵超乎九御銀印瓊珮光照闕庭寶節玉符輝煌
禁衛明章宮教豈獨侈愛於環簪秩視公侯蓋以助
敬於釐瓚紫庭分理茂昭苻采之風彤管記言益啓
雞鳴之警體和之範日藹層闈繁祉之嘉方崇蕃世
廣治本於陰理開濟發於慶源臣等覩縟典之告成
樂皇緒於無已豈勝踴躍莫罄贊揚伏願佺祉永康
保萬載蘿圖之固天庥滋至應百男椒掖之祥

謝薦新疏

嘉靖二十八年九月十三日伏蒙聖恩以薦新內殿

張龍湖先生文集

卷二

三

香稻米飯賜臣者臣謹叩頭祇領訖伏以寶穡登場
帝籍樂豐年之慶金穰薦廟天廷獻農事之祥恭承
孝享之庥祇被神明之惠臣愧未勤於四體竊叨賜
於九重正以先嘗一飯敢忘帝德薦而後食舉家咸
仰天恩顧素餐而拊己懷慚惟含哺而與民同樂

謝賜曆疏

十一月初一日伏蒙皇上頒賜臣中曆一冊散曆一
百本伏以天繞璣衡再啓三百六旬之始年編鳳紀
欣瞻二十九載之春七政上叶於有虞正朔誕頒於
諸夏恭惟皇上運聖神功化之妙極裁成輔相之宜

治曆明時法天布治臣等既荷大廷之賜復叨在直
之頒占景祚以無疆慶嘉時之有俶祝聖壽比天同
永願皇圖與日俱升

謝恩賜疏

嘉靖二十九年七月初五日伏蒙聖恩以臣在告特
遣內侍官馮彪賚賜猪羊米酒瓜果者臣謹扶疾望
闕叩頭祇領訖切臣本以一介庸陋之軀誤蒙九重
特達之眷加以寵私優渥賞賚頻繁終歲之間金帛
盈篋酸寒之福何以堪之受厚恩而罔知報稱食重
祿而莫效贊襄災之所來固其宜也乃蒙聖慈曲垂

張龍湖先生文集

卷二

三

軫憫既遣上醫診視復命中使下臨珍賜豐盈禮數
優異恩光榮被里巷懽傳臣驚惶起拜不覺神情悅
暢恍然若沉疴之去體也感激之餘惟有涕泣倘未
盡之年不即填於溝壑則矢報之志猶當竭於涓埃

張龍湖先生文集卷之二

張龍湖先生文集卷之三

序

會試錄後序

嘉靖丁未會試錄成臣治敬拜手言曰明興有天下百八十年於茲其取士以丁未者凡三見焉記曰丁明也盛也陽道著明丁壯盛也未者言萬物皆有滋味也天地以四時之氣造化萬物陽道昭達及於明盛之紀則物皆林林然成有滋味矣王者效天地本四時建道陳制興立人賢所以成養萬民致明盛之理也在昔丁未我高皇帝肇受天命首令天下設文

張龍湖先生文集

卷三

一

武科取士用集大業文明之運所由啓矣宣德成化之際仁義融液王道明洽人文之化日益宣著至於今聖天子懋至德配天地稽古三五之道勸學修禮崇教勵賢以風四方海內懽慕含和咀淳天符人瑞雖然並至神光曜暉洪洞朗天豈不明盛之極哉士生於時固宜皆林林成有滋味也然萬物養於天地而人則藉萬物以養也物味有美惡斯生理之肥瘠因之矣茶堇烏喙蜚吻酸鼻決腸胃而毒者則人避而棄之敗糗之糗無救飢渴封熊之趾麋豹之胎窮海逾陸非可嘗有亦人所不尚也何者以無藉於養

張龍湖先生文集

卷三

二

也士者人君所與共成養萬民也士味有厚薄而世治盛衰恒所由之國初之士其味真實茂以開濟之畧翊戴休烈當時之民無不得養者宣成熙盈之運士多持重完固其味醇厚民得所養者則皆充然而肥有光澤也及久而變焉譬之禁羞珍饈漸以密醴和以椒桂芬馨有餘而真味亦薄矣其養之患於天下者視昔何如哉乃下焉者伐德暴義回惑營蠱惟淫志是逞用導民亂茶堇烏喙蜚吻酸鼻決腸胃毒者也委瑣頽靡饕餮貴利自富於民弗勤敗糗之糗無救飢渴者也幽奇詭激違衆立異以改易觀聽民日漸於匪彛封熊之趾麋豹之胎窮海逾陸非所常有也數者於養之理何述哉民生日彫瘁若抱瘡瘵而懼其斃焉夫豈氣化使然耶要亦養之道未至耳是故養生者必擇味養民者必擇士而士之自養者必擇道今夫國家之擇士也三歲比天下之士而鄉試之三歲比其鄉之士而會試之其法至備也及加之民乃無藉於養焉豈非以人之難知而言之不可以稽乎稂莠之始天然與嘉穀並茂而其味則遠矣故擇不可以不慎也然士之自擇亦猶國之擇士也國之擇士也漸以其士之道養乎天下也夫以士之道

誠養乎天下而後可爲民之味不然其有味之者乎士之自擇也蘄以其身之道養乎天下也夫以其身之道誠養乎天下而後可爲國之味不然其有能味之者乎是故國以士爲味士以道爲味而後明盛之理可從致矣昔者伊尹之於湯也思說以堯舜之味而高宗之於傳說亦惟曰爾維麤糲維鹽梅斯二者非所謂天下之至味者乎商道之盛至今猶耿光者其有以致之矣爾多士以丁未進其亦慎擇其所爲味如商之二臣以惠天下之養以仰對聖天子明盛之理則唯亦有聞於無窮哉臣治不佞辱詔從大夫

張龍湖先生文集

卷三

三

之後與校試之責焉敬以是申告之末簡

會試錄序

嘉靖庚戌春二月天下士會試於禮部者幾四千五百人尚書臣階侍郎臣崇慶以試事請上命臣治臣德爲考試官其同考試則侍郎某某其監試則御史某某暨爲執事咸備旣如例三試之乃窮日夜之力慎校擇焉遵宸斷取三百二十人爰錄其名氏及文之可式者二十篇以獻臣治謹序之曰夫錄所以錄士也然錄與士恒相爲重焉窮居布衣之士業鉛槧遊鄉邑必更十餘歲而後得錄於鄉之有司又必更

張龍湖先生文集

卷三

四

十餘歲而後得錄於禮部有終身不與者焉故士得與是錄者有餘榮矣是士以錄而重也士錄矣其終身所建立果足以濟天下澤生民流聲光無窮焉後之人將敬而指之曰是錄所得士也則錄其有餘榮矣是錄以士而重也故曰錄與士恒相爲重也夫國之錄士何爲也欲其爲世用也士學古之學而求錄於上之人亦欲其學用於世也然道有升降世有古今君子惟隨其所值而致行之要以濟天下澤生民爲務然後爲有用之學學之而弗可用用之而弗宜於時則亦何取於錄哉我高皇帝有天下也即位之三年庚戌始開科錄天下士一時翊戴之臣協志輯力相與締構大業以傳之萬世上下咸有大烈也聖聖相承蓋謹於取士之度今聖天子繼承天緒廓道德之途拓仁義之統遠撫長覽所以勤萬民而章洪業惟仁賢之務此堯舜之用心也二十九年於茲凡十舉士博恩廣施久而益深至德昭然軼於往代遐方萬里之士肩踵並進寸材尺藝咸備官使此太平之具也然而臣失其職功不加於百姓惠澤不流羣生寡遂政之在天下若風草有所積有所虛視祖宗之舊或少異焉此豈法之不足哉士不素厲而弊所

由滋也說古道者則泥而不達於時喜更張者又以其私智關乎天下而擾之不復典常之師則其漸而至於敝也亦宜是故明王不恃其有久安長治之業而恃其有保邦制治之臣士者不患其無可爲之時而嘗患其無明體適用之學書曰學古入官議事以制政乃不迷其爾典常作之師無以利口亂厥官此言明體而適用也保邦制治之理莫要於此矣往丁未之試臣嘗辱明命授以校士之責大懼無以稱塞茲再至其爲懼也益甚思敬勉無忽冀得明體適用之士惟聖天子所驅策用之相與守太平之業致治安無疆也然而持有司尺寸之度求之語言之末則又臣之所竊憂焉何也求士於肇創之始也恒易求士於治平之世也恒難蓋肇造之始人周歷於艱險志勤慮審故才皆可用而求之也易治平之世人襲於所見之安誦古人之言而不明乎當世之務守成要之迹而不審乎治亂之原故才用鮮效而求之也難夫以日敝之法而重之鮮效之才其何以語保邦制治之理哉此臣所爲竊憂而懼滋甚也夫法不足於治者才不備也才不足於用者學不備也爾多士學古之學以售諸用則旣錄於上之人矣其必舉所

學而善用之務以濟天下澤生民上贊聖天子太平之業而流聲光無窮焉則錄其不有餘榮哉乃若逐逐然與時汨沒無所裨於世用徒以美榮名於錄也雖錄之天下後世有弗錄者矣是重爲錄羞也吁可畏哉爾多士勉之

應天鄉試錄序

嘉靖庚子秋八月天下例選士於鄉應天府預以請臣治臣用卿遂祇命往典若文事竣乃錄所中式者之名氏與文以獻且傳之四方也臣治作而歎曰文不已盛乎在昔甲午之歲臣嘗承乏於茲役今且再至焉視其文比之昔益加盛矣夫明興百有七十余年以人文化成天下天下之人日相究於文經制宣備皇澤周洽洋洋焉與三代同風君術明臣道得也迨我皇上履純仁躬至德被六藝憲經飭禮敷貴人極蓋煥乎有文章矣薄海內外罔不翕然丕變承休光也矧夫南畿爲我聖祖肇迹之地鴻猷闡化昌被人物而豐芑涵育視外服先焉固宜彬彬焉稱盛美四國也然文實盛衰之機君子懼之何也古之人所貴於有文者將以飭德表行安衆軌物杼軸乎天人之理斂正乎君臣之宜繇之可察時變觀化成也

舜禹之代股肱昌言叙九功修六府曰都曰俞殷周之隆則有伊訓說命旅獒金縢之言以戴翊其世咸有大烈格於天地及其衰也實不勝其文而化成之意微矣孔子曰如用之則吾從先進蓋傷之也是故君子弗懼乎文也懼乎文之盛而實焉者之或寡也夫實者道之根於中也譬諸草木植其根焉則枝葉之蔭也遠矣記曰天下有道則行有枝葉其實之謂與或曰文損益者時也而變之則存乎其人故韓愈出而唐之文變歐陽修出而宋之文變機使之然也曰文以形道也而道者所由以適於治之路也夫苟

張龍湖先生文集

卷三

七

至於道矣文損益弗害也變於文弗由於道是舍經緯而組組之無所措矣又烏足以語化成之理哉唐宋之治所以不能並於三代者獨文也與是故君子弗懼乎文之盛也懼乎文之弗由於道而政治因之也傳曰生於其心害於其政發於其政害於其事吁可畏哉方當天子文教之隆爾多士勉旃毋自虛也是舉也提調則府尹某府丞某同考則學正某某監試則御史某咸胥飭以事諸曹六館之士督學御史臣宜所簡以試者凡四千四百而奇試而舉者百三十有五人遵成制弗敢過也

應天同年錄後序

嘉靖甲午應天鄉試士子子竊同校文焉夫人人之言弗同也然而其取同矣所錄之士凡畿之屬百一十有六人浙十有一人閩五人江西二人楚一人夫四方之地弗同也然而其薦同矣乙未咸集於京師醵燕以齒夫少長弗同也然而其序同矣于是乎有錄焉以志其同予觀之歎曰唯君子爲能重是錄也何則夫錄以志同也然而有弗同者文同取也而語默異用焉名同薦也而崇卑異仕焉齒同序也而脩短異數焉其能以終同耶然則君子所以昭著久遠弗朽滅者將不有大同之道哉何也文不同同理也仕不同同義也齒不同同德也三者非形勢地位之謂也是故語弗詳也默弗緘也崇弗貴也卑弗賤也修弗永也短弗促也君子知語之弗詳默之弗緘也崇之弗貴卑之弗賤也脩之弗永短之弗促也則夫敏厥脩以足乎己者自弗能已矣知語之弗異乎默也崇之弗榮乎卑也修之弗加乎短也則夫恃厥長以侈乎人者自弗能爲之矣是故足乎己之謂貞貞而後能久弗侈於人之謂虛虛而後能大久大之極則天地萬物同體也百世以俟聖人同道也何形勢

張龍湖先生文集

卷三

八

地位之足言乎是故同理之文可以立言同義之仕可以立功同德之齒可以立命三者所以昭著久遠弗朽滅也斯大同之道也易曰二人同心其利斷金同心之言其臭如蘭夫在昔之同錄者衆矣昌黎紫陽之錄後之人特重焉其他固泯泯也二子之錄之同者後之人亦惟二子之重也其他固泯泯也然則二子之所同者大矣是故君子不同其所不同而同其所終同者同之至也夫苟曰同矣而終乃大異焉雖錄之天下有弗錄者矣惡乎同故曰惟君子爲能重是錄也

張龍湖先生文集

卷三

九

武舉錄序

嘉靖戊戌春天下武舉士集京師者七百九十人而奇兵部援故例疏以請上若曰文陽而武陰也武舉以秋行後之舉亦秋行義乃合遂著令焉秋九月兵部復疏以請制曰可乃以某某知武舉某某同知武舉某某考試某某同考試某某監試某某提調餘執事亦罔不共慎若選也越九月己卯試騎射而式者六百九人而奇十有二日壬午試步射而式者三百四十人十有五己酉乃舉之棘院試以文是月二十有一日庚寅天子始大享帝於明堂肇正宗

張龍湖先生文集

卷三

十

祀百辟咸嘉有曠禮思奉休德也用是職茲舉者懼不得與從事是辱乃窮五之日力夜繼燭焉六日而竣事拔文而式者六十有五人取宸斷也錄成臣治敬拜手稽首而言曰國之大事在祀與戎夫聖王所以奉神靈之統理萬物之命領天下國家之道也憲經制用因時陳義從古爲重焉我皇上聖聰明之盡上達天德振湮釐繆作立大義以茂修古先王之緒冬至祭天而祀祖崇本始也季秋享帝而祀父思成形也而尊親之孝備矣三歲春而舉文順陽德也秋而舉武法陰刑也而仁義之用昭矣盡憲天之實建化成之極斌斌然曠百王莫之尚也爾諸士馳弓矢抱文藝乘時而售之用旣膺茲茂制矣復與觀夫典禮之盛也其爲遇也豈不甚良矣乎夫士患不恆於遇也亦遇而良矣其感奮也宜何如哉蓋忠孝一心也文武一道也而人弗可以貳焉者也故合忠與孝者之謂德合文與武者之謂才合才與德者之謂全人六月之詩美征伐也而乃曰文武吉甫張仲孝友焉然則其道也果二乎哉是故戰陳無勇不可以言孝辱親情體不可以言忠違德愆律不可以言文勤暴怠禮不可以言武凡此者是貳之也夫人具是四

者以生之謂命古者戎有受脤以昭命也命而貳之是怠棄也遇雖良不如其已哉孔子曰我戰則克祭則受福蓋全人之道矣爾諸士其無亦是務與誠而吉甫焉而張仲焉用干城我宗社引若昌祀至於無疆以上裨孝德之光弼茲仁義之治則爾亦有令聞於後世也其庶不負所遇之良也已爾敬懋哉

武舉同年錄序

嘉靖戊戌秋舉武之士凡六十有五人胥燕而會焉會以齒所以敦情好尚讓禮也既成錄矣謂張子嘗被命柄若舉錄來張子讀之歎曰美哉風風乎茲行

張龍湖先生文集

卷三

十一

於軍旅其先王之遺也然齒廣矣曲而曳于其全猶弗齒與二三子曰唯唯否否願竟教焉張子曰爾諸子之始進也列而力黜陟之焉以藝齒乎進而第高下之焉以文齒乎會而序先後之焉以齒齒乎官而秩崇卑之焉以爵齒乎曰然曰古之有強力智謀之士顯名諸侯聲光百世者何限也然聞之射力不札者可以懷衆木強少文者可以定國表餌之術可以繫單于終身弗侯可以威沙漠之數者皆弗是齒也而卒能以齒流爾諸子其曷齒之重耶曰今之世齒莫重也弗齒其無以自齒故齒榮辱也君子務齒焉

張子曰齒大矣曲而曳於其全猶弗齒與二三子曰唯唯否否願竟教焉張子曰上齒齒世其次齒人其次齒身夫齒藝與文者有司之公也齒於一人者也紂於人弗齒矣齒齒者比與之昵也齒於數人者也通乎人弗齒矣齒齒者國君之制也齒於一身者也後乎身弗齒矣故齒德者賢聖之行也齒於百世而無窮者也故藝莫強焉文莫加焉齒莫尊焉爵莫貴焉雖弗齒天下後世有齒焉者矣况齒者乎苟弗是近也君子慎焉二三子曰唯唯

張龍湖先生文集

卷三

十一

應天府鄉試錄後序

嘉靖甲午秋八月應天府鄉試臣以訓臣治受上命往柄厥事既行乃相與語曰茲知人之哲也維艱哉曷弗懼既至適貢院落成制宏而麗森而有域復相與語曰茲有司之理也唯共哉曷弗敬既事事再旬而竣錄成復相與語曰茲人文之萃也維盛哉曷弗慶臣治敬稽首拜言於其後曰夫錄有八徵焉見昭代之盛焉見聖神之化焉見王制之善焉見根本之重焉見都會之美焉見道德之同焉見是非之公焉見賓興之隆焉周公而下道莫明於孔子而其學獨

盛於北其世運亦從而北時南有荆楚之強孟軻而下道莫明於周朱而其學獨盛於南其世運亦從而南時北有胡元之亂至於我朝文教誕敷訖於四海詩書禮樂蠻服咸暨履中撫運自生民以來未之能過焉斯昭代之盛也祖宗所以建極作則以基丕泰之化至精至密百六十餘年於茲續有休嘉治理用張而皇上弘猷懿矩式勤作率黎獻承德罔弗自奮效用共于臣有菁莪棧樸之風焉斯聖神之化也選舉之政先王所重也後世損益各殊制要以得人才同政治爾國家科目之設雖若非古然士之志於是張龍湖先生文集 卷三 十三

之紀彬彬爾非聖弗言焉斯道德之同也詩弗愚者錄之易弗賊者錄之書弗誣者錄之春秋弗亂者錄之禮弗煩樂弗奢者錄之文浮罔實弗錄也帶罔達弗錄也僻罔正弗錄也故可以獻可以傳可以程焉斯是非之公也惟皇上懋學飭治以敬禮於邦國之賢百辟祇若休命修乃役罔有弗寅供億百陳燕饗蠲備千夫馳庶工趨有司程能咸曰茲政務之大斯賓興之隆也然臣竊有憂焉錄公矣庸有澤鞭以倖售者乎文同矣庸有靜言而庸違者乎才美矣庸有恃之而作狡者乎制善矣庸有藉之以謀利者乎有一於此將不重戾聖王之教以自負明時哉何以當畿域之勝耶其無亦愧於有司之良爾矣是故君子會盛以昌也淑化以養也軌善以光也襲重以強也珍美以章也若同以廣也篤公以揚也昭隆以臧也察於此八者而主之以道焉其用諸天下昭諸萬世將無適而不宜夫是之謂才真爾多士懋哉

茶陵州志序

茶陵志元以前無存刻也正統時始刻之治見其晦弗昭焉亂弗統焉蕪穢弗根焉遺弗備焉漸散失焉寂欲隳焉太常夏公出補茶以責之治治於是取而

筆削之作上下二卷爲目二十有二凡六萬餘言維
先王制國畫地分邑道有升降或沿或革推世道之
次志郡譜星氣之書多雜機祥不經然天人之道弗
可姦罔志分野設險守國雖聖王不能廢也嘉子邁
之功志城池地道之昌挹衡帶湘髦又攸宅志形勝
洪源孰孕疏爲江河大塊孰挺播爲山阿民利之鍾
也志山川鼓衆成化莫上於禮樂禮樂之發在於哲
民情志風俗君食於民民食於力其極則恣欲并兼
病於機利其隱弗悉也志食貨君子出政之地旅德
則宅甘棠勿翦峴石興哀可不務與志公署維君子

張龍湖先生文集

卷三

五

之政以民惠弗務己惠己惠者窮儲備津梁溝澮之
利因之民志惠政裡祀罔不有則匪是淫也崇正有
之義志祀典勒崇垂鴻後則效之往世之轍可以爲
式志古蹟民生顓蒙恣於欲動罔克咸本諸教志學
校旅欲則奪競辱弗醜制而禦之以威天下志武備
守令羣牧廉黷仁酷旅靈明明弗可掩也可不慎與
志官守取士之法其來遠矣所損益各殊要以得人
才裨政治雖百世不能易也志選舉陳惠賸祉以德
黔黎久而彌懷其稱赫赫志循良哲夫茂令人網人
紀小德謀邑中德謀國大德謀世具可稱述志人物

坤政穆成震撼不二家人之間可以觀矣志列女墳
典道絕六經言微秦漢而下文辭粲如也然要以發
洩至道之蘊志藝文自漢以來佛老萌起至於今蔓
如也正之以經常志寺觀大道弗昭誕幻章達足以
鼓衆志傳疑事有參差不可以類存之足備搜考志
雜志是故志志也郡譜世也分野象也城池固也形
勝勢也山川域也風俗德也食貨力也公署人也惠
政綏也祀典常也古蹟鑒也學校教也武備守也官
守職也選舉求也循良吏之程也人物士之徵也列
女貞其內也寺觀夷其外也藝文敦其訓也傳疑理

張龍湖先生文集

卷三

十六

之窮也雜志事之終也志道於是乎備

張龍湖先生文集卷之三

張龍湖先生文集卷之四

序

陽峯奏議序

南宮奏議集大學士張陽峯公在南宮所敷奏者也其目之大曰朝賀曰宗廟曰祀典曰學校曰選舉曰官政曰恩卹曰王國曰寶貢凡爲卷若干治受而讀之歎曰吾楚誠多才也明興百八十年起家翰苑以躋於大僚者亦不數數見其位在宗伯若襄陽任公華容黎公蓋數十年而公始繼焉其位師相典機務則有若文定楊公文正李公蓋數十年而公始繼焉

張龍湖先生文集

卷四

然任黎舉寅清之職而關絲綸之任楊李入典樞密而神人之務未親也而公則兼之矣任公當肇國之初而天造甫寧黎公守盈成之緒而其施弗終文定公歷事三朝險難百折正德之間其難岌岌矣當劇居難文正有遺恨焉我皇上中興右文崇儒稽古三代禮樂而明備之公首侍經幄細旃廣廈從容論說以資啟沃及位宗伯考古據今以上佐典禮君臣之際志意孚契言入而信兩無猜疑故朝賀之疏愛以舒宗廟之疏正以悉祀典之疏明以直學校之疏昭以達官政之疏嚴以確王國之疏周以辯寶貢之疏

輯以柔可可否否如鹽梅麴蘖相濟而成味也其視

四公難易何如哉夫所遇者時也所存者道也時之

不齊故所建立者不能以皆同若夫紀綱國是盡力

王室忠言嘉猷效於當時而文采勲烈俟於來世則

公於四公固未或異道也夫公之位既兼乎四公之

重而其遭遇之良以爲行道之地者蓋有四公所願

欲而不得焉故觀於公之奏議則其時可感矣或曰

天下猶治室也佐天子而相者猶持尋繩墨以審曲

面勢也六職羣辟分理庶事猶執刀鋸斧斤以佐勢

也今天子且以公相矣公將舉天下高深長短方圓

張龍湖先生文集

卷四

二

之度而盈縮之以指使羣役功成而無名焉茲奏議者條例而事陳之夫亦猶鑿斲之器也公奚以是爲哉曰天下之事雖大小異勢則未有不相資而成者規矩誠陳矣繩墨誠設矣而鑿斲不備羣役不疾趨焉則亦烏能以自室也是故斧斤刀鋸固規矩繩墨之所以行也由此觀之則奏議亦不爲無助於相理矣遂刻之

松臯文集序

君子之生關天地國家之氣而其言則恒以不朽虞夏殷周之盛昌言都兪伊訓說命金縢旅獒之書翊

戴其世咸有大烈德崇而身尊功炳而言流斯貞元之會而道德之極致也自是而降仁賢哲聖詞工學士或窮約終其身而達人顯爵文則不逮焉至於父子兄弟兼是數者以並立於一世益又寡矣司馬遷劉向石奮楊震韓億蘇洵之徒各著所勝不有兼名蓋氣有所不足物有所不齊大美難兼全德靡具所受於天不可強也治幼嘗讀近代名臣許襄毅公傳與平番始末北鹵三貢諸疏茂聲元烈震於華夏每思見其人而與之奔走焉不可得也及入詞林間莊敏學士論易詩太極之理賈凌超詣獨立今古而道

張龍湖先生文集

卷四

三

統一疏實開皇志通鑑綱目前編考敘數十載王霸興衰得失之故上追麟史豈不歸然賢豪哉讀默齋中丞所著九邊論撥斲治本裁正化理長慮遠識經世之具也比貳銓部日侍於松臯太宰之側得觀其所爲文而讀之乃喟然歎曰天下之文盡在是矣蓋世之務立言者類事鉤奇探隱咀華擷繡以取豐幅尺其合於道無幾焉而公之文純碩博大平易正直稽性命之原達事物之變師遵六籍旁貫百氏其於古今疑詞隱理雖醜髀糾結莫不取揆胸臆虛明獨照自我心極爲之宰匠無所依襲也奇神逸彩掞光

天漢灑波江海電霆蛟蚪出沒萬狀而殊流會歸同致於道是故于田蠶于南郊于無逸進講見陳善之忠焉于桓臺于晉祠于九感見懷古之思焉謂學可以自殖則汾州修學記謂名者永壽之道則山西按察題名碑明絕世之學振古之節則序余青陽集崇允蹈篤實之功則序薛文清讀書錄析天人之奧則序革象新書哀吾道之不續則祭莊敏文會天地人物之理一歸於誠則識胡靖菴年譜若夫本民彝物則之實立人物綱常之極表圖象之原窮理數之蘊提綱挈要簡而明信而通則臆言題義真可羽翼六

張龍湖先生文集

卷四

四

經也其若古詩近體謳吟咏歌大略以古之比興就今之聲律涵泳風雅憲章陶謝而觸事感物天趣獨得篇章所形迥然性情之正一唱三歎有遺音也嗚呼盛哉夫天地之氣竅於山川而國之休命基於純佑故岳降申甫而八士興周也予聞嵩華河洛之間風氣佳美川岳蟠鬱蓋中土之奧區也才哲遞興然代不數人人不兼德即程氏兄弟不能一日立乎其位無論功業也豈非以其氣之不足而天時人事或不能相成耶唯公之父子兄弟並出其間踰映海宇而又值乎成化弘治盈成之會家庭師友志學相勗

明仁義之術修禮樂之具名以道立業由才成故自襄毅莊敏以迄於公三執宰衡敷流天澤栽植賢彙以昌壽王國垂休無窮而文章經術與勲業相宣兼有昔人之勝而不昭焉天下有賢不肖皆知其為昭世植幹斯文元龜也蓋精靈之氣積久而毓昌熙之運濬發而會天之所縱豈偶然哉或曰文以理為主以氣輔之而其運則與時高下蓋天地萬物一氣也其精純粹美流溢百嘉脉絡條貫無所舛錯其在於人則所得有厚薄所養有順逆故所用有善否耳予嘗侍公見其平居訥訥退居若無所勝及決大政折大

零村存稿序

譚子光進以其父司正公所著詩若干什木以傳司正之歿也進在襁褓暨童而啓曰吾父吾不得而見之矣得見其手澤斯可矣居弗豫於食弗臧焉有洵涕既索其故藏詢之播誦則蠹芸鳥虎弗復完讀也校數歲始集為彙四曰南還紀興曰登瀛倡和曰金臺雜錄曰居鄉留詠凡此皆其所存者也而弗存者不與焉帙成以謀諸治曰孤誠不能忍忘於吾先子也孔子有言言而不文行之不遠孤不知吾先子言之文也可傳乎哉昭弗忘耳孤不樹無以亢先子而先子是忘其罪益滋大孝終身慕父母杖屨梧棖君子愛馬孤誠不能忍忘於吾先子也治曰夫詩者人之情也感於物而動故形於聲聲比於律之謂詩是故君子慎其所以感而制其情若水有防若田有畔故言之發也鮮有慢矣治嘗讀司正之為詩也其南還之音鬱以憂登瀛之音發以愉金臺之音緝以則居鄉之音散以緩夫鬱以憂者勞也發以愉者樂也緝以則者觀而止也散以緩者逸而適也勞逸憂樂之情變於前而音之所由以異矣然其言無不在君親者忠孝之道也夫性情之正莫大乎仁義仁義之發莫先乎忠孝故不知仁義而可以言詩者猶舍

白而采也詩可以觀可以怨邇之事父遠之事君其此之謂與

壽張陽峰少宗伯序

嘉靖丙申九月皇史宬成奉列聖訓錄尊藏焉天子嘉儒臣之勞咸有慶用是陽峰張公晉少宗伯兼學士職講事如故實異數也是月廿有三日適公之誕辰凡楚之仕於朝者咸造而介觴焉僉命治曰女其壽公以詞治懼弗文也讓而固或進而言曰夫壽命於秉也故均植也而松柏壽均介也而龜壽均羽也而鶴壽何則秉之所定人莫之增也公質豐而氣昌

張龍湖先生文集

卷四

七

器度豁達若千頃之波汪汪弗窮也傳曰栽者培之茲公之壽與或進而言曰夫壽昌於積也故山積而嵩嶽爲喬焉水積而江海爲弘焉公自憲僉訥菴公基仁種德和慶萌起至大叅東軒公益昌以熾公克繩厥武後起掀蔚以震乎天下颯颯也易曰積善之家必之餘慶茲公之壽與治曰然公之壽不囿於二者而能兼之夫天地之壽非高明博厚之謂也不息而已矣君子之壽非期頤耄耄之謂也不朽而已矣維公邃學昌辭卒澤於仁義道德之實故典則可以贊王度渾厚可以振頽弊嚴覈可以明得失冲粹可

以續風雅鏗乎雲英韶護之奏於懸間也蔚爲國華焉是之謂金石之壽維聖天子懋學飭治而公日侍講幄細旃廣廈之上從容論說直而不激和而不迂引君於當道佛時仔肩以敷錫厥庶民王心用熙焉是之謂社稷之壽維昔楚聞人在文廟若楊文定公夏忠靖公在孝廟若李文正公劉忠宣公皆鄉之典刑也耿耿百世焉公起而續之龍翔鸞翥駸駸乎宅於百揆用若厥元化以左右天惠措斯世於泰山磐石之安勲庸聲烈流光無窮焉是之謂鼎彝之壽三者皆不朽之道也是壽之大也故澤於所積者其秉或淫焉所壽弗全也厚於所秉者其履或違焉所壽弗昌也夫公之所履既足自壽以不朽而得於天澤於先世者復深且厚此人所甚願而不能必齊者皆於公聚焉則夫公之爲壽也不其備乎故曰公之壽不囿於二者而能兼之者也夫兼則備矣備者百順之名也無所不順者謂之備詩曰樂只君子萬壽無疆其備之謂與僉曰然遂次其言以爲公壽

壽封君傳筆山八十序

嘉靖戊戌十月封君筆山傳公壽八十其子德輝侍御以天子命代巡於浙將過家稱觴焉楚薦紳士之

張龍湖先生文集

卷四

八

仕於朝者咸嘉侍御斯行之樂也命龍湖張某女其壽之詞某曰壽有道乎或曰質厚者壽予嘗聞公矣力德而貞業獲內而標外國社之楨也然三十而始廩於學五十而始貢於王竟弗大章顯於世而公填塤焉忻距弗入骯髒無改度也嘗自解曰賢否者也通塞者天也人不可怠天不可冀吾修吾人耳於天何求焉斯非質厚者能然乎或曰仁者壽予嘗聞公矣其為陝之斷事也戎臣弗諳於理凡務必以公治之若游刃肯綮靡或有留焉然明允平恕而人弗以冤其佐於穎也平徭均役振弱卹匱粍和惠生阜利敬教穎民至於今弗忘陝卒搆難戮撫臣焚官解勸勤省邑惟相戒曰慎毋犯傅公也傅公長者茲非仁者能然乎或曰知道者壽予嘗聞公矣公曰神大用則竭形大勞則憊母代鳥飛蔽其羽翼棄纓組以歸于焉徐徐焉佞同萬化與物齊一每讀老子書至玄牝之門是為天地根綿綿若存用之不勤則忻然曰道在是矣塞兌守門挫銳解紛和光同塵顏兮以自藏其貞耄而視聽無改焉斯非知道者能然乎治曰上壽壽民其次壽身夫三者之言言壽身也而公壽則大矣蓋國壽於民民壽於仁者也公能以仁

心之政仁其民而民之被其仁者無弗壽其不盡之仁乃以託諸其子俾侍御為仁賢焉侍御又能以公之仁仁天下而天下之被其仁者無弗壽故其壽益廣以遠故撫愛之仁可以壽上蔡貞肅之仁可以壽王國馭歷之仁可以壽四方夫侍御之所以仁於天下者則公之仁仁之而天下之所以壽於侍御者非公之壽壽之與仁不止於其心而足以仁其後壽不止於其身而足以壽天下故曰公之壽大矣詩曰樂只君子邦家之基言壽民也又曰孝子不匱永錫爾類言廣仁也是壽之道矣乃識之以告侍御俾侍御歸而壽公

壽王太夫人序

太史槐野王子宦於燕以其母劉孺人就養焉久之劉思秦中不置槐野不能奪乃上疏曰臣少孤無他兄弟獨育於臣母劉氏臣母寡終身不欲易所守唯朝夕哭懼臣之弱而弗成也及臣力勝薪水則又朝夕哭懼臣之不能為賢人也臣既荷天子寵靈以守內史之籍祿給之入可具甘旨乃奉臣母就邸舍養踰二三歲臣母則又朝夕哭懼臣之無以報君德也既又哭曰田獲之秋誰則種之吾寧能安食其粟而

忘秦之有拱木哉日思秦不置臣弗能奪而又不忍左右離也願令臣得扶持以歸以重安臣母之志則臣敢不以報母者矢報天子也帝曰俞哉女維克于孝亦維克于忠予維女從槐野乃稽首拜辭闕下瀕行復謁於龍湖張子而告之曰栢也荷吾母之惠以有今日茲且得請侍以歸秦實惟天子之惠是庇癸卯吾母壽始六十秦俗上壽茲歸將置酒大會諸族人姻戚以稱觴吾母焉栢辱公之知也亦將有以壽乎栢願以請龍湖子曰夫人妻以壽夫為壽人子以壽親為壽然惟賢者為能壽親天之壽萬物也非地

張龍湖先生文集

卷四

十一

以資生之則天之道幾乎息矣天地之壽萬物也非物有以自壽之則天地之道幾乎息矣故父天也母地也父母之於子亦猶天地之於物也有相壽之道焉予聞子之先君子文菴公之弗自壽也遺孤筑筑若綴旒將絕於地乃劉孺人茹荼咀苦以育之於成且教之使得為賢人焉則將引文菴之壽於無窮而且昌大之矣是則劉之所以為壽也槐野力脩古之學而懋善弗倦蘊之也可以壽德發之也可以壽言措之也可以壽功而天下國家之壽咸藉之則將引其親之壽於無窮而且昌大之矣是則槐野之所為

壽也是故天非必壽於地也地受之而壽於物道相禪而無窮焉則天之壽從之矣天地非必壽於萬物也物受之而能自壽化相禪而無窮焉則天地之壽從之矣故夫非必壽於妻也妻受之而壽於其子嗣相禪而無窮焉則夫之壽從之矣父母非必壽於其子也子受之而能自壽名相禪而無窮焉則父母之壽從之矣易曰地道也妻道也地道無成而代有終也詩曰孝子不匱永錫爾類言相壽之道也然天地能壽萬物而不能必萬物之自壽故栽培傾覆不齊焉父母能壽其子而不能必其子之自壽故賢不肖

張龍湖先生文集

卷四

十一

不齊焉其能者性同也其不能者氣之窮也槐野修其所同而得其所無窮能自壽矣是故父母之壽從之故曰惟賢者為能壽親

壽韓苑洛七十序

嘉靖丙午南京兵部尚書缺帝曰其以朕二三大臣擇眾所賢者往撫朕師僉議曰都御史苑洛韓公可其任乃疏其名以請帝曰俞哉既而公以引年辭帝曰國有老成人朕方毗之弗聽去今年戊申秋八月十有二日公壽七十魏國篤齋徐公永康愛葵徐侯相率走牲酒繡幣稱觴庭下且丐子文以為公壽子

拜手曰古大臣之言壽也以能壽天下國家者也書曰天壽平格保乂有殷詩曰樂只君子邦家之基夫惟君子以平格保乂作基邦家而後聲光休烈顯於無窮歷百世不朽我國家以六典建官兩都分治其制視成周昔成王之營洛也其命周公曰廸將其後監我士師工誕保文武受民亂爲四輔周公之治洛也曰明作有功惇大成裕用誕保文武受命周宅西鎬而君臣相與乃勤志於洛焉其爲燕翼謀至深遠也獨以殷頑民哉我高皇帝提天戈首取金陵然後擒僞漢蹴吳蜀驅元人而有天下則金陵固爲根本

張龍湖先生文集

卷四

三

重地文皇帝之定鼎北平也扼幽薊之險坐臨南紀萬有餘里而金陵屹然上游北拱燕極東引甌魯臂秦洛而指百越供賦億萬莫不由徐揚以入奸宄跼伏無敢窺天塹以譁中土者金陵扞蔽之力也昔宋禍首於燕雲元綱潰於江漢以南北之勢懸而脈絡不相援也是故金陵固則南服靖南服靖則北地恃而爲安所謂天下之樞也其視洛不尤重哉永樂中監以儲貳後乃敕卿輔大臣居守之六職百役一如王朝守帥以下咸總已司馬以城關戎馬所隸視他職特重焉公以文武之材當天下承平日久欲補弊

立廢之時監茲留鑰經武制衆振類剔蠹強奸怙柔隱紬發紆政乃大行人以寧宇則明作之功也首善之地舊章遺澤存焉土沃而民肥邇俗媮惰淫侈或逸於公度有司間以游宴之費課擾閭閻使者旁午彌文瑣委公悉裁罷之謹守筦鑰奉法順流與之休息井廛晏晏不識役斂之及已則惇大之緒也慮之以悄悄之勞而發之以優優之政乘之以翼翼之勤而續之以明明之功斗牛之野鬱然長城俾天子無南顧憂綢繆王基引於無替民氣完固猶木植其本而枝幹強立戶扃其樞而庭奧無恐焉則誕保之業

張龍湖先生文集

卷四

古

也聲光休烈將不可並美篤棊而顯於無窮歷百世不朽哉是則公之所爲壽也雖然君子之壽有道焉昔周公之繫易也研極天人之變兼三王以施四事而凡几之誠天實佑之用能廸將周祚壽於八百而今聞永久公嘗悅周公之學通其理而究於其變思以其道潤澤於世至老而不衰則公所自壽其心者如此故勤勞中外餘四十年堅貞不貳天下國家莫不倚以爲壽其蓋有所本哉鵬鳩曰淑人君子胡不萬年言壽有本也於是篤齋聞而喜曰乃今知大臣以天下國家爲壽而本之學也遂書予言畀之爲公

壽

壽少師羅峰六十序

嘉靖甲午冬十有一月壬辰實維少師羅峰六十之辰凡從公舉進士者廿有七人時官京師咸趨而壽公各詞以頌焉頌以官乃學士道南侍講汝璧侍讀袞編修承敘拜而曰維公以邃學昌詞藻黼皇命文明武宣其氣渾磅礴爲國宗工可壽乃大理丞煦拜而曰九刑允理以亂茲有衆不回不辟維公之平可壽乃通政柟拜而曰維公宣達宸聰正言弗壅讒說殄行罔震驚于師王澤乃通可壽乃給事中進第拜而行張龍湖先生文集卷四

卷四

五

稽詰禁王旅惟式邊戎弗靖旣威以綏維公之謨可壽乃司寇郎中梧閣葉主事江山奎拜而曰平亭猷獄維公恤之民繁其辜維公釋之邦典乃欽維公之仁可壽乃司空郎中渠賁外郎傳拜而曰維公下理坤道上和乾元帝心寵忠晉錫駢蕃寶綸貞義翼翼桓桓其祉孔安可壽乃贊善治從諸子後拜而曰天地訢合以生百嘉其道不息萬物乃成然而無能名焉君臣保乂以熙百志生化無疆萬民乃成然而無能名焉我聖天子纘有大命嚮明立極而公之奮庸適會昌紀力贊訏謨爰定大典同志合道若符契焉張龍湖先生文集卷四

卷四

六

豈偶然耶旣而躋公台輔秉國鈞軸公乃密勿萬務以幹運化樞四序宣流功成亭毒天下蓋不知其功而公亦不自以爲功孰得而名哉然而社稷安焉生民休焉聲光流於無窮而公卒不能掩是則公之所以爲壽也詩曰樂只君子邦家之基樂只君子萬壽無疆其此之謂與乃諸子退而賀曰昔昌黎紫陽之舉進士也凡與同錄者至今可考見焉所托然耳然則從名卒已之錄者將不托公以壽於永世乎可以自慶矣遂命治次第其言爲序以獻

贈蕭山李大叅序

都諫蕭山李子旣陟山東之大叅朝之大夫士咸相與賀曰李子文而慤忠信而理彊而弗激粹然誠者也其治山東也德惠是柔齊魯之民不其有瘳乎瀕行凡同事於科者祖而觴於白河之涯乃命諸治曰其贈之言治曰君子之於天下猶身也朝廷腹心也諫諍藥石也民元氣也德惠梁肉也腹心之氣或淫於晦明寒暑也則有疾故置爲藥石以待之然至於關格焉則藥之而弗達也砭之而弗及也苟拂而強之其疾益深故善醫者投之以意迎而奪之使自合之從而折之使自格之久之腹心晏然也故醫也者意也以意醫者上也民亦然蓋國脉之所恃者民也而民命之所由以生者則存乎財焉先王之世財藏於民而後世之財也藏於官今也上下恤恤焉稱匱乏不藏於民不藏於官矣夫不藏於官也猶必取諸民以盈之苟不藏於民也則又將何所取耶取之而竭焉其不至於橫潰決裂也弗止矣苟橫潰而決裂也雖有德惠弗之需矣夫人之身焚魂精享嗜慾休作類元氣所運也然懼其衰也故飫之以梁肉使有滋矣苟或嗜慾弗止勞作瘁瘁折而支離焉挾而瘡痍焉橫潰決裂雖有梁肉弗之飫矣故治身者弗懼

無梁肉也懼夫梁肉之無以飫也治民者弗懼無德惠也懼夫德惠之無以需也夫山東畿輔近藩也其患莫先焉登萊之地鹵瘠弗歲獲魚鹽而食厥生弗充也充濟諸郡敝益甚矣常賦之餘漕輓之夫津途之卒日而伯仟月且萬也歲無算矣河防泉決官薪官牧百役萃之滕費之境蓬棘亘野而役賦日勤焉吾恐其橫潰而決裂也夫李子嘗能以意而愈腹心者也國其食乃有福則於山東之治也齊魯之民不其有瘳乎蓋文而慤則事有紀也忠信而理則政弗迷也彊而弗激則行有序也粹然而誠則民弗攜也

數者君子之道也是故可以事君可以治民茲朝之大夫士所以咸相與賀也

贈計太守入覲序

蜀計子萃夫以貞陽令陟守於茶未五月當入覲瀕行司教朱子勛周子相趙子銘林子繼祖與庠之士咸相率祖之計子曰政久則洽民乃孚子產之治鄭三年而後民誦之故理政若御善視其馬和其唇吻度量其力久而後習也旦夕而服之鮮弗逸矣夫國制百職三歲獻績用黜陟焉予茲行也五月之政耳其何以爲獻耶子勛乃爵而進曰惟天子有重守令

之詔以保乂民公之令貞陽也儲蓄二萬旅用弗饑
守於茶經月而民事集再月而巨寇得三月而衆廢
舉是謂能勤君之職茲不足獻與子相復進曰惟天
子有敬一之箴以作民極公舉厥訓表重以式俾民
知反於恒性罔不胥效以則是謂能迪君之訓茲不
足獻與子銘復進曰惟天子正祀典以崇經常公欽
乃度用昭厥彛飭厥經制秩節時興是謂能敷君之
禮茲不足獻與子繼祖復進曰惟天子重庠序之教
以造士公時厥課誨訓不倦作率慶士惟厥躬士用
彬彬然祇慎於修罔或戢是謂能作君之人茲不足

張龍湖先生文集

卷四

十九

獻與於是庠之多士咸揖而進曰人君以四海爲心
君子一視而同仁矣貞陽之民猶茶也茶之民猶天
下也公昔之惠於貞陽者謂非惠茶乎今之惠於茶
者謂非惠天下乎篤近而舉遠是謂能揚君之仁茲
不足獻與張治疾不得與諸執事後聞之曰可以獻
矣夫勤君之職行之共也迪君之訓心之忠也敷君
之禮紀之中也作君之人庸弗窮也揚君之仁道大
同也五者人臣之道也其爲獻孰大於是乃書以贈
計子行

贈徐方塘序

方塘徐子以刑科右給事中陟山東憲副或曰徐子
其能正刑矣乎張子曰徐子知正刑之本矣以達之
天下沛然也昔者徐子舉進士筮仕於揚徐子曰揚
揚也揚而導之是滋侈矣刑得無煩乎是故倡民有
化正民有術古人之言曰不明於化而欲變俗易教
猶朝操輪而夕欲乘車也不明於術而欲行令於人
猶倍招而必拘之不可得已故漸也順也靡也久也
服也習也之謂化實也誠也厚也施也度也恕也之
謂術吾惟端其化善其術以臨之其庶矣乎乃飭德
崇義雕琢復樸三歲而民安之天子曰是才之良也

張龍湖先生文集

卷四

二十

其克弼於民亦克弼予乃名爲給事中徐子入爲給
事中曰上諫以道其次以法下焉者激而已矣以道
者無刑者也以法者明刑者也激焉者違道以成其
私也國乃多刑哉古人之言曰順理而不失謂之道
德道德定而民有軌矣有道之世善明設法而不以
私防者也違道之世旣已設法則棄法而行私者也
爲上者釋法而行私則爲下者援私以爲公行公道
而託其私焉寢久而不知姦所積矣刑得無煩乎吾
惟守道循法而不敢以私焉其庶矣乎乃慎經順度
動迪檢押三歲而國安之天子曰是才之良也其克

粥於予亦克粥於四方乃擢爲山東按察副使徐子曰政之所興在富民民富則思善思善則遠罪詩曰俾民不迷君子導其百姓不使迷是以威厲而不至刑錯而不用也古人之言使民之義在利之勿害在成之勿敗在生之勿殺在與之勿奪在樂之勿苦在喜之勿怒而已民失其所務則害之也失其時則敗之也有罪者重其罰則殺之也重賦斂者則奪之也多徭役以罷其力則苦之也勞而擾之則怒之也今四方之民貧矣而害之而敗之而殺之而奪之而苦之而怒之弗已也刑得無煩乎吾惟省於是六者弗

張龍湖先生文集

卷四

三

移焉其庶矣乎夫務德以反俗者順民之經也務道以理法者正國之度也務愛以靖衆者格世之權也三者聖王所以治天下者也故曰徐子知正刑之本矣以之達於天下沛然也

贈張子乾序

史事旣閒毅齋孫子虛山席子鄉溪江子水南張子白石廖子三渠王子咸龍湖子止焉南濱子趨而進曰金也愚帝弗省以教南康懼無以模範也惟君子言貞而則可以令世無以惠予子實克奉乃惠俾白鹿有典訓焉不亦遠乎長木之蔭無不庇也而況君

張龍湖先生文集

卷四

三

子者哉孫子曰嘻艱哉惟國治亂在人人若不惟師師者民之表也故欲來民者必先起其表設其所惡雖召弗至也席子曰古之師也率人今之師也率於人古之教也興治今之教也興於治江子曰泰豆氏之御也善視其馬和其唇吻度量其力驚驥齊乘焉故能取遠道而馬不罷奚仲之爲車器也方圓曲直皆中規矩長短俱材焉故敝而不反其常張子曰若金有範若木有繩弗範弗刑其器弗成弗繩弗準厥用弗審廖子曰無謂祿薄無謂位卑敬除其舍神明將依庸詎知薄之非薄卑之非卑耶王子曰白鹿之規朱子之訓也其鑒不遠是故迪常盡性則道德集矣修知慎行則誠明域矣正誼明道則功利息矣強恕而行則物我一矣正身先物則教化浹矣由其迹弗解其貞容聲而振蒙斯謂學梗而訓苴也龍湖子曰備矣由孫子之言可以懼由席子之言可以樹由江子之言可以成物由張子之言可以刑由廖子之言可以守由王子之言可以大故知懼而後能知慎知樹而後能率知成物而後能化知守而後能固知大而後能不反不反立也能固力也能化業也能教職也能率則也能知慎德也六者通於天下矣何有

於教南濱子乃再拜曰惟衣服麗厥躬惟宮室庇厥止惟君子之言厥利溥哉金也敢敬承之庶藉有嘉寵

贈鄭梅巖北行序

東倉梅巖鄭大夫薦和始筮仕天子曰茲守之良也維漢嘉爲蜀郡大且要女其往守之以輯厥旅乃子惠靡遠弗屆庚寅梅巖守嘉甫三祀嘉之人惠焉天子曰茲守之良也惟茶陵爲楚郡之敝民瘠而弗和女其往守之俾若厥生癸巳梅巖來守茶旣期茶之人惠焉天子曰都汝維克敬承予命修乃秩績用彰

張龍湖先生文集

卷四

五

顯其名爲司空賁外郎用詔予以擾邦事梅巖將赴名州貳可山趙子完卿雲門謝子天章與郡之士若民相嘖嘖語曰邦大夫之來也慶茲土之休予亦樂有成政乃今奪以去焉茶之惠其弗終也咸若有不豫然宮窠氏龍湖張子治往賀而解之曰君子一視而同仁茶之民猶嘉也天下之民猶茶也昔嘉也不能私梅巖之惠而以及於茶茶也可得私梅巖之惠而不以及天下哉先王之立司空也以應四序之冬故曰冬官夫冬終也萬物之所終也爲藏民之府是故度地居民游曠節矣山川沮澤時四時政俗一矣

量地遠近四國宜矣興事任力百役齊矣食節事時民生植矣樂事勸功禮義出矣斯王政之本也昔伯益爲虞若於上下草木禽獸禹爲司空六府三事允治萬世攸賴其所藏也遠矣故守也者藏乎一方者也司空也者藏乎天下者也天下之民藏矣茶之民有弗藏者乎予方慶天下之民得人以藏也而子乃以茶之民不得其藏爲憂耶子之意宜無弗豫也於是可山子偕雲門子欣然具觴俎相與餞梅巖於泚江之澣

贈趙完卿二守序

張龍湖先生文集

卷四

五

慈谿可山趙子完卿倅於茶有政之善三焉一曰勇平寇二曰斷服梗三曰志勤民茶山谷是宅長林深箐盜賊之區也嘉靖戊子渠魁谷儉聚亡命百十掠鄴掠安仁掠攸掠東流無虛日鄉邑用弗靖兵憲東津孟公檄來謂可山曰寇之弗芟何以保民寇無常治或撫或捕惟汝謀可山廼設團伍備器械捕奸宄索窩匿令罔不懾辛卯八月谷儉掠官陂謀者至可山率兵往撲之至則賊已遁去亟驅兵追焉賊倉皇走山谷中且戰且卻可山望見之令其衆曰此難以刃接可矢而斃也於是左發一矢焉斃一人右發一

矢焉斃一人賊大潰識其斃則谷儉也衆歡呼而還賊用是不復如境居民忘警勇平寇也茶之東與永新壤相接彼豪奪予田數千畝賦賊於吾民者凡五十年奏訟積凡勢格於兩省弗協彼民益梗勒者艱焉乃中丞南岡朱公檄來謂可山曰酌乃俗以平茲役惟汝任可山奮然以從泰和尹呂子亦以公檄來會焉志維同乃召彼民而諭之曰爾歸予田乎入予租乎維爾擇否邦其有常刑民曰惟公命是聽可山曰疆有此彼其民一也子何忍暱奪其田弗利於爾爾弗入予租弗利於予民爾其入予以租田則弗爾奪民曰唯唯遂歲入租二百六十有奇兩民稱便弗困焉斷服梗也壬辰春茶大疫可山曰其牧民者之咎乎乃往祈於神凡疫必躬視之疫遂已三月不雨夏五月六月復不雨可山曰民其將艱於食乎乃徒步往禱於名山之雲陽弗雨之秦人洞弗雨可山曰予聞百丈之山有龍湫焉盍禱諸衆曰險非公所宜往可山曰苟利於民何惜乎予身足重繭走數十里緣石披棘附蘿而上至其巔祝曰民弗食予不能食神其能血食神之監予予其歸俟爾命毋爲神羞遂大雨民歌曰田疇裂民食竭雨三日趙之力志勤民

也夫平寇在勇惟慎乃集服梗在斷惟公乃成勤民在志惟誠乃孚是故孚以誠則志可貞矣成以公則斷可明矣集以慎則勇可行矣有一於此足以善物況備是乎乃多士曰斯吏之程也可以書適太守計公來亦曰可以書

贈李蕉溪序

予嘗道湘中與羅氏兄弟遊焉羅氏居江水之曲地輿而衍每春漲水沿溪入平疇成浸則繫舟庭階前予時與羅氏兄弟鼓枻張樂舉酒食鮮野翠交映上下一碧宛然坐鏡中也羅氏兄弟與蕉溪李子秀夫

稱內兄弟也嘗語予曰蕉溪不妄言動其中樸者也予緣是與蕉溪遊見其貌沌沌兮若澹及發語輒中理解予亦信蕉溪樸者也旣而與湘之人士遊焉莫不曰蕉溪樸者也甲午蕉溪卒業於南雍南雍之士亦曰蕉溪樸者也辛丑蕉溪以謁選至相與道羅氏山水之樂予心戚戚有湘中之思矣無幾蕉溪授樂安丞問政於予予曰昔人有言治大國若烹小鮮懼擾民也是故其政問問其民淳淳其政察察其民缺缺蕉溪樸者也其於民必安之矣蓋遠近不同習而感應之機則未或異焉者其心同也蕉溪之樸旣乎

於其近矣有不孚於其遠者乎既孚於其士矣有不孚於其民者乎率素履以往可鑿鑿也况樂安哉或者謂蕉溪曰以子之所持而僅止於丞焉或不孚矣蕉溪曰丞承也將以承乎今以承民也吾懼其實之不足以承也又何計崇卑哉蓋崇卑勢也而所以崇卑之者實也實崇矣有能卑者乎實卑矣有能崇者乎予聞之曰蕉溪達矣夫樸者體也達者用也樸以爲體則能使民不僞達以爲用則能使民不欺不僞故其俗可厚也不欺故其化可久也二者其政之大要乎蕉溪曰敬受命矣遂書其言於圖端以爲贈

張龍湖先生文集

卷四

壬

贈王克齋北上序

嘉靖辛丑克齋王公以中丞撫於江右既陟留都之少司徒明年春天子乃召之入瀕行留都之卿大夫士咸相與喜曰凡人臣之通於仕籍者類視內爲重以其地之近而勢行便也茲公之入也將佐天子以邦計之重而奉行其制命受民是又國其有永賴矣乎僉乃謂治宜贈之言治曰古大臣自四方入者必以其政告於君所以廣聽而達隱也公吳產也且宦於東南者日久其民物豐乏政治偏弊之狀所親覩焉茲行也其所以告乎吾君而惠施之宜莫有急於

東南者矣夫事之在東南係乎邦計之急所宜先者有三焉蓋國家財賦惟東南是倚至於今生之者寡而以靡食者甚衆取之者勤而以靡用者無經也故農終歲耕而不能以糠粃自飽婦終歲織而不能以繒絮自蔽公私之積嗷嗷然不逮正德間無論弘治也而旱蝗橫斂日相尋不止夫民猶基也高墻豐上境下未必崩也降雨興流潦至則崩必先矣有若曰百姓不足君孰與足所謂邦計之重當有急於此者乎自國家之定鼎北平也歲漕江南粟數百萬斛以入大倉貢篚行旅百貨羣來而皆由漕以達也昔者

張龍湖先生文集

卷四

壬

嘗以黃河爲漕之害也而力障之今乃資其利而導之且弗至矣符離而下百里爲陸汶泗洧流滲於壩壤徐呂懸石百仞篙工纜卒不能飛而渡也夫漕譬則人之咽喉也一日弗食則元氣爲索然矣所謂邦計之重當有急於此者乎管子曰海王之國謹正鹽筴劉晏號善理財而鹽利視他賦半焉我國家懸中納之令富商鉅賈飛輓鱗集邊圉之間戎士宿飽何則吾子以利而彼利之也而今則不然令雖懸而應命者日益少禁愈嚴而奸利者日益多國則何所恃而利之何者彼有所利而吾奪之也古人有言利出

於一孔者其國無敵出二孔者其兵不誦出三孔者不可以舉兵出四孔者其國必亡由今言之利孔之出蓋不知幾矣予恐蒞薪之弗茂而牢盆爲盜藪也所謂邦計之重當有急於此者乎夫民力竭則病財漕法廢則病食鹽政弊則病利三病交至然而天下不屈者殆未有也况乎野有暴師脫巾候食燕薊弗給途載僵倖而勞費無度帑藏壁立市物騰踊民志廩廩苟非其術則何嚮而可哉雖然亦存乎人耳語曰一歲樹穀十歲樹木終身之計莫如樹人一樹百獲是故有治人無治法公之入也其得所樹矣哉予

張龍湖先生文集

卷四

三

嘗聞公之撫於江右也審興革籌利害詢瘡痍廉貪濁蘇困窮鉏強橫平征役允計會詰兵甲拔遺逸露濡霜肅洪都之人改觀焉其貳於司徒也經用制賦縮儲度費實均實盈惟民作常惟都作程留都之人改觀焉持是以往則凡所以佐天子邦計之重而惠施吾民以收百獲之功俾天下之人改觀焉國其不有永賴矣乎茲卿大夫士之所以相與而喜也詩曰樂只君子邦家之基

壽李蒲汀六十序

嘉靖庚子五月癸丑維大司徒蒲汀李公壽六十之

辰門下士咸趨公之庭拜觴焉乃序進而祝之中丞南川張子珩弓岡周子煦御史蒲津景子臻曰壽昌於積也山崇而嶽水蓄而海焉所積然也李氏自司徒杏岡公種和藝德功被當世風淝乎天下稱仁焉公起而續之龍翔鳳翥繼跡厥位復能以杏岡之仁仁天下有不匱之孝焉夫是之謂世壽易曰積善之家必有余慶銀臺叅議石川張子寰汴藩叅議潁川王子傳曰物厚者壽故松柏後歲寒而彫秉所定也公質厚而氣昌度汪汪若干頃波弗窮也有純固之真焉夫是之謂秉壽傳曰栽者培之光祿四泉楊子

張龍湖先生文集

卷四

三

麒麟草亭彭子黯雪灘胡子奎曰公歷事三帝世躋恬熙罔有兵革禍亂委蛇禁闥綸華紛耀有衍衍之和焉夫是之謂際壽詩曰第祿爾康矣司成東洲崔子桐少司成前峯王子同祖曰公邃學昌詞卒澤於仁義道德之實黼藻皇度章明聖則彬彬乎若黃鐘大呂玉琮纓鼎之奏諸懸間列在西序也有不朽之懿焉夫是之謂經壽書曰維義維德時乃大訓庶子內方童子承敘司諫泰泉黃子佐曰昔公在講幄廣厦細旃之上從容論說直而不激和而不迂務引君於道既貳冢宰留政秩秩矜嚴成憲諒如衡石乃佐司

馬爰叶台極簡稽詰禁王旅惟式晉位司徒也經用制賦實均實贏惟民作常惟都作程維時天子南狩公疏懇懇有勤國之烈焉夫是之謂仁壽南山曰樂只君子邦家之基太僕潞橋楊子行中白厓劉子渠曰公仕四十年矣凡家食者再罔以進退充訕委順佞化有樂天之誠焉夫是之謂裕壽老子曰用其光復歸其明無遺身殃司勳郎石溪倫子以諒曰昔聞之天惟純佑命則商實惟公忠亮帝心簡之思用老成人以保乂有邦公將宅百揆秉鈞軸幹運天化以時四序俾社稷安焉生民休焉耀功千祀流聲無窮

張龍湖先生文集

卷四

三

有輔世之休焉夫是之謂貞壽書曰天壽平格學士張某拜諸子後而言曰備矣夫世言啓也秉言基也際言時也三者繫乎天而不可必得也經實之符也仁道之至也裕天之游也貞德之成也四者係諸人而不易能也公修其所難能而得所不可必者之天焉則其壽也不亦備乎記曰備者百順之名也無所不順之謂備

張龍湖先生文集卷之四

張龍湖先生文集卷之五

序

贈劉希哲序

教治之繇也古者之教本乎其身法而布諸其履也議而闡諸其神也修六藝之文以道之明仁義之實以綱之是以其化佞也化佞故其材忠材忠故其政慤政慤故其民樸民樸故其俗渾厚而天下治後世之教嗟乎遠矣於已恕於物詳於已約於物備而又辟之以文辭開之以爵祿是以其化黷也化黷故其材靡材靡故其政梏政梏故其民侈民侈故其俗淫豫而天下亂故曰教治之繇也弗可以弗慎也但今之所謂師儒者位不及郎祿不上三碩位卑則人易陵祿貧則謀道之心薄非大齊信於道奚能以自樹乎哉此教之所以不古也教之不古繫亂之衢梧岡器遠而履莊學碩而術不邪者也以遠載事則知齊物矣以莊爲行則知立道矣以正爲訓則知利用矣知齊物故處崇下不贅虧也知立道故無色知而有能也知利用故動中而人化也三者善之聚教之先也古者聖賢不亂窮達知所以齊也身以爲度知所以立也彙括之側無枉材知所以利也是以人材衆

張龍湖先生文集

卷五

一

多禮義興行王道成矣周子曰師道立而善人多善人多而朝廷正朝廷正而天下治始梧岡之爲是官也人皆惜其位貴弗比於德予方有感乎教之不公而喜及見梧岡之克有成也梧岡名仰字希哲爲梧岡請予文者司城陳子天器上舍賀子汝勛

月庵序

朱君廷廣自埋於民自藏於畔者也荷塘之山地崇而景幽廷廣居焉月出之夕則光射其室檻輝堂白巖斫木爛仰而視俯而睨始恍恍乎若失既專專焉若有獲久之嗒焉遂以月名菴郭君汝賢之京師爲

張龍湖先生文集

卷五

二

道其詳予曰嗟冥哉夫處其小則大者或昧恬於幽則曜者眩焉是以君子隨處而務得其道屠羊之技三旌弗能易者其得深也廷廣好月而忘勢者也其知月之道乎夫月媒媒晦晦受日之光既似虛者循微而入不遺小間既似察者屈而復伸盈則必食既似知命者軌度靡忒四時以成既似信者合離虧盈貞彼百化以底萬祀既似恒者咸得之而明失之而暗既似仁者是故君子尚其虛以受明也尚其察恐物有遺照也尚其知故幽約章白匪以贅虧也尚其信故無行弗越也尚其恒故其德靡貳也尚其仁故

蛟龍螻蛄無弗愛也虛以爲質察以至之知以用之信以守之恒以一之仁以成之六德不愆乃能協於天地之性古之君子迹幽而行昭金錫弗替弗愆德也否則月其憚爲人之用乎隱負巖而似鈎蔽修堞而缺鏡非月之全也即晦索魄而不覩既望之昭昭非好之至也故曰君子隨處而務得其道焉汝賢歸幸以語廷廣廷廣其勗之

贈王兩洲考績序

南宗伯兩洲王公既三載考績於天子之廷春官之屬凡若而人謁於龍湖子治而言曰宗伯以掌邦禮

張龍湖先生文集

卷五

三

先王建制經世軌物則度一稟於禮禮者所以總一海內整齊萬物同風俗而出治道也故聖人重焉我國家肇基金陵首被皇祖禮教之澤迄於今百八十年世變風移敝化奢麗靡靡同流夫豈其治之不足哉道有升降政由俗革勢使然耳昔康王命於畢公曰歷世三紀世祿之家鮮克由禮蓋懼夫久而壞也我聖天子憲經稽古明禮樂之典以作新天下海內忻忻然而金陵在甸服之外數千里乃自少宰簡公以宗伯之任者其亦康王之意與公乃數秩天子之化以敬脩我皇祖之舊是故以興典制則儀度有章

矣以慎禮祀則鬼神來享矣以辨器數則品物有程矣以謹貢度則荒服賓懷矣俾百度罔不共承于式聖王之禮用昭於久遠弗斁者茲維公之績莫競焉治曰禮者人之域也君子人域是域而後能域天下畢之命曰維公懋德克勤小物夫古之人君傳其臣以保釐之大而惓惓小物之勤者蓋勤其小則大可推矣故顏子王佐而自非禮勿言動始伊尹樂堯舜之道非其義也非其道也一介不以取予諸人皆自域以域人之理也予嘗聞公典銓選而黜陟公焉理藩轄而政化宣焉撫鄖楚而襄鄧寧焉督江洋而沙

儀不忒正是四國抑先民有言人道經緯萬端而規矩無所不貫予竊悲夫今之世矣民不興行邪慝並作悖經彛裂章服流俗靡靡而莫之返也人臣盜國柄以成好惡之私人綱人紀胥戕胥溺又何望乎天下之能域哉嗚呼安能推公之道以變易其俗使天下之人皆域乎公之所域則三代之治庶乎可求矣於是二三子屬筆於治書之為文以贈公焉

潛庵序

龍子道熙別號潛菴張子曰潛與達一致也潛以抱真達以庸之龍驤螭屈易其化趣均焉耳君子之道或失則通或失則固或失則流或失則泥斯皆不一之咎也夫道一則定道二則雜是故君子盡其性也性者一而已矣故葆其淳和志意得明焉推行正物事業得廣焉守其天分豐約得齊焉孟子曰大行不加窮居不損言豐約齊也是故君子不入距不出訕填填焉于達弗亂于盤衍衍警警乎天下正之以照萬世此君子之道也是故成身盡物者莫大乎性身而為紀以定天下之紀極者莫大乎君子易曰龍德此之謂與故序

慕椿卷序

李子學寬既服官政因哀其父之嘗困於是而終弗獲有成也乃作慕椿卷以志其思將遺諸其後焉可謂孝矣昔李賀父名晉終身不舉進士徐積父名石終身不履石不用石器曾嗜羊棗曾子不忍食羊棗大舜五十而慕舜性也曾子幾也積利而賀矯也矯蕩志利近益幾則明性因矣肆其類懸也是以君子思成身焉成身成親之本也孝子之至莫大乎成親成親之至莫大乎成身吾聞成身而後能成其親者矣未聞不成其身而能成其親者也舜盡事親之道而天下之爲父子者定故成身者非自成親而已

張龍湖先生文集

卷五

六

也所以成物也成親孝也成物仁也學寬躬有教人之責能移其道以易之則民勸矣詩曰孝子不匱永錫爾類言其有及也學寬豈可以弗慎乎哉學寬以卷來索予文予不能自成以逮乎予親也悲矣暇能爲學寬多言耶

贈陳墨莊序

墨莊與予同州里予童而跂長而適適壯而規規久釋如也幾二十年庚辰春予以試牒上春官五月墨莊亦以貢來京師萬里相得甚歡也會墨莊以分教巴縣離去予亦將服有官政相學相友弗能如昔此

情豈易然耶夫不能離者心也不能不離者勢也其不能離者卒奪於不能不離者之勝焉嗟乎悲矣夫以墨莊而止於斯焉若無以自解於天者噫戲天下之事惟義與命而已矣義則可恒而命則不可必焉者也君子脩諸義以俟乎其命肆其道至焉施孟之子同業而異遇樗櫟之不良於松柏也限之以窮谷絕壑百牛莫致也樗櫟當途或得以斧於匠石懷卞璞三獻而三刖以瓦缶陶者比於畝歲數益其然者義也其不然者命也而君子終不以彼而易此故能處窮達不亂焉墨莊言有壇宇行有坊表道有一隆

張龍湖先生文集

卷五

七

熙熙然其樂人之臧也有不當則隱隱然以恐能修義矣跡可遠到而頓於促術可綜世而隘於庖心杆杆不爲悒憐能聽命矣脩義故達達故於人順也聽命故不憂不憂故於己裕也順於人裕於己是謂備善師之道與且師也者所以范刑乎人也言繁弱桓黍之功必歸乎范刑詩曰菁菁者莪樂育材也又曰豈弟君子遐不作人言君子能作成乎人也而孟軻氏之所謂樂者亦曰得天下英才而教育之夫義不大行於己而足以裨人澤不自己出而功不掩勢不必崇而樂在焉墨莊之於命未始不爲遇矣然則墨

莊之所以自解者亦或在於斯乎亦或在於斯乎

偕壽集序

偕壽集美雙壽也丹徒袁侗菴仲彞父壽八十其配沈氏孺人亦壽八十朝之公卿樂而頌者若而人大夫士樂而頌者又若而人鄉之士樂而頌者又若而人袁子儵如京師襲以示予予讀而歎曰可以觀德矣夫無知之謂侗侗德之基也君子侗以葆德德以基壽是以能備莊子曰吾生也有涯而知也無涯以有涯隨無涯殆已故人皆知有知之知而莫知無知之知也以無知知者逸以有知知者勞以無知知者釋以有知知者膠以無知知者靜以有知知者動逸故釋釋故靜靜故壽也勞故膠膠故動動故殆也是故天道無知而能久覆地無知而能久成至人無知而能久視是謂萬物之宗天下莫競焉君子之道盡有天循有照冥有樞天以爲則地以爲紀日月以爲度四氣以爲本至人以爲經天以爲則故神不息也地以爲紀故形不泐也日月以爲度故精不竭也四氣以爲本故其倪不測也至人以爲經故德葆而神一也是故獸之窮也以機羽之窮也以罟鱗之窮也以罟夫知以窮物及其久也靈而不持與俱化焉

張龍湖先生文集

卷五

八

故曰不知深矣知之淺矣不知內矣知之外矣是故謂之殆仲彞自埋於畔侗以爲守緣督任化委順而塗却然鼎食連騎視一都之君爵邑之人樂與之比焉年登而強弗折羸其躬以祉其後君子以爲備矣夫備者侗之聚也侗以爲聚德莫藏焉是故可以貴可以賤可以約可以散可以保身可以全生可以盡年是故可以詠歌可以書可以傳

戴星集序

張子曰詩志也潛於中而詞以形者也予嘗即古人之詞而論其志矣屈宋之志思其詞哀淵明之志幽

張龍湖先生文集

卷五

九

其詞離太白之志曠其詞遠子美之志憂其詞鬱夫四子者之詞也皆流離拂逆之餘也其變也已及讀楚洞野學士戴星集則歎曰維志之貞哉麓亭似屈原至樂似陶虎邱嵩高黃河似太白蒼曄日夕改歲似杜然思而不哀幽而不離曠而不遠憂而不鬱維志之貞哉史內方子曰夫四子者之詞也皆流離拂逆之餘也其變也已洞野子蜚英詞苑叶歌明良一言之形國家藻黼焉海嶽丹雘焉判徽未幾旋復台還晉寵日駢耀駸駸爾釣軸矣夫枿白濠激固與天籟徐徐者異也然則斯集也豈亦其變者與張子曰

君子同志而異道同情而異感同事而異遇夫道者其趨也感者其物也遇者其時也君子慎其趨焉耳矣其物與時之遭焉則有不可必者是故車正其軸而康莊大行莫匪致遠矣弩慎其括而遠邇左右莫匪適的矣人端其趨而夷險逆順莫匪成行矣是故貞志之立可以緯事可以經德履貞之信可以飭聽可以昭遠故曰詩志也

晉昌榮哀錄序

榮哀錄輯公卿大夫士詩凡一百二十有一篇文凡九篇事狀志銘各一篇皇帝諭祭文一篇公卿大夫

張龍湖先生文集

卷五

十

士弔祭文凡八十有五篇中丞邵陽六亭唐公應韶錄成帙攸陳子惟順謀諸梓以傳乃示茶陵太史治治曰噫嘻盛哉有勸之道存焉昔沃州公之舉於鄉也父死慟嘔血母死慟復嘔血及佐慶遠不兩月而卒蓋天之未定也有餘不盡之澤乃大振於六亭有植槐之遺焉非仁人能如是乎故讀大夫士內艱之釋慶遠之篇與狀而志焉哀而祭焉之詞可以勸父矣六亭爲御史陟貳京兆母王恭人俱奉以隨綏此百福底於令終有晉國之榮焉非有德能如是乎故讀公卿大夫士稱壽之釋萱日之篇與哀而祭焉之

詞可以勸母矣初六亭居京兆以母恭人久於邸弗憚欲奉之歸乃具疏以請詔許之及恭人之沒也錫之諭祭嘉寵用昭有湛露之仁焉非聖王之以孝治也能如是乎故讀公卿大夫士送母之釋與天子錫諭之章可以勸臣矣六亭之籍於仕也以使於四方命用弗辱以茂邦憲邦憲其貞以丞畿輔畿輔用乂以撫於蜀蜀人罔弗靖以總於風紀風紀維肅是謂能成身以成其親有不匱之善焉非君子能如是乎故讀公卿大夫士榮生哀死之言可以勸子矣爲父者勸斯天下知義矣爲母者勸斯天下知慈矣爲臣者勸斯天下知忠矣爲子者勸斯天下知孝矣義慈忠孝之化行而天下有弗治哉是謂王道之本故曰有勸之道存焉記曰夫子之得邦家也綏來動和其生榮其死哀此之謂與此之謂與揚六義之華以修百祿之盛具焉爾已矣非榮哀之實也

雙槐序

黃子才伯崇蓄邁樹以售章徹颯颯乎世黃子曰予弗惠實維先人是仰予聞之先人之言曰人之無良維善之鑒嘗手植雙槐於庭曰非敢望如王祐也善不可以已耳用有茲封福予恐無以宅其豐也敢居

張龍湖先生文集

卷五

十一

惠治曰天嗇其出地厚其翕物豐其入君子之道悲
懋其服不悔不竭是故天運於上其化懸矣地運於
下其施專矣物領華藻遠其械矣君子之道睢睢穆
穆無或厭矣夫植卉者力省而美疾見植柏者力倍
而久乃成然卉之美也以日柏之秀也以歲卉可玩
而柏可材其用之差萬矣是故君子創乎夷原成乎
喬嶽淑乎澱瀾放乎溟渤小人之道志乎渠畧是以
其澤忽然也傳曰雨小漢故潛言積小以致大也詩
曰我躬不閱遑恤我後言小道之易轂也是故惠施
惠獲理之常也施而後獲數之變也徽絕廢調德之

張龍湖先生文集

卷五

十一

貞也旦夕而輟行之惑也君子貞以神變小人惑以
亂常故良農之耕不視凶穰良賈之貨不昭盈縮良
士之德不昭禍福君子貞以神變變亦定焉蘇子曰
天定固能勝人人定亦能勝天此之謂也是故勗而
由之存乎常積而至之存乎貞過而享之存乎定若
黃氏者蓋處乎天人之定矣

楚潭世惠序

嘉靖甲午秋御史按楚者當代臺臣以聞天子曰俞
四方之疆惟楚爲鉅其慎擇以往臺臣以章山沈子
應命沈子乃謀於內史氏張曰四方之疆惟楚爲鉅

予懼予力之弗勝也治曰御史者人主之耳目也懼
弗惠弗懼弗任懼弗和弗懼弗威徒淫逞之而民休
戚弗省焉其猶壅蔽與昔聞子之治番禺也政循循
與物嫗育民樂而安之恒迪茲雖天下往矣何有於
楚蓋民安則不思弊弗若其性維弊之釐也益弊已
沈子按楚乃求民疾苦若植弱樹善揚德平俗抑強
飭蠱既蕃百度具和自是楚欣欣然樂生也潭夙寇
傳萬受者鳩衆恃險褫民肆劫人弗有寧宇積十餘
年沈子曰惠寇若疽若腐敗弗決雖有善藥弗可施
也元氣其傷乃以謀於巡撫中丞翟公曰茲維予志
其協舉之勿疑疏以請天子曰俞哉維爾撫巡其徂
征踣厥頑醜柔惠是馴予德用舒於是誓衆布方諏
日命師謂參議劉子思曰給兵餉弗匱弗濫維爾謂
僉憲張子素曰嚴厥用命不用命以底於成維爾謂
都指揮潘子璵曰節土兵俾勿虐於良耀武督陳以
襄厥功維爾謂潭守李子日章倅劉子安曰募餉置
謀練勇佐備度機與宜以協厥猷維爾四月治兵五
月往伐於柳林六月而凱旋凡馘者若而人俘者男
女若而人撫者男女若而人燔崇削險是拔是輯潭
民誦休焉捷聞天子曰都維子有臣疇允大邦以惠

張龍湖先生文集

卷五

十二

朕人厥勞孔嘉乃賚之金幣錫命用章張子李子使人謂治曰昔者章山侍御之先大夫栢軒公憲於楚也勤事於潭潭之民復籍惠焉子潭之產且職史其敬述之以告乎潭之人俾世世不忘乎沈也治曰有世德者則有世報報莫大於忠孝仁義也章山之茲舉也備之服君事忠也祖武孝也勤民仁也去殘義也夫四者固栢軒公之所以遺也遺之而能昌也其爲報也不亦大乎章山復以是遺諸其後而後之人復昌之焉則沈氏之澤殆無窮也獨潭爾哉詩曰孝子不匱永錫爾類作楚潭世惠

張龍湖先生文集

卷五

十四

攸水之釋序

攸水敘離也仰齋胡子爲給事中直言謫攸簿既暮帝念其良以令浙之海寧瀕行攸之士在門下者凡五十有六人咸祖於道相歌以送之洪子昭歌風雨曰公之立於朝也其不改度矣乎曾子欽魯歌鴈鳩曰公之儀也其惟不忒矣乎國人是正焉龍子天與歌菁莪曰公之來也人樂育之矣夫我則休譚子世寶歌九罍曰公其可去耶公去矣吾誰與依蔡子疇歌卷耳之二章曰離思其至矣譚子曉歌隰桑之卒章曰惟予小子罔聞知惟公之義是保劉子欽輔

洪子聞爲治誦之治曰可以觀德矣風雨嘉其直也鴈鳩樂其儀也菁莪安其教也九罍昭其化也卷耳愛也隰桑懷也六者非德之至而能然乎乃爲之作攸水之釋

馬首劉氏重修族譜序

予里之劉氏其先有名椿者周廣順中自泰和來居馬首迄於今族遠以蕃茶陵稱故家也泰定丙寅名定宇者始作譜至正乙未名敬仲者復考其世而續焉然而兵燹之餘松楸零亂亦既有遺憾矣國朝洪武二十年名仲濟者繼輯之學士劉坦翁爲之序成

張龍湖先生文集

卷五

十五

化大學士李西涯翁又從而識其端焉劉氏信振振乎顯矣弘治乙丑名鎬者復因譜之舊而訂之以傳然而未之刻也嘉靖庚子溫泉新謀乃取而加輯焉將壽諸木以頒之族人成先志也予時在翰林新謀以書來曰譜者宗法之遺所以合愛敬尚敦睦也先人有志而未就謀大懼久益荒廢乃率厥往緒惟君子之言能信於後世先生同里聞且有姻好願惠之言俾劉氏之子姓藉光重也辛丑予陟貳留銓新謀復以書來如前請壬寅予以赴天部之召便歸展省先壠新謀率其族人來請如前予曰諾癸卯謀又以

書來京師予乃授簡而序之且申告之曰孟子有言所謂故國者非謂有喬木之謂也有世臣之謂也家亦然古之有天下者聯萬國以爲姓及其更也子孫曾不能托尺壤以處堯舜周孔萬世尊事之莫不欲以爲宗祖焉其賢使然耳子聞劉氏有太郎者死於王事至於今子孫無親疎少長咸神事之歲時持牲酒走祠下不絕過者必拜焉是何也其忠烈有以感之矣不然則數百歲之間劉氏之羣生而逐死者莫限也其何有於太郎哉由是而觀則家國之所以能光重百代者以賢焉耳是故賢者之名宗族稱焉鄉黨稱焉雖世世有識其子若孫焉曰是賢者後也則肅然敬之矣其子若孫雖世世亦曰予不肖懼愧於賢者後也則奮然思立之矣其爲光重也不亦遠且大矣乎汨汨沉浮於世無所樹表甚而殘行穢心奪天親而戕之尺帛寸產相讐訟若異類焉俾鄉之人嗤曰斯某族之不肖也不猶大詬爾哉孝子慈孫百世不能改也吁可畏己爲劉氏後者其尚敬慎之乎其尚敬慎之乎否則雖文與譜亦喬木者耳予懼其弗競也

賜金汝礪廕武東歸序

張龍湖先生文集

卷五

十六

燕之客有談遼左金君良佐之賢者爲錦衣王子汝和謂其武而能文寬而愛勇而謀正而不隨廉而不汙有古名將風張子曰自是知有良佐也惜不及其人以修禮其右一日汝和偕其子汝礪造焉張子見其蘄蘄然印印然凌厲而立也曰將類也偃偃然僂僂然循席而避也曰承是教者也舒究其志若馳焉若逸焉而有所驚也曰豈亦紬綺褐者乎旣而受鉞以歸汝和復請於張子曰惟君子之言惠夫子幸爲予惠金子以言使佐有嗣也不亦善乎張子曰少成性也習從化也事遠誣也薰入深也金子欽懋若德以惠厥服而無廢爾先人則幾矣夫武而好文學也寬而愛仁也勇而謀智也正不隨德也廉不汙守也學以識道仁以使人知以應物德以立守以恒五者備是以有令名也故本焉而無以文之謂愚末焉而無以容之謂殘嬉嬉焉以動之謂冥靡靡焉以趨之謂流昧昧焉以取之謂墨一有於是所自邪也五者之來寵祿過也故以羽鏃飭者榮以紕綺褐者辱其居悠悠者無丕功昔之人有苦鼠之患者畜貓而至於百也窮三舍夜無齧齧自是貓之功益大而孽益蕃鼠憚而飼之肉後復有患鼠者假以往蓋食肉者

張龍湖先生文集

卷五

十七

也寘之鼠所視之矍矍焉即之皇皇焉不敢逼卒累
累以逸故習乎紈綺而無以飭者鮮不以鼠畏也此
五者君子所以自飭也金子欽懋若德以惠厥服而
無廢爾先人則幾矣詩曰聿修厥德無忝爾所生金
子其懋之

別蔣崇冕序

龍湖子往歲客京師莒城蔣生勵因永平馮子而見
焉勵苦於學久弗自表見志鬱鬱可哀也居數月而
去龍湖子亦歸山中凡十載不聞勵消耗也戊戌龍
湖子復至京師有叩門者曰莒城蔣生見焉意其必

張龍湖先生文集

卷五

六

勵也既見則勵之兄絃也龍湖子與之坐而問焉絃
曰勵苦於學久弗自表見志鬱鬱遂疾狂而甦則
必念先生也龍湖子益哀之絃起曰予少也學爲舉
子亦久弗自表見乃以貢卒業胄子今且謁選冢宰
矣龍湖子見其貌樸而不華語呐呐若不出諸口動
止弗踰察其中肫肫乎誠者也益樂重之居無何絃
冠而束帶以謁曰絃不似荷天子命爲松江經歷也
忻忻然無弗豫意龍湖子曰郡之幕職且卑守以下
咸制焉子何豫於是絃曰梁麗編葦厥職則然况義
命所制弗可強也夫絃弗惟卑之懼惟弗稱之懼苟

稱焉則卑也有不爲崇者耶龍湖子曰噫諒哉夫人
弗達於義命類役役於非分之求也弗得則怨尤之
意生焉雖受之直弗思稱矣故義命者君子所以脩
身處物之道也然惟誠而後能知義知義而後能達
命達命而後能安於所處能安於所處則無入而不
自得矣孔子爲委吏曰會計當而已矣爲乘田曰牛
羊茁壯長而已矣非知義命而安焉其孰能與於此
哉絃也質誠而弗渝知義與命崇卑不移於其心視
世之役役以求非分者殆遠矣孔子曰木訥近仁非
斯人之謂耶絃請曰先生之言大矣請奉以終身焉

張龍湖先生文集

卷五

九

乃識而歸以告於勵俾無鬱鬱以疾狂也

願樂亭序

湘東中丞羅公既致政歸隱於潭之柳坪結願樂亭
以自怡焉治曰可以觀德矣夫樂有二道焉已爲世
樂也世爲己樂也章志白道以澤萬物萬物時育已
也有不爲世樂者乎忘情釋慮以遊萬物萬物時融
世也有不爲己樂者乎己也爲世樂故君子之進也
重焉不然有能爲世樂者乎世也爲己樂故君子之
退也安焉不然有能爲己樂者乎故重而後能民不
失望焉安而後能得己焉能得己之謂信能不失望

之謂順能信順之謂有德公諫而諤諤焉旬宣而愉
愉焉總憲度而秩秩焉世莫不樂之其進也不亦重
乎及歸而隱於潭也于焉愉愉焉與鄉之人相忘
於賢愚貴賤且以爲慈母焉且以爲嬰兒焉機忘嗜
淡以樂乎世之化其退也不亦安乎持信順之實以
遊乎二樂謂非有德者能然哉故曰可以觀德矣昔
譚端潔公居昭潭屬世弗靖崎嶇兵戎卒不得首邱
其間李文正公家京師有嶽麓之懷而不能遂焉夫
公之進也能與二公同其重而二公之退也不能與
公同其安同不同其有數乎公名亭曰願樂非有感
於是耶非有感於是耶

張龍湖先生文集

卷五

二

張龍湖先生文集卷之五

張龍湖先生文集卷之六

記

安仁縣興建記

正德丁丑郴寇弗靖於民掠於安仁百政用廢癸未
侍御直卿馬公來巡焉以茶陵戎使高子漢劉子湧
騎而從視學曰殿壞弗葺廡毀弗植畫宮敞部秩節
不興事無經矣視城曰石甃而復泐也隍除而弗軌
也葦萊蘊崇役狡牟漁厥緒用弗集民何恃焉視民
之疾曰六氣弗治而淫鬼是惑伐天和矣民有不得
其死焉維亂棄禮待死資寇醫廢殃民其如之何乃
角輶公費量其用值以命諸漢曰汝其董學事飭壞
振毀闢荒拓隘反彛制昭崇極興秩節維汝任之命
諸湧曰汝其董城事程土物畧基址揣厚薄仞溝洫
形力度用禁貪作怠以終厥緒維汝任之會邑令袁
子達至自貴溪復檄之曰汝其勤民乃惠明醫備藥
壽殤起伐淫惑是祛計財用均稍食平勞逸眠成要
以佐成二子之役惟汝任之越數月三力咸畢袁子
乃屬書於治曰馬公之入予邑也有惠民之政三焉
廟廡作崇士知勸矣合渙飭怠振其全功民永庇矣
野無僵死天闕遂生民命昌矣三者政之大也舉不

張龍湖先生文集

卷六

一

廢要知也施不遺遐仁也化不浹旬民是以康神也三者善之備也治曰至矣君子之政必本於知體於仁達於神以動也動於幾之謂知本動於利之謂體仁動於樂之謂達神此君子所以能祐天下也是故君子之政致教德也致敬備也致厚生也致教德故民紀立也致敬備故民無患也致厚生故物育也紀立則安無患則固物育則遂禮莫大於安器莫大於固化莫大於遂故曰政之大也是故有善作者必有善繼者也善作而善繼之者明也善作之而不善繼者怠也弗之能繼而敗之者悖也詩曰天作高山太

張龍湖先生文集

卷六

二

王荒之彼作矣文王康之是以君子貴其來也用紀是以告來者

修復汶漕記

嘉靖甲午大中丞麻城劉公天和奉簡命督河事官采氏茶陵張治浮大江而北踰淮泗道濟汶之上漕而問水焉公曰古之治河也以爲民也今之治河也以通漕焉已耳然藉河以濟漕猶以狼兵止寇也利害均矣魚沛而下河之入漕者近且絕舟弗得其利而害獨存焉漕所倚以濟者其惟汶乎書曰浮于汶達于濟則汶入于濟也濟既伏流則汶其自達於海

張龍湖先生文集

卷六

三

與元輔國於埧城作斗門割汶流益泗漕以餉宿蘄之衆復漕江淮之粟以至於燕也乃遏全汶合泗水而南後復分導之北達於衛而漕始通國朝宋司空禮因其舊而導之下至南旺分流焉遂成通川矣又爲之置閘焉以節宣之築湖焉以渚匯之國餉自是有永賴也比歲汶穢弗治浮沙蕩礫迴湍激射雨淫則流漫旱則易涸河流所經魯橋而下閘廢沒無完址南旺西湖環三面之堤復傾圯民且盜而田之馬場隄啗於水者殆絕蓄洩弗備自沛至濟有淺溢之患焉予惟疏厥淤塞修舉厥廢以復其舊焉爾矣治曰河保其不終爲漕之害乎公曰昔人有言河流已棄之故道自古難復言其淤塞旣阜水性避而就下也由今觀之河不北流而南徙亦其驗與漕渠之外百里爲陸力不可施豈人所能哉鬼神實相之矣河縱而復決也亦惟順道之使不爲漕害耳取利之耶苟利之而且虞其害焉雖神禹弗之能善矣治曰漕譬則人之咽也國之命脉係焉尋丈之汶彈丸可塞也君子將無意外之虞耶徐呂之洪懸水千仞梁靖之下符離之上使復若魚沛焉則汶其可倚哉公曰此憂世者所以有復海運之議也然未可易言耳予

嘗沿淮及河歷沁衛以還遺思焉夫沁水入河則勢張若導之東下數百里以入於漕如昔人之導汶而南者不猶愈於引河乎河勢且殺矣或者謂沂淮而河以及於沁沁去衛僅百里可陸而至也其猶濡有衣袂之戒者與若夫銷患未形以昌利萬世則又出於治汶之外者非予所謀也既而公條治漕之宜疏以聞得曰俞乃揚明命戒羣吏飭工徒勦財用具畚鍤略遠邇揣厚薄陳部野處以率庶役罔弗受命魯橋之南至於徐沛百廢咸作焉乃謂主事段子承恩曰汝其築汶之東隄承恩受命而築焉乃謂主事

張龍湖先生文集

卷六

四

顧子紳曰汝其築汶之西隄紳受命而築焉隄各為減水閘滾水壩者凡二視水盈縮蓄洩焉乃謂主事邵子元吉曰汝其築南旺馬場二湖之隄元吉受命而築焉會水部楊子且至公復以命之且復受命而協築焉隄各為減水閘南旺者凡十有八馬場者凡五視水盈縮蓄洩焉既成千里之內隆岸平流餉艘時繼輓卒愉愉若纜而嬉也乃報命於朝晉公為工部侍郎未幾改兵部侍郎總制西北邊事楊子旦于治丐記焉治曰國之大事惟賦與戎河之與漕猶鹵之於邊也治河者弗與爭利也順之而已矣治鹵者

不爭其利也備之而已矣是故謹隄防時疏濬廣泉源則治漕之善也足儲食詰戎兵明賞罰則治邊之善也冒無窮之害而徼夫難得之利敝所恃之險而貪其不貞之功國是以無寧民矣然惟忠者能任之知者能謀之惟君相之明者能知而用也否則厚身圖者薄公計闇大機者喜新功惑浮議者亂成謀幾何而能有濟耶予方嘉劉公之既忠且知而樂吾君相之能知而用也故併論之俾觀者知君子經世之志有餘憂也越若治漕之費及工役則存乎有司之籍弗詳焉

張龍湖先生文集

卷六

五

道鄉書院記

嘉靖庚寅平樂道鄉書院成其守龍子道亨使人以書告治曰平樂在唐為昭又曰樂宋亦曰昭徽宗崇寧蔡京柄國政以私竄鄒忠公於昭百代之下聲光耿蔚草木衣被昭有遺思焉先是兵憲涇涯李公掘地得斷碑識其刻曰道鄉書院意前此其有建乎廢興弗可考已會董學泰泉黃公按行郡以令諸大有曰民之多辟廢教之由民氣或柔或剛其弊也田舒激烈用罹於咎弼厥教俾若彞以頒予之不逮惟女庸揭潛昭德以程有衆俾正厥嚮往亦惟汝庸大有

曰唯唯乃訪公之故居披厥蘊崇得舊址蕪壇可屋
佛宮道舍與祀弗典者毀之厥貲可材鄉之耆若士
與民義可使遂條其事以上之行都院行院宣司監
司具報曰可復集其耆若士與民而告之曰維教克
惠爾性惟君子實開爾軌爾弗惠弗軌予則有愆予
其樹之以惠爾衆既成謀矣若可否亦惟爾之見僉
曰諾民生倥傯顛蒙恣於情性開諸教教之所覆民
所望也其誰弗從乃募義勸分角費程力號工授方
五月而役成惟吾子記之俾昭有光訓焉不亦遠乎
治曰可以觀世運矣周公而下道莫明於春秋戰國
張龍湖先生文集 卷六 六
然孔孟之學盛於北其世道亦從而北時南有荆楚
之強孔孟而下道莫明於宋然朱周之學盛於南其
世道亦從而南時北有胡元之亂至於我朝文明之
化敷於四海禮樂詩書蠻服攸暨可謂當天地之中
運撫四方之盛氣自生民以來未之能過也平樂在
昔爲竄逐之地今彬彬然齒於中土此固神聖甄育
之澤而君子過化之功不可誣焉我觀之子衮衣繡
裳衮衣章甫實復我所非誠於道而能然乎田晝之
言曰使志完隱默官京師遇寒疾五日不汗死矣豈
獨嶺海之外能死人哉由是而觀則嶺海非能忘志

完而志完之道能存嶺海於今日耳天地無擇仁故
大王者無擇化故遠君子無擇教故久也雖然今之
爲道也吾憂焉孔孟周朱之說微故德性廢而詞章
之性道廢而功利之仁義廢而富貴之夫詞章害學
也功利害道也富貴害義也三害出天下無真儒矣
臨事處變邪世強志抗節如志完或寡也况望其王
道之行耶泰泉之教龍子之政其殆有憂與其殆有
憂與孟子曰豪傑之士雖無文王猶興昭之人宜知
所以自興矣乎書有云惠不惠懋不懋書院去府治
之北凡幾里廣爲丈十有幾袤倍廣之幾前爲門中
張龍湖先生文集 卷六 七
爲堂凡三楹左右爲樓士之舍凡若干楹周以垣額
曰道鄉從公號也其應義而相厥費有差以俸入者
爲教授某訓導某凡二人以材木甃植與地入者爲
鄉之耆某若干人以廩與金入者爲庠士某若干人
民之以地與金入者爲某若干人
尚寶司題名記
尚寶司掌璽牌符之事國初建符璽郎後改曰尚寶
司秩正三品洪武元年乃置卿一人正五品少卿一
人從五品司丞二人正六品其後大臣子弟以廕補
承者無常負列署在左右掖之內其地至禁密也寶

璽之大者曰奉天之寶爲唐宋傳璽惟祀天地用之凡詔若敕則用皇帝之寶立封及賜勞則用行寶詔親王大臣調兵則用信寶冊上尊號則用尊親之寶敕諭親王則用親親之寶祀山川鬼神則用天子之寶封外夷及賜勞則用天子行寶詔外夷調兵則用天子信寶曰誥則用誥命之寶曰勅則用勅命之寶敕獎臣工則用廣運之寶敕諭來朝官員則用敬天勤民之寶凡寶之用必請命而後發焉天子饗祀郊廟若視學籍田勲衛扈從及公侯駙馬都督日衛錦衣當直則給金牌牌之制有龍者虎者麒麟者獅者張龍湖先生文集 卷六 八

雲者以其官爲差皇城金吾禁夜五城夜巡則給令牌虎賁巡城則給銅符九門守衛則給銅牌錦衣校尉入直則給雙魚銅牌京官之朝叅者則給牙牌勲臣以勲字親臣以親字文臣以文字武臣以武字文武官之與陪祀郊廟及執事人亦給牙牌有圓花長花長素之別凡諸得給牌者有故則檢籍而納之親王之國及文武大臣出撫鎮則給符驗御史出巡察則給印事竣則納之稽出入之令而辨其數其事至重也每大朝會則二人以寶導駕先立侍殿中駕出幸則二人以騎從寶行其爲侍從至親近國初類以

文學儒臣領其職或兼秩焉尚書郎而下非有才名者不得調勲輔大臣子弟奉特旨乃得補丞他流所弗與焉其選至慎也故事曹省皆有題名而符司缺焉嘉靖丁未分宜東樓嚴君以太常少卿領司事乃蒐諸故牘自洪武而下迄於今得若干人刻其姓名爵里立石於西長安之直廬以稽往而昭來也弓張子記之治曰寶者人君所以信其令於天下者也名者君子所以信其行於後世者也人君之於寶則設官以守之者慎其令也然則君子之於名其賢不肖關於勸懲者至遠也顧可以弗思慎乎哉夫德者所以慎名之具也是故人君有慎令而後天下無邪政是謂治法君子有慎名而後終身無邪行是謂治人以治人而守治法則身安而國家可長保也嗚呼豈獨尚寶然哉此東樓所爲題名意也

安仁修城記

嘉靖癸未冬十一月安仁城成城廣若干尺濠之如外高若干尺內縮四之一爲五門門覆以重樓環以貳堞其費凡三千二百有奇安仁初未始有城壘土而域丁卯柳寇作肆行如墟民無留藏焉中丞秦公曰烏封其巢魚潛其澤邑而弗城其何以恃民弗庇

矣乃使邑令韓宗堯倣厥役以衡州千戶劉寬董之役數歲弗就御史馬公直卿視焉曰城而弗成猶亡城也受直而怠事鮮有濟矣使茶陵指揮劉湧終厥緒會邑令袁子道夫來自貴溪曰是守土之責也乃籌厥費以請之中丞張公公曰勞以永佚厥徵可因以請之御史何公子魚公曰毋怠成無奸利濟貨無勤民自封以請之分守丁公原德公曰上有惠於民民罔不孚惟力厥成事袁子乃令諸民曰爾載爾築惟勤令諸公曰爾事爾直惟精節縮營度作其庸實不涸不淫五月而役成治聞而歎曰夫民之攸堅惟

張龍湖先生文集

卷六

十

其悅之真也悅之以先民又何勞焉夫秦公之謀貞也是政之道也張公之謀協矣哉事惟怠則廢廢而作之乃立夫劉公之謀作也是政之飭也銳力倦終慮賄惠奸養績病軌夫何公之謀周也是政之域也丁公之謀愛而舒袁子忠矣夫政貞以帥之協以比之作以飭之周以慮之愛以久之忠以行之鮮弗濟矣是以君子能藏民之固也詩曰哲夫成城是故城有三訓焉見制守之豫焉見民志之依焉見權節之和焉故與德進退德輕則亦輕德重則亦重輕其德而求外之重也雖王者弗能付也是故君子之政必

身自盡也盡諸其身而和其民以守其外此王者之道也故曰城保于德

重修文安縣儒學記

文安學厥舊維宋大觀元豐慶曆可籍考也兵燹代至廢興弗詳已國初洪武二十二年始改建焉正統八年縣令何源繼修之歲久日就壞嘉靖戊子平定李子時中知縣事三日而廟謁見其隘弗廣焉陋弗葺焉圯弗治焉將頽敝焉則歎之曰資政在教學也者教之地也學且廢其何以振教興理哉時屬歲歉不能舉大役會以艱往甲午版闕文安之民庶父老

張龍湖先生文集

卷六

十一

樂李子之政惠而平也相率訴都下借復焉制可李子復令文安至則學之敝猶舊也曰茲宜畢吾志矣邑故有佛宮巨璫羸淫訾倍千巡按御史錢子檄毀之李子曰茲不可濟吾役哉以白之督學御史方子報許乃筮日召工程能輟費徹腐辟穢度基陳制乃易隙地畝若干益之簡勤董怠百工咸理母或不良中爲孔子廟五楹廟前爲東西廡各十三楹又前爲戟門三楹又前鑿池而甃之梁以石橋旁爲神廚爲牲舍又前爲櫺星門東爲啓聖宮西爲明倫堂如廟之楹翼以齋舍堂後爲敬一亭刻聖製碑藏焉亭後

為射圃為觀德亭為尊經閣周以堅垣佳木雜植厥費木千章丹堊千斛石丈什伯陶甃什伯者什之漆百斗麻鐵百石米粟斛五百役夫手指千乙未二月首事四閱月役成學師何子璉因進士張子良貴以告之治治歎曰嗟乎學宮之壞也則脩之俾可居可游以振起其弛厥維有司之良學術之壞也士乃日安焉弗之省而修之其得為良乎張子曰士修之維何曰梗枿杞梓木之良也為宮室者必擇之仁義忠信心之良也顧棄而弗居徒貴富功利之溺焉不亦異哉昔者孔子懼人之以貴富功利奪其良也立訓張龍湖先生文集 卷六 十三

垂世惓惓焉蓋欲得士之良以良於治也然則君子亦惟修其心之良以良於天下國家爾矣是故若彞正倫家之良也長民仁物國之良也經道制衆天下之良也聖善周達萬世之良也以家良曰儀以國良曰乂以天下良曰正以萬世良曰貞四者脩之極也非貴富功利之溺也否學無乃為厲與張子喜曰以修學告而聞修士之道願識之俾從事於茲學者永監焉母相視於壞也記成適李子陟判鞏昌文安之民庶父老相與語曰何奪吾父母為也噫李子政而能惠教務作率終厥譽良吏哉良吏哉

涿州北河胡良渡舟記

嘉靖丁酉御史梅濱楊子奉上命按畿輔興能振弱寡和惠生弊百咸新也歷於涿進涿之衆而語曰涿郡當京國之衝四方所走集肩輿相踵也北河胡良之水環郡南北冬春水涸可木而梁也夏秋水淫漲流瀾瀾行者力不能絕衝濤悍夫乘時操舟索重利人莫不病焉予欲令有司庀官舟權以渡其可否惟爾民衆曰民惟依仁仁之所興民所利也其誰弗嘉楊子乃以謀諸副使疊川於子於子曰唯唯是予之志也而未之能行矣以謀諸知州陳子陳子曰唯唯是予之職也而未之能盡矣成謀乃鳩材命工輟贖鏹佐厥費檄吏目徐志高董之北河為巨舟二舟篙工三人為步舟四舟篙工二人胡良視北河半之既竣事陳子曰仁之所興利所程也弗有以記之其後曷繼於永哉乃以書來屬官家氏治記焉治曰推涿之政可以仁天下矣夫行路之人猶涿之人也涿之人猶天下之人也予嘗道燕趙之墟歷漳易滹沱諸水而深有慨於斯民之多溺也以涿言之土墮墾而善崩水淫決衝流百里民沮洳而居室塗弗完水下沙礫堪衍夸陸為阜蒿棘弗植無論禾黍也然則水

張龍湖先生文集 卷六 十三

之溺於涿者獨行路之人也哉王程所歷使命相繼車百輛馬百匹驢騾千蹄驛夫馳肩卒重繭費日萬錢月無算也中人十家之產歲不能備一役官庄宦第官芻公牧百賦萃之凡編戶之民童丁而犢稅弗充焉然則涿之溺於民者獨水也哉又嘗因是泛觀四方之民弘治而上家餘藏帑餘積山林川澤餘利也邊卒嬉武吏不宿逋至於今上下恤然稱匱乏誅賦日繁重力役弗已君子或懼其陸而魚也然則民之病於溺者獨涿也哉昔者高宗謂傳說曰若濟大川用女作舟楫夫舟楫傳說也斯民無溺之患矣

張龍湖先生文集

卷六

七

鄭子產以乘輿濟人孔子曰惠也禹思天下之溺者由己溺之孟子以爲仁夫二者皆務爲治者也直所從施異地耳故爲政者近之以乘輿之惠遠之以己溺之仁斯舟楫而傳說也已以予觀於楊子之仁蓋託始於舟也究其施其濟大川也哉故曰推涿之政可以仁天下矣楊子名紹芳楚通城人於子名敖秦岷州人陳子名邦治亦楚人皆有事於舟者故備書俾后之人觀覽焉

易州懷愛祠記

懷愛祠易人懷行唐簿張公之愛而祠焉者也公諱

大器字邦賢別號菴蜀內江人以子貴贈太子賓客吏部左侍郎兼翰林院學士公弘治庚戌爲行唐縣簿時易州歲賦薪炭累千萬給內用分郡邑官蒞其事命司空大臣總之運車千輛役夫萬指驢騾千頭監胥日號民勞而費無訾也公至適領厥役歎曰山林川澤古以利民而今乃以爲厲也如之何一命之士苟存心於愛物於人必有所濟吾惟隨其分與力之所能而盡心焉不寧有濟乎乃釐蠹弊申束約度遠邇均勞佚經費用卹窮患視疲苦之民若護新瘵懼其或傷焉自是易之人莫不知張公仁厚長者

張龍湖先生文集

卷六

十五

也九載公既滿去易之人相與悲曰何奪我父母哉凡過公所嘗署之室必入拜焉曰茲張公之居也拊其庭之槐曰茲張公所手植也雖摧椽腐枝弗忍毀垂三十年不少替嘉靖戊戌屯部郎中周子復俊至其地聞而歎曰是民之義也弗可以弗興也乃扁其居曰懷愛置木主其中俾民祠瞻焉由是易之人欣欣然歲時持牲酒率男女走祀其下不絕也已亥御史王子瑛按其地聞而歎曰是民義之興也弗可以弗永也然祠隘而陋圯弗治將頽廢乎其何以慰民情哉乃以屬之兵備副使於子敖敖曰唯唯遂飭其

故材改塗易檐爲堂爲神廚爲重門堂之前爲亭刻公所贈誥命詞於石榮仁者之有後也旣成易之人欣欣然歲時持牲酒率男女走祀其下不絕也於子以書來謂學士張治曰先民有言立信讓以莅百姓則人之報禮重蔽節甘棠勿翦勿伐其係於人者遠矣夫張公能以仁厚之德愛其民而民則懷之使繼今而政者無先後崇卑皆知聞而興焉則後之人亦懷後人矣豈不揚耿光厚忠義崇尚教化褒德而顯功哉張治曰君子之爲善盡其心而已非務於人之懷也而人之懷之卒久而固焉天理民彝不容已耳

張龍湖先生文集

卷六

十六

吾聞公質任純樸言若不出口而誠意懇至行矯強無阿容蓋孔子所謂木訥近仁者然身之所歷民至今懷之是故務赫赫者無冥冥之實而闇然爲己則有日章之美也舉天下之爲政者無遠近崇卑皆知聞而興焉則天下之人亦懷天下人矣世豈有不治乎公之子玉溪少宰德名勳望鬱然起當世國家倚重焉古稱仁者有後殆不信然哉故觀於公然後知君子之道其感激天下深矣遂記之碑有司刻之祠中庶後世可考覽焉嘉靖辛丑八月中秋後五日記成

遺愛祠記

子每讀孫延平哀慕錄未嘗不廢書流涕悲其人之勤民以死也及今合沔陽事觀之則君子之道其感於天人者深矣孫公諱衍字世賢別號曰雪岑松江華亭人成化戊戌第進士除知沔陽沔陽居江漢下流夏秋水溢決裂爲沴渺然成巨浸民處沮洳中然湖澤之利漣漫不可稽察黠胥豪商相爲乾沒業民捐瘠轉徙而多浮居藉魚鰕葦荻自饜食也公下車革暴振弱粵和惠生一之月檢訪鄉籍二之月完聚瘡痍期月而病者起亡者歸脩隄防之利復蒿穢之

張龍湖先生文集

卷六

十七

業而闢之使耕然後民皆知農而食焉虞而出焉工而成焉商而通焉貪者禁不能取吏弗爲奸四民輯然咸寧宇矣常賦有程期勾檢奇羨以待貧乏不能輸者自是民歡戴如慈母嚴父古召杜不之過也政餘則集郡校之賢子弟親課其業一夕屏騶馭入學舍察諸生勤惰見籠燭焉問之曰陳學官出巡號耳公翌辰昇膏油二百斤來助燈火費曰師生能勤勵若此是舉其職也汚由是斌斌然多文學士矣六年遷南京刑部員外郎去之日黎老垂泣以送公亦爲之感動賦二詩道忠信焉正德中有司奉公神入祀

名宦而民之思公者久益不置也乃謀更祀公嘉靖壬寅監司池陽柯君嘗即東故臺結亭以眺民因請以其前隙地創公祠柯君曰是民之義而吏之表也其誰敢後之乃命知州王君崇文即臺構堂三楹翼以兩序前爲儀門又前爲大門題之曰遺愛民老幼咸欣欣然走集其下供俎豆也祠成公仲子少宗伯毅齋適奉上帝命告事顯陵取道於汚遂即新祠展謁焉汚之父老若縉紳士咸趨而觀曰是嘗從孫公官吾汚者也仁人有後豈不信然哉崇文乃以內方童庶子狀馳使都下乞予記其事余惟祠者思也思其人而祠焉者也昔聞公之守延平遠數千里而化成至於今垂六十載也民之思公者無間於遠近今昔若謀而同焉此豈有政令徵發期會哉忠信之所通人各由其誠以趨所慕欲如水之於下不召而自來豈非道之所符而自然之驗耶故曰君子之道其感人者深矣夫延平之民猶夫汚之民也天下之民亦猶夫延平之民也向使公得究其志於天下則天下之民將必有被其澤而思之者矣旂常行賁之勲尚足道耶然公之身雖不能振於有位而能使其民廟食百世公之施雖不能究於其極而能使其子食慶

張龍湖先生文集

卷六

大

報無窮天道之微豈不昭然可窺測哉余故爲之記俾刻石祠下使後至者或觀而興焉詞曰維汚之陽今爲公所理維汚之民今思公不已瞻彼新祠今老少咸喜歲時報祀今俎豆牲醴彼峙者山兮彼流者水維公之神兮其或來止慰我民之心兮維百斯世

北堂玩適記

梅巖思悅其母雜花草禽蟲人物繪爲圖時奉披覽焉題曰北堂玩適君子以爲能養情矣花之族凡三十有一紅者白者紅白間者數本開者半開者落者

張龍湖先生文集

卷六

九

莖者實纍纍者數本風垂者露浥者數本蔓相附者枝相倚者數本玩之無弗可適焉禽之族凡二十有一飛者鳴者啄者飲者鳴相和者飛相逐者舞者羣舞者飛欲止者棲者浴者交頸立者怒相攫者大小爲鳥凡七十有一玩之無弗可適焉草之水面浮者岸附者陸而蔓者陸蒙茸者渚生者生下田者凡六事蟲之族爲莫辨爲虹蜺爲輶爲蜚爲蠶爲蠶爲蠶爲蟻爲蜉蝣爲蜉蝣爲蠶凡九種玩之無弗可適焉龍而躍者虎而嘯者兔撲藪者牛癢摩樹者鹿牝牡戲者凡五事舟漁者一人讀者一人坐披閱而有所思者一

人玩之無弗可適焉龍湖子曰圖以度衷也梅巖子其知孝矣夫花華也華以昭質見其華則思敬身之儀乎禽勤也勤以敏功見其勤則思克物之慮乎草藻也藻以潔德見其藻則思中樞之純乎獸受也受以廣道見其受則思全歸之安乎蟲窮也窮以盡物見其窮則思究變之知乎人仁也仁以長世見其仁則思敦土之愛乎夫六者悅親之大也衷有焉圖以度之梅巖子其知孝矣

龍田賀氏祠堂記

藤丞賀子宏初作始祖祠始祖曷以祠厚本也始者

張龍湖先生文集

卷六

壬

孰謂謂弁也何以始弁尚親也親昉於此乎前此永新令憑始良坊矣唐學士知章始會稽矣前此曷爲始乎此托始焉爾何爲托始焉爾龍田之始也何始乎龍田邇也惡乎邇其視良坊則已疎視會稽則已怠矣禮乎曰義也義者禮之實協諸義而協則禮雖先王未之有可以義起也御史子寬復賀氏五世之祠興其秩節禮也子宏作始祖祠因睦合族者義也禮義之所起其人道之紀與夫祠之爲言思也君子思其身則思其親思其親則思其祖思其祖則思其天天者物之始祖者人之始禮曰致反始以厚其本

知厚其本則仁孝之道生矣先王之祭川也必先河而後海或源也或委也所以教民反始也夫始始也必始委也始始一也始委分也知其一則莫或不敬矣知其分則莫或不愛矣是故自弁之始而始之則所謂良坊之賀者無不合矣自憑之始而始之則所謂會稽之賀者無不合矣又自知章之始而始之無窮焉則所謂天下之賀者無不合矣無不合則無不愛且敬矣自弁之始而委之則所謂龍田之賀者無不合矣又自宏之始而委之則所謂百世之賀者無不合矣無不合則無不愛且敬矣無不愛之謂仁無不敬之謂孝合敬同愛之謂無二無二天也君子合諸天道由仁孝見之矣故曰思其親則思其天也然仁主於盈先王之制禮經而等之也孝主於約先王爲之義起推而進之也盈而正約而達夫然後愛敬行矣愛敬行而後民行興民行興而後風俗美風俗美而後王道成萬物理上下格矣而皆本之禮義故曰禮義之所起其人道之紀與祠有度有容有恩有訓素樞單席器弗越物弗侈田廩共惟藝度也爵散時獻缶壺疏鴈脯俎備物爛孰敬饗容也祭之日少長咸集序昭穆之倫焉比親疎之等焉同卑遠之情

張龍湖先生文集

卷六

壬

焉恩也凡祀祖之阜德則與阜功則與阜獻則與阜
貴則與非此類則弗以從訓也故四者之道行則孝
子慈孫之義備矣詩曰孝子不匱永錫爾類將不在
茲乎

修倉廩題名記

司空繕部郎僊居蔣子良化董脩倉事間語誦治曰
子未知是役之重乎治曰願竟焉蔣子曰國備惟戎
戎備惟食國家之制歲令民出粟四百萬石漕以入
日要月成歲會角輶贏縮度數多寡司徒主之漕卒
百萬漕士十千海漕之總一河漕之總什一內督一

張龍湖先生文集

卷六

三

外督三稱賢比能司馬主之邑會則上之郡郡會則
上之省省會則上之部邇慢維績廉事以最天官主
之邦畿之內泰庾十一庾列而為廩廩凡千四百二
十有四廩比而為楹楹凡七千一百鳩財貶費飭壞
振毀司空主之司空上卿歲視大夫月視監工日號
匠人斲陶人埴埴圻人塗板幹時裁風雨與覆宇謀
鳥鼠與封塞謀燥濕與爽塏謀虞戒與扁絨謀罔或
不良凡此以重民也予嘗聞之粟之入也石費五倍
歲足靡盈歲歉貸之漕卒百萬歲月而後達民力之
艱曷可說矣而復委諸風雨鳥鼠焉不旣殘乎殘民

實瘁國其如何予是以爲茲役之重也不可不慎也
治曰允如子之言矣然子之所虞者風雨鳥鼠也又
有甚焉冗靡食貪濟貨奸牟漁侈不藝四者之行民
病久矣屏力不滋無能豁壑風雨鳥鼠何以加之是
故古之爲國者食不足則脩冗政不足則修貪度不
足則脩奸用不足則脩侈治不足則脩德國其無以
踰此矣蔣子曰子知子職焉耳若子之言非子所職
也雖然子言遠矣他日蔣子於廳事得故礎礧而可
碑復語治曰君子之政思師人也思師言也昔之與
是役者衆矣令行鑿鑿予欲考其人與吾子之言義

張龍湖先生文集

卷六

三

將并勒之以朝夕觀取訓焉且俾後之人知所感而
起也何如治曰子善矣盡衷事事報國之忠也語事
及民惠物之仁也因往以樹取善之知也大慮首物
作率之教也四者善莫大焉蔣子以告之少司空童
公中貴梁公具曰由蔣子之言可以知忠由張子之
言可以知固忠固之道可以久矣命蔣子立石

志海樓記

一泉羅子初作志海樓旣成治造焉曰美哉居乎枕
流背郭環茶之秀可攬而有也游乎息乎耽沈逸乎
葆薰潔乎潛冲積乎羅子曰岳也蚤弗學恣於情性

聰明弗開自吾遊南雍受學甘泉之門而後知興矣
辨義與利吾得訓規焉敬終與始吾得心性圖焉至
善之理費隱之旨吾得訓測焉合內外徹上下吾得
遵道焉該體與用吾得二業合一焉會博與約吾得
明新焉訓規約也心性覺也訓測廓也遵道樂也二
業卓也明新沃也吾以是興矣吾歸而浮天塹跳匡
霍涉洞庭雲夢望衡嶽而止之夕乎上封恍恍然若
有得也夢從公觀海焉其神之交乎退而藏諸洙水
之瀕觀川流焉悠悠然若有契也久而不能忘乎海
樓而識之其情之怡乎馳昭曠之域縱麻覽之懷則

張龍湖先生文集

卷六

五

岳也惡乎敢治曰善今夫水則有蹄涔溝淖池湖江
海之異矣是豈水之本哉其趨則然也是以君子思
慎其志古之爲志也以道爲海今之爲志也以富貴
爲海故溺焉者衆矣曰君子何貴乎海也曰貴其有
本如元氣混闢而無窮也是海也不息其久是海也
埤下裾拘必由其理是海也其汪汪乎不盈不竭已
潛而澤是海也孟子曰原泉混混不舍晝夜盈科而
後進放乎四海其此之謂乎是故君子之學知本斯
立立斯誠矣不息斯久久斯安矣漸斯達達斯遠矣
大斯合合斯貫矣是學海也夫海至而波生焉故物

潤而無迹道至而文生焉故物訓而能化夫訓規也
心性圖也訓測也遵道也二業合一也明新也其猶
波乎約也覺也廓而卓也樂而沃也猶波之潤乎所
本不存焉弗志其大而徒枯澤之溺也惡沱乎揚波
煦潤而舍其原泉之混混猶望洋哉是故實而出之
存乎本強而至之存乎久優而循之存乎漸溥而合
之存乎大章而明之存乎文推而化之存乎訓知而
由之存乎趨默而成之存乎志羅子喜曰乃今知甘
泉公之道爲有本矣

張龍湖先生文集

卷六

五

張龍湖先生文集卷之六

張龍湖先生文集卷之七

雜著

壽劉希哲

卽司訓劉子希哲退居梧岡巴司訓陳子勉之退居墨莊墨莊子曰於異哉數與梧岡子之同也儒而習之其業同仕而官之其秩同祿而食之其地同處同志也戚同誼也歲同齒也於異哉數與梧岡子之同也已丑六月劉子壽陳子以語諸治曰子能有以壽之乎治曰歲登齒也德登壽也弗齒焉壽也弗壽也齒焉弗壽也壽也在同或異矣然而劉子壽曰何居

張龍湖先生文集

卷七

一

曰考視其所始履視其所取劉子知所取故曰壽矣曰請詳焉曰君子仰觀俯察同物象德劉子居取於梧岡其知所同而象乎夫梧弗揉而直其示人以質矣弗樹而揚其示人以立矣斲而庸之可以梁柱其示人以材矣實甘以珍維鳳止之其示人以潔矣夫岡隤然其示人靜也巋然其示人貞也廓然其示人廣也俯然其示人養也是故君子同焉雕琢復璞蓋取諸質充訕弗回蓋取諸立達物綜世蓋取諸材瑕垢弗變蓋取諸潔弗忤弗距蓋取諸靜變常克一蓋取諸貞纖巨並蓄蓋取諸廣物入不競蓋取諸養故

質則能性矣立則能誠矣材則能仁矣潔則能明矣靜則能守矣貞則能久矣廣則能有矣養則能變矣能變之謂謙能有之謂大能久之謂恒能守之謂固能明之謂哲能仁之謂惠能誠之謂聖能性之謂德此八者皆壽之道天下所同也劉子居取於梧岡其知所同而象乎故曰壽墨莊子曰善哉子之言壽矣斯君子同入之道而子所願同者也否則惡乎壽又惡貴乎同

機理篇

二峰朱子居諫垣與龍湖張子遊嘗劇論天地人物

張龍湖先生文集

卷七

二

古今世變二峰子輒慷慨激烈思興起古之人而與之競馳千祀一不得所欲則拊髀太息悵然有餘憂也嘗曰言貴成事矜小智畧大務揭揭崇譽而或以階禍人國也奚言之貴哉是故憫時艱難以天下力任之弗少避凡事局震衝紛糾勢搶槍人罔不恐焉岌弗安二峰子輒言之言入而指犯櫻逆禍叵測也難言之氣如是乎颯颯哉日昌也是故平亭獄獄則刑罔及不辜矣陳灾省咎則天戒咸若矣章遠錄廢則才賢弗遺矣飭外經內則安攘有道矣斥賄黷勵

臣節也罷官鎮謹履霜也備法制振兵紀也抑工技
慎名器也凡此皆觸人之所諱障隤流而返也何則
其明於是非之辨合道德中機理也屠牛垣一朝解
十二牛而銚刃不頓其機理之謂哉昔也二峰子嘗
被命校文試精別妍醜不忒若素人罔不服焉又嘗
與張子共被命校武試精別妍醜不忒若素人罔不
服焉夫鑑不私於形而後物之形不遁也尺度弗競
其用若定二峰子有鑑度矣其言也豈不明是非合
道德中機理哉夫善繩之匠不能必木之皆理也瘡
結拳曲是故有遺巧矣善診之師不能必風雨寒暑
之皆得其時也橫沴關格是故有遺治矣君子之術
豈不劑權萬化經制一世哉而不必時之皆可爲機
而窒焉理而詘焉君子亦如之何耶是故二峰子有
餘憂焉己亥二峰子陟丞應天夫應天國之本也建
官置秩南北並重焉祖宗之慮豈不神聖哉江東北
數郡之賦國家倚命也民疲於多役日割膚以贖弗
給輯而厚之俾國有永恃焉亦當世之機理也與二
峰子將別凡同事於科者以張子嘗辱與遊也乃命
贈之言作機理

物解

張龍湖先生文集

卷七

三

譚洪應甫嗜栢樹之曠軒龍湖子私焉作物解以廣
其意曰君子考中度物比物醜德昭德成身故物者
通乎人道矣夫物不類散乎垓極而子獨嗜栢尚無
有以度乎孔子曰歲寒然後知松栢之後彫也言貞
而幹也詩曰松栢九丸是斷是遷是斷是虔言貞而
材也舜之華惡乎幹樗社之木可以蔽牛而無所庸
惡乎材貞實之道君子尚之矣夫有所玩亦有所喪
君子之行思其與也思其處也是故與物興舍而同
其波曰逐物內韞以其軀纏繳曰累外與之而中距
焉曰寄無出訢無入距填填乎曰忘同視萬物和以
張龍湖先生文集

卷七

四

天倪而吾不舍曰一震衝焚繆不足以消成曰貞外
內貞復曰實質而立曰幹實而任曰材質用弗貳曰
德君子尚物於是爲至其德昭也故曰比物醜德昭
德成身若以玩焉巴越之珠錦其可盡乎惡又以栢
爲貴耶故曰無視郊草勤而不芸無吹劒首快而不
鳴

釣衡

賀子汝勛北學成均將歸揖張子而別之曰子將有
以告我乎張子曰昔也登徒子受釣佞洲問其道佞
洲曰洪竿脩綸釣若細鍼餌若蛆蟻釣之具也相水

勢而施之頡之頡之委縱收斂與魚浮沉及其解施因而獲之釣之術也二者俱備乃釣之衡曰釣益幾富曰吾嘗挾竿陳餌仰綸飛繳乎河水之渚矣鯉鯽鯢魴鰭鱗鰕歸鯊鱸鮠鰾得而市之比價倍視農畝二三盆既而涉雲夢歷彭蠡遊龍門益卑其技鮪鮓鱮衡鯢鰾得而市之比價徒視農畝數盆不已去而之海上伺鰲焉擁踴頓踏扼蛟吮仆螭室驅白鼇叱馮夷周章溟渤然後折其翼而拔其鰭手而市之比價萬視農歲十千然不免於波濤幾矣登徒子曰盡之乎曰未也渭水之陽桐江之濱有大鼎焉吾嘗拔吾釣而繫之於一絲之上矣獲無算釣之名乃擅萬祀登徒子曰若是乎釣之大也技成而無所庸有終身鮪鰾之喙而弗飽者矣曰具物以得魚者人也物具而不得魚者天也吾聞物具而不得魚者矣未聞無具而可以得魚者也無具而得魚鱸人無乃弗餒于蠹故善工者利其器善陶者正其刑善漁者先其具君子曰是知道者也具以事事務立本也相勢不迫厭飫自趣也薦遠自邇循序有漸也得喪求諸天以順立命也賀子洵尚乎是道之基也患無獲乎易曰君子藏器於身待時而動何不利之有賀子

張龍湖先生文集

卷七

五

退而喜曰人貴樂有法言也張子乃書以別賀子賀子拜受而去

言馥

蘭物之馥也有馥者有馥馥者夫馥馥馥之至也馥其馥而能馥馥焉馥斯遠矣憶蘭翁種和藝淑以滋有馥馥然祀弗以爲鬱享弗以爲椒也竟掩其馥以委茲天之未定與而不盡之馥乃大發於梅巖秘光蔚掀拓爲國家之馥其膏沃之源浸洽百物爲楚蜀之馥馨德弗厭羞諸宗廟垂諸旂常與黍稷琬琰爭馥焉憶蘭之馥於是乎蒸蒸乎世表矣昔王祐植三槐於庭曰吾後必有顯者夫顯豈必於槐哉有植植者以托之槐焉斯植之至也馥豈必於蘭哉有馥馥者以托之蘭焉斯馥之至也不然商邱隱谷之中雲立而風汎者則亦何限其何馥與植之能遺耶蘇氏曰天定固能勝人人定亦能勝天故人定馥吾之馥而天之馥從焉憶蘭以馥馥而處天之未定雖不冀其後之馥而馥卒不可已梅巖處天之既定雖馥不恃焉而馥馥不已是緝馥於家養定於天也則夫馥之遺於邨氏者其寧有窮耶故曰馥斯遠矣

散教

張龍湖先生文集

卷七

六

秉清曰散教明志也夫無所係於物之謂散無所屈於物之謂教君子之道有所散有所弗散有所教有所弗教羽儀霄達纏繳弗及可謂散矣而蠢迪檢押作罔不克咸弗散也塵垢百物芥莠纓組可謂教矣而哀多益寡稱物平施咸弗教也是故君子散其外弗散其內教於物弗教於德散教之至也故散者不自謂之不散而不散見於心雖自謂散人猶謂之不散也教者不自謂之教而不教見於心雖自謂教人猶謂之不教也秉清知散而教矣其內與外物與德必有所擇也作散教

張龍湖先生文集

卷七

七

周氏誌窮卷

夫窮與達異情而實相成也夫人之道有無相生張弛相用屈伸相感進退相倚其機若環不可究焉是故善處窮者必守之以達則窮斯達矣善處達者必守之以窮則達無窮矣予觀周氏方梯雲之死也遺孤皇皇寡獨爲命若旒之墜於地而懼其絕可謂窮矣然而婦姑怡怡方撫其孤而安焉不以貧乏少奪其志視荼苦若飴之甘也斯非守之以達者乎中丞奮起巖廊金紫若若務德樹勛以施王國流光無窮可謂達矣然每道其先世之窮則嗚咽不自勝或繼

之泣焉不以榮達少變其念視富貴若窮人無所歸也非守之以窮者乎夫窮而守之以達者順天者也達而守之以窮者保天者也順天則怨尤之心泯而所以思勞於善者至天之祐從之矣其窮也寧有不達者哉保天則仁孝之心篤而所以思檢其身者日周斯人之行歸之矣其達也寧有窮者哉是故知窮而達是以不窮知達而窮是以常達天之道微矣故曰窮與達異情而相成也

讀周氏旌節卷

張龍湖先生文集

卷七

八

古者言立孤守死二者有難易豈不誠知道哉夫死固難矣而立孤非忍百死者不能也其不尤難乎易曰恒其德貞婦人吉夫恒貞者婦人之義也即不幸而值其變焉則抱義終身或截耳斷鼻以死亦其道然耳若夫忍百死以存人之孤引其夫之緒於既絕則夫爲不死矣其功不尤烈耶周夫人許氏嫁再菴而其夫梯雲死舅姑焚焚遺腹在腹一綫之命蓋岌岌耳使許守溝瀆之諒以自決焉則周氏之鬼不食梯雲有遺恨矣乃能忍一死於兩月之後以待其孤之育復能忍百死於二十年之久以俟其孤之成卒使中丞嶄嶄成立掀震海宇亢周宗而大之家有孝

子國有賢臣則夫人之功視區區抱一節以貞者其難易輕重何如哉故曰死天下事易成天下事難嗚呼觀此則君子不幸而遇天下之變其難易輕重當有所擇矣

讀路口周氏族譜

家之有譜猶國之有史也故觀於史者知勸戒焉則天下無亡國觀於譜者知勸戒焉則天下無亡家是君子重譜也安成弓岡周公起進士爲行人爲御史爲大理爲御史中丞天下風溼稱良臣也嘗語吾平生所爲不求人知求天知不求天知求心知夫心

張龍湖先生文集

卷七

九

者忠孝之本而勸戒之具也中丞旣以其心爲國之忠而又懼其家之無以廣其孝也乃輯周氏自路口而下者類爲譜以垂諸周之後人凡以譜其心焉耳是故譜也者普也所以普其心以普諸其後者也爲周之後者誠觀於譜而得其心焉則周之昌也其有窮哉蓋譜必有始也必有委也自周之始者觀之以至於吾身之祖父伯叔兄弟焉一氣也又觀夫始者以至於無窮焉謂非吾一氣乎皆吾之一氣則皆吾之所當愛且敬矣自周之委者觀之以至於吾身之子孫與夫伯叔兄弟之子孫焉一氣也又觀夫委

委者以至於無窮焉謂非吾一氣乎皆吾之一氣則皆吾之所當愛且敬矣合敬同愛是謂孝弟孝弟之極可行於家可化於鄉可達於天下其道不遠且大哉是故能孝弟者則家所由興否則覆墜隨焉勸戒之意可不油然而起耶故曰譜也者所以普其心也爲周之後人誠觀於譜而得其心焉則於國爲良臣於家爲良子弟使天下世世稱良族焉則周之昌也其有窮哉若夫侈曹文物之華以號諸人曰是族之雄也則中丞之心荒矣孟子曰所謂故國者非謂有喬木之謂也家亦然周之後人慎毋以喬木視茲譜則庶幾乎得中丞之心

張龍湖先生文集

卷七

十

贈潘封君七十壽言

疊峯潘子希平以留都地官郎出守長沙被除其志樹本而勤度政三月而和乃奉其父味菜翁來就養焉潭之若士與民見而起曰龐而樸翼而有儀其長者之風與宜有是子也其僚佐與屬之吏見而起曰言而度行而則表裏弗貳其古之君子與宜有是子也五月翁復歸於歛明年辛卯二月翁壽七十潘子曰父母之年不可不知也子父之年高矣與隙之駟競也庸弗懼乎書有之肇牽車牛遠服費用孝養厥

父母厥父母慶自洗腆鎰也宜十年矣弟鉉藝於南
雍辰弗爲稱觴焉庸弗憂乎別駕馮子曰耀聞之大
盈若冲其用不窮公崇蘊而晦施葆光而嗇和是謂
深根固蒂長生久視之道且也子之昆弟之彥爲國
家用珍公式服有寵榮榮斯樂樂斯壽矣夫何懼周
子曰大孝敬身其次忠君其次愛人子行道於身則
公有餘顯矣移忠於君則公有餘敬矣敷惠於民則
仁莫昭於衆之譽也仁以本之譽以徵之本仁徵譽
以應成德有弗壽者乎夫龐而樸質也翼而有儀懿
也言度信也行則敬也表裏弗貳考中盛也崇蘊晦
施淵發聖也葆光嗇和正性命也斯仁之立乎被除
其志精出往也樹本勤度亶厥章也行道光也忠君
明也惠民愛也斯仁之遺乎夫公能仁其身以及其
後潘子復成其身以成其親百姓歸之名爲君子之
子其究也壽寧有窮耶夫是之謂不朽詩曰樂只君
子遐不作壽樂只君子德音是茂又曰孝子不匱永
錫爾類其此之謂乎潘子喜曰夫馮子之言順也是
壽之道也周子之言大也是壽之貞也張子之言博
也是壽之域也由馮子之言可以樂由周子之言可

張龍湖先生文集

卷七

十一

榮壽篇

以樹由張子之言可以成鎰不敏亦惟二三君子之
言是嘉乃倅以告子鉉俾鉉歸誦之以爲公壽

大理鄂陽沈子旣得告將歸焉謁龍湖子而請曰人
子之志於其親惟榮與壽之是樂也昔予先大夫大
叅公之章顯於世也樹貞而標忠茂惠而崇淑其教
也惟子後之人是庇是訓嘗謂予父訥臯處士曰人
之道惟忠孝是閑予弗墜汝其力續之俾沈有昌緒
予父受命而力焉朝夕弗敢逸積數十年弗利於世
乃曰君子惟身之脩其達與塞固弗可必也乃欽其
道以淑諸家事大父母盡孝焉事季父盡友焉而家
之人從之又推其道以淑諸鄉言而壇宇焉動而檢
押焉義聲融融焉而鄉之人從之予兄弟甫有知也
則教之曰人之道惟忠孝是閑予弗弘女其力大之
俾沈有昌緒予兄弟受命而力朝夕弗敢逸嘉靖丙
戌兄丕舉進士令山陽予父時以薪米往焉戒之曰
俾汝無慮衣食也可以殫志於民矣乙未垣復舉進
士觀政於朝予父時以薪米往焉戒之曰俾汝無慮
衣食也可以殫志於國矣丙申予職於大理會天子
大推恩廷臣於是予父得封如垣之官母倪孺人偕

張龍湖先生文集

卷七

十一

榮焉今年予父壽七十又二康而安樂而愉愉母倪偕老焉夫人子之志惟榮與壽之是樂也幸脩茲曷弗以自慶耶予歸將稱觴於庭子其侈言之子實惠予龍湖子曰忠孝者榮壽之基紀綱乎國家之具也夫人親之教其子也必使之仕以勸忠也人君之禮其臣也必及其親以勸孝也君親道相須而天下之爲臣子者勸焉王道出矣故子能敬其親而勸忠焉則孝益至臣能敬其君而勸孝焉則忠益篤忠孝立而國家之紀定矣夫忠孝之道大叅公昌其端焉洵臯引而弗替子大以達沈氏其有昌緒矣是故可以榮可以壽也不然則願艾期耄世之人其不踵踵乎沈子曰敬聞命矣人有至樂也其榮壽之謂哉人有至道也其忠孝之謂哉敬聞命矣作榮壽

陳志篇

鳳岡沈子德夫嘉靖乙未起進士被選入翰林院讀中秘書龍湖子在館局嘗與之論文焉鳳岡曰良才聞之文以氣爲主然氣之難辨也久矣憤抗者似義徑情者似直自是者似任是故憤抗之詞戾徑情之詞急自是之詞盈然而鮮弗撓矣君子知其然故欲乎無何有也歟乎若不勝也勿勿乎與陰陽化也大白

張龍湖先生文集

卷七

七

張龍湖先生文集

卷七

七

不白道以爲則是故照物而不眩響應而不可匱也老子曰道冲而用之或不盈淵乎似萬物之宗龍湖子曰其知言矣辛丑鳳岡爲吏科都諫龍湖子貳銓部嘗與之論賢焉鳳岡曰日月照察萬物雲翳蔽蓋則日月不明人主猶日月也羣臣多奸立私以壅蔽之則主不得照察臣下故奸日多而人主愈蔽山物之高者也地險穢不夷則山不得見人主猶山也左右多黨比周以壅之則主不得見是故亡國陪家非無聖知也其所事者非其人也亂世迷主非無腹心也其所取者非其術也君子知其然達其蔽慎其術而後天下之情可見矣書曰明四目達四聰龍湖子曰其知政矣癸卯鳳岡陟留都之大理丞龍湖子又與之論刑焉鳳岡子曰法者天下之儀也所以決疑而明是非也百姓所縣命也然古之刑也將以止刑今之刑也導焉而已導之非而刑之雖市日行戮不可止也君子知其然生而厚之禁而止之要以全民之命而不敢喜其情也康誥曰若有疾惟民其畢棄咎若保赤子惟民其康乂龍湖子曰其知刑矣夫學莫美於知言治莫大於知政理莫先於知刑鳳岡子達是三者則沛然矣是故其言不抗不激惟義與直

任重而不回通賢去蔽陳力塞違國經是貞由是以
弼教平枉奉民之生挽瀉而反之淳也吾見其沛然
矣詩曰左之左之無不宜之右之右之無不有之言
所藉者遠也鳳岡子將之金陵凡同事於諫者咸欲
予言以贈之乃作陳志

贈別胡子

張子治與胡子遊胡子問曰政教異施乎治曰天下
無二道民性異齊乎曰天下無二治胡子曰演之教
也始於承終於茶嘗有志於化矣往之攝於攸也茲
且令於循其將志於理乎然俎豆之不能爲敲扑亦

張龍湖先生文集

卷七

五

敲扑之不能爲俎豆也而謂無二道何居承民揚茶
民樸攸民浮循民慤故治有難易若力田饒磽異耕
焉若服馬馴悍異駕焉而謂無二治何居治曰教也
者效也政也者正也孔子曰子帥以正孰敢不正政
莫不爲教矣孟子曰人倫明於上小民親於下教莫
不爲政矣百昌雜糅天不異生焉地不異養焉聖人
不異成焉故曰曲成萬物而不遺是故合政教之謂
誠誠斯達矣同萬物之爲大大斯化矣曰有道乎曰
道莫章於規軸規軸莫大乎四時故達於春者其教
柔其政惠其民愉其化舒達於夏者其教章其政詳

其民暢其化廣達於秋者其教辨其政廉其民畏其
化域達於冬者其教貞其政肅其民固其化久故達
於四時之謂法天法天之謂合一合一之道可以教
可以政可以齊民可以成物是故謂之全人胡子唯

溫泉問答

里之鳩湖劉氏居焉湖有泉寒沍之月氣溫然可類
而浴也以忠愛之乃取以自號焉問於龍湖子曰吾
聞之水矣曾點浴焉莊周玩焉知者樂焉詩人忘飢
焉孔子取焉是果何重於水龍湖子曰物備其則人

張龍湖先生文集

卷七

六

哲其極天文也地理也陰刑也陽德也四時法也度
數節也五行氣也五材業也物罔不爾是故水之道
也混混而出晝夜不息既似有本者不盈科不行既
似序者行險不失其信既似恒者瑩明鑑形毫髮必
見既似察者物以汙入以潔出既似化者歷乎百折
險夷靡回既似貞者融液厚載弗變其澤既似仁者
勢之所至無弗仆焉既似勇者阜下異勢而一其趨
既似平者是故點適也周逸也知弗括也詩人悅也
孔子一也君子比之宜有得也否則水其憚爲人用
乎以忠曰然

述知

述知述所知也曷知乎有父子之懷焉有師生之貞焉有兄弟之懿焉有朋友之麗焉有離合之悲焉有進退之感焉有窮達之戚焉有榮辱之形焉有喜懼之懸焉弘治壬戌壺山先生來教茶陵治惇惇然困於蒿藿弱弗樹也先生曰斯材者與弗植其不免樵豎乎無乃廢天之良子爾植俾于成子則有休昔子先君子之教麗水也乃造多士予曷敢墮厥志爾邁實嘉子哉饑先生曰子其爾穀寒先生曰子其爾衣及冠先生曰子其爾弁及室先生曰子爾卜翼覆嫗

張龍湖先生文集

卷七

七

育浮於怙恃昭蘇攸藉焉斯父子之懷也治學弗深於苴訓弗誨於梗視古大狃斷斷然據弗變也先生曰是衷之疆乎誘之可以跂於理質姿巖弗柔視世故棘棘然弗欲脆志以降其趨也先生曰是慮之發乎裁之可以和於義道弗牽焉強弗抑焉開弗達焉彊度矯掖十年而反之道斯師生之貞也先生命諸其子曰爾錫爾章爾衢其傾於爾治式相好以友弗維同斯兄弟之懿也復命曰爾治爾錫爾章爾衢其相觀以善母燕朋是暱母燕辟是游與益同事罔弗興與損同懷罔弗隳斯朋友之麗也正德己巳先生

張龍湖先生文集

卷七

八

陟長沙甲戌令興贛丙子治舉於鄉庚辰舉於南省辛巳服有官乃典史局乃贊官秩先生已退居玉融矣廿有餘載風梗蓬靡定也斯離合之悲也先生之爲教與政也已誠而明大小曲離於范急病遜夷任怨不懼故物作而慮成時乃不哲偃仰弗表括而藏之以葆其貞其知幾矣斯進退之感也汝吉以書來曰龍驤蟻蟄異時與梁麗編葦異質與干邪鉛刀異能與施孟異逢與竽瑟異尚與何子以斧藻天下而予弗蔽其躬哉斯窮達之戚也又曰一貴一賤交情乃見蓋貴賤懸諸勢而休戚係諸情子休子則休子予戚子寧弗戚子乎斯榮辱之形也已丑先生壽六十辛卯林孺人亦壽六十慶弗能致洗腆隙駒受謝今昔靡好能無懷乎斯喜懼之懸也夫父子兄弟者恩之係也師生朋友者義之紀也離合進退窮達者迹之異也榮辱喜懼者情之暱也情愛而易博迹流而易曠恩義之至情莫親焉迹莫近焉何則恩者仁之澤義者道之域也仁道相考故動弗苟動弗苟故久弗奪久弗奪故疎遠弗間焉是故宣德考衆則父子貞矣作率慶士則師生允矣若彞昭信則兄弟恒矣輔仁敦德則朋友敦矣遐善協衆則離合一矣章

約思純則進退經矣正志白道則窮達同矣物入不競則榮辱通矣委順緣督則喜懼常矣詩曰心乎愛矣遐不謂矣中心藏之何日忘之易曰二人同心其利斷金同心之言其臭如蘭仁道之謂也索情而狗迹疾異而勤昵比焉耳則又惡貴乎知譏述知

大觀贈尹雙泉

雙泉子昔隱於畔休於莽蒼遂有觀也以爲小乃闕衡嶽歷洞庭南下金陵北遊燕薊望崑崙而反也其無諸夫蓬之心也君子務廣志焉張子乃作大觀曰觀有四其上無待於物其次待於物而有所樹有所待無所樹然而無蓬之心者又其次也其下不能待不能樹於物蔽於蓬已天地設位百昌雜糅聖人受曆百度順軌日月運焉四時行焉萬物出入焉王風同焉庶工明焉旅事總總焉六合縣僻四體拳跼易其化趣均焉耳比其類虛以會於一無天地聖人無大小貴賤遊乎其一一而吾無與故憂樂死生富貴貧賤齊焉是之謂佞同東國之人入秦華三年歸而無鄙心彼其於物未蓬蓬然也司馬子長南遊江淮上會稽探禹穴闕九嶷浮於沅湘北涉汶泗講業於齊魯之都危困鄙薛過梁楚以歸乃作天官浩然思也

張龍湖先生文集

卷七

十九

而猶有待也東西南北之人所適七十餘國畏於匡危於陳絃歌於蔡觀延陵之季子而往之間也南至荆東望於海西北於河彼且惡乎待哉惟佞同而後能無待能無待而後齊物齊物而後觀之道盡矣傳曰達人大觀此之謂也

承民篇

雙巖劉子彥卿授山陰丞謁龍湖子而問政焉龍湖子曰承承也所以承乎君以承民也夫君譬則親民譬則子也吏譬則乳保也育子者乳或弗良焉則饑渴驚癇之親雖慈不能幸其子以生也育民者政或弗良焉則顛仆窮困之君雖仁不能幸其民以安也故能承民者而後民承之矣曰承民之道維何曰在富之而已夫先王之富也藏於民而後世之富也藏於官今也不藏於民不藏於官而上下交貧矣先王之民弗可反已使富藏於官也其急也民猶資焉官復弗藏矣將必取諸民以益之益而弗得則誅伐行焉民懼其誅伐焉而共命是艱弗盜弗止矣上誅而下盜焉是階亂也故曰在富之而已曰山陰之民富矣富而益之無以滋侈與曰子不聞蜀與燕乎蜀富於木燕富於石也斧斤椎鑿歲相尋往求焉株拳而

張龍湖先生文集

卷七

二十

千夫仞丈而伯訾民力日就憊是木石之富以爲厲也矣木石非能厲蜀與燕也人厲木石耳山陰之民信富矣然因其富而富之操囊篋往伺焉則其富也有弗貧者乎是富也以爲厲也夫富非能厲山陰也人厲其富耳故民弗懼乎富也懼富之足以爲厲也君子弗懼乎民之富而侈滋也懼人之有以厲其富也書曰甘泉必竭直木必伐富厲之謂也傳曰爭民施奪厲富之謂也雖然彥卿往矣彥卿質厚而純恂恂然言動迪檢押敷之治必有豈弟之風也其往也可以承民矣民其維爾承君亦其維爾嘉

張龍湖先生文集

卷七

主

廣竹篇

院使林竹岡文明與龍湖子遊幾廿年情久益敬也龍湖子善之嘉靖戊戌九月十有三日竹岡壽六十龍湖子賀焉竹岡曰子何以壽予也龍湖子曰子嗜竹其以竹壽予可乎竹岡曰何居龍湖子曰昔人有言竹本固固以樹德竹性直直以立身竹心虛虛以受道竹節貞貞以立志子奉是四者終身焉則可以壽矣竹岡曰聞命矣然則四者之所以合於壽者何也曰子業醫醫仁之術也夫四者仁之事也故固者仁之地直者仁之質虛者仁之量貞者仁之守也以

仁之事行仁之術故曰可以壽矣孔子曰仁者壽竹岡曰聞命矣然則四者之所以合於醫者何也曰天道貴固地道貴虛人道貴直物道貴貞天地人物變化互形上下相召損益彰矣把握陰陽獨立守神壽敝天地無有終時非所謂固乎大氣舉之寒暑不入百昌乃形非所謂虛乎高者抑之下者舉之佐以所利和以所宜安其主客逆從同異非所謂直乎神機氣力外變弗屈謹道如法萬舉萬得內守正平長有天命非所謂貞乎是故君子守固以天也含虛以地也復直以人也歸貞以物也仁壽之道備於是矣故

張龍湖先生文集

卷七

主

曰子奉是四者終身焉則可以壽矣竹岡曰唯道生智唯佺生神乃今知醫之爲仁而竹之通於壽也龍湖子遂識其言以壽之曰廣竹

經教贈三學博

經教言以經教也茶之庠有三師焉奉化周子良佐饒陽趙子敬夫四會林子以善也周子治禮其教恂恂然而恭翼而有則八年而士知讓趙子治書其教典實而有恒通而不誣六年而士知達於政林子治詩其教溫而貞婉而弗流五年而士知返於性子治曰懿哉三子者之學夫經而能以教也夫讓德之制

也政德之用也性德之本也故知讓而後能知敬知敬而後能知和知和而後天下之行不過焉知達於政而後能知化知化而後能知道知道而後天下之治不陂焉知返於性而後能知樂知樂而後能不怨不怨而後天下之俗不淫焉先王之道以之教民君子奉厥訓而民效之故曰教者效也若三子者之教其使人效矣乎既而周子曰形勞而不休則弊精用而不已則竭葆形嗇精是以能長生吾衰之歎孔子不能已夢周吾倦矣母代鳥飛憊其羽翼其歸乎趙子曰乘時位以白道也達於道則達窮於其道以殉

張龍湖先生文集

卷七

五

時位不殆已乎吾不能久數數於是也其歸乎林子曰人子之道純藝黍稷肇牽車牛遠服賈以孝養父母父母慶自致洗腆予官五年矣以違父母如之何其歸乎一旦相繼解位而去治曰懿哉三子者之學夫經而能以教也夫進而知退者引年之制也約而思純者若時之哲也念不忘親者不匱之孝也故知引年者可以全生知若時者可以全志知念親者可以全愛全生之謂聖全志之謂明全愛之謂仁三者所以盡爲人之道盡爲人子之道也道之以身而民從之故曰以身教者從若三子之教其率人以身者

乎於是門之諸弟子咸相揖而進曰三師者其出同道也其處同道也惟子之言能章之請書之以志其別

求仁說

譚子孟乾別號曰求仁志將以自勗也宮采氏張子乃爲之說曰乾天道也四時之首曰孟四德之首曰仁故時首於孟而其運不忒矣德首於仁而其道不息矣運不忒天之所以生人也道不息人之所以合天也子兄弟者四而子長焉名以孟其猶四時之首乎夫四時一氣也寒暑不齊而流行無間焉兄弟一體也喘息不齊而賦受無間焉仁也者所以渾然而無間者有間則非仁矣子曰求仁將思所以合乎天之無間者歟故無間者可以勗身可以治家可以善俗可以傳可以書

說素

羅君曰明言訥而貌樸行恂恂如也自謂之曰素人謂之亦曰素因以素名其軒予嘗讀雲陽大家譜於羅氏之先見其能素仁焉於陳氏之先見其能素義焉則悚然起曰鬱望哉二氏其有餘慶乎日暘生於陳而育於羅者其能素也固宜蓋仁義素之源也源

張龍湖先生文集

卷七

五

之所啓其流之必昌與有源以印之流而後大是故天地素則至化行焉物素而文生味素而和入素也者德之地也聖王之所重也作說素

壽何燕泉

嘉靖甲午正月十日維燕泉何公六十有一之辰公之子鄉舉士承矩偁來以書謂治曰方也慶維我家君享有茲多壽寧荷天之庥子鄉知也其亦知所以壽之乎即然則方之慶也乃倍恒性治受簡而懼然弗敢辭乃敬拜手言曰天地之壽不息焉爾矣非高明博厚之謂也君子之壽弗朽焉爾矣非期頤耄耄

張龍湖先生文集

卷七

五

之謂也是故大壽不齒然而燕泉公有壽之大四焉曰家壽曰國壽曰天下壽曰萬世壽家壽之謂孝國壽之謂忠天下壽之謂仁萬世壽之謂貞夫四者謂壽之大也何氏自公某而下萌和發慶以翼物長世而公乃克承厥武秘秘然掀蔚後起以震乎無和世德作求有不匱之則焉斯不謂之孝矣乎昔公之在職方也兵紀是協使於西園戎事用輯弗數有北山之勞焉其在太僕也以考牧畿甸而騷牝三千匪愆匪逸有在垆之思焉其貳天官也以正典禮而國是主王度用貞於彛有匪躬之節焉斯不謂之忠矣

乎其叅夫河南之政也來旬來宣以敷厥惠澤乃究汴民咸休有江漢之寧焉其撫於滇也滇弗靖於夷公用戒戎作以遏蠻方而山石號兵白蟒飛遁滇民永綏於治有折衝之籌焉至於備兵之編恤刑之書愛囿百物以洽至和斯不謂之仁矣乎易疑初筮表真象也餘冬序錄盡物理也閒日分義徵事變也委心不瀆返真樂也至言粹義旁開聖則人紀用章弗絕有衛道之功焉斯不謂之貞矣乎是孝則家之壽藏焉而爲子者立矣忠則國之壽歸焉而爲臣者備矣仁則天下之壽藏焉而爲政者固矣貞則萬世之

張龍湖先生文集

卷七

五

壽託焉而爲教者永矣夫四者之謂壽之大也詩曰樂只君子萬壽無疆其此之謂乎是則所以壽公也若夫共摩挲銅狄人以與松喬比齡焉抑末爾惡乎壽偁來請以復於承矩承矩以爲然否

張龍湖先生文集卷之七

張龍湖先生文集卷之八

祭文

祭何瀟川文

嗚呼公何以遽然耶同鄉之誼榮辱進退死生存亡懸之哀樂斯情之常然而君子之身關天地之大係盛衰之運則又夫人之所獻歆而永傷也藉衡孕麓毓漢膺湘類楚之良銀艾卉壤昭闇淪章於維公靈人實弗忘曠形勢而相感余不自知其何嚮也嗚呼搞華奮英矯翼風雲曳黃拖緋位公與卿公猶夫人也邁樹崇醇葆端履貞爲世幹楨爲鄉典型東山之

張龍湖先生文集

卷八

一

後一人而已公貌若訕公言若訥大美不言明則不設容容晦晦大白不白至若探玄析奧發幽洞贖入夢錯遊醜髀居難當劇干將獨割殆劃然而劈也雕琢復樸決畛破域播忱推赤粥粥抑抑腸腎咸出若至臨利害仗大節引重鼎萬仞橫絕屹然而獨立也故其危詞足以攝時權真節足以抗逆豎競氣足以服強藩純義足以消獷馭徽慮足以弭衝寇沉幾足以克亂緒釋回弼違急病遜夷蠢迪檢押旁開五爨川流蘭郁掀蔚旁施聖王秉衷狂夫邁茶浮士首難儒腐裕蠱維公之望鬱爲衆樞協衷之化庶其有趨

國步弗臧天不憖遺春冰雨木中台圻移兩楹夢奠梁木其萎屈長算於短日頓遠迹於促途夷世之畧朽有一棺彌天之志竟於斧屋此人之所以永悲於公而公之所以自悲者亦或以是與雖然張子有言存吾順事沒吾寧也公復何憾體受歸全盈虛消息明昭昏曹在數則然公於是理實洞其佞公將藉永邁以潛寐而或委流化於無何有之天也耶燕楚萬里素車將啟臨風薄奠爲世道一哭也又不特爲同鄉之誼而已

祭劉副使文

張龍湖先生文集

卷八

土

維帝懷民維媪鳩靈誕毓明哲時乃作跡旣扈內美紛以脩能遐翥霄漢矯飛渤溟湛豪斗寒城玕川玲瑤空朱鳳海峰孤鸛聽民園土嘉石具平臯呂叅聽于張侔稱申弼風紀煎揚而貞穴斬妖挺社無託甍載宏戎畧特彼獷獍邊宇攸宅民堵斯屏苦楚以厚繁拒其捫我場惟畝我禧惟訥韓琦在陝充國先零主方倚毗衡聊司平昊天不弔濛汜遽傾翠岫翳景長湖咽聲嗚呼哀哉邦之無桀民孰與成某風景佞微維以有程籍知令子容羞娉娉諒休挹和實惻有忱頌存餘石絃留遺音侘傺生慨胡時靡興束芻遙

莫薄將我膺荒塵漂雨亂山鬱雲天風漠漠千里馳情

祭陽峰閣老文

嗚呼維公之生也蓋全楚氣運之所開即公之始終榮遇也君臣相得之爲難在昔吾楚以元魁登翰苑致位宗伯則有若襄陽之任華容之黎公蓋數十年而公始繼焉入贊台鼎以宅百揆則有若文定楊公文正李公蓋數十年而公始繼焉我朝百八十年之間鸞翔鳳翥僅此而已豈非全楚氣運之所關耶任黎舉寅清之職而其究弗極文定之歷事三朝更艱張龍湖先生文集

卷八

王

險而百折文正之遭世岌岌持干將而獨割惟公之出際今上之明哲經幄細旃從容論說金闥委蛇隆恩殊錫啓沃交修如尹如說及位秩宗入贊密勿始終榮遇以至於沒隆名融融寵光赫奕夫公能兼四公之位而得志行道完身全節蓋有四公之所願而不可得豈非君臣相遇千載而一日耶嗚呼公之凝重如任純樸如黎相業如楊文章如李昭勲華於當時流聲光於來世先後輝映則異代而一致者也公在相位天子倚毗中外忻忻太平可冀何上天之不憖詎一疾而長逝嗚呼已矣昔人有言惟有文爲不

朽惟有子爲不死公文可傳公嗣弗延有觀在旅誰侍几筵圖書在目誰紹其傳此公所不能瞑目而人之所傷悼而嗟焉嗚呼天之生物或修而培或覆而顛其氣之弗齊其福之弗完達人大觀孰洞其端在古則爾而於公又何間然公樞將歸丹旒素旂繡林之野公神所依某等夙以鄉曲之故受知門下有年於茲敬酬以酒而陳之以詞蓋上以寫天下之慟而下以哭楚人之私

祭壺山先生文

嗚呼慟乎予與先生不相見者十餘年矣其間動定張龍湖先生文集

卷八

四

猶得聞之音耗也辛卯先生使來知先生有未疾不良於行而猶聞先生之能強食也乃今訃音忽至而先生之沒且隔歲矣忍淚哽咽不能與來使相語語之則腸肺酸絕莫禁也先是數日之夕夢與先生相接精神往來曠千里而相感豈意先生遽止於此乎抑先生之精爽不能忘於予乎幽明之間一死一生今昔成傷如何可言如何可言嗚呼先生衣予食予冠而婚予教而成予固視予猶子也予則不能千里奔弔築場反哭而以父視先生也不亦尤可痛乎雖然先生言在予耳志在予心予雖不肖敢不勉厥言

踐厥志以求無負於先生庶或慰先生於地下也聞
山兮楚水渺漫兮萬里絮酒兮炙雞馳奠兮辛苦魂
絕兮無語淚紛兮如雨

張龍湖先生文集卷之八

張龍湖先生文集

卷八

五

張龍湖先生文集卷之九

墓誌銘

光祿大夫柱國少傅兼太子太傅吏部尚書文

淵閣大學士許公墓誌銘

國朝以文資世列上卿者惟靈寶許氏而少傅諱讚
字廷美別號松臯許先世出周文叔後至元有名成
者始家靈寶七傳而生教諭聚生進仕吏部尚書謚
襄毅事在名臣錄語中襄毅生八男子伯曰詔鄉貢
士次誥太子太保南京戶部尚書謚莊敏次即少傅
公也次記次詩工部主事次詞鹽運使次誌青城尹
張龍湖先生文集

卷九

一

次論右副都御史金緋銀艾後起通籍一時海內莫
京焉少傅生穎異弱不好弄十歲通戴氏經力學強
記平時手不釋卷弘治乙卯舉鄉試第五明年舉進
士戊午授大名府推官以明法舉職有夜殺人者取
其首以去曉起負薪者途拾其血刃而售諸市邏者
執以告拷掠之遂誣服公獨疑之曰豈有手刃人而
不秘形迹者乎久果得殺人者一訊即服乃釋負薪
者郡稱神明焉方士妄以妖言誣仇家詞連開州民
李志且旁引十餘人李志素儉者公曰志且冤矣况
濫及其他乎執弗捕已而方士果坐誣死壬戌徵入

拜陝西道監察御史乙丑以疾歸正德丙寅復出爲御史戊辰襄毅公入位冢宰公以例改翰林院編修閻瑾盜王鈇鉗織士類襄毅素不附瑾瑾銜之遂矯旨罷襄毅職莊敏調全州判官公亦調臨淄尹庚午丁襄毅憂瑾誅起復陞浙江僉事孝豐寇湯毛九集衆陷城邑公分地畫籌元克就擒戊寅陞副使巡視海道會宸濠反賊兵四出浙東西洵公潛募丁壯扼險待之民恃安焉未幾改山西提學公校士先理道而後詞章每試畢必進諸生於庭下論身心之要晉人士自是斌斌焉知向道矣尋陟四川叅政酉陽

張龍湖先生文集

卷九

二

施某者倚閹勢擅籍人財寃民詣闕訴久弗伸公至即按論如律庚寅改戶部尚書會諸省類報灾傷公奏議救荒便宜因條鹽法屯田及內府供億海戶冒濫宗室祿米十餘事上嘉納焉壬辰以二品一考廢子僉爲國子生甲午莊敏公卒母高太夫人邁危疾公乞終養弗許特令馳驛歸省尋丁太夫人憂是歲冢宰缺上意以屬公特虛以待丙申詔改公吏部尚書俟終制供職蓋異恩也服闋公始至視部事銓鑑品流劑量賢否一如襄毅家法天下稱公焉丁酉二品兩考進太子太保己亥進少保天子南狩承天公扈從尋以推恩給誥命進柱國贈三代庚子一品初考辛丑九廟灾公上疏曰廟灾宜策免大臣策免宜自臣始上允今致仕不逾歲復召公還公感上知遇益奮竭因疏銓曹積弊十餘條及防邊四事裁割抉剔咸當機宜甲辰以一品再考進太子太傅上歷試公知可大用乃進公文淵閣大學士典機務公既居密勿愈自抑畏與一二輔臣協恭秉議以翊贊上德乙巳太廟完進少傅公以久居大位連疏乞致仕上以公老成方隆倚用而公疏弗已與上意忤乃命公閒住歸至淇縣疾作足不良於行家居幾二載歲時

張龍湖先生文集

卷九

三

及萬壽節輒令人扶掖北面拜且祝戊申七月患滯下疾亟呼諸子弟曰吾世受國恩父子兄弟俱列上卿無可圖報今已矣爾曹毋作惡以忝先世且母厚葬以重吾過遂卒公生成化癸巳七月四日年七十有六公曾祖而下皆以公貴累贈如公之官妣皆贈一品夫人娶李氏累封一品夫人生子二曰備早卒曰俛以廕歷辰州知府乞便侍養詔改禮部員外郎辦中書事賜四品服側室王氏生三女長適都指揮張蓋臣次適國子生張良士次適庠生王陽生孫男二茂祿早卒次茂禎公性醇厚與物無忤尤善容人

張龍湖先生文集

卷九

四

君狀來乞予銘嗚呼予往在史局聞襄毅公克復哈密事及數歷中外諸聲績偉甚晚遭權監搆侮世共惜焉乃少傳公與莊敏諸昆弟旋以通儒躋立章顯人定勝天豈不信然哉後予貳政銓部獲朝夕侍公得悉公所行事故詳於誌使論世者考焉銘曰

許始受氏文叔之裔枝延澤縣不顯亦世啟慶發祥神降於嵩佐時膚敏曰襄毅公維襄毅公天篤忠斐載其嗣人降以繁祉嗣興英英彼季之賢懋簡在庭以紹其先我職匪躬無間中外總藩司臬垣屏斯賴帝度其能名掌邦域廼陟司徒國計是毗以長六卿式是百司帝曰女嘉惟朕有臣惟襄毅有子爾其弘亮以弼予躬公遜不居誌於初終崇秩鼎司象德濟美公懷謫歸帝俞其止大耋不愬星隕蒿邱公歸在天忠鑒不亡考德論世我銘其藏

榮祿大夫少保兼太子太保禮部尚書翰林院學士文通費公墓誌銘

弘治正德中兄弟以文名繼起翰苑者唯鉛山費氏弋陽汪氏皆信州人也而費氏尤盛文憲公以狀元位少師文通公位少保懋中復以一甲仕編脩風

張龍湖先生文集

卷九

五

乎世表矣文通公諱寀字子和別號鐘石其先出蜀費禕後元季名禾者爲弋陽尉因家焉故信州之費自禾始五世祖本二徙鉛山之官坂本二生廣誠復徙橫林廣誠生榮祖榮祖生應麒俱以文憲貴累贈至少師應麒生五男子曰珣鄉貢士曰瑄舉進士貴州右叅議曰璠以文憲公貴累贈至少師曰璵即文通公父也以文通貴累贈至禮部尚書曰瑞鄉貢士璵娶張氏生文通公文通在姪甫七月而誕弱僅盈掌然啼聲若鐘左耳下有七黑子識者知其非常人也長益穎異年十七補邑弟子員文譽日隱隱超羣

張龍湖先生文集

卷九

六

衆中正德丁卯舉江西鄉試辛未舉進士選庶吉士讀中秘書癸酉授翰林院編修時寧濠陰蓄異志以婁氏故欲結納公公拒弗近濠中銜之會濠賂倖貴謀復護衛文憲柄國持不可翌日矯旨褫文憲及公官比歸濠遣人陰伺之公微服從小舟夜數易泊所文憲舟果爲濠黨所焚僅以身免及抵家濠猶使羣盜劫掠掘墳墓已卯濠殺撫臣以兵叛公間道走贛州上書王中丞曰先定洪州以覆其巢穴扼上游以遏其歸路彼進退失據將成擒矣旣而寧濠敗誅辛巳今上繼大位復起公編修充經筵官嘉靖壬午預

纂修武廟實錄未幾丁母張太夫人憂乙酉服闋以實錄成陞左春坊左贊善公在講筵凡進講尚書孟子者四明白剴直上每改容聽焉丁亥陞南京尚寶司卿庚寅改右庶子兼侍讀掌南翰林院事癸巳陞南京右通政甲午改南吏部右侍郎蓋公之宦於南者十有二年凡六轉官焉丙申九廟覃恩給誥命蔭子懋學爲國子監生辛丑改兵部左侍郎上以公講幄舊臣壬寅復改禮部侍郎兼學士掌院事公應制奏靈雨嘉禾諸頌上俱見褒納冬至大祀園邱命充導引

張龍湖先生文集

卷九

七

官甲辰陞禮部尚書仍學士掌詹事府事未幾命掌部事自是舉大典禮儀朝政公咸得盡力焉上由是知公而眷之深矣乙巳太廟成加太子少保凡冊妃告廟及遣祭諸神祇咸以命公金幣之賜不絕丙午命撰佺儀諸文賞賚日益隆厚丁未考秩上遣中使賜羊酒寶鏹進太子太保賜飛魚服玉帶尋復加少保蓋欲大用矣久之公痔疾作治弗愈上益念公而公竟不起十二月二十三日也上聞而悼之輟朝賜祭葬贈光祿大夫謚文通遣官護柩理葬事公卒之明日上猶以金幣賜及其家嗚呼公仕三十餘年而

始與上遇上方欲大用而公乃弗祿焉豈非命與豈非命與然綸光焜耀震乎當世公孤之位輝映先後而恩寵之盛有文憲所未及者顧可不謂榮遇也哉初寧濠之構禍也羣豪信信幾成覆族而公周旋其間卒成保濟身名俱完非有識者能之耶使當世朝臣人人如公兄弟言則何至於勞兵千里而親勤六飛也公性易而氣和樂與人交而人亦樂交之人有一言之善則終身道之不忘雖貴富常以儉約訓其子曰毋淫天福耳至於篤故舊之誼卹孤幼之業捐山地以葬貧者種種皆仁義事可傳頌也公爲文冲

張龍湖先生文集

卷九

八

瞻溫雅而詩歌豪宕有古人風致每得句則行吟嘯咏撫掌而喜所著文集若干卷及鉛山志榮謝闡幽等錄藏於家云公生成化癸卯三月十四日年六十有六初娶上饒婁郎中野亭公女以產卒繼金谿吳中丞女復卒俱贈夫人子五人長懋學以廩授後軍都督府經歷調詹事府主簿側室楊氏出次懋升懋謙同壽眉壽側室掌氏出女三人長適刑部侍郎詹公子翔驚以嘉靖某年月日懋學葬公柩於某山之原銘曰

鬱鬱橫林維費之族發祥孕靈後起錄錄倬彼少

師秉國之軸少保繼之接武天祿少保之興振藻蜚英遭時遘虐幾及禍成旣明旣哲厥難以平間道走書不載其聲匪家之故國難是櫻龍飛之初陰翳咸斂公奮於蟄再歸翰苑沃心經惟有誠塞蹇靖直靡他匪石胡轉迴翔南國六歷閒階十有二祀帝心孔懷召典兵貳爰陟文台宗伯是掌寅清弼諧龍光煌煌錫予蕃庶公曰榮哉千載之遇矢報之忠斃而後已帝眷日加鼎鉉是倚疾而弗延命係於天或行或塞人其能然信江之里峨峨彭阡載詞幽石以慰九泉

張龍湖先生文集

卷九

九

徵仕郎戶科左給事中沈公墓誌銘

公姓沈諱漢字宗海別號水西蘇州吳江人也正德庚辰與予三百人同舉於禮部時武廟南巡未賜廷對明年辛巳四月今上自興邸入繼大位天下士忻忻然慶山川出雲之會也五月策賜進士公居二甲第五人天子更化之始思得賢俊布列言路公釋褐即趨拜刑科給事中殊選也公旣被簡遇奮然曰天下之是非係臺諫是非公則君子有所恃而不恐小人有所畏而不敢爲國家之治理出焉阿徇自容諂諛得失之小而無係於安危之大又或仰喙權勢蔽

賢妨正是養亂而惠惡也則言何賴哉乃知無不言言無不盡曰吾以塞吾責耳中官馬俊王堂自南京召至將復叙用公曰人君初命當慎刑賞重命令宦璫既斥而復進則倖門一啟不可再塞先鑒未遠也竟論罷之改元詔蠲四方逋稅公疏曰逋負之稅侵漁者半例加以曠蕩恐猾者生羨心請差別其等以惠良民又曰近日籍沒之訾不下數千萬悉發以補歲入不足之數則民受賜多矣上皆嘉納下戶部行下之草場芻豆歲鉅萬官監乾沒視爲利藪初詔命科道稽覆會有旨已之公曰凡國家之費月成歲會

張龍湖先生文集

卷九

十

載在今甲今弊蠹蔓延盈縮莫可考則弊將何極況渙汗方出而即反豈初政所宜爾耶自是中貴頗銜公矣會留都風雷之異京師地震公援漢五行志反覆數千言指切時弊有劉向之風焉至於論政體則言錦衣衛不當與刑獄論官人則言林司寇不當使去位論先哲則言子游當有專祠於其鄉皂囊千牘鳳鳴鵲擊正名分陳紀綱去邪掖正勵世表俗皆國體之大者時論翕然歸重初公之仕也奉母孺人就養燕邸癸未公疏乞奉母還詔許之既而廷臣以言累累獲重譴公歎曰是尚可言乎乃復以疾請得

賜告家食者三年丙戌至京師遷右給事中丁亥遷戶科左給事中會廷起大獄辭連權倖營蔽力甚理官持法不可奪尋有旨逮諸理官付詔獄人皆惴惴仄足立公上疏抗論曰祖宗之法不可壞權倖之漸不可長國之大臣不可辱賊之妖妄不可赦於是權倖忌公嗾當路害之公坐是罷拂衣歸吳中結屋傍幽勝處彈碁賦詩放浪山水間賓客至則掀髯鼓掌笑飲移日凡二十年忘其身之爲淪棄也丁未十月三十日忽遭疾卒於家其子嘉猷以予爲公同年進士乃持吳嚴州狀走數百里來乞銘嗚呼公已矣彌

張龍湖先生文集

卷九

十一

天之志藉以潛寐夷世之畧朽有一棺君子悲焉然其言在史局後世必有能表而書之者可以不朽也公生成化庚子某月某日壽六十有八高祖文浩嘗選力士曾祖敬甫祖麓父奎贈刑科給事中母嚴氏封太孺人配徐氏卒贈孺人繼俞氏封孺人子五人嘉猷嘉謨嘉謀嘉績皆國子生嘉禾側室徐氏出縣學生女三長適徐行次適毛圖南次適汝栢孫七仕化位倬僑僕儀曾孫三皆幼以某月某日葬墓在柳胥西原先塋之側銘曰

有言責者不得其言則去進而盡忠退而以義人

臣之道公復何愧載之貞珉以詔來世

刑部司務五塘陸君墓誌銘

君姓陸氏諱渠字元輔別號五塘平湖人光祿卿東濱公之子少司空石涇公之弟秋官主事胥峯之兄也嘉靖辛卯舉順天鄉試四落第於禮部乃謁選拜大理寺司務以疾卒於京邸明年戊申月日附葬於劔圍祖塋之左胥峯狀其事遣其子鄉進士光祚來金陵乞子銘嗚呼始予舉進士以疾得賜告歸適東濱公考績還至河上舟相及余祇謁東濱公休休乎寬厚長者也其禮余特厚越數歲予來京師始識胥峯相與道東濱公之舊又數歲識五塘五塘恂恂然古貌厚質宛如見東濱公也與坐談終日無一妄語令人樂愛不厭每持其所爲文以示予余讀之冲雅平妥雋然而有餘思然屢弗第弗第即攜家讀書京師故予得常常見之又數歲天子南狩余時扈從承天謁石涇公於行在所石涇公以中丞撫於楚也又數歲石涇公晉少司空胥峯舉進士官秋部五塘官大理余貳政天部遊於兄弟間跡甚邇未幾胥峯理刑淮南石涇五塘丁母淑人憂離去二三歲丁未春胥峯之子光祖舉於禮部乃獲爲余所取士會五塘

張龍湖先生文集

卷九

三

起復來京師懽聚如往時旣而五塘補刑部不旬日子過其門曰五塘死矣嗚呼余與陸氏獲交其祖子

孫三世未三十年東濱公歿久矣至於今五塘又歿焉觀於人世不重可悲慨耶五塘與人處外若不了而其中介然弗可撓每談天下事有不當意處輒愠怒見眉睫間其待諸兄弟極友愛常卧疾客舍幾殆甚適胥峯自浙中來五塘瞿然起曰弟來矣執手喜津津疾尋愈居家作二塾東顏曰孝廉西顏曰力田搆書數千卷貯閣中顏曰經史樓曰吾以此爲後人蓄畬也復築圃闢堂蒔花竹引泉疊石顏曰東園晚照曰吾晚歲將與吾兄弟共樂此也至於修先祠供祀之器歸彭彭客死之喪種種皆仁義事嗚呼使五塘得顯官能究其施則所建立當不止是而何遽至於死耶悲哉陸氏之先吳郡人唐開成徙居鹽官支至宋有諱旋吉者仕樞密傳數世諱士賢者徙平湖石牌涇又再傳諱宗秀者以義稱於鄉宗秀生珪珪生銀銀爲程鄉令有惠愛民立碑頌之銀生淞仕南京光祿卿嘗忤閹監下詔獄天下稱貞臣焉淞娶王氏封淑人生五子伯曰杰仕工部右侍郎次即五塘又次曰杲仕刑部主事又次曰集鄉進士又次曰

張龍湖先生文集

卷九

三

某五塘生弘治癸丑十月十有六日年五十有五娶譚氏艱於子育司空女女之長適太學生屠燧復育主事子光宅爲嗣後側室某氏生子光宙銘曰

湛盧濠曹千灌百辟有耀其芒一試乃折或偶而奇或消而息彼樞者天夫孰能測言斂其精歸於此室後之來者視我銘碣

故麗水教諭黃公戴孺人合葬墓誌銘

嘉靖甲申冬季子愚先生將襄大事使其弟泮來屬銘治幼從先生遊嘗曰子弗惠予維先人是惠先人曰部婁無豐植石柝無弘聲跋盪無遠跡不厚其積

張龍湖先生文集

卷九

十四

而有豐福也寡矣是故君子居則思誠其身出則思誠其物先人早失怙恃每誕辰或從而觴輒流涕曰人無父母生日當倍悲痛予不能忘古人之言也君子曰孝矣事長兄字幼弟睦如也一錢尺帛不入私藏處分家業必厚於兄子爲祭田書田各若干畝祀先作後鬱若世軌君子曰義矣成化丙申歲凶鄉多疫鄰有蔡宗者舉家方疫死人莫敢近子嬰焚焚若旒綴絕有委地勢先人曰見人之難而弗之能卹者忍也見人之孤而弗之能植者倍也乃葬其死移其孤置之他室日飼之粥孤用弗仆君子曰仁矣及教

麗水也蠢廸檢押軌度其則昭矇發頑維道時率人

用弗違邦有淳化君子曰能教矣卒之日門人遊士巷市相哭聚賻堅木俾善達於里君子曰愛形諸物矣懋德允行眷言弗忘昕聞在服維弗率予先人是懼予實弗惠治又嘗侍於先生使佐食先生食弗臧而有洵涕治問焉曰唯食可以忘憂先生食弗臧而有洵涕何也曰予宦三年矣食公之養而父弗逮也幸吾母在有遠無邇復弗能致洗腆斂天樂矣迎之報曰女朝夕其脩不訾於女先子之事雖弗女食猶飫也饗養瘞位淫德病物以貽女先子辱胃脯燼蠹

張龍湖先生文集

卷九

十五

其吐之矣女弗聞乎嘽嘽之德不足求也不可以矜祇離憂也嘽嘽之食不足狃也不能以膏祇離咎也弗就治聞之曰二三子識之黃之母可謂知道矣言不忘義蓋治事先生者十五年而所知於公者其大如此其細固可畧耳况青藍髣丹濡滌之自有不可誣者治雖弗文其何敢弗銘公哉公諱珏字惟玉號玉齋其先爲宋狀元黃定之後居永福林嶼元季有元鎮者始徙磨石祖通隱而善富永樂中大軍南征能以牛酒佐軍食爲參軍保定伯及萊鎮臣輩取重父濟弗壽公十八充邑庠弟子貢二十補學生成化

丁酉舉鄉試六十三人辛丑授浙東麗水教諭丙午
浙大旱官府日事祈禱公弗以位卑自避觸暑成勞
丁未七月十九日遂卒於官年四十有七孺人姓戴
氏大父某爲東安縣簿孺人自閑姆訓以至有家婉
慧柔淑實秩壺彞中失所仰而貞心勁節茹苦執勤
以撫有諸孤卒至成立家道日昌循績蔓發旣昭且
融以底令終可謂難矣嘉靖甲申正月初五日卒年
八十有四公卜地葬於里之天井巖下與孺人合葬
焉禮也子五人長汰次澹次泗門人尊之曰子愚先
生舉弘治乙卯鄉貢壬戌授茶陵學正正德己巳陟

張龍湖先生文集

卷九

十六

長沙教授乙亥進尹贛之興國文章政事屹若時望
諒實身幹急病遜夷古之良吏也次汾次泮女二人
長適定山處士鄭君次子旻次適龍江教諭項君潭
次子柯孫男子十三人某某曾孫九人某某銘曰
壺山之陽有奕其黃也維此碩人亦孔之疆也其
施弗昌厥譽孔光也亦有內相維家之臧也以似
以續弈世其芳也百歲之後同歸斯藏也載以貞
珉其永無傷也

故高淑人王氏墓誌銘

淑人姓王氏故昭毅將軍愷之女故懷遠將軍厚之

妻今懷遠將軍漢之母也嘉靖壬午十一月初一日
卒明年十有二月甲寅秋葬於州之西鄉第二三都
小冲之原丑艮山未坤向惟時世傑匍匐走庭下拜
慘慘弗置曰微吾母吾高氏之鬼不食久矣况有漢
乎吾母自成化戊戌來歸吾父壬寅生漢己酉而吾
父死矣妹在遺腹高氏無他兄弟宗屬可憑藉吾母
攜二孤焚焚焉若旒綴絕有委地勢備茹百荼羣憂
結膺頓踣疾瘁阨於危覆然志益縈弗渝常呼高氏
先而哭曰爾不棄爾祀當保有此孤也吾所弗能植
者有如日昭毅公洎外王母芮夫人憐之使挈二孤

張龍湖先生文集

卷九

十七

來依焉昭毅晚弗成於嗣吾母承興居終其身靡有
懈容漢能勝衣冠有知識母詔之曰女懋女德女弗
懋其何以子漢亦惟昕夕弗敢怠旣而襲父官事戎
政輻輳竹賁磬控縱送經制綜理日駸駸有成尉具
筐實不絕女嗣復森出妹亦適有良子吾母乃喜曰
吾子可以無憂也茲從女先人入地下無愧矣晚歲
尤儉勤剪製織紉弗置年六十有一而卒其生則天
順壬午十二月十九日也嗚呼吾母以百苦致有今
日高廟之食母實賜之漢誠不忍使吾母之泯泯也
子其丐予以銘子將以掩諸幽室不孝之罪或以蓋

覆子實德子張子曰噫孔子謂可以託六尺之孤而謂之君子淑人能不貳其志以成厥孤不貳貞也成孤仁也貞以幹之仁以終之德莫大焉子惡乎弗銘漢字世傑娶尹氏繼娶周氏繼娶譚氏女適明威將軍劉湧孫男二應斗應奎孫女一許徐喬銘曰

維居翹翹維子譙譙厥辰安在罹此百勞亦既蓄只亦既鬻只居既固矣子亦翻矣既昭既融以底令終有鬱斯封維以永崇

懷遠將軍茶陵衛指揮同知高君墓誌銘

君姓高氏諱漢字世傑別號一峯其先鳳陽人祖有

張龍湖先生文集

卷九

六

諱名者元季起部伍從太祖高皇帝戡亂有功洪武四年授羽林左衛小旗三十五年陟成都中護衛指揮同知名生善襲指揮僉事宣德六年調南丹豹韜左衛善生廣襲如善之官十年始自南丹調茶陵廣生能襲如廣之官景泰征五開賴崗天順征貴州東苗征廣西征榔桂勞且多乃復陟指揮同知如名之官能生厚厚生世傑厚襲職甫五載而卒時世傑甫八歲適明威將軍劉湧之妹在遺腹世傑與其母王淑人零丁孤苦煢煢焉昕而復夕乃外祖昭毅將軍王公愷與芮夫人曰吾子不幸而失所天幸而獲有

張龍湖先生文集

卷九

九

此孤高廟之食實是望之顧吾子撫焉形影相弔吾所不能安也令王淑人攜世傑往依焉世傑既成立高氏之鬼遂有食弘治丁巳世傑襲父官辛酉掌屯政乙丑掌巡捕正德辛未復掌巡捕乙亥復掌屯政丁丑掌衛篆兼督城操是時巡撫都御史秦公金屯田副憲汪公錫皆命有司盛獎勵之嘉靖癸未御史馮公紀命督修安仁縣學畢力事竣獎亦如之丙戌復掌巡捕庚寅寇掠鄺治繼掠茶陵東流策獲渠魁御史張公祿獎亦如之乙未復掌衛篆自服有官以歷諸政事皆稱能撫巡布按諸公莫不交相獎勵之謂其有統馭才茶之士若民咸以世傑馭乎將大用也而遽疾以卒嗚呼悲哉世傑生而美姿容頎然長者也騎射精絕每與儔輩立輕縹百步之外輒一發而中居官端潔自持苟且一毫不事性質直無回曲有所議論侃侃然面言可否雖貴勢不避也蓋其發多當理人自悅服之爾更聰慧喜書史公餘展閱即能明其大義至有嘉言善行可為服行者則孜孜記憶弗忘必以訓諸其子遇賢士大夫折節下之其所為詩歌手自抄錄賓朋廣會則出示之以求益賢士大夫亦因而樂取焉不甚嗜飲親朋至其室

必宴笑終日不倦壺觴交錯或夜分乃罷尤能篤嫺戚厚施予有不給者則賑恤弗自吝有疾患者在人所甚避而不敢近世傑必親往視之苟可用力盡意扶持其心之仁厚類如此御家尤有法内外井井僕從數十人三時督之於農農畢因能授事各有紀綱勸勤懲惰政若公府懷昭毅公芮夫人恩德弗忘事王淑人甚孝葬祭咸以禮三歲衰經不脫伏臘哀戚無間言之則顰蹙酸鼻潛然流涕也君子曰哀哀劬勞世傑能不忘其母矣初娶尹氏繼娶周氏俱無嗣而卒繼娶譚氏安仁順德通判珂之女也婉嫺貞淑生二子長名應斗字伯瞻考補郡庠增廣生次名應奎字仲瞻女一曰貞秀適昭勇將軍徐泰廕嫡曰喬庶次曰應璧則周氏之所出也世傑生成化壬寅五月其沒之歲爲嘉靖丙申十二月也壽五十有五子素善世傑世傑卒之一月予適以使命過桑梓旣往哭其子伯瞻匍匐泣曰吾父適辱公之交也公忍不以一言爲吾父昭久遠哉予尋且北歸於朝伯瞻亦以襲職來申前請嗚呼予旣知世傑也予烏得不銘耶因直敘其實而銘之俾歸而藏諸墓焉墓在睦鄉十二都地名東江口之原巽己山乾亥向葬以戊戌

張龍湖先生文集

卷九

二

年十二月二十二日也銘曰

子而能立於家兮厥祚孔光仕而能職於國兮厥武孔陽用而弗羸其躬兮厥祀乃昌後人視我銘章兮庶其勿傷

河南布政司左布政使豐山孫公墓誌銘

嘉靖丁未秋七月河南左布政使豐山孫公卒於家越明年戊申適余來掌留銓事公之弟戶部員外郎孟遣其姪官之守之來乞銘予嘗辱公之知也弗忍辭乃即栢泉胡大叅所爲狀而志之曰公諱存字性甫世家滁陽豐樂山下自號豐山好讀書博聞強記流覽古今傲睨宇宙縱橫闢翕八面咸敵而懷奇負氣恥碌碌隨人下譬之龍泉大阿光芒四逼凜然而人莫之敢撓然導大窾批大郤雖盤錯糾結醜髀韌哉獨游刃其間弗少避而亦莫不中理解迎肯綮也故天下稱才有力者必曰豐山豐山而人亦多以忌之萋斐成錦憎口日哆而公亦不爲奪其知公之深者則猶欲毗之爲緩急之用也胡鬱鬱抱志以歿嗚呼人固忌豐山矣而天亦忌之使不永耶悲哉悲哉公正德癸酉舉應天鄉試甲戌第進士釋褐授禮部祠祭司主事尋改儀制司三載陞員外郎生母李氏

張龍湖先生文集

卷九

三

卒乞終制服闋陞主客司郎中會今上入繼大統甫冠公上疏曰古者聖王重冠宜考古冠禮及祖宗之法舉行之以式天下上嘉納焉夷國貢無度公裁之俾有常數朝鮮使以私覲公拒弗見後使者至其國必問孫正郎在否蓋深慕之也汰夷館譯字之濫減六安茶貢之額已瀕乎罄矣壬午陟守贛州贛州素多盜公至擒渠魁王金鏢等十餘人斬於市自是盜相戒不復犯贛境癸未以父憂去起復補守長沙長沙賦重而善訟公蒞焉而髮櫛之歲餘疲瘁愉愉然乃修嶽麓躬督誨渾之士由是斌斌稱盛矣吉藩有張龍湖先生文集 卷九 三

繁重如長沙公條其利害數事奏行之處民務力穡獨苦旱公爲修好溪軀月二堰凡五千餘丈鑿洋彭峽謹其離洩可灌田千餘頃民甚德之尋陞陝西按察司副使兵備平涼甫之任陞江西布政司叅政未幾陞河南按察使擿發奸伏不法者數事寘以重典獄連貴勢人勢人辦書百出不能免然怨日深而謗日至而聽者又或過焉則公之位危矣尋陞本布政司右布政使轉左布政使省藩祿誤增之數裁諸府冗校禁宦寺濫給百弊咸釐焉癸卯丁黎淑人憂乙巳服闋即上疏自劾曰居官而費不已出是貪也慢令不免於致期是酷也藥餌不絕口疾也毀言日至不謹也法不行於強罔政無補于民生是罷軟也乞罷黜弗允而公亦無復仕進意至是遂邁疾竟不起壽五十有七嗚呼才可爲而行則寒志欲爲而年則迫非天忌之而誰耶悲哉孫之先爲元萬戶七世祖曰仁者從高皇帝起濠梁下滁州遂即郡之白米山家焉仁生慶慶生會會生和和生允恭正統丁卯舉鄉試爲嘉通學教諭遷贛州學教授以善教名允恭生學舉成化癸卯鄉試累不第授建寧府推官峭直不阿以政聞於閩學生子七人公其仲也以公貴祖

父俱贈中大夫江西左叅政祖母鄧氏嫡母李氏俱
贈淑人繼嫡黎氏封淑人生母李氏初以嫡母不並
封李氏卒公上疏曰嫡母在生母不並封者嫌於所
壓也生母死且久乃亦不得贈焉非人子情詔贈李
氏為恭人娶崔氏封淑人崔生一子宜之女一適郡
學生盧如收宜之早卒於長沙公告於族人以同母
弟季之子官之次子為宜之後方七歲以某年月日
葬公於郡南傲漁塘之陽公深於法比嘗集刑名諸
律例作讀法行於世所著詩文若干奏稿若干卷藏
於家云銘曰

張龍湖先生文集

卷九

西

或行或達或成或疑或剛而勝或柔而危或弗羸
其躬而社其所遺維物之時而公獨逢其奇屈長
算於短日頓遠跡於促途嗚呼天實為之吾於公
則又奚悲

張龍湖先生文集卷之九

張龍湖先生文集卷之十

墓表碑

劉節婦碑

節婦衛姓襄垣人年十九適質庵處士劉瀛二歲而
寡節婦泣曰婦人之道一與之齊終身不改一而二
之是自辱也女子之嫁母命之曰無違夫子夫死而
違之辱命莫大焉且也劉氏之族章徽開而有禮人
域是域失節亂禮吾何以辱劉氏為哉辱身不明也
辱劉氏不義也辱父母不孝也三者無一而可秉彜
向晦執艱茹荼稱未亡人五十年弗渝也族之人曰

張龍湖先生文集

卷十

一

節婦鄉之人曰節婦邑之人曰節婦壽七十三而卒
嘉靖改元詔天下有司求所謂節孝之實而著者上
之縣令以節婦聞帝曰俞其表之乃命以旌典表厥
宅里庶民惟風颯颯哉戊子宗伯紫巖翁陟留都過
先塋省焉謀諸治曰式是壺彝坤則成紀其為德也
不亦貞乎易曰恒其德貞婦人吉子先叔祖母有焉
予大父贊治尹府君既予父嘉君直幹諒德不渝其
度以淑其家家人之間化可知矣其為教也不亦遠
乎詩曰刑于寡妻予先君子有焉皇上以孝治天下
崇善樹良闡幽明明以風萬民民罔不則其為化不

亦大乎詩曰儀刑文王萬邦作孚聖天子有焉治也始而文其克圖所以昭之俾不朽子寔惠汝治曰噫天道不言陰陽下民民不可縱畀之秉彝其常則爲君臣父子夫婦長幼朋友之道也變而後有忠臣孝子義夫節婦者矣故節者道之變也非婦人之幸也人樂其常而惑其變亂虐是生國家之敝恒必由之人君懼焉是故閑之以禮義糾之以政刑勸之以爵賞聳之以軌物而後國之人無淫焉君子懼焉修其身以及其家是故開睢以教愛葛覃以教儉樛木以教別采蘋以教敬閨門有度巾櫛有禮而後家之人

張龍湖先生文集

卷十

二

無淫焉故天者節之源也君子奉天道以節民者也君子者則君以節其身節其家者也是故天道節而四時成萬物序矣君道節而四國正萬民豫矣家道節而男女別萬化生矣易曰節之用大矣哉夫節也者禮也禮也者宗伯之所治也禮莫先於敬親莫大于尊君記曰顯揚先祖所以崇孝也身比焉順也明著之後世教也又曰善則稱君紫巖之舉也可謂知禮矣故知禮之人可與敬親可與尊君可與事天可與化民是故節婦非天弗因也非君子弗刑也非聖天子弗明也非宗伯弗成也四者備焉豈非節婦之

幸耶是謂節亨作節婦碑

贈中大夫南京太僕寺卿直庵趙公墓碑

予每誦昔人人定勝天之說未嘗不致疑焉及今閱直庵趙公事乃爽然自失矣公趙姓諱晟字國明別號直庵少志於學旣而失怙恃乃就生理治家政嘗曰織嗇筋力治生之正道也而本富爲上末富次之姦富爲下遂墾田百畝歲獲禾麥千石芻橐萬束羊豕百雙僮指數伯什樹棗栗千株澶淵之野稱富饒焉然雖富一錢尺帛不以入私藏兄昂出遊太學供億百費異母弟四人極衣馬紉帛芻豢之美咸倚給

張龍湖先生文集

卷十

三

也鄰之人有暴死弗葬者則輦錢二千緡與之此所謂富好行其德者也及兄倅寧海寧海素文獻地公曰吾聞之一歲之利樹穀十歲樹木百歲樹人樹人息萬倍吾幸而有丈夫子二三人可樹也其何能瑣瑣與畝畝逐錢鏹哉乃去而攜子就學寧海居五年歸則舊業索然無餘壤矣公歎曰上富富人下富富穀吾幸而有丈夫子二三人可富也吾將以經訓比菑畬何嗟乎貧爲旣而伯子廷瑞舉進士讀書中秘爲給事中爲通政爲太僕卿爲僉都御史爲戶部侍郎恩綸焜耀卒驗如公言嗚呼人定勝天之語觀於

茲不益可信與向使公守閭巷之行持機利以與羣衆人逐貨產之饒顧安所得致此哉公既卒之十有三年侍郎以晁大史所狀事乞予文將勒石墓道予與侍郎同進士入詞苑讀中秘書交篤而厚不欲以不文辭也按狀曰公之先鳳陽人元季曾祖諱允明辟兵來開州占籍得勝里遂爲開人祖謹祖妣劉氏父鵬以侍郎貴贈中大夫南京太僕寺卿母張氏贈淑人公初封徵仕郎再贈中大夫南京太僕寺卿生成化己丑卒嘉靖癸巳葬城南郭之西就河新阡一里許張氏賢而能相有婦德累封太淑人生成化癸巳卒嘉靖癸卯以侍郎歷有邊功得賜御祭命有司治塋域視公之典加隆矣以乙巳正月啟公之窆而合葬焉子三人長即廷瑞次廷璋國子生次廷瓚陰陽典術孫男四栗國子生曰果曰木其一幼未名也孫女一狀又曰公素性友愛正德庚午寧夏之變道路洶洶時兄昂以三原簿領公事至其地公聞之懼兄或罹其害也乃日夜馳關中走翔邠偵之倉皇遇諸河濱兄弟抱哭見者驚而歎焉君子曰愛不擇難義不避死公其能友矣夫初侍郎之三載考績也例得廢子侍郎疏以讓其弟廷璋孝友之所傳蓋有自

張龍湖先生文集

卷十

四

哉夫碑者備也備其人之行而表之以揚諸鄉國揚諸天下後世者也是故表死以勸生也表其先以勸來也以予觀於公之行則後聞者將不有興起於善而力勝其天者乎是則可碑也乃書而表之俾刊諸貞石示無極焉

贈通議大夫南京大理寺卿魏公墓表

昔治在館閣南京大理寺淺齋魏子以狀來謁治而言曰吾祖諱璣字廷衡以有本貴贈通議大夫南京大理寺卿祖母沈氏贈淑人卒塋於許山先塋之右者餘九十年矣昔有本嘗侍於先大夫府君之側先

張龍湖先生文集

卷十

五

大夫呼有本語之曰吾不幸三歲而吾母沈氏卒五歲而吾父卒育於祖母陸氏既長有知識聞陸氏云女母死之日執吾手泣曰婦不孝不能終事吾姑顧有子在襁褓願以累吾姑使育之成則猶婦在姑左右也又二年女父亦死汝呱呱若綴旒將絕吾甚憂今則可望汝成立也又云汝父素有大志於諸子中特穎出不業儒而讀書通大義事吾二人甚孝承顏順志定省興止旦夕不少懈兄弟競逐逐治生理營緝家室女父獨澹然及分財產亦惟取人所餘者受無爭言而日用亦不甚乏其自奉薄而用儉嗇也然

喜賓客樂施與人有難則急赴之捐百金不復恤里中承役者類剝細民以自肥汝父則不然其貧窘不能償者乃爲之代賁故鄉之人皆稱曰義士義士門戶之役獨以身先之不以累其兄弟雖至喪失極頓悴無悔心竟以勞於輸運而斃故族之人亦稱曰義士義士汝母自歸吾家淑婉而有壺則執婦道唯謹於諸婦中吾最愛之常躬織紉紡績以佐汝父故汝父用不乏魏氏之宗稱賢婦焉惜皆早世不使見汝成立也然汝父母皆有善行汝雖幼吾固知其必將有後也吾泣而志之不敢忘越數歲陸氏亦卒時追

張龍湖先生文集

卷十

六

憶其言則五內痛若裂嗚呼吾生無父母不有陸氏則不有今日寧望有汝輩耶吾不能以一日養吾親又不能爲顯揚計其罪也夫其罪也夫汝輩曷勉哉每言輒泣不自禁旣而有本年十二母黃氏卒年十八繼母衛氏卒年二十有六先大夫又卒兄弟號號然孤苦相倚時追憶先大夫言則五內痛若裂輒拊膺而呼曰天何使我復有先世之痛耶自先大夫之亡也又十有四年予始舉進士賜官行人官御史始得贈吾親如本之官又官大理丞得加贈焉自是爲大理少卿爲僉都御史以至如今之官荷天子推恩

始得贈吾祖如本之官嗚呼古人云爲善無不報而遲速有時吾祖樹德嗜義雖不能躬享其報而顯榮褒大之命乃見於今日是足以徵陸氏有後之語而慰先大夫之靈於地下矣願託子之文表而傳焉俾魏之後人無忘孝敬予實有庇時治在奔走未得以應也比治來南銓淺齋復言之不置治以淺齋同年進士不敢以不文辭也按魏氏其先漢鉅鹿人唐武進令政遷會稽之山陰莫州司馬明復徙餘姚之蘭風十七世宋監丞茂之徙修文坊明洪武四川按察知事克明徙鳳亭之許家山克明生聰聰生修齡修

張龍湖先生文集

卷十

七

齡娶陸氏吏部郎中孟良姊也以永樂丁酉月日生公年四十一而卒天順改元丁丑娶沈氏里著姓福廣之女生永樂已亥月日年三十七而卒景泰六年乙亥也公生鎧累贈通議大夫南京大理寺卿娶黃氏繼衛氏皆累贈淑人女二長適馮村趙某次適通德鄉表某孫男二長即南京大理寺卿有本娶郁氏卒贈淑人繼柴氏封淑人次有容邑庠生娶汪氏孫女一曾孫男一乾亨曾孫女四孫男一宗臯以廕補國子生易曰積善之家必有余慶是故君子之善創乎夷原成乎喬嶽俶乎濊瀾放乎溟渤蓋所積之漸

也夫公能力善自淑而魏世之祚慶以萌起積三世而後振發於大理大理復能引公之善緒而昌之以達於天下平亭讞獄所歷無冤有于公之風焉是則天下之民生於大理者皆公之善所佑啟也夫善不止於其身而足以仁其後仁不止於一家而足以生天下之民公雖沒其可謂不死也已因誌其行以垂諸墓石俾魏之子孫永鑒觀焉

翰林院編修王君懋中墓石文

君姓王氏名立道字懋中無錫人南禮部主客郎中表之子也懋中爲兒時即不事嬉遊比長入郡校學

張龍湖先生文集

卷十

八

舉子業日惟靜坐耽書史外若弗了了而其中洞然沉鬱有精思故所造日深涵藹然出諸生上嘉靖甲午子與論德南海倫公奉詔典試南畿得懋中文讀之相與歎曰婉而達和而平浩然而有餘思其吳之俊才乎鹿鳴之旦晉諸生堂下而謁焉懋中美髯玉立溫溫如處女皎然秀者也子竊喜之乙未子復校易禮闈簾中有持詩經卷示子曰渾渾乎若冲淵乎若深而不可窮湛乎若光發於太空其天下之俊才乎及啟卷則爲懋中也子歎曰丹砂玉札置藥籠中久矣今爲子奪之相與以得人賀既而廷對懋中賜

二甲進士是歲天子親選士御文華殿試詩文而懋中詩第一改翰林院庶吉士讀中秘書懋中益大肆力於學每閣試輒稱首丁酉授本院編修懋中曰翰林職文字然時俗弊久矣誇浮怪譎非所以稱良史潤資皇猷也徒區區槩墨間不通天下之務苴塊焉耳則國亦何賴哉乃與編修孫子陞趙子貞吉檢討王子維楨裁質疑義論度古今治理得失及經制民物之畧其爲文力追秦漢而止乎理詩冲雅駁駁入韓柳門戶也長安出入駢童羸馬望而知其爲有道之器與人言呐呐然不設畛域而是是非非較若皂

張龍湖先生文集

卷十

九

白可謂貞不絕俗介不忤物者矣庚子以禮部君在告上疏乞歸省予適自南來遭之濟上謂懋中曰子何歸之汲汲也懋中曰立道宦數年矣唯是吾二人之懷荷天子寵靈茲歸實得吾之私心乎予笑曰君子亦顧其私乎懋中曰孝私其親忠私其君人君能私臣之私以成其孝則人臣亦私君之私以効其忠故曰體羣臣則士之報禮重遂別去癸卯懋中來京師以父母在留其妻唐孺人侍焉甲辰唐氏卒於家懋中哭曰是重貽吾二人憂也子女呱呱在襁褓安能晏然旅食哉哭輒病復上疏乞養疾詔可歸之二

年承歡之餘閉門檢方書閱古圖史而已丁未年復買舟來京師至潞河幼子天懋中哭曰是重貽吾二人憂也哭輒病未幾以六載考績予適視院事考之曰介不忤物而清修之行益彰學不務名而純美之才自見蓋紀實也月餘病復作作輒暈暈輒吐痰數升不得已予往視之懋中獨坐一室中木榻布被蕭然如寒士予因論治心之法蓋欲其斂神情以制浮陽也無何懋中死矣予往哭之既斂予又往哭之朝縉紳士亦莫不嘖嘖歎翰林失佳士也訃聞禮部君遣其子望道來奔喪且以書丐予文表諸墓上之石

張龍湖先生文集

卷十

十

予時在奔走未有以應也比予來南銓禮部君復遣其子重道來請不置嗚呼予知懋中者其忍復有言哉王氏世居邑北郭之江陰巷高祖曰遜遜生子輝輝生冕贈承德郎戶部主事冕生表嘉靖己丑進士以禮部主客郎中致仕表生懋中無錫多豪右獨王氏以善稱於鄉比歲有家僕附商舟入江忽遇賊執而問之爲王氏僕也遂舍之曰女家素善吾安忍害善人僕哉噫嘻君子之行可以化強暴而乃不能庇吾懋中之死也豈天之未定者耶懋中生正德庚午月日卒以嘉靖丁未月日年三十有八母朱氏封安

人衡陽尹惟聖女有懿德娶唐氏封孺人永州守有懷女唐生子一曰弘化女二長許聘進士蔡某子次天側室陸氏生子一尚幼以戊申年月日與唐孺人合葬於某鄉前王村之原嗚呼先民有言遠跡頓於促路長算屈於短日吾於懋中其曷爲弗悲然懋中無死之行而竟死焉則其死也可哀已視碌碌以生者何如哉

大名別駕曾君墓碑

史張子曰子每閱曾別駕事未嘗不歎其世之能大而又悲夫天之未定也別駕諱宗正字克明別號麓

張龍湖先生文集

卷十

十

峰其父東山公骭髀負大志以雄雋震於鄉鄉之人咸望而震也成化丁酉領湖廣鄉薦名目籍籍起未幾賁志以卒別駕年始髫與其母吳氏煢煢然形影相弔也吳氏朝夕攜別駕泣而號曰何天禍我良人哉爾成立俾爾曾氏不墮絕子則於良人無愧容未亡人亦奚忍爲曾氏謝茶苦耶乃以別駕託諸東山之友魯公政曰惟公不喪友道公克樹子子則子良人不死公則於良友亦無愧容魯公曰諾別駕遂黽勉日誦讀古今名人文字久益旁貫百氏母吳事紡織助供億弗倦別駕學乃大就補郡庠弟子員每試

有司輒衰然稱首正德庚午舉鄉試第幾歸忻忻拜母吳堂下吳喜曰予自是可無愧爾先人矣別駕益淬礪屢試春官竟弗第丙子元子述復舉於鄉別駕揚揚然若矜曰吾不做吾子必做吾烏能栖栖然與兒曹奔走競青紫哉嘉靖癸未乃謁選爲大名府通判理河政國家定鼎北平歲漕江淮粟四百萬石以輸於京師黃河每東決漕輒淤乃於郡縣設專官董其役別駕日周視河上每夏秋水至則號工築塞卷埽千尋役夫萬指晝夜弗休息久之兩足苦瘡不能良行別駕曰吾仕以母老也今疾其何以事吾母餘年乎乃棄印綬歸會撫按咸疏薦堅弗起嘗日裕晨夕具甘旨奉其母怡如也逾歲子述死又逾歲子選死別駕哭曰天不福吾嗣吾何以慰吾母耶遂鬱鬱作疾庚子季子造復舉於鄉別駕喜揚揚若初然竟以足疾不能愈疾亟執母吳手泣曰吾母所以忍死以至於今者爲不肖也不肖乃不能忍須臾死以奉吾母可恨也已語畢而逝辛丑二月三日也壬寅五月張子以南銓赴召而北便道省先墓於茶歸舟涉長沙子造衰經謁江上旣而子造跣足走數百里來乞文張子所居之里與曾氏相去數百武而子述則

同舉於鄉者每觀曾氏自東山公以儒起家科第萌發不絕然皆不能大其所施以庸明當世焉是豈所謂天之未定者與俞而舒之物道則爾曾氏之後將其有昌大也哉因感其事而識焉其他美東洲之志備矣曾氏之先泰和人宋景祐名學祿者以連州判徙茶陵之月江曰奇英曰曷曰策元時相繼舉進士至瓊祥生永隆永隆生理號東山先生始居長沙理生別駕別駕生六子曰述舉人曰選曰遜曰追俱郡庠生曰造舉人曰返習舉子業女二長適百戶譚邦治次適同知魯政之孫朝東孫男子四人子唯子約子孝子省孫女四人別駕生成化壬辰八月壽七十娶高氏壬寅十一月葬於善化縣十一都易家山之原

張龍湖先生文集卷之十終

張龍湖先生文集卷之十一

四言古詩

雙感

無涉岵兮寒風蕭蕭白日暮兮無涉岵兮山高雲斷
幾千里兮岵可陟也心之憂矣不可極也岵可陟
也心之懷矣不可釋也物既府矣誰其酺矣父母
弗逮維其煤矣悠悠蒼天曷其有所矣

雙感三章章六句

碩人壽陸公也

月湖之隴有行其陸碩人敖敖洵美且膚鳳之儀矣

張龍湖先生文集

卷十一

一

于彼高岡九苞其章和鳴有鏘維王之明四國其慶

月湖之于其陸有行碩人敖敖洵美且閑鳳之翔

矣于彼千仞載歌載咏載食載飲謂人弗聖我心不

恟湖之沃沃其水瀾兮鳳之蕭蕭其子三兮振振

發德颺颺翰兮爰傳于天於昭與兮君子之澤以弗

單兮胡之瀾瀾其水伊比于以濯之維觴及簋于

以醴之維酒及醴于以樂之眉壽崇祉誰其稱之有

巖季子南山有喬北山有梓樂只君子胡考之喜

南山有榆北山有桑樂只君子胡考之康

碩人六章四章章十句二章章四句

山之雲三章

山之雲悠悠以揚我欲從之遊四方我有母兮在湘
之鄉三月不見兮使我心傷燕麥既黃燕水其湯舟
之方之使我遠涕而徬徨

山之雲悠悠以飛我欲逐之將南歸我有母兮在湘
之涯三月不見兮使我心悲夙之夕之衣之食之我
而不在誰其伺之

山之雲或浮于天我欲從之不可攀我有母兮在湘
之間三月不見兮使我心煩有冠崔崔有組纍纍我
心不樂此將何爲

張龍湖先生文集

卷十一

二

五言古詩

江懷

舉頭月在天低頭月在水遊子獨何心方舟在萬里
攬衣坐徘徊涕下不可止潮生亂人語宿鷺連洲起

靈巖雜詠八首

曉出城南門霧深暗江渡稍稍曙光開微茫見蒼樹
驅車村巷中野老偶相遇問予何所之笑指白雲處

右出郭

山水諧夙心林行豈云遠草深谿谷幽石出寒流淺
秋風吹白雲千峰淨如捲塵事寧足勞初衣念將返

右入山

昔人讀書處人去巖亦空巖上古松枝白日含悲風
磨厓幾片石剝落苔蘚中獨有山間月清光今古同

右讀書巖

岩堯入丹壑石室開羣峰壁色照萬古雲霧流其中
山僧傍巖宿下馬聞疎鐘欲訪仙人跡雲車駕白虹

右靈巖

古寺饒蒼苔斷礎委蔓草秋高木葉深霜重池荷老
日光穿雲來竹色不可掃世代成古今惻然傷懷抱

右廢寺

張龍湖先生文集

卷十一

三

僧室隱白茅禪衲掛石壁禽翻貝葉青鶴舞藤梢碧
洞深竹日移簷虛松露滴續紛萑蒲花滿地無人摘

右禪室

貪奇事攀躋邱壑自成趣鐘聲滿寒松日落萬峰暮
流泉不出山歸雲還依樹雲水何迴公遊人獨歸去

右出山

新月掛西嶺千峰流素輝歸屐踏秋草白露沾寒衣
平村八九里籬落人跡稀長歌渡江水曲盡天風微

右夜歸

河北道中

驅駕凌脩途露白青山曉遙風西北來冷冷度寒篠

豈不厭奔涉王事故牽擾日出明疎林褰帷羨飛鳥

呂堰道中雪行

漢江何悠悠楚道幾千里風急黃雲深雪花密如雨
野濶無行人鴈聲在寒水

中秋二首

庭空夜不暑露下天無雲三五月正滿九十秋初分
長歌復短舞獨酌還自醺乾坤應吾道麋鹿難久羣
夜深尊俎徹雲散天宇清南箕北有斗歷歷縱且橫
白露沾我坐寒蛩依人鳴端居悟元化塵土勞吾生

張龍湖先生文集

卷十一

四

天柱閣

曩聞天柱峯今登天柱閣迴席倚雲河移尊動溟渤
赤日海上流青天鏡中落凭高發孤吟長風隨寥廓

贈別諸宗丈

涼飈厲高木清雨梧桐枝相見苦不早輶車忽東馳
玉筍霞月白金鰲草樹悲回首雲山隔中天落斗箕

月夜懷羅二峰

夜久庭臯冷月明霜柝高故人已南國遊子尚征袍
車牽苦不脂澧蘭心獨勞滄江千萬里何處航波濤

釣

水深澤魚鳴江寒蘆葉淺乘閒理扁舟風多釣絲捲
所志不在魚沉浮寧復辨仰視青天長秋雲還絕巘

武昌早發

侵曉發黃鶴日上江光明雲晴島樹出鳥下川波平
遊子問何適孤篷從遠征攬衣坐愁絕天濶長風生

宿諫議祠

曉發燕門道暮宿昌平祠片月照古壁寒風吹疎枝
對酒千峰夕懷賢百世思未應憂直道明聖際今時

共適亭次東洲壁韻

昔人去已遠此地吾淹留一片白雲影萬古青山愁

張龍湖先生文集

卷十一

五

亭心竹笋出石面苔花浮酣歌對樽酒天壤總悠悠

薊哀王輓歌四章應制

鳳雛何翩翩頡頏翔天關悲風起中路竟去不復還
九苞既零落竹實空摧殘唯餘清禁月千古照丹山
曉發黃金屋暮歸北山岡蕭蕭薊門路白日慘不光
寒風厲廣野素旄隨飄揚鴻名照金石修短寧足傷
嚴霜度中夜悴此瓊瑤柯芳華悲萎質逝水感頽波
松柏古原上落日青峨峨物理有摧折憂傷竟如何
宮煙散輕彩笙斷鳳凰樓獨憐王子晉一往無春秋
蘭殿寒雲泣椒房明月愁蛟龍盤玉匣寂寂掩山邱

送邱以義令餘姚

黃花靜朝芳朱岫澹秋色之子清時才會稽古名域
長途詫騏驎絕藝匪臬塞春日姚江濱鳴琴動相憶

江夜

冥心坐江夜風雨生秋寒天入滄浪遠燈懸水國殘
塵襟愧芳杜蒼髮羞我冠燕楚幾萬里雲山何處看

昌平道中

微微冬日薄出郭塵心消天遠塞鴻落溪深冰雪饒
歸鴉傍雲沒健馬依風驕路轉松陰合寒聲生暮潮

壽沈封君

張龍湖先生文集

卷十一

六

鮮鮮綠衣袂歲歲春風深冷然賞溪水懷之不能對
青山隔天際日夕浮雲陰願因雙歸翼寄此遠離心

秋夜與永寧諸宗文話舊

天清水葉下日沒孤鴻翻舊壁寒燈細高城白露繁
湘江照錦席鰲谷莽平原飛鳥戀故居靈芝有芳根
十年江海意一笑藉金樽

送陳清泉分教安成

我之曾祖母汝之高老姑復此締姻媾累世情逾孚
里巷映桑梓溪流帶皇雩汝家東溪上泉林互盤紆
憶昔登汝堂父兄森庭隅坐我脩竹下清醕盈百壺

倏忽二十載耆舊成凋枯汝年五十強抱策來燕都
入門喜相見白髮各滿顱開樽話疇夙感歎增欷歔
汝志頗自勵遲迴青雲衢一經謝衿佩爲官領師儒
國家重文教科貢尊賢途安成接鄉土况乃文獻區
弦歌有真樂何必登要樞薊門初冬月嚴霜落寒榆
送汝官道側執手還躊躇我兄當暮齡依依攜二雛
數歲顏面隔豈不懷友于投箸計未得祿食慙當塗
塵輕車馬疾安能與汝俱吞聲寄遙臆仰視浮雲徂

熊峰篇

熊峰何崔嵬鬱鬱青霄間噴吐輒地軸橫絕凌天關

張龍湖先生文集

卷十一

七

神秀鍾混茫蒼色橫平原日遠浮雲征可望不可攀
上有姑射仙容耀何鮮妍方瞳冰雪肌白髮被兩肩
朝采南澗松夕息西山煙縹緲登閣風擢髮窮消盤
文虬翼承折格澤紛驅先拂日曄琚枝紉佩垂秋蘭
悠然返初服逍遙以盤旋憶昔奉明主辛勤自歲年
宸樞發天惠朗鑑升才賢斗柄酌元化四氣隨敷宣
抗志冀陳力危詞激謬愆鏗鏘金石聲矯矯鸞鳳騫
佞機有代謝物化終難遷豺狼馳我後鴟梟鳴我前
君子守貞性進退無刊刑鵠白不日浴烏黑不日黔
松柏生深林歲晚不改堅盈虛尚至理聖哲洞其端

所貴在明德義命良可安塞子抱弱質慕道心嬋媛
蓬麻幸附倚薦蘿亦相緣豈不懷高躅道路阻且艱
采采澧中芷思之不能言敷衽陳此詞喟然惻肺肝
恭和御製敬一亭成

維皇懋聖學優入軒義堂中心穆敬一至道昭且詳
瑩然大虛淨靡爲纖翳妨明明堯舜典鬱鬱萬夫望
游泳熙卷阿賡歌叶明良萬世奉光訓永思弗能忘
恭和御製輔臣詩四章

青陽獻嘉歲廟祀帝乃親龍旂出央央萬舞陳赤宸
殷薦肇成典翼亮咨賢臣墜緒久弗作大義從茲伸

張龍湖先生文集

卷十一

八

蒸蒸舜孝備疊疊文德純彞紀協人極禮樂本諸身
於穆皇王心寶此家國珍願言慎交修惟以左右民
帝降蒸民性天秩父子親卓哉大聖孝立極當宸宸
顯顯庶邦式雍雍四海臣至禮忻載考正言聿茲伸
直洗漢宋陋遐比殷周純可以詔萬世豈獨成厥身
寢廟儼丹旌簋簋登嘉珍永昭丕承烈佑啟我臣民
重明麗中正一德君相親鼎凝宅鴻極衣垂穆龍宸
禎祥協神聖中外賓王臣忠猷契冲默彞典嘉昭伸
天章雲漢回令聞金玉純維聖能作則維賢乃成身
楚珩諒非寶隋珠焉足珍緬思古人道得志澤加民

煌煌大明世振振八葉親重光熙聖域垂慶惠皇宸
山川率寧宇黎獻恭惟臣雷電噬嗑章雨露勾萌伸
革孚虎文炳乾健龍德純機衡萬化樞位育三才身
天球表嘉瑞器車薦珠珍稽首歌帝休永保誠萬民

齊山

方舟大江渚短棹橫長風停策齊山陽白足矜履翰
捫蘿石門道弄波迴溪中西瞰皖公山東眺芙蓉峯
丹梯裊巉絕絕佳氣紛菁葱九水席下出凌歷萬壑通
遠岫既窈窕近谷亦玲瓏明霞散古壁綠樹搖新樓
雲陰結綺蓋泉響吟枯桐瑤植雜料灌珉甃陳玷璵

張龍湖先生文集

卷十一

九

玄宗陰繁蕤崇嵐薄清穹山花拂人來野鳥鳴聲雄
湖明落天鏡地古餘仙宮銀闕照碧海複閣棲長虹
鶴語青松幽龍去秋沙空寒予欲躋攀撫化心無終
有美施公子卮酒來相從飛騰狎倒景超忽入鴻濛
憑高一以眺悠哉八極同塵機不能謝惻然芳桂叢

秋江雜懷二首

翩翩雲中鳥歸飛薄叢林日落天雨霜回波清且深
玄陰翳高壁草際寒蛩吟方舟在萬里離索故難任
黃鳥亦求友誰不懷所欽仰以觀列星俯以調素琴
列星光且繁素琴有遺音星光照我衣遺音傷人心

侵晨理行役微風蕩輕舟顚景散林薄熹光明素流
川后息驚波海若靜不游揚帆出遠渚舉目眺遐邱
猗彼蕙蘭叢含英被芳洲采之盈懷袖將以遺好仇
路遠終莫致糾結心沉憂

漢口望黃鶴

徘徊漢江濱還顧望黃鶴黃鶴古高樓崔嵬幾千尺
上軼青天霓下俯雲夢澤遐規跨通波清川照華薄
藻綺結妍蕤層曲麗飛閣念昔遊天闕久爲世網縛
杖屨淪風塵仙賞意已墮薄言理歸舟涼颼厲高木
去鴈鳴北林羣華感銷落哀哉遊子心俛仰懷寂寞

張龍湖先生文集

卷十一

十

羨彼王子喬揚志終遠託人生天地間朝霜零蕭霍
志士保真堅哲人重明德永思終遙夕撫膺倚長權
贈雷啟瞻

暖雲鬱江樹芳華雜叢林故人湘中來鳴我花間琴
回軫揚高歌惻然感我心昔別江上山十載勞希音
黃鳥亦求友女蘿亦有尋豈不念夙好天路迥且深
懷往憂成緒慷慨增長吟願言茂遠遊實此分寸陰
競迹周孔途庶以永蘭金

夜坐

秋月何皎皎列星繁且光憂懷不可寫獨坐臨中堂

客行雖云樂何如歸故鄉汀洲綠始抽蒹葭忽已霜
有書長若匹欲寄鴻南翔鴻飛亦復止空濶雲茫茫
攬衣起踟躕涕淚紛如滂

送人官靈寶

遠有贈行者遺予以束桑豈無河畔柳零落不可裳
贈行何繼繼遺子以束私豈無河畔草纖亂不可饘
無衣尚可襦無粟尚可稽中州民欲腴脰斷詎能續
古道秘蕭蕭天濶寒雲高鞍馬出宛洛使我憂且勞

贈宋君祉歸江西

落木高不風薄霧濕作雨腓卉翳長原寒華被曲岵

張龍湖先生文集

卷十一

十一

所知重歡笑之子曷不處攬轡萬里途惻然悵誰與
客鳥戀舊林遊魚思故渚望望湘之雲徘徊獨延佇
同大霞洞楚登廣寒樓分韻得日字

御苑城西樓遼后昔膏櫛平臺俯川原飛閣亂雲日
風霜悲世殊木落秋氣瑟寒花明前除吟蛩傍殘壁
丹青摧舊顏雕楯行蝸出翳翳林中榛樓下水交涵
因思被衿人百代寡儔匹

送黃汝明歸長沙

南陸迎修景大火迴朱維溫風動纖絃輕雨流清漪
徘徊攬行轡薄言出郊圻旦發燕門道暮望湘江湄

桑梓戀故域萬里遙相思踟躕蹊路側惻惻不能辭
念子日已遠何以慰渴饑願言茂明德策足青雲逵
干將與莫邪會合自有時丈夫志四海別離安足悲

贈陳原習御史謫海陽

南國有佳人容耀何鮮妍雙環綉羅襦寶髻金珠鈿
結髮事良人貞諒以終年辛勤理容飾寒機拭朝煙
一自新懽移舊愛中棄捐愴惻出門去涕下如流泉
沉憂結衷腸區區難可宣妾心苟能明妾命誠當然
舉頭觀列星低頭調素絃列星光苦繁素絃長自憐

西麓 爲林吉士父作

張龍湖先生文集

卷十一

十一

九京不可作西崙空崔嵬寂寂邱中阿綠草生佻臺
女蘿覆石壁日夕清猿哀條枚鬱重林霜落天風來
誅茅晚結構白道山前開匪因藉虛觀聊以紆永懷

題鳳陽張母貞節

帝鄉汪氏族著自皇陵碑有女洵婉淑結帨張明威
貞字旣云從危禍中相罹芳衷鬱不諧四屋慘多悲
含愁撫蘭籍垂泣揜鉞姿上堂奉舅姑下堂哺孤兒
豈不怨華歲所媿垂坤彝指斷詎足傷荼苦甘若飴
日月共相照金石以爲期良人如可作妾心終不疑
藹藹北山樹高塚何累累懷之不能已歎息陳此詞

次詹憲副韻二首

采采蘭蕙芳于彼湘江湄美人不在茲馨香安所之
瞻彼祝融麓上有朱張祠清風滿林薄森森松桂枝
願言結心期慰我長相思

相思亦何爲欲以開迷津瑤華寄遠道奈此山中人
授粲飽嘉德摘藻敷陽春深言析玄理一一宜書紳
德音倘不遐矢當奉光塵

癸巳生日巨田省墓舟中對月感懷

露下江沙寒蓼深陂水綠孤舟夜不維山月照人宿
浮世何蹉跎明朝四十六懷哉父母顏十年不在目

張龍湖先生文集

卷十一

十三

皇天悲悠悠白日如轉轂感此百憂集舉杯淚盈掬
起視河漢流溪風動幽竹

夜過洞庭

曉發武昌門夕渡黃陵汜日暮江帆遲洞庭八百里
微風澹無波明月照天水隱隱見君山鐘聲翠雲裏
樓船坐中流長歌白波起

送賀汝勛之官彌勒

去年春二月別子攸江潯豈意今年秋別我燕山林
迢迢西南域逝駟何駸駸萬里從一官辛苦誰能任
志士茂明德焉用千黃金行矣加飧飯慰我遠離心

靜谷同林北泉兵憲宴集

春山懷伐木掛席滄波流有美林節使招我靜谷遊
窈窕入蒼徑丹梯躡阻修飛泉洒石壁萬壑如鳴琤
長松掛白日翠色不可收遙阡翳荒莽言是昔賢邱
東風吹白楊萬古青悠悠貪奇歷重險倒影臨深幽
仰觀衡嶽秀俯瞰湘江浮已諧塵外想況有同心儔
怡然覽昭曠一笑豁凝愁

送王紹甫提學山西

矯矯鄒魯士鸞飛入詞林冲標汎光蕙清廟流芳音
華聲茂世武比貴逾雙金眷言秉休命攬轡晉陽陰

張龍湖先生文集

卷十一

十四

輕颺藉文轂衿佩何森森河汾有遺軌所希道相尋
君其振遠猷庶以慰吾心

題畫

仙人住金闕緬懷溪山幽每於圖畫裏悠然見滄洲
庭除咫尺間四顧生寒秋微茫辨川谷羣峰照清流
藤蘿覆石壁古木如雲稠草屋三四椽中有羲皇儔
扁舟江上來疑是王子猷浩蕩入煙霧短棹隨輕鷗
對此意飛越忽若千里遊始知魏闕下亦自有丹邱
河西草堂爲童內方乃兄賦

君住玉沙湖雲構涵虛敞荷露凝清香竹風動幽響

月華川上來煙水平如掌深居澹無營悠然謝塵鞅
閉門卧高春不知春草長謁來燕市遊驅車何慨慷
細雨懸孤帆青山還獨往我家瀟湘東林巖亦蕭爽
三年縛纓裾懷之空惆悵衡嶽千萬峰因君發遐想
幾時湖上歸與君弄蘭漿

荊州寄王江野給事

嚴風振廣野青旌指前林緬懷同心友一別江湖深
黃鳥尚求侶女蘿附喬陰矧茲良覲阻寧不傷予心
皎皎松際月泠泠花間琴清光映瑤軫此意誰能任
秀彼澧中芷馨香盈懷襟采之欲何爲將以遺所欽

張龍湖先生文集

卷十一

五

路遠終莫致惻然雙淚零

送譚洪之官績溪寨

秋風起庭樹白露生微涼有鳥翩南飛使我心悲傷
天海洞寥廓雲遠邈從蒼鵬翼播溟渤鶯鳩槍榆枋
佞輿靡有制物成隨厥常茶枝繫桑牖登畦饒杭穰
時成慎飲啄聊可自徜徉薄言日行邁績溪澄滄浪
却金篇贈方一田封君

馬得復馬失僕生與僕死吾心澹無營懷金何爲爾
不以懷金憐寧以却金喜非義而富貴於我如敝屣
舜跖聖狂途義利之間耳毫釐苟未分差謬動千里

吁嗟方寸心萬物本同體忍使一膜餘吳越異人已
作善降之祥感應有常理榮名起亨衢我豈冠史
裔裔方氏人發軔將自此始知心之田可以遺孫子
千載一田風泠然照桐水

送黎主政監稅杭州

王政先理財國家重賢託誰以舟車緝謂非經濟略
况茲多事秋此道豈云惡嗟彼劉晏名千古不可作
感時百憂生送君淚欲落白下春雨深江寒柳條弱
征旂指前林別緒增離索十年門下人思深義匪薄
愛子冰雪心青天照琴鶴吳越山水鄉樓臺秀雲壑

張龍湖先生文集

卷十一

六

西湖如鏡明應知有餘樂

七言古詩

孤鴻歌

爲吳節婦

青天萬里碧海長雙鴻托以高翔翔悲風中路動慘
惻一鴻飛去雲茫茫縹縹孤影寒沙磧一片月明秋
水碧稻老江田菰米香清霜滿地蘆花白柳芳草嫩
春光熏嬌鶯乳燕何紛紛

竹溪菴

君不見瀟湘萬竿玉君不見洞庭千頃秋蒼蛟夜舞
風雨黑鼉鼉日抱青天遊三年仗劍事明主君山衡

歡空回頭長安六月紅塵浮竹溪竹溪何清幽安得
載酒竹溪去醉卧秋陰看白鷗

壽羅峰閣老

羅山高不極拔地幾千尺下蟠后土上摩蒼穹崔巍
峯嶺鬱乎從龍煙霄獨削青芙蓉大湖西匯滄海浸
其東二十八井氣與銀河通北斗經緯天之中海壇
沙漲鯨波空泰華不敢爭奇雄出雲千里隨飛龍陰
陽吞吐驅神工霖雨滂澤九土咸熙豐坐令造化無
全功仰看南極光如虹夜寒照耀文昌宮鉤陳太乙
紛迫從弱水蕩漾玉兔白扶桑指顧金烏紅紫芝瑤
張龍湖先生文集 卷十一 七

壽孟大叅母

使君謁帝來燕甸親承賜宴明光殿楚樹秦花幾問
名十載京華始相見爲言阿母漢江濱六十九年鬢
髮青鸞龍錯落五色爛歲歲壽域開高冥歸帆秋掛
江煙起紫綬金章照江汜湘中遊子情更多遙望天
南賦秋水

燕臺送季仁夫令新津

燕臺白露悲秋草美人欲去傷懷抱歸帆正憶武昌

魚驅車還上巴山道巴山嵯峨倚空碧劍閣千尋瑩
青壁玉壘晴風一鶴幢錦城夜月雙鳬鳥連雲鳥道
不容憶念子行行亦何遠對酒休歌行路難願君努
力加餐飯

河橋篇贈計太守還蜀

河橋楊柳窺春早使君去去巴山道野昏雲慘溪水
寒饑鳥啄雪梅花老昔聞巴山之道高崔嵬峨眉劍
閣青天開舟人相呼不相見百丈牽雨江猿哀使君
何爲去太疾淚痕獨洒西風出一片孤帆棲碧煙十
里青山下落日送君泚江潯泚江不似離愁深回首

張龍湖先生文集

卷十一

太

甘棠滿地陰相思明月懸空林

海鶴篇贈中洲李竹樸六十

誰人畫此海鶴圖青天萬里雲模糊中有仙翁髮滿
顛脩然手執青珊瑚海波碧照方瞳孤樸素不琢元
精符王喬韓衆如可呼噫嘻黃白吐納何爲乎

送趙東竹僉事之江西

憶昨相逢京國時吹燈愛讀西曹詩彈碁看劍懽未
已斗酒那知成別離豫章城中花萬樹使君獨領春
風去燕水吳山一萬重日暮孤帆向何處章江千尺
照匡廬下有白鹿仙人居寨帷杖鉞應多興須寄臨

流雙錦魚

送黃時敬令江西因東秋潭

秋潭別我湘江渚三月殘紅落如雨回首湖山萬里
雲日暮天南獨延佇隔年始見黃生來封書遠寄黃
金臺開緘見書何所有上言生有圭璋才黃生黃生
真可羨牛刀且試江西縣春滿河陽桃李花好歸侍
從承明殿

送郁太守山之溫州

五馬金絡頭長鳴向東甌東甌山水甲寰宇北斗上
指天河浮二十八井澄空碧海壇春暖沙光白孤嶼

張龍湖先生文集

卷十一

充

花明西射幽王謝風流自今昔君行莫上吹笙臺綠
煙日暮迷荒苔江心古剎滄波裏感慨須憐異世才

送王石沙御史按閩

閩南路幾千交州更萬里君持繡斧向三山予亦乘
舟渡湘水長安六月送君行酒盡長歌爲君起丈夫
志四方齟齬何爲爾匣中寶劍照人寒江上旌旗拂
煙紫玉驄嘶雨麥花浮錦帆掛日天風駛直看炎海
無驚波歸來笑揖承明裏

送大司徒夏松泉之金陵

昔年共作金陵客秦淮幾對春山月南北風煙逐轉

蓬鶯花又是長安別留京宮闕倚天開江流曲繞鳳

凰臺地曹舊署連東省八座聲華接上台君才磊落
莫可匹廊廟此日須變稷僕夫遲遲且勿亟天子召
命應在即

鳳岡篇贈譚七泉

雩山鳳去三十年高岡空鎖梧桐煙苔花零落竹實
老祝融萬壑俱悽然有雛奕奕振毛羽五色翩躚照
湘楚幾迴矯志風雲端天路盤旋泣秋雨翻然却向
幽燕城辟雍鐘鼓聞和鳴一枝棲息未足數遲爾來
儀帝舜庭

張龍湖先生文集

卷十一

辛

擬四愁一首

我所思兮江之南欲往從之道路難登高遠望心如
翰秋風吹月墮高寒佳人贈我雙白玉何以報之琅
玕腹韓昌黎詩披腹呈琅玕願因鴻鴈寄心曲海碧天青思窈
廓

白溝河

白溝河水浩浩昔時戰爭場今成車馬道向來棄骨
不可收千古殘魂哭秋草白日照地寒雲黃一溪落
葉無人掃世事悠悠寧足論過客空悲天地老

竹泉卷

爲鄭僉憲父作

鄭公懷玉披短褐采芝不厭青山深烏石春花桃杖
媚壺公秋月藤蘿陰野亭細竹飛蒼虬閣外寒泉玉
一溝丹梯五嶽盧敷履煙水三江范蠡舟醉將白髮
倚庭樹蛟龍怒鬬驚人句狂翻墨汁落縑綃世上梅
花稱獨步跨鶴凌虛去不回草堂空對三山開長風
吹林雨墮瓦石壁日下清猿哀御史仙郎鐵柱冠手
持斧鉞青霄間茂碩應承帝德憐燁燁錦詒蟠龍鸞
木齋少傳筆如椽見素文章天下傳雷燒碑樹狐兔
死麒麟突兀仁山前

鐘石歌 為費子和贊善作

張龍湖先生文集

卷十一

三

懷玉峰高幾千尺百里峒堯墮空碧信溪東來盪清
澄突兀江雲見鐘石鑪錘不假鳧氏工厓根直挿蛟
龍宮峽色中涵翠琰琬波光倒映青芙蓉學士昔年
棲碧山愛從鐘石看潺湲弄花草閣圖書濕踏月江
門杖屨閑十載聲名動天子呼來復入承明裏翰苑
班聯玉筍高講帷炬映金蓮紫清風黃閣鵝湖翁小
阮詞林亦擅雄補天障海君復爾勛華鐘石同穹窿

送九華顧長治還常州

昔聞東吳顧文學今見尚書之子才清標竭來惠我
百字令字字句句諧簫韶嗟爾之才有如此何不躡

足升雲霄去年挾策臨燕甸驪黃牝牡誰能辨今年
投牒入天曹寶刀未試金精號且攜書劍歸江東翩
翩白馬嘶長風牀頭新詩三萬軸涼溪月夜吟蛟龍
爾翁曳履朝元閣何日重看綵衣樂蓬萊元圃遲爾
遊願攀瑤樹騎黃鶴

送成鴻臚之金陵因懷王江野

成生遠自江陵來相逢一見歡顏開手持諫議一書
劄向我再拜陳心懷四年不覩諫議面忽把來書淚
如霰啟緘見書何所言上言成生才可羨紉蘭結蕙
冠切雲十載濩落栖風塵驥心未肯終槽櫪劍氣猶

張龍湖先生文集

卷十一

三

堪凌紫旻上堂接席語嘖嘖握臂為之長歎息詰朝
抱玉趨承明賓臚榮拜恩輝赫留都山水帝王區况
比官府神仙居雨花牛首足清賞盡日槐庭無簿書
丈夫及時且為樂何必擁蓋乘高車天塹南通諫議
廬時能為我傳雙魚因君題詩寄幽意浮雲仰視空
愁予

贈史給事出判通州

燕京木落秋初深高雲白鴈寒蕭森玉壺載酒送君
去千里青山愁夕陰我欲贈君綠綺琴一彈一曲傷
人心海門月出江煙薄惟見滄波澄碧林

送客之潮陽

禁城曉日橫青煙城邊落葉如飛泉秋風吹雲寒欲
洗潮陽一去八千里馬上看山柳葉迷津頭沽酒剥
荔枝至今南海無鱷魚君須爲弔韓昌黎昌黎祠前
草樹深黃鸝時飛野雉鳴

送陳宗器令於潛

錢塘江上潮如山於潛遠在湖山間共言地僻少逢
謁况復民淳訟獄閒爾家三世總爲令前輩風流尚
可攀惜爾讀書破萬卷得官今已成蒼顏故人客邸
喜相見嗟我歲久頭顱班都門送爾轉愁思回首孤

張龍湖先生文集

卷十一

三

雲天際還

一經堂歌送尹時夫令臨海

昔聞武穆追曹成提兵遠駐雲陽城雲陽山人尹彥
德走謁轅門氣超逸槌牛釃酒享三軍義聲鼓動旌
旗色武穆題贈一經堂銀鈎鐵畫生輝光山人從此
知經史兒孫奕世皆金紫五百餘年舊澤存斗菴之
後復見汝文章早歲登青雲風骨况也如外祖竭來
足躡雙飛鳬赤城竹馬爭歡呼能以一經爲世用滿
簾豈必黃金圖

椿萱圖歌

爲趙信臣作

椿高三千尺萱短亦及堂瑤楨紛垂天雨花鳳凰爪
擘東風黃日暖晴浮島嶼香雲來氣接蓬山長芳春
瀛海搖孤光扶桑若木遙低昂十年勞我高堂夢丹
青宛轉生徬徨

壽蔣氏母

蟠桃結實三千秋瀛海微茫不可求崑崙長松一萬
尺山精跳號雷斧劈何如蔣氏堂前數尺萱鳳凰爪
擘黃金翻孤莖撐立冰霜園春風歲歲吹芳枝嬌歌
急管催瓊卮蕙幕蘭窓白日移舜華渠略空披離

送徐道正判晉州

張龍湖先生文集

卷十一

五

已惜逢君遲還悲別君早燕京風已寒白露滿秋草
君去鼓城三百里驅車曉渡桑乾水京觀花翻竹馬
高西山樹繞旌旗紫君乍承恩出鳳池銀章墨綬人
爭奇十年始稱平生意勲業須酬明主知

陳氏祠堂

陳氏祠堂山之陽松柏青青覆短牆春蘭秋菊登豆
張盛禮會鼓傳芭香玉樓花暖顏紅牀金屋柳發聞
調簧霓裳未歇四海沸何如此室長淒涼

望廬山

廬山拔地連紫霞千朵萬朵青蓮花上有飛泉三百

丈海風吹落江之涯安得手持綠玉杖直從掇入瓊
瑤華蓮社虎溪總陳跡亂峰回首一長嗟

四懷詩并序

余離羣而索居久矣寤寐良朋怒焉永歎思以道
術相切劘滯天一方無由自達也乃作四懷詩匪
以品藻淵流用昭忠信宣沉憂云耳

廖學士鳴吾

我所懷兮在白石五色彤補天裂三光下照河不
洩我欲贈以雙玉盤英華陸離瓊錯丹漢陽之水阻
且艱遠莫致之增長歎

張龍湖先生文集

卷十一

五

童太史士疇

我所懷兮在五華仙人手握瓊瑤花玉笙雙鳳明春
霞我欲贈以綠綺琴梧桐枝兮徽黃金洞庭之水阻
且深遠莫致之勞予心

張太史補之

我所懷兮在水南蔚思揚藻紛文瀾光風轉蕙薄崇
蘭我欲贈以雙珮璫璆鳴兮琤琳瑯湘江之水阻
且廣遠莫致之增煩傷

王太史允興

我所懷兮在三渠守淵抱璞韜璠璣蘭櫛桂柱紉揭

車我欲贈以金錯刀青天寶匣蒼龍號方城之水阻
且遙遠莫致之增煩勞

贈芝山人歌

芝山人來武夷自言曾上看天池層巒沓嶂不可
數香爐五老青巖疊丹梯千丈倚空出下有三級泉
倒垂奔流直瀉落絕壁龍跳虎躍猿猱悲攀蘿杖策
訪白鹿林深石滑顛崎嶇棲賢橋頭弄明月醉歌擊
斷長松枝聽之發我胸中奇臨風欲呼黃鶴騎周遊
六合覽八極南窺衡嶽窮九嶷羅浮四百總煙霧岷
峩積雪連須彌西躡太華尋紫芝三花少室紛離披

張龍湖先生文集

卷十一

五

太行王屋幾千里漁陽上谷黃塵起沙磧雲寒羣馬
嘶日暮殘兵哭遼水蓬萊碣石遙相通泰山齊魯青
不窮坐觀日出扶桑東海上萬點金芙蓉石梁鴈宕
排長虹會稽下瞰神禹宮沃焦天姥俱濛濛却捲九
曲胸懷中歸來濯髮晞天池竹林洗剔顛仙碑九華
瀟灑相追隨倒蹴彭蠡掀鯨鯢上扶乾軸迴赤曦下
盤鰲足寧坤離天吳九首僵不飛頓令四海還清夷
吁嗟丈夫志氣吞五嶽安能跼蹐徒爾爲金焦夜深
老龜語洪河浪沸蛟螭舞山人山人且莫歸長嘯與
爾傾金壺

廬山吟壽汪石潭宗伯

廬山之高一萬九千丈彭蠡七澤東西流上有香爐
五老矯矯勢騰擲下瞰溟渤弱海相沉浮巨靈扇負
磅礴千里攢空遏日橫絕地紀河漢宵飛瀑布勢風
雲畫吐天地氣尼邱生孔崧降申毓秀鍾奇豈人意
汪家兄弟各挺出神駒馳步空燕冀石潭老子金馬
仙結髮事帝三十年奇文軌嵩華峻節標雲天商彝
周鼎出清廟赤鱗白鳳遊中原才猷三代佐禮樂兩
生賢功成拂衣去卧對廬山前采薜荔兮芳洲攀桂
樹兮山之幽赤脚騎白鹿散髮弄扁舟朝出遊暮歸
張龍湖先生文集 卷十一 壬

蔡城歌

上蔡城控許洛帶中州睥睨百尺樓櫓適適天中東
峙洪河下流朱馬春深靜不揚東風紫陌行鳴騶憶
昔河南賊騎來干戈千里飛黃埃媼妯棄置徽鰲死
日落雲寒鼓聲哀櫻城長吏真堪羨軍敗旌旗猶轉

戰痛哭橋頭百斷身仰視皇天夜雷電烈風慘澹砂

礫走傳郎胸中血一斗此地經過淚滿巾十年馬上
空回首竭來射策明光殿拜命新承天子歡漢武臺
前花一縣垂楊掃地春光還坐令版築開蓬蒿古來
說道民忘勞輓轡萬井朝煙細刁斗三關夜月高廬
山岡頭舊鬼泣此日居民富種粒英雄所見在久遠
旦夕之謀非爾及霍侯罵賊三寸舌鬼神為號石為
裂傳侯保障千年功鐘鼎勲名共奇絕不見當時睢
陽與峴山二子者氣橫百代驅兩間

三陟永懷歌為王秋官營題

張龍湖先生文集

卷十一

壬

夢竹子崛起閩江濱乘時矯翼凌風雲百年郊數蒼
麟角五色丹山赤鳳文昔也鳴琴向江漢新詩妙墨
人爭看天子召置金虎司冰鑑秋空夜璀璨邇來識
面長安都相逢意氣傾百壺懷中出示三陟圖覽之
使我心如茶却憶此身昔貧賤藜藿不飽雙親饑十
年有祿不逮養仰視皇天白日徂杳杳松楸隔鄉域
松上啼鳥泣寒食黃蒿葉長蘼蕪深游子天涯歸未
得有兄有兄湘之陽各年六十頭顱蒼鵲鵲楚塞秋
雲冷鴻雁燕山春雨長男兒生年誰百歲骨肉安得
長不斃回首空嗟廿載前往事凋零淚沾袂姑今記

今不可望陟高岡兮馬元黃今辰何辰夕何夕與君
對酒成悲傷悲兮悲兮可奈何爲君賦此三陟歌鳴
呼歌終兮歌轉哀北風爲我吹愁來

恒山瀛海歌壽序菴相公

崑崙西來幾千里北與恒嶽相盤迴恒嶽拔地一萬
丈青天削出蓮花臺滹沱易水兩盪潏巨靈東蹴滄
瀛開六鰲如山戴坤軸元氣遙含渾沌來文皇伊昔
肇帝域日月千年麗燕極精英磅礴未肯休却從畿
輔鍾賢德嵩高降神甫及申周室思皇頌王國銀甕
天球寧足稱丹砂玉箭無顏色河間仙李百萬枝序

張龍湖先生文集

卷十一

无

翁崛起尤稱奇二十作賦擲金石三十承恩入鳳池
詞苑鏗然振高響力挽大雅回澆漓洋洋清廟陳韶
濩皎皎明廷錯鼎彝雞舌朝含御香馥廣廈細旃聞
啟沃天祿光含太乙藜承明歸擁金蓮燭盛時禮樂
唐虞前南宮獨羨尚書賢雙馳履舄星辰上會接夔
龍雨露邊社稷經綸動明主十年黃閣資元輔手攜
造化驅神工左拍龍翔右鸞翥太和噓翕乾坤機四
海蒼生被霖雨蕭曹瑣細焉足論伯仲之間見伊呂
紛紛城府矜崢嶸休休翁獨據精誠刺兒亦服韓公
量走卒皆知司馬名樞衡運幹三辰正亭毒功深四

序成海晏越裳重譯至夜深閣道泰階平珍謨高閣
天中起御榜親題裁帝旨嗟峨錦石雙蟠龍龍光上
射星河紫銀章封事玉作桺思數從來無與比我朝
一百六十年前有三楊今有李翁今年踰六十強方
瞳炯炯眉髮蒼雙孫階前玉森立况有桂子垂金章
桃花三月吹春香壽筵歲歲羅賓觴人言翁德擬山
海高深豈不同靈長吁嗟乎山石可泐兮滄可桑君
子之壽基家邦勲名萬古昭旂常欲與天地垂無疆

張龍湖先生文集

卷十一

三

張龍湖先生文集卷之十一

張龍湖先生文集卷之十二

五言律詩

秋郭小寺

短髮行秋郭塵沙記舊禪
長天依片鳥遠樹入孤煙
野曠寒莎外江深細雨前
馬蹄憐暮色藤月自娟娟

夜坐

日落清江夜村居戶半扃
樹深聞宿鳥月黑見流螢
出處應吾道仁賢亦鼎銘
蹉跎過四十雙髻愧滄溟

江光閣

獨上江光閣窓開面面幽
月明已樹近天濶海雲流

張龍湖先生文集

卷十二

一

冰雪千山暮煙波萬里舟
懷歸王粲賦回首不勝秋

皇雱山

石路沿流水江村帶古堤
日迴雙徑合天抱萬峰低
地險連吳楚碑殘識宋齊
蛟龍深窟底風雨忽虹蜺

嶽麓山

細草山前路濃花野外堂
三湘惟嶽麓四海幾宮牆
地僻青杉合碑荒綠蘚長
赫曦臺遠近應欲眺扶桑

酬友人二首

花下疎鐘靜天涯獨客愁
功名揚子閣詞賦仲宣樓
杜若滄洲雨春潮野渡舟
有懷吾共汝雙髻愧清秋

城上

微涼動高木落落此身愁
壯志航看劍生涯付倚樓
纏綿千里夢浩蕩五湖舟
歲月催華髮空悲蟋蟀秋

縱目南樓晚蒼蒼落日昏
城迴山不斷沙白水無痕
疎雨誰家樹濃花何處村
漁舟雙盃漿杳杳下江門

遊石隴彭治中山莊留宿治中有詩次韻二首

枕崖營棟牖面水拓園林
江霧噓吟几山風入鼓琴
沉酣齊物論排遣嫉時心
衣染京塵客桃源此共尋

勝事君兼得吟牋伴酒籌
書籤紅間白花幄夏經秋
談劇千峰暮尋殘一徑幽
沿溪聞夜讀燈火遍層樓

張龍湖先生文集

卷十二

二

同楊後江黃希齋趙洪洋陸雙石迎祥寺分韻

得溪字

郭外逢僧寺林深野路迷
捫蘿凌石磴隨柳過清溪
花梵聞經語松風聽鳥啼
向來幽僻意欲就白雲栖

廖白石以詩見寄會童元白亦有書來愴然成

感依韻賦此因則敬寄去

昔年陪二妙翰墨會詞林
一別違相見尺書勞遠心
萬峰生暮色孤鴈下秋音
塊坐悲明月蒼山白露侵
佐蟬號落葉白露滿秋林
一片湘山月空懸萬里心
寒蟲那可聽鄰笛亦哀音
幽獨增長歎相思白髮侵

崇蘭生澗底香氣滿幽林采采動盈把願言寄同心
關河辜舊夢風雨激清音歲晚空山裏深愁雪霰侵

瑞光寺次陽峰壁韻二首

結軫遵皇邑禪房坐夕曛樓臺依翠嶂鐘磬發青雲
看劍春星動談碁永夜分近邊有烽火何日捷書聞
芳春蕭寺靜掃榻倚斜曛幽意憐青竹閒情愛白雲
短檠仙侶共新火野人分欲就山僧語禪機夙未聞

真州遇雲東

客裏相逢處真州日未曛萬峰遙對酒孤燭共論文
官惜三刀舊鸞悲一鏡分夜深渾不寐鳴雨濕江雲

張龍湖先生文集

卷十二

三

江暮

薄暮回江舸輕風滿柁樓水空天上下波動月沉浮
鷺宿洲逾靜鐘鳴寺轉幽漁燈依近浦明滅向沙頭

江上

的的滄江近行行故國通危橋留落照遠樹度高風
鷗立沙分白花飄水借紅琴書隨嬾癖吟意浩無窮

天柱閣

皖公城下水高閣倚天開山岳樽前出江湖席畔來
星浮千島動天壓萬峰迴欲作登樓賦誰如王粲才
夏夜青陽道院

江日盪煩溽塵襟鬱未舒偶扶青玉杖來訪白雲廬
斜日流花細微風動竹虛豈緣貪寂寞聊得慰幽疎

山行

淺水平沙近維舟曲徑逢杖藜侵細草布袖任輕風
綠樹浮煙紫青天落照紅塵襟藉昭曠蕭散野翁同

江宿

移舟初極浦倚岸即斜曛淡淡月臨水微微星出雲
流螢散高影暗水聚寒蚊山中宵至淒然不可聞

遠景樓

我愛高夫子新成遠景樓星侵雲夢動月傍祝融流

張龍湖先生文集

卷十二

四

碧水三湘濶青天萬木浮江湖與廊廟誰有范公憂

元旦

飄灑天涯雪逡巡故國春椒花初獻歲栢葉謾娛賓
千里懷人意長年廢病身空庭寒色異獨立更傷神

元夕

萬里春山月初看此度圓筵歌元夕裡兒女夜燈前
愁病兼多日飄零已二年長安天北極回首一潸然

中秋無月

待月孤城夜秋風動葦羅陰雲天際重妖翳眼前多
霄漢黃金殿仙人白玉珂淒涼瞻望地嗚咽不成歌

秋郊

風流山簡馬蕭灑習家池赤日亂峰立青天獨鶴遲
無愁身覺散多病髮成絲月出秋城暮涼雲鼓角悲

定林寺次易舜山韻

下馬秋山寺雲林第幾重碧寒臨近水青遠見孤峰
短徑荒苔合空簷古木封舜山有佳興吾意亦從容

懷舜山二首

淝水陪雙話雲秋阻一阿蹇予愁若此知子意如何
良會今能幾相逢苦不多寒城暮回首落日下江波
天清水葉下日沒孤鴻翻舊壁寒燈細高城白霧繁

張龍湖先生文集

卷十二

五

幽棲驚節換獨坐與誰論蘭芷憐消歇思君不可言

寄高竹泉

籍甚瀟湘縣風流高竹泉鳳凰鳴曉日鷹隼在秋天
桑柘千家靜絃歌一邑傳慚予空落魄歲月故人憐

草市廟

登臨猶不倦倚杖更山扉舊壁龍蛇落空堂蝙蝠飛
雲香流別洞樹影動深磯便欲招仙侶青天振羽衣

贈彭大尹

瀟灑衡山尹公然道氣便相逢人似玉惜別酒如泉
秋水雷家市江風烏石船集賢如可卜須共買山田

秋夜

清露冷銀河輕雲渺白波遊人未歸去萬里歎蹉跎
月色當空好秋光傍客多誰家倍高興燭滅尚聞歌

送季長史還宣府

霜清木葉下秋盡黃花開轎車不可駐之子意難裁
落照延晴野寒風生古臺梁園春雪滿應得醉深杯

吳集市

吳集百家市回鄉十里村樹荒兵燹地血黑戰場痕
新鬼時聞哭貧家今幾存無端悽惻意獨坐向黃昏
湘中憶鄭栗齋憲僉

張龍湖先生文集

卷十二

六

細雨春帆濕孤舟江色開岸花當水出沙鳥傍人來
綠草湘妃宅青山帝子臺湖南霜氣重遙憶子真才

赤壁

赤壁周郎渡清江蘇子臺林亭依綠水石磴入蒼苔
銅雀興亡恨金蓮際合才乾坤餘舊跡惻惻古今哀

石鐘寺

古寺依危石殘僧住薜蘿江聲流楚合山色入吳多
鸛鶴巢雲樹魚龍蟄水波天涯孤客思停棹一相過

送張舉人幹還宣城

舉世皆賢達張生何隱淪高歌燕樹曉拂袖敬山春

細雨江花濕東風溪柳勻一樽娛綵服應慰白頭人
武穆祠

寒雪湯陰道蕭蕭武穆祠陰風疑殺氣落日想征旗
離合君臣際存亡治亂期山川空故跡俎豆寄深思
峴山

山餘羊傳宅谷隱習家池野竹依寒水春苔繡古碑
江流人共遠日落鳥空悲無復高人意誰堪倒接羅
巴陵別子明

我歸湘水曲君去帝王州乍喜相逢處難禁遠別愁
霜風吹短袂寒月下孤舟燈火巴陵暮含悽各涕流
張龍湖先生文集 卷十二 七

雨中東南田

憶昔與君遠思君長渴飢如何相近地猶是惜多違
司馬愁仍在安仁思不微雨中黃葉落獨坐掩柴扉
曉入皇雱山中

霧氣連村黑江聲隔樹聞嚴霜栖密草寒日曠輕雲
徑轉危峰出林開細路分兒童山谷裏猶憶舊時羣
夜懷用南田韻

天遠聞鴻鴈樓高憶鳳凰秋搔易短魂獨不禁傷
風竹搖霜色寒花卧晚香長吟忘夜永明月下虛廊
南田以詩見懷用韻荅之

杯酒豈無侶知音寧復多爾才終赤紱吾道合青蘿
長缺悲公子黃金誤翠娥河東誰更賦碁局且相過
秋日登城樓用南田韻

城臨孤壁迥樓出萬峰開域勢銜天濶江形抱楚迴
野風吹日落霜鴈切雲哀直北長安道憑軒首獨回
發茶陵別諸親舊

行行離故里洒淚別交親明發過湘水應爲更遠人
雨侵山樹曉花落暮江春何事懷簪組風塵白髮新
發長沙別諸友

自不能忘世應還事遠遊十年雙鬢短萬里一身浮
張龍湖先生文集 卷十二 八

細雨山花館清江驛樹樓可堪春草色處處喚離愁

真州聞廖白石學士在維揚甚喜既追弗及感
而賦此

真州初倚棹聞爾在維揚笑指孤雲隔猶牽一水長
鳳歸還舊閣廖有學士召命鸞舞更新粧時廖初得妾逸駕難同
步含愁坐夕陽

清溪阻雨

客愁已若此况聽雨聲多潮氣連滄海江光湧白波
暝雲低野度濕鳥掠船過咫尺齊山色蕭蕭鎖薜蘿
獲麟渡

聖王久不作吾道亦凋零回首獲麟渡空懷易世心
春歸津柳暗日落野亭陰把劍思今古長歌汶水深
丁字沽五日

解纜桑乾水薰風吹棹歌短蒲溪雨細高樹野煙多
又過端陽日其如歲月何黍包懷舊俗無處弔湘波
陽峰宗伯池亭宴集次崔東洲四首

東里春卿署招尋水竹亭捲簾雙闕近對酒萬峰青
冠蓋同今雨江天聚德星坐臨池上晚明月浸寒冰
水抱新亭敞園廻濶岸紆池平窺仰鏡泉落散浮珠
卷幔波光入懸燈月色俱興狂忘禮數席地捋寒蒲

張龍湖先生文集

卷十二

九

初疑旋馬地還識草玄亭風治寒吹綠晴山晚送青
疏櫺流淡月高樹隱飛星詩就傳新句揮毫撥硯冰
鏡開芳沼靜錦列畫屏紆驚座談霏玉隨風唾作珠
山雲閒意得水月道心俱歸擁青綾卧吟魂傍翠蒲
渡淮

南風淮水上細雨短帆開山入岵盡江浮濟泗來
煙波踪跡遠歲月髮毛催萬里長爲客湘雲首獨回
呂梁

呂梁眞險絕滾滾波濤翻風雨萬兵下雲雷百獸奔
傾危天意及疏鑿禹功存無補慚明主驅馳未足論

送人之零陵

千里湘南路孤舟白浪開讀碑元子室弔古澹山臺
蛇異從人得茅香縮酒迴左思能作賦吾子亦奇才
淡軒

懸軸維幽默居然百化陳雕華應物理腊鼠豈吾真
大雅旣不作王風遂絕淳美人殊未憐杜若自青青
送江西鄒司訓之貴池

遠水下天塹羣山當小孤風流自江左此日領師模
回軫清商古傳經白晝初秋陽與春雨梁棟共榱欂
挽周生沔

張龍湖先生文集

卷十二

十

周家碧瑤樹詎爾零芳蕡深荒渡雨花冷暮山雲
短日悲長算鳴琴罷遠聞百年慰幽冥應有定齋文
聽雨

滴滴吳江雨孤舟獨睡時不堪聞夜永況復是天涯
魏闕燕雲夢高堂楚國悲無端心欲折容易髮成絲
同楊後江諸公迎祥寺分韻又得枯字

石門閉重屋樓閣起長衢歲月悲殘碣龜龍泣壯圖
庭空山鳥下水落石蓮枯獨立倚秋木寒風吹綠蕪
秋夜

涼露凋羣木禪房起寂寥天聯雙闕迴月對萬峰遙

宵柝龍城靜風燈竹戶搖故山松桂樹秋去竟誰招
長陵

日月開燕域乾坤起帝圖丕承周武烈燕翼漢文謨
古道熊羆立空山殿宇孤松楸瞻望地清露滴寒蕪

江晚

落日層波迴輕舟帶夕搖長天孤鳥淨殘雪萬峰遙
野竹依寒水江門對石橋多愁雙鬢改應欲傍漁樵

寄青岡太守

不見青岡久相逢憶薊門彈碁秋月館看劍夜窓樽
雲海人千里風塵淚幾痕封書愁寄與臨發欲銷魂

張龍湖先生文集

卷十二

十一

東子鍾

數日未相見雙眉鬱不開一經嗟歲月短褐尚塵埃
柳色江春逼花香圃日催夜樓燈火地應作望京臺

喜雨用聞字韻東江午坡

紫電雙蛟下驚雷百里間千檣掛飛雨萬樹濕流雲
潛霍根荄病遙驅海岳焚旅懷聊暫慰解纜重思君

苦蚊

蚊類何微細紛紛起夕陰飛從明燭滅鳴傍舊帷深
遠水孤舟夜滄江旅客心抱衾眠未得於汝不能任

送袁璣教廣德

鄉國生秋夢天涯復送君遠心連楚塞離思逐江雲
道重陳無已官貧鄭廣文建平儒業舊羨爾續遺芬

送易璜司教饒州

空憶西泉上傷心往事虛傳家今有汝薄命欲何如
歲月青羶冷江湖綠髮疎鄱川千里外野送重愁予

弔郭中丞母

畫荻流風遠今傳郭母芳織機曾斷縷丸膽嚼殘香
幽壑松楸古封書日月光洋門山百尺鬱鬱照瀧岡

陽峰宗伯池亭宴集次韻二首

池亭開窈窕栢竹帶繁紆倒景涵空碧憑虛瞰蓋珠

張龍湖先生文集

卷十二

十一

醉懷因月勝幽意與雲俱總是瀛洲客相從拾紫蒲
分池銜翠閣高栢隱虛亭風柳依簷出霜篁拂座青
東華通御氣南斗霽文星醉極沾微渴猶思玉井冰

和羅峰閣老瑞雪韻四首

青陽開獻歲白雪表豐年流澤千郊潤寒花萬樹妍
百靈隨帝力率土戴堯天功化歸調燮懸知一德虔
初從銀漢度旋繞玉階飛表瑞成三白凝花接四圍
氤氲浮御氣沾灑洽天暉眩鑒孚皇德靈承願不違
芳甸含青氣東風落素花寒飄龍漢遠輕撲鳳樓斜
帝闕光華旦皇洲億萬家太平歌有象聖壽正無涯

王春元會日玉帛萬方來瑞氣浮仙掌瓊花滿帝臺
影涵宮闕動光照掖垣開熙景逢千載謳歌遍九垓

萬壽節朝天宮習儀二首

曲檻通丹室長松鎖翠煙樓臺臨絕巘鐘磬發諸天
瑞莢生堯日緋桃入漢年君王有明德萬壽應高玄
看珮移宵燭聞鐘候曉雞鼓嚴千隊肅嵩祝萬聲齊
鳳吹隨金仗龍宮隱玉題回看天北極香案玉雲西

張龍湖先生文集卷之十二

張龍湖先生文集

卷十二

十三

張龍湖先生文集卷之十三

七言律詩

送南城李知事

天涯霜雪貂裘黑古道重雲野樹愁作客風塵皆萬
里送君江海獨孤舟青巾舊說薊南海白髮今傳李
惠州幕府官閒詩興好定須飽飯對羅浮

同古冲東園宴集言懷

雪下樓臺千竹深名園樽酒得同臨十年踪跡悲岐
路四海交期獨此心今古嘯歌龍虎國河山悽惻鳳
凰吟相逢漫憶當時盛華髮年來半不禁

張龍湖先生文集

卷十三

一

送丁憲副大章入秦

舊遊世路多離怨今雨天涯更此筵千里風煙雙劍
外十年涕淚一燈前河山淑氣催芳草關塞霜威傍
錦韉興慶即看王子賦過秦應寄賈生篇

懷水南學士

苦憶南州張仲蔚十年抱病卧滄洲文章有用翻憎
命世事無情祇自憂澤國蕭蕭黃葉下關河渺渺白
雲流多愁已似悲秋客况復登樓及客秋

飲木末亭晚登雨花臺

雨花臺擁孤峰出木末亭窺碧樹稠吳楚乾坤千里

目雞豚禾黍萬家秋松間古寺依淮曲天際疎帆隱
石頭一望煙波愁日暮五雲多處定皇州

懷貞齋少詹

雲樹荒涼對石城重來非復舊時盟折梅東閣春相
憶伐木空山鳥自鳴江海蛟龍波浪濶省堂風雨夢
魂驚瑤琴獨抱朱弦冷何處樓臺看月明

寄懷周嵇山大尹

解綬歸來髻未蟠玉潭深處水雲多山中詩侶黃花
酒天上仙郎白玉珂聚散無端悲往緒追趨漫自憶
同科幾時得向瀟湘去共爾江頭聽棹歌

張龍湖先生文集

卷十三

二

寄几川太守

几川太守舊乘驄銅虎新持列郡雄贛水夜天孤月
白瑞山春雨萬花紅南陽獻納憐看草楚澤飄零歎
轉蓬衡嶽峰高回鴈遠尺書遙寄暮雲東

禪後用南田韻

春晝冥冥萬壑寒花枝三載共愁看歲時荏苒堪垂
淚風雨淒清獨倚闌鵲樹啼痕殘月暝烏城悲語濕
雲乾哀餘轉覺祥雲滋病起俄驚舊帶寬

寄少湖三首

春山伐木聞啼鳥秋雨空堦長決明書廢總緣耽懶

癖愁多不獨爲離情每從節物傷時變欲傍漁樵託
此生淒惻有懷憐我共玉山何意愛公榮

去年此日逢長至憶共天階坐月明南國霜煙今獨
宿省堂燈火夜深情遙憐夢與三山隔翻覺愁隨一
線生歲月無端悲易老朝衣空恨未辭榮

愁顏覽鏡新絲重遠目登樓落照明南菊一秋羈客
病北書千里故人情吟邊綵筆花爭發夢後池塘草
又生春日庭中嘉樹滿攀條不惜寄芳榮

懷前峰司業

可憐多病王摩詰十載長隨鷗鷺羣勳業未教收管

張龍湖先生文集

卷十三

三

樂文章空說似機雲溪樓明月知誰共江國哀笳怨
獨聞霄漢故人今復幾白門清淚墮秋分

九日登觀象臺飲憑虛閣

象緯丹梯凌絕巘雞鳴高閣俯憑虛古今人世登臨
外百二山河覽眺餘九日天涯催節序萬峰秋色落
郊墟綠尊醉把黃花認烏帽愁驚白髮疎

壽顏樸菴

早辭簪冕賦歸田卧向青山二十年雲淨樓臺開嶽
麓春深花竹暗湘川一身樗散塵機息累世科名日
月懸忽報仙郎歸畫錦壽筵此樂更無邊

雨中天界寺赴同鄉之宴

衝泥不倦登臨興錦席淹留古佛堂喜有清尊論故里未妨萍水是他鄉白門細雨林花淨蕭寺涼雲野竹長共道相逢冠蓋盛獨慚簪履負巖廊

送陳子正賓廬考績

爾家住傍攸江上背郭堂開蔭薜蘿走馬山房曾共宿石牛潭水幾經過老懷故里情偏重惜別他鄉意轉多奏績莫嫌官獨小漢京冠珮總恩波

孝陵次松谿韻

龍馭鼎湖瞻望遠珠邱宮殿瑣層林天銜海嶽黃圖

張龍湖先生文集

卷十三

四

濶壑轉風雷白晝陰獨立爐煙香霧濕再窺松栢五雲深山前忽聽祥蜂事千古君臣共此心

送戶曹郎中陳渠軒考績

初聞奏最入金鑾喜得還家賦采蘭鴈引江帆過鄂渚春隨旌旆到長安十年冰雪看龍劒萬里雲霄放羽翰無那相逢即相別白門離思總漫漫

雨後江亭送巾石中允

送客逢春貪出郭東風南國凍初消輕雲建業千峰雨新水秦淮兩岸潮梅弄餘寒開細萼柳含殘雪變芳條天涯萍跡誰能卜江上愁看煙樹遙

元夕雨

帝城積雨千家靜燈火稀微獨掩門天上似疑春尚遠人間空有夕逢元窮愁錯莫寒仍急庭砌蕭騷夜轉繁欲掃長空看月色共將歌舞對琴尊

喜晴用韻

曉光初見隱虛無旭日當簷氣轉蘇高樹煖風回百鳥芳郊疎雨點寒蕪宮雲樓雪看俱好岸柳林花品自殊對景可能忘樂意朱絃瑤柱裊相扶

紅梅

二月墻梅吐絳英一枝庭院獨分明總憐冰雪留芳

張龍湖先生文集

卷十三

五

朶翻恨春風有妬情采摘未嫌時欲晚賞來須及雨初晴憑誰寫作清平調吹入君王玉笛聲

河上寄少湖學士兼懷館中諸友疊前韻

星垂平野孤帆靜天繞長河片月明雲樹家山千里夢江湖廊廟百年情旅魂寂寂孤燈暮世路悠悠白髮生遙憶玉堂仙島迥紅蓮池上幾枝榮

送劉四山別駕還湖州

去年此日吳門路今日還爲白下遊却笑與君俱作客不禁岐路共悲秋天涯涼雨連飛鴈江上寒風颭細流湖海共憐霄漢意五雲回首鳳凰樓

弔郭中丞父母

千里章江隔楚濱，生芻何處奠孤墳。
青山明月來黃鶴，碧瀨寒煙咽暮雲。
錦匣龍鸞看紫誥，瑤編燈火識遺文。
顯揚勲業傳餘澤，孝子忠臣百代芬。

齋夜次陽峰宗伯二首

去歲燕京逢日至，五更環珮候天壇。
瑤堦月照龍旂靜，朱戟霜浮虎帳寒。
白下江湖人共遠，省中燈火夢初殘。
十年未獻甘泉賦，雙髻虛慚侍從官。

殺灰初動六陰餘，午夜清齋坐省廬。
宮闕鐘聲催漏下，鍾陵山色近簾舒。
長松積露蒼枝重，秀竹含風翠

張龍湖先生文集

卷十三

六

葉疎遙憶漢皇前，席間北雲流涕治安書

陵祀用前韻二首

宵衣趨走龍邱祀，絳節瞻依象闕壇。
風雨滿旂靈馭下，松楸萬樹翠微寒。
園浮寶氣宸文合，石繡苔花玉宇殘。
林際鐘聲分曙色，日華光映殿頭官。

孝陵松柏翠紆餘，空曲盤回鎖禁廬。
日月萬方思劒舄，河山千里帶荆舒。
雲棲觀闕峰雲暝，霜重關城樹影疎。
燕冀載歌文武烈，典謨真美帝王書。

次貞齋寄懷

幾回相憶淚浪浪，講席空瞻漢殿香。
憂世匡衡翻謫

宦白頭顏駟尚爲郎，鵬鵬力播滄溟濶。
騏驎心悲險路長，江海漫逢談笑地。
石城雲樹怯虛涼。

送徐伯元南還因寄淶江年兄

幾年不寄淶江書，白下逢君感客居。
江上煙波還送別，天涯風雨正愁予。
扁舟歲晚兼葭冷，故國霜寒鴻鴈疎。
遙倩緘詩問公幹，碧山幽意近何如。

省中元會次陽翁韻

十載長揚獻賦臣，白頭南國歲華新。
還因畫省含香處，倍憶金門待漏晨。
江海風煙千里夢，石城簫鼓萬家春。
春卿獨羨才無敵，每有清詞動縉紳。

張龍湖先生文集

卷十三

七

元夕雪中同石塘冢宰宴集北原司馬次元會

韻

畫堂燈火會元臣，雪滿樓臺夜色新。
塵世百年能幾笑，天涯今夕是何晨。
酒杯寒映星橋月，火樹晴輝玉苑春。
比席夔龍真忝竊，東風華髮愧簪紳。

承天寄內方

迢遞荆門接帝州，漢江如帶掛天流。
玉魚金盃悲前代，翠輦龍旂感舊遊。
遙路風煙驚客鬢，美人雲樹隔仙樓。
滿城木葉秋光暮，欲寄黃花奈遠愁。

龍陽道中寄陽丹泉僉憲

空山落木帶寒雲，草樹微茫路不分。
天濶身隨孤鴈遠，僧閑鐘在半峰聞。
渚蓮露冷紅初薄，巖桂秋深翠正芬。
却憶昨宵江上月，清光千里重思君。

送汪太僕還滁

薊門三月與君別，秋盡金陵還別君。
異地不堪頻送遠，故鄉那復賦離羣。
醉翁詞記今猶昔，毛仲功名世所聞。
共愛白泉熏舊業，又看三鳳在青雲。

念二夜驚洲河亭觀燈次古冲韻

對酒已憐芳節後，看燈還愛夜堂明。
絳河瑞彩涵珠斗，碧玉輕風和玉笙。
萬井樓臺銜露景，一庭梧竹藹

張龍湖先生文集

卷十三

八

春情天涯今夕知，何夕爛醉尊前笑語生。

河上寄壽顧東川御醫

攜書十載客燕都，大隱何妨與俗俱。
方朔金門緣避世，長房白日有懸壺。
養生自愛千金秘，佞覽真貪五嶽圖。
短髮春風仍甲子，壽筵回首北雲孤。

送宮保宗伯惠巖顧公奉詔展省歸常州

十年名赴南宮直，八座名齊北斗尊。
前席每承宣室問，秘方曾奏廣成言。
紫泥金檢絲綸貴，翠管銀罌錫子繁。
詔許暫歸誇畫錦，惠山松桂總君恩。

送田侍御之南都

高歌春日倚燕臺，柳色青青照客杯。
玉勒花間驄馬出，樓船江上錦帆開。
雨聲白下山光合，日上鍾陵海色來。
磊落即看經國志，早知君是不凡才。

天津晚泊

天津橋西日欲落，樵爨漁舟集暝灣。
晚市樽罍村月遠，夜城鐘鼓海雲寒。
微風近榻鳴琴坐，北斗中宵倚劒看。
燕樹楚山空有思，不禁憔悴對江干。

上燕子磯遇羅邦懷

江水東來幾千折，羣山飛蓋俯孤涯。
沙明日漾鼉鼉睡，峽坼雲翻虎豹危。
戎馬關河傷往事，風塵滄海獨歸時。
羅郎賸有元龍氣，月下相逢話不辭。

張龍湖先生文集

卷十三

九

歸時羅郎賸有元龍氣，月下相逢話不辭。

謫仙樓

太白仙魂何處招，峨眉亭下草蕭蕭。
青山舊宅自春雨，落日寒江空暮潮。
朱瑟遺音三歎絕，炎荒歸夢一身遙。
玉魚金盃終塵土，紫極丹邱謾寂寥。

謁忠宣祠

青簾畫舸皖城回，古廟遙依天柱開。
杉檜風霜黃鵠語，石林雷雨白猿哀。
中原涕淚軍麾滿，異代蕭條江水洄。
芳草豐碑映千祀，秦州太守史遷來。

炎陵

衡嶽南峰迴碧嶂湘流千里接通川冥宮闕翳山
木淅淅秋風吹野田無爲八方順帝則粒食萬方開
民天剪蘿下馬讀殘碣縹緲江漢昏寒煙

天柱閣

何人建閣俯江水千尺飛甍出皖州上下乾坤自清
濁東西日月相沉浮兩孤劒柱尊前落九水絲縈天
際流閣上主人能愛客南風長日繫孤舟

奉別陳墨莊用元夫韻二首

灑淚城中別知己含愁聽雨坐燈明十年鄉國論交
地此日天涯無限情帆入海雲人共遠枕移寒月夢

張龍湖先生文集

卷十三

十

初成臨岐已似三秋隔歸到湘南草又生

薊門殘雨入新詩又是匆匆兩地違萬里孤燈悲作
客百年浮世幾相知欲爲後會應何日最不能堪是
此時千尺寒雲天外鴈夜深月黑共誰支

晚興

日暮春城風過輕葛巾欹側小亭清殘花自落屏煙
細宿鳥不驚山葉鳴岐路息機塵夢遠林邱習靜道
心生瑤琴獨抱朱弦冷何處芳洲看月明

喜得家書因憶同時諸友

骨肉兩年悲阻絕深愁無奈復離羣家書幾月能傳

我風雨千山正憶君驛邊梅蕊逢來使海上琪花隔
暮雲總爲浮名銷綠鬢扁舟長夢楚江濱

送萬長史之汝府

十年彩筆隨青館五錫銀章未白頭春暖鳳笙聞玉
殿日高花影動朱樓東平擬紹賢聲遠宣室重來禮
數優梁雪賦成才不少嵩雲汴月莫深愁

早朝

桃都聲促金門漏曙色微茫遠玉華宮樹月低還逐
馬禁城露冷欲翻鴉近臣侍直排金瑣中使傳宣出
內家朝罷歸來仙館靜坐看日上紫薇花

張龍湖先生文集

卷十三

十一

送劉田司教東流

銅官秋浦宣城地白髮青氈鄭校情琴瑟傍花春日
暖圖書開閣夜燈清晴雲天濶浮廬阜夕照江空見
皖城同學書生今幾在翩翩衣馬自光榮

衡山偶成呈留朋山大參毛泉山憲僉

風暖原頭花氣香短蓬新水坐春航半生踪跡空行
役百里江程即異鄉天際山光浮岫嘯雲連樹色帶
瀟湘旬宣憲使相逢地化雨清霜共醉觴

送王叅政承乏之蜀

十年金幄銀魚舊萬里微垣紫綬新但使詩書能化

俗不辭江海是孤臣漢皇有道終前席燕柳無情亦
送人莫向浣溪問陳迹少陵詞賦最傷神

送大霞洞楚登廣寒山分韻得秋日二字

崑崙蒼翠倚空立石林高木生寒秋裊裊丹梯萬井
出冥冥赤日陰雲流天浮御闕開龍苑花繞重城識
鳳樓乘興杳然動孤嘯長風八極吹雙眸

送蔡霞山之閩

春風杖屨懷當日岐路蒼茫已十年忽漫相逢霄漢
地可堪又對別離筵川移錦纜黃花裡霜捲牙旌白
雁前燕塞閩關俱涕淚煙塵回首一悽然

張龍湖先生文集

卷十三

十三

壽王邃伯母八十

瑤池王母神仙侶三月燕南壽域開海日蟠桃翻赤
圃天風青鳥下蓬萊紫薇花隱斑衣色玉樹春瞻繡
斧才萬里有親今八秩白雲東望獨遲迴

邃翁免朝志感和韻

司馬重來王室重韓琦西去虜心寒義關出處應無
愧事係安危不避難四海冰霜雙髯白百年勲業寸
心丹玉聲清漏趨承地獨得君恩許便安

送初內濱僉憲兵備河南

汴州秋去息風埃嵩嶽千峰天際開河上霜威飄谷

鉞秣陵山色近樽罍旌旗暮擁淮陽戍詞賦春登銅
雀臺中土地形稱宛洛安危還待濟時才

送張太史子陽封靜江王得省

江湖玉節明秋水星漢仙槎下紫微弔古未妨平子
賦還家應羨老萊衣蒼梧雲淨青山出湘浦天寒白
雁稀百粵更須勞問俗田陽猶未解重圍

送元善之金陵

金陵宮闕千年麗春水仙帆萬里開鳩鵲雲邊懸碧
樹鳳凰天畔有高臺月明瓜步潮聲入煙淨鐘山海
色來登眺早傳吳下作英雄應羨幕中才

張龍湖先生文集

卷十三

十三

送木翁閣老致仕

白髮歸來還舊履碧山又見解朝衣安危天下誰憂
樂進退人間有是非蘿壁煙霞今入夢客星猿鶴久
忘機湖邊草色留春徑猶接當年老釣磯

涯翁舊宅看花次韻

三月長安未見花酒杯數去醉誰家一枝共愛含春
日百媚爭看妬晚霞開傍朱闌閒自好不妨細雨淨
相加詩成却憶十年事心賞空悲兩鬢華

贈曾茂元奉母還南江

三年食祿曾參志萬里陳情李密歸柳帶暖煙隨畫

舫花含晴雨點斑衣礪溪山近啼鶯合螺浦江深白
鳥飛怨別況驚家在楚獨憐寸草失春暉

李古冲宅燕集別中川侍御限韻

長安春色動花枝短髻空嗟歲月移此日酒杯深莫
惜十年江海見常遲天涯細雨悲燕塞雲際青山憶
楚圻又向別絃聞遠調晚來岐路益相思

南堂爲陽峰學士

鶯塵不似齊嬰第旋馬還同李相堂春煖禁花遙入
座天晴宮柳半浮墻夜燃藜杖看周易曉着朝衣捧
御牀共說蓬瀛清切甚未妨松菊故園荒

張龍湖先生文集

卷十三

十四

送某侍郎使安陸

獻皇陵廟開安陸楚國山河啟帝圖千里玉書將漢
節十年經幄重臯謨月明鐵笛君山暮木落樓船夢
澤孤司馬豈妨遊萬里左思今得賦三都

康陵

帝業憂勤十六載干戈南北聖躬勞傷心寢殿留弓
劍滿目秋原生荻蒿華表風霜黃鶴語石林雷雨白
猿號小臣漫憶承恩日雙髻蕭蕭感二毛

恭和御製敬一亭成

聖皇受命御明堂敬一亭開揭典常綱紀萬方王道

大儀型百代帝謀臧文移天地成經緯化與陰陽共
翕張千載豐碑留翰苑夜寒牛斗避龍光

和羅峰閣老敬一亭成志喜

詞林深處賁龍章盛事遭逢陋漢唐萬國人文同帝
則百年民物此天常汗青幾見留金匱飛白空傳賜
玉堂此日來遊歌既醉共言明主四三皇

定興道中用馬太史壁間韻

沙寒草白霜欲乾古樹蒼藤杳靄間馳車天際日無
色行人道上塵如山浮蹤江海憐衰髻遙路風煙毒
病顏驅逐此生猶未息倦飛雙鳥向人還

張龍湖先生文集

卷十三

十五

哀熊峯閣老

黃閣勲名兩髯稀碧山貧病一輅歸先憂十載安危
繫直道平生伎倆微冀北星霜猶問訊博陵風雨倍
沾衣無端趨走傷心地獨立寒雲悵夕暉

磁州僧寺宴會呈伍大叅張溫二憲使

汴中朔氣凌黃河雪花落面雲嵯峨荒城古寺霜燈
小老樹空庭夜月多千里逢君同笑語三杯倚劍自
酣歌萍蓬江海仍飄轉萬水千山奈爾何

江上寄陸雙石

關山書動經年隔江海愁來兩髯疎小陸名高終不

忝長卿病在近如何武昌夜月樓無鶴漢水秋風食
有魚才大莫題鸚鵡賦情多須寄洞庭書

送犬司徒近山趙公之金陵

霜落燕門萬樹殘曉天離思繞征鞍朋游霄漢今餘
幾歲晚江湖欲別難八座星臨南極動三山月共北
雲寒紫宸佇聽尚書履白髮須彈貢禹冠

送蕭尚點之忠州因寄雲東

忠州百粵文身地歲晏天涯獨去難抱璞自憐三獻
後卑棲聊借一枝安山連八柱蠻煙暝江入蒼梧毒
雨寒若過湘春逢舊侶爲言相憶路漫漫

張龍湖先生文集

卷十三

七

送袁中山繕部奉使歸省因寄壽西園先生二

首

愛爾瓊枝玉樹姿笑誇相府舊牽絲含香十載趨東
省奉使乘春出禁墀征旆動隨新草色過家應賦采
蘭詩遙知康樂承歡處不似長安夢到時

嶺海平交識俊才歸來花圃對山開正看春酒床頭
熟忽報仙郎闕下回鸞詔恩更舊品鵬袍拂暖試
新裁壽筵別是長生調一曲清歌出上台

送趙廷尉方巖之金陵兼便歸省

薊門萬柳散春暉千里金陵惜暫違南去總因懷白

髮得歸應喜遂斑衣舊驄道上行人識啼鳥庭前候
吏稀莫向高臺吟鳳曲長安回首五雲飛

揚州與陳巽峰侍御宴集時尹民部督運真州

龍秋曹理刑淮上皆同鄉也遂喜賦此

太邱德重賢聲籍劉晏才高國賦饒海上霜寒繡斧
立花邊春暖玉驄驕十年岐路同杯酒千里鄉心共
暮潮民部秋曹俱舊好過逢更喜路非遙

徐州次陳水部韻

古郡遙連河上開賢豪陳迹半蒿萊山青雨歇斷虹
出江濶夜深明月來萃墨孤亭還細草歌風千古但

張龍湖先生文集

卷十三

七

高臺綠雲自鎖雲龍色無復山人放鶴回

漕河阻淺次江午坡韻

漕舟百里水如陸篙師挽卒聲相聞迴風冥冥陷白
日四郊漠漠飛黃雲不成霖雨變枯槁轉覺卓午增
蒸焚楚客江頭正愁絕題詩欲訟雲中君

端午述懷用韻

燕山尚是千程隔楚信兼疎兩月聞蒲艾天涯還節
序帆檣江上獨孤雲勲名青鏡驚初改學士銀魚且
未焚湖海豈忘涓滴念迂遲長愧聖明君

再述

天涯五日復五日萬里風煙坐短舲異域酒杯聊自遣故山蒲艾向誰青湖晴鳥下莎光細野濶雲生海色冥自起倚蓬成獨立數聲漁笛帶愁聽

睡起用午坡韻

孤舟久繫荒村畔白晝看雲思渺然杜甫窮愁無日少江淹新賦有人傳不禁熱毒似酷吏况復日長如小年遙憶松筠丹壑上幾層虛閣野流邊

清源郊水部話舊次韻

舟移河嶽火雲張江上客心悲未央萍梗天涯驚會合甘棠南國憶循良綠尊共醉微風館蠟炬雙搖細張龍湖先生文集卷十三

河西志喜

幾年不踏燕山路江上扁舟此復來雲入蓬萊看五色斗臨宸極近三台謝安豈有蒼生望揚子慚非獻賦才堯舜共瞻清穆上垂衣閭闔九天開

送張藩幕之雲南兼懷南湖方伯白泉憲使

十年幕府承新寵萬里昆明有故池花萼春當霄漢麗紫微清傍簿書移苴蘭城古懷周蹟金馬山長弔漢祠治賦明刑朋好在欲因雙翼寄相思

送高相之常熟

湘南煙樹連平壤冀北寒雲劇暮愁作客風塵皆萬里送君江海獨孤舟崑承湖濶浮茆港覆釜山廻接虎邱奔逸早知騏驥足蜚聲應到鳳凰樓

寄龍雲東副使

天涯遠客悲燕塞歲晚憐君阻桂林千里關河雙尺素十年鄉國幾同心笛聲芳草愁何限春雨蒼梧夢亦深小院風流今寂寞朝雲相望一沾襟

送大司成倫白山之南都

鳳凰樓閣丹青近龍虎河山紫氣盤豐邑萬年周禮樂辟雍百代漢衣冠煙開鍾阜清相對月上秦淮靜張龍湖先生文集卷十三

元

自看却憶飛虹同宿處院深秋雨菊花寒

蓮塘書屋為吳進士瓊作

彭澤歸來一草堂百年勲業付蓮塘碧筒曉雨尋香葉紅粉秋風滴露房鷗鷺不驚蘋藻靜魚龍暫息水雲長名花已見徵靈瑞會向春風次第芳

扈駕發京

彤墀春曉曙煙流馳道塵消宿雨收玉輦遠扶雙鳳下綵雲高傍六龍浮千村旭日迎仙蹕萬壑晴風轉翠旂行向軒邱抒聖孝還聞夏甸詠王休

沙河駐蹕

沙河遠泛白浮來，帳殿新依碧澗開。
萬騎似雲屯虎豹，千峰如劒護蓬萊。
草承香輦含煙細，鳥避仙幢拂樹回。
簪綬十年叨扈從，甘泉慚乏子雲才。

七陵陪祀

萬仞居庸疊翠峰，七陵松柏紫雲中。
河山四塞瓊瑤地，龍虎雙開日月宮。
寢殿春風吹玉几，衮衣旭日動飛龍。
駿奔喜共羣工後，孝治還看萬國同。

曉發天壽山

侵曉千官扈聖還，萬峰回首碧蘿間。
仗依幙殿香猶在，人散春林鳥自閑。
袞職無能慚白髮，野情真欲戀青山。
聽雞躍馬成驅迫，翠壁蒼巖不可攀。

張龍湖先生文集

卷十三

二十

青山聽雞躍馬成驅迫，翠壁蒼巖不可攀。

恭和御製謁陵

珠邱風雨闕黃腸，俎豆恭脩帝孝彰。
萬樹春圍宸幄麗，九霄雲護壽輿康。
路盤鐵壁迴朱澗，天濶居庸帶白洋。
共向周原占王氣，應知聖曆合無疆。

趙洪洋銀臺守東直與內方司成登樓有作依韻奉答二首時杜研岡亦守崇文用訊及焉

庭堦宿雨綠苔封，獨樹幽花照病容。
不寐正思東直鑰，因風仍憶上陽鐘。
丹梯扶醉憐仙侶，白雪傳歌慰客踪。
知爾憑高因送目，翠華遙在碧雲峰。

寂寞文園戶，不封自憐病骨共愁容。
月搖淡影臨宵幌，雨送疎聲入夢鐘。
元鎮有才堪屬國，少陵何處倍吟悰。
無端更上飛樓飲，虛負雲天紫翠峰。

留別涂東潭次所作交游臺韻

憶昔逢君笑口開，皖城風雨共徘徊。
三年奔走悲看鏡，幾度相思罷舉杯。
淮海又驚同野席，交游何處更詩臺。
天涯去住仍多恨，腸斷江煙日暮迴。

送劉正之南還

去年燕地初逢汝，愛汝相過意不違。
離思又驚南國遠，天涯應惜故人稀。
霜林落葉隨秋雨，煙塞飛鴻下夕暉。
試問青衿趨壁水，何如菜綵慶慈闈。

張龍湖先生文集

卷十三

壬

夕暉試問青衿趨壁水，何如菜綵慶慈闈。

閣蓮呈瑞和李序老韻二首

高閣陰陰淡夕風，荷開十丈倚雲紅。
文章天上瞻葩藻，雨露人間識化工。
香裊爐煙飄合殿，翠和旭景上仙宮。
明堂歲見陳珠實，轉覺中心獨苦功。

翠盤香動紫闌風，錦萼庭開殿日紅。
栽傍碧霄知異種，信能人力代天工。
曉看玉露流仙掌，宵訝金蓮出帝宮。
獨蘊絲綸根本地，神機斂却不言功。

齋夜用元字韻二首奉呈翰院諸老

仙人瑤珮謁玄門，霞思飄飄杳莫援。
太乙綵雲高閣

道上清華月靜含元玉壺不斷春城漏畫省空懸雪
夜尊却憶蓬瀛詞賦侶分曹猶恨隔西垣

夢隨鸞鶴入天門海上仙人呼可援坐見仙童持絳
節更聞玉女侍玄爐煙縹緲千花樹沆瀣霏微九
位尊笑撫羲和行八極龍車倏忽遍三垣

寄題清湖別墅

懷玉山前湖水流蒼煙古木鎖寒湫杜陵卜築開江
檻范蠡歸來一釣舟奕代簪纓傳閱百年堂構有
箕裘多情獨愛黃扉老筴倩題詩寄舊遊

送龍雲東還浙

張龍湖先生文集

卷十三

三

藩臣禮重天王壽環珮重來筴語同孤燭秋堂憐對
酒十年岐路歎飛蓬異鄉歲月紅塵裏故國山河白
露中明日午橋還是別暮雲依舊隔江東

送趙洪洋巡撫陝西

中丞朱轂畫熊羅玉節金符照陸離臺上風霜生斧
鉞秦中山嶽動旌旗樵蘇千里供輸日烽火三邊轉
戰時惠愛即看歌名伯威名還見泣胡兒

宮僚燕集和許冢宰韻三首

東明樓觀倚雲蒼四海冠裳集此觴兼秩禮崇周保
傅遴才官備漢賢良河光抱日依簷際山翠飛寒隱

樹傍十載承華真忝竊空餘歌頌奉時昌

宮采翩翩玉佩蒼合懽今得並壺觴綺園夙戴儀型
重漢嗣元歸羽翼良雲護銅樓當日角風傳鈴索隔
煙傍願因既醉同和德長奉金甌樂壽昌

宮槐寒映御河蒼霽影遙分錦席觴典禮喜看人共
盛節辰况與會俱良沙堤平接東華外碧苑清依紫
禁傍歸路月明頻北望前星的近文昌

送華侍讀察歸省

講殿遙辭供奉班東風歸興落吳關帆邊細雨生新
草江上晴雲繞舊山介壽正逢春酒綠看花如共舞

張龍湖先生文集

卷十三

三

衣斑李紳書閣蒼煙裏叢桂青青自可攀

送沈太守愷之寧波

客舍長安卜築頻獨憐沈約住西鄰短庭碧樹春相
映濁酒蒼苔意總真京國再逢凡隔歲四明今去更
傷神東風五馬鄞川上應有賢聲動紫宸

淮安南樓夜宴同約菴中丞次韻二首

城上寒烏集晚晴高樓人醉月初生倚欄湖海連天
濶捲幔星河倒坐明鼓角長淮千里暮管絃秋郭萬
家聲霓裳未倦尊前興無奈江帆苦促程

突兀危樓逼紫霄登臨猶自憶前朝長空鳥下平蕪

靜千里雲連碧海饒白雪倚歌憐郢調丹梯扶影隔
塵歌酒酣直欲凌風去跨鶴吹簫向沅寥

送譚子明令建始

天涯人去倍離憂故國情多感昔遊燕市有金神駿
老長門無賦翠娥愁雲邊鳥送青鳬下峽裏江翻碧
樹流白帝城頭天萬里相思應上最高樓

同前峰司業過內方庶子次韻三首

四海朋儕燕市酒十年霄漢鳳凰羣西雍東觀通仙
禁翰苑青坊接紫雲環珮曉墀憐並入玉簫春殿憶
同聞天涯莫惜簪常合岐路人間每易分

張龍湖先生文集

卷十三

五

長安疎豁開新第冠蓋過逢戀昔羣往事無端驚歲
月壯懷猶自激風雲醉臨綠樹絺衣靜吟倚朱絃錦
瑟聞碁局酒盃俱不厭市朝林壑果誰分
坐受虛窓消客慮清尊况復接仙羣謾憐蒼髯同潘
岳豈有佺文似子雲多病一春詩總廢懶朝高閣漏
稀聞晚風忽送蟬聲急秋色槐庭欲幾分

寫懷疊前韻

憶昔歸栖湘水上碧山猿鶴十年羣朱陵洞口尋黃
菊玉女峰頭拾翠雲松壑飛泉懸石落竹溪幽鳥隔
窓間只今汗漫隨塵土紫閣滄洲意未分

同內方過報國寺疊前韻

送客幾回貪出郭招提還覓惠休羣凌風花氣流香
霧過雨松光溼翠雲上界樓臺塵外靜諸天鐘磬坐
中聞吏情真信兼仙隱一局殘碁白晝分

無題疊前韻二首

絳紗輕袖碧湘裙閑向天街笑作羣漢殿有情空對
月楚山何處更爲雲天邊鳥使翻疑夢花外羊車寂
不聞一陣香風環珮下步虛歸去玉花分

仙人瑤匣赤琅文五色龍車駕鶴羣金掌芙蓉浮紫
氣玉虛樓殿入青雲參差珠斗中宵見縹緲空香靜

張龍湖先生文集

卷十三

五

夜間鳳吹鸞笙聲不斷人間天上杳難分

元夕招宴翰院諸公於懷麓堂次松臯太宰韻
平泉故第在燕門仙侶冠裾喜並援春動玉堂人共
美月明銀漢夕初元清聯星彩輝庭戶笑挹蘭香襲
酒尊寡和更傳金石調風流應屬舊詞垣

齋夕有感奉次玉谿宗伯韻二首

擊劒空悲永夜過起看庭雪滿槐柯上林春淺花無
賴高樹寒多鳥未歌岐路空垂楊子淚風流莫入晉
人科冥心獨坐懷今昔愁共東風髣髴易皤

九五齋心竭素虔自朝真祖報穹佺仙人石笈應千

劫天子金甌本萬年長信香煙浮禁外太清鐘磬落
風前春卿署裡偏多思白雪吟成夜未眠

對雪次韻

高閣寒雲結晚空千山飛雪裊東風爐香欲散尚書
省玉輦初歸太乙宮帝德流通恭默上天心昭格不
言中昨聞邊騎三關急應洗烽塵萬里同

道上見軍餉志感疊前韻

漢家飛將集轅門供國軍輸未乏援豈謂材官憂戰
伐坐令邊騎逼黎元每煩宵旰紆當宁未有忠良翊
至尊此日巖廊盡周呂那無上將在星垣

張龍湖先生文集

卷十三

三

道上望西山言懷再疊前韻

西嶺蒼蒼擁薊門鳬雲丹磴負躋援空懷野鶴增幽
思欲向山居覽化元何日可攜青玉杖放歌一醉紫
霞尊倦鴉不解寨帷意漫逐歸人入禁垣

送黃以吉還閩中二首

憶從燈火對床眠遠隔煙波二十年忽漫相逢驚老
大與談舊事各悽然天涯夜雨空杯酒江上春風又
別船惆悵壺山今宿草不禁清淚洒寒煙

童稚相親今白首中間岐路歎飛蓬新懼又覺增悲
緒乍見還疑是夢中閩海風煙憐短褐壺山涕淚隔

秋空一經唯有侯芭在千古悠悠意不窮

送楊中丞金陵操江

中丞節鉞青霄下千里金陵幕府開龍虎雲邊雙闕
近鳳凰天畔萬峰來樓船春壓江流靜旗幟晴翻海
日迴南顧不煩當宁念知君應有濟川才

齋夕用松臯喜雨韻二首

法筵秋啟禮三天帝意天心互不愆絳節五雲扶玉
極琪花千歲秀金田關中紫氣臨周日海上緋桃入
漢年更喜夔龍滿齋署共將明德弼時肩

素商迎候律初調日月重開誕聖朝太乙祈靈仙錄

張龍湖先生文集

卷十三

主

秘絃宮奏簡玉書遙絳壇御氣浮丹宸碧落輕風轉

紫簫從此皇輿歸有道天心長護萬年朝

送子鍾下第南歸

獻賦十年猶未遇孤舟千里不勝愁卞和刖後空懷
璧季子歸來祇敝裘天末風塵勞遠夢江中煙雨伴
寒秋行囊須拂雙龍劍應有張華識斗牛

送白洛川經府之金陵因寄洛原

金陵昔與洛原別此日燕京別洛川四海交游衰髯
裏十年踪跡轉蓬前雨花靈谷春相憶淮樹江雲夢
獨牽見說司封猶臥病子虛新賦幾時傳

送譚光浩司教武進

月江烏石接平疇憶在童時共釣遊祿秩十年慚綬
冕詩書羨爾續箕裘綈袍京國論交地首蒼毗陵感
別秋踪跡此生真不定鄉心離思漫悠悠

次陽峰賞花二首

九重晴色霽庭衙來玉秋深更有花風轉香飄三殿
遠日高紅映五雲斜移從太液憐仙品晚愛餘芳閱
歲華詞賦不緣追夙賞坐聞天樂度凝笳

東省樓臺切紫微閑同仙侶讌晴暉花當勝地秋偏
好調出陽春和轉稀搖落更看珠有實栽培還見玉

張龍湖先生文集

卷十三

天

成園殘香歲晚應堪惜清賞何妨醉不歸

寄龍雲東

桂林天隔楚雲長瞥見函書淚萬行壯志豈知成汗
漫餘生那復尚炎荒天涯煙雨秋多思歲晚風塵髣
有霜幾度爲君魂欲斷將因漁父問瀟湘

對雪用韻呈凡山司空

寒鎖龍城雪未融灞橋何處訪詩翁尊中臘蟻浮新
綠燈外簷花落細紅異域風煙蓬鬢裏故園雲樹夢
魂中多情却愛山陰客乘興那能一笑同

夜過凡山留酌次韻二首

曉看仙曲倚陽春薄暮過逢筴語新塵世百年能幾
會天涯今夕是何辰東坡詩好才難敵北海名高座
有賓投契喜從吟社久論交况是故鄉親

畫閣圍寒煖借春瑤華光動蜀牋新懽留詩酒憐清
夜會接夔龍屬此辰對主豈須題鳳字草書何用問
鵝賓誰云開口難逢筴意到忘言覺更親

省中齋夜疊前韻

雲物晴催帝里春省中燈火暮寒新漏聲禁裡疎鐘
晚節序天涯小至辰三殿爐煙懷衮席十年簪笏愧
朝賓願從百辟同精白長奉君王一德親

張龍湖先生文集

卷十三

元

送戴龍山司馬還楚

尚書位逼三台峻司馬權兼九伐雄封事未收憂國
淚閉門今得著書功豈無青史評劉晏應有蒼生望
謝公芳草莫吟鸚鵡賦五雲回首鳳凰宮

送盛程齋還潮陽

海邊習隱鷗心狎天上重來帝寵新方朔金門原避
世申公白髮有安輪許歸溫室傳綸筴捲烟波上
釣緜袖裏丹經堪續骨山中會見百年人

送過廷諍歷滿還茶陵

愛汝城南池館靜憶從尊酒坐江煙雲霄一隔三千

里風月虛閑二十年鄉國交遊非往昔天涯離別欲
淒然庭闈歸去青春好闕下新聞可細傳

送甘司務奉使西川便歸省母

司空位望三台上才美仍稱季氏賢千里皇華南國
遠七年歸夢北堂懸星軺秋雨過雲棧綵袖春風舞
壽筵最是西園詩社冷定應池草寄新篇

送夏少叅寶之閩中便歸省母

長安十載過逢地愛爾瓊枝玉樹姿上苑煙花春對
酒小堂燈火夜談碁得歸喜及慈闈壽怨別翻嫌客
邸思閩嶠楚山天共遠萬峰寒鴈暮雲遲

張龍湖先生文集

卷十三

三

和桂洲閣老三首

扈聖再登黃閣貴台階遙傍紫微高九重復喜逢元
日百辟還隨拜袞袍金闕星辰迴舊履玉堂風雨落
揮毫共歡萬品歸鈞化會見青雲滿俊髦

右元日早朝韻

天書促召貴林園紫閣重瞻上相尊御苑沙堤新賜
馬迎和仙履舊趨門離宮入侍依龍幄直省分趨繞
鳳垣共說明良資治理由來交泰合乾坤

右元日賜上尊韻

翠苑東風拂御鞍紫微春色滿層欄月臨鳩鵲樓陰

轉雲繞蓬山海氣寒每候官車過夜殿時聞鐘磬發
仙壇師臣獨獻陽和曲偏得君王帶笑看

右雪夜禁中韻

桂洲閣老壽日次韻

昔歲曾沾初壽燕茲辰重醉賜麟厄共歡吉甫生周
日絕勝溫公起洛時平格百年天佑命保衡一德帝
王師薰風內苑稱觴地佳氣榮光滿鳳池

送劉善道還茶陵

雲陽地勝開靈嶠七十二峰生紫煙鄉里衣冠真不
乏爾家兄弟舊多賢交遊今昔堪追憶邂逅相看欲

張龍湖先生文集

卷十三

三

惘然白首風塵悲去住楚天涼雨暮鴻還

立春有懷和子鍾韻

一卧滄波空復春楚雲錯莫轉愁新幾家芳草聞吹
笛何處青山更戀人四十六年驚數癸穀元八日喜
逢辛涓埃未得酬明主俯仰應慚造化仁

贈孟東漳僉憲赴京

青瑣匡衡曾抗疏楚山孟博更驅車湖湘節鉞持衡
地江漢風霜攬轡餘綵鷁春行天闕近豸袍花暖日
光舒玉珂定有蒼生奏宣室應知前席虛

雨中須野枉駕池園

積雨池園夏亦寒，裊雲松柏靜誰看。
旋呼掃徑知因客，懶慢逢人謝着冠。
車馬忽勞行傍險，酒杯聊得慰交懽。
分攜明發還愁思，楚水湘山悵渺漫。

再賦兼憶鄉溪司業

草堂今喜故人來，小酌真能笑眼開。
憂國匡衡原抗疏，濟時陸贄亦先財。
奕棋清簟依涼雨，落日雙燈倚暮臺。
忽憶文通江浦賦，不堪岐路重悲哀。

和邾梅巖太守秋夜漫興二首

涼雲高閣碧陰沉，明月青山幾處砧。
蟋蟀晚風悲自語，菊花秋雨爲誰深。
少陵江海唯雙鬢，天祿勲名遠寸心。

張龍湖先生文集

卷十三

三

寸心倚瑟喜聞傳，郢調步檐時復一長吟。

中流簫鼓畫船張，十里江天樂未央。
酒力喜能秋共健，節辰況與客俱良。
岸迴垂柳依行樂，寺轉寒松出短牆。
塵世幾逢開口笑，菊花寧爾負徜徉。

觀湘閣與彭大尹宴別

湘江東下應千折，一水中分十里洲。
岸拆孤臺浮地出，窗開雙練掛天流。
芳蘿春暖生香細，殘櫓風輕落韻柔。
萬里未辭孤棹往，一尊聊爲故人留。

人日家居風雨寫懷

十日春來五風雨，況逢人日轉多陰。
江梅妬雪香猶

細，岸柳衝寒綠未深。
隴上松楸南北淚，尊前兒女歲時心。
楚山燕域還驅逐，疎髻蒼顏半不禁。

悼亡友過九章

涕淚平生道義期，傷心猶恨對床時。
雲霄比翼盟仍在，江海傳書病已危。
文字百年悲鳳鳥，弓裘舊業有麟兒。
雲山此日堪腸斷，忍見寒煙鎖暮碑。

壽勁齋翁八十有四

臨桂仙人眉髮光，直從灘水到瀟湘。
斷碑岫嶺看神跡，短杖雲秋識賣姜。
籌屋算經過八袞，菊觴況復是重陽。
仙郎更著王喬履，碧海青天路正長。

張龍湖先生文集

卷十三

三

慰子明不第

失意故人猶聞寂，無魚長鯨豈須哀。
同遊尚憶當年恨，辛苦相看十載來。
白壁卞和還舊璞，黃金燕國有高臺。
雲霄芻秣淹留地，慚愧風塵老駿才。

思竹壽卷

黃山谷裡瀟湘雨，自是仙人種植成。
夜月碧霄看鳳舞，秋風清海聽龍吟。
疎簾清簟疑無迹，落日寒煙更有情。
滿地兒孫驚歲晚，一簪華髮又逢生。

用韻答子鍾

寂寂窮愁悲葛屨，無端霜雪更冬餘。
每貪近藥緣多

病喜有新詩慰索居麗藻春深華日細短庭寒咏暮
燈疎子雲白首耽奇字羨汝揮毫能獨如

己丑元夕用前韻

千峰雪色猶含凍燈火家家樂未疎夜月錦觴催急
管春風銀燕散飛除病愁送老憐瓊句懶情何心問
璽書寂寞短檠清淚墮一庭寒漏暮煙虛

楊氏山庄

招邀數費山翁意盡日逢迎水竹涯徑轉小堂從細
草江迴遙岸更平沙松枝凍舞含風葉梅樹寒生帶
雪花驅逐十年聊此席塵纓吾欲愛煙霞

張龍湖先生文集

卷十三

三

暑夜用南田韻

山窓夏月暑氣促小簾疎欄倚暮涼太華空傳寒玉
井闌風遙憶白雲鄉河流淺影低高樹月轉微陰落
短牆安得馭風凌九萬下看人世似浮糠

喜雨用前韻

六月雷雨忽三日軒窓杳杳動微涼蛙鳴禾黍田陰
水人醉雞豚拓影鄉洒入燕條青拂檻濕沾鶯樹綠
浮牆旱雲更有憂民賦肉食誰能念粃糠

次韻答李西州

十年雲水寄閒身蕉鹿風塵夢已眞江浦短篷明月

夜石田桃竹碧荷春不貪豈有疑參杆較一誰能念
漢仁歎息故人今白首多情猶自手書頻

庚寅元夕雨和韻

柳條疑未透春催寒色猶看傍晚回燈閃簷花浮雨
細月流窓影遞雲來山林歲月驚蓬鬢湖海生涯愧
酒杯何處兒童矜壯健臨除簫鼓夜爭尅

春日雲山寄廖童二太史

七十二峰何壯哉嶽蓮高傍青天開江流如帶裊煙
碧石門過雨生春苔藤花落盡杜鵑老美人一去湘
水哀瑤芝瓊草綠可折欲寄長安無使來

張龍湖先生文集

卷十三

三

江上送方西樵閣老歸嶺南

清風黃閣調元地白首青山乞病身十畝園中今獨
樂百年林下幾歸人長松卧對羅浮雨細草行歌海
嶠春我北公南成別夢風塵回首暗傷神

張龍湖先生文集卷之十三

張龍湖先生文集卷之十四

七言律詩

過東昌寄開州守雲東

官閣高城拂樹迴，牙樯滄海傍雲開。
垂楊沙岸啼鶯合，細雨江天綵鷁催。
喜有詩篇傳白雪，謾勞燈火憶金罍。
開州涼冷今何似，白水青山首獨回。

寄羅二峰省解

風塵憶與天涯別，烽火驚傳海上書。
中散絕交知未得，馬卿多病近何如。
月明畫角雙愁鬢，春入孤城一草廬。
辛苦未妨終歲隔，艱難猶恨十年餘。

張龍湖先生文集

卷十四

聽雪

草閣冬深睡初足，忽聞寒雪下逡巡。
空簷簌簌仍兼雨，虛枕蕭蕭欲近人。
鴻雁天南無一字，兵戈塞北有驚塵。
生涯落魄年將暮，羞見梅花幾樹新。

舟夜與胡一松

雙袂臨風病眼開，短航獨夜傍沙迴。
江濤細雨寒燈落，木葉重雲白雁哀。
尊酒十年悲阻絕，青山雙屐爲誰來。
紅顏白髮俱愁思，紫閣滄洲謾自猜。

晚酌汲秀亭用周白山韻二首

江上危亭倚斷槎，偶因深酌出晡衙。
雨餘新柳青全

透雲破暈岑碧半，些梁落晴泥初舞。
燕樹驚風葉乍歸，鴉輕煙小艇平沙際。
爲愛漁郎理釣叉。

愁病棲遲損性靈，暖風輕袖共衰形。
一溪風雨過人日，十里江天獨客星。
細草留連尊酒綠，短亭歌舞萬峰青。
祝融忽憶元君鶴，擬逐秋山看洞庭。

淮口舟中值風雨候白山不至

長風不來雨不絕，江上孤舟向晚過。
千里客心連蟋蟀，一蓬燈火傍龜鼉。
帆垂濕影依雲落，雁帶寒聲隔樹多。
獨夜煙波還悵望，君今何處聽漁歌。

過金陵呈諸同年

張龍湖先生文集

卷十四

二

古樹風烟入建康，漢畿樓閣帶迴岡。
觀臨赤日懸鳩鵲，臺轉青江起鳳凰。
月色大堤牛渚夜，柳花細雨白門香。
諸君合在承明裏，回首雲霄憶正長。

春日愛雲書屋

岸迴古渡新亭出，路入名園細草平。
春岫暖雲依樹滿，晴窓斜日映池明。
陰陰溪柳垂絲重，點點林花落片輕。
應愛將軍能地主，幽期倘結薜蘿盟。

彭子充以詩見寄用韻

蜀山秋盡暮雲平，楚澤江寒白露清。
已是悲君千里隔，况憐去國一身輕。
匡衡有志憂公室，杜甫無家住

錦城沅芷澧蘭青更滿不禁日日喚愁生

梅園秋遊

燕門九月天雨霜瘦馬城西衝曉涼曲岸傍橋蘆葉
短斷畦臨水稻花香鵝池清淺移舟入烏樹蒼茫載
酒嘗不有主人知愛客可能垂釣對斜陽

劉揮使席上

城上陰雲寒簌簌習家池館晚留連微風官燭歌喉
底細雨簷花舞袖前引爵飛籌深不倦衝泥疋馬更
須憐酒闌却有天涯思回首江湖一愴然

再寄雙石

張龍湖先生文集

卷十四

三

湖上寒風吹月明孤舟官燭照灘聲美人遠隔青山
暮此夜相思白髮生客淚暗隨江雨濕愁心遙度雁
雲平多情不及中流水日夕悠悠向北傾

獨夜用江午坡韻

江船獨夜坐含情銀漢遙看接帝京高樹亂螢疎度
雨垂楊深岸暗聞鶯風開短袖扶雙腋鼓落荒邨欲
四更却愛捲簾吟白雪燭花紅破暮波平

武岡道中

曉驅使節濱陽道樹色關河白露中溪岸短橋依斷
石野籬疎竹拒寒風地連荆楚三千里天入雲山幾

萬重鄉國迢遙心共遠天涯霜雪歲將窮

送彭延重司訓合州

十畝風煙連故里百年兄弟更通家他鄉見面愁初
破舊事驚心鬢已華江海一羶憐歲晚蜀山萬點憶
秋槎天涯惜別空尊酒目斷煙河御柳斜

送董潯陽太史奉母還湖州因寄午塘宮諭連

川秋官

玉堂仙客下鑿坡千里潘輿喜若何天入海雲江樹
杳春歸汀草岸花多碧山晴雨催吟藻金馬榮光動
薜蘿却愛茗溪詞賦侶定知載酒日相過

張龍湖先生文集

卷十四

四

春首喜晴次陽翁韻

帝鄉民物總元元車騎東風接笑喧禁苑日光浮淑
氣鍾山樹色帶春暄金花勝裏裁絲細栢葉尊前鬪
翠繁清散敢言同吏隱迂疎何以答君恩

再次二首奉松翁太宰

衣冠洛下羨名門北斗聲華孰可援兩代銓衡歌世
德百年崧華會真元丹心白日開公論黃髮中朝仰
達尊鼎鼐勲功留社稷麒麟圖畫照臺垣

去歲茲辰住白門浮萍南北竟誰援天涯冠蓋還今
夕海內煙花幾上元詎有盤餐兼水陸謾勞詞賦動

春尊當年相業稱懷麓此日夔龍滿帝垣

省中齋宿次援字韻

午夜清齋坐掩門院深車馬絕交援皇心九五潛恭
默天德淵微契體元方朔漫傳青鳥信漢王空愛紫
霞尊燭花不剪星辰下玉漏遙聞出禁垣

陵祀偕西佺少宗伯出郭喜呈一首疊前韻

霧曉衝寒出郭門青郊遙軫笑追援野愁已似張平
子詞客仍逢郎士元松閣暖風憐聽鳥花源晴雨對
御尊雲霄千嶂居庸道慷慨時聞指塞垣

鞏華城疊前韻

張龍湖先生文集

卷十四

五

鞏華天北關重門十里居庸翠可援疊岫風煙連象
緯飛樓日月動乾元燕關遼海形相控帝寢神京勢
並尊憶昔追從鑾蹕地五雲猶繞鳳凰垣

瑞光寺同西佺夜話疊前韻

十載追從金馬門禪房此夕更依援清商周廟聞疏
越翊亮虞廷見愷元瑤樹光風流綺席碧蘭香雨潤
芳尊雲霄意氣看長劍隱隱龍文遍斗垣

陵祀疊前韻

層巖紫翠隱朱門空曲盤迴勢若援天地萬年開締
構河山千里閱靈元松風夜靜生瑤簫茅露春寒瀉

桂尊燕翼永懷歌峻業駿奔悽惻對穹垣

道場紀事

黃髮真人帶玉冠身騎金虎佩蒼鸞俯窺日月行丹
極貪禮星辰拜石壇旛影一庭仙掌淨鐘聲萬戶彩
雲寒朝元初罷千官下碧宇沉沉夜未闌

曉赴西山

萬騎旌旗拂曉風又隨仙仗出行宮天臨巖岫星辰
近日麗煙花紫翠重喜達鑾輿瞻御氣不緣邱壑戀
雲松閑情翻愛青山寺何日僧房聽曉鐘

送盧涑西少司成之金陵

張龍湖先生文集

卷十四

六

離筵萬柳照青春南國征帆帝命新千里河山周鑄
宅百年禮樂漢成均雞鳴花暖橫經坐虎踞雲深弔
古頻詞賦白門傳麗藻文章黃閣待絲綸

懷貞齋江司業因羅子鍾寄去

憶昔追隨供奉地江淹新賦動長安離羣却恨相思
苦直道空嗟行路難楚日斷雲孤雁遠白門紅葉萬
峰殘愁心欲逐題封去江水茫茫秋雨寒

雨後用韻邀周少府

茂叔先生帽桶古簿書何事集如堆高軒倘念山中
客細雨無孤掌上杯青落野園堪摘韭紅垂墻角尚

餘梅欲從風牖驚疎豁昨夜江城已送雷

中夜僧寺對月有懷

禪房獨夜松杉靜小院迴廊蟋蟀幽潘岳有懷仍對月少陵多病更逢秋江城露下芙蓉晚霄漢雲遲海樹愁聊把一尊憐節序強移孤笑破羣憂

答陳師魯次韻

獨向煙波理釣船青簑箬笠自長年晴雲山谷花如霧春雨江門水似天桃杖觸松驚鶴舞葛巾移石對鷗眠著書近日應多少楊子佞經許世傳

和桂洲閣老二首

張龍湖先生文集

卷十四

七

策士春朝仍漢制羣英敷奏滿虞廷衡持藻鑑歸元宰供奉逍遙有列卿金殿日高旗影靜玉堂風細墨香清掖垣晚出趨南省樹隱龍城月未生

右東閣讀卷

朝下月明南省靜煖風拍拍透春庭玉亭入拜尊三事星履趨陪綴六卿金石文章看贊治綺筵官燭對寅清十年三度追從地祿食空驚白髮生

右直宿南宮

院中觀蓮次泰泉學士韻四首

瀛洲深處水烟多有客看花載酒過笑倚玉堂歌泰

華醉翻雲錦拂天河總因采勝憐芳品肯逐流萍感逝波遠道十年勞欲寄尊前今夕意如何

天風晴日滿丹邱秋苑離宮照錦流金海雲霞迷太乙瑤池花雨暗西樓芙蓉香殿榮光繞沆瀣仙莖紫氣浮亭畔一枝還獨對醉搖寒影水煙秋

堤擁平沙玉潤東小池花發水雲紅繁香撲琰天初霽涼影當軒日正中自愛孤芳留雨露差教薄媚借春風誰將瓊液叅仙鼎持獻軒皇太乙宮

翠煙裊裊撲秋堂誰遣紅粧隔座光戶外謾聞垂紫袖風前似欲試霓裳芳菲喜及看殘朵采掇還應見

張龍湖先生文集

卷十四

八

遠香攜取一尊呼月色碧天霞海水雲涼

送盧石屏督撫汀漳

曾攜彩筆侍彤墀南國今來屬保釐節鉞風霜生海嶽壺漿父老迂旌旗權兼楚粵三千里坐擁貔貅十萬師即見春農銷戰甲待歸天闕是瓜期

送東川憲副兵備閩海因憶北原太宰

龍銜天上拜恩榮豳繡閩南建節行畫角晝吹江成冷樓船春壓海波平誰言武備非文事正可詩書代甲兵別思因君更惆悵豫章煙雨不勝情

送費少石奉使淮藩便歸展謁

八座聲華逼紫微。接雲瓊樹迥光輝。銀章貴綰星樞重。錦節遙隨斗漢歸。朱殿玉笙陪曉宴。青山風雨拜秋薇。遠遊莫漫貪奇蹟。黃閣春筵待綵衣。

送鄒明章令德化

日出香爐立翠微。月明潯水漲潮磯。青天歸鳥雙鳬下。白晝鳴琴一鶴飛。半日楚山知不遠。百年仙令見應稀。別離江海鄉關念。冉冉風花點客衣。

送陳廷記令雲安

萬里春風錦水清。劍門秋盡倚雲明。天邊雙鳥王喬舄。雨裏新詩杜老情。駐馬白鹽當遠峽。鳴琴赤甲避

張龍湖先生文集

卷四

九

孤城離筵共惜燕。山暮楊柳垂垂兩岸鶯。

送杜通判之九江

老杜文章名四海。潯陽山水重南陬。月明天塹潮聲上。日出廬山海色浮。綬綰銀章非不貴。轡聯五馬最風流。更看雙鳳雲霄裏。早晚應堪慰白頭。

舟次遇雨有懷館中諸友

錦纜樓船江上開。信雲鬱暑坐中來。迴風陷日天光薄。白雨連山海勢嵬。石燕小堂將乳子。靈鼃深窟隱輕雷。愁多却憶青霄侶。目斷黃金百尺臺。

小孤

江水東來蕩千壑。孤峰積翠接天遙。波濤夜靜鳴奔雨。劍戟秋明起白鵬。上下星河浮楚蜀。東西日月帶雲霄。仙姬神女無消息。金碧樓臺空泐寥。

七夕蕲陽一二同年席上

七夕蕲陽江上居。一尊鄉國客愁舒。高城木葉秋先下。白露樓臺晚更虛。學巧風塵應未得。乘槎仙漢定何如。相憐獨是通家誼。引爵飛籌意未疎。

壽謙庵七十

能詩常侍千人俊。湖海元龍奕世豪。南極一星明碧落。東風三月醉春桃。十年宦業餘鳩杖。萬里雲霄有

張龍湖先生文集

卷十四

十

鳳毛看徹青山淹。白日學仙不必問圭刀。

雪夜有懷用子言至日韻

北風吹雪向人流。處處山鉞正割愁。劍外將軍還戰甲。湘中客子獨悲遊。燈依古壁寒光細。笛傍孤城清韻柔。腸斷并州一灑淚。首回王子故山樓。

喜道亨至

楚山燈火曾看劍。燕市風煙更此杯。萍水幾年清夢遠。天涯今日好懷開。古臺寒月秋相對。高樹涼雲晚共陪。白髮兩人俱涕淚。愁看風景重遲迴。

九日殷氏宅對菊

楚鄉遊子滯天涯此日城南一看花愛有高雲明錦
石不妨細雨濕黃沙秋風疎鬢還羞帽濁酒酣歌欲
駐霞人散夜深騎馬去月明當面聽清笳

送孫太史使交趾

星車秋繞龍城出鳳詔新從越地開炎海恩波天子
代玉堂冠冕史臣才石門弔古煙生室銅樹題詩月
滿臺回首長安萬餘里莫逢姹女更徘徊

送同年朱瑞卿令奉新

南去奉新三百里華林章水壯名區單車花外看迴
翟雙鳥雲邊識下鳬石徑山深仍卧虎草簷春暖有

張龍湖先生文集

卷十四

十一

饑鳥朔雲寒雪長安暮杳杳平帆水驛孤

寶應呈戴龍山次韻

美人價比雙金貴病客心勞十載來遠水忽從揚子
棹薰風喜共廣陵杯詩成筆社霜華落酒盡槐庭日
影回江海相逢殊去住不知懷抱更誰開

徐州贈趙近山憲副

鄰潤楚封知善政相逢已是十年來青油南北重開
府白筆東西舊著才霄漢文章看鳳鳥風塵蹀躞見
龍媒萍蓬江海仍流轉回首青山戲馬臺

送人之岳州幕

才俊登庸蓮幕貴岳陽南去壯懷舒范公愛樂猶今
古屈子行吟有故居洞庭水落魚龍出衡嶽風高木
葉疎怨別自驚家在楚湘雲荆樹正愁予

送劉楚望南還

楚道荒煙短轡開薊門寒菊照離杯布袍江海冰霜
晚龍劍風塵歲月衰白壁卞和還舊璞黃金燕國有
高臺即看駿骨收良價莫倚青山賦綠苔

送張司訓誼司教開州

洪洋山繞鹹城出瓠子秋深漢水來鄭老青氈雙短
鬚馬生滄海幾憐才菁莪夜雨聞琴調首荷春風照

張龍湖先生文集

卷十四

十二

酒杯亦是江南詞賦客莫看二鳥重悲哀

送中川按貴州

十年栖並上林枝此處翻愁使節移紫禁煙花朝雨
細碧山雲樹暮春遲蕭蕭驄馬衝炎嶠渺渺星槎度
漢湄鬼國西南薄屏地天王方軫廟廊思

送沈靜夫令番禺

南國才名推沈約尚方仙舄羨王喬梅花大庾雲千
里柳色新城雨一軺越秀峰迴芳樹合海山天遠瘴
煙消朱弦自昔還清廟卽位遙聆近紫霄

送劉養和提學山西

秋風薊北初看劍馬足并西更舉杯千里文星今入
斗十年霜節舊憐才鴈門日落窺汾水漢柵雲開見
五臺周道古來終愛主赤霄回首是三台

送何勉之司廳奉使歸省

九天丹詔重民極萬里仙槎獨爾勞楚國雲山開畫
錦江湖秋色傍旌旄旄臺日落見蒼樹夢澤月明生
暮濤南望鄉關更迢遞可憐鴻雁背人高

真州尹元夫民部話別

十年踪跡各西東岐路蒼茫嘆轉蓬忽憶相逢真戀
戀可堪離別更匆匆尊移涼酒酣春綠燭對寒潮落

張龍湖先生文集

卷十四

七

晚紅明日扁舟向何處維揚江上倚孤蓬

陳御史兩尊人雙壽

淮水清霜斧鉞孤楚山愛日綵衣趨龍章喜沐雙封
貴鶴髮仍兼七袞俱花暖春香凝繡笏壽開仙島下
青鳬君親海內恩俱重忠孝人間義不殊

送陳懋貞太守之蒲州

吳下諸生名獨盛專城千里受恩新春風敢謂多桃
李聖世應憐有鳳麟蒲坂冠裳還揖讓首陽山勢故
嶙峋儀型今古瞻依地青史無論漢吏循

送曹龍泉歸隱華亭

燕京兩度逢君地龍劍風塵短褐哀萬事世間真夢
幻一官天上即歸來百年松菊陶潛徑兩鬢江湖李
白杯閑倚青山吹玉笛海雲明月鶴雙回

九日邵園和韻三首

五侯富貴競名園九日登臨倒碧樽天際雲霞雙鳳
闕望中禾黍萬家邨菊香溼露寒隨酒月色留人晚
駐軒歌舞未妨頻奏樂于今四海頌君恩

戚里林亭敞碧園羣公暇日坐銜樽一溪雲竹城東
路萬樹風煙郭外邨鴈帶寒聲遙度雨菊憐秋色細
浮軒登臨豈用懷彭澤黃閣方隆漢主恩

張龍湖先生文集

卷十四

七

九日天涯憶故園野流山閣對芳樽亂峰細雨黃花
徑高樹鳴蟬白露村烏帽有情隨短鬢華裾何意賦
高軒容顏却恨成消歇報國無能愧聖恩

送張六泉別駕督運還浙

則壤萬邦周貢賦轉輸千里漢功臣舳艫曉雨連滄
海環珮秋風到紫宸豈謂陽城甘政拙獨憐伯起最
官貧三年相見還相別去住天涯一愴神

秋享同內方齋宿直廬疊前韻

闕宮俎豆嚴秋祀禁署清齋習鷺羣銀箭銅龍催斷
漏玉繩天闕度微雲爐煙並坐三堦靜魚鑰初傳九

殿聞却羨賈生才過主獨從宣室待宵分

送張畏齋御醫還吳

秋風正憶江東鱗八月遙乘漢上槎千里歸心連去
鴈十年游子始還家寒波石出聽楓葉舊國山深長
杏花見說洞庭仙子宅定應採藥訪煙霞

和松翁齋宮喜雪韻

琳宮高閣啓朱楹瑤陛冠裳列上卿風馭共瞻神陟
降天心應格帝純誠丹砂火裏蛟龍出仙管雲間彩
鳳鳴瓊雪忽看花萬樹春光疑是廣陵城

送趙經歷澍之金陵

張龍湖先生文集

卷十四

五

八座聲華高北斗留臺地望切雲霄總緣鄉土憐桑
梓况復姻聯托鳳僚燕國再逢青鬢舊金陵還去片
帆遙九苞自是丹山種遲爾來儀叶舜韶

送馮御史提學南畿兼得迎養

金陵驄馬是重來王國爭歌棧樸才龍虎山河頻攬
轡鳳凰詞賦舊登臺貪趨故里逢春色喜奉慈闈獻
壽杯即辦綵衣隨畫鷁還依南斗望中台

賀某翁生孫和韻三首

有子昔聞歌繼美得孫今復慰承懽慶開仙葉誇三
世喜重台衡動百官弧矢光涵奎壁潤麒麟秀映玉

屏完燈前漸熟含鉛興幾度朝回細抱看

芝蘭階下呈新瑞黃閣新詞續舊懽願足總知緣有
子身輕豈必羨無官台垣雨露源流遠壁府弓裘事
已完千古清風傳賜笏他年佳話與同看

陽彩星華輝帝里賓筵屏果有餘懽啼聲共識真英
物陰德應知自錦官一代恩光今獨盛百年佳事幾
能完勲名福履元相倚孝子忠臣俊可看

壽顧中書母八十

來鴈庭前寶婺懸薰風堂下綵衣鮮空聞王母三千
歲未似人間八十年命服雲霞裁賜錦天書鸞鵲擁

張龍湖先生文集

卷十四

六

瑶編仙郎寵祿方優渥長此承懽向日邊

次凡山生日韻

五十八回天地春仙籌蓬海慶長新薦觴正近陽初
候檢曆仍逢日丙辰南極祥光龍闕曉錦筵冠冕鳳
池賓司空位望三台峻鍾鼎勲名百代親

南郊陪祀前韻

綬室初迴六琯春郊邱琮璧祀惟新遭逢禮樂文明
日不是秦封漢時辰寒拂雲旂隨陟降景回日馭重
寅寅朱衣只在高佺上奏假無言萬國親

立春賜宴次凡山韻

遲日條風春事宜玉墀賜宴拜恩時九重淑氣浮天
仗三殿晴光入酒卮湛露載歌周鎬曲陽春誰和郢
中詩尚書獨在星辰上鳳掖東頭領百司

送周石崖琬督學閩中二首

遙持憲節趨閩越且傍秋風過楚城雲樹家山千里
夢江湖廊廟百年情豸袍日映斑衣動烏府春兼絳
幄榮早晚揚雄應奏賦瑣闌天子舊知名
與君已恨論交晚何事天涯又別離一室芝蘭憐共
品十年鄉國幾相知薊門秋盡山楓冷越嶠雲長海
鴈遲珍重飛樓霄漢翼上林應有鳳凰枝

張龍湖先生文集

卷十四

七

送給事中陳渠送母還鄉二首

慈顏喜及君恩養扶侍兼承帝命將青瑣三階封事
遠綵衣千里壽輿康漢宮仙檢題瑤軸汴水春花照
錦觴莫以烏情貪愛日鳳鳴天闕待朝陽

假恩曾是子歸日賜假今仍逐子回鶴髮六旬身未
老鳳書五色誥重開周南夜雨他年夢天上春風獻
壽杯報主此生忠孝地瑣闌早著直臣才

封卷進呈

明時獨重賢科選白日文章上帝庭詞賦總知非往
制鑒衡今喜屬元卿縱橫敷對天人盛甲乙分題聖

覽清已見斂才歸一代還聞開閣待諸生

簡西泉太史

大雅文章當代盛青山南國十年居雲明衡嶽秋風
杖花發湘江春水魚應有民懸裴度望可無人愛子
雲書藤蘿月色憐相近躍馬聽琴意未疎

送高謙庵先生歸閩

仙郎作宰瀟湘縣白首南來興不孤衡嶽看春花近
眼洞庭乘月水平湖子長昔日遊千里班固當年賦
兩都漢水方城俱壯觀塵沙今已愧吾徒

送六峰司教南陽

張龍湖先生文集

卷十四

八

南陽千里接方城短劍青氍獨客行豈有明珠終暗
擲却憐神駿久悲鳴孔明祠古荒煙合平子臺空野
樹生童稚相親三十載高雲寒菊倍離情

有懷諸同年

相憐霄漢從雙翼忽憶江湖隔幾秋涕淚經年書不
至風塵千里見無由棲遲僻地應吾道出處論時亦
所憂日暮寒煙生落木楚天回首一登樓

城上

城上東風入夜流曉雲啼鳥獨登樓凝寒郊野鶯難
至積雨階除草未抽詩廢關心非藥裹日來多病更

春愁楚山燕國仍千里歲月天涯易白頭

廖白石奉使岷府過長沙水陸寺有詩用韻奉

答

劉向青藜長秘閣杜陵黃髮但滄洲遙持天上皇華
節不負山陰雪夜舟衡嶽賦詩期未得長淮擊楫竟
誰謀釣磯簑笠空煙雨滾滾長江信白鷗

南嶽二首

祝融高傍青天開我來踏破山中苔僧房鐘磬出萬
樹仙人樓閣凌三台東西日月尊前度吳楚江湖席
下來七十二峰看不盡夜深燈火宿南臺

張龍湖先生文集

卷十四

五

朱陵洞口秋雲開杖藜宿溜猶蒼苔松竹迴翔鳥邊
路浮圖徙倚天中台鳴琴一澗流泉度錦繡千峰返
照來瑤草金芝紛可折西風欲寄長安臺

聽子明誦江上懷友之作感而和此

愁顏覽鏡新絲重病骨勝衣舊帶餘蕭瑟獨憐潘岳
賦幽棲真戀少陵居孤城日夕荒煙斷草閣天寒細
雨疎貪聽仙郎歌白雪十年授簡愧相如

得士疇書用前韻

歲華荏苒哀歌裏岐路蒼茫涕淚餘千里風塵悲阻
絕十年江海怨離居洞庭雲盡青山遠衡嶽天寒白

鴈疎忽見書來還自喜開緘讀罷轉悽如

感懷次子明除夕韻

零落吟魂孤竹盡淒涼寒漏晚城疎十年岐路雙蓬
鬢遊子天涯幾歲除豈有涓埃酬聖主還因多病廢
交書空堂忍對清尊在歎息人間萬事虛

對雪

曉起寒風透客衣縈窓皓雪隨輝輝欲窺短幕還飄
去靜入重簷却亂飛獨坐書空轉愁絕不禁把酒對
霏微天涯寂寞雲霄迥故國迢遙人未歸

懷周少府次韻

張龍湖先生文集

卷十四

二

鳥啼芳樹白日午薜荔滿庭青可堆松菊百年元亮
徑江湖雙鬢少陵杯晴風吹綠遙分柳細雨催黃欲
上梅却憶能詩周少府與誰同步麓山苔

寄詹少華給事

苦憶少華簷給事十年高臥玉峰寒黃花詩酒陶元
亮皂帽江湖管幼安衡岳鴈聲和夢斷楚天月色共
誰看難隨鳥翼遙相逐倘惠瑤華慰所懽

金陵別羅生子鍾

燕水我應愁獨往金陵子欲傍誰居風雨天涯殊去
住人情客旅見親疎莫倚善吟司馬賦何須不讀子

雲書頭顱我已無能甚江海空慙十載餘

初登志海樓示羅生子鍾

曉風雙眼一登樓玉露鳴蟬萬井秋白鳥獨閑春嶂
靜青天不動大江流蠹香浮雨窓書捲龍氣衝星匣
劍留知爾憑高貪有思五雲應是帝王州

答南田病懷用韻

相如盡日憐多病藥餌秋廚不廢煎木葉無邊驚淅
瀝草堂相憶正悽然螢流溼影依空砌鴈帶寒聲落
遠天忽見詩來選自喜背吟斜斜立月明邊

次几山司空紀夢韻

張龍湖先生文集

卷十四

五

萬里青霄霽景融神遊黃鵠有仙翁星臨華蓋蓬萊
近日繞扶桑海谷紅巖廟瞻依天磴上吟懷清動水
雲中自慙薄劣非材賦敢謂交從夢寐同

寄陸少參舉之

襄漢昔從瞻斧鉞豫章今復想旌旗十年岐路堪垂
淚四海心期欲語誰雲樹日斜傷渭北蒹蘭春暮怨
湘湄秋風過鴈應無數定有瑤華慰所思

辛卯除夜有懷

三歲故園逢此夕一杯聊自惜年華栢隨臘甕浮新
葉椒出春盤鬪細花薄凍梅梢含雪淺深宵燭蕊隋

風斜鐘聲却憶趨朝地城上誰禁日暮笳

厭雨

元日人日不斷雨東風千壑畫冥冥山寒雪弄梅初
葢江暖春偷柳未青鰲綵樓頭歌阻絕蛾花勝裏意
伶俜偶從雲際看微月獨起閑行過短庭

十六夜過志海樓

春來病肺惟高枕乘興江門獨爾過樓峻星河雙拱
近市晴燈火萬家多潭波月映生寒綠山郭風微入
暮和遊樂自驚非少日尊前那惜舞僇僇

春日闕田謁先太孺人墓

張龍湖先生文集

卷十四

五

短舸清江幾度來遙阡高傍碧林開青山不斷花爭
發啼鳥何知人自哀宰木風煙空白日石麟春雨半
蒼苔隴前牧笛牛羊下惆悵斜陽獨馬回

陳體坤詩來促予迎暎之作次韻答此

習懶江門祇釣磯病多况與世情違文章自信非能
事琬琰虛疑可並輝晝靜雲簷雙燕細春殘風砌落
花稀瑤華忽枉南厓使却引吟魂倚爾飛

慰子鍾憂居

西風獨飲雙啼淚辛苦猶憐十載餘霄漢豈妨威鳳
翼塵埃誰問臥龍居原思有道貧非病侯氏窮經學

不疎雲白山青江樹綠欲從無相會真如

壬辰除夜次子鍾韻

故國明朝又一年夜堂風雨促繁絃酒觴泛栢寒仍
綠茶鼎敲冰火自煎萬里雲霄增悵望十年簪組愧
才賢門人喜有侯芭在燈下時傳五色箋

癸巳元夕次子鍾韻

萬鼓萬家繁此日風光滿故園
待江春默默自無言珮環猶憶趨華蓋仙樂遙聞出
禁垣流景可憐隨白髮種瓜豈欲傍青門

端午喜邱須野省使宴集

張龍湖先生文集

卷十四

三

故山蒲艾悲時序多病文園寂寞中千里喜君今下
榻十年回首歎飛蓬盤蔬野外分新綠簷雨燈前落
細紅海內弟兄能幾在相逢莫放酒杯空

林秋潭二守有愛妾之悼因贈二詩

歌舞教成出絳紗玉簫雙鳳倚春霞綵雲一自青鸞
去明月空隨菴柳斜日夕含愁悲綠綺秋風清淚隨
琵琶多情自古還多恨莫聽山城弄暮笳
知音無地覓楊瓊絃上空餘腸斷聲縱使新懽能似
舊也應相憶不勝情庭空萬籟秋誰對雲冷千峰月
自明瑟瑟晚風梧葉下獨憐憔悴向江城

秋潭以詩來言別再用瓊字韻答之

投李翻驚得報瓊天風高木下秋聲關雉鐘鼓河洲
意司馬琴臺日暮情即使官途還五馬忍令山月只
孤明可憐他夜相思夢飛入湘州第幾城

秋潭次韻兼名飲再疊前韻

探囊時復見珠瓊千古騷壇繼正聲況有清尊聯密
好不妨傾蓋放真情窻銜木葉垂雲濕堦隱苔花過
雨明蓬梗秋風悲易轉曉來相憶隔湘城

中秋舟中疊前韻寄秋潭二守

叢桂陰陰花吐瓊獨移短舸枕江聲何堪天上中秋
月却照湘南兩地情流水無心隨意遠寒花不語傍
人明此身鳥翼能相逐應與孤雲過遠城

張龍湖先生文集

卷十四

四

壽元老三首

紫閣彤雲拂曙開上公花甲際初回仙人玉膳調神
鼎霄漢金莖作壽杯堦上六符呈瑞日袖中五石補
天才共歌商什資平格載頌周詩和有臺
崧高千古發靈源南極星輝接紫垣龍馬精神騰海
嶽麒麟勲業照乾坤玉書金簡雲霞麗寶澤瓊恩雨
露繁唯喜碧簫將鳳曲壽筵歲歲薦芳樽
黑頭拜命入黃扉天上台階接紫微一代文章瞻鳳

彩百年禮樂慶龍飛青霄時問排金闥晝日承恩賜
御衣靈壽應隨元氣久時從亭毒酌璿璣

張龍湖先生文集卷之十四

張龍湖先生文集

卷十四

五

張龍湖先生文集卷之十五

五言排律

贈於伯度出守大同

五馬雲中守瑰奇天下材
鷗鵬掀碧海騏驎突風埃
陣列桑乾遠旗臨上谷開
曉雲高闕塞春樹白登臺
京國咽喉寄干戈羽檄催
即看廉范績知有孟舒才
拔劔三城戍揚旗萬里回
坐令關域閉白雉越裳來
壽羅峰閣老六十

哲后承昌紀明廷得俊儒
鳳凰出郊數龍馬負河圖
灌辟干將器飛黃汗血駒
扶輿鍾間氣海嶽發徵符

張龍湖先生文集

卷十五

一

壯志風雲際丹心社稷孤
帝謀嘉契合臣弼叶都俞
禮樂回三代英雄失萬夫
廟堂資密勿稷契會唐虞
冠冕依天近星辰聽履趨
陰陽宣化理台斗酌元樞
几几瞻周鳥優優服禹謨
丙功深不伐說志洵交孚
翼亮經綸地甄陶造化鑪
一人隆眷倚品類藉昭蘇
玄澤流如溢神功斂若無
泰和薰宇宙春雨浸江湖
禮數羣公異恩光絕代殊
大名存琬琰豐業動寰區
廉陛三階切珪璋八命俱
御書將百檢華榜麗雙鋪
蟒錫金聯束魚垂玉並扶
香分龍座煖日轉鳳池紆
躔徙佗枵次暘生昧谷都
乾坤周甲子日月慶懸弧

王母麒麟脯仙人冰雪膚詩歌崧嶽壯頌擬麥邱夫
寇準鬚常黑韓休貌自癯長生非藥石平地即丹壺
有喜從板桂叨榮愧倚葦陳詞增舞躍聊欲見衷愚

送趙白崖之任安成

憶昔荆門路青山趙氏居石橋寒澗細古木暮村虛
吾子今才俊爲官且簿書安成饒禮俗封壤帶衡廬
涼露侵征旆秋星伴使車上林相別地應惜鴈行疎

送俞憲使兵備南贛

夙著長沙績還聞六詔功甘棠黎庶愛聲教百蠻同
贛嶺仍分閫君恩昨錫封絲綸雙檢重節鉞萬夫雄

張龍湖先生文集

卷十五

二

霜日明雕戟江湖歎轉蓬所希天路永相與躡鵷鴻

送李廷貴之官淳安

去去淳安縣江梅待客旌花封懽得佐竹馬定相迎
鳬舄橫天際銀章照日明湖平杭月白雲暖越山青
兵甲仍燕北豺狼欲道橫東南亦凋敝相望獨關情

天壽篇百二十句奉羅峰閣老

帝德弘元化維天佑命純受圖膺間氣贊治得元臣
耆壽隆平格休符屬聖神夢徵巖肖說靈叶嶽生申
跋躡青雲上騫飛要路津文章卑後漢談笑失先秦
花繞蓬山曉槐搖畫省春王猷歸黼黻禮樂贊郊禋

策合神明地時乘於穆辰乾光臨首命景曜附天人
帷幄開黃閣冠簪上紫宸泰階臨日月華蓋逼鈞陳
獨立調元氣巍然握大鈞師資存啟沃端揆納經綸
密勿忠爲屏賡歌道作鄰鸞刀遊肯綮雄鍊和甘辛
亭毒中樞正璿衡四序均廟謨升翊亮方夏藉陶甄
裴度勲名舊佺齡宰輔眞江河流沃潤泰華仰嶙峋
顧遇兼殊眷于今曠絕倫薇堂原是玉鵲印別爲銀
潞國傳宣早留侯賜問頻直廬聯玉榻溫室踐文茵
造膝牽朱芾懸魚襲綵麟珥貂朝殿側騎馬禁城闌
錫子深滄海奎書爛紫旻樓臺纏鳳藻篋笥半龍鱗

張龍湖先生文集

卷十五

三

際合應非偶堅貞自不磷皇情殷毗倚公志愈恭寅
斷斷誠無二溫溫故可親招羅勤吐握識拔盡沉淪
品鑑通毫髮儀刑表縉紳才能咸作使士俗穆還淳
掩淚蒼生病揮金白屋貧僕呼君實姓族飲范公仁
信順恒多助禎祥以善徵鶴來庭卜瑞象暴卧能馴
芝秀盈三圃蘭芳郁九垓鳳毛雲楚楚螽羽日詵詵
析木星躔徙乾坤壽域新長庚輝左壁甲子又初旬
寶籙霞陰度霓旌天路續緋桃看窈窕青鳥下逡巡
座引中恩渥觴連北斗醇寵頒仙嶠杖光賚上方珍
綺席羞駝金平沙擁騎塵從金紛廣樂獻賦競華輪

樂只南山頌康寧五福身形癯爭鶴健踵息納龜勻
李耳苦鄉樹莊生漆園椿岡陵蟠宇宙冰雪凜松筠
利澤遙無數昭融耿不湮其旋占視履得祿宜民
衮繡瞻方切旂常遠亦振長生疑即此大藥豈須論
國士慙深許封人意獨勤有懷同漢水遐迹但江濱
感以銜恩重交從知己伸願因天保什千載慶茲晨
送羅至善令龍溪

羅子廊廟器清漳山水區丹霞明左海麗藻秀平湖
花露琴隨鶴天風舄下鳬鵬鵬開碧落騏驎發長途
霜刃利盤錯弓裘奕世謨一枝詎棲息脩翮待雲衢

張龍湖先生文集

卷十五

四

五言絕句

無碍山房

碧嶂孤雲宿青天一鶴飛夜龕燈影滅藤月照禪衣
南嶽下山

赤脚騎佗鹿青天下白雲黃庭千歲觀空憶魏元君
秋夜與永寧諸宗文話舊

圓月明高峰吟蛩在空壁尊酒話青州槐陰露欲滴
九日子言家用壁間白坡韻二首

莫問崑崙山雲斷一千里莫對淵明花秋風中夜起
淵明有高興栽菊滿秋道笑殺崑崙人獨對窓前草

泊漢口走筆簡朱侍御

維舟漢江濱水色照黃鶴驄馬何不來風雨橫江落
七言絕句

送戴石屏之官懷寧

皖伯江頭天柱峰寒流千尺舞飛龍郡齋夜月明如
畫夢入芙蓉第幾重

家在長沙住碧山紫煙萬疊鎖巒峴皖江南去無多
路只隔潯陽一水間

春谷

晶晶晴雲芳翠堆千花萬花相映開東風吹雨入山

張龍湖先生文集

卷十五

五

閣啼鳥一聲何處來

迎墩十景

玉龍不舞溪雲迴泉聲自響山花開祝融峰前月如
水散作一天風雨來

右龍泉

毛骨疑從混沌結長天獨抱蒼雲立江涵倒影魚不
驚自弄陰陽飽佗汁

右鷺嶺

苔青沙白煙光浮釣竿欲拂珊瑚邱長歌杳杳放舟
去風露滿蓑江水流

右漁歌

野人自識山中路笑語遙聞隔煙霧山深竹密不見人零落東風花滿樹

右樵語

庭空露下螭蛄鳴江城鼓落天風聲攬衣自起看山月北斗橫斜河漢明

右城鼓

山中老僧吸松露拄杖擊虎虎不怒袈裟自脫禮華嚴風雨鐘聲送朝暮

右寺鐘

張龍湖先生文集

卷十五

六

市門日出生青煙市兒車馬何翩翩野流山閣窅然碧啼鳥花間人自眠

右寺煙

老蟾泣露玉宇濕千尺寒江隴秋色明珠射出馮夷宮白龍斷斷不敢食

右溪月

野塘赤日飛蒼虬萬波洶洶青天流白鶴下叫山溪雨添作寒江萬頃秋

右松聲

軟風吹晴花滿陌一徑莓苔自春碧應嫌屐齒破蒼

痕故向山中謝來客

右苔色

夢中寄桃村諸族詩有幾年不踏桃村路溪上桃花今若何二句覺來因足成之

幾年不踏桃村路溪上桃花今若何却憶釣遊如昨日天涯回首髣雙蟠

南嶽祠三首

南嶽仙人髮滿肩獨騎黃鵠踏青蓮朱陵洞在諸天上十二玉樓生紫煙

南嶽仙人鸞鶴車玉書金簡照雲霞分明授我長生

張龍湖先生文集

卷十五

七

訣白日相辭朝帝家

衡嶽巔崦盤地軸烟光萬丈開青玉洞庭明月照空寒衡岳仙人夜吹竹

和石瀧彭松竹主人遊壽藏

杖藜短短布裘長兩袖青風薜荔香松桂小山招不得鳴騶何地更相妨

天柱閣夜聽可泉詩話

李白獨吟秋浦上杜陵多在錦城隈夜深長嘯倚高閣明月隨江潮乍來

春意

石磴天風吹禪宇杏花榆莢不可數野流山閣碧近
人一徑幽香自春雨

送劉經廬陵丞二首

章義秋風捲白裘岳陽紅樹繫孤舟朔雲寒菊天涯
暮水遠山長故國愁

炎陵冬去即吳關郡外青螺雲水間下馬豈須尋故
蹟題詩應合到文山

送鍾時亨之南雍四首

鍾氏樓臺傍洙江水光煙翠撲軒窗曾思少日頻相
過醉盡牀頭酒十缸

張龍湖先生文集

卷十五

八

君去金陵煙水長江天渺渺望瀟湘臨風却憶歸難
得應笑金陵即故鄉

君家兄弟玉森森四十年來已半零尊酒天涯論舊
好不禁毛髮總星星

霜落燕山萬木稀君行歲晚欲何依十年空獻君王
策猶向橋門着布衣

壽封君止菴胡翁四絕句

瑶草琪花滿銅臺青山吹笛紫雲開天風吹度岷峨
月時有仙人跨鶴來

君王親賜紫瑤編五色雲蟠赤鳳箋畫錦春風吹白

髮蜀人爭道是真仙

解綬歸來卧碧苔桂花開後杏花開山中幾度青桃
熟摘向筵前薦壽杯

門倚江樓對雪峰簷前日月掛長松醉騎白鹿招仙
侶踏遍芙蓉一萬重

春山詞五首

花發溪頭酒百壺青天明月滿荻蒲乾坤拍拍無邊
意却入春山作畫圖

百里青山接帝畿千村花柳帶春暉朱衣日侍昭陽
裏何事閒情寄翠微

張龍湖先生文集

卷十五

九

紫翠千重玉殿高蓬萊春色醉仙桃青山漫結煙霞
意笑倚東風拂錦袍

早插金貂侍紫鑾玉龍樓殿五雲盤宮花萬樹春如
錦却似春山畫裡看

白馬金鞍入紫清十年回首碧山情桃花千樹深宮
裡疑有仙人吹玉笙

雜興二十首

長安春盡萬花飛蝶浪蜂狂撲未歸庭畔一枝香不
斷暖風晴日自芳菲

西山天半鬱崔嵬萬壑千巖入翠微悵望白雲還日

暮傷心不獨爲春歸

繡戶朱簾閉暖風君王遙在上陽宮佳人自昔多緣薄何事明妃怨畫工

青銅如雪繡羅香雙鈕鏤金鑄鳳凰不向粧臺照歌舞清光長欲待君王

大明宮闕九天開中使傳宣殿裏來紅玉雕盤宮錦覆上公含笑賜金回

四月鑾輿出禁庭旌旗十萬宿郊垌玉泉山下西湖水此日應添駐蹕亭

禁裏鐘聲月欲斜君王又駕五雲車郊原父老相迎張龍湖先生文集卷十五

處應識宮幃舊日花

躍馬長楊紫汗香誰將詞賦侍君王相如寂寞仍多病獨數歸鴉坐夕陽

天子宸遊駕六龍紅旂翠葆照居庸風雲日護金根轉歷盡銀山第幾重

銀山鐵壁五雲開玉輦金輿兩度來草樹忽承天一笑萬年留作帝王臺

月御星妃雲霧鬟塵遊忽漫向人間青山黃幙圍春色十里松風落珮環

龍威冠上赤龍蟠甲色攢金照日寒弓劒萬人看去

馬屬車何地聽和鸞

貂貴三千擁節旌蟒衣玉帶繡裙刀殿前出去隨雕輦馬上歸來賜錦袍

玉帶真人戴羽冠步虛歸去珮聲寒七陵松竹蕭森裏玉殿今開太乙壇

繡甲銀鞍十萬兵蕭蕭馬上角弓鳴將軍帳下橫戈睡天子旂前結隊行

望湖亭下水如天曾是宣皇賜幸年玉輦不來鳬鴈冷一湖楊柳鎖春煙

春浪微微引御舟君王千古幾同遊揚雄莫獻甘泉賦自有賡歌侍冕旒張龍湖先生文集卷十五

五色絲綸御墨溫

昌平草木亦君恩春風不限陵原土四海人人仰至尊

十八山前萬歲臺經營不日庶民來金精銀海終塵土百尺橋山但草萊

西山松柏肅冷冷萬疊青天繡錦屏遙望羣仙朝絳節北風吹日晝冥冥

雜詠四首

九龍池上六龍飛嫩綠殘紅野四圍翠扇遙看衝雨急鳳輿遙見度雲微

長樂春風醉碧桃倚闌飛燕舞衣高只知夜夜憐新寵誰念君王玉體勞

聞道昭陽賜寵新玉樓金屋不勝春君王亦自思賢淑只恐蛾眉解妬人

郊廟園林役未休六宮金碧照神州初從西苑開清馥更起看燈百尺樓

登石鐘山望廬山

萬里長風浪作堆紫雲吹盡楚天開起憑山石看廬嶽招手仙人跨鶴來

三月江頭花亂紅楚吳天濶水雲空萬峰搔首東林張龍湖先生文集

卷十五

十三

遠獨上青山扣石鐘

廬嶽亭亭翠萬重懸泉千尺掛飛龍石鐘山下江如鏡映出青天五老峰

送符太僕出守韶州

南國仙人碧玉簫十年吹向紫宸朝餘音却繞青天下去散作薰風入舜韶

去住天涯恨不同北雲南樹思無窮韶山雨過千峰濕知是芙蓉第幾重

壽山人陳慕泉

家住龍山第幾峰簷前日月掛長松仙郎況有軒轅

訣攜手青天跨白虹

白髮山翁卧碧苔錫山橫笛紫雲開海風吹度雙溪月應有仙人跨鶴來

送李磬洲之官瑞州二首

憶昔磬溪共釣遊今來已覺髩毛秋相逢又作天涯別明日風煙隔瑞州

平泉池館接西華細雨清尊幾度花懷舊豈堪仍送遠東風吹思滿天涯

送陳白石官吉水因寄念菴宮贊二首

漢闕承恩墨綬新東風歸去已殘春黃金臺下垂楊張龍湖先生文集

卷十五

十三

滿欲采長條贈遠人

白沙潭水接金螺玉洞春風長薜蘿懷遠因君重愁思玉堂遙夕夢魂多

送王鶴泉光祿之金陵三首

龍虎盤迴百二關樓臺多在水雲間題詩靈谷花千畝對酒秦淮月滿山

雨花臺下石楠花木末亭深入紫霞莫更登臨懷感慨江南江北總天涯

城上青山繞建康漢宮芳草滿昭陽春明門外花無數南北誰言是兩鄉

送五岡鴻臚歸省寄壽乃翁適耕先生四首

江上晴雲拂曙暉十年遊子喜初歸采蘭一曲春風裡却道斑衣勝錦衣

南國詞人張仲蔚十年調笑鳳凰樓山中白首應相憶却引詩情過虎邱

黃髮仙翁坐碧苔青山吹笛紫雲開稻花新雨看靈鵲又報仙郎闕下回

縹緲千峰鎖薜蘿適耕亭下水雲多鹿門人擬龐公宅白石誰傳甯戚歌

送譚順夫分教南充

張龍湖先生文集

卷十五

十四

萬柳東風御陌塵天涯去住欲沾襟他鄉正有思歸興又向他鄉送故人

湖上君山落日低巴江猶在洞庭西扁舟獨抱寒瓊去無數猿聲過五溪

烏石攜書憶少時石潭風雨共題詩逢君却謾思前事五十年來髩已絲

忠勤歌二首為張副憲作

關西太守持銅章春風十里棠花香蘭州城頭夜如水至今愁殺攫金郎

巴水東來劔閣青黃霧四塞天冥冥使君不斬綿州

盜草木蕭蕭吹血腥

送莫理問鈍之貴州

六十金門始拜官萬峰貴竹瘴煙寒異鄉已是難為別况復多情別更難

送吳中里憲伯防江岳鄂

岳陽樓前湖水平湖上青天如鏡明君山隱隱出烟際仙子時聞吹笛聲

垂楊拂地春沙晴獨騎驄馬湖邊行廊廟百年憂樂在使君應有范公情

茶溪

張龍湖先生文集

卷十五

十五

溪南溪北柳依依細草晴雲野四圍春雨一犁黃犢健歸來閑却綠蓑衣

蒼樹微茫帶遠洲滿江煙水接天流輕帆獨掛滄波裡不是尋常野渡舟

騎驢閑踏玉溪頭錦樹千層鎖絳樓謾說蓬壺秋色滿蓬壺天地不曾秋

竹窓

斗棋迴雲鬱青穀長阪春風散蒼萊一溪煙雨瀟湘深無數鳥聲在高木

雙感卷

風雨松楸石子墳空將血淚灑斜曛百年嵩華盤青
玉千折江流帶白雲

鵲鳩小畫

曉光庭外樹色紫薄霧山前不成雨一聲輕感白雲
迴獨立高枝俯江水

有感

蚌鷸相持落晚磯漁人倚杖笈含機如何忘却同真
化蚌自深潛鷸自飛

送譚性之判福州

故里風煙連石井詩書秋圃舊稱賢百年留得遺編
張龍湖先生文集卷十五

在却喜箕裘世有傳

十六

薊門春柳拂行旌閩海雲山戀別情腰下銀章官六
品知君應不愧家聲

送陳上舍一楷南還二首

爾昔山中訪草堂攸江百里即雲陽何知此日燕臺
別却望天涯憶故鄉

攸江東畔鳳凰山雲水千重紫翠間竹實種花滿春
雨九苞飛去幾時還

有懷東里諸宗譜寄監鎮祖祠

禾水城東楊柳垂嬉遊尚憶少年時勤王去後空陳

迹惟有青松覆古祠

金鰲江上鎖千峰東里桃溪指顧中水木百年瞻望
地幾時歸去拜寒松

詩餘

送劉春岡總憲留臺兼補怡椿賦

畫省仙春尚書舊第庭畔雲開接武今喜重來

此下

字四十年間秋卿兩世海內名門有幾哉堪怡處愛
清陰如舊編動吟懷拜恩遙總留臺根本地帝命

老成才看朱輦蜚熊錦袍拂牙風清江左霜冷秦淮

位武湖邊鍾陵山下一任詩情對酒杯聽星履便歸

張龍湖先生文集

卷十五

十七

來天上笈近台階

右調沁園春

送鄭于野銀臺之金陵

閩海壺山鳩靈毓秀世產豪雄仰先朝素老勲庸後

峰繼起邇來于野猶有遺風青瑣三階皂囊千牘十

載垂紳侍袞龍果然覩鳳鳴曉日鵲擊秋空憶從

校試南宮羨梁棟兼收得士功喜銀省新御金陵遙

下錦帆春發江柳初濃佳麗山河神仙官府時可看

花碧水東登臨處倘懷人天北莫惜詩筒

右調沁園春

大享燕樂歌五首應制

秋色滿龍城百穀登萬寶呈明堂享禮慶初成萬國
同歡感聖情堯仁廣運舜孝難名黎庶頌昇平天下
文明

右調御鑾歌

萬宇秋聲轉玉墀開寶陛薦神釐鳳樓高處雲護六
龍移風翻翠葆晴曛赤羽仙樂從天至玉殿風傳
俎豆香周禮備舜謨光從來賢聖充此萬幾康帝心
右享民心忻暢聖謨如天樣

右調水龍吟

仙掌日華浮動看萬年枝上瑞色葱蘢考臆鐘玉笙
張龍湖先生文集 卷十五 十六

吹鳳錦瑟盤龍仰吾皇聖德隆孝思無窮紫雲香駕
御微風宸居穆穆千靈拱鈞天廣樂長供奉萬載皇
家統

右調太清歌

桂殿玲瓏金風吹度簫韶下瞻五色雲車駕聖人孝
德光華夏瓊卮玉笋泛流霞鴻福無涯

右調上清歌

彩雲流玉宇澄清候乾坤山河如繡千官同醉鳳凰
樓周鎬日漢汾秋

右調開天門

張龍湖先生文集卷之十五終

張龍湖先生文集 卷十五

本

龍湖文集十五卷

浙江巡撫
採進本

明張治撰治字文邦茶陵人正德辛巳進士官至
文淵閣大學士謚文隱改謚文毅萬厯初復改謚
文肅是集凡文十卷詩五卷乃豐城雷禮與治婿
彭宣所編刊板久漫漶雍正丙午宣之從曾孫思
魯得舊刻校正屬其子維新重刊於浙江治明史
無傳獻徵錄稱其臨事不阿以是失世宗旨及其
卒也命與中謚隆慶改元始更謚焉然觀何喬遠
所撰小傳不能舉其相業集中奏疏於時事亦罕
指陳喬遠所稱爲輔臣時默然不自得冀乘間諍
諫殆亦曲解之詞歟歸有光薛應旂皆治所取士
當時以識鑒稱而詩文則未能自爲一家朱彝尊
靜志居詩話嘗摘其夜過洞庭詩云曉發吳閶門
夕渡廣陵汴日暮江帆遲洞庭三百里微風澹無
波明月照天水隱隱見君山鐘聲翠微裏以吳地
而混於楚且云文肅家於茶陵與洞庭湖密邇何
得以君山屬吳今觀集中是詩曉發吳閶門作武
昌門夕渡廣陵汴作黃陵汴洞庭三百里作八百

里則固未嘗涉於吳地豈彝尊所見之本乃思魯
序所謂翻本襍淆或思魯重校因彝尊是語而改
之歟

張水南文集十一卷

〔明〕張袞撰

清華大學圖書館藏明隆慶刻本

附《四庫全書總目·張水南集

十一卷》提要

張水南先生文集序

昔人有云操行有常賢任宦無
常遇進在遇退在不遇余嘗韙
其言謂有合於孟氏所論命性
之指乃今覽觀水南先生張公
之文而因考其世蓋慨焉傷鴻
知之未效而慕穆行之有終也
夫先生以吉士起家既授御史
尋改翰林編修累陞侍讀學士
太常卿掌國子祭酒事似亦遇
矣已望諸生廷立失儀降南太
常少卿稍遷光祿卿卒復從吏
議先生退老山巾嗟乎以先生
如彼其才且際

明盛之朝列清華之秩而功名未
大立於世竟奉懷以老豈或尼
之然哉按先生集初在御史臺
數上書言

國家便事其應

詔陳言畧曰臣愚以為今日之勢
轉災為祥不在毛舉天下之細

張永南集

序

二

故而在人君之一身不在指陳
田野之聲嘆而在朝堂之舉措
因請罷陝西織造止雲廣採取
召還浙江內豎肆赦議禮諸臣
言極剴切侃侃皐鵬之風既還
翰林則陳

郊丘之禮論孔子之祀皆鴻制鉅

儀時方聚訟而先生參稽今昔
務要之於當不徒附和白虎之
議焉當是時先生曠覽深識且
欲為

國家建經久之業流無窮之光也
及既齟齬而歸蟻居川觀履貞
委順辭讀法之宴却書院之請

張永南集

序

三

至於再三矚然不緇於俗先生
出處大都如此所謂人知之不
為勸人不知不為沮廉幾哉有
常賢矣居無何倭患起東南先
生嘗被圍危城中乃貽書政府
復條禦倭五事奏上之嗟乎夫
言也豈得已哉先生之志益足

悲矣余嘗觀太史公論士之游
宦至封侯者守之日久不得或
為之日少而得之臣君衡十年
之間不出長安城門而封樂安
侯以為遇時而命良然今讀先
生自撰壙記言在南光祿時
先皇帝頗念之忽遣中官詣閣下

張永商集

序

四

問曰今張袞何在不知所對云
何尋竟羅玄夫先生在翰林久
既上結知

聖主漸以尊顯游塗觀巷遇者吐
乃率以罪廢此其故難言之矣
然先生持潔節蟬行終始不渝
視彼周人白首泣涕於塗者豈

可同年而語哉曩歲余視學浙
中而豫章華原徐君為右使皆
先生辛丑所進士也一日聞先
生輕舟亂濤江吊故人之喪急
遣人逆於江乃先生乘夜趣行
竟不一晤而去余與徐君共嘆
先生之峻節不可攀云甲子之

張永商集

序

五

春余守憲使在浙聞先生訃既
為位哭之即走吏馳奠先生於
里第因寓書其子鴻儀請先生
遺文將刻焉又二年而余官豫
章鴻儀始以先生集屬閩轄應
谷劉君大叅連江季君緘至二
君蓋嘗校之余復稍加刪訂釐

為十一卷先生雖典詞曹而志
存經世固非欲寄勳翰墨而成
名詞賦也詩文廼其餘緒余故
弗具論論其出處之大者書于
篇端

隆慶元年歲次丁卯夏五月朔
賜進士出身通奉大夫江西布政

張永南集

序

六

使司左布政使吳郡范惟一撰

張永南文集目錄

卷一

賦

麥穗兩岐賦

纓泉賦

來鳳賦

憶蘭餘馥賦

靈鵲賦

瑞應白鹿賦

頌

張永南集

目錄

一

作

瑞應白兔頌

甘露頌

河清頌

卷二

古詩

桂洲八章壽桂翁也

介福堂詩

歲云徂矣三章寄張龍湖宮諭

有儀三章示諸生

贈高蘇門稽勳參政山西

步虛詞三首

蒲澗效古

立秋日有懷曹方湖

十六夜與同館諸君對月

贈方矯亭

同錢緒山登孤山次韻

咏菊效古體

贈陳仲約效崔宗之體

遊善權寺

燕山吟贈王玄成秋官東歸

張水南集

目錄

二

卷

春興憶故鄉舊游贈方達之東歸

陽谷篇

石屋山人歌

盤山歌爲焦員外題

渡黃河

余甫巡永平崦西陽峰二先生過謂予日將

有公事屬子余呀之先生復以是對既乃

言曰盤山詩不可不有也余感其言及至

而莫之能登懼歸無以藉手也歸途作盤

山詩

贈羽用董子暫歸東吳

題李古冲像

題美人畫

病客行訪徐養齋

晚過黃吉甫後園芙蓉池上閒步

題興國寺壁索器之畫雲龍海水圖

張公洞

雨中遊洞

遊王女潭寄史王陽

曹娥廟古柏歌

張水南集

目錄

三一

西湖歌

六月廿九日子自鹽間城歸黃吉甫待我于

虎丘山上暮色蒼蒼披襟坐石談山中之

事在子爲適在吉甫則志切雲霄恐不可

同日語耳

律詩

來冲太子挽詞二首

挽劉毅齋二首

夏日遊光孝寺酒邊偶題二首

陪衍聖公祭先師廟

十六夜集分得夜字

遊木末亭

自詠

放言

和荆川題清溪莊贈洞陽主人二首

喜黃少村遠至

小堂與蔣東雲對月

邀客二弟園中小酌坐水亭以待

晚登江天閣

贈程松溪

張水南集

目錄

四

集

春日朝回有述和夏桂洲

首夏遊郭生園亭和沈少泉

夏日恭覽清霞殿

題夏桂洲宗伯贊治堂二首

題張陽峰學士新堂

答華鴻山見懷

雨亭對竹簡邀東曉念慈

承恩賜臣某講衍義官川伯三握

賜鱗魚

賜枇杷

八月十七日實訓實錄成上親賜宴謹

身殿

黃安岵邀遊觀音閣

客至園亭和杭雙溪

羅念恭雨中同遊君山

飲童內方宅看菊屏次韻

晚過旅介溪宅留飲日監堂對菊菊有叢生

五色花者最盛

和桂洲上賜直廬志感

元旦早朝志喜次韻二首

張水南集

目錄

五

王溪少宰席上和韻饒童內方

壽李蒲翁二首

六月二日鄭錦衣招飲郭外園亭客為孫毅

齋馬西玄周芳岡梁劍峰暨子五人紀遊

二首

長安與仲弟遠之別

將出京辭朝

晚登鳳凰臺

西園燕集和用川

秋日登憑虛閣

九月九日買得盆菊數株列置小庭邀王象

山薛方山同賞

同魏大理楊中丞宿獻花巖

同王士先董體仁遊湯園看王蘭

與吳光祿顧少參晤乃弟憲副再登君山紀興

登君山貽蔡同甫

春日橫林寶安寺和王文肅壁間韻二首

三月八日登君山

春雨聞內閣試庶吉士

張水南集

目錄

六

七

桃花寺

送蒲汀先生進萬壽表畢還南都

燈夕次吳白樓

新秋感懷

送丁大章之任三陟

和方崇陵

元日宴李驗封宅次韻

送谷子尹宜興因簡杭雙溪

漢陽道中寄陳約之

春日鄭海亭邀遊慧山同張直齋顧東巖曾

梅村王九峰王仲山

十五夜見月華

小堂對菊

劉子正園中有牡丹

和礪菴宗伯二首

春陰

六月十五日兒子治酒水次居邀諸賓觴酌

予先獨坐病思未除聊自壽一首

黃吉甫投贈金銀芍藥菊二本伯以箋辭喜甚作

其作

張水南集

目錄

七

七

壽張羅峰閣老

登寺塔

贈劉子

題忠節祠為陳僉憲乃祖節愍公

登牛首

與仰山侍御三華郡守登金山

蜀山渡汎舟李南渠閣老邀子同王龍溪趙

麟陽翁見海宴集

寄贈水西諫議四首

對菊有感

雪後放舟淮河

和顧東橋新營息園十二首

閒情示邢道士

同年華松峰以東堂所植盆松二株分惠作

詩道之因經聲引謝

咏折枝海棠

登山卽景言懷

同客庭前有雪

春日尋梅踏芳郊二首

覽金焦圖

張水南集

目錄

八

七

卷三

經筵講章

周公曰嗚呼自殷王中宗及高宗及祖甲及

我周文王茲四人迪哲厥或告之曰小人

怨汝詈汝則皇自敬德厥愆曰朕之愆允

若時不啻不敢含怒

其在祖甲不義惟王舊爲小人作其卽位爰

知小人之依能保惠于庶民不敢侮鰥寡

肆祖甲之享國三十有三年

又曰天不可信我道惟寧王德延天不庸釋

于文王受命

公曰嗚呼君肆其監于茲我受命無疆惟休

亦大惟艱告君乃猷裕我不以後人迷

奏疏

題爲別是非昭公論以定 國是疏

題爲陳情乞 恩養病疏

題爲禁革奸商計沮鹽法以絕弊端以充

國課疏

題爲順時令宜治化以彰 聖德疏

題爲集衆論清本源以對揚休命疏

張水南集

目錄

九

白

題爲酌處時宜以期修馬政疏

題爲稽典據誠以對揚休命疏

題爲申末議慎祀典以隆 聖德疏

題爲獻末議靖醜夷安東南以上慰 聖心

疏

卷四

序

中府管窺序

送禮部尚書兼翰林院學士溫公還鄉序

川嶽圖詩壽序

見山政訓後序

治河錄序

順天府鄉試錄後序

贈大宗伯介溪嚴公之任南京詩序

送宮庶童內方先生歸省序

賀少保無太子太保兵部尚書東瀛張公七十壽序

會試錄後序

賀大家宰王峰朱公七十壽序

賀張母沈太夫人九十壽序

送總督薊州軍務少司馬文江胡公還京序

賀鄧子雲臺書續序

序

卷五

序

送少司徒松泉夏公被召北上序

送大中丞路橋楊公被召北上序

送侍御貞菴李君考績北上序

贈大司寇東橋顧公考績赴闕序

送巡撫右僉都御史詹公之甘肅序

重修江陰縣志序

易象大旨序

送麟陽趙使君被召北上序

送司訓趙子招遼陽衛學教授序

贈推府廊原徐君被召北上序

贈邵伯東臺余公擢天津兵備副使序

兩督奏議序

江南校武錄後序

鴻泥堂續集序

黎川王氏續修家譜序

贈邑侯金中石禦寇序

記

卷六

記

梧溪書院記

梧山記

重修合肥縣儒學記

隆慶衛儒學科貢題名記

重修祭酒公館記

深造亭記

重修常州府門記

周襄敏公誥勅碑陰記

新城縣城記

重修蘇州府學記

重修延陵吳季子廟記

重修常州府儒學記

紹修堂記

升徒縣學記

丹陽縣學記

楊舍城記

金壇縣城記

三關淺水關記

張水南集

目錄

十三

五

魁筆峰堂記

重修先世大墓記

先祖四世祠堂記

卷七

書簡

與趙明府辭鄉飲

再與趙明府

與錢鶴洲

與撫按請兵書

與嚴介溪

與徐存齋

與潘朴溪

與楊五川

與唐荆川

與楊虞波

與吳悟齋

與周觀所

與文衡山

與郡邑大夫辭建書院書

復巡按饒侍御書

張水南集

目錄

十三

五

答孫蒙泉

與撫按辭建書院書

答范中方

與翁見海

與周衛陽

與楊升菴

答劉掌教

卷八

墓誌

明故資政大夫南京戶部尚書贈太子少保

養齋徐公墓誌銘

明故吏部稽勲司署員外郎萬君墓誌銘

明故都察院右副都御史裕軒夏公墓誌銘

明故大中大夫南京光祿寺卿毅齋劉公墓誌銘

誌銘

鄒母華孺人墓誌銘

明故薛母吳孺人墓誌銘

劉母鄭安人墓誌銘

旌表節婦先姊孺人墓誌銘

贈光祿少卿江陰令鶴洲錢君墓誌銘

張永南集

目錄

十四

風

明誥封夫人吳氏墓誌銘

亡妻曹宜人墓誌銘

豫撰壙記并銘

卷九

墓表

明故奉議大夫廣東提刑按察司僉事心韋

龔君墓表

贈禮部署員外郎主事南泉方公暨配錢安

人墓表

明故中憲大夫雲南按察司副使南江鄒公

墓表

明故贈監察御史湖濱周公墓表

明故處士惠顯華君墓表

明故中憲大夫雲南按察司副使史公墓表

盤龍山何將軍伯仲墓表

明故秋江李處士墓表

明故大名府開州州判封奉政大夫兵部郎

中一桂華公墓表

行狀
明故前通議大夫大理寺卿沂樂湯公行狀

張永南集

目錄

十五

七

明故光祿大夫太子太保南京兵部尚書鳳

山秦公行狀

卷十

傳

吳孝子傳

烈婦龔氏傳

東溪范君傳

曹母鄒安人傳

祭文

祭陸儼山文

祭董庶子内方文

祭沂樂湯公文

祭王太孺人文

祭邵文化文

祭亡弟德之文

祭王前峰文

祭張用川文

祭徐養齋文

祭周綱文

祭蔣澄川文

祭李太夫人文

祭屠荆川文

卷十一

雜著

同野說

勿藥說

良牧箴

慎滿箴

警情箴

悅中箴

張永南集

目錄

七

奇禎銘

紫石硯銘

磬銘

石假山銘

三陽開泰圖讚

莆田陳石亭先生像贊

高石山像贊

蘇教授肖泉像贊

劉敬軒像贊

題東川手卷

題子昂詩卷

跋東山卧謝圖

跋水竹村卷

跋二逸徐君詩卷後

賓石對

張永南集

目錄

七

張水南文集卷一

賦

麥穗兩岐賦 有序

潯縣令楊麒字仁甫江西之上饒人爲治依於仁厚而無鍛鍊實苛之聲昔年政治其邑之安仁里麥穗兩岐太守路君直與而觀之以示行臺余曰仁哉麒之爲政也豈庶黎之悅豫而福應若斯耶不有歌頌曷宣厥美爰慕古抽筆以侈告群牧遂爲之賦

張水南集

卷一

一

潯流湯湯其東注兮邇淇黎而合并莫縣絡之奧區兮獲安仁之里名承君子之流澤兮謁金土兮微音宛嘉植于時以蒼蔚兮冒紫蕤而雙莖鍾渾噩以根莖兮吐瀟氣之清英當義驂之緩輪兮色琳珉兮青榮葉旖旎以偏反兮萃翡翠兮岑岑興文瀾于平陸兮簌雪浪之圓勻振造遷之雉羽兮翮下上其鳴聯女袂之翩跹兮倏俯仰如神含倍蓄之瓊藥兮承沆瀣于芳春忽朱明之肇符兮迎招拒之司余陰清勝之刻鏤兮悵原隰之鋪榮既蜺蜺以戢哲兮復櫛比而麟分覲金粟之繁紫兮揚午夜之葩芒綴羽蟲之

詠說兮亦振翻而飛揚爛蜀錦之殿纓兮羗王粒之

流漿傲珊瑚之交柯兮啗蓉樹之帶雙卒歲可以餽饌兮實惟蒸嘗田峻樂不可支兮早女出遊以盈筐斤九莖之靈芝兮慨假寵於歌聲陋萬年之寶樹兮僅乞靈於嘉名何若公私克實兮上下怡熙兮明良宜渚沲之叙恩兮將報德于蕪蕪繁湘澤之荇藻兮合遵晦而潛居信皇仁之於穆兮湛甘露之孔勻抽一莖而兩穗兮瑞乎九真顧茲美人理化兮流愷悌于騶虞實草木以榮施兮象陰陽兮慘舒觀鄭白之沃若兮將湛湛之軼迹彼益奏庶艱鮮兮亦既炳乎

張水南集

卷一

二

虞廷考洪範之庶徵兮孰云非夫民庸聽衢謠之孔殷兮采之樂府而賡頌詩曰麥秀雙穗兮黎水傍嗟爾君子兮漢之良步雲衢兮駕飛黃棲枳棘兮騰鳳祥足民食兮盈箱薦嘉瑞兮大章昭芳庸兮史冊屢豐年國永昌

纓泉賦 有序

蒼山之野滇南之陽有泌斯泉維洲維芳作萃其上君與徜徉顧瞻周視若聞仲尼歎息聽孺子歌於滄浪其辨異也流行坎止其貴同也盈科達章掬之挹之豈徒濯纓乎高潔將以洗心乎退藏潤

物爲盛比德爲良於焉題署如見美牆予聞竦然
於乎此天下之至潔也知者之悅廉士之方是之
取爾焉用不臧乃製短賦以載之詞曰

泉出山下兮蒙養聖功環環石眼兮流注無窮仰觀
天漢兮亘奕白道之脩虹激珠瀾兮沸沸蹙龍鱗兮
重重包九河兮震盪通五岳兮龍從英雲蒸蒸兮出
壑物淋淋兮瀾空片滂沱與雜滄兮傲冰柱而凌祝
融之峰君乎居之蘭湯沐浴神醴鮮濃如饑如渴適
觀大化於鴻濛於乎瀾哉八卦始畫五材資生以水
先用泉爲之宗是故王明用汲以施博地道流謙而
張水南集
卷一
三
美律刊

來鴈賦

中書舍人顧汝嘉氏蘇人也嘗以能書受
上知賞一日有來鴈之祥其事尤異摺紳聞盛歌之
顧氏因以名軒予爲之賦

伊翁習之鳴鵲兮托廣澤以有生稟鴻濛而受氣兮
含陽德之貞明性順時而能信兮悲避弋而遐征故
其嬉遊蒼蔚棲集叢深飛則行列獨必哀音豐肌膜
趾玄裳素袿旣目陽鳥亦號智禽雖混族於羽毛固
超類而殊心公孫獻之而秦繆得士大夫示備而儀
禮攸欽豈復將鷄鶩而刺蹙與鵠鷄而頡頏者哉爾
乃來賓白露北嚮玄冥從長颺以軒翥邇陽節而載
張水南集
卷一
四
美律刊

將麒麟之王刻芳用以報女承鳳凰之勿奪芳耀山
龍於舜紀豈直門相假寵而已乎

憶蘭餘馥賦

憶蘭餘馥者工部郎中鄭君薦和思其先大夫而
作也薦和間以示哀愛製短賦以慰厥思賦曰
轟吳岫之崒嶸兮越昆湖而迤南翳曉蘭之叢生兮
留海虞之餘馥伊束髮以效能兮抵前修而若參佩
清池之王玦兮恍湘靈乎群集紛百芳其並薦兮曰
將配乎古勝終負縕而寡耀兮執云時俗之侈汰嗟
夫人其既隔兮或寤寐焉諦之顧羅生若堂下兮傷
張水南集 卷一 五
靡蕪以紛披節代謝而霜則隕兮獨惆悵其嘒依豈
堂構之不可傳兮將芳表之難服睇嘉植之殊尤芳
媚空谷而幽獨灑芳糝以修旌兮儼君子忉其篤愁
余心以忼怛兮踵芳躅而焉淑蔽謝庭以交蔭兮神
宛轉乎彷徨葦荷蓋以爲覆兮疏荃壁兮葯房光風
朝以輕汎兮清露淒兮日夕差愈思曷其觀兮淚琅
琅乎余臆沃靈根而茂之芳建馨香於奕葉掇芳華
冀有翫兮燁懸標之苾潔噫嘻郁乎馥哉厚培植兮
具區流膏澤兮廣渠公子生兮飾且都擢州頡頏兮
金鋪名既崇獎兮業則允扶孰是馥兮將天闕兮扶

疎

靈鵲賦 并序

我

皇上嗣登大寶之十年爲嘉靖辛卯七曜貞明九功
惟叙海內有咸和之休天下同歸極之化真是以
超三邁五而躋斯世於大猷矣維是秋八月丁酉
恭遇 四郊禮成 萬壽節屆適 鄭府以白鵲
一雙函使詣闕來獻

皇上聖不自有謂皇天垂休 列聖所祐迺詔卜日
具儀薦之 九廟上之 兩宮萬姓傳呼稱爲

張水南集

卷一

六

聖德越九日庚寅

上復召百官集左順門下出茲白鵲貯以金籠一時
群臣聚觀莫不咨嗟歎異以爲帝王真瑞而鵲亦
宛頸旁睨或啄或跔若與群臣同歡蹈者臣愚退
而思之鵲羽族白質黑裳其類爾乃今霜毛玉距
純質珠翎獨得乎靈化之異蓋由我

皇上帝德同愆王道粹白故天地將爲昭焉而靈鵲
挺異於中州也夫豈偶然之故哉先儒有云玄貺
集而不彰是蔽天休也鴻功成而不替是蓋 聖
德也臣子之罪將安辭乎臣官列史氏職在紀編

快觀嘉徵歡逾恒品謹稽首以颺言恭摭衷而獻賦

維國之興隆兮必有預祥於中州之今鳥兮際白貴之采章被金方兮正色含瑤精兮晶光鑒鸞鳳兮儔匹豈衆鳥踰兮可望始借鴻以漸達兮終結鳳而鳴岡真帝王之奇瑞兮信治道之所藏伊黃龍之啓圖兮帝虞肇登啓玄鳥呈祥兮后殷其丕承循聖賢之選軌兮應豈無因非精靈其焉感兮苟匪實其誰謚肆我

文祖考戲難底寧敷德昭昭兮白鵲來庭于時聲歌張永南集

卷一

七

兮三代希聲上下聯邈兮罕嗣徽音於昭我皇兮克明峻德祗肅宋廟兮基命有容章需品彙兮鵲巢俯集反弱敵而不御兮惟冀兆民兮允殖皇天純佑我國家兮眷命滋其有赫觀茲鵲之靈異兮結爾太素之流潔方毳毼以動羽兮轉旋倚而生色望赤霄以延佇兮集金門而止息樂聖化以颺翹兮固馴樓其安戢忽顧影而矜榮兮內銜恩其罔竭若有感而欲宣兮惟垂頸以示臆矢一心以無他兮奉明君兮雙璧惟皇情之懷豫兮視下民其敷錫登九廟而薦歌兮奉兩宮兮顏色萬姓傳

以雀躍兮仰

聖人兮皇極鳴鵲之修歌兮徒溢美而亡實惟白鳥之在靈囿兮信周文而永軼嗟往牒之罕睹兮幸至德重光乎累葉矧一之已特異兮又並生而此其宛玉雉之在洲兮條白鷺之在深聽雌雄之和鳴兮若宮商之迭縱雖托名於羽族兮愛迥異乎方貢惟皇退以謙冲兮獨遇祥而省訟諒姦美之靡堪兮廼澄心於道真修三趾而允秩兮緯群龍之所經秉貞觀而旁燭兮猶黜已而戒盈登群哲兮勵翼昭王道兮粹白帝其申命用休兮惠茲迪吉上下與天地張永南集

卷一

八

同流兮至誠不息繼自今華夏蠻貊咸思服兮效珍罔缺頌曰維鵲之生于彼淇陽曷以儀之惟帝德之光垂裕子孫穆穆皇皇天子之表萬夫之望惟克敬德悠久無疆

瑞應白鹿賦并序

嘉靖癸巳元春先期白鹿見河南靈寶縣至是撫臣按史聯章表上遣使馳貢闕庭皇上敬天之休受而獻之祖考暨兩宮皇太后以彰上天殊錫既而春官宗伯聽輿言頌聖德竭臣誠請以表賀

皇上遜而不報至于再至于三 詔乃可臣竊究觀

前代自有牒記以來萬殊之福偶僥倖特之祥駢

臻輻湊燁奕狎至未有如 今日之盛也古昔明

王誼主政康人和著有福應亦莫不祗承天休其

臣獻詩歌德屬事史官以昭無窮未有如

皇上功德配天精誠淵默謙虛抑畏若是其至也猗

然盛哉定惟宗社億萬載無疆之休哉臣不佞瀝

叨侍從不量蕪陋謹撰白鹿賦一篇昧死以聞賦

曰

皇明之熙運當 丕后之承天準陰陽以作則

張永南集 卷一 九

門兮趨踰登靈囿兮倘佯結駟虞以比趾儀鳳而

若翔銜白環於閭轍贊華蟲於袞裳耀方壺之彩旭

憩太液之青陽映金鋪以的歷佇碧檻以昂瞻乃若

黑鵬侈漢徒稱絕微之珍鵠雉誇周祗效越裳之貢

是皆羽毛之偉麗奉日月之光輝豈若茲鹿春言景

福兆 前星以煜耀介 至尊而弗祿投往謨之秘

聞驚近代而罕聯肆 天休之滋至昭 帝德而罔

愆審基業之馮厚嚴祀事之吉蠲薦 九廟以祗肅

奉 兩宮以周旋榮光熠燿乎殿陛休氣充塞乎穹

挺惟

張永南集 卷一 十一

集 76—554

瑞應白兔頌并序

維

皇上宅丕后之十有二祀昭德塞違執中懋極禋薦
百神寶懷萬國大化旁流光霽洋溢於是羽族蹄
角草木雲露瑰瓌奇特之祥稱爲上瑞紛委狎至
不可殫述是歲仲冬西蜀撫臣奏白兔見蟠龍岡
其色純明皦潤光澤超絕等倫謂非人世所有表
獻闕庭式彰聖德故臣得而颺言之謹按韓
愈狀曰弄陸類也又窟居狡而伏也今白其色絕
其群也馴其心化我德也張浚亦曰久隱時見應

張永南集

卷二

十一

皇

世德也徐疾備體達消息也姿質皓朗民之則也
被白含文好無極也二臣表讚之言皆極情狀然
氣機之感苟非聰明仁孝達天德者發於人格於
天天人交感其孰致之是故聖人作而萬物覩帝
命昭而百靈集有由然矣

皇上純仁至孝感格神明貫徹天地不日海隅所以
三靈薦瑞瑞兔來格群公三事百辟庶尹稽首稱
慶謂宜命協律詔太史播之聲詩著之簡策以樹
百世之鴻名以揚無前之偉績而臣謬司彤管伏
覩嘉徵敬次蕪詞上獻黼衣頌曰

皇矣上帝敷佑四方篤生

聖主垂拱

明堂敷賁禮樂經緯綱常邁迹文武匹

勲虞唐內漸鴻化外簡鷹揚不謨大烈英華重光惟
天監德惟德降祥太和沆瀣至治馨香發爲嘉瑞有
來灋灋相彼西蜀有崇龍崗蜿蜒百里盤旋若翔坤
珍闡秘是生靈兔毛質超倫澹然守素出應明時上
符寶祚撫臣抵告咄爲異常維國之慶維

聖德之彰輶車載發雲旗迅駛象表金方美含麟趾
貢于彤庭永右帝祉於昭我皇至仁汪濊鳳皇
矢歌鳧鷖既醉無福不除萬靈翕萃惟兔之質有蒼

張永南集

卷二

十一

皇

其色化白爲祥凝霜沃雪曷以來之歸於有德惟兔
之靈元樞勿穆散爲星精千齡變采爲壽之徵惟兔
之瑞其占孔吉觀德告符有嗣其哲昔在太宗功
德彪隆白鳥載見民物阜豐肆惟我皇撫運盈成
紹祖休顯憲天昭明大曆既卜徽猷允升龍圖繼耀
龜書協靈臣拜稽首敢告

天子

聖壽無疆

天休滋王垂裕

後昆蟄蟄繩

繩光于萬祀

甘露頌

於昭

上帝敷佑下民篤生

聖主肇正人倫體元

履正恭已垂真心原麟趾氣幹鴻鈞禮樂四達政刑
一成和積順布透徹薰蒸格于 皇天天示厥徵萬
物咸若三光朗明吉雲晨集甘露宵零維茲甘露曰
陽之勝王者行仁福瑞斯應紛瓊的歷綴珠圓瑩其
凝如脂其甘若體撫吏陳辭百姓攸喜置以瓊器獻
之 黼宸明德惟馨至善有斐 聖不自享禮于

祖考爰壽兩宮眷命茲保敷錫兆民稼穡惟實茲祥
駿發出自長泰 天休滋至曷其有艾卜世歷年丕
惟三代應維以時乃在元正履歲之端若時之令庶
事惟康以莫不競誕降伊何里名孔多欽明善化浹

張永南集

卷一

三

正

於人和瓊漿沆瀣玉液霏微聖恩湛露陽用不晞臣
工受賜真荷培植帝畧上世卅丘獻瑞盛以寶龔惟
德作貢舜移零陵彪飾太平傳頌不朽方朔斯銘漢
武紹命值時中興雙立銅柱上受雲英唐宋盛世間
覩嘉徵明明我后峻極太清萬邦有濡 一人之慶
吁嗟露兮集于竹葦包納群賢何善不隱露兮灑兮
集于松栢稽謀自天黃耆爾卜賢聖繼跡子孫千億
治民今休天命永赫

河清頌

維 皇曆聖於昭 帝謨誕膺駿命瑞啓龍圖靈含

萬象光燦九區觀師順動朝宗響趨天眷有德瑞應
匪誣維河之清篤生 聖人皇躬誕育粵自卯辰撫
運七祀四月底寧天赫厥靈地不愛寶冉見靈壁亦
耀前星豈無異所皇跡是因默祐有在龍此茹名河
之有源發自崑崙淤澱滄海其太澄忽焉殊色萬
里編旌灼若素璧燦燦瓊英神功之藹坤液霞蒸清
渭退舍蒙泉服膺名天 聖瑞展也休徵聖不自有
歸之蒼昊群臣曰吁 天子明聖海若欽承維聖作
哲比德澄深一塵不垢萬景俱新顧誕淵默爰有心
歲維聖王度合虛滄溟衆流茲納不與細爭往邁古

張永南集

卷一

十四

正

翼 訓豈惟盤銘不謂馮佐偶寓村名詩替臣工以馮以
帝德淵泉涓埃何力臣職詞林抱汨就列譬之濁涇
自彰穢跡上荷包荒不棄沙礫永蠲一心奉揚休德
昭昭普明凝凝其吐納百川妍姪萬物大化同流
至誠罔測胡不萬年惟 皇子孫齊慶無斁

張水南文集卷二

明議大夫太常寺卿國子祭酒事翰林院侍讀學士汪藻撰

古詩

四言四首

五言十首

桂洲八章壽桂翁也

俾彼桂洲浩浩汪汪吹雲吐潤四海虞唐昭我輔相
式契吾

皇下民攸暨具瞻巖廊

維此巖廊允宜我公休徵社錄以贊時邑室居胥慶

萬福攸同祥光協氣盈溢吳穹

維茲朱夏壽域洪開三星共色五老與偕樂奏南山

張水南集

卷二

一

三

有夢有萊自天之祐優哉游哉

維我人斯何以祝之曰耄曰耄衛武爲期履茲元吉

相彼東維當朝柱石

天子少師

維我人斯何以祝之綿綿瓜瓞孔惠孔時絲綸繼美

皇皇鳳池玄靈既應會見孤垂

慶衍孤垂欣傳壽筆式飲庶幾我心以寫衮衮善積

幘幘萬屢庇覆無疆純嘏自假

純嘏爾長顙頤昂昂期應五百維國棟梁象山戢我

競江湯湯產茲人傑譬彼尼防

中庭有荷有荷有蘭亦有松梅桂洲之干君子樂只
以莫不覃萬靈萃止九有以安

介福堂詩 并序

嘉靖八年七月己卯少宰嶺西公肇卜介福堂奉
其母王太淑人昭 制辭侈上恩也於是公卿郎
吏寮夫賓佐四方章經之士胥賀以言某於公爲
後進獲以母事太淑人因識其事而系之以詩其

辭曰

於燦皇靈宣昭厥聞采蘋風化江漢之濱維徐有母
產釋隴址篤生少宰維國之紀紛綸典謨夙夜敬止

張水南集

卷二

二

三

帝曰汝功予嘉不忘言念其私載錫之光迺勒褒綸

龍翔鳳蹲介以景福王言春溫公拜稽首敬迓休祉

卿使于征母氏邁喜爰相震區既景迺岡亦有澍湖

紫峰之陽闢茅啓土是曰肯堂公作茲堂揭華伊載

壽考維祺高朗具在維福之介其鼓駭駭母燕茲堂

亦既醉飽盤有白魚庭有青鳥既歌既嘏其鏞考考

母居在堂葱珩繡裳不顯惟適如幾如式其舞繹繹

会有嘉賓祭賀成欣考德頌言百祿有臻百祿有臻

定爾子孫

歲云徂矣三章寄張龍湖官諭

歲云徂矣子將曷征天寒木落鴻鴈悲鳴汎汎舟楫
湖水不平瞻望弗及涕淚如零

歲云徂矣子將何之騷鸞駕虬旌旌蔽虧陟彼高巘
亦降水涯豈不榮貴怨是別離

歲云徂矣子將焉往江水瀾天雪下如掌豈不懷歸
亦云漢廣天路坦夷與子偕往

有儀三章示諸生

有儀有儀維子之淑其淑維何心之一兮允矣天則
左之右之載笑載色我其黼民予以保極

士其趨矣曷不爾歸匪泥而跡匪泥而辭海乎無言

張永南集

卷二

三

五

中心憚而以莫不規

維士羣居以損以益我躬之不勤自貽伊戚維耄之

嗟日離之乃我其懲而莫予有極業業兢兢維道之
佚

贈高蘇門稽勲參政山西

以下五言

洛陽有才子畫省神僊吏參開米駟年已炫雕龍技
著書盈萬言說劍長屢試既寂諸世情獨負理人智

曉承魏闕恩暮結燕山轡赤帷敞朱軒金綬終華驥
周覽三晉墟慨發千古意奉君還唐允許身元稹集

萬里鳳池雲翻飛應爾遲

步虛詞三首

三天發朗照東岳昇朝曦肅駕謁玄帝揚威曜靈姿
令我出事心叩首長生期稟和協冲氣鍊形訪真師
非有挺金骨安能凌霞梯日午玉壇靜冥冥花氣迷

其二

爛爛陽烏湧嗟天鷄鳴靈籙發金奏祥威拂瓊檻
虛皇礪上座翠府羅列星言過桃君里長揖安期生
冥存不息諒識念長生經羽童致玄禱鶴駕紛米迎

其三

寶雲麗初旭靈香散晨霞香響洞簫裏恭修太一家

張永南集

卷二

四

五

蒲澗效古

青青澤中蒲曄曄曜晨暎金澗激珠簾紫茸含石滋
道士意不薄湖石巧相宜携灌咸池水長養蓬丘枝
三秋不改色九節通靈倪松栝空十圍剪伐世所悲
立秋日有懷曹方湖

璇衡指王秋金飈淅炎歊客意縱無憂我心定悲悼
漢緊薄叢林漸歷被野草憤積鬱鬱空情時驚鳥早
顧我非金石安得不枯槁昔汝西南徂眉眉離道

瀟灑下已兩音諷喜長好登樓眺遐思歡觀阻風抱
遊節不復還嘆息令我老壯烈占不虧光榮君自保

十六夜與同館諸君對月

烟霏秋夕深燐輝燐燐闌遊子歲時新展席當笑潤
浮雲起重閣圓靈愁欲缺因憶人杜峰上取端正月
長松裔清陰孤魂坐超越水國蹤雌蜺霜空淚哀憫
冷冷江上絃彈向雲中沒離合中易更明晦亦倏忽
徘徊縱所如感嘆長不歇繫千門前駒且醉杯中物
贈方矯亭

皎月出澄夕白露淒以團蟲鳴入我耳風漸摧崇蘭

張水南集

卷二

五

佳人暮安適矯翼青雲端望望至不可極徙倚興哀歎
有美車徒耀佩刀金錯愕顧諟苟不渝畢節斯足賢
明哲昔所愛日月如環旋

同錢緒山登孤山次韻

冬寒凌野色出門何所逢涉江遵枉渚杖策登高峰
故人衡岳秀穆穆紫桑風置酒賦沙曲騁望鯨魚空
四時錯代序一氣歸鴻濛士哀知物化境幻多神工
平沙奔回互良畝其西東土風朴以應皇路夷且寧
我心順自適萬物其來同

味菊效古體

采采離下菊冒此黃金色移植媚中堂如入隱者宅
白日軒檻幽清霜蘭蕙歇歲晚綠葉滋豈與凡卉匹
我懷欣所同徘徊淹永夕秉燭照明姿愛酒任消滴
悠悠陶令思萬慮澹然寂

贈陳仲約效崔宗之體

玄冬始十月雲黯天半晴幽居頗不適出門尋友生
慕結中林客欣談隴上情陳生早過之邀出西門道
溪流鬱盤紆茅屋絕低小英英霄漢人交久情益好
胸藏千古文竭志三冬餘夙懷救時策不上干祿書
金聲擲新賦王價鏗相如南鳴從北來感時淚盈臆
張水南集 卷二 六
礪呵不平事止向林中說晚節絕他他想左琴右清觴
綠樹蔽原野往來山人莊氣斂郊扉靜霜清園菊香
同遊幸茲臬別後應難忘

遊善權寺

汎汎菴画溪尋山復尋寺花色映青葱苔痕莽交互
入洞暝不分聆泉清可晤披襟一對之日夕下山路

燕山吟贈王玄成秋官東歸

以下七言

雲白城東亭草青欲別不別情何深清晨置酒潞河
上聽我一曲燕山吟燕山四月花已暮涕泗逢君悲
世故策勲早冠南宮名拂衣尚恐東山卧憶昨駿馬

朝九天繡鞍王勒黃金鞭平明伏奏

天子性慷慨論事尚書前看君氣樂誰可擬秋月米
壺澄徹底法臺按絃子夜縣上識平反 至尊喜一
朝娥眉翻見疑掩面却向深宮啼人情反覆每如此
中心好惡那得知抗顏長鼓滄江櫓掉頭烟霧尋巢
父春日晴遊五岳雲秋風夜聽三湘雨勿云嗟訖白
髮新等閑富貴皆浮塵聞起高樓對鍾阜日開萬卷
看嶙峋

春興憶故鄉舊游贈方選之東歸

登陽城東鴈北飛燕關草綠人未歸銀魚金馬亦何

張永南集

卷二

七

意紫霞碧霧空因依憐君坦蕩人所羨一別十年不
相見頃來京邸諷寒暄見我驚非別時面青溪細雨
憶故丘綺山花蒲春風幽為問城中舊家候朝米還
關管絃遊

陽谷篇

若不見七月一日天色開長安宿雨霽氛埃冉冉祥
雲度高閣輝輝寶宿明中台陽谷老人壽七袞鬚眉
半白今還黑自然呼吸有奇方長向鴻濛騎日月憶
昔

先皇臨御年曾將靈藥侍宸筵 至尊含笑催賜錦

白日照耀紅雲前即今隱名都市裏日著醫經心自
喜曾看陶令生五男箇箇琅玕照清泚仲耶季耶不
可當一官才子黃門郎日高北閣伏奏伏花發南山
開壽觴隱隱鸞笙雜龍鼓青鳥群飛白鶴舞戎歌一
曲醉方醒海浴陽鳥曾未午翁翁子壽難數

石屋山人歌

有美彭別駕齋出丞相家少年結屋松杉裏巨廬日
夕明流霞霜風冷冷石梁葉飛泉自道鳴復咽落花
衣析路風盤窺燈夜壁山鬼泣君時兀坐讀古詩黃
金鵠印百不如意象恍惚義皇上山有肥蕨溪有魚
君今佐郡理南土麟符半刺垂青組不羨乘車朱兩
輪夢魂長繫鄱陽路驚湖峰頭石屋山西江應作惠
山看蒼生日望致霖雨莫學李生歌考槃

盤山歌為焦員外題

君不見盤山勢龍從層崖複嶂遙相通根蟠大地色
不動危標高插天之中顧霞互明滅翠蓋紛蒙茸四
時淑氣滿雲谷白日低見流烟虹古稱盤山配楊姥
獨向合簪對晴吳高飛彩鳳理國然置謂月砂千斛
少憐君自是水相係氣敵當年羅漢寺前年樹日題
朱輪半刺名高動至尊湯米榮捧承明詔實理度支

功不小滿地瘡
瘡會自瘳九天霖
雨春仍曉公餘省
暑開驛壇招我細
味山之盤指揮雲
物意不了暗呼
白鶴欲上青雲
驟紫鷲集君焦
君聽我歌經綸
事業君如何直
須致

主隆三代莫學考槃終曲阿

渡黃河

君不見黃河之水天上來
海若躡蹻奔雷星源九
竅一派出倏忽平地
倉溟開長淮清濟渺
震盪南榮東統紆盤
迴伊昔崑崙來治此
九龍蜿蜒疾如駛故
道安流不復驚極目
長雲一萬里嘆息神
功涇渭分

張米南集

卷二

九

鼉鼉坼坼翻狂雨
去年廬舍半飄零
飛沙變幻幾回徙
我來渡河六月中
手搏生犀騎王驄
天地黯澹忽異色
波濤撐突愁篙工
念言公事急於火
長籲廣川莫余阻
仰見雲師迴疾車
卧聽馮夷書擊鼓
吁嗟男兒落地四
海身變化豈讓蛟
龍神須臾作異亦
常事不學擁腫那
見嗔直須鞭起九
龍尾分理河山皆
通津上佐

天子明聖仁河清游晏遊麒麟

余甫巡來平嶮西陽峰二先生過謂予曰將有公事屬子余呀之先生復以是對既乃言曰盤

山詩不可不有也余感其言及至而莫之能登懼歸無以藉手也歸途作盤山詩

二賢妙論如連環興入烟霧排琅玕示余盤山有異態赤城天姥空噴噴乍聆此語神飛越忙辦筆創懸征鞍青雲竄窈窕笑至女白日指點分烟巒溪迴路轉益險仄層崖杳障勞躋攀礧礧惟石不可數於突當人以飢虎上鴛鴦驚兩翅垂下飲牛馬長仰俯琳宮寶塔靈氣浮黃鳥樹上聲唧唧蒼虬尤盤七十二明滅纖霧生瓊樓我時悵望將日夕不待捫蘿一暫息落花長恨御史輪賞心空倚將軍石望山上馬憶蒼苔彷彿書聽青猿哀爾宜迅返俗士駕山中惟有仙人來

張米南集

卷三

十

贈羽用董子暫歸東吳

長安月白如秋霜遊子出門思故鄉朝登燕臺暮梁苑二十詞賦生輝光嗟君意氣何儼蕩白晝明昨水雪狀腸中貯書萬卷多腰下寶劍七星朗仰天揮筆輕劉曹驚人語唾書空高不向窮途耻貧賤低聞到處名風騷王河橋遠柳新碧置酒留君苦不得南國才人係與徐十年鳳詔相差池北溟有翼候千里看爾飛騰難後時

題李古中像

建安才子君獨賢二十承 詔金馬前腸中貯書一
萬卷腰下寶劍明星懸晚登粉署司操鑑名並山濤
誰不羨冰壺徹底崖谷深月輪高出層霄見吾觀李
子材絕倫下筆翻飛如有神雄辭怒壓虬濤轉雜味
愁連芳草春半明朝 帝鄉龍裏正笏垂紳氣如兇
赤墀論政何激昂白面譚兵尤自喜有時縱酒填王
臺心輕萬事如塵埃低頭不謁丞相府拔劍悵恨王
郎才看若節槩誰可比汲黯賈生今已矣不獨丹青
仰止中見爾文章亦如此

張水南集

卷五

十一

題美人畫

月色微微花影稀誰家玉笛聲相依含嬌不肯辨新
曲斜墮雲鬟金鳳飛曉來臨池悄無語山峰疊翠雲
不去妾愁何似雨初來一夜池添三尺許

病客行訪徐養齋

病客出門筋力難稚子牽衣愁萬端清晨駕舸江邊
路一行白鴈雲中度莎鷗唧唧床下號似問君行向
何去坐搔白髮多嘆息中夜不寢寒生席沿溪入望
蔡經家渴有瓊漿飢有食采采黃花苔屋傍團團宿
草沾微霜橫山滿目道豈遠心愛名山未應返司徒

德業比斗尊服食劉安計非晚日斜村塢月高臨萬
木當戶羣龍吟

晚過黃吉甫後園芙蓉池上閒步

萬里江潭渺何許巷南數尺清可擬雲米一片生綠
池花際氤氲歌白苧雨聲昨夜溪水流方亭四面池
復幽芙蓉隱隱出高朵鴻鴈哀哀生遠愁芒鞋細踏
草頭露滿目林烟與江霧數枝碧簾圍短牆一樹金
丸勞及顧海南之子天衢駟睨傲時人狂者志頻邀
白髮醉晴沙約我明朝來莫暮仙姿雲冷心不違豈
問人間有是非暫同慷慨論時事燕復徘徊惜晚菲

張水南集

卷五

十一

銀魚愧昔陪太液悵望賓連與屈軼投簪此日來看
花與子坐待池上月

題興國寺壁袁器之畫雲龍海水圖

看君放筆為老龍海水渤澥天之東陰風撼地互憂
擊玄雲靈霧排長空瀆吏雨至水三尺彷彿重溟在
高壁行人堵立神內驚縮頭未觀頻吐舌學中豪俊
四百人揚鬣天池思孟津翻身霄漢只尺事萬里桃
浪當秋旻袁君袁君氣岸者不肯低頭向人下謗言
此技只願狂欲與神龍並高價

張公洞

張公洞是靈仙窟鬼斧何年夜深擘洞中燈滑染新
苔蘿窓掩靄浮春雪細石離離白齒齒湖光溪色青
復紫乳燕啾啾鳴復飛長虬渴飲身半垂左珉右艘
爭采錯鴻濛變化何揮霍翻空震盪入窈窕近肘運
峰出斷嶠為獸為羊扶果奇彷彿人形露肩膊側身
探仄路轉迷白晝華燈仍帶索寶圭清切總天然古
洞訝呀愁地絡憶昔米遊癸未年杖藜重到華盈蕚
巖花汀草事如昨撫景悵往心凄然須臾遊賞出洞
去獺穴桐棺復何處不須五岳徧行踪且向澄江江
上住

張水南集

卷十

十一

雨中遊洞

細雨濕春岡泥滑路轉又洞口虬枝交復橫捫蘿直
下臺千尺天門啞軋忽地開疑有鬼神夜深泣岫嶮
山瑯琊石層層烟鎖雲曲盤而面迎人坳復凸倏然
高車四馬馳轉瞬幽關一線穿萬壑翁習會朝來百
恠睢肝向前立狀如伏獸虎負嶠勢若奔鱗鯨破級
焚香王女理新鬟學道真人冠絳幘我後一柱擎九
天穿林粉箨排霜戟箇中靈勝不可窮直欲再燈向
深入身經九坂頭屢回愁入三危靈猶滴須臾驚賞
出門去撫掌茲遊稱冠絕芳春景物滿光華大地江

山在胸臆殷勤寄語好遊人何必驟驚駕鶴遠向緱
山尋月關

遊王女潭寄史平陽

芳節莫嗟訖仙源多徙倚春晚花未稀幸山心獨喜
城隍下歛湖半陰偏舟夜放勞相尋王女堂遊雲四
白青龍漱畔烟迴深亭開八卦神內宅樹有三花手
親折佳期屢約上清遊惠帶還來薜衣客筍嶼參差
茶岫香千林秀色羅滄浪仙人掌近碧沙澗毛節朝
回白王岡久慕少卿多好事懸着遺民與高士幽談
邃古太玄經細檢參同有深契一輪明月在高樓携

張水南集

卷十

古

曹娥廟古栢歌

曹娥廟中古栢樹根盤厚地何雄據蒼顏不改青苔
封迴身却似老龍卧一枝旁出勢半騰猶戀靈根頻
反顧後人愛惜少支撐深謝神明久培護奇形惟甚
世所無我有丹青未易圖自憐女貞作嘉樹不願泰
庭封大夫伊昔孝娥身死日江心浮出向如雲分明
天地仁所私縱有魚龍不敢食嗟哉此樹猶帶血
能驚兮氣能馨至微螻蟻亦知避何況斤斧無相侵
江風颯颯神有臨江水春芳深復深雲縹緲縹緲不可

見但見祠栢陰森森

西湖歌

朝發江水涯暮訪西湖路九里陰青松六橋飛彩霧
長堤窈窕水田田小舟蕩漾春風前四時歌舞遊不
息湖光山色相勾連白雲掩靄樓霞暮中有岳王舊
時墓睢盱老樹盡南枝猶識忠臣憂國步至今英氣
薄龍蛇草間竄伏愁狐兔側身轉望飛采峰鬼斧夜
斫天竺中欲墮不墮巧能力青天手掛秋芙蓉湖中
靈秀有如此山裏藏山寺復寺僧房半落古藤垂石
洞風氣蒼蒼鶴住白頭延賞不須更自謂青春非我事

張水南集

卷二

十五

龍吟

歸舟夜發聲咿啞迴首柳綠桃能花蘇公白公有遺
詠載向奚囊一路誇一路誇心獨嗟鳳凰流轉江門
斜江山觸處本自得何必西湖海上槎

六月廿九日予自闔閭城歸黃古甫待我于虎
丘山上暮色蒼蒼披襟坐石談山中之事在予
為適在古甫則志切雲霄恐不可同日語耳

王郎愛山復愛石夜深携我登高級尋僧何處扣玄
關問藥應須愁白棘紛紛花雨灑靈空唧唧秋蟲暗
苔鋒須吏遊賞復登舟迴首青松千古色

律詩

五言十二首

七言五十二首

七言絕句十一首

哀冲太子挽詞 二首

新上青宮冊猶餘錦綵聲遽辭千歲祝痛結 九重
情葆鐸寒風引霓幢夕露繁哀冲思未歇湖海淚同
傾

帝子辭金殿宮車轉碧岑元良望彌切甲觀慨難任
鸞輿高原蔽危燈永夜沉空餘三善具遙繫萬邦心
挽劉毅齋 二首

未恨舟藏壑空憐劍倚天鳳綸悲舊德馬鬣啓新阡
光祿名仍寵稀齡數不慳祗餘卿月在留向瓠岡懸

其二

張水南集

卷二

六

龍吟

永念絲羅好言悲冠蓋情蚤年棲鳳署岑譽在瑤京
齒序推先輩官資列上卿不須墳草長愁入海雲橫
夏日遊光孝寺酒邊偶題 二首

崕旁藏小寺渺渺隔前川斗室長燈燭千峰一徑懸
身心明定慧解脫得真詮偶狎無生侶非因微尚然
其二

久識江邊路來遊不二關清颺聊對竹細雨更看山
素壁流雲滑頽牆帶薜班歸鞍愁傍險跌坐不知還
陪衍聖公祭 先師廟

鸞鳳趨踰地笙鏞迭奏時千春王者祀自世聖人師

黍稷昭芬必宮牆動碧滋上公詩禮在縹帛映孫枝

十六夜集分得夜字

清宴虛堂夜金飈轉玉闌月行當既望客興復長安
結泗聯瓊珮鳴珂雜彩鸞星河含露白飄影入關山
遊木末亭

自詠

說劍愁無術誅茅作隱居臨風弄瑤軫坐樹檢農書
麥隴朝雲合瓜田春雨餘隣翁真不忝吾意獨躊躇
張水南集

放言

有客逢初壽陶然興不孤斗牛遙望派孤矢坐當隅
有物方成我無稱豈謂夫古來麟閣上亦有釣魚徒
和荆川題清溪莊贈洞陽主人

其二

少慕三花樹蕭然五柳居登樓看遠嶠閉戶著方書
堂上頻呼鶴溪邊不羨魚客來能賦者莫不是相如
喜黃少村遠至

邂逅春山暮官篆江霧昏鵲呼風轉急客至雨臨門
魯酒沽來薄繁花開滿村逢君論時事愁極欲銷魂
小堂與蔣求雲對月

烏鵲南飛路鳴蟬草閣東中秋今夜是明月故人同
露氣滄溟潤秋水有條通更深發澄彩偏照水邊翁
邀客二弟園中小酌坐水亭以待

辰火初沉日南懸發遠林亭虛仍傍沼竹亭日生陰
獨坐澄煩慮招朋慰夙心南榮尊有酒北斗意何深
晚登江天閣

盡日金山寺窮幽席屢遷竹堂歷萬轉高閣倚諸天
漢河重溟外秦淮落照邊開襟坐忘遠昏黑正堪憐
贈程松溪以下七言

烟草萋萋倍客傷別君潞渚望高涼銀魚金馬不仙
吏海鯉江鼉非故鄉幸保迴車經九折莫將哀賦動
三湘 聖朝雨露饒恩澤早晚泥書照夜郎

春日朝回有述和夏桂洲
黃道初開曜日明五雲繚繞鳳凰城龍旗曉氣興
迥雄廟晴分輦道平綵勝金花催御帖紫雲爲馬沸

春聲高才獨美南宮伯彤管翻飛主署清
首夏遊邱生園亭和沈少泉

春盡尋芳興轉生川雲渺渺碧沙明羅窓晚映青霞
細石洞香含白雪晴此地登臨聊悵望嘉辰休沐荷
昇平相逢莫恨花枝減時聽一群山鳥鳴

夏日茶覽 清馥殿

清馥岩光萬木橫分明蓬島翠雲寒亭開翔鳳空中
起水學遊龍左右盤白石晴翻紅芍藥鮮麗暗動碧
琅玕鳥鳴鶯語不知禁苑是 皇家春更寬

題夏桂洲宗伯贊治堂二首

開軒直傍黃金閣贊治期同白王名華蓋北瞻天正
迥蓬瀛東望地偏清分張禮樂江山麗會繡衣裳日
張水南集 卷二 九

月明從此載歌松竹味知公應切股肱情

斗墟遥望尚書省星聚元穰學士堂班馬才名驚絕
代夔龍勳業出高陽清秋王珮珊珊下白日芳蓀冉
冉香不向綺筵承湛露那從銀漢識天章

題張陽峰學士新堂

近築麟臺依鳳閣忽看青霽敞幽堂雲來氣接芙蓉
苑雨過涼生薜荔墻落日緬懷黃聚賦清秋獨對爽
公床揮犀更羨傾三峽作棟還須庇八荒

答華鳴山見懷

暮雨連朝鳴不絕時聞車馬夜衝泥未緣鶴浦三湘

路空憶鴻山萬仞梯拂戶晚雲陰重合傍簷乳燕飛
初齊思君正渴瓊珂望早聽晨鷄至日西

雨亭對竹簡邀東曉念恩

翠竹娟娟只數竿小亭雨過向誰看但能把酒曲欄
下安用題詩凡鳥聞驂馬不知當世寵銀魚頗愛碧
山閑相逢莫設悲秋至竹色逢秋更好顏

承 恩賜臣某講衍義官川扇三握

黃金蓮子白銀環寶月團團碧漢閒昨日蠶叢方入
貢早時鳳閣已先頒微涼忽動憎雲上解慍如聞薰
調還謾說西山邈東魯皇風翕習滿人寰

張水南集

卷二

十

賜鮐魚

左順門前勅賜鮮講官新拜 聖恩年王鱗高捧彤
雲出水舸虛疑白雲遶未信尾尾縹緲國事誰同骨鯁
論王前慚子飽食無絲補快覩 龍飛利在天

賜枇杷

傳賜枇杷出禁臺封一道 帝親裁愛枝細帶蒼
烟濕金顆遙看王殿米載酒東園誇野老 恩比關
是蓬萊侍臣不比相如渴 聖主應憐俗沃才

八月十七日

賁

實訓實錄成

上親賜宴謹身

帝勅傳宣宴謹身秋花寶殿啓芳晨 八朝訓錄開

鴻運一代光華際 聖人斧屐近瞻龍表異雀旗遙

送鳳厨珍分明天語雲霄下傳道官人酒放頻

黃安岬邀遊觀音閣

曲徑叢篁轉翠屏海天高閣費追尋三山未作投簪

賦四牡空餘戀闕心雨過澄泓浮碧玉雲開實地布

黃金遶踪欲割摩羅想日暮聊為梁甫吟

客至園亭和杭雙溪

草園一畝子雲亭四望峰巒入座青何處流泉淪春

茗半樓飛雨對秋溟門前客至山童苦樹下詩成野

張水南集

卷三

五

庚

鳥聽即此逍遙是玄圃不須悵望紫霞旌

羅念菴雨中同遊君山

昨夜菊筵歡未足留賓江上晚衝風山寒帶樹雲光

薄水白連天雨色濛孔蓋翠峯蓬島客赤龍紫貝海

王宮竊懷遠浦愁應極搖筆霜品落彩虹

飲童內方宅看菊屏次韻

秋錦屏開碧霧生朱欄斜日晚偏明空堂暫向黃花

醉遠浦還驚白鷗鳴的的霜枝愁亂插輝輝寒影轉

多情高才郢客東籬興彩筆時傳白雪聲

楚樹亭亭傍砌生霜空萬里照人明新栽堂上花初

麗時對簾前鳥一鳴綽約畫屏烟整裏依稀風韻故

人情誰裁五色天機錦細聽銀河滴露聲

晚過嚴介溪宅留飲日監堂對菊菊有叢生五

色花者最盛

畫戟長安少保家清風門巷春偏餘調元不爽四時

序種菊能開五色花萬里霜空飄彩旆一簾秋影動

晴霞分明御氣通仙苑霜把金莖味物華

和桂洲 上賜直廬志感

詔賜文昌上相廬分明身傍 玉皇居學齋散影浮

清漢月牖含香透碧除中使忽傳宣室召彩毫還奏

張水南集

卷三

五

庚

御床書卿雲五夜流春露共仰嶢嶢萬段餘

元日早朝志喜次韻二首

聖主當乾負展朝正元重拜袞袍九成樂奏鈞天

近日和香飄紫殿高寶扇雉開瞻王座品山鵲立儼

仙曹漸看日上觚棱影瑞氣全籠鹵簿旌

凌曉鳴珂侍 帝朝建寅東節十迴杓青陽乍轉蒼

虬闕黃道平臨金水橋簇簇彩旂雲外至綽綽玉珮

殿中飄 龍飛九五瞻天近虎拜形羣盡百僚

王溪少宰席上和韻錢童內方

春宵星彩拂簷低剪燭開筵鳳閣西上客華裾欣共

集王孫芳草惜分携誰提彩筆驚詞苑並見詩人出
浣溪縵縵不辭歸酌月高庭樹夜烏栖

壽李蒲翁并小序

五月廿二日座主蒲翁老先生壽降之辰先是
十七日某同王司業繩武稱觴門下方拜舞適
其甫自天而降此蒼生嘉兆也諸門人侍坐者
謝司直應午黃太守以誠威起為翁壽詩其特紀
之

紫藤陰處玉橋東水榭山亭五月風叢桂色分靈嶺
碧蟠桃光映海天紅宰公勲業層霄上學上文章比
張水南集

斗同此日門墻歌壽豈及時霖雨出龍宮

共約稱觴王署東圖書閣上滿清風催詩山雨頭應
黑勸酒庭花色故紅定向清朝調鼎鼎不須玄圃問
參同雙瞳炯炯神仙骨名履金甌在 帝宮

六月二日鄭錦衣招飲郭外園亭客為孫毅齋

馬西玄周子岡梁劍峰暨予五人紀遊二首

季夏清尊五客同名園只尺禁城東螺枝映日多嘉
樹曲燈盤雲作小峰坐傍碧池魚躍藻醉登高閣鳥
呼風夕陽半壁烟如縷又聽蟬聲到暮鐘

蒲園槐柳書陰同不斷溪流西復東王洞似含席阜

雪石山高出太湖峰錦衣命席當殘暑詞客開襟對
晚風欲上層臺開明月却愁禁漏欲沉鐘

長安與仲弟遠之言別

秋來搖落易傷神兄弟相看晚更親五十年過垂老
客三千里外未歸人清秋白石澄江迥細雨黃花客
路新我有襄陽萬斯結不堪迴首尚風塵

將出京辭朝

霜清城闕曉辭天迴首鵷班思黯然罪免刑章仍作
吏宦遊南省亦稱僊君恩欲報竟何補師道難居
愧匪賢漸遠江湖塵陛隔不勝瞻望五雲遙

張水南集

卷二

四

陳

晚登鳳凰臺

一春遊興此方來密掩蘿門背郭開霽色遠看龍虎
氣晚風同上鳳凰臺花間解帶圍新竹底浮杯對
綠苔從此渺然滄海思醉聞寶瑟轉興哀

西園燕集和甫川

王孫多興闢山扉客喜遊園友不稀映水芙蓉偏窈
窕對時榴檻謾芳菲晴開鳳嶺千盤轉烟曙仙蘿一
徑微掃石待看溪上月滄浪歌裏夜忘歸

秋日登憑虛閣

一望憑虛萬壑明寺前梯石轉迴縈雲開呈檻涼颼

入雨霽江郊白露生山繞乾坤通北極窓寒日月對
南屏閑來拾級逢飛錫身在蓬壺總帶城

九月九日買得盆菊數株列置小庭墜上象山
薛芳山同賞

細葉含烟帶晚枝移栽庭內即東籬三秋聊寄茅堂
興二妙看風苑姿已共徘徊淹求夕莫將採掇負
佳期與憐意苦花相似獨立風霜抵自知

同魏大理楊中丞宿獻花巖

莫向沙陀問四禪幸從仙侶接芳年看雲暫慰青蓮
界對月微吟白雪篇萬壑流澌泉暗轉中天接翠塔

張水南集

卷三

五

付

孤懸無端悟却玄珠理獨抱山中鶴醉眠

同王士先重體仁遊園看王蘭

散步名園日欲斜堂前閑看王蘭花亭亭秀幹含烟
碧裊裊餘香浥露餘燒燭似遊梨苑夜開尊如傍王
妃家愁心一種難禁得月在中天水在涯

與吳光祿顧少參暨乃弟憲副再登君山紀興
樹裏如聞鳥語呼客來况值雨晴初江浮鷺舫時吞
吐烟抹蛾眉半有無東望海門連砥柱北來山勢擁
瑤圖憑誰春管供春事日日江頭問酒鑪

登君山貽蔡同甫

水國微茫兩岬山風松霜檜總青衫浮雲沙嶼層層
出細雨岩花點點斑江上鳬誰共語空中鷄犬不
曾攀絲毫漫憶中郎興玄觀題詩夜未還

春日橫林寶安寺和王文肅壁間韻二首

幽事關心頗費尋青烟野水白雲林遠迤竹徑雲光
薄窈窕禪房幽氣深未聽鳩啼時傳鐘知鶴唳几
宵心歸槓未放頻迴首香霏霽滿王岑

夕陽一放剡溪船暫伴松門白鶴眠芳草淒淒夜
色飛羅袂袞袞春泉蘭輪江上懸遙想清淨巖前一
問禪試踏高梯窺石頂金光明滅彩霞邊

張水南集

卷三

五

付

三月八日登君山

燕麥青青雉子飛偶來江閣覽春暉花洲曲曲通幽
塢松殿層層出翠微層氣半籠黃鶴嶺海潮初浸白
鷗磯山中日有看花伴信是閒身願不違

春雨聞內閣試庶吉士

岩峩宮闕千雲迷坐樹黃鸝濕不知行處杉松盡膏
沐望遠花柳動華滋波添北海蛟龍隱景綴西山翡
翠移聞道諸賢試東閣片雲隨雨入新題

桃花寺

丹堦盤幻迴萬熊青厓谷口見桃花相如病渴能忘

酒王繁登樓尚憶家王壘市雲春欲暗金文駟馬日
初斜邊塵悵望傷心地曲唱涼州起暮笳

送蒲汀先生進萬壽表畢還南都

天邊旆至星辰轉江上榜迴日月開五岳祥烟雙鳳
闕九華仙露萬年杯賦傳蓬蒿流三峽望重銓衡接
上台白下未應長眺覽傳原足濟川才

燈夕次吳白樓

城當不夜正春陽委珮翩翩相國堂燕市笙歌傳窈
窕漢京詞賦有輝光烟明禁苑連銀樹花近瓊樓引
碧觴珍重他年留故事太平元夕最難忘

張永南集

卷二

七

知四

新秋感懷

蕭瑟庭梧一葉飛秋來作客未能歸月明蘆荻皆新
恨寒到關山尚故衣倦鳥閒雲鄉思杳紅塵白馬更
情違氣酣碧落迴黃鵠遮莫狂吟對紫薇

送丁大章之任三陟

早承寵詔趨金馬曾侍 今皇宴碧桃漢殿詞華憶
方朔明時啓事有山濤雲春渺飛彤矢隴樹花深
駐錦旄同館故人多半別長春瞻望益心勞

和方棠陵

長憶金鑾俱奉年烟霞逸興故飄然高天遠樹楊雄

宅落日清秋范蠡船不是山林輕組綬祗緣服食誤
神仙即看南下龍江月吊古應懷太白賢

元日宴李驗封宅次韻

春城窮窅夾朱樓翡翠喧闐使客愁隔吹苑雲迷王
浦停簫宮月度花洲共看火樹燄今夕誰抱鵲絃恨
九秋珍重堂郎出詞省向來英譽滿螭頭

送谷子尹宜興因簡杭雙溪

東魯名聞獻策年漢庭黃綬獨推先著消彩鷁三江
路雲白仙舄萬里天落日空臺聽妙瑟清秋禹穴訪
遺編山中二洞今誰主因憶雙溪幾悵然

張永南集

卷二

天

漢陽道中寄陳約之

漢江秋盡洞庭深日暮秋為鴻鴈吟不是長沙悲賈
誼祗緣詞賦憶陳琳雙虹吐氣凌冥冥六翮搏風振
紫冥江上相逢忽相別夢魂遙繫楚山青

春日鄭海亭邀遊慧山同張直齋顧惠巖曹梅

村王九峰王仲山

出郭偶尋芳草徑白雲高覆碧蘿筵春風錦帳郎官
酒落日青林陸羽泉翠竹亭亭依曲檻浮明袈裟起
晴川同遊况值謝公侶歡愛應愁燭影偏

十五夜見月華

雨霽中秋興不微坐深明月轉羅幃金波閃閃千層
動白玉團圓五色圍疑有黃姑勞夜織似有神鳳覽
朝暉平生未見心應劇獨負重輪贊袞衣

小堂對菊

小堂有菊只五本十月枝寒氣轉清種向短畦愁未
摘移臨幽檻故多情窓前風露冷冷下溪上烟光冉
冉生晚歲生涯自淡獨於花品愛求名

劉子止園中看牡丹

綠楊池館碧參差花有嬌紅帶粉脂種向屏前景能
好客從雨後看偏宜垂頭却似人中酒笑臉渾如獨
有思幾欲問花花不語滿窓晴色照江湄

張本南集

卷三

元

風

和礪菴宗伯二首

何處旃檀與鉢蓮偶從弘覺記前緣先朝勝跡今人
賞此日秋光似昨年地湧龜泉羅秀石窓含塔影見
諸天慚予未學窺三昧安敢逢僧問四禪
帝城南望寺門西乘興來遊伴少携金液似隨清露
下丹崖直與白雲齊芒鞋細踏千層級錫杖空懸萬
丈梯宗伯善吟稱獨步豈容誤讀野人題

春陰

春來日日掩荆扉不見窗牕透曙暉入庭芳迷畫

幌陰連楚色上苔衣山南厚霧愁難撥天北晴雲望
轉非堪嘆六街泥滓甚小園梅發賞應稀

六月十五日兒子治酒水次居邀諸賓觴酌予
先獨坐病思未除聊自壽一首

虛生七十又三年豈有摩挲骨可仙粗畢嫁婚平子
頽空歌淇澳武公賢乾坤俯仰心多媿歲月遄迴事
不然陪客溪堂雨新霽醉摩方治定誰傳

黃吉甫投贈金銀為藥菊二本侑以箋辭喜甚
作

近待名高顯為藥秋風腸斷幾消魂誰携十澤金銀

張本南集

卷二

三十一

風

種獨陌芳辭錦繡翻月砌烟枝雲半濕傍人霜艷月
初痕自憐晚節甘閒散白髮頻呼綠醕尊

壽張羅峰閣老 以下五言排律

間氣生耆傑崇階邁等倫中朝鉉鼎望萬古岳高神
遭際欣昌紀登庸佐聖人早膺黃閣老領袖玉堂
賓學術關風教淵源本道真明光載彤管華蓋切鈎
陳往植綱常疏原知禮樂身昌言匡帝業正色動
朝紳愛命登三事宣猷被八垓蒙臨覲謁臨崖谷破
幽湮天地歸寅亮陰陽賴燮均文章增黼黻勳業振
麒麟天子懷吐文千堂召對頻御函敷容澤銀記

表忠貞許國嬰龍志忘家且與隣高門凜冰玉直節
挺松筠翼共天職煌煌賜寶綸旁求昭舜知覆育
仰堯仁玉曆迴璇斗青陽轉帝鈞歲星當此夕花甲
屆茲辰桃宴屏開錦駝盤絲絡珎庭縣鐘鼓列堂舞
珮珩綰對酒顏如渥襄時鬢未銀蓬池任容與羅嶠
儼嶙峋風煖王槐長雲香寶桂新福源知厚積德澤
正方殷百采將瓊宇群仙下紫旻瑤宮開寶笈丹府
頌靈椿保曾須純嘏興周總俊臣皇天祐平格大老
慶難論

登寺塔

張水南集

卷三

三

九級浮圖塔崔嵬造太清先皇留勝蹟傑構鎮神京
百轉盤空上窮躋望斗行寶珠龍額見羣翼鳥身輕
洞籙經時闕簷鈴徹夜鳴香龕金粟古石壁紫苔繁
雲海看寥廓烟窓半杳冥三乘那有覺千佛未知名
歲久丹青剝神彰鬼物驚慧燈應不滅長此照群生
贈劉子

劉子汾陽彦才名愧汝賢奉厓佩高義探古入幽玄
秋漢繁星暫春臺寶樹妍驪驪倚金馬鶴鶴淬龍泉
麗藻熬烟碧芳詞玉瀉懸明光看矯跡玄閭列群仙
騷衷黃金勒麒麟白土鞭飛騰羨冥舉躑躅意難宣

抗疏明孤赤寬恩獨左遷戢鱗猶病凋鐵羽失高騫
黯淡江湖遠氣益日月前薄言投楚客不作吊湘篇
伏策南山側寒褰濯水邊羅才過絃誦佐郡屢當年
白叟欣相逐新詩畏與傳謫官定尊酒一注幾迴眠
客我俱無賴逢君益悵然蒼茫語難竟嘆息有朱絃
題忠節祠為陳僉憲乃祖節愍公

海岳鍾靈氣毘陵產異人翻飛霄漢日磊落廟堂身
挾策承嘉運垂勛邁等倫掖垣傳諫草銓部領儒紳
藻鑑名偏哲韜鈴術並珎迅鵬鳴棘署司馬振芳塵
交址屯妖氣朝廷命虎臣經綸君子業威武文人

張水南集

卷三

三

貞立視奔鯨戮愁防壘犬信渡河身轉戰殺賊氣逾
振主將聞宵遁孤軍怒益噴力窮膏草野志在憶楓
宸宣廟傷遺烈宮衙荷寵綸謚稱真不奈節愍久
難湮今上恢鴻化瑤函肯鷺濱立祠存故土賜額
照高旻舊見尚書宅新開香火辰春秋虔歲祭伏臘
走居民劍瘞光長射碑傳痛未伸衣冠肅瞻拜頑懦
倏迴淳

登牛首

久負名山諾茲晨願始酬蒼厓開霽色白髮對清秋
未歷千盤轉空餘萬仞愁花巖如可俯鹿女素來遊

瑟瑟松間籟冷冷石躡流獅岡綠壤接牛首獨名流
玄里通幽寂真詮豈外求洗然珪與組偏想鳳和虬
山蕨充賓饌溪毛作野羞徘徊竟斜日閒聽卧鳴騶

與仰山侍御二華郡守登金山

析木當驪次維舟在水涯林深偏野篠谷暗轉吟呀
鳳閣依鵬漢龍宮俯馬沙却疑龜戴岳真有鹿銜花
呼食江鼃出吹螺樹鳥遶西方身毒國紺宇梵王家
雲白三茅露烟生萬象除繡衣能坐石皂蓋喜棲霞
解帶圍岩竹泮杯學海樣所期在經濟暫爾聽楞伽
老我頭俱雪前山色似鴉向來謝簪組長此憶袈裟

張水南集

卷二

詩

張

草碧虹泉細藤垂珠蓋斜側身一懷古塵劫總堪嗟
溷跡終多累清魂媿有瑕體中懷百寶空界有三車
去住渾無定行藏許共嘉明朝歎鴻翼雲裡憶京華

蜀山渡汎舟李南渠閣老邀予同王龍溪趙麟

陽翁見海宴集

却笑閒遊客仍同上相船看山移短棹月雪過流泉
演漾紆虛曲空明際遠天前堤吹白芷望處踏青蓮
金屈草新綠麴塵波漸烟群公解華組心事盡高賢
形勝聊憑眺川原勾復連但欣鷗自狎誰問鶴多纏
偶會驚披霧物心擬尚玄龍溪見滄海麟卓只蒼然

寄贈水西諫議四首 以下七言絕句

路轉吳江物候新青絲繁葉碧重春山農不識王右軍
吏問道誰家醉此人

城裏樓臺趣不窮却從年少闢春風桃花流水吳門
路日日金釵畫艇中

太湖湖邊花滿溪愁人芳草碧雲迷朱絃翠管朝朝
急又聽流鶯過水西

興在娥眉山月西暫將身計伴鳬鷖天邊忽下需賢
詔又向金門聽曉鷄

對菊有感

張水南集

卷二

詩

張

秋色離離白露辰少年狂賞亦何因白頭涕泣天涯
日惟有黃花似故人

雪後放舟淮河

風帆遠下疾於鳥萬里長淮帶雪流岸上好山如待
客可無人與盡江洲

和顧東橋新營息園十二首

涉趣俄成碧草園城通丹霧鳳題門先生岸幘頻行
樹逢着幽禽却與論

風物渾疑似灤西舍連高竹水流畦閒呼鶴于庭前
舞醉取楸枰石上携

秋山當戶碧崎嶇白鴈風前荻轉陰一幅瀟湘新得意莫教摩詰太多心

稱意紅蕖冉冉香檻前流水碧生凉天虛京物清如洗睡起猶嫌午夢長

槽壓新醅已肥草玄亭上鳥飛飛琅琊邸客清秋興隨意遊若坐洛陽

每多幽興在濠梁曲曲京江見野塘風磴雲門時隱見有誰題作浣花堂

棘樹蒼蒼晚帶花日長門巷聽啼鴉秋卿散帙當軒坐好似廬山學道家

張水南集

卷二

三

青錦端前碧玉簪池開照膽髮毛寒祇因朋友頻來往留向風前雪裏看

秋風宛意媚蘭名獨掛朝衣採藥苗鍊骨有爐雲正煖未應鶴髮晚蕭蕭

石欄新鑿石軍池步從東橋月上時謝眺有情還命駕隔江同聽採菱詞

出樹青山遠作賓取宜白髮老詩人蘭亭健筆息園主獨立微茫意轉新

長向三山望九華青軒遙闕赤城霞小園分得蓬壺景獨起高樓對省衙

閒情示邢道士

秋蘆江上白紛紛鶴背兒汀杳莫分寄語水雲邢道士却從何處謁仙君

同年華松峰以東堂所植盆松二株分惠作詩道之因繼聲引謝

羣陰怒剝百物愁蒼顏獨立山之頭盆栽不減昂霄志長伴先生抗世遊

味折枝海棠

繡檻折來初着雨銀瓶斜插意全嬌春深酒碧應愁汝半醉芳魂未可招

張水南集

卷二

三

登山即景言懷

半帆風急大江深獨餞山亭紅葉林細語蒼生無限事垂衣天子正虛襟

同客廬前看雪

四望彤雲意黯然俄驚飛雪遶簷前梁園公子杯仍盪東郭先生屐正穿

春日尋梅踏芳郊

春陰漠漠草微青心想梅花望遠村晚策蹇驢尋獨過小池疎影又黃昏

江梅一樹盡垂垂芳意催春春較遲映水幽魂月斜

照數枝殘雪半花時

覽金焦圖

江波千里綠茫茫渺渺烟帆不可尋惟有鐘聲來古寺頻花能喚客遊心



施五

張水南文集卷三

明議奏帝寺卿堂國子祭酒事南翰林院侍讀學士

張水南

經筵講章

周公曰嗚呼自殷王中宗及高宗及祖甲及我周文王茲四人迪哲厥或告之曰小人怨汝置汝則皇自敬德厥愆曰朕之愆允若時不啻不敢含怒

這是周書無逸篇周公欲成王無逸故舉商周先王無逸之實以告之如此嗚呼是嘆詞迪是蹈哲是知之實皇是大愆是小人誣毀之過言周公說道民非稼穡不能以有生是稼穡者小民所依以

張水南集

卷三

施五

為生也人主孰不知之然能迪哲者鮮矣我聞在昔繼憂而有天下者殷也時則有若中宗焉及高宗及祖甲焉繼殷而有天下者我周也時則有若穆考文王焉之四君者具君天下之德有愛民之仁其於小民艱難之情備嘗知之匪徒知之而已又允蹈之是以治民祇懼不敢荒寧不敢侮鰥寡以至咸和萬民各底其極而後已夫是之謂迪哲然果何以見之蓋聞小人之過言而或忿戾之者雖曰知之猶未能迪也三宗文王則不然人或告之曰小人謂汝不恤我衆怨望於汝訕詈於汝三

宗文王則反身而誠大自敬德慄慄危懼惟恐得罪於民於其所加之過言安而受之謂我實有是過故小人得以指摘言之中心樂受惟恐聞過之不盡豈有一毫含怒之意於其中乎非徒制之不敢發蓋心切於愛民自無怒之可藏矣非四君迪哲而能若是乎臣嘗論之唐虞而下論治化之盛者莫如三宗文王皆商周之令主也當其和著於民至於小大無時或怨則當時之民豈有非其君上之心至怨蓄於中形之訕詈若遇無道之世者此固必無之事蓋周公欲成王憂勤惕勵不敢忽

張水南集

卷三

二

施五

其民故推本三宗文王之心如此縱有之其在三宗文王所以自處者亦若是而已是以德愈敬而治化愈隆商周多歷年所夫豈偶然之故哉三代而下則或異於此矣仰惟我

皇上以仁聖之資繼離明之位好生洽於民心敬德先乎農事一遇水旱為災民生失業則宵旰憂勤不遑暇食此即三宗文王之心也顧四海之廣兆民之衆田野猶未盡闢閭閻之下祈寒暑雨或多愁歎之聲雖天地之大人猶有所憾而匹夫匹婦不獲自遂是亦代天理物者之責思聖心猶

未盡慊然也尤願克廣德意惟懷永圖監先王勤逸之迹察民心向背之機務俾物阜民康而一德之布聿興九叙之歌則嘉靖咸和之化遠邁商周而上配唐虞矣此實宗社無疆之休也臣愚不勝慊慊

其在祖甲不義惟王舊為小人作其即位爰知小人之依能保惠于庶民不敢侮鰥寡肆祖甲之享國三十有三年

這是周書無逸篇周公欲成王無逸故舉商宗祖甲無逸之實如此小人是小民保惠是生養安全

張水南集

卷三

三

施五

的意思鰥寡是窮民侮是輕忽周公說道商家無逸之君不特中宗高宗而已也又有若祖甲者高宗之子祖庚之弟也高宗欲廢祖庚而立祖甲祖甲以為弗順於序是為不義惟王親於民間而為小人及其起自民間而即帝位爰知小人之依艱難困苦非稼穡不能以有生是以知而能行推此心以保惠于庶民而生養之安全之使各得其所至於鰥寡人所易忽者則又哀矜之惠解之使各有所歸其不敢輕忽又如此夫方其未即位與小民出入同事固無事於逸及其即位切於愛民又

不暇於逸是以操存此心固失帝則導迎善氣
著民和故祖甲享國三十有三年之久也臣按無
逸一篇周公歷叙三宗惓惓以享國永久爲言蓋
本人情而爲之勸沮也夫人之情莫不欲壽考而
惡危亡者顧後世人主往往趨其所惡而忘其所
甚欲者何哉蓋上無養心之學下無拂心之論是
以安肆日媮敬德愈微而享年愈促無怪其然也
周公之告成王啓其欲而深勸之可謂忠愛惓惓
矣異時成王享有百年之壽而周家卜世遠邁有
殷周公之言至是驗矣仰惟

張本南集

卷三

四

傳

皇上以上智之資懋緝熙之學政事之外留意典墳
延訪之餘不忘稼穡其所以涵養本原陶厚民生
者固已各造其極矣尤願 體乾道不息之誠
監哲王克終之道施于政治務崇仁厚之風望于
臣鄰益廣責難之義將見德業日隆 眷命用懋
而 一人有慶 萬壽無疆垂後昆與 天無
極商周多歷年所又不足言矣臣愚不勝願望之
至
又曰天不可信我道惟寧王德延天不庸得于文王
受命

這是周書君奭篇成王初政周公因召公欲告老
而去所以勉留之者如此信是一定而不可移的
意思道是爲臣的道理寧王是武王延是長文釋
是舍而去之之意命是人君所受於上天之命周
公上文既樂言天命不易天難誅矣此則專自周
家受命而申言之蓋謂上天降喪有殷我周既受
命矣然天命無常予之而或奪之福之而或禍之
轉移無一定之機未可遽以爲安也夫天命固不
可信然在我則有以保之保之之道何如惟以爲
臣之道義在正君顯明德行宣昭義問以延長武

張本南集

卷三

五

正

王之德使天不容舍文王所受之命也蓋簡畀殷
命尹爾多方文王嘗以德而受天明命矣其後武
王莫麗陳教底至齊信亦旣以德而延長之使成
王繼世不能事修厥德遏佚前人之光則武王之
德自我而絕其能保有受命乎今我輔佐成王適
追先德以無替文王之受命則德卽武王之德而
天之眷祐成王亦不異於文王時矣是延世德非
所以延天命乎在天之命雖不可信在我之道則
有可必如此可見汝同爲國大臣均之以體國爲
義愛君爲忠焉可以益滿爲懼自便身圖以求去

為哉臣觀君爽一篇周公之意大槩以任用老成為主蓋老成之人明習國家之體灼見人情利害天命去留惟知輔修君德汲引賢才安社稷利百姓為心無智名無勇功而天下之人除受其利豈若新進浮薄之人任智自私雖其課功殿最一時可喜而用情刻核不顧大體而因敵天下失人心其害有不可勝言者矣故詩曰雖無老成人尚有典刑言典刑尚在猶可循而行之以圖先王舊政况實有老成而親任之乎此可見老成之重於典刑也當成王幼冲即昨周公憂其閱歷未深守成

張本南集

卷三

六

七

之不可無助也憐憫勉留召公而反覆乎天命民心之可畏其為國家長遠慮蓋如此異時成王果能揚文武烈奉答天命和恒四方雖周召二公篤隸王室之功亦成王之賢有以能用乎周召也然則人君任用老成豈非君天下者之要務哉仰惟皇上以上智非常之資嗣列聖太平之業憂勤惕厲恒切宸衷懷保惠鮮覃敷下土則所以固結人心克當天眷者真足以遠邁成周矣尤願緝熙聖學允即康功明德保民益謹怠荒之戒安內攘外聿收董正之功信任老成則思其純直而忘形迹

之嫌圖惟舊政則守為家法以明繼述之孝將見功光祖宗德流後裔百度惟貞四夷來王而宗社萬世無疆之休端有在於是矣臣愚不勝願望公曰嗚呼君肆其監于茲我受命無疆惟休亦大惟艱告君乃猷裕我不以後人迷

這是周書君奭篇成王初政召公欲告老而去周公所以勉留之者如此嗚呼是歎辭肆是大猷是謀裕是寬大的意思後人指成王說周公上文既言天命之去留人心之向背莫不本於賢才之用舍至此又歎息而總言之以深啓乎召公也謂我

張本南集

卷三

七

所言反覆乎天人之可畏歷陳乎商周之廢興寔以古者今之監也我不可不監于有殷君其可不大監視我之所言乎所以然者誠以我周之興惟我文王受有殷命武王集大命於厥躬開子孫萬世之祥引之不替固有無疆惟休矣然迹其所以至此者孰知其有大不易者乎蓋惟我文王武王勤勞瘁止憂患備嘗深仁厚澤培之既深積之既久當時五臣四臣者又皆致其迪敘之力昭其燹伐之功夫然後明德升聞于天帝命不時奄有四海為天下君其積累締造蓋亦艱難之大者夫得

之既艱則相與竭力保守之我二人誠不容口後
於西臣者矣我古君謀所以寬裕之道展布四體
圖惟厥終為國家長遠之慮毋使狹隘求去為也
蓋審去就雖大臣之節而明保君德計安社稷又
大臣體國之忠君若果於求去則成王守成之無
助迷惑失道過佚前人先文武惟艱之要安能保
其久而不降哉故我拳拳留君者為天命計為後
人計也豈予同列之私哉召公聞之宜其翻然悟
矣臣嘗聞諸宋儒朱熹有曰古之君子處大臣之
位其於天下之事知之不惑任之有餘則汲汲乎

張水南集

卷三

八

崇

其時而勇為之知有所未逮力有所不足則咨訪
講求招徠汲引以求其助上不敢負其君下不敢
鄙其民中不敢薄其士大夫以為不足共成事功
是以眾賢彙進群枉日消而君臣一德之效至於
格天蓋有由然矣周公之留召公惓惓憐恤意蓋
如此然臣愚以為竭其忠誠致其才力者人臣之
職也簡賢圖治代天理物者人君用賢之職也賢
如周公召公使非成王之明有以昭臨於上任之
不疑則二公雖欲竭其共濟之誠以戮力王家亦
有不可得者異時召公見留果能任分

寄承

託孤之命而康王之世政猶未釋然後知周公勉
留之為不負而成王用賢之功至是益顯矣仰惟
皇上嗣祖宗艱難之大業勵文武憂勤之盛心德
若天地而靜虛化若四時而變物授賢去慝明賞
慎罰咸協于中則所以承緒天命永固丕基者
固有道矣尤願克休前政無遺乎老成懋簡群
材遠及乎疎賤則庶明勵真百工惟熙
一人收位育之功四海享平康之化而宗社無疆之
休端在是矣天下臣民不勝慶幸
奏疏

張水南集

卷三

九

崇

題為別是非昭公論以定國是疏
臣切見僉事史道論劾大學士楊廷和不法事情
陛下嚴旨切責勅之吏部叅送問擬繼而御史曹嘉
復論前事剴切雖動乎群情是非頗疵於公道臣切
反獲嘆之人之情至不齊者好惡也其至一者理也
執理以御好惡之情則公執好惡以徇已之見則闇
此私心之當黜而公論之不可不講也大臣者
天子之輔弼臺諫者朝廷之紀綱政學之黨立則
縉紳之可憂南比之可分則水火之交結理有由然
勢所必至臣非畏懷顧望愛彼和同而言之也蓋以

公論之在天下是非之在人心人心不服則公道污
穢而新政日以數矣臣始入官未深曉事竊見正德
年間權姦禍柄蒙蔽欺君廷和身位輔弼不能以誠
言感人主而言則多違事不見允又不能決去就以
明其義是則廷和之可議者伏自

陛下踐祚改元慎初鑒往而嘉靖一詔二三輔臣代
演王言動中 睿慮便十六年既壞之紀綱既稔之
姦惡既濫之官賞既置之財力講復殆盡前條幾燭
以至有今日之休是固

陛下之威靈聖人之感化於廷和何有而其一時持
危定顛之力似不可誣臣愚謂為救時之相豈不可
也史道崛起而攻之一日指為元惡斥為漏網言則

駭矣且道昔官諫坦明知其奸何不豫發之况避人
焚草入以告后此言官之體而道乃先發其聲邀人
免止必至出補五日而始發哉道跡露矣

陛下舉此罪之誰不懾服而槩以排陷大臣怒下之
獄是教道之有辭無以解於天下也廷和官居輔導
量在包荒聞人議已當引過以自歸見君罪言其開
誠以恕物此則大臣之體而顧有二十欺罔之辨然
後從而論救之雖急於心事之欲明不無於舉望之

少貶矣曹嘉論列其心公私臣不能料而反覆數百
餘言拳拳於散大臣之黨收總攬之權定由尚書彭
澤之言有以激之也澤借名奸黨計沮言官以干國
法以犯公議科道等官已經交章論劾臣姑不暇深
論但以廷和為累朝舊臣未有顯過聽其求去豈不
可惜昔周公之告成王曰無道虐於百姓之害其臣
曰亦惟圖任舊人共政夫以廷和因史道之論而累
疏以乞休同官又以廷和之去而駢迹以求退臣恐
國事難知隱憂可畏政柄潛移安知不有難救之患
出於異日而悔之晚者乎此臣私憂過計所以謂太

小臣工互相訛訾非社稷之福也伏望

皇上勅下吏部諭令楊廷和等亟出供職益勉忠貞
以篤王室之念以副

陛下之懷毋彼此相持以高潔已之名毋遂巡慢
命以忘委身之義則庶幾古大臣之用心而讒謗自
止矣詩曰諧言則退所以譏夫愛君不知愛身之厚
也廷和等獨不致念於斯乎然猶未也雖節之不堅
中道之或改僕絲綸以奸好惡之私擁師保而忘規
諫之益果若人言則人之議已者復至矣豈特今日
一曹嘉而已哉雖然危言激論所以廣忠也深思遠

猷所以謹慮也不言曹嘉則敢言之士無以作其氣而忠義之寂薄不聞臣言則爲其大臣無以啓其勸而股肱之日隳二者相須似亦有助伏望

皇上繼自今以往於大臣也任賢不貳勿問以私人於臺諫也聽言必廣猶喜其狂直則志不能惑治無所偏而聖政成矣臣昧死進言不勝戰慄懼析之至

題爲陳情乞 恩養病疏

臣年三十七歲原籍直隸常州府江陰縣人由進士改翰林院庶吉士除授前職伏念 朝廷簡拔教育天地之恩極矣任使之初正宜勉策駑鈍以效馳驅

張永南集

卷三

十一

正

豈敢言私自招大戾第臣素稟孱弱先因正德十六年六月間染患傷寒元氣消耗致成下淋等疾調治未平遇勞輒發又因去年十一月間臣弟衣在家身故臣母衰年頽謝日甚忽遭此變傷感成疾臣聞此信恐出不測遺恨終天早暮懷思寢食俱廢積憂成勞舊病轉劇頭目眩昏肢體軟痿外貌雖人精神已竭雖日就醫而責効罔功經旬伏枕而延活未保況臣自幼孤苦鞠於母氏以至成立臣不見母已經五年聞母思臣言則垂涕今當哭子之疾之餘復聞臣病必重遺母憂而因以有不忍言者矣一家骨肉生

死難全此臣所以哀號於 君父之前而不能自己也伏望

皇上憐臣病苦 勅令吏部容臣回還原籍調理痊可之日前來供職以圖補報臣不勝感戴

天恩之至

題爲禁革奸商計沮鹽法以絕弊端以充 國課疏

近該兩淮都轉運鹽使司商人逯俊等奏爲增納原定塩價少克國用以免後累事奉

聖旨戶部看了來說欽此該部歷查先後諸臣建白

張永南集

卷三

十一

正

節奉 欽依事理並不許開中餘塩沮壞正課欲將逯俊等罪狀恭送法司題奉 聖旨各商免送問殘餘塩見有堆積的准他增價本部報納欽此臣等聞之不勝憂懼夫國家財賦仰之東南今蘇常等處數十州縣盡傷水患奏報頻仍陛下軫念流離悉如該部議擬歲辦錢糧或令蠲免或准折銀此真天地茂育之仁也則今之財力未可言克嗣歲豐登俟之天時人未可必所賴以佐百姓之急紓軍旅之危舍塩一途非謀所及况兩淮界居南北塩行地方寔繁盛所皆制安堂國計天下之賦

鹽居其半得非以淮之故也國計邊儲悉係於此
陛下豈宜以心腹之利愛養外之資猶給六軍之
饗輕與奸人恣啗以自貽其不為禦之患也哉此
臣等日擊時弊不敢為顯顯一指視為細故而不之
論也有正鹽斯有錢餘等語正鹽課重出賣利微故
勤竊餘鹽聽從本商收買納價在官類解赴部接濟
邊儲既以實商復以優寵而為邊足國此之為利大
矣近日兩淮歲入若干萬緡十倍往昔此厲禁既行
不開中殘鹽之明驗也正德年間權奸用事假託橫
行法壞極矣遇 明詔裁革四五年間復釐于正實
張永南集 卷三 十四 傳
效已臻夫何逯俊遺奸猶思故智不知何情輒啓私
端陽為增價之名陰竊盡權之柄何以明其然也餘
鹽本商之利也既奪其利商必復之他業商不業此
國何所賴萬一邊方告急呼吸之間召集百萬取如
探囊以禦執戰勢不可為此必然之理有不待禍發
而後見者昔人謂刻削鹽戶折閱商賈已非先王之
法然其利猶在官也兵民猶得以仰贍也信如後之
計行暗漁於商潛獵於官而所取之歸一己之囊至
於商散課徵國日以大耗一小人考詞之作備耳其
罪可勝誅耶伏望

皇上憫念邊方愛惜大計俯從該部執奏將逯俊等
寘之法司以警將來以保永利則生民幸甚國家幸
甚

題為順時宣治化以彰聖德疏

臣聞帝王柄四時以御政也能以順動政不相奸而
德刑以成人臣之告其君也其上格心輔德其次亦
莫不隨事論列因時順導以求其無召補拾之為忠
即今闕盡之月是為朔易凡各大小衙門過失 勅
令有司悉與前除此定歲事更初天有除穢布新之
象也聖人法之以作事謀始則除惡宥善者帝王之
仁也臣待罪臺臣伏見

張永南集

卷三

五

傳

陛下聖神仁孝莊敬剛健真大有為之君樂於聽納
而不倦也何以言之太監崔文素恃恩寵竊權固利
怙勢作威崇閣靈宮矯誣幻術群臣視以為不可動
之奸惡也

陛下下一悟其奸即賜黜責播之 王言深致痛恨傳
之 朝野萬口騰歡此宣漢唐中主所能雖免舜至
聖去邪勿疑何以踰此臣愚不能逆折奸萌先事以
譴寔為慚負

陛下死有餘愧矣臣因是復思之以為

陛下今日之所惡者即前日謂為可用之人也文寔欺罔無所不至幸其邪心早即敗露猛獸毒藥倘不及憐此寔

陛下之靈有以制之也惟此一端萬幾元應之餘巧言競進諂張朋興豈無出於誣聽者乎常以為罪而今思其無過之可錄者乎是則臣自謂言者陳沈靈政傷害寔是多當其巧力擠排肆無忌憚德復駐眦毒流縉紳片言旋職率皆無故鵠鳴得鳴驢蹕下乘此士大夫之竊嘆而臣舉以為

陛下言者樂見諸臣之中去非其罪者有也君子小

張永南集

卷三

七

只

人久當自定崔文陳洸播弄一時氣燭可畏有時而敗露者小人之必不能為君子也善惡之報轉移之間昔日諸臣無辜蒙垢幸遇滿除亦可以例宥之矣臣愚又謂天地和同草木萌動於時之令惟春為盛德之氣聖人法之以茂對育則敷錫和平尊揚堯舜帝王仁以長人之首政也豈非大體未定世

廟未成

聖心皇皇若有不能一日安

天子之享者今當禮定廟成孝隆治法則當時以言獲罪諸臣可赦也蓋始議之時學士儒生恭承聖詔博采典故惟知師古難與謀創獨守宋儒之議

謂為有稽以無負所學而不知違權以上合聖人之心奮身抗疏首犯逆鱗自取罪戾夫復何言臣獨念諸臣言雖有罪心實可原蓋君之勢其尊天也其威雷霆也其親父母也諸臣雖愚豈不知敬天畏雷霆愛父母而為薄於

陛下之所尊也今其死者甘埋泉壤幽閔不揚生者身竄遐荒流落可憫或廢職而悔悟之已新或叙遠而黜勉之可錄譬之陰疇病草憔悴之氣已不能生望春以蘇猶可復生

陛下之仁天之仁也諸臣之望久矣往往言者未敢

張永南集

卷三

七

只

遽論及此誠慮聖心未平時為未可耳臣知陛下之心廣大含容無物不圓行春之令一於長養豈有私怒忿疾於其間也臣何以知其然也衛道曾存仁嘗議廟街矣丘養浩嘗誤用罰矣落職未幾旋復舊官悉從言者之議略無係吝之私此可以推見聖心之仁而春徧寰宇光昭萬民臣何幸今日之復見也伏望

皇上大賜再造之仁以順春生之序寬直目昧之誅以採芹曝之私勅下吏部將被枉大臣各開奏請待缺推用謫官劉天民等及行勘如前並與復

職劉最等另從史議以言得罪王相等量恤其後豐
肥等召還鄉里俾圖自新張漢卿等量復一官呂樞
等查其年資以次准用章商臣等俾復舊銜則有罰
咸中思威不悖我

大聖人之所為出於尋常萬萬而中外歌舞式觀休
光傳之後世其永有辭矣臣萬死敢言不勝戰慄恐
懼之至

題為集衆論清本源以對揚休命疏

頃者四方災變

皇上憂危不遑啓處諭令各衙門會議條件上陳復

張永南集

卷三

七

新開

慮民隱難知 詔在京四品以上及科道官各條利

民事宜以備采擇此寔聖帝明王達臺諫為四聰通

官府為一體敬天寔畏乎民品責躬不憚於齋告由

是大小臣工祗承 德意凡有得於見聞固不敷十

奏對連章累疏摘抉無遺臣復何言能補 清聽竊

聞正其本以及其末者為治之序也捨其細而圖其

大者獻言之體也恭惟

陛下踐祚之始嘉靖一詔興革殆盡四方底寧邇者
圖治雖切妨政猶多每見諸司執奏事有開涉未盡
施行言或逆違率多沮格臣愚以為今日之勢轉災

為祥消禍為福不在毛舉天下之細故而在人君之
一身不在指陳田野之艱矣而實係于朝堂之舉措
何者四海九州廣闊大俗民俗異宜利病百出欲以
旬日之謀議數十人之聞見盡括天下之情謂足以
惠流百姓是在法不在人在下不在上矣記有曰上
好仁則下之好仁者爭先人成王之告召陳曰違上
所令從厥攸好此聖賢之格言感應之實理不可誣
矣臣敢冒死為

陛下披瀝以獻倍賦之入剝及小民

陛下所以禁貪殘之吏者至矣推而極之 國家財

張永南集

卷三

七

四

賦仰給東南所以蘇天下之困者莫先 內府往歲

錢糧收納過重嘉靖元年幸遇 明旨止令每石加

耗一斗而今二倍三倍不止矣糧長大戶坐視蕩產

不得已而下及中戶至以三四人朋之力小而勢分

財單而命蹙比至京師揭債輸償則旋踵家破業卑

逃回則監追瘦死是一糧長而能破中人數家之產

矣繇是徵收之際勢不得不重斂于小民小民勢不

得不迫于死徙雖以賢有司而莫之能救此難言之

禍隱在腹心而無辜之民委及溝壑此收納之當首

戒也無名之征橫及四野

陛下所以惡聚斂之臣者嚴矣等而上之風俗轉移
木諸視效所以示天下之先者實在 人主陝西織
造袍服係是 上供雲縠採取珠石係 兩宮奉御
知不可缺但今邊夷弗靖民力孔艱偶因災異 特
賜停止則民心感戴所得尤多昔漢文帝欲作露台
而至惜百金之費宋仁宗思食燒羊而寧忍一夕之
饑與夫永建四年之詔亦以修省而斥獻大珠春秋
書天王遣使求金而聖德以為訓可察矣故人君博
節于一身其小而關係于天下甚大此採造之當暫
免也一吏為非猶能以違害及地方鎮守勢大其誰
張永南集 卷三 三十一

自蓋
陛下豈能盡知也惟在責部院以嚴監司之職責監
司以明舉劾之公而已實心愛民是為良吏不論出
身但有成績 奏與超遷雖係進士因循秩滿不得
濫舉如此則官知為民而民乃又安又如巡撫大臣
定守令之綱紀位重責重舉劾可遠施開有喜揚風采
者以訪察為明惡居懷者以紛更為尚官既失職
民豈能安臣願 朝廷之上弘惟播告凡撫按諸司
有體各宜靖共乃位訟獄冤枉垂與辦理而一切更
張不便之政悉令停止則輿情允孚治化不傷此責
張永南集 卷三 三十一

任之當懸簡也天地之德曰生帝王之德曰好生經
有言矣
陛下愛惜民命歲舉恤刑之典四方非不嚮化也感
之實有當先者矣先令文武官員有因公事降禍屢
該部院寺衙門及內閣大臣力以為請已蒙 采納
唯充軍重辜未得矜釋臣思議禮諸臣無知犯分上
干 天怒降職為民不敢復論充軍與死為隣哀號
之切寔有可憫譬之惡木輒墮不為人愛造化發生
亦由藥豈終忍絕其生理哉此皆災之當降赦也
至民之命曰財豐財之道曰去蠹傳有之矣

陛下憫念民窮屢下蠲通之詔群黎非不愛戴也
蠲之勢有不能繼矣今之言寬恤者復曰蠲通賦臣
寔以為未然所負者未必小民其蠲者資之歟况
國家正供惟有此數弘農巧法寔無神輸即今京儲
虧歟實係正德年間冗官冗匠等項耗食無紀積衰
以至今日臣愚以為蠲不去則財不豐財不豐則誅
求不免民生愈蹙伏望

陛下自今以始勿庇私人而輕啓傳乞之門勿聽辯
言而蔓延冒濫之路則財節于上富藏于民雖不必
推衣與食而民生已養商荒有待矣此獎源之當蚤
張本南集 卷三 三

塞也凡若此類雖非一端而達下之情導迎善氣先
此六者亦已風動矣伏望

皇上仰觀天道俯察人情逆耳拂心之語竝賜采
納憂民安國之計寔見施行則天災可弭治道日升
而末固不基於無窮矣

題為酌處時宜以期修馬政疏

臣聞馬者兵之資也兵者民之衛也周官月令之法
魯人在駒之頒我

祖宗設立種馬之深意其繫於備用者豈細哉即
今民困於馬非馬之能困人也患在害馬者之弗蠲

也卒牧之壞其有由矣臣實凡愚繆膺 勅命晨夜
殫思上憂 國計下憫民窮凡所弛張未能補救蓋
害馬去而後利可言興考牧蕃而後國能為富謹條
五事瀝瀝 九重政絃更理豈謂動中千機宜思馬
斯徂敢冀不效於淵塞伏望

皇上 勅下兵部詳議可否采賜施行則臣愚幸甚
地方幸甚

計開

一曰興孳牧始 國家設立種馬孳牧民間免其丁
地糧差欲其生駒備用近年以來廢弛日甚民困於
張本南集 卷三 三

馬莫知所逃生駒則求為倒死無駒則欣以相慶此
其故何也積有生駒則易牧重大差點頻繁寧復出
銀備用不願養馬民寔見害而不見利也臣查得先
年御史王濟奏 准事例每年每馬一羣朋合買俵

大馬有駒無駒聽其自便此誠不得已而救時之良
法臣愚以為法可因也政不可不修也修其政不變
其法而中導之以利則民不知而趨之矣為今之計
合無驗其生駒多少以為勸懲知人戶原養騾馬一

正三年之內生有一駒者聽其馬戶變賣所得價銀
十分為率二分給賞馬頭八分與一馬人戶仍同

馬頭照地照丁均分生有二駒者聽其變賣所得價銀亦以十分爲率三分給賞馬頭七分與一馬人戶仍同馬頭照地照丁均分生有三駒者一駒全用給賞馬頭而餘法並如前例如三年之內全不生駒者於馬頭名下罰銀二兩貯庫臨期幫買備用至於兒馬亦以一群之內有無生駒量爲賞罰如此則勸懲既明民知養馬積之以歲生息漸繁備用可望雖不必盡用於官而寔藏富於民矣是法之行等而上之則自州縣管馬官員始亦必照其原額馬數以十分爲率內有五分生駒者定爲上等量加獎勵三分以

張永南集

卷三

十四

馬

上者定爲中等免其責罰不及前數者定爲下等問罪發落管馬通判則總計所屬州縣駒數多少以爲之殿最歲終本府類開略節情由揭帖申呈撫按衙門着實舉行尤必旌其一二人之超卓者以爲之勸則管馬官員明知有功而賞無功而罰爭相奮勵而不敢後矣臣愚以爲法行於下不行於上則不能以兼濟也率牧之興其在此矣

二曰禁差民之所以疲於奔命者定以此弊未之盡除也差迎送差巡捕無不種馬蓋差一馬則復以一人隨之費芻糗糧經旬不還生理亦因之以廢其苦

有不勝言者臣查得太僕寺卿劉麟題奉 欽依比照私借官畜產條例奉行 明禁雖嚴吏犯猶數自臣觀之以爲法輕而吏易犯也蓋有司擅用視爲常事御史三年一差所警動者一時耳不若法在而吏日知畏之愈也合無累犯如故情重可惡者查照問刑條例第一款在京坐營管操內外官并把總以下官若將馬匹私占騎坐及撥與人騎坐者五匹以下降一級以上降二級其民自作踐私用耕馱騎坐者查照舊例施行臣又謂各州縣掌印正官寔政事之綱也比之佐貳勢位不同志趨亦異其上者留心

張永南集

卷三

十五

馬政其下者但知差遣不復提調雖以寺丞出巡誘爲非已之責若不相涉臣願既嚴之以差遣矣復重之以提調今於三年考滿申呈上司開稱有無種馬拖欠方許給由而寺丞亦得以陰執殿最之柄敢有朦朧一時待印烙之年查出倒失數多臨時比併重傷民力係某官任內年分者雖係遷秩亦必參 奏問擬則欺慢不容而人心愈知警矣

三曰久群醫群長之設爲其提調群戶也醫獸之設爲其工治醫藥也皆以爲馬也臣點視各州縣種馬見在群長不識醫獸醫獸不識馬戶推原其故一月

之內唯縣庭點卯數刻而已實未常在鄉各修本業由是人寄空名而馬政無復實效矣况臣按屬保定等十三府事例亦有不同有三月一換者有半年一換者間有群長一年一換而醫獸俟其告代者合無立為定例群長三年一換而醫獸非至衰病群內子弟習學既成不許輒替仍各充其本身催役以示優恤則業有所專而效可責矣

四曰均俵夫馬以備用為名定以備邊疆之用臣查得馬政條例原額歲取備用二萬匹弘治三年為因修舊用廷臣會議奏准歲取一萬民力大寬後至

張永南集

卷三

奏

稿

正德十年後奏准派二萬五千匹比之原額則已加多五千矣臣愚以為馬之登耗兵勢強弱係為民之安危國脉休戚係焉過多傷民也不及弱兵也即

今
陛下修省之日宜倣弘治故事正當與民寬大之時度時與勢邊方多故儉於一萬勢有不能查復原額求為定規上下俱利其本折色多寡兵部臨期斟酌尤宜以多派折色為主若本色過多文免不及未免寄養於畿輔之民新舊相繼多牧轉難坐見防邊之材日斃於窮黎之手雖以嚴刑無能追補始竭於

民膏者何難而委之道傍若是之不惜也主客交病腹心受傷莫此為甚不若積銀為利一或有急朝懸於市而募集矣馬固無恙也然臣之所謂均者又非止於畫一之謂政若低昂而意未常不平乃可以言均臣見山東兗州一府若沂州單縣滕縣魚臺鄆城費縣等處連歲凶荒百姓愁痛積衰之極如人重病非大節勞難有生氣每歲坐派折色宜令偏儘前項州縣待至三年五年生理漸復然後與各州縣一體均派則惠先凋敝而政平於調劑矣

張永南集

卷三

奏

稿

五曰嚴稽考臣查得舊有循環二簿定以裁革季報造冊吏緣為奸科取紙張小民受害但革弊之初制猶未備也臣嘗推廣其意而為之立為格眼文冊每一板一面豎為五行橫為六行第一行以兒馬提頭而隨之以騾馬四疋是為一群其中某民領養某馬各於格眼內開註備細其後地丁五種馬猶存令將買地人戶有力人丁即與更替第二第三行分為春秋月分繫之以考驗之法馬之臙損駒之有無寺承得以註於是府通判得以註於是下而縣承主簿得以註於是而賞罰行焉第四行復以兒馬提頭而餘法竝如之春秋為循夏冬為環一留本府一留該

縣循環吊查互相觀察仍其舊也馬有倒失可以及時追補丁有消長可以及時更替官有惰勤可以因視察見用臣意也又謂戶養馬往往輸日務牧人不齊心以致倒死數多尤必擇一人之有力者專令養馬而餘戶計日幫貼草料若非真病倒死不得連累各戶均陪則責有所歸人知愛惜但後差官員意見不同倘此法之行不其相左仍留參照則民有定守而耳目不至於易搖矣

題爲稽典摠誠以對揚 休命疏

臣伏蒙

張本南集

卷三

夫

集

聖諭以 大祀禮未協於古今群臣博采所聞各以其見來上者臣謹按郊祀天地之文夏商以前其見諸經者遂類柴望皆古祭名當時或合或分不可考見惟祭法曰燔柴於泰壇祭天也瘞埋於泰折祭地也周禮大司樂以圜鍾爲宮冬日至於地上之圜丘奏之六變以祀天一說者曰就陽位也三一之變奇之數也以函鍾爲宮夏至於地上之方丘奏之八變以祀地二說者曰就陰位也四二之變偶之數也又大宗伯以王作六器以養璧禮大黃琮禮地此則分祀之文見於禮經者如此秦漢以來事不師古衰

平之間甘泉五畤維以私禱而不經殆甚自唐而下議合議分未聞有能確守其禮者仰惟我太祖高皇帝受 天命命爰建南北二郊分享 天地亦既行之數年矣洪武十一年復斷自 宸衷更爲合祭

親製大祀之文繼爲樂歌九章以著 明靈休享之應垂之百有六十餘年 聖子神孫率而行之永蒙福祐此則 國朝之制前後不同如此臣愚見宋人嘗議合祀矣朱熹曰古者天地一定不合祭又曰五峰言古無北郊此言却好程頤曰廷詔舉北郊多以暑月大裘罷議夫大裘祭天服也於地古無其文而北郊亦出緯書程朱引斷若此蓋歎古禮未見而意亦以分爲王矣賈曾蘇軾輩議王合祭則又多引昊天有成命之詩謂爲郊祀同文王肅曰孔子云兆圜丘於南郊又云祭天而配地孰是以爲天地並祀之證特以經無顯據而漢人以下註疏之言人未尊信故持論短長互相勝負臣愚以爲以意求之可也蓋存於儀文度數之間者衆也出於儀文度數之外者意也意則情也禮之所由生也我

聖祖更定之文明以人情言之不必泥古此則以義

張本南集

卷三

无

集

起之者蓋天尊地卑分陰分陽各以位定不易之理也。以報本反始言之。獨陽不立。獨陰不見。陰陽有相配之義也。故記曰。天地不合。萬物不生。則地雖平而擬之於天。以天地同功也。祀之義也。所謂義起之者也。至於日月之祭。

皇上謂其歲一從祀於禮。未編考之禮。春分朝日。秋分夕月。所以明有敬也。我

聖祖蓋嘗行之。其後罷二分之祭。特列四壇同壇以異群神。又合郊之祭。大報天而主日。配以月之義。是

張永南集

卷三

手

傳

皇上大其功之意也。群神從祀之濫。歷代叢冗。至千五百餘位。排作一堆。祭朱子蓋深非之。乃今為壇二十有四。則無文之祀。固已削矣。臣又念古昔王者之祭。一歲之中。節目甚繁。自天地日月以下。群神各有定所。皆天子躬親之後。世苦其文縟。至以天皇地祇議冢宰。攝事者始因尊天而分地。其既也。郊不歲見。併天地俱失之。雖其君怠於祀。亦勢有所不能也。周禮具在。綱舉目張。學士經生非不知講。成憲所在。臣獨拳拳者尊。君之故也。方今聖人在上。禮樂弘興。制作之權。非

天子莫之敢與。臣伏見

陛下自臨宸極。敬天法祖。夙夜不遑。比者躬

籍勤民。侍臣感泣。惟茲郊丘國之大事。上膺眷

命。下福群生。揚祖宗之烈答。神祇之心。萬世子

孫之祥。端在於此。是在

陛下深加之。裁定而已。臣言狂謬。干冒

威嚴。臣不勝戰慄恐懼之至。

題為申末議慎祀典以隆聖德疏

七月二十八日該禮部接

御製正孔子祀典說傳。示史館內開輔臣奏及者。臣

張永南集

卷三

手

傳

伏讀仰惟

陛下以神聖之德。操制作之權。凡於祀典。不經悉加

釐正。至此又謂孔子王者之祀。後世不深體聖人之

心。是欲尊孔子以禮。非以示貶也。大哉王言。臣愚

有以仰見

陛下崇儒之盛心矣。臣竊以為禮文既久。倖變為難

時俗相安。改聽必駭。臣敢披其疑義。有七昧死為

陛下陳之。夫謂孔子生為人臣。沒不宜有王者之號。

似矣。臣愚以為僭王不可也。出於人君而命之於有

德可也。古今國家封拜臣下。或裂土於生前。或崇謚

於既沒惟以德以功耳未聞以生死論可否也苟論其初豈非身皆草莽之臣耶記有之當其為尸則弟臣也夫既為尸則以神禮之矣況生猶異世而可以臣禮拘之手此其未可輕議一也孔子當周衰之末嘗作春秋以誅亂臣賊子矣夫既名之為亂為賊蓋皆當時諸侯弑君弑父據國竊號稱兵肆出薄然不禁於法在所不赦孔子懼焉故托魯史筆削而誅之所以立僭竊之防其言嚴矣乃若孔子仁義禮樂巍然萬世道德之宗既沒而追謚之是可同於麟經之旨卽此其未可輕議二也唐玄宗荒惑之君政無足

張本南集

卷三

三

臣

取當其追謚孔子曰王以位則君也以命德則天子之權也非竊先王大物以賞私德也是可因斥玄宗而廢孔子之王乎綱目發明有曰孔子之道合德於天必稱天以謚之斯足以盡言此所以深病唐人未盡也至元武宗又制加大成二字矣此非元人之言也孟子曰孔子所謂集大成者金聲而玉振之也其原蓋本諸此孟子之言顯列於六經豈可因元人之引用而遽廢其說乎元夷虜之長入主中華制作紛紛惟此一舉最為有得說者謂元運百年精神命脉全在於此以見夷能用孔子之道亦足以延災此其

未可輕議者三也夫王與師義各不同蓋王言爵也師言道也言道則雖天子亦有師也古者詔於天子無北面所以尊師也

陛下以師尊孔子而疑王不合於禮必欲去之臣竊以為自天子而達於庶人師所同也以王者祀其師得以享備物之敬此天子所獨也舍是則何以示尊崇乎此其未可輕議四也我

太祖開國之初乾坤再造凡胡元之陋一洗其舊獨孔子位號不與岳瀆辟神並革則在

太祖而已予其為王矣

張本南集

卷三

三

臣

陛下自登宸極動法祖宗茲欲議革之以合古釋菜先師之禮得無異

太祖意乎此其未可輕議五也今自國都達于天下學舍青衿習聞王號則已千有餘年矣中間老生固儒篤信其師猶有過為之說以望尊崇者今一旦撤其廟貌損其俎豆禮文之節臣恐生徒愚蒙不達朝廷本意必將傾駭錯愕如滅其師以相訾騰是疑天下以傷學者之心也此其未可輕議六也夫祀典之不得不正者謂其不經也僭也誣也德知孔子命之曰王不可謂之不經受命於天子不可謂之僭有

功而報既沒而謚不可謂之誣執是三者而皆無邪焉可以思過半矣此其未可輕議也臣待罪史官恭遇

陛下建中立極制禮作樂臣豈不欣與編摩之榮哉特以禮非大戾事在得已不若仍之則下足以繫士庶之瞻仰上足以表我

皇上之尊崇傳之萬世永有令聞矣臣伏望

陛下寬臣斧鉞博采芻蕘將臣此奏并下禮部詳議可否臣不勝戰慄願望之至

題爲獻末議靖醜夷安東南以上慰 聖心疏

張永南集

卷三

言

風

臣江陰人籍江海之濱沐浴 聖化煦嫗嬉遊素不經丘革危事比者守衛不謹致彼倭奴突入中壤前年犯東浙比年犯蘇松犯常之無錫江陰靖江三縣殺人如麻流血積骸動若川阜焚劫室廬半爲懸磬焦土仰惟

皇上軫念黎元不遑盱眙每勤 詔書大勵將士豈不欲得授鉞之貞臣死綏之猛士爲 國家戮力討賊以靖東南之患而安 聖慮也哉連二四年而大禍未解窮數十州縣而內地將墟立臨事者未明先後之着而戰守之異議也臣聞禦寇之道貴識動靜

之機動謂用兵靜爲持重應動而靜則養寇以滋禍應靜而動則失時而罔功動靜中節緩急應機斯可以執俘馘而奏成功輯疆宇而寧億兆也典籍所載目漢以來衛侯馮奉世大將軍趙充國酒泉太守段彭等擊沙車擊先零擊車師莫不傳首長安降衆至萬是後將軍衛溫浮海伐夷洲獲其衆 千虎賁郎將陳稜又嘗浮海伐琉球拔其城數十當是時皆身蹈大洋版風鼓濤洶湧指顧士抱強弩而前莫不誓死卒能誅其國而虜其人我國初江陰侯吳良鎮江陰猝聞倭寇至江上卽躍馬出城大斬首而還其後

張永南集

卷三

聖

風

聞風不敢近永樂間都督劉江鎮遼東有倭賊數十艘直通望海壩江令伏兵山下陰率壯士潛燒賊船截其歸路俟舉砲發伏大擊賊死者不可勝數其幸脫者奔竄桃園空堡一時沿海千有餘里民獲又安此皆往事之可考也臣不敢謂以遠討爲功也賊在內地廢戰而言則又非也臣姑以江陰危難身所經者言之自甲寅乙卯纔兩歲耳賊凡三至村鎮有名之家無不發其蓋藏男女死者無算小民瓶罍之儲茅茨之蓋鮮一存者危堞孤懸兀然江浒處處烟生夜光盡赤皆爲賊火守城之吏哀痛而計無所施竟

以身死請兵求援文移往來又多緩不及事臣愚謂
自大勢而言其爲賊巢在蘇松之界曰柘林曰七團
八團曰三丈浦盤據既久施以成蛇非合兵大擊之
多方設伏圖之不可也是故戰者必然之勢也當戎
事者苟懼敗軍之罰而過爲身謀自謂持重不肯輕
戰是因噎而廢食也民生安危係於呼吸戰可已乎
自流劫而言其爲賊夥在沿江小邑多者千餘人少
者四五百人屯聚一處晚起四散抄掠又於數千人
之中分爲四五路賊少而易圖的然可見者也拒之
以鄉邑之兵足矣但人心畏賊聞其鉞鋒淬鏑雙舞
張水南集 卷三 三

而至則縮頸而股栗是不能拒賊者失之於畏而非
其鄉邑之兵之力有不足也是故預養而素習者守
之道也克殘未殄不可以忘戰禍患既平計安環堵
斯可以言守刑政之不修戎兵之不詰臣工之不夙
夜而欲求方隅之無警得乎仰惟

皇上神聖功化遠符堯舜而勇智 天錫邁跡商王
惟明惟畏日月在 天雷霆在震何有於樸櫟之小醜
哉臣本菲材伏遇

皇上龍飛之始簡置詞垣濫叨講帷循遷大常寺卿
掌國子祭酒事 鴻恩高厚縻殫難報退歸田里思

觀 清光夢寐不忘甲辰之春首伏聞 聖慈垂記
微臣是後臣得朋友私書感泣伏地至不能興適今
東南多害激切危忱謹列五事上座

聖覽竊效微忠所謂冒萬死而不顧也伏望 勅下
該部詳定可否特 賜施行東南幸甚臣愚幸甚謹
具 奏 聞伏候 勅旨

一曰選將帥兵法有曰興師上萬出征千里百姓之
費公家之奉日費千金而敵情之不審不仁之至也
故三軍之事莫要於用間間者三軍之司命也臣因
考宋太祖時其選將備契丹備河東備西羌不過李
張水南集 卷三 三

漢趙郭進趙贊等十四人而備邊之兵亦不過萬人
而止其爲將者率皆竭盡謀慮購死力之士深入賊
中刺其陰計動靜作息莫不畢曉賊一至卽先周知
之故其所備者寡而設伏掩擊兵力常勝賊至舉皆
無得而有喪今東南沿海之邊邑將官擁衆而至旌
旄揭揭豈不謂多但不知所以爲計賊聚則畏其勢
大而難圖及兵大集而賊又四出是賊能持我之短
長而我不能致也況各該將官兵旣分隸而事權不
專勇怯雜用而貪功忌能空言寡實之人互懷私
不肯合膽併力苟一失利則謂賊多兵少凡前世用

兵以少爲多今時用兵至於以多爲少得失相懸奚啻萬里宋人王禹偁亦曰兵威不振其繇安在所蓄之兵冗而不盡銳所用之將衆而不自專恩威法令未有以駕馭之也臣故謂兵不在多惟在得一良將擇將者司馬之事而賞罰者人君之大柄用間設伏修古人之成法中時事之機宜則又將官之事也嚴核功罪大勵人心則自賞罰始

二曰修團結按宋兵制選於戶籍出於應募團結訓練謂之鄉兵臣姑自江陰一縣言之三百七十里之中量地廣狹分爲二十七團每團選其丁夫壯健者

張永南集

卷三

三

正

四百五十人或八九十人通計之可得三四千人糾之以長統之以官時其訓練暇則歸之於農有事則召集營堡籍其名不終身用以爲兵給其口食使各同團空間稍有力人戶量爲津貼拒賊之日饑糧兵械有功賞賜官府厚爲之處人既知戰見賊不畏親上死長之心孰不愛其父母妻子愛其田疇廬舍出死力與鄉土捍哉近日犂鉏小民遇零賊在野奮力與敵每殺賊數人饒可見也使各郡邑盡爲團結不務虛名務求實用何至賊勢滋大倉惶告急徵七省之兵重壓三吳坐食縣官大費公帑若是不贊之可

慮哉先民有言鄉各爲兵人自爲戰可以省召募之錢可以省客兵之費可以垂永久之利臣愚故謂團結鄉兵便也自一方而他方可知也急則大爲聲討厚集諸路勁兵權宜之術也

三曰審形勢按海防舊制嘉興鎮海等處官兵貼守金山地方遞觀今日賊來之路犯嘉湖杭蘇四府其登岸皆自青村南匯一帶其出海皆由嘉興松江則知西自乍浦東至吳淞江三百里內爲浙江南直隸諸府之門戶較然明甚今南直隸有備倭都司浙江有叅將聽父老之言官府之議宜令備倭住札南匯

張永南集

卷三

三

正

兼管乍浦叅將住札乍浦兼管金山聲勢之相聯絡策應之能掎角其形相制而其勢便也又各要害府分固嚴封守勿以賊一過境視爲他人之事便分彼此致有疎虞統兵官員遇賊一至夾攻交擊並唇齒之相救援而賊在套中竝腹背之皆受敵豈復昔日徜徉如入無人之境乎此防禦大較也賊舍舊路或來自外洋其在常熟則福山港爲要賊至必由而以三丈浦爲窟其在江陰則蔣橋爲要賊至必由而以蔣港爲窟地皆空虛無兵常守况去縣遠約束不前事有當因當革官有宜設宜添又在當事之臣酌

量周至次第 奏聞可不出形勢而略觀其一二矣
四曰明官守漢史稱守令者吏民之本興利除害惟
所行之宋臣范仲淹奉天章之對亦曰利而不興則
國虛害而不除則民怨生民愁苦群盜漸起皆繇官
失其方而致之然也今之爲郡守爲縣令其居上等
者見事聰明儉身潔白豈不備然稱賢獨其心不肯
近事蓋近事則自城郭以下有廢墜之常修有備豫
之當計謂其擾民而生事畜疑而召謗一切置之不
問徒以齷齪細文坐視高舉不知利在於民經營制
置始若爲煩寔所以安而利之也因循不舉自愛之

張永南集

卷三

四

五

私不肯自撤賊至而無寸鐵之利民饑而無粒粟之
儲一旦告急何以待之平居無事則得賢名而去不
幸多事則敗壞四出極力支撐而難收此勢之所必
至也卽今百姓流離半死於盜賊撫其瘡痍修其刑
政則凡積穀以待凶荒飭備以謹不虞皆守令事也
勢異往日政宜更新豈得復循故轍乎

五曰防隱憂按宋臣蘇轍有曰有外憂亦有內憂蓋
言外憂旣形而易弭內憂隱伏宜有以預料之也近
日小民在野避賊無路臨之以白刃脅其擔負劫貨
謂之挑包數十成群絡繹在道夜留賊營或經旬有

餘日而始放還耐勞有衣物一二件不當意者卽時
殺死竊恐無知小民見慣情熟久之不知其爲賊饑
寒困苦苟利其飲食須臾之養半折而從盜其勢亦
易也有司供軍不給百計誅求又於輪點均徭十年
之定額中抽一二年徵銀二三萬兩民出無辜而官
府以爲便法則是民當十年一輸之數而今已期迫
至七年矣小大之民當此兵荒之際生理日蹙閭里
蕭條周禮所謂野荒人散良可慮也有司職在牧民
奉宣 德意寧可不厚爲之輯乎臣愚故曰隱憂之
當防也

張永南集

卷三

五

張水南文集卷四

序

中庸管窺叙

於乎此傳道之書也宋儒朱子集註定以發明子思
憂失其傳之心天下莫不知有孔氏之學後世科舉
制興學者始以其私惑之而本原之地不復深考矣
今太保龍灣先生憂之爰取本文讀焉讀而有得章
以別之句解以釐之凡其闕文疑義證之以經旁考
乎百家釋以已意而加斷焉然後中庸三十三章之

張水南集

卷四

一

美齋

本旨洞然無復餘蘊矣集成私題之曰管窺示不敢
作也哀也幸獲授而讀焉嘆曰君子若是其憂乎聖
人之道著於六經六經之顯晦繫於傳註而治忽因
之豈易言哉昔尹焞遊於伊川之門越數月始得大
學西銘看古人之為學寔以蠲除氣質厚養其誠心
洞悉天地萬物之情與吾為一匪直為是見聞而已
今能言之士執恭好為文章侈然謂足以窺聖賢之
堂奧至其為文率皆諧世取寵離性背德以自謂之
華君子直以類俳斥之惡其不聞道也天下國家奚
賴於是哉先生靈質異稟心古而貌度自童時即有

張水南集

卷四

二

集

志於聖賢之學嘗取學庸二書謂為六經之的非是
無以窺聖人也精思殫力窮考索歷寒暑凡四十餘
年積若干言始克成編當其讀時群疑並起勢莫與
一及其定靜之後眾理森然若指而伏說而趨若就
能斷而聽曲直非之不見其忤足之不謂其同真若
與諸賢上下其議於當時必心服乃已而經復以無
憾余以為先生寔有袖於朱子而非板也始朱子與
陸象山講學驚湖當其未合兩家門人至相詆訾及
其譴然相得晚號同歸則見於道一編者可考古昔
大賢之心求以明道而已豈自謂必其言盡出於無
疑而不以俟知已於千百世之下哉先生今所著心
性二論窮極本原直指人心惟一不當以既發觀之
謂疑為二而力以康節明道為是於乎盡之矣哀不
知道童而習之習矣而不加察及讀是編而後知昔
之未嘗深考也先生之學悉本朱子而折衷之以諸
儒發之於言真足以見道而傳世無惑者矣實僭踰
特叙先生辛苦之志以告後人使知百世之憂有在
繼先生而起者當不釋也先生歷事三朝正己格君
謀國用人汲汲乎為忠以求必盡此心之為慊真無
愧於其言者職在史臣書之茲不贅者茲集為明道

作也

送禮部尚書兼翰林院學士溫公還鄉序

托齋先生溫公少以閎辭博學早名霄漢既登進士高第入翰林服官史局會令

上嗣登大寶公時與少師序菴李公並被簡命日侍講惺惺德業問望雄稱一時

上所屬意惟公獨居少師公右歲丙戌值時齟齬公以吏部左侍郎乞終養以歸歸且十年蒙召再至晉

秩大司空尋改秩宗無學上掌詹事府事公雖從容中秘圖書之府日以領袖官僚輔翼儲德爲事而天

張水南集

卷四

三

下望公入叅太政則已十有五年於茲矣比公以家難繼作萬里孤踪屢疏乞骸骨屢不許於是公疏再

上渥誠病狀

上覽之惻然俾給驛還鄉爰勅臺臣俟其痊健早爲奏錄 恩至渥也前此六曹卿臣請老以去間稍從

之亦以全體貌而已遭際之隆待遇之厚注望之切未有如公若是之盛也公既戒行館閣大僚而下總

若干人又相與榮公之行思以上昭 聖恩下者臣節俾袞序之夫古昔大臣逢時遇主得志行道必其

學問才力卓然負天下之重如喬嶽之運巨川之濟

有餘力而無遺憾然後爲能出以共衛社稷弘濟艱

難退而葆光含貞定節而不關皆能輕重於天下也我 國家翰林詹府之設儲養才賢視其品資通相

選轉碩德重望簡於清衷協於僉議歷試而飽諳之則夫鼎鉉之待絲綸之寄調燮寅亮之鴻績蓋資必

此矣公生西蜀出名大夫之後篤志古學賢之學以簡重方嚴忠清正直列位朝廷其在經筵之日最久

凡所陳說天文地理義皇基霸軌古今成敗興壞之跡坦然著明詞氣深厚動中難聽一時侍經之臣執戟

垂璫之輩莫不悚然感動論者謂程頤之積誠范祖禹之按講不是過也退而與群公卿慨論時事公能

張水南集

卷四

四

達權知變審機喻方枘錯在前片言指定若馭八駿之馬馳九軌之塗而音節畢中屏翳盡徹也故才者

讓其能智者服其筭賢者懷其德此天下人之所共頌也公歸矣就其中有未可以盡言歸者公平生所

學自任至重公其再至當使皇風解洽庠序注濊四時序萬物醇兵革不試刑措不用賢雋修職蠻夷納

貢歛時五福敷厥庶民而日月星辰草木鳥獸薦祥効祉國氣太和然後儒者之功侔於造物矣此公今

日未盡之志當寧側席以需來效者也袁不敏出公

門下二十有六年知公最稔故推本

上之所以待公公之所以自待者以見上下之交皆出於利國家安社稷而非存私也君與之篇周成王惻怛之章千載一時於今再見公能無有感於君臣之際矣乎

川嶽圖詩序

太子少保都察院左都御史東萊姚公既致政若干歲

聖天子圖任老成特詔起公於家公未受事蓋有待也公子左春坊左諭德惟東君日夜思歸省覲顧張永南集

卷四

五

侍上左右執經帷幄又新進儲官輔德之職未敢言私而公以今年某月日壽躋七十惟東君廼適乞館閣諸先生分題賦物寓壽於公而以川嶽圖繪委言於予夫川言乎匯也嶽言乎宗也名嶽大川之以表識封域參化兩儀協氣氤氲雲行雨施興雷風以動物皆川嶽之靈之爲之也是故流靡時矣與天地鴻濛無所左右蟠委錯紆與萬物相爲始終若其德比於崇厚而神昭於穹壤故然也公英華異質少負鴻名讀書萬卷嘗爲科場尺度之文高挾流俗鄉之學

者盡師之四方之學者裝糧未遂輒購所藏公文轉相訓以競取高第蓋公未仕而名已動寰區矣及公舉進士歷禮曹出秉臺憲督學閩廣之墟置秩左右布政使御史大夫兵工二曹卿佐以至令官而中又未老而謝事聲華之積勲伐之高天下仰之真若望川瞻嶽之爲者匪獨以之壽公也當公之未起也廷薦用公者凡十有五疏焉有不得則快望而咨嗟迨公既膺召命也上以頌聖明下以樂耆俊而惟忤者滿朝則公之壽固天下朝廷所望以爲重也古昔大臣享期頤之歲者鍾鼎之勲必其國家承藉平康

張永南集

卷四

六

風

安父之福垂之子孫黎民有餘休焉是故詩詠純嘏書稱平格其始本於介眉壽重老臣而作而推其功至於保周而又殷焉則天之篤佑賢哲綏以多福謂無意乎不可也公遭際熙朝靖共勵翼冲養玄達含陰吐陽高可爲嶽大可爲川博利不既保尚不違公所自爲壽者公既得之矣予何言哉諸先生之詩雖詞不一旨率發乎至情以愛國及公爲念蓋同撰也豈直尋常壽筵歌子孫福祿備一家慶事云爾哉

見山政訓後序

衆自家食則聞大江之西有見山先生桂公者天下

士也窮理力學適追古人學者翕然師尊之繼舉進士出知丹徒則既適於政矣公志法成周納民於軌至論禮樂中孝弟恤惻稟諸所講畫世俗試以爲迂公方斷斷行之唯後之恐郡長吏謂爲異已數君公棄官以去不俟終日其後再起爲永康爲成安撼挫屈折以至再再士罕聞道未有不少貶以需進者公獨以邁往之氣篤信力行而持之益固其視聲華泊如也平生稽古務明先王之道毀譽得失一不以介意粵自治歷三縣所與斯民陳利害論是非見於上下文移者無慮數百餘言率皆發於衷沛於禮義

張水南集

卷四

七

正

臧否成敗明徵有保信乎著龜之智父母之仁也讀者惻然而况思之入人矣乎是故卽其言觀其政可以訓矣余嘗聞明道爲晉城令民以事至邑則告之以孝弟忠信民胥以化公之敦獎牖俗崇讓慎感蓋本諸此今公入佐天子歷翰林學士進吏部尚書加少保兼太子太傅遭際之盛獻納之勤汲汲乎撫猷懋訓康兆匡辟以求無負所學爲忠則公之相業固已定於治縣時矣昔蘇子瞻論伊尹王佐之略基諸畎畝范文正公在天聖中有憂天下志嘗爲萬言書以遺宰相及擢爲執政考其平生所爲無出此書

者公之謂矣余師祠部張先生叔成謂衮知公者授衮叙之俾世之爲吏者照而感焉庶幾君子長者之澤之沛如也豈不爲世道之幸歟

治河錄序

嘉靖某年秋七月河決豐沛間上下數百里漕渠淤塞國賦民生日且岌岌矣先是董河之臣蚤夜思庸自效議開新河大發人徒數萬多至敗績

天子憂之下集廷議特命工部右侍郎潘公兼憲職以往公至達觀河決之處洞悉利害刊狀以聞詔可而公卽事事揣度高卑諦量緩急經始支河以

張水南集

卷四

八

正

分上流延屬漕堤以防橫決而河南北以通漕復大利越明年告厥成功召改兵部右侍郎晉尚書俸級又明年而治河之錄始出凡公敷奏之章講求之政播告之修靡不具載而祭祝有辭叙述有記各以類見原其本末則皆以水治水而已公不與焉昔司馬遷氏作河渠書叙禹導河之績歷前門砥柱之險以及會歸於海分播合同莫非自然之利而漢人以下穿渠塞決墮高堙堙互相勝負以日與河爭河愈不治瓠子之役畚卒數萬從官員藉卒之築宮宣房導河北行復禹舊迹而梁楚之舊復殄今古成敗之

跡可監也公具有本之學負獨運之智平居端默不喜眩露國有大政叩之則議論英發若懸河然用輒顯效以是知公之蘊紉博渟泓其伏而未見者蓋多矣豈獨治河云爾哉千辰春公沒京邸公子徽自南京刑部主事來齊喪涕泣介其姊夫程太史舜敷來告曰先君之錄願執事者有述此先君意也予念公始舉進士選入翰林為庶吉士余後十九年而踵公後塵喜見公之能禦人災樹勳當世以不負所學遂載筆而歸之公名希曾字仲魯號竹澗浙之金華人贈兵部尚書

張水南集

卷四

九

五

順天府鄉試錄後序

嘉靖甲午秋八月京府臣僚奏當大比畿內士上命臣道南臣袞特輟史事往主校焉錄成臣袞當叙諸末簡乃拜手稽首作而颺言曰懿哉我皇上作人之功神妙一至此哉先是四方風俗藝文太盛經生學子過為眩矜之辭窮愚詭俗私相慕效爾雅渾噩之風寢少衰矣我皇上中詔禮官勸學議令凡程式試士所取之文必明白正大有裨治理浮華不根之言屏復不用錄是薄海內外翕然回風當序之間咸知尊尚經術刮剝治道其文駁駁乎復雅矣或

謂科目取士藝焉已爾臣愚以為不然孔門四科文學並列詩書所載辭命之作雅頌之篇藝章典則吏方將略先王致治之跡靡不燦然畢具士學為文期以適用則古之所謂德行道藝之教誠不出此謂士止於文固不可而謂文盡不足以得士抑惑矣臣於是竊有懼焉宋儒蘇軾曰科場之文風俗所繫其見錄者聞以為勸其置而弗錄者聞以為戒夫以一日之去取數十百人之優劣而勸戒形於四方士習美惡繫焉治化隆污繫焉是可弗慎矣乎臣愚鑒別弗精深懼有負皇上今日任使之意然不敢不盡者心也所不能強者智也心苟盡矣而才或遺焉欲免於咎難矣抑士之責殆有甚焉方其布衣衡茅閑言崇議動以古豪雋自期既而登名仕版克踐斯言者蓋什一矣棄如弁髦者又無庸論也若是則人將執其言而議之謂文士之不適於用如此行且議黜之矣則士之自責不有甚於主司之責士以言乎我國家養士於學建師崇飭其澤甚厚亦奚以士為而故詳延慎選之若是勤且至哉教化之行也建首善自京師始士生畿輔之郡親被聖天子之化左右趨之淪浹膚髓將不有偉特瑰異之材傑然而出不負

張水南集

卷四

十

五

所學增光選舉茂靖昌運以先四方者乎詩有之思
皇多士生此王國王國克生維周之頌褒定有望於
今日之畿士也爾畿士其益懋之母徒以文自見也
哉

贈大宗伯介溪嚴公之任南京詩序

天之將昌人國也必有賢公卿者負儼儼非常之望
出而翼運以煥煥鴻烈然後禮樂昭而天子之業尊
冷之介溪嚴公其人也嘉靖十稔南京禮部尚書闕
廷推至再上皆不允詔若曰是惟予禮官之長
毋謂疎遠其惟懋簡爾條往祗攸司以熙朕志至是
張本南集 卷四 十一

擬公名上上卽命公群公莫不以爲眷屬顯寵未
有若公之遇者既又謂公遠闕廷不得共襄謀謨
以日開張聖聽致私憾焉予惟南京
高皇帝肇造區也禮樂法度炯炯照人耳目猶夫故
也周之典大宗伯掌天地人之三禮以佐王建保邦
國卽古伯夷之任也公自少宰晉秩秩示高握印綬
之榮分張禮樂以敷貴高皇之舊而焜耀兩京固
聖天子簡公於衆之休命也公其克揚矣哉公碩學
高文潔白志行蚤名當世奮跡詞林爲編修歷侍讀
祭酒赫然師表卿佐吏禮二部閱議精鑒卓冠罕倫

天下章縫想見風采蓋有至願而不但已者夫以顯
曹樞路榮依畫接委而去之人情皆悒然不喜公諸
獨往若有至慕則夫山川圖史盡在左右謂非心所
獨得不可也雖然古之人處江湖則憂其君公遭逢
聖明感激知遇雖夙夜匪懈知且不遑矣而庸以私
計爲哉昔唐東都宋西京諸老多便身圖以自暇逸
論者至今疵之殆非所以濟公也哀辱公後往見公
視史嘗劇不廢鉛槧與客高味有古人憫時憂國之
忠汲引後進雖蓬蒿一節之士亦禮而下之以故四
方鄉風學士大夫於公行罔不悵然自失恨不布露
張本南集 卷四 十二

送宮庶童內方先生歸省序

維皇上龍飛九五之辰負扆臨軒親策天下士於
將汚陽童先生上疇少以才名橫嶺楚甸旣入對賜
止第選爲翰林庶吉士授編修辭標文苑蔚稱館中
材傑未幾以先生父憂去歲壬辰復起以資序遷右

春坊右中允管國子司業事尋有 詔集賢開館重
書歷朝實訓實錄成先生為校錄官遷司經局洗馬
其後 冊建 皇儲慎選端貞躬亮之士先生首在
選中進左春坊左庶子兼翰林院侍講自庚辰中禮
闈明年舉進士凡二十有三年歷四轉而至今官其
歲月不為不深其服勤公家之事不為不勞且久也
繇是對揚 廷命褒錫其家前有勅後有誥絲綸之
寵榮萃一門亦既適追先世矣今 聖天子化洽寰
區彝章典物燦然具舉館閣詞臣優游大官之享先
生始以家念嬰懷乞恩歸省其辭略曰臣夙遭不造
張平南集 卷四 十三

吏部禮部 上惟報可而已未有親賜批答特見其
名者即為禁近之臣苟蹟效未彰資序未薄亦未有
給驛還鄉如待元公大老之禮者是行也在 上為
特命在先生為世數在詞林故事觀之僅什得其二
三匪學行名時君相注意遭遇之隆其何能殊尤而
懿燦之若是哉先生英京頤賢宏襟濶度其所為文
清雄奔放名章俊語朗然映人渾噩之氣若掩雲夢
而吞之九流六藝指授揮霍無不神應其在講筵敷
陳理道坦明易直琅然聲徹殿幄 上多動色以聽
群公莫不懾然典試京闈多得英秀鸞鳳杞梓舉集
張平南集 卷四 十四

少丁閔兩老母在堂素嬰臆慮晨昏曠定省之誼松
檟關遷厝之安撫躬存亡何心天地惟陛下哀憐臣
私幸甚於是 上覽其疏惻然親賜批允復 詔有
司給驛以行先生聞命翌日具袍笏入謝越若干日
陛辭乃出都門執友袂以別驂駟塞路頌美盈朝閣
老元卿而下莫不有詩美其去太子賓客用川張公
視篆磨府例當首倡贈言乃以次屬之其我國家之
制人臣戮力於公積有勞勛六年許歸省越十年許
歸掃其先人之墓著存令甲有司守之謹為緇人亦
有周行庶品牽於職務而不得請者矣聞得請之視

其門文昌掖垣之選今殆半矣間嘗與賓客譙遊情
景會悅據案揮毫翰動若飛于時參侍其間詞鋒逼
人多斂手以避先生之才既昌明若此而又能秉持
大節勵忠與孝其言有類其行有禮其舉事無悔其
持檢應變無方而一準之於道豈非今日之偉丈夫
哉使徇時俗少須臾待北扉學士之選東省卿佐之
榮左提右握無不如意先生寧不以此而易彼則其
所存者固大而吾黨之愛望愈厚且重也予與先生
同年也爰撫其聲實如此以告同輩云
賀少保兼太子太保兵部尚書東瀛張公七十

壽序

嘉靖壬寅之歲少保兼太子太保兵部尚書東瀛張公壽七袞某月日爲公懸弧之辰先是錦衣都督陳公以嘗受知於公倍其僚若干人介予史氏之言以爲公壽當是時比虜侵軼旁睨三關羽書三四至上方嚴勅有司設備振旅日夜以從公辭不敢受賀至是仰仗 皇恩諸酋震懼出關遠遁邊陲甫寧都督公請復如初將以重九之節開茱菊之觴况公晚節也曰是可以賀矣公以宏材厚器當弘治乙丑敬皇帝策士於廷公列上第正德初公以文學議論

張水南集

卷四

十五

啓

選入諫垣凡所敷奏皆切群情明大體 上多采納贊襄兵畫尤著既而歷陞通政司左右叅議通政晉太常卿陞戶部右侍郎兩奉命督餉於延綏於宣大一時危急公調度百至軍需賴以不乏克獲駿功皇上以公可大任改兵部賜書往討大同之叛繼陳遼左之師柄臣將吏議盡殄之以除國患公執議不可祇宣 上德意開諭禍福戮其渠魁赦脅從不治兩鎮生靈數百萬安養滋息至有今日公之功也公位尚書掌大司馬九伐之法居中詰制凡戰伐部伍之律調發簡閱之節屯戍替易之期將權委任之

專裨莫不預料而曲中之辛丑山西之警虜肆意殺掠公慮其盈欲而歸當復再舉疏上請急講求厚集諸路精兵設伏邊關以備不虞謀國異同謂虜且未至不宜虛費兵糧以勞百姓議遂中輟至是果如公言議者當諸鎮之失事舉以罪公公惟引咎自歸而已夫公爲人外多寬厚而條理中密議論常依平正而無驚愕可喜之談見夷等則讓處後輩則多汲引錄人之長不盡責其短是故有長者之德奉 命專征不嗜殺以爲功言仁義者賞言戰鬪者死是故有仁人之心官居一品榮依三接累荷 褒綸兼勤上

張水南集

卷四

十六

啓

賞受命而致循牆之恭據禮而切引年之懇歷及于孫半居蟬升惴惴焉惟以負國恩賞過延爲懼是故有君子撝謙之節具是數美於一身而天不祚之以多福益之以永年吾不信也文潞公九子在朝明習典故國家倚以爲重衛武公百歲康強不忘儆戒公殆其儔耶予晚從仕路辱公交愛已二十餘年而予亦班白矣當公壽筵欲作詩以從公稱賀而未就乃因都督公之請得少發之庶幾見公之壽以德而基因爵而顯因功而益知其無筭也詩曰溫溫恭人如集于木又曰兢兢小心如臨于谷公謂也壽之方也

會試錄後序

維 皇上誕膺寶曆於茲二十年矣文章禮樂之化燦然與天地相為昭焉薄海內外涵濡漸漬踐行喟息莫不喁喁焉有榮光生氣況士乎况蒙被聖人之化以天下士自命者乎歲辛丑大校士南宮錄已訖日獻諸 册陛臣表以職事謹言其後曰士自負無求於世惟上之人舉而用之以共承天地理六官而康海內士之責厥惟重矣其始也主司操尺度而求之亦惟觀以文耳夫文曷從有哉易曰日月麗乎天百穀草木麗乎土此天地之精也文之至也夫人之

張永南集

卷中

七

七

七

心既具天地之蘊則其和聲充積發為文章敷貴典委經緯民物以麗天下其大者行於朝廷小者行於郡邑近者行於室家遠者行於蠻貊譬之耒耜陶冶切於農工闕一則生人之道不完矣間不然焉或者始執而議之謂文不足以濟天下而憂國家殆不考其本原者爾虞氏九官周人六典宋管葉文與法疇咨董正之治赫然明效於邦國其治功之卓越萬世莫尚焉我 朝列聖相承誕求賢哲考虞周之遺意斟酌唐宋之法始於鄉試而極茲南宮之選鼓舞振勵詳延而摭簡之得士之盛熙於帝載亦既昌且碩

矣恭惟

皇上明德建中純心籲俊每當省試之歲

廷對之辰

負宸臨軒親賜策問詢以當世大略有

能陳說古今

論判利害切於民生治道者又皆 親

賜品裁列之上

第奎壁之文昭回天漢絲綸之麗下

被衣褐之言

海內縉紳快覩傳聞以為自古帝王所

未獲之盛事

士際遭逢抑何仰稱德意於萬一乎嘗

聞之事君之法

有其君不敢有其身有其身則厚於

組已薄於謀

國苟有利害少異於前凡可以曲營而

周計者無不至也

况世味之既深而易之移乎此宋

朱熹之所嘗深懼而古今人才又可歎已爾多士負

天下之才以出視其言

隱然以天下之重自任主司

首以事君之法

告焉謹臣道也盍相與成其信而勵

之

賀大家宰王峰朱公七十壽序

我朝仕進之途

以狀元及第積有崇資躋三公位六

卿者前後殆不

過數人數人之中完名勁節著濟時

之業保懸車之

榮享稀年之慶出處不愧稱古大臣

之列天下謂之

翁然而同時殆又數人中而一二者

也予於王峰朱公

見之矣公吳人也世居闔閭城中

閭閻萬室俗習

芬華耳目易奪公生有至性當韶齡

張永南集

卷四

十八

七

卽服勤先大夫遽菴公之教讀書戶內寒暑與俱足
不輕踐衢市學日闋涵以粹年二十四入奉臨軒之
對敷陳治道綴筆萬言 敬皇帝見而悅之親推第
一每言於宮中以爲丙辰得士之慶四方多傳而誦
之公時身負大名耻言溫飽歛之若愚識者已知爲
台輔之器而翱翔翰苑晉學士東秩宗再進而爲南
京吏部尚書辭編摩禮樂之任而當衡鑑之司表率
百僚凡所甄別曲當材器公顏貌詞氣藹然春溫於
物近厚當其職守確乎不拔涇渭攸分如照蒼素其
節勁如也始公爲侍讀逆瑾惡其不阿復奪級爲修

張本南集

卷四

十九

撰公處之怡然其在南京門戶峻絕謂爲難犯忌者
漸起公卽幡然抗疏以歸今 上篤念經帷舊德
詔賜輿隸歲祿有差言返初服侑天眞今且十有
五年矣歲壬寅是爲七袞六月二十三日其誕辰也
精神朗健齒髮未衰疑然爲國壽俊之臣鄉里尊爲
巖石之望選齡茂社蓋未艾也傳曰君子有辯善之
度以治氣養性則壽等喬松脩身自強則名配賢聖
宜於時則達厄於時則處信禮者也壽之方也公心
冲澹飲食衣服動靜居處謹禮守節先人敝廬蕭然
如故間出郊坰鹿衣素領竹堦而遊土簞而致得意

傾濁酒數杯卽止旁無善給之使其真性如此謂非
靜攝其養順乎自然得壽之道乎予是以知公之壽
喬松可等也公之名行賢聖可幾也公之長子景固
方自太常寺典簿遷南京前軍都督府都事以秩滿
獲 地封進公階爲資政大夫錫之誥命恭捧而歸
以爲公壽 若龍之臨家慶之集輻輳一時如約而
至豈非天獨篤祐於公也哉景固又據法守職居蔭
叙而惡膏粱審道義而唾涕非分之富貴真是以傳
家學而行公壽於無窮也敢併賀之

賀張母沈太夫人九十壽序

張本南集

卷四

二十

嘉靖辛丑冬十月十有九日太子賓客吏部左侍郎
兼翰林院學士甬川張公母太夫人之生辰也太夫
人至是壽登九袞矣生逢治朝榮安腴養享期頤之
遐筭彼 綸綍之寵光宗德備福名蓋當世蓋自公
卿之家以達寰宇士庶之族曠時閱世而一見者也
豈非今日之盛事哉太夫人生有淑序初歸洞雲翁
卽嚴飭內教虔罔閨闈之職一一而舉事姑甚孝敬
旁接六嫔禮意猥洽動靜起居悉中古人遺矩以故
洞雲翁日益賓敬之家政大成蓋當是時太夫人已
儼然爲女婦師矣其後甬川旣舉進士入翰林積資

累級今且三十有七年一時同館之士悉握樞衡尊居保傅殆過半矣用川公端居慎守其在朝廷一以正心窒慾求賢育材為務言行而身化之誠明者達狡偽者替蹤動者自道久而尊行顯而信雖其天資學問則然太夫人謹於胎教乳哺之初成於書括徒舍之教除誘曲擬不可誣也壽考之隆福祿之盛豈不宜哉人孰無子生子而貴封錫之典沾一命榮矣况再命三命而未艾乎人壽以百為期七十古所稀矣况進而九十焉神完而氣全耳目聰明如傳所記百九十歲者為異人將不可至耶夫以壽則係於

天以恩數則係於君二者皆制於命而不可必得太夫人兼而有之而又倍當其盛謂非天之獨厚不可也先是用川公以太夫人年高嘗乞歸養上褒詔答曰大臣祿養壽母自古治朝則有之朕不允請聖恩優渥前此未之聞也昔歐陽氏之母越國太夫人程氏之母上谷郡君皆能稱先德舉善教以翼成其子竝為當世大儒承叔之官副樞密叅知政事明道遭時齟齬僅為宗正寺丞二母之年又未克登上壽論者有遺憾焉用川公文章道德遠配歐程名秩之進行將位極人臣顯名滿天下而太夫人

之難老又足以待之則張氏之家慶繫國以為重輕匪特一時壽筵之光而已乎用川公為後進耆從館閣諸先生撰幣以修賀事太夫人聞而止之曰國有大卿吾何敢當賀也於是又知太夫人之謙德能謹大義不敏以幣見於太夫人而退書其事以備史官如此云

送總督薊州軍務少司馬文江胡公還京序

嘉靖辛丑秋八月逆胡犯順西寇太原沿邊數州之民村居野處無城自定老幼孳畜室廬積聚莫不為之驅除蕩焚死亡過半當事之臣倉皇請命羽書不絕於是天子赫然震怒選吏行邊大命出師討之維是薊州重鎮拱護京畿至為要害先是朵顏泰寧福餘三衛諸夷懷恩內附世守藩臣之節至是常貢不至且求增廣名額以上邀朝廷陰結強虜廷議急遣才望大臣一員往鎮之疏各具請上皆不允最後屬之公出聖衷也公晨受命慷慨登車不顧妻子既至鎮恭宣璽書大揚威令收英雄之略盡參伍之謀謂撫夷以安莫先計民以守力周視城隍崇庠闢墜興廢為力易難為地緩急周旋步尺莫不盡知然後括以徒庸萃以糗糧統以官兵皆以文書刻

期程工人皆効力無一當百者其為費也採木於塞伐石於山陶甃於工皆天地自然之利不煩四節三越月而告訖自居庸以至山海延袤四萬餘里視邊牆隱隱若浪而來遠鎮夷二樓高立於喜峰口潮河川之上上可坐萬人下可建十丈旗雄峙天漢皆公所創也公又選材官購死士買健馬請給神箭以備軍中外有以據地形之險內有以盡人謀之計而開闢變化指授若神增壯士平戎之氣慰邊氓僕后之心格諸夷悔罪之念使將有餘勇十有餘謀財有餘力此公之功所以十倍於戰勝而攻取也昔人

不能及今皆一如其言人謂羊祜不強謝安無將略可乎予與公先後發跡詞林公兼官詹府與予文字相善而巡撫都御史徐公某巡按御史段公某巡關御史翁公某均有地方之責以公還朝不可無贈序予執筆颺之蓋微稅既擢當有出車之什也是為序

賀鄧子憲亭書續序

古之擇官凡以為民也天下之民事皆領於縣則夫天子之德澤奉朝廷之法令謹之於張弛而施之於緩急達之於經權使夫訟簡刑清民熙物阜田野治學校修水旱有備姦宄自教化之行四達而不悖必自縣始是故天下者縣之積也縣令者民之師帥也提封百里庶類萬區總數者之政而成萃於令之一身如是則民安不如是則民殆其為責不既重已乎東西兩漢之世仕州縣者皆賢人長者豈惟仕州縣為然雖曹掾書吏門監亭長枋斂胥夫多儒生為之物有其官官有其職所以吏稱民安漢稱善治厥後士私其身懷榮內補始以州縣為瑣屑不樂居者有矣豈古人建官之本意哉今

天子御宇加意元元每詔銓曹大臣述慎選法凡海

內名區巨壤多選進士之有才望者居之於是劉陽
鄧子得溧水令應天之屬邑有之而溧水居其右固
王畿之股肱天府之有裨也地闢民聚蠶桑業生士
吏斯土急之則民促緩之則民慢慢亂促民之戕也
自鄧子之令溧水也綱舉而目張領挈而表不亂問
其田野則民務耕殖也問其保伍則民知相恤如救
兄弟外侮其禦也問其學校則禮讓興行士知將習
經明行修焉時造俊也巡撫都御史月湖喻公巡按
監察御史裁菴楊君橫江邵君皆以鄧子才廉節惠
交相論許如出一辭大觀風之使旌淑之典其年至
者旌未至者獎旌與獎同出於賢非有異也特獎以
勵其始旌以稽其終群論所合而後天下之公定焉
年勞既積而後有成之績著焉臺省廊廟循資以致
鄧子善自爲階吾見其能升也辛丑之歲予考禮闈
旣微棘見鄧子端居而靜守寡辭而息營肫肫於內
照淵淵於獨聞聰明才智持之以默碩大焉良居之
以謙高朗洞晰處之以晦惟晦也是以善明惟謙也
是以善受惟默也是以善辨施之於政而圖艱應遽
緩急有條守經達權而爲貞與哲以之處天下之事
吾見其無難也况一邑乎旣於知鄧子而鄧子之

諸生武易頃執經從予遊數道溧水之政可備史闕
是故樂書而歸之且以觀終於鄧子

張水南文集卷五

明倫彙編家範典禮部禮部司禮監印書館

序

送少司徒松泉夏公被召北上序

方今政事之臣議伐匈奴建萬世之策莫急於司馬
自予觀之其在司徒尤急也司徒主粟府藏貨賄
以九土之法辨五物九等制天下之地征帥其屬以
佐王安擾邦國而親百姓雖不盡如古以掌教而帥
化之意隱以寓乎其間故司徒之職舉民食宜無不
贍也民食既贍兵可使勇而戰國可使榮而昌戎有
張水南集

卷五

美集

滅期邊關息戍矣伊昔成周之世犬戎侵暴文武伐
之既營維邑復居鄴鎬放逐夷戎經洛之比國中之
費有營有戰百物具供當時民俗殷厚崇墉比櫛以
開百室萬億及桀桀并祖考歎歌於載芟良相之篇
洋洋乎肆作未聞時結舉羸有五事也豈非疏附大
臣為之左右獨文武之德爾耶今

聖天子在上克慎明德以賓四夷惠綏中國股肱有
闕咨詢在廷懋簡而始受其不勝任者有黜紀綱法
度未有明於今日者也頃者北虜跳梁驚蹙邊氓勢
不可控詔書責戰未有報功嗣歲防秋諸路之兵勢

必預集則夫轉餉之勞賞勳之費百出而不可笑此
皆 宸旒之虞嚴廊之亟司徒身任其責得無隱憂
乎夫既憂之思以處之則其憂始去而國乃康也古
人有言欲財之不匱不願衣食仰給有司悉懇邊田
則趙充國之奏是也欲方隅之無事不願更四方之
兵各因其兵以自固則晁錯之策是也厚饗百姓安
輯國家寧以藏富於民不以羨溢太府歛之愈輕獲
利愈大則李翱平賦之書是也洛陵松泉夏公自南
京戶部右侍郎彼微而往條長約眷周公以予濫從
九列之末伴予一言贈之予觀公之為人博大多

張水南集

卷五

二

集

才有氣略嘗官吏曹出為細職迂徐仕路三十五六
年而始登卿佐物情世故熟察而默睹之久矣先是
公以御史大夫巡撫江南寬裕之德明肅之令吏戒
而威民庇而愛士美而頌謂周文襄公以來一二見
者今茲入佐

天子當 宗廟鼎興邊釁厚計出諸常賦之外逢時
告災圖艱應遽承助令僕取於古人而變通之使福
流生民功在社稷死然如見成周之盛不有望於茲
行乎大司徒蒲恭王公子所好也與公同寅幸以予
言私告之不知書生亦能談天下事否

送大中丞潞橋楊公被召北上序

二十三年冬以明年乙巳例當舉制察兩京吏治
天子思紀綱法度之臣簡置內臺與三股以大臣
以公黜陟大典於是南京都察院右僉都御史潞橋
楊公被召而入先是楊公受璽書給旌幢節符
坐臨江左閱軍水戰鎗甲之容雲用而下指授受事
山呼谷應長江上下數百餘里鯨鯢不興民獲安堵
公有駿烈矣裨將郎吏謂公不可無賀請于一言頌
之子惟御史中丞古法官也粵若殿中典蘭臺秘書
事今亡矣獨出撫方國入領諸御史受公卿章太糾

張水南集

卷五

三

風

察百僚如故故權尊而位重勢望赫然視諸曹特異
公之官猶昔也乘輿所在事權歸之百僚趨之權
益加而尊位益望而重人之跂之益榮而貴夫有其
權得其位將以行法也法立於朝廷而有司輕重之
抵冒之是不有其法也有司不有朝廷之法而紀綱
之臣不能釐而正之是綱紀之臣之敗之也天下公
議安所責乎是故服纓免黜行邀名不可方物謂
之侮法鷹擊毛摯巧言如簧深求中類黑白不分謂
之亂法惟文淺深視所意欲離法之正不啻萬里謂
之亡法法亡而吏不知守民不知惜君子病焉小人

幸焉得非紀綱之累耶楊公自起家御史號為雄俊
風采奕奕法之所加喜怒不私毀譽不問曲直不互
操白而名立功積而譽彰天下論執法之臣莫不舉
而歸之楊公予與公同中庚辰會試稱同年者二十
有六載簪華天廷威稜在望不愧于色怨及朋友稽
漢名臣黜賈君之別淑慝能孝文之不吐茹周于隱
之擊豪陳伯讓之肅度公皆具而有之將之以謙守
之以信有休光焉此予所習睹也公聞予言以為頌
乎規乎有以自處必有以自信矣昔成校之指揮李
震王雲鵬韓璽三人以為駕馬展鈴之助

張水南集

卷五

目一

風

送侍御貞菴李君考績北上序

予聞之傳曰鷲鳥將擊必羽毛張也又曰翅翬雖殘
不避也言忠臣特立若鷲鳥然右善擊暴崇衛國家
苟有利於君雖殺身可也敢愛其毛翮爪盾爾耶季
孫行父亦曰見有善於君者愛之若孝子之養父母
也見不善者誅之若鷹鷂之逐鳥爵也其言蓋相表
裏御史之職主彈劾受公卿章奏具言生民幽隱入
則廷規出則方按聲蹟所指天下凜然在漢繡衣
持斧巡行郡國察二千石以下吏狀唐貞元間宰相
對延英既退則次對官入侍夫謂次對次宰相之後

而對事也當時謂爲御史中丞等官今其制雖不盡見而御史立仗下戟冠簪筆殿陛坐風百餘敬憚其權隱然如故故其始官也必慎選而後入其既官也續效用章然後狀列于詮司升聞于

天子視其殿最以上下其秩恩威所加傾震群聽視諸曹特異是御史之官名位顯諸朝廷而功狀形諸按治使所治之吏皆賢則御史從而賢也使所治之吏不皆賢而御史不能去生民勞苦無所告訴則御史從而賢也察御史之賢在吏察吏之賢在民始於治已終於治人人既治而不益治已乎吾觀

張永南集

卷五

五

正

貝巷李君之爲御史也正直不阿端恪有守廉而不劇溫而能理剴劇而能斷仁厚而多愛故其釋褐從治而政無不乂也執詩書以馭吏而法無不飭也居臺三年嘗受上命治軍粟督視江南諸會沿江上下數千餘里環城而治無虛數百大者守小者令惟君之憲固敢違越有不聞風相戒務嚴密蓄積以備災害者乎有不夙夜在公職事並廢如緝盜賊縱橫者乎有文飭姦言曲行詭聽替俗高標以自私者乎有勇猛果敢處事不疑所居皆尚殘賊慘立威名以愁痛百姓者乎有姦萌孽潛伏在位未經

挾摭猶爲城社者乎之數者皆御史之責而君能消息於陽舒陰慘之際舉錯太過不及之間而愛制之風洋溢於法度之外以職則君法吏也以心則君仁人也故漢儒曰不仁而多材國之大患也使天下尚法政之弊也君其賢矣哉我

國家崇置憲臣思得忠厚正直之士清其鯁亮之化以宏大業有如君者輩出焉將不爲宵旰之副乎君行矣僚案諸君以君良友式觀成績歸予宜有贈言予非私君也美其始而勸其終進君於大也異時天子嘉乃不續有服在大僚非私君也用一人而耳

張永南集

卷五

六

正

目皆賢也聰明之德達諸天下也予於世道乎攸一矣

贈大司寇東橋顧公考績赴闕序

六卿之職皆

天子股肱大臣分職而治以聽天下兩京竝建厥體惟均獨南京事權稍輕故人情以北爲右其在刑部則南之視北等焉物齒庶繁情變百出群爭蜩集日以求聽於有司有司受其辭而日加聽斷也恒不給焉是懼矧大司寇總成于上群吏抱牘而前環立而議政生殺予奪惟其言準其爲勞與勛不既倍蓰諸

司已乎是故參錯訊鞫極天下之勞者莫如獄安百姓撫國家與天下興仁厚培以壽亦莫如獄東橋伯公之爲大司寇也正直而有守剛明而能斷慈愛而不傷比義緣類而有合輕重者謂之有權緣是橋樑疎桎梏去肆掠以亡獄訟以息刑罰民服而天下不受其弊公樹之水也府縣刑牢吏多輕侮喜自煩苛私行慘刻以罪無必而易移法有限而難動於是變罪而附法失情而合文窺上意指惟文淺深天下無正刑矣聞公之風則凡按刑之司奉法之吏有不疎然以懼惕然以思蓋滌其膠習已乎善乎蘇轍論大臣之道有四智足以知人仁足以兼愛道足以忘物之得喪志足以一氣之盛衰乃能護明守固浮議不能搖巨力不能破公其兼是矣抑予少時則聞公起金陵負重名爲文有氣力以不同於俗海內誦習其文章謂能興復古雅互舉日月雄峙百代之下其治刑獄亦然不以標異不以黨同罪人於法之內則歸之法罪出於法之外則歸之權是道也豈惟刑獄爲然雖移之以相天下可也昔房琯有唐之相也其爲刑部尚書一以矜疑有誤去刑教德舒慘之本動法陰陽故其相業光融垂諸後世以公求之謂爲匹

簡俾颺言之

送巡撫右僉都御史詹公之甘肅序

馬豈不可也歲癸卯予始接公見公風稜言言不與時俗俯仰間嘗論獄有曰吾心如秤豈能爲物作輕重又曰朝廷以厚祿養大臣宜爲國家盡力以安元元苟私其好惡鬼神所殛也旁及他事則然爲之於乎公有勳業有文章夫人皆知之皆見之而莫聞公之議論者或寡矣聞公之議論而能深討公之存心知爲長者之德予於公不敢謂不深也夫公之績而言及言與心者示夫人之未盡也公之同寅淺齋郭公以公明年春首當上其不績于朝相與群公尋故事載酒龍江之許以予鄉人且吏官也乃授簡俾颺言之

陝西三大邊曰甘肅寧夏延綏甘肅遠在西陲左臨哈密右控番夷方數千里而西寧洮岷橫貫其間則皆連沙亘嶺夷情之叵測虜勢之易乘意所不圖猝生異變蓋自前世而已知其地爲險遠矣而北虜團結旁睨山西諸關忿怒殺入驅掠產畜備聖天子赫然震怒親命大將軍出師討之邊事罪坐不赦爰簡文武才條往代之疆圉稍以安集今年春甘肅巡撫都御史員缺在廷諸大臣僉以太常

少卿詹公榮對

上覽奏旋即報可物遺之行趣甚命至留都群公卿咸舉酒以為公賀蓋邊隅得人定為朝廷賀也予聞公嘗為司農使者督餉大同矣歲癸巳大同軍初以主將失馭跳梁而呼勾連疆虜欲以城叛賊者請屠之 上不可詔誅有罪者明白自別毋取升滅公身在危城誓死不貳曲喻首禍之人犯法者能相捕斬除罪仍以功之大小賜錢酬勞有差於是逆謀解散首禍之人競斬級以自贖城下徵兵七鎮合四萬人圍且六閱月矣當是時也使公內無密謀外無張水南集 卷五 九 忠援以自結進退之間謀一露泄身且殊分矣况軍父易潰虜且乘之大同得為吾有乎此公之功宜上薦宗廟而高書簡冊者也今之甘肅制夷禦虜撫軍輯庶出其緒餘猶反掌耳蓋處大同之變其勢逆而難安處甘肅顛制一面以謹張弛以銷未形其施至易也夫以居常處順之時而操慄懼之心如臨危難不可救之事則其風績之所樹立又可逆觀也昔人謂地無險易時無逆逆惟得人則易轉危為安是石于玉得臣文公為之反席而坐趙有廉頗馬服韞秦不敢窺兵井陘漢有鄧都魏尚匈奴不敢南鄉沙幕

得人之效自古為烈公具長材遠略厚智殊能指揮神授豈讓古之人哉公既飛行察長涵齋蔡公乃以祖筵之贈屬予為序予書生未盡知天下之事又安能操文墨之論遽議兵革之難執特舉所聞於平昔者以為公贈庶幾吾有試乎功名鼎盛載自甘肅始矣書不云乎亦言其人有德乃言曰載采采公之謂也遠聽之臣得無慕義已哉謹書之以告前驅云

重修江陰縣志序

邑志之修也予安能為是役也宋有刻本凡十卷教授鄭應申郭廷堅為之是時江陰為軍元至元間嘗一翻刻皆仍故也其後入我

國朝繼軌而修有若賀子徽氏顏瑄氏種種而出於是稱縣志焉因革之初旁咨事實多出亭父里魁之言文或不副大抵然矣弘治癸丑蘭谿黃君為令思皇作者羅絡希聞剖析疑義雄辭礪辯自成一家之言可不謂傑然已乎後若干年宗黃而續志凡得九卷曰方謨氏合前後觀之或謂黃之志緝也多取而寡要竒搜而眩質君子思見其初焉夫初者宋人也略也由略而詳可矣比其詳也不勝其文是故志之難也予安能為是役也嘉靖丙午巡按御史王公

來按茲土詢志考俗乃以掌故屬之邑令趙君錦俾予詮次爲役予懼焉而不敢當又踰歲巡撫都御史歐陽公必進巡按御史陳公九德相繼督之趙君乃闢延陵書院爲館簡諸生才者五人佐予以從事未幾而劉珪林文煥病亡乃與蔣龍徐爲王英庸稍議討之集其舊文若干萬言凡二十三卷備其遺事凡廿六載有奇門分類別事各有歸而不相猥示綱領可尋也先爲發凡舉例示準繩在茲其去其取非敢私爲異同也予之少獲自盡者塗轍若此而已至謂得損益之宜適文質之中明先王疆里之故推其精

張水南集

卷五

十一

易象大序

古者聖人之作易也與天地準設卦明象觀爻以辭而陰陽之順剛柔之變盡矣是故聖人之道莫尊於六經而易爲之幽也何言乎幽也道幽於心心形於畫由畫而之鳥之謂卦山卦而之馬之謂爻之謂辭

皆以象言也其畫也非已爲之也天地自然之數也其爻與辭也非已爲之也天地自然之文也道以象昭象由心起造物與游變化生焉故曰易道深矣漢人瞿商而下言易者無慮數十家有外有外有外有外紛然而後世莫不以宋程朱爲宗朱子之有本義其言與經並列於學官子友薛君應登生於千載之下有志於聖人之學者也其素業尚書單思研精獨深於易解每卦之下列傳與爻辭以文以言必有斷斷必有義或以類求或以出於其類之外錯綜交互而變化行於其中爻以二五爲中爲正有得其時則位皆不當而曰中行曰可貞不得其時則位皆中矣而曰貞凶曰貞厲觀諸復益坤无妄屯履諸卦見矣神而明之存乎其人時措之宜本於中正非薛君究心之地乎道本有常而不變乃能應變變出於無常乃能率常時之義大矣昔虞仲翔著有易傳其體作書美之謂與心契會是爲探賈窮道者當讀之讀易讀其意不讀其辭象亦躍然而呈露君子以爲知道即君而上下其間豈不可乎大學莫患於其以辭穿鑿詭辯好呵前人捨成說而爲新奇蔽焉者也隨事觀理在理而不在事觸處洞然有以見天地萬物之

張水南集

卷五

十一

情非有明智之心者不能也豈直梁丘卜筮寧世云爾哉薛君讀易凡十有餘年晝夜以作食寢與俱始克成編刻而傳之自題曰易象大旨曰象者易所自有非有加也曰大古者括其諸說以微言止於明象而已矣此薛君之志也求通於聖人之路也反復性命以窮極事物之變上窺義文周孔之心與道爲一則德安何氏既序之矣予姑序其梗槩云

送麟陽趙使君被召北上序

越歐治之純鈞曷爲而珍也由其斷犀鵠震雷霆其能異也楚卞和之圓璞曷爲而寶也由其熾炎燼窮

張水南集

卷五

三

張

旦宵而色澤不變也物性之堅貞造化之蘊結產於山川而上應於星辰白虹亘天古嶽生氣是豈人謀私智所能闕哉神盛而光達理則然也是故其始也理光剋采人鮮知之過而不問者多矣間有一人過而問焉群衆人者又從而譏之以爲非實是知者一人而終無以徃千百人之惑然其所謂實者難知也迨夫父之而益彰晦之而愈耀命世之客出群之智得之而謂爲神物偉實獻之國君以禮天地四方薦諸宗廟煥煥英英飛景流照環視而駭異有不言而疑者自定然後天下之真實出矣人之從政何以異

是哉趙君令江陰三月而布令及暮而政興再替而人悅其約已也儉甚苦腸食齊人所不堪其牧愛小民也疾痛痼癢惟恐一毫傷之無知而犯誠又多原而厚貸人見其若此也以爲過也莫不嘆曰賢哉大夫也難爲下也民不知勞鮮能義也及乎歲連大旱五穀不升赤地千里百姓嗷嗷卒免溝壑以趙君爲之令也當是時也棟宇不塗官布不制鬼神禱而不祠賓客捐而不問貶衣削食以自罰雖欲不儉得乎於是疑者以釋從而信者群千百人日益以衆後有疑者不能間矣戊申之夏

張水南集

卷五

古

張

朝廷渴聞謫言臺諫告闕下詔徵天下之賢令總若千人蘇松常鎮四大郡凡爲邑者十有八人而召者趙君一人是不可以觀趙君已乎望領而高價定而待知必然矣雖然有不能盡必者人也所可自信者已也已自信而人不必要然未害也苟恃人以爲信則其所自信者薄矣豈得言天下實乎學論林子司訓揚子先期詰子請贈言予笑曰趙君空堂不持一物肯受無聞之言以累行李乎林子曰不然此吾二人與諸生志也予遂執牘而書之

送司訓趙子擢遼陽衛學教授序

師何所教乎教人以復其本然之性而已本然之性天地之性也廣設科條碎責文義謂為教也而文以勝之不亦末事已乎文章本乎教化繫於國風世治世亂因之以形故蘊而為志則為君子之志也形而為言則為君子之言也圖而為教則為君子之教也蓋文生於情情出於性得其性分之真明其邪正之路感而發為文章有諷有勸有沮以興國俗以識治亂則文也者也教之所繇以寓也豈獨文焉已乎昔者成周師氏之教大而天子之都小而子男之國大夫之邑莫不有學其為教也莫不有其本木次第推之以及於化而其要莫先於復性知仁聖義中和使相充擴也孝友睦姻任恤使相修飭也禮樂射御書數使相開曉也惓惓訓導惟以厚責躬行為事而又立之以準勤之以時漸涵既久孝弟之道明長幼之節著皇皇仁義燦然于宇宙之間而裁成之效易如反掌易稱觀乎人文以化成天下豈非君子之所謂文者乎凡此皆以出於學而成於師也蓋文有餘而樸散則流才有餘而推闡則蕩流蕩而不返使人有淫麗之心焉此教之所以為病也天之所以與我者何如而使氣質之累昏之弱之有以戕其和

而蔽其內又無的然道德者以為之依歸聽其所止而不知裁豈非斯人之不幸哉予觀趙子之為師訓也端居靜守然默寡言士從而遊久之而信知其養矣緝書繙句賤為末事冲虛自葆克復為先士從而遊久之而悅知其趨矣外飾儀章略而不治中藏惻愍責在不欺士從而遊久之而安知其教矣今年春吏部以其勞于教事也奏補遼陽教授趙子之長林子孔承方典理學教我國人每向予言嘗得大名趙子廣信揚子為佐趙子不可留矣願執事者畀之言以喻吾志可乎予謂教江陰如此遼陽可知也待凡民之俊秀如此期門羽林之子弟可知也蓋人性同也教無異施其理一而已矣中庸之率性橫渠之善反豈非趙子獨守之學乎予又聞趙子執節過謙仕牒載至逡巡而避夫當進而知退有餘而不盡施閔然思歸是又得君子知止之義者予益有愧乎趙子也因書以歸之

贈推府廓原徐君被召北上序

始廓原徐君為常郡推官既一年予始見之溫良敬慎孫接多讓冲乎有君子之容本方立義之教予謂君儒者也而曷為法吏也既又二年聲稱赫然冠諸

列郡之上前後監察之臣按事而至莫不謂君為賢
臺中疑讞群吏不能裁積歲不能決成屬之君而始
詳定蒼生滿路如向父母而呼予是以知法吏非儒
莫之為也何以明其然也善學者之於心也治其亂
収其放明其蔽安其危守之必嚴執之必定而後可
與言學少迨而縱之則存者亡矣其施於吏治亦然
治其情牖其衷明其奸惡節其驕淫俾機而詐賊而
蔽文而不慚者莫不竦然而畏藹然而慕而後可與
言刑少懈而縱之則其悔者至矣尚可言治乎君自
儒而之吏也常之屬邑有五皆大縣物夥既眾獄訟
繁興君能虛已臨之平衡率物長短曲直之形釐然
畢見譬之人在空谷靜室之中一言一動莫不聞之
豈有隱其聲與形者况下是而為威怵為貨誘害獄
之正理書稱五過之疵為當時慨者視君堂陛峻矣
海內卓犖之材與君同志與民立命予不能盡識其
人得識徐君足矣君茲被召而入也同召者若干
人行將選於銓曹請裁於
天子君不為諫官則為御史古今人之至願出入禁
闥致身不諱君皆能取必於其身而慚乎人望言非
今日之榮事乎

聖明在上垂情寓內思得天下謹言弼士以濟時艱
蚤夜汲汲賢人君子必有歐陽修余靖者與君輩出
也大臣之中純明端亮有如房杜之賢能令魏徵之
得伸其用豈不交美乎然予又有告也伊川先生曰
後世知求治而不知正君知規過而不知養德蓋後
世諫諍之官其所以治君之身者纖悉殆備至其身
則濶略而難言若夫從容和緩以養君德為事古師
氏有之不幸而君有闕則有保氏之官秉義持正隨
事陳言不使有一字放過今之諫官御史即古保氏
之遺意而善用其言師氏之情惻然附行其中則記
所謂靜而正之麓而翹之不其然乎君既戒行有日
貳守索君與其僚以仁者之誼責予有言予豈能言
哉詩有之我雖異事及爾同僚諸郡君之志也予朽
矣屏處江垧伏聽
朝廷之上有人焉主張元氣時露神采於品彙流行
之際使予得與瘼寡癯疾者皆欣欣然安于蓬草之下
則予之贈君君有酬矣君其念之
贈郡伯東臺余公擢天津兵備副使序
我國家設按察之官提刑諸路有使有副有僉皆憲
臣也領勅受事彈壓一方宣吐萬物之氣惟治兵督

學爲然夫兵武事也選徒訓卒三令五申皆戈鋌矛
鍔攻刺奮擊之事乃以屬之文儒何也蓋武非文不
能也孔子夾谷之會稱武事者首焉是故九伐之法
載於周官利物和義並列于十翼其寓意可知也春
秋忿驚之兵雖其師力相較務以爭雄至其論戰則
有取於詩書禮樂焉武獨甲兵已乎諷聞猥議猶思
匡世况

聖明之代文德誕敷皇靈丕振渙號所出歟若雷風
任事之臣懷奇抱璞有不興起者乎公自文吏起爲
憲臣又自憲臣參以司馬之法輕裘緩帶坐握將臺

張永南集

卷五

九

之上想鷹揚之烈討黃石之書拱挹指揮惟所意向
觀者斯有壯猷英氣謂爲軍中之韓范非公之所自
有乎自京師而南水陸要衝天津居一三衛錯峙提
兵數千羸卒居半何以恤之旁囑群策怙力而驕何
以裁之赤子咿嚶多在斥鹵歲惡楊呼或至連結何
以餌之使蓋往來軍單無所於給抽力而往度不可
廢何以裕之數事之急舉在目前調娛以集然後從
容應事半在樽俎而有餘雅雅雅雅雅雅雅雅雅雅
夏豈不可乎文武大略此其選矣公既行同僚問言
于某某何能爲役也因卽來書論之其半公曰予奉

太守之乘職在清戎自得公之教而勾稽有法民不
詬病公之惠也其劉公則又曰吾後牛公而始至通
判郡事大小訟牒莫不取裁于公差以寡過公之德
也予二人其何忍別也予曰二公之情則然矣余公
旣去而勳名日進德澤弘被于天下論者謂常州
爲首稱二公顧不大慰實協之望愛助之心載史記
潁川渤海之治化刀劍爲犁鋤功名赫然馴至卿相
莫不自郡始予將於公乎觀之

兩督奏議序

張永南集

卷五

十

七

大司馬虞坡揚公奏議若干篇其督學山東門人高
君某旣詮次成帙輦爲上中下三卷刻而傳之廣其
聞於世所以告忠臣也昌言之在虞廷壯猷之出周
代則中國又安蠻夷率服豈非是之謂乎我國家
有西北之憂重擇大臣付以安攘之大計方制九區
奄宇四海於是楊公自少司馬蒙上簡命兼攝中
丞往鎮薊遼推轂受服注倚獨至當是時邊氓離散
久矣公乃裒集殘餘大討軍實而申儆之故者以緝
瘡者以興百計完繕疲人大寧其後公自居憂復起
公爲兵部尚書方蒞職而右衛事急復詔公往鎮
宣大等處國之要害維茲五大鎮公總百萬之師聯

絡數千里之遠而肝膽襟喉謹護腹心公之功大矣
公前後持節開府臨邊公則喜公大則悲邊人以
公去就爲命者凡若干年而國之利害安危以之公
有奏請騎使日交於途上皆欣納與勒結誥封拜
有功小大劑量有勸懲之別鞭撻戎虜臺街質館致
俘而入有制制之能公時糗儲多相時料敵急則有
請緩則有備出入機權有懸人征求之志功多而受
上賞官保崇階帑金厚錫銜表入謝循牆以思有餘
忠也大抵公爲人種學多才廉節有氣槩其正色立
朝嶽嶽言言人多敬憚不敢媒之以私故其所建明
張本南集 卷五 三

江南校武錄後序

嘉靖戊午秋九月南畿試士既竣事蘇松巡按監察

御史尚君繼軌而興適修武舉預戒群屬合四郡良
家之乎蹶張超距之材各以其能抱牌而入詣御史
之臺考試如故事虎臣彪容盱衡說劍衍衍然斌斌
至矣公乃下條格謹法令集衆而申飭之首之以騎
射步射示武也試之以經史雜義有論有策觀其略
也示文也武之善經也泰互既審拔其尤得輩中材
技凡若干人將以獻之司馬門上告于

天子異時差爵而分秩之發身紫鍵自茲始也錄既
刻尚公職當監臨既爲言弁其端復以其嘗與聞兵
事俾綴言于末簡予惟唐選舉志武舉之興其制以
張本南集 卷五 三

射爲主而射格之下又有馬鎗翹關衣甲負弩身材
之選而下至軍謀將策奇能絕藝猶必兼收而茂錄
之猶今之論策發謀審慮有權略矣晉作三軍謀元
帥趙衰對曰卻縠說禮樂而敦詩書將中軍非穀不
可晉用之卒以疆晉豈獨剛毅猛勇而已乎是故天
有陰陽聖人法之知剛知柔曰仁與義文武出焉文
象陽仁育天下者也武象陰義正天下者也象柔而
剛曰文舒神以崇天也象剛而柔曰武會鬼以法地
也泰陰陽之化極鬼神之變其出於天也謂之至道
其得於人也謂之全材其形之於政剛克柔克也謂

之至治今 聖天子在上適方隅多警東夷樸樸之
小醜跳梁爲患 王師有征利川禦寇需求至急也
賢監察祇承 德意勤心旁求思得方召之流頗牧
之最以副 上拊憚之思推轂之望且暮蓋汲汲矣
大江之南生材近多慷慨人五之符十室之邑屠沽
之賤賁隸之微豈無英傑其資仰萬人之特一軍皆
驚以當今日築壇設科已乎雖然予猶有說也選兵
以將而擇將之術莫先其人之忠孝仁義漢諸葛武
侯之忠起自隆中大匡王室唐郭汾陽自武舉異等
補左尉長史積功勞至大官身係安危者二十餘載

張永南集

卷五

五

即

鴻泥堂續集序

嗟夫應龍之蟠蛰也而後其神爲全其神全則其天
者盛而變化之道著矣君子之藏息也何以異是尸
予不云乎凡水則折者其下有幾莫非水也而爲圓
爲曲見其折而知其中之所藏豈非實彰乎哉吾
鄉先輩之有薛浮休氏卓然以文章名家其爲學也

好古書自少至老未嘗一日廢古而不觀博綜研究
厚積龐儲日形於篇牘而靈囿之上積藁素虛駢植
羅生見者嗟爲物外之寶蒼蔚沉埋之氣似掘烏篆
瓦梓於荒墟破塚之中稀代罕有也舊刻有集凡若
下卷蘇人都玄敬少卿選之序之至是公子憲副君
甲蒐其散逸發其餘留屬邑儒生沈氏翰卿爲之編
次總得賦若干首詩若干首銘頌序記若干首分爲
上下十卷爲續集俾予載言其端予少且闇嘗辱公
降德忘年當江島華展每拉予童子以遊興至有作
予不能應一語索今老矣盡得公之文而讀之珠璣

張永南集

卷五

五

即

黎川王氏續修家譜序

有宗族則有譜叙宗者統也統屬相聯之謂族聚非

其族聚不與焉示一本也譜者普也又曰補也適追得姓之源與其祖之所自出年號諱字宗枝籍狀莫不具載而明列之示不亂也孔子曰繫之以姓而弗別其道不窮也戚單於下情竭恩疏於是乎救之綴之以合食而使相親所以收族也自吾一身歷世雖遠逆而上之千百其多孰非一人者之身其道親也傳稱保族其家非是之謂乎黎川之有王氏漢晉以來名儒鉅公世稱望閥譜修於宋元間藏諸宗子者之家其後宗子銜訟之郡特其譜與俱不幸而燬於寓舍之火平和令君汝學爲八世孫始復修之譜其

張水南集

卷五

三

傳

所可知斷自伯使府君始自伯使而下登賢科者四人皆以勲庸德善著王氏世居新城以區中名新城者四曰黎川別之也平和君既亡太常少卿君材爲平和之子克續先志閑然有作上稽禮典旁考歐蘇二家宗法參以已意而仁之於是乎譜之法曲而中矣世有表譜有圖生平有傳有雜記其聚也尊有獻私有饋有享其死也有吊有免有賄賂其追遠也墓有祭有田族有祠家有祀大宗小宗領之而春秋以節子孫各以類聚繩繩繼繼於無窮自今九世觀之雖百世可知也塞大道先睦族義惟展親古之道也

仁人孝子之心也縱斧葛藟籍名高蔭士君子傷之豈非以其根本之不庇攘竊之爲耻乎少卿君發跡詞林負時宏望其在

朝廷也嘗爲記注之官其處家庭也思崇骨肉之化爲勸爲懲比疏於昵史有直筆譜有善事而能使其休烈多於前人善推及於天下則少卿君之素蓄也是故由其譜而讀之孝弟之心可以由然而生也推其道而廣之教於家而成於其俗于其國又知王道之易易也予聞命乃樂爲之序

贈邑侯金中石禦寇序

張水南集

卷五

三

嘉靖丙辰之夏四月倭夷狂勃大寇江陰先是江陰數被寇患四野一空獨孤城九里兀然江澚警至疾呼入城而保息者男女無慮萬人又皆枵腹以逃死其危蓋汲汲也當斯時也非有長駕遠馭之材沉機前定之見則何以撫艱難而應倉卒也民之命懸於天矣金侯在進士中以才名稱冠自高安而調至也登堂視篆各各精采聽斷有法晝夜治兵事修城隍治關柵謹團練利器器械之中又以火攻爲上計大召群工百手並作於是火箭火筒堅鐵礮礮然機發稱神效矣江陰四門惟北門邊江城薄難守四

月十五日賊果夜攻梯衝肆作矢砲交至侯著戎衣
坐城上指揮百事誓死而前以故城不能破侯又以
其餘力周巡三門惟恐賊間乘之暑雨淋漓泥半沒
脛侯徒行不憚也倉皇之際抱吏牘而請事關軍饗
而望給得門察而告姦聞路拜而思救紛至沓來酬
答如素少暇則又微號勇議禽斬矣五月十五日侯
乃大發師徒束緇抱薪大出擊之賊方倂投箸而起
撇刺坑壕不暇也前後中傷而死俘獲而獻者三百
餘人遠近驚傳謂江南列郡之戰未有若江陰也江
陰之戰未有若今日也城守既完室家相慶謂完吾
城者金侯也得更生者金侯父母也民之命實懸於
侯矣予曰金侯之功非一邑事也在三吳也金陵其
厚矣是何也江陰百里爾枕江通海當賊路之衝是
蘇松外藩也常鎮右臂也豈有外藩徹右臂斷而上
下能不寒心乎由是而窺金陵吾不敢言也保江淮
者謂西北之可定此侯之功所以爲大而予謂非一
邑事也昔嚴浩北伐江適爲長史騎劫攻卽畢田單
爲下士皆用火法以取勝卒能焚羗營而敵人所觸
輒死侯能帥其意不襲其跡而多出之以奇其慷慨
也有咀鐵殺賊之志其寬大也有開襟納細之懷其

續密也有居重固圉之略其冲然而退讓也有不矜
功不伐善之盛節是豈可借古人一二以爲喻乎予
既序之復爲之詩四章章凡八句詩曰
維侯之謀爰有至計指揮兵戎控扼地利豈獨暨陽
吳楚攸暨巍巍金陵根本是繫其一維侯之勇其武
維競焚焚醜凶殺氣彌盛封豕長蛇踴躍不定我其
殲之江海以靖其二維侯之忠不畏爾衝危臨三板
志切九功乃徇於國不有其躬曷以報之尸祝其崇
其三維侯之仁饗勞旅勤軍犒有漬食餓維均爾軍
爾民吾有一心奠之安安猶比大鈞洪四

張水南文集卷六

明通議大夫當歸卿掌國子祭酒事翰林院侍讀學士江陰張察撰

記

梧溪書院記
邑大江之東黃山蜿蜒橫亙數里曲折而北則鵝頭灣在焉崖石多奇狀榛莽叢生彌世伏匿過者不問予表兄方君嘗督樵山中望見異之亟援蘿而上鑿巉嶽薙蕪翳披靈發朗得勝槩焉名曰二島四面樹桃以千數環山皆桃也合而名之曰小桃源云登二島望大江風濤檣鳥畢獻左右而孤山壁立江中如

張水南集

卷六

一

二

五

冠義王而君日遊味其中出則登丘壠坐斷岸弔古蹟而悲歌客從遊者日益衆君又以茲山故名席帽元人梧溪王逢嘗讀書其處號席帽山人弦誦之踪冠島之藏君日與好事者議祠之累歲不果乃嘉靖癸巳李大夫元陽來領縣事雅尚丘壑搜羅俊逸得君議建堂五楹簷牙聳飛突臨江湍背負崇岡松林迤邐而詰曲廊廡庭臺次第具舉高者庠陔者衣差池而翼者廣袤徑直礪石離離乎蒼蒼蔚如也二島加于舊矣予考逢處士也史不特見至正間番陽周伯琦叙梧溪集中稱逢以文學操行名世當時險巇

逢以一言定亡命降惡少幾萬人又涖錫人鋒鏑之殘骨合而塚焉蓋有恩於茲土者不獨獨善其身云爾也是故表延陵之墓則雄節著矣望峴山之碑則客淚潛矣慕穎陽孤竹之標尚則餐餐闕矣方君之表梧溪李大夫之善取以風邑人其意不出諸此乎方君名謨別號草窓予讀書萬卷暇遊太學不願仕寔有寵於茲山并筆之以刻諸巖石

梧山記

蜀故多山內江之山惟梧山爲勝山下有溪靚深映帶環匝數里溪流若袂焉其上雜植卉木烟雲相滋

張水南集

卷六

二

五

障若丹壁而桐梧之生爲盛李氏世居之歷數傳始得今太保先生因以爲號先生自少讀書其下兀坐點易旁取秦漢以來諸家之文而揚確之若與茲山上下其議者於是梧山之名自諸生時而已顯號於人人矣余因是思之地靈人傑雖以地勝而物理相須有必交發而互致者古今豪俊之生論者謂其世不數數也以爲間氣所鍾必歸之於嶽降于列星及其人之出以名世聞望無窮而一山一石反托之以不朽梧山之在內江自其融結與諸峯環秀不知其幾千萬年內江之人依山以居歷世代謝又不知其

何限山以李名雄茲一邦又若干年因先生通顯於天下則山之顯晦固自有數而其輕重之勢則在此而不在彼也春陵嶽麓之所講授白鹿石鼓之所藏修匡廬天台之所賦詠雖其賢有大小風韻流聞學者至今仰之挹見山麓必歛容以敬如貌大賢而不敢仰是豈山川之故哉先生自第進士當妙選入讀中秘文章之所賞飭宜若無愧諸子而動庸傳播尤非尋常政事所可及謂其不本于梧山之蓄積不可也克先生之志以足其所好必使天下學者盡材且良以若茲山之桐出為世川委心輸赤若茲桐于彼

張水南集

卷六

三

重修合肥縣儒學記

合肥故有學在縣治之東北成化間復茲改建規制稍備而未大稱中更賢令數人嘗議修拓而病於時絀或煩於聽斷未暇也嘉靖辛丑高陽董君執中以鄉進士來領縣事越明年壬寅既茲學敞咏上其狀于提學御史楊公宜既報可學之制有先師孔子廟廟之傍為兩廡前有戟門有櫺星門其次有明倫堂堂之左右為兩齋弦誦之舍膳饗之館列置錯布視工緩急以漸修舉加于舊觀偉甚又於櫺星門內鑿泮池一架石為梁周廻凡若干丈其下泮泓澄瀏若造化者如判清濁士臨其上咸思澡德焉前此所未有也其為費取諸帑羨佐以俸錢踰歲而告訖是為癸卯秋八月教諭羅君文輔訓導張君恕葉君尚德命諸生某等詣予請為記予惟先生之建國也教學為先自天子四學以至黨庠遂序莫不有教春秋合樂鄉射養老與夫受成獻馘訊囚之政亦莫不一出於學所以育明德而觀達材也其美我太祖高皇帝龍飛淮甸冰掃胡元于前定即詔天下立郡縣學當大百仗黃鉞一時合肥之產類多長材大略景附雲興自俞通海而下伐叛獲醜顯有戎功錫爵秉圭凡若干人列于名臣世世享祀今

張水南集

卷六

四

天子明聖華域清晏 詔議辟雍中學官大興賦
之士於是四方向風日月以冀合肥近在上畿方千
里之內 德化所漸武人革面釋鑒脫劍雍雍俎豆
儀刑矣武人且然而況士乎昔周盛時武王既戡殷
亂詩時邁之章有曰載戢干戈載櫜弓矢我求懿德
肆于時夏允王保之夫以安百姓救國家保天命率
由懿德之士則士之責不既重乎國家養士於學而
得若人焉以揆文教以奮武衛則禮讓興行禍亂不
作文武合一而全才出矣全才出而治道不其幸歟
董君率作之意有以也於乎學官之敝也有司知修
張水南集 卷六 五

隆慶衛儒學科貢題名記

隆慶古冀州域也我 明之興爰置為州衛因隸焉
衛有學自天順癸未始 列聖嗣統文教誕敷詩書

絃誦之化漸被邊徼羽林期門子弟寢以經術顯名
科貢先後凡得若干人刻石以志不泯則自今日始
也予聞宋儒歐陽脩嘗讀周禮至興學選賢輒掩卷
而歎謂士生三代盛時皆有教養出有爵勸一不加
勉則有屏黜不齒戮辱之羞以故士咸奮激而耻同
庸衆人之歸其教使之然也哉 國家養士於學教
之之法一準成周遺意而其選賢於衆則有科舉有
歲貢以羅之雖其出身小大有差而名為正途以顯
列於搢紳則一也雖然士而務名耻也孔子大聖人
猶以沒世不稱為疾蓋有實之名君子不廢也士既

張水南集

卷六

六

登名仕版則凡平居之志經史之見聞悉於官守於
言責見之而其顯者大者又將繇是列之國史銘之
鼎彝而係國重輕於天下後世名豈薄物細故已乎
今茲石也氏名之下字繫銜分人不品藻而鄉評國
議隱然寄之若有待而加賞罰焉者則士負斯名以
出可不慎歟是故名一也修之則榮悖之則辱而直
枉忠佞於是乎別雖以高爵大官莫之掩焉孝子慈
孫莫之改焉於乎可以勸夫先是巡撫監察御史趙
君振夫屬予為記予以史事未暇及也而兩河胡
子督學于斯以予嘗與聞學政也申之益力兩河學

行風教卓然名世子實愧負不能一助諸生籍兩河振不逮多矣子故竊幸而祭書之華碑事者為指揮僉事張奇云

重修祭酒公館記

予自遷官太學舍傍有宅一區蕪穢不治吏告予曰此祭酒館也棟橈壁壞不可居矣予造觀焉壁間碑記前南京吏部尚書臨文安三山林公瀚所撰公在弘治庚戌嘗為祭酒正已率物教化浹有補朝廷大學至今風誦之堂乃公所別建非所居舍也公記未嘗及此嘉靖甲午公之子少司空庭楫嘗一葺之

張水南集

卷六

七

未幾而堂以不守易壞予因告司業王公同祖曰文安故跡聲望累朝教化所從以出可使棄弗治已乎於是召匠計庶審材闢武謀于司空以舉事斤修太學之餘錢若干緡俾佐之甃基系趾撤故從新肇工於壬寅五月某甲子訖於秋七月某甲子凡為旬若干重軒闔宇堅甍良材翔聖煥若加于舊觀數倍前為門三楹繚以周垣堂之後為亭一座密四桶中虛而外敞賓客有位遊息有所今所增飭也予嘗聞之高明燕顛之具君子資焉皆足以發聰明而助內省宋儒伯玉亦曰先王之教化欲人易入也創物備制

郁乎聲名物采之盛先以登觀其耳目然後清發其神明之府庶幾轉移不勞而有功由是觀之堂構之葺與否若於教化宜不甚急而政體所關意向所指予猶不敢以或後况其所當先勉者乎堂既成群公高客來歌來游間舉酒落之予奉以自喜退而與諸生揖讓其中仰前人之遺矩風範若存而考德辨業求不墜乎聖人之道以思其所謂高明者則斯堂也亦有以警于予矣是役也太司空西蜀甘公為霖寔興起之董其事以底于成者營繕郎中周君如底也爰刻辭于石置諸右壁與林公碑記並傳云

張水南集

卷六

八

七

深造亭記

太學別署在成賢街前之第二棧門南向路折而東復自南入有堂翼然高出群屋堂之後有隙地若干丈予始闢之作亭其上直與堂對垣繚之周匝徑折之紆縈幽深宏觀如茂巖谷客非嘉召不得入謂之深造可也予因以名焉雖然子學孟子者也寓言以名亭因亭而勵往予之志也予嘗觀諸天地萬物之理心性之本矣渾淪大化渺入無形其順至深也君子之為學不難於造而難於深造深造云者漸涵浸漬心與理一之謂是有等級焉不可躐而至也今夫

較詳略考同異謂之造矣其學也固窮佔俾綴詞章
謂之造矣其學也離務頓悟期徑入謂之造矣其學
也誣是三者舉謂之有造而皆不得於心不得於心
雖造猶無造也造之時義其深矣哉孔子得於堯已
復禮而聖集大成堯舜得於惟精惟一而君道光臨
萬世聖修之極也道之的也若乃離外而內惡淺而
深棄功夫積累之勤而索乎高妙不可致力之地自
謂為有得吾恐將入於溟滓鴻濛之說矣其為心性
之害豈特失之淺爾云已哉予不敏淺中弱植未知
趨嚮方誦孟子之言求實用之處為學壁之作室悟
張水南集 卷六 九 訓

重修常州府門記

禮諸侯臺門旅樹示等威也今之郡守扶正四品階
中憲大夫視古諸侯封國受民降龍路車南面而聽
治一也常州古稱延陵又曰毗陵曰晉陵自 國朝
定制屬縣五環十里以為治冠綏照舍之差著在格
令聽斷有堂出入有門勾稽案牘有所屬司之請事

群吏之參謁入吾門望吾屏見吾軒屏之嚴峻有不
肅然而戒者乎則門者納善閉邪觀禮在焉政事之
係也歲月既久風雨侵淫門先諸宇以壞棟桷梁腐
簷瓦欲覆過者輒施先是從政者累值歲凶心計之
而勢或未能勢可矣又懼謀已之居避時諱而不果
三晉文權郭君某自監察御史來守是邦舉凡有慨
于中視郡事勞焉若絲置之而不言猶夫前也居數
月歲稍入民稍和乃具言于巡撫都御史歐陽公某
巡按御史王君某咸以為為可乃籍帑金二百兩有奇
倉穀三十斛有奇屬之知事楊永寧受牒而賦事經
張水南集 卷六 十 卿

為宮室上棟下宇以垂蔽之見于班固之史夫修繕
禾事也肇其末而本者正焉庶政從而理焉民實愛
之善事也其道光也春秋書上穀曰堪其事也魯語
曰署所以朝夕度君命也考室而民庸以緝春秋丘
明之志也其今日諸君之謂乎

周襄敏公誥勅碑陰記

古今辭令出於朝廷命官褒績有誥有勅其事異而
體則同也股肱大臣受 上簡知竭能展志以立功
于國 上必報禮之於其歿也有誥有謚有太常之
狀有幽堂之銘校德焯勲無不至也我明太子少保

張永南集

卷六

十一

傳

南京戶部尚書晉陵周公金卒 天子興嗟若曰是
惟予之貞臣其已焉哉爰稽典故典命有司營兆域遣
官諭祭者四錄其舊勞贈太子太保從一品賜謚易
名曰襄敏申以誥命者一茂恩駢至哀榮有加其子
中軍都督府都事仕磐石作亭碑于墓前又以公生
前考績例得進階 勅命者一誥命者四居官受事
宣力四方蒙 上勅諭者十有八並以載諸朕刻恭
顯 皇恩寵章有赫雲漢昭回而先公之德歷歷之
槩亦班班然其見其間譬之繁星耀天光華旁燭亦
自有不可掩者刻既成仕與其弟偉退而命某為之

記予惟卿大夫始終一節之謂賢 朝廷純於用賢
重於報禮之謂稱人過上六君子志在匡時雖滅其
項而不悔著臣節也康侯之菴錫蔡桓之法謚魯
諸公駟駟泮闕之詩皆周天子命其史臣克所作以
聲其廟示不忘其臣盡君道也公魁然重厚中富經
略稜稜有文武威風歷事 兩朝居官三十有八載
叙遷一十有五任克有令終周氏諸子若孫伏讀綸
綍之華適追堂構載世之烈爾祖爾思來觀來式有
不興起者乎豈惟周氏之子孫凡邦之人莫不有興
也嗚呼君臣之際豈易言哉

張永南集

卷六

十一

傳

新城縣城記

嘉靖乙卯倭夷警害東南所至千百其群噪譁為狂
歲役深入大寇遠近守土之吏驚聞震悼莫不築城
思與民為固新城為杭之屬邑處山谷之中依山為
險未有城至是范君某始城之范君之令新城也潔
已自愛當百姓流離亡其四五君厚意綏來之漸
収其遺亡保其幹止如故乃下令國中大修築城之
政言狀於撫巡二臺藩臬伯郡守諸公咸聽之當是
時公帑無羨餘而苛責私錢又所不可在乃檢民欺
贖得匿稅之畝若干侵公之地若干旁措贖肯之金

若干風動巨室願以贊助者若干總得若干萬緡教然興事乃命上工金工石工執帶待用執幹畫封陶甃礪礎緣山而城山勢峯尖趾淵取上而培齊其上下補山之缺等峰之高築坎夷險直視無頗聯絡迤邐雄堞相輝覽然齊齊赫乎顯觀矣經始于某年月日凡六越月而城成城高一丈六尺週遭凡若干里四向爲門門有樓樓有額東曰元始南曰亨通西止曰利遂曰貞成皆君所自署也取諸易而裁成之義見矣新城之父老先之以憲副方君廉申之以學諭曾君乾佐同其弟子馳書屬予爲記予惟說文

張永南集

卷六

十三

馬

重修蘇州府學記

三吳之地其爲郡學恢弘尊顯雄構傑然惟蘇爲最人材輩出爲成德爲達材赫然聲稱與學制衡抗而後過之亦惟蘇之人材爲最蓋地靈物望交相爲勝而其勝者尤以人也始學之興肇自宋范文正公迄今數百餘年既載而嗣音者中更若干人及是積歲不修旋復大壞識者戚之復以時訓舉廢禦寇事急未敢以議是時丁巳會河南尚君維持以監察御史受上命來按吳中謁廟之旦周覽咨嗟顧謂溫守景葵曰是獨可後乎詩言執轡有告不在泮乎溫守矍然竭志請事公乃下條令分指使倩力鳩工備器執用斬幹截撩陶甃礪礎築塘緣垣各各而舉無窳墮焉其施功之序首先師孔子廟次庭廡次堂齋次經閣中奉以皇上敬一亭又其次肄舍次杏壇次雍類而來秀之櫺戟射之圃道山南園廩食遊藝之所俎豆往哲之祠莫不光飭等照昭同學街之東西樹以坊表二大書其額曰某曰某前此未有也從中而望蜿蜒紆徐崩施高太僻窳而入莫審其狀美富攸藏學於是乎大觀矣是後也經始於某年某月九六閱月而工成費總若干緡出贖青之金與一二

張永南集

卷六

十四

正

巨家美助民不知有勞官不知有費役之善也事既竣溫君携書告衆爲記予惟南面而聽天下其所託重而風行者惟御史耳刑政之施雖足以督姦治暴而教化之力視諸刑政不啻倍蓰昔晉裴頠身任事奏起講堂築門闕刊石寫經諸所不廢漢文翁治蜀有功繕立學堂圖書及禮節百物自常情觀之莫不以爲循緒末事也殊不知賢者之作用既修其本復資於末則其所端末者豈薄物細故哉立均陳表風之所勸作人者事也求志復初思皇義路學道者事也一時盛舉群公協心是爲巡撫都

張本南集

卷六

五

御史趙君忻提學御史周君如斗暨兵憲熊君桴也海氛旣廓文教聿興上倡之左右趨之總角佩觿來歌來遊濟濟先王之道踰踰孔氏之庭其有得於觀也乎府僚而下受事而勤者例得勒名于碑左

重修延陵吳季子廟記

延陵故常州郡名漢史毗陵東晉更爲晉陵寔吳季子封壤一也攷諸志典圖經季子墓在晉陵縣北又稱爲暨陽鄉暨陽古地名今爲江陰縣暨陽間知常州軍州事朱彥屬邑令趙士肥旁搜遺蹟得古大塚於暨陽城西三十里是爲申渚有季子廟在焉卽其

墓也歷宋以來十有餘歲當政率化者間嘗一修之歲久而廟復滋壞棟宇摧折黝墜之色漫漶若生幾化爲蒼莽嘉靖乙卯冬官主事吳君衍謫川常州來攝縣事痛茲廟蕪其有司之耻也獨先群務而程督之堂殿庭廡無不具其飭諱冠屨之藏焚春秋之祀樵牧有禁於降有觀孔子十字之碑煥乎昭回輝廟一大治矣予惟季子之道由其志與節而觀之賢者也何則父子世常法也兄弟及法之變也諸樊兄弟視身蚤亡讓賢於季子當夷昧之役季子及矣不忍殉父兄之志奸君臣之分乃守匹夫之節而退耕於

張本南集

卷六

五

野之爲安是則季子之不可尚也或謂闔閭之謀王僚之弑始于讓國以生亂是又不然湯甲盤庚之間殷以是亂者九世豈獨季子讓國爲然哉矢心立節定分明倫將以已亂而非生亂也尚論季子謂得伯夷之清有子臧之節得其倫矣公羊穀梁一則曰賢季子二則曰善使季子其有以知此哉松江推府吳君時來與吾判府籍異族同言念祖考曰篤不忘每以書示予謂季子之道不修有其於廟之不若皇皇焉思其國人予於是受二君之嘉命紀廟上之訖事而知其廢其興者人也遇也道之所在清風凜然俗

茲儆勸民用以壹而上揚 皇朝揖遜之化賢其賢而不窮則願與吾同志及其裔孫共勗焉

重修常州府儒學記

先王之教不可以家至而行之也假風踐跡先其士類則民知化矣士不可以誦說而忘根本也弦歌洗酌升降揖遜之節大倫小記果行育德本末具備而後可以言學學之成也論政於斯取士於斯豈非治道之鴻基也哉常為郡故有儒學在郡之右百武前有河玄虬東注後有白龍溝蜿蜒旋繞從外而中望體勢尊嚴包藏獨厚其棟宇自孔廟庭廡而下有明

張永南集

卷六

七

五

倫堂有尊經閣有五賢祠有鄉賢祠齋廬肄館庫廡庖廡以次而列皆舊貫也今 聖天子思皇政經誕敷文教爰增敬一心箴播告賢舍有司作亭而碑之儼立於明倫堂後之正中旁十闔夾作啓聖公祠推孔子之志而獨享一面侑以四賢皆新制也新舊相仍楹棟駢富歲久不能以無壞前太守營葺廡公堂一葺之至是二十餘年前宗金公復大飭治之敬者以正衰者以直腐者以易痺者以高汚墮闕墮垣墉堅茨群工莫不各謹於事冊青黝塋又從宜之渠渠翼翼赫然偉觀加舊數等矣始於乙卯冬十一月

以明年丙辰五月訖事賦工程材出自餘力上不言費下不言勞君子以為是役也新夫子之宮而天下之屋可封也大抵金公為人清心省事以教化為急膏慮物豐太盛耗以浮虛乃廉儉率下哀矜慎獄勸勵群髦思達聖人之道而想見先王之遺風其心蓋皇皇如也故吏治者謂其養食濟系修珠璣鑄兵威敵收召逃亡其賢有數十事以此况之其功之小大近遠何如哉府學諸生包廷卿陳量陳九功王訓劉聞詩奉其師教授戈君中孚訓導呂君泮陳君經綸李君繼函書請予請記予因私以謂之曰金公此

張永南集

卷六

八

五

舉凡以彰夫子之教也夫子之道祖述堯舜憲章文武萃百王致治之法著之遺經世之號明經者如以禹貢行水以春秋斷獄以詩三百五篇諫亦既緒見矣獨不思經之所載堯舜禹湯文武之成法法備而其淵微之難見審其淵微而舉堯舜禹湯文武之成法出而上佐明時適宣鴻化以答今日郡侯作人之至意不在二三子乎二三子曰唯唯吾將歸以告吾為師為弟子者斐然狂簡其有裁乎遂書之以為記

紹修堂記

士大夫告老而歸其賢者多選泉石之勝以自託其

宵然而深思曠然而遐矚心之所託出於其跡之外則又非夫人之所易窺也錫之山在吳中爲有名山之中故有碧山吟社在弘治間敬修泰翁與其十老人觴咏之地其後十老人既沒社廢而精舍亦從而亡地爲他人有矣至是敬修之孫從川君某始倡力議復之從而和者邑中王侍御石沙與其一二同志爲獨力社既復矣又從而爲之堂題曰紹修示不忘敬修之舊也事必有倡而後有和有和而後紹修之志相湏以成德言之衣嗣服之繼見於詩書復汶陽之田還匡載之畝大於春秋之義是豈薄物細故已乎逸詩又有曰南陔孝子相戒以養也易曰東南得朋在泰氏繩其祖武則爲孝子在石沙數君子仰高希驪思其前哲則爲良朋由二義而觀之其道備矣是堂也面俯岩巒青翠可拾石鱗流泉淙淙戛玉濯纓流馨有軒有室環帶左右三吳之勝跡百年之隆事一旦復之良可嘉也是數君子者爲莫廷泉爲顧洞陽爲徐西巖爲華補菴爲錢心齋爲侯企竹爲張靜思爲浦后岩爲施武陵爲高杏江爲華鴻山爲王仲山爲尤西村爲馮補齋爲安膠峰皆耆老而歸跡與十老人異也其在仕也爲翰林給舍爲京兆省郎

僕承爲憲司縣尹學博佩魚懷印無低眉折腰之耻故其歸而與泉石盟也壺視天地飄飄凌雲其氣不可降予獨探諸君選幽藏跡志誠樂矣將樂止其身已乎將推其心之所欲使天下之爲老爲幼者莫不有樂而限於分之所不能亦有感然於懷乎居其樂以思其憂居其憂而不失其所以爲樂此賢者事也記成因以告之其立朝而奮事功者銀臺奉虹州而下總若干人可不書系之銘銘曰俗有隆替視乎其衣島以表之士爲民望民不知德役役機妄淪胥以亡孰知其返維治之符其人則都俗厚風淳有德不孤維皇大明適登至理曷占其然視諸耆俊耆俊維何爲錫獻家圭組辭榮碩抱孔嘉乃茲息駕惠麓攸躋春茲惠麓有芝有醴既寵其躬復豐其齒人豈不貴僅以爵名孰能超然求以令稱人或多齒幸集一身胡得天緣施及朋友朋友維何其皇孔庶跋踈夔夔鴈行有序禾黍晚成猗猗既肥以猗以猗匪珍匪奇爰有味歌慰我渴飲不辭道阻弗能言奮筆縱橫隨意而宣轉顧誰諒莫知其年樂况聖世豈謂考槃凡厥孫子曷其有延詩書是芳耕稼是旋出處不貳無愧爾先豈獨錫人維茲之導其在四方視此

忠告

丹徒縣學記

按志丹徒縣學舊在府城之西門地庫而制狹君子陋之嘉靖壬午提學御史蕭君鳴鳳議遷城之東是為壽丘之麓南向天福諸山巒峰墮秀扶輿之淑氣隱然隆然磅礴其中審是方位乃大飭材具而作之旋以民饑中輟甲申巡按御史朱君寔昌與巡撫都御史李君某協志始獲成功復自為文以記其事至是又若干年學且就圯丁巳河南尚君維持往自省元發第踐御史之臺來按南服所至以興學為事乃屬都守文奎大飭材具而新之旋以民和大起其施之於功也有修有創其為創也前人之未備殿廡堂齋前後翼然左右如拱中奉 皇上敬一之亭下暨官衙號舍為門為池為文筆峰各各修舉所以錄舊績也啓聖有祠尊經有閣廩食有庖士射有圃廟門之外為坊表者二東西峙向所以示新功也有其舉之莫敢以廢其舉夫廢也莫敢不勅於令片并乎煥煥乎丕哉盛矣功既告成儒學其官其謹奉都守之意遣兩生問記於予予惟學之敝而修也始惡其地之不善而遷焉既遷矣惡其制之未若而思備焉既

備矣又惡其榱桷之不飭而輪奐焉經營之勞儲構之費更三撫巡之賢歷春秋幾四十載至尚君而始大備不其難乎君子之於學亦何以異於是也踰踰多士鼓篋來遊師焉友焉於是乎在所以求至聖人之道也聖人之道豈有他哉惟欲人同歸於善而已矣善吾有也人性之良物欲為之蔽則私雜矣士覺其非忍聽流淪之為患不以滌之以自遷於善乎知遷善矣不能求克其本然之量徙宅易忘半途而廢道岸之不登義路禮門之不入視堂與等於望洋其去聖益遠矣是尚得為遷善也乎深造之方自得之境融融洩洩發越於性分之中而宣著於事功之表其為高明為廣大不有可言者乎潤故多賢幹聞范文正公遊寓於茲遺風有在近世楊靳二公以文章勲業為 天子之名輔諸士生也同地學也近其人由楊靳而上邇於文正又由文正而博考乎前賢以求達聖人之道譬之沿河以入于江而達於海之為不難也豈以科目之多進取而謂才焉止是也予不敏未嘗知學敢因記學之事而妄以影予之辭求諸士之真見而實證之不知予果可與言否也愧發於中則又默然矣是為記

冊陽縣學記

我明之興徧天下遐圻裔莫不有學其在江南
密邇金陵以鎮江為首郡冊陽鎮之屬邑也廟學之
建始於宋繼修於元歷本朝宣德間凡三召儒徒工
斷綬之事迄今百十餘年矣孔子廟大庠學亦從之
而敝嘉靖戊午監察御史羅山尚君維特來按茲土
仰思 皇祖開基當派掃胡塵削平僭叛甫畢即詔
天下郡國立學頒條教示博士弟子員獎觀封殖如
恐弗及聖人之經營規摹遠矣冊陽當畿路之衝輪
蹄雜跡日夜交錯於道民之勞也特其首善之化士

張永南集

卷六

書

卷六

被所先絃歌洋洋滿諸邑中視昔有倍人之從善也
為易當民勞之日劇以師旅之難學事不修曠然未
有問者其勢然也思經遠之圖皇皇以教化為急所
至橫經講道以身先士推其餘力大飭學宮此尚君
之所有也冊陽至矣環廬而望突然中起者夫子降
獻之所也法庭以正神位以棲廟之左右為兩廡其
後為東西齋中有亭前有門有坊祠舍庠庫莫不撤
舊更新煥然煥作功加於創顯顯有顯觀矣始
事於孟秋告成於冬孟之十月學博三人以貳郡邵
君必別駕李若賓先後攝縣事函邵之書來問於案

仰記之予惟尚君為此思皇多士期報 國家也士
懷尚君之恩忍不能捨假辭以彰之孰若反之於身
修聖人之道以為報乎中庸曰仲尼祖述堯舜夫堯
舜之道危微之旨盡之矣孔子之集大成始終條理
盡之矣我

皇上躬堯舜之資當君師之任親善教一心箴大開
心學頒示郡國早躋萬軌左右而趨豈不欲得一二
真材於什伯之中舉唐虞之化以弘嘉靖之治已乎
於乎菁菁藝圃群類並臨范預豐悴一本萬殊是可
不求其故乎養之於窮居達之於行義本然之性豈

張永南集

卷六

書

卷六

有異也先聖後聖正統一也易所謂通而亨也予嘗
修江陰縣志見廟學之成則嘆曰有司之賢也崇其
棟宇而天下之屋可封也近作冊徒學記則又嘆曰
學者之貴大也脩其在已豈不賢於脩其在人者十
倍也合是二說而歸之庶幾其少備乎刊石頌德其
辭曰 皇帝大德統茲人極祀典克修師尊同成禮
存釋菜曰惟國經聖聖鍾鼓孔氏之庭也茲冊陽羽
衛 帝京棟宇不飭曷稱尊名爰有御史題揚 皇
度稽寐聖人昭格有素乃作孔廟乃新學宮奕奕比
比宏觀肅雍士遊其間鼓篋多聞旋辟唯諾孝父忠

君爲國儲材爲聖安靈化惟其遠職豈不任邑人父老環堵擁視願表鴻功以贊吏治琬琰刻辭來告太史

楊舍城記

東夷猾夏三吳之地環州縣而城者以百計楊舍一隅在縣治東東際大海至狼山水勢漸分而爲江楊舍枕江之上界連姑熟諸港滔滔會江爲險左襟右瀆僅五里許其爲屏捍君子卒喜而大書之與郡邑之城相雄長焉其故何也固楊舍所以固江陰也由江陰而上毘陵之有孟濱河河復城之賊來窘路擠

張水南集

卷六

五

七

角之勢成其所防者遠矣我太祖高皇帝嘗命信國公湯和往備倭寇詔諭惓惓惟以議立城堡相地宜爲事神謀睿策和用之迄有成功嘉靖丁巳監察御史羅山尚君維持來按南服痛我民生憔悴日甚割爪及膚救恤不暇乃於誅罪黜貪之餘巡行陵陸周覽曲衍之中得楊舍之爲要害決意城守適邑人薛憲副甲衷上其議公以爲是得邑人之情矣治之益力乃布條約乃召傭徒乃營原野引繩立表夷險塞窪各各以意運之受事者莫不如指城凡三里週遭五百二十丈有奇高丈有八尺趾濶丈若干

天下繁堅礎上傳以磚崇墉壁列雉疊疊屹然巨鎮藏民萬戶賢於戰兵百倍矣城之費丈計帑金三十二兩出臺中之贖青一不以煩於有司借民之力不過十之二三兵居其半而公復戒之以勿亟慎之以勿傷此作城之善事也城之內有叅府有把總司有巡檢司有軍營有票廨四向爲門東曰某西曰某南曰某北曰某皆公所自署門爲水關者一引流東注此城之節目也工始於戊午某月告成於是年之某月薛憲副復爲文記之杜令君退而告於衆曰華也守土於茲得吾賢監察作予之勤而訖事吾子可

張水南集

卷六

五

七

無一言爲予爲百姓德之予謝不能既乃言曰夫有山川斯有險阻有險阻斯有政事是故王公設險以守國其來尚矣湯信國之受命聖祖尚監察之祇承皇上德意篤厚元元豈非貴於謀國乎始楊舍之未有城也盜販出沒風濤之險兵仗自隨有迫之歛起而爲他盜村戶夜驚今卽無虞其利一也民既有城以居農得修其畝畝商得通其貨賄工得利其器用父子嘻嘻樂生興事保有室家無復葉時獸奔鳥駭無所逃匿皇皇之命寄於賊刃其利二也地遠於邑民鮮知法官署旣飭令君得以數至其地聽斷

為公暇則與參戎上下其議鞭撻戎虜之謀哀於淑問之事皆於是乎出焉其利三也莫非城之餘澤也有此三利法不當大書已乎是舉也巡撫都御史趙君忻首助役金千兩有奇兵將之事調發措置悉綜之兵憲熊君勉學首尾助襄之勞暨郡守邵君惟中數考其成因并記焉

金壇縣城記

城之作衛民也於古有訓傳稱清風至而城郭不修吏之闕也矧今令典之具載乎啓寒隨時之例春秋有文則權輕重視緩急非提封者之大紀乎金壇為

張永南集

卷六

七

鎮之屬邑民安樂土兵革不聞惟然一家未有城守城金壇自趙侯始嘉靖甲寅倭夷煽亂毒害東南連數十州縣桴鼓不息生聚靡廛莫知為命趙侯患之乃謀及庶人謀及郡守謀及撫巡觀察諸大吏僉以憂民急病惟茲城急遠近亟報可謂侯為能事侯乃下今國中責承樑召父老各各申諭之宜厥心誓神不忤則有文告之儆視民賦力恐傷秋毫則有丈尺之差計畝蠲貲哀多益寡惟糧之視則有官民之別役要既具土功肇興輦輦金穀之數某也隸之察姦督訛賞勤罰怠某也分稽之裁截短長塗塞空郤有

張永南集

卷六

七

妨民舍則官以還其直錙金出入悉付主者官有考而無斂人不得隙言其私環城而為門者六為關者二關北曰會湖南曰會龍門曰景陽曰弘化曰興元曰望華曰拱辰曰楊武關之上有樓樓有額門亦如之皆名筆大書取義各有攸向合關與門其數八制有重扉截板窾其中可以從上擊下城轉角為敵臺者七分營宿兵為窩舖者二十有八臺之顛架屋三重其高特出以備瞭望崇墉厚趾以甃以石漬灰貫注堅牢莫比計城高可二丈六尺周圍一千一百三十四丈四尺鍛斷鑊壁之工才力畚具之費凡為金三萬四千六百有奇維侯惻怛之念既孚於上下而精思悉算又足以經緯之故財不溢費工不淫媿子來之民不敢自有其筋力首尾役事自某年某月至某年某月纔若干月耳而觀堞我我赫然為諸邑冠不既難乎侯名圭字某浙之會稽人始釋褐來令於斯興華利害惟民所欲顧嗟屏扞使百年未興之蹟一旦成於指顧易若揮鞭邦人德之圖以報其賜乃因太史曹君俾予書勞于石予謂先事而有備保民而無患侯之功良足多者至於內營久遠思古賢人興行善俗耿然出於尋常之外以思皇朝廷之美

化以求無負於師帥父母之令名則牖民之性與圖民之身其賢宜信於城矣予不敏併著之以待今之良史氏其有采乎

三關淺水閘記

江陰四門南北東三門皆設水關潮洑患至未有閘也北倚大江直受江水之激射朝浮暮涸比及冬寒城中無勺水自潤况舟楫乎南與北直對而東居左水勢易洩其患固然嘉靖丙午連遭旱歲人情洶洶城內外居人願出私錢自效邑大尹麟陽趙君聽民之請復令公舉耆民三人領之蓋既定趙君入

張水南集

卷六

五

觀推府劉溪裘君來署縣事乃以趙君成畫民庶輿情函辭告所隸行臺尋報曰可裘君乃布令國中指揮各役關北關東則陳鶴徐治主之關以南屬之黃鑾鑾願獨力是究總其事者水利丞王南山也始工於是冬之十二月越明年丁未三月以次即敎其爲制也索石爲防中橫以檻去河底高二尺有餘潮至則舟從以入退則積水平盈於檻法法渠渠蔚有嘉利維比築高三倍以禦湍急東稍次之令江水從外濠迤邐而東又南轉以入于關之河此其大較也趙君既礱石道傍俾予書之日月予惟邑有六事水利

爲急古之人蓋有能障大澤明用錫享受封國者西門潰利漳水在旁豹不知引而史起譏之謂其不知是不智也知而不爲是不仁也仁智未盡政何有也以今視昔利害較然而三閘之興順地勢高下之宜節潮洑往來之候風氣以固福祚攸隆其功不可緩也爰刻而存之以永惠于來者

魁筆峯堂記

興國寺塔旣修之明年塔之後有隙地若干武殘穢不治縣大夫高君來相宅度其形勝位當儒學櫺星門正中法當築臺而屋之以與塔對助學者高明之

張水南集

卷六

五

志發其光華焉錫山王駕部氏聞而賢之爰製魁筆峯三大字丹質金書明星有燦錦函而致之仰額於堂予縣人也先諸彥厠名仕版歸老矣媿無以爲鄉里之導乃出臺司禮饋之金盡以佐工之費而中有不足則又私告於所親旁祈曲請庇力程事而堂始成其爲臺堦石凡八層十級而上高可一仞臺之上設爲重階作屋三楹翼以兩厦鈎連螺絲各有情狀臺之四周繚以石欄刻飭光旋其下殖庭穹牖有雲龍畫壁登臺而望則山之蒼顏秀色溪之湍流迴瀨蜩結蟲鏤熊奔虎踞隱見於村隸林藹之際變化氣

蓋人有不能窺其際者斯堂得而有也其曰魁筆取
篆於星其峯銳甚以塔而言也隸彩搖空昭回等曜
言有麗也始塔之壞頂高十丈盡委於地邦人難之
謂莫舉也予不自量率意爲乎其難幸以成事既成
矣復爲臺爲堂邦人莫不謂予爲迂予又因迂以成
事卒爲邦人之大賞既以自喜復以自恨予學乎聖
人之道者也學聖人之道其事甚近而易顧舍其易
而不能趨乎心之所至白首無成此予之大悔也雖
然已不能是而不以告人薄乎人者也塔佛宮事也
姑卽學佛者言之蜀賓之作兩塔寺名流中國惠可

之宴坐香山得道受果其師視其頂其骨如五峯秀
出莫不自其澄心苦行而得之也諸彥後予而輩出
負聰明魁壘之材操數寸之管撫五車之言以大發
天地之蘊山川之華傑然而出魁然而名謂真聖人
之徒其在峯耶其在我耶肇工於嘉靖壬戌正月某
日告成於是年四月某日

重修先世大墓記

出朝陽關距秦涇橋迤邐而東爲白沙原我張氏大
墓在焉前臨鳳凰後奠君阜重岡複岫延聯拱翼妥
爲平丘局勢稱勝塋之穴始祖宋都督公諱英居左

昭元浙東廉訪使諱縉右穆學潛先生諱遜凡三世
昭之次稍後用道處士諱愬應訪之仲子自始祖墓
而北是爲思道處士諱懋之墓左右相對而穴皆兄
弟行凡十冢左則依仁處士諱昇介軒處士諱輔蘭
谷處士諱輻家之祖守恩處士諱俱孟玉諱峴孟容
諱伸皆處士字存而號亡右則朴菴處士諱鼎梅庭
處士諱輅守默處士諱倫守端處士諱偉下五步旁
折而北其前母湯孺人自孟容而上以及始祖凡七
世代殊邈冢上累繫子孫幾不能辯識先考左諭德
末軒府君嘗患之謀立石冢前未果而卒及其竊祿
詞林荏苒二十餘載品秩差進日夜伏冀 恩綸光
贈祖考一新封植其適罷歸度今不可復緩乃命工
鑄石爲圖各疏其世于下附以顯妣姓氏昭穆之有
位次官爵隱處之有徽稱封壤之數未盡如式而各
存其意繚其垣墉表以高閼皆先考之志也去墓若
千步作堂三楹薦春秋之祀治宗親之燕推先考之
意而爲之也宋韓魏公琦嘗修其五代祖墓未復記
之曰家諱之不謹祖先塋域之不治雖有孝於祖先
之心欲究其宅兆而嚴事之得乎後世子孫不能勤
而知此與夫世之絕也何異嗟乎韓公名臣也孝子

也予雖有言豈能出於韓公之萬一哉於是乎直書其辭以爲來世告庶幾吾族人其有思而痛乎

先祖四世祠堂記

今之祠堂古家廟之遺意也先王之禮自天子達於官師皆有廟自秦人棄禮而漢代公卿多立祠堂於墓所未有建於家者唐宋嗣興人主憫然臣下貴位卿相而祖禰食于寢儕于庶人詔許文武官依舊式立廟於是有司奉詔計求稍稍議復而當時惟文潞公彥博奏立家廟於洛爲百年曠事談禮者建之其不能者固已多矣况又有限於分而不得請者哉洪

張本南集

卷六

三

惟我朝列聖相承篤典孝理品官家廟一倣朱子祠堂之制祀以四世視唐六品而下祭祖禰唐東宮少保而上三廟則已過矣茂仁渥澤流布寰宇何其際也予家自宋都督府君諱英爲始祖世遠廟亡從父訥齋學正公慨焉嘗倡族人議創于欽賢坊之西巷又若干年矣維茲祠堂之設行于一家奉以四世而同支至親以時享獻孝子慈孫之心莫嚴於是歲丁酉予丁太宜人喪以歸伏蒙皇上念臣講讀微勞特賜葬墓工既訖爰治祠事乃即宅中爲屋三間以中近北一架列爲四龕藏以輜櫜高祖依

仁府君爲第一龕高祖妣孺人周氏配曾祖介軒府君爲第二龕曾祖妣孺人林氏配顯祖守愚府君爲第三龕顯祖妣孺人黃氏配顯考贈奉直大夫左諭德末軒府君爲第四龕前顯妣孺人湯氏顯妣封太宜人胡氏配位次西上一遵朱子之禮而不敢變蓋慎之也出主而祭位高於中曾東祖西而考東又次之順生者之序存昭穆之倫得於吾心而安蓋陽明王公義起之也予不能違也祭之日爲元旦寒食秋分冬至夏至忌辰獻新亦舉馬堂之東西壁爲木厨者二東以藏畫像諸牒西以藏祭器其前繚以周垣而旁穿短楹以便朝夕瞻拜之路門階簾廡多所未備地狹故也先諭德府君在世嘗輯家譜以示族人又於舊宅廳東特營一室以奉四世有志拓焉未就而卒予心謹識之不敢忘而今亦不能盡如先志多矣詩曰聿懷爾祖吾子孫其念諸

張本南集

卷六

三

張水南文集卷七

明議大夫太常寺卿學士祭酒事功翰林院侍讀學士直學士張水南撰

書簡

與趙明府辭鄉飲

鄉有讀法所以尊齒尚賢明有敬也來頃蒙

恩致仕過朝廷諱言臣過之盛德其實言官之言

公言也以若人而飲此酒升歌鹿鳴下管新宮未懷

慙疚其何以觀法邦人乎哀惟深懼不敢辱侯之嘉

命謹再拜使者辭焉伏惟君侯明聽之

再與趙明府

張水南集

卷七

一

五

先王遺風導民之路維茲讀法之典顧哀何人敢辱

教命昨嘗瀝懇辭謝而我侯過聽王趾親臨哀益懼

而不敢當也夫執爵而醑禮行其間爵及隍人民視

以忒將不為執事者謹禮思化之厚累乎妨命之罪

小從命而害禮之罪為甚大使僕以聽從為敬忘其

大者以事我侯侯將何所取於哀也獲罪於禮是即

獲罪於侯也戴天履地一言有飭鬼神其臨之伏惟

臺慈曲宥不恭幸甚哀恐懼再拜奉狀

與錢鶴洲

適見鴻臚舍弟立自參謁而歸竊聞一夫之言有以

感萬全之計邑人稍知事者相顧愕眙不勝憤悶夫

城之為言盛也所以盛乎其民也民有賊而後有室

廬有室廬而後有父子兄弟骨肉相保聚使無賊而

寇至突然殘害骨肉且不保矣况室廬諸物乎民之

治其室廬謂為已事城定民之至急也獨非民之事

乎通城垣而論往者官家已治其九獨缺東面一隅

其為丈百五十其為料價千五百兩有奇毫髮不以

責其民而欲盡出之於官執事將何以取羨於公帑

乎以百姓十人計之效義而踴躍八九有一二不然

者是敝民也未害其為義舉也况執事未嘗下令設

刑而驅之民有赴告者但答曰願者聽僕猶以為執

事愛之太過也昔范文正公守延州首築清澗城以

禦寇其屬之未有城者傳檄並與李牧之為趙將守

邊塞峻壁深溝蓄力養銳以逸自處寧我敵人其為

循吏為良將不過如此執事聰明特達已能兼用其

術而又簡戎器飭賸堅設重關以嚴譏察其備至矣

始執事自太倉助討而還即日罷鄉民之守戒居者

之不安動城內外安堵如故使無執事持重在上則

平居椎剽之姦將竊發而先已亂矣豈待寇至共古

人之治能大過人者皆其能於擾攘急迫之中行安

暇久遠之政以故天下不測而民大服也聽言納諫審其是非毅然而不惑不牽於庸衆人之常算然後勲節立而其治大光也某鄙人也識闇材下何足以知特見明公之舉措邑父老之愛戴為之申禱一言以受大來之福伏惟執事者鑒之

與撫按請兵書

伏惟明公受命南巡為國討賊三吳億萬生靈盡在公之掌握遐邇竦聞莫不謂今之風牧方召有石厓公觀所公佐二公以赤子行事者兵備任大恭也僕以江陰危急之際存亡係於呼吸請竟言於左右

張水南集

卷七

三

而無誅可乎江陰去江三里邊邑也自一方觀之彈丸之地也自大勢觀之其為嚙喉其為門戶載於地圖炳於哲鑒豈俟指數也去年五月倭賊犯我江陰殺傷二千餘人焚燒房屋及千餘所村鎮有名大家焚其蓋藏幾半是時幸有存者謂害不及已苟以偷安今歲四月二十一日賊由東路經顧山經華墅經竹塘直搗青陽之大鎮滿載揚帆而去近五月三十日突至本縣東門攻圍甚焚其關廂五日不解率其克醜二千餘人屯結茶涇間南去城十里四通八達之衢每日分枝四出大肆掠掠山坳水澗無所不

到小民瓶罍之儲茅茨之蓋鮮一存者處處烟生夜光盡赤皆為賊火其為殺戮幾萬人內殺生員二人婦女被淫汚溺水死者不可勝紀兇害如此乃至殺我父母官懸大尹之頭於九里之橋膏身草野越明日始得收其殊分者聯合以為殮百姓號泣警恨莫不呼天仆地於乎生民大禍至此極矣竊料江陰三百七十里既里里皆空存一孤城僅七里耳周禮所謂野荒人散正在今日雖之人身手足俱斷而存一胸臆謂之獨存可乎城外之民既入保而息齒聚屯積疫氣易生口食且不暇論賊疑城中有人有貨他日不煩野掠猝然直至城下合力攻圍人不暇謀兵或懈守所幸獨存者又不保矣有司之政所以因循至今日者有漸也司牧黔首務潔高名以明節惠一切防禦之計謂為擾民毫髮不肯輕動賊至而百無一備備亡而民死者衆也團結鄉兵僅有名號團長保長聞風先遁莫知其踪持鏢帶劍之士坐食縣官未見其露刃迎敵比得倭首幾二十顆乃犂鋤之民挺身與死而勝不出於兵也其為兵者幾一二人以為功取其首而還旁人私驗之乃鄉人也其姓名可知也凡戡禍弭亂莫貴乎兵保邦定民莫先乎立計

張水南集

卷七

四

使在平時循團結之名而深討其實家自為兵人自為戰率之以長明之以官法無處不伏賊豈能越防而至坦然如歸其室廬如自取其食貨傲然肆志而無疑也曲溪狹徑皆其縱橫熟路矣近日麻皮橋居民李鰲以一富人之力倡率農丁拒賊賊三至而不能攻其家推之於縣於郡亦可知也本邑斜橋包巷沿江等處耆民素稱勇鷙謂其能習水戰今皆用之於江患在於陸而役之於江非緩急之道也使陸有所攻而水有所拒則誠得矣陸既無策以禦之惟拱手待賊出江謂為畢事是防江者送賊而不知防為何故也賊久不去劫殺三千餘日闔城皇皇如在焦釜急則請兵乃邦人愛死之情而審勢裁賊寔明公持危之大計又有小民在野逃避無路見賊白刃脅之挑包數十成群久之不知為賊如庶人之受役官府子弟之受役父兄是則隱憂者某也跡賤名微伏匿江塢蟪蛄細鳴何足以動台聽而燕雀處危竊料差靈於物伏冀明公察焉上荅 聖眷下慰蒼生某不勝激切禱祈之至

與嚴介溪

衮念疇昔伏蒙相公誤愛大雅真懷豈不馳系獨台

垣迫絕雖欲一致起居於閭人而多有未便勢則然也比歲倭夷犯順自浙江海口突入蘇松等界延蔓常州大肆剽掠殺人橫野慘毒不可勝言江陰北枕大江東連巨海去城僅可二里今歲三犯江陰直造城下四野抄掠一空至殺縣官殺村民男婦幾數千人燒毀房屋幾及萬餘所生民大禍未有如斯之甚也城小而易窺力單而難守衮身寄危城中其不死者幸矣野人不揣冒昧具事書我 聖君賢相誠切身之灾非敢越職而言也伏惟台慈曲加軫念蒼生幸甚

與徐存齋

衮念疇昔蒙公誤愛自謂門闌舊物歲序屢更豈不興懷大雅但天路迢迢衰屨微跡遠寄江海之涯雖欲通一寒溫於記室有不易得某之心則甚惓惓也比歲倭寇狂勃毒害江南賊刃所至血流千里今歲三犯江陰較昨尤酷四野焚劫一空直至城下毒機狂發幾為所破某有殘軀其不為肉為血者幸矣三吳大難連三四歲而不解天不悔禍意者人謀之不臧也戰守二事群工豈不受命於 朝而有成筭願在地方則多執見互持矣責在城守賊至而不知驅

但守孤城幸賊一出視為他人之事更不置念其
當事議戰者但言兵少賊聚則畏其勢大而不敢圍
及兵大集而賊又四出是賊能持我之短長而我
能制也守既未善戰又不能則將何所底止乎激切
危衷冒昧封事伏惟相公曲念之幸甚

與潘仲漢

某與公別匆匆亦不復記月日矣伏念霄漢勲名公
能迥然而立節不喜與物低回可南可北隨其所至
而吾道生光幸甚幸甚僕老矣伏匿江垞不勝枯稿
唐生之相季主之下久矣息心獨公愛我忘其多醜
遣金炤而往占之若謂腐菌委落倘蒙太和之氣萬
一薰蒸獨出而為芝者有之也某非其人也非其年
也慚負知己報謝難宣伏冀台慈亮之

與楊五川

昨得公所寄願生之傳文之變化踵事增華蘊揚
采汜乎洋洋光乎皜皜無總作者而時出之非公不
能有也燕韓篇什盡在是矣願生天死人謂其弄獨
高非此文之流傳耶捧誦至此不覺欽衽屈膝矣琴
川非遠會晤為難既想既恨其在兄耶其在僕耶僕
雖令辭不能文也僕有紙二幅敢告記室請書三四

張水南集

卷七

七

集

大字揭之堂楣明珠偉寶當世所珍宜無靳於故人
也僕自謂為知音也翹望翹望

與唐荆川

恭諗執事受 上簡知戮力王事鯨波虎將所至以
身先之而建殊勲儒者經綸之學至是以顯而召
置左右當在朝夕聞天下士大夫之延首而跂足者
也久欲作書一道鄙懷而郵筒未得偶上林徐典署
北上因以附之又不敢以幣從稔知門下之志也典
署為名家之子少多讀書於僕為有連過維揚伏謁
長者禮也此時行路頗難安希臺命道之一二程不
知可否

張水南集

卷七

八

集

與楊虞坡

僕不揣僭序明公奏對 天子之文章技薄名微輒
負厚愧乃承下採褒以手書侑之兩幣何當何當僕
聞東坡作漁樵閒話謂二老人丘壑姿耳語及朝政
故事其跡不然既而解之曰跡野人也而其心不敢
暫忘聖人之道也僕伏閒靜與漁樵同而論及當
世經綸之業大臣之事其義竊取之謹勒短絨庸表
積敬伏惟台慈亮焉

與吳悟齋

衰伏念 聖天子躬覽賢英思置諫官以恢弘治化
乃執事首被召以當天下第一流之選則執事之行
也關係豈小也哉古人之言僕不敢撥拾以為獻惟
執事剛中粹懿言論確何僕固知其所養非常人也
有裨於 聖明必矣謂是而不可當天下第一流之
望乎不知慶曆聖德頌今日東觀史臣誰為之執筆
僕辱執事交誠出肝膈而今行且有日縱縉之懷豈
不大倍怛情也茲具薄儀專人走賀殊不盡所欲言
與周觀所

張水南集

卷七

九

去歲倭寇犯我江陰焚戮之慘孤城危急之狀僕已
哀號之矣是時明公親提兵至賊退而急繕其三門
之月城城不單為可守公之恩也即今閏月十二三
日賊自黃田間大擁眾而至攻燒北門獨急十五日
夜金知縣在城上當矢砲交至轟聲若雷一時糾集
眾務指揮不暇唇吻焦渴竭力死守僕亦陪至四更
而退走動少不如法幾中鉛錫鎗而死矣滿城男女
持撞抱頭仰天痛哭莫知死所梁口人夫倉皇失據
不至駭潰有曹主簿持刃在也北門財貨生息之地
蕩然一空皆為焦土賊又以其餘力夾攻四門門外
坊廂夜夜火光燭天十無一存人民殺死城下者無

算獨有孤城兀然危甚朝不謀夕譬人之一身手足
俱斷而腹心可獨完乎腹心將內潰死無日矣野外
居民入城保息者幾萬人圍已十日糧路既絕枵腹
待斃一城之小危若焦釜數十萬人之命懸若朝露
非公大發兵至急為救援是無江陰矣無江陰則蘇
松之門戶壞矣蘇松之門戶既壞常鎮一路聲連畿
輔可不危哉督撫諸公既去獨有公一人縱督撫諸
公皆在而人心屬望又獨公一人况受朝廷懋簡以
東南之安危注意公乎今日之兵事內酬外應東支
西顧竭心宵晝豈不知明公之勞與調發之難也疾
痛則呼父母水火則望拯援况死亡在頃刻乎賊勢
日盛賊謀日深廣為飛梯長鉤剛錐利斧大肆攻鑿
疲民寡力萬不能支狂呼疾懇非公之望而誰望哉
僕知公救民之志愛國之忠又豈待僕等嗷嗷而後
然也危衷迫切實昧條理伏惟台慈矜憐哀不勝祈
懇之至

張水南集

卷七

一

與文衡山

遼江敵邑數被寇患今歲江陰之亡直天幸爾村
墟莽蒼道路為梗還望何牆奚啻萬里跡則云然而
此心如日同几席也公所諒也僕儉舊稿得三陽開

泰圖贊一首淺薄可媿獨以節序之詞里間所尚妄
意乞公名筆一通刊之於石使人知所重者在名筆
在陽德而不在區區也公以為何如

與郡邑大夫辭建書院書

昨縣學諸生暨鄉城一二百姓私議建宇以居學者
俾某主之致煩鈞臺之聽其諸生論學真心與否某
不能知原其初意不過因某往日佐議官家築城捍
患謂有毛髮細效假是以相酬然皆上司與有司事
也某聞之不勝驚惕不勝皇恐隨澁肝膽上書左右
不蒙慨然報能切聞商書有曰有其善喪厥善禮曰

張水南集

卷七

十一

君子不自大其事夫有善而有之猶或以喪况無之
而詐以為善乎有其事君子居之猶不敢自大况無
之而挾以為有乃侈而張之乎今日明公在上玄訓
齊俗明公事也將欲救時必先訓俗其訓維何抑驕
息淫而已驕不抑則淫不止淫不止則人心蕩然微
名攘利甘為小人之歸紛紛詐善者出矣此某之所
深懼也孔子曰巧言令色足恭左丘明耻之丘亦耻
之見於言貌且然其大者要者可知孟子曰無是非
之心非人也無辭讓之心非人也明公愛我將教之
以孔孟之道乎將舍孔孟之外而別求一種以私寵

其身乎韓昌黎謂感恩則有之謂之知己則未也連
日此心局促如芒刺在背如桎梏在身不能頃刻自
安伏乞臺下斷止其事則人知庶耻每事退讓民行
以興風俗幸甚某晚節幸甚

復巡按饒侍御

昨辱驄車枉顧某也獲奉緒言兼得按行郡國之政
一路風軌以清仰知大賢之臨覽轡之才開誠示吏
不在高談庶隅其道貞矣澄江公寓三詩已窺風雅
大旨既又讀乙未同年齒錄後序文有關鑣情義皎
然未復以過臺之對龍門心跡之說數語結之三峽

張水南集

卷七

十二

之濤一束而止使在他人則行同之義為後出矣豈
能轉視聽於言語之外哉文之為物自然靈氣有如
此者某少齡龐知植志比復零落志與年徂忽忽從
風雨而老矣安能入睹堂奧乎惶悚惶悚

答孫蒙泉

比戶瑾扉兀然獨坐心有所愛知非已事翻以自咤
豈不以賢人閑草木蕃天地之氣亦各當其時耶易
之需雲上於天君子以飲食宴樂夫雲上於天而未
成雨其或雨矣未及滂沱以澤下上飄風散之當是
時君子曷以哉卷其道而歸以需之需曰需者言有

得也身雖不用而雨天下之心未忘也其道在也為此飲食宴樂豈口體之恣養山澤之安放哉涵養義理欣欣自得即是此意古之聖人在下未大得位直以敬德脩業為事學聚問辯敬德也寬居仁行脩業也寬之一字極有意味故乾剛而能需何所不利僕之所以替於公者如此而公之所以自信者諒亦以此他尚何言哉歲維浹洽春滿姚江之上扁舟興至當尋會稽之新築而問焉中心悽悽萬不盡一惟台慈鑒之遽使遠至示我長箋稍以朱燭皆去闇而之光明之道也惟鄙人謹識之

張永南集

卷七

十三

與撫按辭建書院書

僕素虛庸闇不知事惟守先民一二之言謂當書紳謹以銘座右先民有言喜名者必多怨惟滅跡於人順天地之自然為理勝而無喜名名與則道不行矣道行則人無位矣此君子之所以惡居民而願處其卑也易曰卑而不可踰其言深矣昨者縣學諸生私議建廬一區名曰書院使僕主之上聞於諸公其始也僕初不聞其既也稍稍聞之捫心省谷不勝錯愕不勝惶怖蓋自宋考亭主教白鹿而嵩陽嶽麓睢陽之遍有書院其人皆大儒不可尚已後世元公大老

敷庸問望顯名當時者得而為之其名賢者德各以其學自鳴謂為理學正宗四方慕而尚之冠冕所向莫不有建若王陽明湛甘泉是已其他私建一字而聚徒為之講說者勿論也僕去前輩諸公不啻千里萬里乃竊取而冒為之幸人之譽已陽託為非已之出而陰享其名是宜驕也古語云人之為道量腹而食容身而居各取裁於分量耳苟不自量而惟物情之徇則遂至於亡已也人見其不足而處有餘之名則人情當然翕翕訛訛口避而心誅者有矣瑕摘而舉觀之者有矣其誰與之哉是賈怨也僕脩行則屋

張永南集

卷七

十四

漏多愧支離頽唐猶未免為鄉人也問學則補緝舊文苟為應酬豈有經緯民物之一言糞土瓦礫可棄也位卑跡薄久匿江樊譬之鰕鮒之依潢潦鷗雀之棲藩籬躍之騰之使遊江海之廣霄漢之高豈其材乎今日明公在上好為隱惡豈不私憐公義所在天鑒在茲驚翰者鳳鳴羊質者虎皮嗟誰聽之伏望台慈愛人以德斷然罷之批行呈詞但獎借諸生一二以興其好學之心而寬其不知其為匪人之罪則於造人為得於僕亦掩瑕而若曜矣此言誠發於心齋宿而後執筆若毫髮有欺於明公欺於朋友欺於鄉

黨鬼神其殛之其不勝激切懇祈之至

答范中万

二十日蓬窓夜燭得接閣下元宵前一夕之書乃知野史之行亦有霄漢故人為之意者其為驚喜豈厭蹇然空谷柳宗元所謂榮若天降者有矣昨趙延陵會於北新關上已作通行帖子報動左右而傾企文學之私則未之及也桃李滿門鸞鳳駢集其為自得

有以告我否乎臨裁耿耿

與翁見海

僕居荒江之野荆棘寒門自謂老不任事頽然一無

張水南集

卷七

十五

所慕獨海內名賢竊願立節有如公者見之而生慕慕之而願為之執鞭真情所發非有餘也昨登公之堂見公垣屋不治出入佩服蕭然如古儒生此種意味豈易易言也僕有以窺其大矣龍山設宴雖虛辱盛意而所領更多嘉餽復至抑又過情也并此以謝不宣

與周衛陽

昨因論及鄙事伏蒙褒答華箋僕三讀之三嘆息焉謂有才如執事論事切理而文足以發之其旨淵然以深其詞旁溢而不竭煒煒曄曄皓皓肝肝如五色

之相宜九河之流轉而龍文為瀾變化其中精驚而

神馳有莫知其所以為靈也阮籍見張華之文輒驚曰此王佐之才也謂文章不足以知人可乎執事明刑弼教作憲一方以教民祇德其待斯民至厚也其又念執事之下交於僕也亦斯民也貴愛人以德輔義以正隆之以外物以私寵其名而捨其所至愛者以為愛其為愛也淺矣非所望於有道也敢因謝教之牘復一布腹心焉

與楊升菴

某託跡江湖伐木斲置聊以自老而先集雜散私心

張水南集

卷七

十六

獨驚祇自傷耳追惟館中多彥星躔雋軌豈不稱豪而得志於時身顯權高炎炎赫赫僅見一二中間遭讒抱痛而死者亦復不幸抑可悲也四十年来東西南北散在四方落落漸同星曙生不處死不吊者有矣公為榜首胸中傑然自大海內願望公入輔入政者頻年天閑高駟伏櫪至今如何如何下公數倍者復何言也楊少尹來佐江陰每會輒問起居云公有以自樂而無甚累於其外接武有人文宗輝映又悲喜甚慰也奉別太久歷寒歷暑不知若干此心徒在尺素不通豈可獨歸罪郵簡之不便耶萬千欲言得

便又不能盡只如汎交亦文櫛爾增恨增恨伏惟兄
慈曲亮之

答劉掌教

昨偶遇於途一望顏色為喜薄暮出遊飲於族弟之
舍晨起忽見瓊瑤在我許戶能能魄魄轉盼生輝其
儀四章詞葩訓古非大千莫之能措一字漢官春詞
荷靡芬芳楊纒纒流響激越如坐采石閣未緣而
落驚鴻引遊鯨也嗟乎先民有言郢人逝矣誰與書
言

張水南文集卷八

墓誌

明故資政大夫南京戶部尚書贈太子少保養
齋徐公墓誌銘

嘉靖乙巳冬十月資政大夫南京戶部尚書養齋徐
公乞骸骨歸于昆陵居四載薦者章凡四五上

天子思公將倚用之而公疾作又一年而公亡是為
庚戌春正二十六日明年辛亥其嗣子大衢野哀赴

張水南集

卷八

上命有司治祭葬如例勅贈公官太子少保以其年
冬十一月某日塋公于九里之新阡享年七十有一
維茲墓中之石其何能為後獨知公為深謹按公門
人吳司諫希孟狀序曰公諱問字用中甫弱冠中弘
治十五年進士除廣平府推官秩滿召為刑部主事
歷員外郎郎中丁父憂服闋改除兵部車駕司郎中
尋遷登州府知府以才劇調臨江二州之地瀕江海
林華菁深椎埋剽盜馮以為淵數公以方畧招撫禽
獲亡虜數千人增築臨江壞堤七十二處水行陸棲
坦然如在郭郭長蘆監運司使缺財利之區名易汙

深人情多不樂為公自毋憂再起受命獨欣然曰
吾將以薄躬清是官也繇是使之名始重居數月轉
廣西右叅政調福建再轉廣西右布政轉左廣東公
既酬致大僚能以身任一方利害西鄙險阨苗獠嗜
殺妄邀功賞患結不細公竭意按論之其熖乃息蠟
珠真香號產於嶺南中使絡繹而至採獲不中巡按
御史憂之將以責諸貴公爭曰珠有禁如是不趣買
為資耶惟令所產而獻其不敢避罪公常部叅蒙
上鑒有識者避之是歲入觀吏部簡天下才廉吏若
千人以聞公在首列

張南集

卷八

二

四

上賜宴寵以章服尋被簡命擢都察院右副都御
史巡撫貴州貴跨連滇楚蜀廣四省夷俗獷悍其人
多帶刀挾矢而相毒噬公至中明鈴轄布恩信示禮
義率其不良漸歸于化獨山上酋蒙殺殺父以叛公
提師誓境上親執梓鼓勅諸將吏一鼓而元兇就戮
捷聞

上賜璽書褒勉白金若干兩文綺衣一襲尋陞兵部
右侍郎公佐本兵盡心國事上安攘大計凡八條一
時貴帥不敢鑽穴以入未幾公以疾告家食凡十年
詔復起公為南京禮部侍郎居二載進南京戶部尚

書方半載而公復歸矣祖道之日群公卿大夫士莫
不噴噴嗟為勇退近罕見云公自起家法曹斷得其
文不為苟比當權倖縱橫雖甚威力臨之屹不為動
見上官論事侃侃不阿所蒞之處輒先風俗講求禮
樂學者見其言與行莫不歎為從古二代遺風每讀
書心有所可否即箋註之為讀書知記紀與四方
共評之儒學文章儒賢偉異之人公心厚附引以自
助惟恐名不高著居官前後四十有八年乞休之章
凡十有一類盤桓不進忘行道者由君子觀之盤桓
不進所以行正道也輕進而易合豈得為道乎居鄉

張南集

卷八

三

附

苦節自守如其在官每過往還之家見華饌慨然臨
觴而不食或勸之公託辭曰吾今日心禱當茹素也
璽中從公而化者稍稍有矣平生不治產業家有白
屋數楹農田不滿五百畝又割若干畝以贍族人事
寡嫂處同胞弟曲有恩皆可錄之以為世勸公之先
准人自宋高宗南渡因著籍毘陵伯祖某湖州府推
官高祖而下三世不顯祖諱毅父諱王建安訓導以
公貴贈如公官祖妣某氏妣陶氏俱贈夫人配褚氏
封夫人子一殤以從子衢為後蔭授南京左軍都督
府都事女四人庠生襄國秀太學生胡冕順天府經

歷黃士帝庠士王維其婿也嗣孫男女凡八人銘曰孰不爲仕仕顯而沃忘其有弼公獨不然競競業率履不越塋然皎然素華白璧孰不爲學采掇浮龜曄然而已公獨冥搜思皇其矩九師讐之百氏攘取訂其不疑心獨自許希聲未亡黃鍾大呂公身雖亡公名益耳過其敝廬覽其遺趾清風載途如葉蘭芷維 皇卹典賁于崇丘爾舊爾勞曷焉以爾錫之嘉命少保是優匪以私寵爰勵臣脩塞予載筆庶幾不愧直方而大曰儉曰惠廣以成之道斯攸萃其若曰發光幽隊

張休南集

卷八

四

付

明故吏部稽勲司署員外郎萬君墓誌銘

予始未與萬君交也當辛丑會試予校其場屋之文根諸理道予曰此有養士也錄之以爲魁旣揭榜知萬君宜興人也素負鄉里之譽者也是有養士也因數往來見其議論識度果出流輩如其文然君旣以二甲進士銓授戶部四川司主事人情好惡以曹務劇也文學煇修之士多不喜君君居之孜孜焉憂之若不勝其職也始監崇文商稅姦猾害事君至首夷其豪國法大正受委太倉晨入西出詰尚書請事皆迎期先至防檢益密出解宣大邊餉冒虜險不避監

張休南集

卷八

五

八

浙東兌軍弊繁多端君持法愈峻私憾者中以浮言屹不爲動最後巡按御史廉得之其人伏辜謗具白銓曹大臣以君歷履賢也奏改吏部稽勲司主事尋轉考功文選二司再遷署稽勲員外郎君以人才賢否責在四司竭贊家宰或一失之豈區區金穀而已惴惴焉君之憂殷於戶部時也丙午秋七月封君古齋先生病卒君聞計值京師暴兩淫溢伏地長號籍草而臥身中濕毒比抵喪次執禮踰哀竟以是年十二月三日身亡未數日之前夕其弟禮部主事士和與其仲兄士安環侍之間所欲言君惟曰先君未葬李太安人在堂未畢私養予之大罪也遺其妻子無一私言葬以卒之又明年丁未某月日墓在潤南新阡士和函狀詣予請銘予惟君孝于其親服勤至死友其兩弟教士和能以身喻潛心問學窺古大儒不欲以近世功名自挾篤于朋友久乃益信遠近歸之莫不曰是嘗學爲己者居官六載凡五轉位望日益清高身死之後囊無長物操可知也先世世居濠梁自默菴府君勝始徙宜興歷七傳而至君君纓相繼族始大君名士亨字思通別號希菴志有恭也享年四十有二配邵氏封安人生子三長曰曉次曰時又

次未名女一人許字李德先銘曰伯兮願兮邦之碩
兮磋兮儺兮佩王之飾兮有若人兮思莫起之使我
心痲兮

明故都察院右副都御史裕軒及公墓誌銘

維公之先本大梁右族宋高宗南渡轉徙江陰之習
禮宅焉自萬十府君諱曼始奕世載德稍食官祿邁
秩前修榮躋膺仕歷官御史大夫門閥有煒自公始
曾祖諱煜祖諱嶽遵晦自國父諱便以公初命封都
水主事再贈司徒員外郎母包封太宜人惟公需宇
宏深天才穎異孝友之稱名於里閭公廉之跡彰于

張本南集

卷八

六

六

職事自筮仕以至沒世迄有聞焉初以郎中在告逆
瑾與禍竟奪之職瑾誅公乃復起更職於湖廣福建
河南歷參議參政左右布政使前後巡撫大臣繻衣
使者咸昭署其能以勸於位於湖廣則軫念年饑哀
除民瘼

大駕南征中官橫索力制其間民得不墊於福建則
連統百城均裁大法減市舶踰制之幸以清盜源請
歲解羨留之數以贍軍食吏無緣奸人多謠頌於河
南則振舉廢條勾檢系贖政有平反之能獄無留滯
之歎省有大事待公而決凡踐厥職莫能尚焉是後

巡撫鄖陽兼攝陝洛荆南三省事龍茸之下公昭不
遺曠戾之俗革面受事重鎮底寧無何江右桂公當
吏部請裁撫臣量以授事公奉例需次連章乞休不
可或後太子賓客甫川張公繼掌部事始激揚風教
署公多美蹟詔從致仕而公論出矣公諱從壽字
如山別號裕軒享春秋七十有一嘉靖丁酉十一月
二十九日卒以癸卯十二月某日啓周宜人兆含窆
黃野之新阡公繼娶徐氏封宜人子男二長植總角
遊邑庠早卒次祐國子生側出女一嫁華子信徐出
孫男四曰霖曰霖餘尚幼孫女二曾孫男女七人霖

張本南集

卷八

七

七

讀書大學痛父早亡惟大父之教當公襄事備劄京
師詣子請銘公為人坦蕩平生有大節不事細謹晚
歲歸閒酷嗜棋局客至或忘為禮旁有家事則麾之
使去間關二園日徜徉其中即景分為十題意興所
至發為歌謠贊詠太平以增我明大雅之什庶幾
木鐸者聽焉其擊壤之遺乎公自少入郡學即有大
名暨舉于試藝南宮第六刻其策對以傳謂有經濟
大略主考長沙西涯李文正公寔愛重之嗚呼觀於
其素而其業愈可觀也是可無傳乎銘曰物有虬麟
表異則禎孰觀鴻績烝烝其仁維公龐德義類攸顯

元和灝灝風稜言言探彼計部奇贏罔愆爰命列岳
于旬于宣廷推大器王璿瑟然宜服法察弘弼化源
乃遵憲矩乃駕輜軒既參兵事亦持吏權兢以若谷
巖然如山乃避哆口踰伏江埂全其終始嘉瘞玄泉
淑旗虎節靈望踴躍有儔佳城黃野之里堅珉永鐫
明德是紀有來緇繩考世于此

明故大中大夫南京光祿寺卿毅齋劉公墓誌
銘

嘉靖丙申三月己卯南京光祿寺卿劉公卒其季子
甫政方肄業太學聞公訃慟哭請闕上書

張本甫集

卷八

八

七

天子憫公勞 詔賜塋祭如例吾鄉仕宦官上卿蒙
恩終始未有公若者域兆既營百物具飭伯子甫學
偕其兩弟奉孫茂州狀告之某曰先君將塋日月有
期敢以銘累執事予於公至深甫政又予之壻是役
其何敢辭公諱某字克柔別號毅齋世為毘陵郡人
國初洪武中公高祖自無錫徙其家居江陰傳再世
再徙邑之馬馱沙其後馬馱沙為邑隸靖江徙徙居
城中市橋居焉遂為劉氏世業曾祖公義祖彥畢父
僕號友桂翁以公貴贈如公官母薛累贈太淑人公
生而英挺狀貌魁如年十三已負才氣在諸生日有

名譽試數異之弘治戊午領鄉薦明年己未登進士
第服官戶部主事正德元初

武宗卽位歷遷本部員外郎郎中先後奉命出督儲
餉者五公職職而舉言邊關事切中利害今其章在
國史可徵也始公督餉薊州未匝旬三屯官營火公
劾治守者罪守者懼懷金賂逆瑾瑾乃坐下吏維治
禍且蠲出幸以不死罰輸六百石乃免其後公以郎
中移掌武選維時尺籍五符諸曹皆內倚中貴人涎
噬爵級善為長短公釐正選法屹不為動甲戌擢南
京尚寶司少卿又三載補尚寶司卿今

張本甫集

卷八

九

七

上卽位改元嘉靖首崇 郊壇大祀乘輿出公衣紫
垂銀導六駢奉王璽揖遜人主之前日見光寵癸未
擢南京鴻臚寺卿鴻臚掌九儀之法公嚴臚句傳如
在 殿陛大將軍習儀不謹公議劾之如法或曰望
公公曰不如是則朝廷不尊其敬君慎職蓋如此丁
亥秩滿擢南京光祿寺卿言二事其一以勾稽往牒
立條例慎出納其一以本寺額辦煮醪歲輸費當十
倍請移之比寺為便從之著為令己丑會四方災異
上詔諸大臣言故公因引咎乞身避賢者路得 賜
歸老公歸別買城南一區題曰曠止公日歌遊其中

與父老賓客共月可數十詩意興所至則江淮吳越
浮舟四出平生好納名士客慕公賢憑軾而至相遺
答文翰甚富公性坦直不喜苛禮自謹與人言輕觸
物諱人諒公無他腸卽而嚙不爲怒其教家以孝和
族有倫處四禮動法朱子唯謹生時奉養封君備極
山水富貴之樂皆近世鮮見者士大夫慕公家行謂
爲鄒魯諸儒實行似之子孫遵教不衰焉公生於成
化戊子七月十三日享春秋六十有九配蔣氏先公
四十年卒贈宜人繼周氏封宜人子三甫學甫登甫
政俱太學生女四適徐灌吳九成周儀蔣億俱庠生
孫男七聞詩聞禮聞韶聞善聞道聞一聞義俱習舉
子孫女三曾孫女一墓在由里山之崇岡塋以封君
穴左昭蔣宜人所先兆縣棺合窆卽以某年月日銘
曰玄樸旣滿皇路頗側汗血咸趨濡矣肯溺維公矯
跡方軌斯軼三踐卿榮四更郎秩曷崇曷庫我視若
一中遭際難不降其節方艾季纓卓彼疏識由里之
岡封崇獸張制辭有赫冠烏妥成敬爾後昆繼序
不忘

鄒母華孺人墓誌銘

錫大家維鄒華二姓最著嫁女娶婦長爲姻好論者

謂爲秦晉之匹朱陳之村蓋其肖云孺人姓華諱某
裔出南齊孝子寶之後父諱德母陳氏寔生孺人貞
明淑嫺素所天稟年十八歸于鄒是爲感慈君之婦
維時姑惠蚤世舅撫松公繼姑倪氏在堂孺人少閑
內則孝敬備至以故舅姑安焉無一不滿之色舅亡
感慈君嗣秉家政孺人相之不擇勞苦以身爲家衆
數百指之率勞接內外族姻歲時餽獻相繼接登其
堂秩如也事二寡姆怡然曲盡安意孺居之節白首
無難心生子望字國表足跛不良于行而才智高甚
能自厚殖愈大鄒氏之門孺人見其如此故以讀書
談藝日結海內賢豪以爲已依一時羈旅之賓有慕
其家憑軾結鞶而至孺人必命其子館之上賓其尤
賢者俾孫來學執弟子與之遊於是國表以一布衣
而名聞四方公卿貴人多折節與國表爲友矣謂非
孺人之教可乎孺人性至廉約不喜自奉居常食土
簋啜二劑梁糲之食藜藿之羹身無重采而纖儉習
事村中老婦見且驚曰鄒孺人尚若此吾獨何生乎
益勤機杼以自食風行多婦功矣嘉靖丁酉國表歿
踰三年而母孺人亦歿是爲己亥春正月九日也享
年七十有一未卒之前夕急呼二孫語曰汝父不祿

外難且至汝盡謹諸母自好聞以害而家言訖淚下
卽以其辭屬之三山華君而備書以納諸家廟三山
者孺人之兄也子男一卽望山太學生詮註浙江按
察司知事娶盛氏福建巡運司同知東巖女女一適
華子器孫男二來學娶華八來朋聘孫氏孫女四華
盤黃友倫華寔華晚其婦也以是年冬十二月某日
啓感慈君兆令寔於九曲之先塋先期來學來朋以
孺人之姻孫郭進士仁狀來乞銘予惟江陰與錫接
壤而國表當註選天曹謁予於長安之西第十一有七
年矣則予於孺人之行不可謂無聞也銘曰維茲女

張永南集

卷八

十一

四

士良獨難義方砥後遺以安命辭在廟炳若丹輝不
敢顯心獨艱水紆九曲山四環壁瘞巖阿靈曜閭容
爾太史鑿石巉風風乎俗以還

明故薛母吳孺人墓誌銘

南京吏部考功郎中薛君仲常之繼母吳孺人卒是
爲嘉靖丙午五月八日仲常方謫官寓建昌郡舍聞
計長號徒跣以從既歸奉尊君命治地韓村徙火安
人之故藏謹虛其中居孺人于右禮也仲常手自爲
狀涕泣以授予曰此母孺人之言行也著在閨門鄉
人不及覩聞者衆矣予焉而不能白其母將安逃責

乎惟執事者憐之予惟孺人故錫名家其父諒教家
有法生女而賢得歸于薛爲史安人之繼孺人自入
門猶及事其姑壺饋拜堂下恪謹婦事職職而舉少
不憚卽自刻責曰得無愧史安人乎累行積勞嫺鄰
稱之無異史安人仲常少爲諸生歌游郡庠文名大
起歲乙未舉春闈第二人登進士第服有慈谿之官
政慈谿之人罔不安也孺人喜曰庶幾其得民矣仲
常志軒豁不肯與時俯仰乞恩改教得領南昌之
郡學南昌之士罔不慕而悅也孺人喜曰庶幾其
得士矣至是再起而以南京吏部考功精覈庶品大
協公言一夫譏之而竟以落職尋用六科給事中奏
白不三月而轉刑部員外郎孺人喜曰庶幾其不愧
公論矣仲常之在仕路屢踣屢起而孺人之告誡惟
其道義喜有令名於乎孺人婦人也而識達明允志
一誠純異於流俗不賢而能之乎享春秋六十有七
筵之日以卒之年冬十二月十九日壬寅也男五長
應廷次應旂仲常其字也次應展天次邠臣爲族叔
本立後俱史安人出次應嘉天孺人出孫男女十有
三人銘曰維俗之趨不以爲喜維俗之疑不以爲戚
其喜其戚惟予子焉攸迪嗟嗟孺人維古良士之慈

張永南集

卷八

十一

五

劉母鄭安人墓誌銘

士大夫之家以母德顯稱其在邑中劉母鄭安人其一也安人生十有九年而嫁瓠山君緒維時舅姑類然在堂生事鮮甚安人勲中饋晨夕奉舅姑疏食菜羹進之以禮記稱慈以旨甘安人有矣家貧口衆與諸姊姒度伏臘和其兄弟耆老無一閒言生子四人而光濟居長自舉進士歷官戶部以至衛輝太守功名日駿有聲安人爲母則賢也始太守君爲主事監權臨清臨清百貨溢衢市狡猾易窺司權之欲安人亦至官邸見兒子清白喜不自勝比還櫛囊閉鍵簫瑟如昨故太守君安意官箴惟以克承母志爲孝居常服澣濯之衣非甚敝不易歲時與諸嫗往來魚軒交錯而絕葛澹如未見其色屈也歲庚戌虜塵暗畿輔

朝廷憂甚太守君以郎中出餉大同軍一不給當有嚴譴衆方危之而太守君卒獲自全安人喜曰幸不遺君父之憂吾老婦食得下咽矣自後白髮總婦事焚勞絲絲靖焉不迂過勞而病旋已旋作竟以癸丑七月廿四日病亡享年六十有一大抵安人性慈儉逮下有恩惟諸子有過不輕爲撻撻然守撻之當太

守君木第辛苦爲諸生則勸之問學學成而仕則又勸之勵廉節予因是而思柳仲塗記其皇考之教莫不詳責于婦人呂東萊亦謂婦人清素敦樸卽興之漸若安人者贅身治家多應法度不旣賢已哉瓠山君以子貴恭遇

皇上廟禮覃恩受封爲戶部主事安人咸被命書鄭故世家與劉相望父愷母朱氏次男光亨光化皆後伯氏光亨早卒又次光昭縣學生女一許陳大綱病大孫男女各一人太守君謹奉父命丙辰二月七日塋定山之新阡先期請予泣曰先母襄事有日維茲

張永南集

卷八

十五

幽堂之銘闕辭以刻敢稽顙以請予交於劉氏父子最深其何能辭銘曰旣均其匹式燕其宗匪嘻匪噏曷敬曷從維子克俊歷踐有崇維 皇念之爰錫爾封有恩旣渥有來方顙胡不引考嗟茲令終維定之麓言揭其宮有車之萃蘭被其叢未矚下上維刻有融

旌表節婦先姊孺人墓誌銘

孺人諱某伯父慕軒府君諱詒之長女子之從長姊也年十八嫁里中花一葵一葵故醫家而族望與吾張相甲乙其舅爲蘭室君姓端重與姑儼然在堂上

孺人爲之婦悅志承顏如爲之子不幸一癸死孺人年二十有二生子誥甫三齡呱呱在提攜中其後舅姑相繼歿誥未堪事家大落孺人在貧一室之中破幃敗絮皇皇形影相吊歲大侵癘益罄罄孺人日或不再食而未嘗以告人架上有遺書數十卷謹歲以待誥誥長讀而爲醫名漸出既爲醫學訓科孺人教之成也正德壬申流賊犯境內四門未有城居人惶怖女婦競出走孺人獨閉廬自守人或勸之孺人曰吾夫死於是妾死所也吾寡婦將安之其識明而守確類如此年七十有二被 詔旌其門其在儒學

張本南集

卷八

七

天子恩惻 詔下所司綽楔是立展如之人風茲下邑淑德柔風有耳斯側天篤爾躬遐哉茂錫鶴美攸綿龍章允赫玄堂既開玄石有刻維弟纂言史也維核

贈光祿少卿江陰令鶴洲錢君墓誌銘

嘉靖乙卯夏六月十三日倭寇犯江陰攻圍凡五旬不解百姓死傷無算我邑令錢君嬰城而守謂棄其四野爲不可乃奮其武怒躍馬大呼以激壯國人道出九里賊藏阜嶺莽互中截君歸路前後救兵不至君竟死於賊刃明日求君屍得其殊分者合以爲殮

張本南集

卷八

七

疆而吊投文而辭遠近若干人莫不垂涕無間識不
識也君諱鏗字基鶴洲其別號父亡而早孤母夫人
垂白在堂妻少育三女而未有男兩弟某某前嗣千
里迎君骨而歸葬于某鄉之原臨行問予為銘予堂
哭君有曰處官處死無愧皇天斯言盡之矣今雖千
百其辭豈有加哉故凡君之群行族望可不書也銘
曰維君之特口楚之良英其氣矯矯其強為民司
牧為國兆康彼倭狂勃睨我邑疆珍學瑋整胡往胡
歲乃哀黔首乃服戎行封綈是時馬長鎗志決殲
虜豈其身殃列聞 冊陞爰有皇褒於 皇恩之載

張水南集

卷八

六

傳

明誥封夫人吳氏墓誌銘

夫人吳氏贈太子太保謚襄敏南京戶部尚書周公
金配也吳本閩之晉江名閥自夫人大父黃梅教諭
贈監察御史靖徙家金陵故今為江寧人父諱文威
母趙氏相繼淪謝仲父大司徒公某愛育夫人如已
出慎於擇對乃得襄敏公委禽焉自入門襄敏公為
諸生在孤哀中家且岌岌夫人攻苦茹淡相夫君肆

學益勵既舉進士選戶科給事中歷轉都給事中晉
太僕少卿左右僉副都御史巡撫宣大晉兵部侍郎
再晉右都御史漕運江淮尋轉南京戶刑二部尚書
皆要官大職事權所在旁多窺覷易生他患公能委
身國事不問其他職職而盡夫人贊忠於內有馬始
襄敏在言路夫人嘗一至京師潛買白航以往戒從
人勿令傳吏知吾為官家婦也襄敏好直諫嘗疏織
造迎佛二事害政語侵中官逆瑾大怒禍且不測都
督馬昂進女弟有娠顯列其罪狀當死家人竊聽惶
驚以告夫人夫人徐口言事職耳妾奈何牽衣作私

張水南集

卷八

七

臣

念乎是後

主上開悟罷昂秩而遣歸其女弟瑾敗公復免於危
禍名成而節立豈獨天相已哉夫人以公貴封孺人
晉封恭人淑人再晉封夫人恭遇

慈壽皇太后

章聖皇太后

莊肅皇后三宮慶誕夫人偕諸命婦入 賀 恩賚
有差婦人之榮莫此為極夫人身既大貴冊幃繡轂
豈不稱膳性獨儉勤居常服澣濯之衣敝不忍棄當
隆冬每篝燈夜坐僕僕紉鍼之事晨起視庭廡躬先

執帚箕而扱之或曰非夫人事也夫人但領之而意終不倦僮奴小過訓之使悟威怒之刑未嘗一施家人婦當就產預戒母謹視之資以餽餽劑且惻隱流行閨門之內小大咸悅熙熙然如在上古太和之日平生曉達大義事家廟敬甚晨夕不廢瞻拜常冀敏公迎養兄嫂至異陵夫人尊敬之如侍舅姑請縫佐餽靡有闕務三堂貧乏或以告急夫人能先襄敏公意而周之父母墓遠在金陵夫人以時遣奠不勝哀慕長子婦有心疾百方醫療而意多曲赦南垣翁聞之嘆曰吾病女得太夫人更生矣戒諸女孫習讀

張永南集

卷八

三

烈女等篇俾知大義見二子好學每從唐太史請益則深加慰喜聞里中女妬害于而家言輒聒之堂上客至治其脩隨敦半卮匪滌而後進稱爲賢夫人比襄敏公終几筵奠食涕泣以從歷三替如一日六親外至者極意寒溫令各安其寢膳去則有歡嘗曰今日如此他日安得如吾老婦在耶冀諸子婦聞而感也襄敏公驅馳仕路四十餘年居官無內顧居家怡然無戚戚不滿之意非夫人故耶夫人享年七十有八以嘉靖癸丑八月二十四日卒疾既劇長子仕自南京宗人府經歷馳歸與其弟太學生偉倉皇危急

祈以身代夫人安之曰吾年至此死無所憾惟汝兄弟敦好無忘爾先公言訖目遂瞑未幾仕轉廣西潯州知府婦爲工部尚書劉公麟女卽南垣翁也偉之婦則四川保寧知府蔣公益女女四長適大理寺副任卿次適督府都事朱君景孫伯曾次適鎮江衛指揮楊君圻子鐸郡庠生次適翰林侍講陳公沂子時億應天庠生孫男七長季儀郡庠生娶南京兵部尚書贈少保謚端敏秦公金孫女次季謙郡庠生娶光祿典簿華君宇孫女次季復季恒季巽季豫季晉孫女十長適廣西賓州知州楊君鍾子一鳳次適吏部

張永南集

卷八

三

主事史君際孫致詹邑庠生次適光祿寺丞胡公順孫來臣次字予次子麟瑞邑庠生次字副都御史于公湛孫吳次字鄉貢進士鄒公京子瑾次字江西南安知府呂公律孫騰芳餘尚幼曾孫女一以卒之明年甲寅某月日合窆者塘之新阡先期仕嚮哀告闕伏蒙 皇上憫賜祭塋如例仍念襄敏公舊勞無賜祭一壇偉也以兄之命奉史吏部狀來請銘一言一行孝子痛之惟恐不白顧夫人衆美咸備不能詳也謹撮其大爲銘銘曰於皇母範毓秀靈坤懷謙示巽履和蹈貞爰相君子奉對清塵官箴克謹動節維

殷存登樞位光我夫人貴不自有身如在貧保傳家
訓圖畫明神以莫不戰焉異中中惟帝鴻化赫矣
寶綸既祭既葬大鳳脯麟表之素旌寵自冊宸玄
宇斯遂塗車已淪有光不滅卓哉人倫

亡妻曹宜人墓誌銘

宜人以嘉靖戊子子編修秩滿封孺人其後予官
諭德恭遇皇儲誕生

上覃恩海內晉今封錫之誥命云始予年十九娶
宜人居五年而先諭德府君卒維時予有弟未婚育
女弟未嫁諸孤繁繁門戶不給宜人贊予力襄大事

張水南集

卷八

五

經畫婚嫁百禮稍備得無煩太宜人憂太宜人性嚴
重有家法子婦有過不少貸宜人先承顏如子事
父曲中所欲繇是太宜人怡然安其孝養如是者三
十餘年諸弟婦皆從之丁酉太宜人棄世予以學士
蒙恩賜葬東歸宜人迎之門相向長號痛至仆地
庚子服闋北上宜人未及與俱明年辛丑宜人冒暑
來從以六月十八日抵京越十有七日而瘡發在腋
又十有七日而身亡群醫環視莫能措効家人惶怖
日間卜筮禱鬼神不能救也嗚呼悲乎又明年予遷
太常卿掌國子祭酒事是冬十月朔會諸生坐朝儀

不謹罪宜首論予從貶秩南曹危倥種種宜人不及
聞矣宜人篤愛兒女疾病憂勞百事過損當其病殆
呼兒子鴻儀獨哀其在平時見予過督其業惟恐傷
之曲為掩覆退而詰責備至嘗指架上書曰父書不
讀積之何為又病中值先考忌辰予且忘之亟命家
人滌具祭祀言不忘孝至死且然況生時乎昔唐人
武侍御痛內豎亡歛其遺服櫛珥繫腕于篋月旦十
五日出而陳之抱其生兒以泣予不能是惟思其緒
言遺念行為四詩紀之于石間取讀焉庶幾収召魂
魄洋洋其來乎宜人生年五十有六辛丑七月廿四
日屬續之辰也以甲辰二月十五日安厝于由里山
之新原生子一即鴻儀庶子一曰麟瑞孫男四文孺
明孺餘未有名孫女二子有女二人長嫁劉甫政次
嫁曹駕皆官家子先後宜人一平而亡嗚呼天禍我
家荐罹哀酷一至此極也宜人姓曹氏諱如琳行四
世居城西之虞門里其先出宋金紫光祿大夫封江
陰開國男諱璉之後曾祖諱璣祖諱儼皆力穡起大
家父諱祥號怡蘭尤為敦尚本實餘慶流衍稱爲善
門母孺人出陳孝子生女而賢有自也銘曰婦爾職
姑爾悅成吾家芳補吾闕我有辭芳不能述貽茲新

張水南集

卷八

五

藏芳之死同穴

豫撰壙記并銘

余張姓名衮字補之欽賢里中人先考贈左春坊左諭德末軒府君諱誥之長子母胡氏封太宜人余生六歲先考遣從先生受書十六補學官弟子員肄業黌宮二十三丁父憂奉太宜人以居家日朝夕弟妹嫁娶百計俱難服闋仍爲諸生三十中應天府丙子鄉試一並下第越庚辰中會試維時武宗皇帝南巡罷廷試幸已我皇上登極臨軒策士衮叨賜進士出身復詔選進士二十八人爲翰林庶吉士余在選中與一甲三人同讀書試藝歲既滿閣臣議留翰林者六人餘付部議諫院臺省執事余爲御史尋以病告歸病痊後除領勅提督北直隸學校未數月翰林乏員頗急閣臣疏召中外二十人以請上點用數人余得召入爲翰林編修隸職史館續修大明會典校刊大學衍義分撰郊廟樂歌尋充經筵展書官晉講官已丑壬辰皆入塲爲同考試官皇上稽古禮文更定闕立方澤百神之祀肇修祀典特御奉天殿召學士夏言中允廖道南編修徐階張袞程文德五人入殿中上降自寶

張水南集

卷八

三

四

座步至御簾前親授之勅迎至閣中開讀選展

卽事無逸殿成命大學士李時翟鑾爲講官左右設紅几杌子各一令坐講書無逸詩幽風余時以講官序立在傍講畢駕駐幽風亭大錫燕於廷廡下百樂具奏聲聞九天雲醉歸來如在天上歷編修九年考滿陞侍讀甲午同廖道南主順天鄉試又明年丙申以校對累朝寶訓寶錄成陞左春坊左諭德上特賜燕謹身殿閣老李公頗謂衮等曰此祖宗朝燕諸王地也我備位內閣幸一至此諸君能不榮之丁酉南院員缺陞侍讀學士往署乃職仍加

張水南集

卷八

五

正

四品服色未卽途而太宜人之計至矣銜哀疏乞上批答曰張袞講讀効有勤勞伊母准照例與祭塋未嘗下之部議居家執喪三年不敢聽事庚子之秋復如京師仍舊官明年辛丑同尚書兼學士溫仁和主會試壬寅夏陞太常卿掌國子祭酒事是冬十月頒朔諸生廷序失儀給事中王夢弼劾之坐得罪降南京太常少卿旋轉光祿卿甲辰春正月九日上復念之忽遣中官詣閣下問曰今張袞何在繼得閣老嚴公嵩書聖主問公某等具以實對于時南北距違不審閣臣所對云何是後言官叢言前事袞復蒙

恩致仕余居翰林前後二十餘載自幸遭際日觀
清光性迂闇凡國家禮文大議有若正孔子祀與始
與閣臣議稍不合嘗撫疑義有七奏聞上不之深
罪至於天地分祀合祀亦然其在田野耻於素餐
嘗修江陰縣志嘗勸書勸縣令亟繕城池當倭寇竊
發圍城嘗奏靖倭末議凡五事累歲堂臣過採薦余
者是爲巡撫都御史張公景賢方公廉操江都御史
史公褒善巡按御史王君言饒君天民孫君慎鄧君
魏徐君洛周君如斗尚君維持方君恪凡十一人其
在藩司與督糧叅政任君環舉之其在縣令則毛君
張永南集 卷八 正
鵬受父老牒舉之其在學校則縣學諸生劉麒府學
諸生包涵等先後舉之此余聞而知愧者也余平生
一無所長獨小心謹畏惴惴自保罔敢余肆不學鮮
聞操筆爲辭枵然內乏以之自赧言念祖考歲時遺
像在堂韜主在櫝未有改題此余私心所恨也余年
七十有六逆旅之館其能幾何恐余旦且不諱子孫
妄意借言以華死骨蒐之辱也先期銓次其既往俟
余瞑目之夕書其卒塋歲月日焉若妻若子若婦若
壻若孫若曾孫法宜并著銘曰業業者懷翹翹者志
豈其不逢謁承明以延佇赫赫維時明明我 后中

或尼之嗟濡尾而汔濟其在我也多尤其在物也曷
仇優哉游哉吾返吾丘

張水南文集卷九

明議大夫常侍學士孫嘉瑞前翰林侍讀學士汪隆表撰

墓表

明故奉議大夫廣東提刑按察司僉事心韋龔君墓表

於乎此予亡友心韋龔君之墓也君自總角即聰慧絕人少長補學官弟子員翹然譽起提學御史累試之名在第一郡人子弟慕焉駢集其門正德丙子予與君同舉鄉闈辛巳同舉進士而君長予二歲時同年進士三百五十人同郡者八人出入相友君於衆

張水南集

卷九

一

墓表

中視予獨親昵凡有述作必出以示予論可否予惟知有避舍而已居歲餘君除戶部山東司主事出監兌運入替度支具有規畫聲稱赫然三載秩滿晉員外郎大司徒鳳山秦公簡君總計十三司章奏君朝夕勤事研思精勘動中機宜凡所上國計民艱前後數百餘條其最重者議藩封之祿杜中官之私正鹽課之法先是武廟御宇權倖之人表裏為姦懷臂輒呼難於正法君逢辰感奮裁其不可觸辟忌執奏至再上多允納大司徒賴焉年勞既積遷廣東按察司僉事俄丁母王太安人憂服闋再補君當分巡嶺

南尋攝嶺西兵備事從獲結寇聲連德慶等州君督

甲士往問之開諭禍福夷苗革心羅拜馬前不敢稱亂部內姦猾怙勢害人噬民田寇僧寺威震日甚君至收其魁者二家抵死謫戍有差顯列罪狀上之朝語侵當路太訐繇是曲中君竟褫職君歸自廣士民送者扶杖曳車歌謠塞路皆仰天嘆曰天乎胡不降惠俾龔君復至也比歸閱數月得疾而亡是為嘉靖壬辰五月六日年纔四十有九君平生矜尚意氣與客縱談少有乖忤必作色臨之氣平怡如也其所為文大率宗法左氏撫其英華旁羅曲探咀嚙為語鏗鏘成聲文出而人多愛之傳者亦衆矣居家孝友竭力大事嫁女弟二人婚從子三人教俗知詩書者若干人姻黨有急嘗割已脯之亡所愛君卒之日子濟仁方九齡生母蔡碩人在側君瞠目謂曰子幼如此俟稍長成當瘞吾骨于新鄉墓下與徐安人同穴求知我者銘焉以故君殯在堂十有三年而未舉至是濟仁冠遊黉校適追先志始克徵表于哀問銘于大理寺卿魏公有本以予二人君所知厚也竄竄之期歲在甲寅某月日君之父諱天爵承德郎戶部主事祖諱瑛曾祖諱禮洪皆不仕五世祖諱衡可仕費縣

張水南集

卷九

二

墓表

尹占籍常之武進自始祖諱六三始也君歷優婚姻之詳兄弟簪纓之盛載於廣信府吳知府希孟狀予特書其大者以告邦之人使知其愛在民其守在法其不忘在士大夫之公論君豈泯泯而亡者耶是為表

贈禮部署員外郎主事翁泉方公暨配錢安人墓表

方故新城仕族新城之有方氏猶史稱太原之有王京兆之有杜五世盛德而其子孫之詳顯融碩大傳於故老耆歸矣翁泉公諱模字廷端贈尚書禮部署員外郎主事今大中丞夔江君廉之父也承數世之

張永南集

卷九

三

上

傳其先多以儒顯中服勤而農者一二暨其父涿坡公源嘗為教官歷邵武建寧二儒學有育才名公承其後恨不策足高衢乃勉修祖鏞訓科之業每語客曰吾不得於儒將少得於醫庶幾良相之歎彷彿其

上內召方戒行而公且卒矣公為人博厚宏衍其中粹夷不競獨療人之疾汲汲求生病已不責其報予聞古之仁人也賤千金之璧負其赤子而行中丞君體公之志當辛酉江南秋大水禾盡死疏言於上請捐一歲之賦以活百姓寬其疏莫不慨然而流涕晉狐突曰子之能事父教之忠為父而不能以善勗其子何以責臣為是父是子稱忠於國無職不然蓋自藩臬而其聲已大矣非其盛德遺範之所在乎公既葬歲既邈矣中丞君謂墓上之石未有以刻日夜痛之乃馳書謂其故人某曰子史氏頗有述也予謂古今人之有勲庸善德者歿而立諸墓門禮也翁泉公之與錢安人以德則同以教子則又同閨門飭事能助夫君刑于之化則婦人之職為顯安人有也是故善人之行吾能言之善人之所以自樹譽溢當時聲流後代則善人之為之也豈待言而後表哉方之先裔出嚴陵其後徙杭之錢塘自錢塘徙從之新城故今為新城人公春秋六十有五嘉靖乙巳七月二十一日卒安人年四十有一先公若干年而亡是為壬辰四月十三日子男三長應即中丞君娶羅氏次炬例貢生娶鍾氏次秋娶王氏女一適袁世隆孫

張永南集

卷九

四

下

男七曰墳曰基俱庠生曰垣曰佳曰城二尚幼孫女
五公以官名室有品號從中丞君禮曹之初考其大
者固昌熾而未艾也銘曰咨爾仁人聿稱長者靈馨
在林威鳳在野泥毓有聞仲弓其亞厚積龐儲篤生
哲嗣為王蓋臣領臺御史恭承簡命綬我兆人
旁詢疾苦適時艱也剪爪及膚豈愛其身曰屏曰翰
其臣其鄰惟德之究誰為之始維公懿美名著鄉里
河秘馬圖山隱車器術在活人誼深教子保釐功高
密勿可侯皇有推恩始贈主事安人與俱揆德惟
似積而大之何恩不至芝山之陽實繪有耀邑人
張水南集 卷九 五

式觀永世是紹

明故中憲大夫雲南按察司副使南江鄒公墓
表

毘陵之有鄒氏宋尚書都官郎中霖自錢塘徙居始
蓋世家也鄒氏之有龍圖閣待制道卿忠公治理學
氣節聲動當時蓋名臣也忠公而下歷十有四傳而
公生公生獨穎異少學禮即以禮經魁南畿辛酉鄉
試其在庠序與古庵毛公憲養齋徐公問並馳名學
臺之試公與毛迭相甲乙其後徐公先顯後十餘年
公始與毛公同登辛未進士毛為給事中公自浦江

令召為戶部基司主事歷員外郎郎中擢廣西右叅
議調貴州再擢雲南按察副使又調廣西公之所歷
雖方岳大吏皆夷方蠻徼谿洞深箐之險豺虎為穴
公臨其地內籌外應不能一日自安故其在廣也岑
猛連黨以叛殺吏民虜思恩胡太守攻上林聲搖廣
州甚急叅將李璋力屈被圍公募死士若干人親執
桴鼓而前解圍歸質胡李更生軍中莫不謹戴其在
滇也臨安故盜蒙迷閩作公召石屏龍昌上官計討
之蒙迷就擒城河當四水之衝暴雨至河溢為患公
發民丁作大堰障之民有田廬莫不相保人呼為鄒
張水南集 卷九 六

公堰始治浦之政立有生祠分司戶部之職權稅能
清至今路人能道其事公居官前後三十餘年還廻
仕路旅進旅退其進也以公車之交薦其少却也以
私憾之難嫉大抵譽者十有七八毀者不能二三而
其譽者又皆賢人君子名德大臣則其毀者予不能
知也公既告老家居都御史王公以旂歐陽公鐸復
薦公可起用公一意林壑日呼酒伴相尋勝處而遊
絲竹妓樂喧喧不廢細謹者或少之公曰吾借是以
自污耳而予何知也襟度開豁家無金錢之積少長
從之遊有所請意無不懽對客而棋勝敗皆可喜而

公獨居其勝人不能敵閑事爭能乃如此事二兄禮最謹不獨分財外物已也家庭稱孝友云公諱觀字敏行別號南江父諱量蒙恩封如公官母張氏繼母楊氏俱贈恭人配惲氏有賢德憲副東麓公魏之從子封宜人晉封恭人子三長齋合浦丞今轉榮祿紀善次駢寧都主簿次馭國子監生早卒孫男六人嫁聘皆名族嘉靖辛亥七月二十日公病卒享年八十有一卒之又明年癸丑十二月葬某山之原啓惲恭人合窆焉京也持戶科右給事吳君希孟狀來

張永南集

卷九

七

五

明故贈監察御史湖濱周公墓表

湖濱周公既歿之若干年葬某山原矣既又改葬石人之阡其子中丞公如斗撫我江南出其所親管都諫狀俾予表公之墓予惟人之有行誼勲績者歿而列諸墓門禮也予於中丞公故交也自御史巡按于茲提學于茲稔聞公賢矣先是予官京師與公之從

子太僕少卿如底遊如底又嘗言之吾少貧且賤不吾叔父曷以有今日言咽而淚至承曉今也予既為之為公執筆豈待狀乎公為人少負英資有倜儻氣嘗涉獵書史料世事多中其父西隅公某責之以幹蠱而治務各各有緒家用以饒伯仲二父與其父君不任生事纖悉皆公所總而能曲當諸父之欲邑歲大侵穀價翔踴公發私廩大減其直惠流鄉人者數百族有稱貸者夙負公其後有急不敢復言公察其私仍貸之意豁如也周之族大故家繁繁蕪沒不辨公額石題之蓋之以畝以供祀事旁及姻黨莫不皆然其餘小宗之親尤極詳厚貧者救之病者藥之死弗能殮者槥槨之童孺之未知學者群而教之思於三族豈不謂之仁也一日行市中聞女子聲嗚嗚泣甚公異而詢之乃一娼家買其身為妓公厚贖以歸室之以男俾為良家夫婦途有匍匐奔父喪者卒遇暴雨幾溺公前為之路復買之舟以資其還孝子得脫於死惻隱之發施於見聞豈非仁之愛以周也平生質直多信鄉隣有鬪須公一言而服退無後辭有一巨猾不聽於公抵死訟之官官利其關節欲高下之公急請前請曰民之命在官官之判在法任

張永南集

卷九

八

五

法活民惟明公裁之官不能屈卒如其言性復跌宕
喜賓客客至滿前尊酒不空謂為餘生樂事聲色伎
術之雜好一不之御凡邑中運河有橋查湖有閘皆
公義舉也公病之日生有禱死有哀聲滿里閭可以
觀人心矣其上世居鄆宋熙寧間遷姚之千村里始
祖千七府君傳二十七世至公公諱璟字伯美曰湖
濱即別墅以自號也生於成化甲辰五月十四日卒
於某年月日享年若干配古虞陳氏封太孺人男二
長如斗即中丞公娶毛氏繼張氏次如綸國子生娶
楊氏繼丁氏孫男五思克壬戌進士除某官思彥邑
庠生思彰思頌思耀孫女二長適盧某次受陳某聘
曾孫男二昌星昌祚予惟詩南山酬至德也有遜跡
衡門脩道養和怡神棄物而士憲其德民用胥附當
路采風憑軾示敬或思置之列位或思從信宿有不
但已者予於公不幸不獲當年相遇又深幸獲交其
令子與其從子馬情親心至德遠名彰表是以作也
表莫能罄復繫之以詞詞曰駕白駒兮皎皎隱玄豹
兮嚮鵲抱貞一兮冲虛恣臨眺兮悠齋憲流俗兮敦
龐樂有家兮熙皞瞻盛德兮清輝矯高志兮雲眇教
兒學兮聖之登天路兮道泰嚮澄清兮化流北保釐

兮周召龐有積兮駿發遠有期兮徵紹維子又孫兮
帝寵煥文明兮龍藻有來茂恩兮便蕃維此高墳兮
世表

明故處士愚坦華君墓表

嗟乎余親處士之行異哉吾所聞翰林侍讀學士華
子子潛為千言吾宗之興文藝蔚然世有善行即其
身不即凡試猶能推其遺餘以福後人咸知助

朝廷而明家俗也庶幾是者其處士愚坦公吾從叔
祖也其子舜欽嘗舉辛丑進士君方典試禮闈為座
主願載一辭刻石異之既又舜欽走金陵言遺事

以請按狀公諱恩字承之愚坦其別號也少負英儻
喜讀書於群藝無所不究間出其新意製為詩歌發
於文字琅琅然可誦書法宗近代沈大理篆隸行草
種種有體會功名無所指取復旁治岐黃之書得其
奧旨出以察病病者應手而愈十有七八貧不能市
藥者周之德公而念誦道路者踵接也事父母極孝
矜衣寒煥時其飲食選具而進仲子某與其婦不幸
早亡有子甫一齡父泣謂曰吾不忍此孤之無託也
汝謹視之公撫之如子比長授以室生子方一齡而
身與婦亦歿公撫之如孫保其似續有延謹父命也

從弟永之病疫懼者傳染不敢近公旦暮周旋求之
得不死從子淑病且革家事舉以屬公勞甚及公命
季子往紆之百難搖撼不少避室弟鄒有孤不能存
公畢力護之家幸無恙母姨之夫楊文某死厚為之
殯見田間毀塚憐為故氏之鬼命家人增築其墓曰
無為農器所傷也其宅心仁厚類如此晚歲逃遊廬
井俱在親舊之不仕與倦而歸者不在東門在西陌
可呼而至酌酒賦詩未央也於乎若公者厚倫怡性
世故不維非所謂幽人旦旦者耶享春秋七十有七
嘉靖癸丑五月二十八日卒卒之又明年乙巳三月
張水南集 卷九 十一

明故中憲大夫雲南按察司副使史公墓表一
正德初予時尚家食聞閩人逆瑾盜威福流震天下
御史昌言于 朝多杖死南京江西道監察御史借
山史公良佐素聞忠鯁與其僚若干人條列罪狀北
向稽首伏望 天威蚤除君側瑾怒繇是公等械繫
京師詔杖之闕下斃者二人公幸得不死既還金陵
家徒四壁立無以自活以其同官一齋相友善也事
來江陰與居歷二十一寒暑始構宅一區是為史氏
之新第又大半不治拮据之勞人所憫惜也公年二
十八登進士第始克娶婦氏曰龐不幸龐早卒未有
嗣息公又罷官寡親昵念惟先人墓遠每當望祭才
然捧獻顧盼無後則伏地長號流涕不止至是聞花
氏女賢公再娶生育子女結有婚姻桑梓滿目怡然
如居故里矣公為人坦蕩不設城府不脩邊幅人乍
見之輒怪其狀久之益見肝膽莫不相歡公起家行
入陞御史又自廢斥起為雲南按察司僉事再晉副
使前後公在官守決滯獄若干斬苗夷叛首安其餘
黨夷方帖服奏 上賜白金彩幣有差滇池海口汎
溢公大脩治疏其潢污得農田千頃滇人大利當是
時公功名日起矣讒忌交至竟以庚辰歲從例致仕

居林下二十餘年逍遙自適詩宗古選書法晉人意
與所至作為歌謠客至與之飲談及墳典古事習中
浩浩不能窮也公卒以壬寅九月念二日享年七十
有一葬以癸卯十二月某日墓在定山之趾予在與
其兩弟懋方新土也世系之詳孫子之衆紀于大
墓有大司寇東橋公銘在焉予視公先進始予在
諸生公獨以文字知謂有今日予存之不敢忘嗚呼
公有大節而幾外于忠言復白于公論樹績于藩邦
推行于鄉黨獨不可表聞於後世哉是川大書于墓
上之石

張永南集

卷九

主

盤龍山何將軍伯仲墓表

江陰之山去城東十五里許蜿蜒而出曰盤龍焉松
林蒙密曲阿列阜類多故家前人之冢當盤龍中均
峰巒南秀突如竊如隆隆然隱起則何氏大墓在焉
何氏之先本和州人有諱貴今南京光祿少卿遷之
七世祖當元至正間貴與其伯兄得成志在戡亂奮
身行伍從我

高皇帝下滁洲渡江而南屢立戰功得成官至萬戶
守江陰即其鄉以為家貴尤勇智膽給贊元戎獻有
奇謀都督吳公某特異之奏授百戶歷功陞副正千

戶指揮僉事

詰封武毅將軍所歷三衛自廣洋而

江陰而福州職在備倭出入海濤大肆鯨鯢之戮夷
患帖息最後伐明郡校平陽麻洋張濟嶺悉平獲罪
倖戕不可勝紀勞苦而功高朝廷再錫之詰改武
毅為明威將軍四數駢跡身木及而卒乃返葬邑東
之盤龍山朱恭人樹與伯氏冢分昭穆焉世代殊邈
二冢縈縈雜荆棘中封隆之地傍侵者十有四五而
子孫留江陰卑躬不能振振焉幸其光祿君始舉進
士為吏部主事聞而痛之遣所親急視其處稍加葺
治既又轉南京吏部考功司郎中便道趨江陰拜墓

張永南集

卷九

十四

下鳴咽不能興予時從旁觀之其容戚其情哀蓋孝
孫也於是辯生感剪蕪翳表以高閣羅以嘉木案盛
有田封壤有數墳之事備矣光祿君家於德安寔明
威之長孫銘始銘襲父澄降職得百戶自濟南調泲
陽德安四世為楚人傳至某功陞指揮同知榮戰之
門復大則光祿君之父也盤龍工既訖光祿君乃醵
石使予表言其往烈嗟乎眇茲遐年玄石不計綸絕
歛鍾壤牛亭馬鬣之築昔人以為哀韓魏公修其五
代祖塋域追遠之孝君子大之光祿君嗜學慎行求
明古聖之道知為人子為人臣不有其身則以光照

其先祖者有道在也豈待予言而表乎予姑勉其
意既揭之而系之以銘銘曰英英伯仲寔惟虎臣挺
身下卒佐 命真人元戎錄計 高皇喜俊鉄鉞是
憑將軍有印萬戶崇封六蘇斯競踐彼闔越百城南
定氛侵廓如射虎遠屏皇皇 聖書家雄輝映衣冠
藏此歲月彌久榮域莽然松檟均守爰有文孫曰惟
光祿適追先志思皇似續既非既除允式允殷維祭
有田惟封有秩告爾子孫垂祀千億

明故秋厓李處士墓表

秋厓季公諱葵字子忠好修晚節託廬澄江之上伏

張永南集

卷九

十五

七

閑靜陳誦詩讀書以處士老焉年七十有三嘉靖庚
申八月十八日卒其子給事君科自京師奔訃擇以
卒之又明年壬戌十二月二十日葬公黃山祖塋之
次乃函曹太史狀請銘於其座主少宰董先生退而
命予題其墓石予於公友也晚託婚姻又戚也見公
少日故貧嘗設教里中資膳脯不能兼衣苦乏游歲
之儲其心曠然得景而遊折芟煖枯有謂哲淵灑之
氣鄉之長老有若廷尉湯公者愛重其人多折節與
之遊比聞子弟相慕悅而從者益衆生子給事君當
其童幼天機暫發公心戚戚喜動每謂人曰大吾門

者必此兒也既而文藻日揚出試輒效當大比放榜
之夕預為具以待報者至人或怪之公曰予老人非
誕也王修不器桑基二子於弱冠乎已而連中果如
其言人謂公之善料其佳兒賢於著蔡督教又可知
也季氏之世累世業儒其先諱有聞者皆以諫官顯
自公之曾祖瑞祖成示皆業農父文出復業儒而名
復不偶公又不然乃今發於其子顯於教矣而胞封
未逮需有贈也公性跌宕好古法書其於懷素尤為
銓妙酒半酣每伸紙縱筆以自豪客所與游抵掌歡
暢或謔公之貌公笑曰晏嬰短小不相濟國乎王燦

張永南集

卷九

十六

七

貌寢非魏文學傑乎公曾次多羅古人言出而引譽
以自高類如此其心多愛不立町畦閱方書得一奧
法輒購奇藥以待病者病得其藥輒愈推是心也何
物而不然也有不然者力有限也當父母存日家貧
而能竭力弟幼而能提携族遠而能救恤鄉人大敬
之母周氏配徐氏繼葉氏子男一曰科禮科給事中
娶邢氏女三吳及流肅趙觀其壻也觀縣學生孫男
三長同春次同寅次同芳子謂人之百行莫大於孝
公能追念其親厚其同氣悉先人之產以畀之而猶
以已志未滿為有待子既貴矣不以其身自侈出遊

於市布袍如昨徒步如昨人不知其為給事父也是可以風矣行人過公之墓嘆而吁仰而企曰此吾延陵季處士墓也孟軻氏所謂一鄉之善士也其不朽也夫

明故大名府開州州判封奉政大夫兵部郎中
一桂華公墓表

華氏大家世有聞人自考父說食采于華因以邑為氏傳至諱覈者仕於吳而居錫遂為無錫人覈五世孫實在南齊詔徵為孝子其後世復以宦遊之汴籍居大梁又其後復徙而南居錫隆亨再遷堠陽又自

張水南集

卷九

七

堠陽而徙居鵞湖則自貞固先生諱惺惺始惺惺生興叔與叔生思源思源生守吉則公之高曾祖也傳德既遠子孫益熾而昌詩書甲科之盛更組垂魚為時名俊則今鵞湖支派為獨盛云公諱謹字企容一桂其別號也公生三歲而喪母鄒氏依祖母鄒太夫人泊能言舉止異凡兒其父慎齋公嘗指而言曰大吾門者必此兒也稍長即劬身向學入黌序為明經弟子既又會例升國子生維時父既蚤亡門戶孔棘公以少年獨承之了無懼色內則盡倫孝養祖父母繼母外則指揮家事僮奴千指領事而趨各各有精

張水南集

卷九

六

采聲生勢長家大以與諸父見其若此謂有鋒穎中露些噉媚不能出氣動以苛禮繩之一旦違意公受杖傷紅衣血漬公私藏誠諸子曰吾留此非以志憾也昔張公藝以一忍字九世同居吾庶幾勉焉保族宜家其戒於終咎乎以故公之子諸父之子若孫不替如初人謂一族之中有三代氣象皆公力行禮義之效也公志在用世既連不得志於有司晚乃謁選遙授開州州判公去職以歸其老于鵞湖之上當是時公之仲子學士君祭已舉進士為翰林庶吉士傳邁有聲其後出為戶兵二曹主事員外郎郎中公蒙恩推封主事加封兵部郎中學士君尋以大廷公聽復入為翰林修撰馴轉南京翰林侍讀學士末遭吏議需外調學士君疏請而歸以公老也詔特許致仕其所未盡者蓋有待也公為人慎事可否不輕慮而發其使人亦然遵守家法一以儉德為事姁姁之燕貨賄之交閨帷之飭貶削殆至開居簾閣據几焚爐自對終日不知有人海內名人魁士結朝至者多所降禮暇則讀史書一篇見前代興替之跡掩卷而嘆曰家細而國鉅其理一也公家既富而有名黠盜數十人夜持刀而入學士君恐公驚悸即以身當

之盜盡得所欲而去公聞之亦豁然不甚怨也鄉鄰有急靡不周愛當學士君得雋之日始減佃人租之一再減十之二六尤貧者每畝貸米一斗豐歲償而不息官家例給房表白金前後當二百兩公請與族人共之此祖宗之遺也數事則可為有家慕義者之法公年七十有七而終是為嘉靖己酉十月二十日以明年庚戌八月二十一日葬梅里之原先期學士君與其兄光祿典簿君宇謀曰母鄉人宜人在堂奉命謹襄大事墓上之石宜有刻也乃請於叔父主事君基為狀因以授予惟韓昌黎校德悼勤以著不

張永南集

卷五

十九

仁

行狀

明故前通議大夫大理寺卿沂樂湯公行狀

公諱沐字新之別號沂樂世居常之江陰稱右族曾祖諱真隱於農力行孝弟有令聞祖諱鏞父諱虞號厚菴奕世載德嗣業昌昌並以公貴贈通議大夫都察院右副都御史母徐氏生母胡氏贈淑人厚菴

少無子晚服賈維揚聞胡女賢且著姓因禮而納之遂生公公幼岐嶷有大志厚菴公重念之不欲苦以儒生業公心自奮治尚書日窮膏晷不廢為諸生即有文名成化丙午舉應天府鄉試第六連上春官不利卒業南雍學益大成嘗疏經義數卷門人多用其學以顯弘治丙辰登進士第觀政戶部出為崇德令公下車問豪賊撫痞民修學宮三載而化邑用大治民立生祠祀焉秩滿被召選為山東道監察御史居臺論列侃侃出按汴秦三晉擊貪振良所至赫然有鷹鷂之象未幾陞湖廣按察司僉事公方便近展墓而謫官武義命且至矣公為御史不阿權貴正德初逆瑾熾虐諸所舉劾欲以私奪之公持之不可瑾訐之遂至落職武義巖邑素號難治操之太急則以軍中吏更多不免公誠信馭之民咸革心嚮化如崇德矣庚午瑾敗詔起公廣東僉事督理鹽課重賂盤互吏多敗墨公創臨之剔蠹擲垢不遺餘力廉名大動天下繇是累遷福建副使江西按察使浙江廣東左右布政使治行流聞撫臣按史上公理狀前後凡三十餘章丁丑公以方伯入覲大冢宰楊公一清廉得異等之效手疏才節堪公輔者數人乞表之

張永南集

卷五

二十

仁

以風吏治公與故大司馬李公承勛開住少司寇劉
公王首被旌焉嘉靖改元陞都察院右副都御史巡
撫貴州兼理軍務越明年更撫四川苦部寇亂公提
兵勞效西鄙肅清 上褒詔嘉之賜白金二十兩文
綺二表裏乙酉被簡為大理寺卿一國有人政威在
議列多所贊襄 皇上優禮大臣命公入侍 經筵
寵錫 御製洪範序文獻通考 恭穆皇帝容翰皆
渥恩也公感遭逢君廷決獄孜孜不怠嘗曰廷尉天
下之平也一摧天下用法皆為重輕民安所措手足
遂榜其堂曰天下之平書其左右曰因情求法故有

張水南集

卷九

三

不可入之刑移情合法則無不可加之罪公之敬事
盖如此丁亥晉人犯應重辟 天子以御史治獄多
冤詔下三法司覆議公三奏讞不稱 上旨竟坐免
官公既田城南九里故有庄一區公野服從之躬課
農事日訴訴焉旁即隙地為園植菊數百本花時盛
招賓客故舊飲酒賦詩連句不輟蕭然有韓魏公矜
尚晚節之意先是公子雲霄榭堂三楹待公歸老公
歸題其堂曰留餘示造物禁盈不敢盡也公平生廉
介質直耻為滛忍邦大夫相見語不及私人亦未嘗
敢干以私見人不善心疾之若冠章甫坐簞屨即面

不忍痛叱又公之厚也公自為郎以至大卿言貌恂
恂不以軒冕自盛微時所識雖披褐賣薪之賤公必
俯問其廬富人貴吏非其道問愧斬絕不與交歲時
結社數老人班白彬公倪毛燕坐相與樂甚尤好汲
引後生後生從公遊皆令使半論學晚年文益高古
鄉人慶輓競欲得公文以為重公懸車六載輿堂降
茂天下想見風采公卿大臣御史給舍內外爭先薦
之章凡數十上凡三十有八人其文若口練達剛方
忠清慎謚志切經綸德表風俗此數言者公之實錄
矣公素羸無疾病壬辰八月四日忽遭痢疾劇公度

張水南集

卷九

三

不起召家人與訣親治後事悉甚越二十有九日卒
卒之前夕猶作三詩最後一首惟以國恩未報為恨
神氣不亂視死如歸鄉閭德之長幼莫不流涕公生
於天順庚辰十一月十八日享年七十有三娶陳氏
封孺人累贈淑人慈孝恭儉有助於公先公二十年
卒公傷之終身不復娶旁無媵侍焉子男二長雲七
品散官先卒娶吳氏次雨太學生娶陳氏繼薛氏女
一適義官周都孫男二長世賢以公廢為太學生娶
周氏次世勛未聘孫女三長麟英次驥英次鰲英夏
尚綱何應期朱仲曾其婿也曾孫一舟甥徐氏公性

孝友厚於宗族有弟曰濟撫之尤極親愛追慕祖考臨老不衰嘗欲大飭墳域未就公歷官中外三十餘年畢力于公未嘗私營尺寸惟以清白遺諸子孫而已公既沒逾月計至京師世賢號哭伏地不知所為明發南奔將卜以公卒之明年某月某日葬于故山之原啓陳淑人兆令寔乃出叔氏之書述公遺命以狀屬袞袞念吾前母孺人定公從子而袞辱諸甥蒙公教愛最深乃披淚撰次如右之上之鍾公記室例不得牒考功太常議謚則夫人之同戚也豈公之不幸耶於乎悲夫

張永南集

卷九

五

明故光祿大夫太子太保南京兵部尚書鳳山秦公行狀

公之先自淮海先生秦少遊觀仕宋國史院編修官直龍圖閣文名重當世紹聖初坐黨籍編管彬雷等州既道死歸葬揚之高郵故地其子湛判毘陵郡遷葬于無錫之蠡山子孫因以為家五世祖叔謙自其父端五出贅王野舟氏始居胡埭去今張舍僅五里許生子彥起是為公之高祖曾大父諱璞字物初配殷氏大父諱景董字以行配徐氏繼配楊氏父諱霖字潤夫號卑牧志行醇篤教授鄉間有法著有詩歌

行世壽七十有七而終配俞氏繼配王氏皆由公貴三代並 贈太子太保南京兵部尚書配贈一品夫人公諱金字國聲別號鳳山成化丁亥九月十一日生歷事 三朝享春秋七十有八公自童時即穎秀不羣見群兒戲每卻避之端默自若卑牧公授之啓蒙諸書退為家人解即能了其大義十有七八自是手不釋書至忘飢渴寒暑一日卑牧公對客以陸績懷橘命一詩公援筆立就其詞曰公紀因心孝懷棋奉母慈拜時曾墮地家術大奇之滿座驚嘆謂為神授至今傳之稍長事唐元敬進士又從宗人豫齋先生

張永南集

卷九

五

生繼學蹊徑豁然大通為文日有繩尺丁母王夫人憂毀瘠如禮自為之立傳歲丙午公年二十由儒士赴選郡邑以至督學御史三試皆第一是秋領南畿高薦名益著卑牧公欲大成之不遺會試亟令就西塾讀書如故越弘治癸丑中式射策 大廷賜第二甲進士出身故相徐文靖公在位召試館職公以父老急歸省不就文靖公愈器重之嘗謂人曰釋褐新進能知忠孝大節不有秦氏子耶乙卯授戶部福建司主事委督太倉糧儲明年監臨清倉勘順天等府災歉監收長安四門倉及象房糧芻剔抉姦蠹撫綏

惇嫠職職而舉三載考績銓曹署曰文學政事並優
奏上 推恩封贈其父母及鈕夫人如制大司徒太
原周公經簡公視諸司章奏盤錯多所裁決羣陞河
南司署員外郎再進山西司署郎中時邊書告警軍
食不贍太宰清谿倪公岳司徒猷山侶公鍾惠之謂
非異才不能急濟乃超公本司郎中計處糧餉條陳
時宜曲中緩急二公謂為得人癸亥丁父憂泣血三
年不與戶外事正德改元服闋復除戶部四川司郎
中是秋 誥授奉政大夫 贈封其父母及鈕夫人
如制時戚畹恣驕中璫擅作奏計引鹽運袂以據公

張本南集

卷九

五

傳

持之不可大司徒洪洞韓公文執奏至再其風稍稍
寢革繇是嚮者怨公嗾邏事者橫撫之竟無所得戊
辰禮部以會試同考官請公以族人子弟多入試辭
不敢赴是歲陞河南按察司副使提督學校公以身
範士嚴立課程哲于品藻凡所甄拔率多嚮用朝紳
之士自郎署以至公卿翹然而賢者半為公之門人
說者謂邵文莊公與公同駕信矣庚午陞左叅政分
守大梁時劇賊劉六劉七等嘯聚亡命長驅河洛所
過焚燒城邑殺吏民將薄封丘公先期設備繕城堡
峙糧糧會參將宋振提兵南下公馳檄邀之翼以民

兵鼓戰遇賊于陳橋剷脚野大奮擊之斬賊首若干
級生擒其魁封丘晏然土人生為立祠歲時伏臘有
過利下感泣者是歲陞山東右布政使癸酉轉左公
總方數千里之政重念民遭賊刃極意拊循凡勢要
請託翔價賣鈔等蠹民數事即日禁除民大感悅中
戊陞都察院右副都御史巡撫湖廣地方督理軍務
公挾二僕以從不携妻子所至問疾苦誅姦貪威聲
惠流 奏上便宜八事繼上十事四事皆艱危切務
其章載於國史可考巨盜盤詰四面蜂起公擒賀璋
廖琪于江計獲奄于柳桂靖叛苗于香爐峰其功最

張本南集

卷九

五

傳

著三載考績 誥進階通議大夫贈封其三代蔭一
子入監讀書已卯逆濠告變 大駕親征中官李鎮
附麗彬賊橫肆誅求禍且不測公抗辭直奏請以一
身當之民免於毒戾辰陞戶部右侍郎辛巳改吏部
尋改戶左時大司徒九峰孫公交在召未至公攝部
事清理勳戚莊田禁革勢要鹽引糾籍勾稽兩直隸
十三省逋負國用漸充先是柳桂功成陞俸一級蔭
子一人為錦衣衛世襲百戶公疏辭免至是 今上
皇帝嗣登大位錄舊勞 賜之白金彩幣仍舊俸級
如初癸未陞南京禮部尚書尋改南京兵部尚書參

贊機務是冬改戶部尚書公因條奏處時政以脩國
儲凡數事琅琅千餘言一言一藥皆治世公患丙戌
考績 詔加授資政大夫加贈三代及封誥夫人如
制丁亥乞身歸田 上賜爾書寶鈔乘傳以歸仍命
有司歲給興隸月給廩有差時年方六十加一矣字
執大臣暨諸官御史百執事皆詣闕請留公既歸言
者不已章且數十上辛卯復起南京戶部尚書壬辰
改工部尚書時 廟工方殷公夙夜在公督視維謹
料理有法大工賴之甲午六載考績進太子少保公
累疏言歸乙未加陞太子太保改任南京兵部尚書
寔我 皇上從欲之仁聽公安便之私故有是命越
明年丙申年七十據禮引謝 上不允再疏以請始
奉 溫詔賜歸其鄉歲給興廩如初丁酉例給四代
誥命於是公晉光祿大夫遭際之盛終始之榮一時
仕宦莫之與儔公既家居動關世教賓客過從每語
不忘 朝廷天下大事退率諸孫課其舉子臨文自
為點竄見其學業向進欣欣樂之公寓城中有後樂
園山有鳳谷行窩間一造焉必與客俱客退而公就
寢室左右圖書日弄筆墨為事間遺故人手自勅狀
間發之詩歌以相贈答終其身不衰以嘉靖甲辰正

月某日薨于正寢公病痰火無一月未瞑目之夕鈕
夫人在側召家人與語井井不亂猶口授一東遺其
子汴曰此吾治命也汝盍慎諸公有子二人長曰泮
鄉貢進士娶張運使愷之女先卒次即汴以公膠授
南京後軍都督府都事娶楊揮使圻之女女一人歸
華方伯采之子國子生琰先卒孫男六人相國子生
娶徐宜女檀邑庠生娶王文肅公孫應天府經歷文
炳女格娶夏中舍範女柄邑庠生聘白康敏公孫國
子生誨女楷聘史大參子國子生淮女桂未聘孫女
六長適楊都憲璿之玄孫國子生俸次適杭都憲淮
之孫官生仕鑄次適國子生徐衍嘉次適國子生華
諒又次字周季寢今太子少保南京戶部尚書約菴
公孫國子生偉之子一幼未字公平生無所好服食
儉甚內無姬妾之奉外無絲竹宴衍之樂惟日孳孳
忠勤體國當其職守有撼不搖遇物溫厚見片善必
亟稱之不幸有過輒為掩覆位愈高憂惕愈至每當
晉秩必悚然懼曰食浮於人吾所畏也惴惴焉惟以
償事為戒始領鄉薦即惠養宗族叔祖雷從叔祖覽
皆老而貧視親疏並贍之寡姊不能存公携歸共爨
焉兄弟恩甚厚既歸嘗建淮海先生祠配以先世有

德題曰五先生祠作家乘築四代帶城邇追來孝公
有文集若干卷曰鳳山詩集撫湖政要安楚錄則既
梓行于世其雜著稿臺省奏議諸疏類葉方緝成編
而公以逝矣公子以公之卒將奏討于 朝請
天子命擇日葬公子歸山之薛敷其所卜兆公自營
也予於公為後進拜公之教二十五年于茲嘗侍公
側顧謂余曰吾老矣即有不諱願以平生累子予泣
然而不能對至是公子復以公之治命來請狀予嘗
考宋名臣有若王曾之忠厚張知白之清純曾宗道
之剛正薛奎之質直各以一節顯名來世若公者兼
而有之豈不光大也謹撫令猷以備史闕庶幾鴻筆
者采而銘焉謹狀

張水南集

卷九

无

張水南文集卷十

傳

吳孝子傳

吳鳳邑之順化鄉十二都二圖人年五十歲本堂讀
書居常食貧賣錫以為業晨出負錫餅者出一大錢
買之納諸懷中急持而歸人問其故曰小人有母頃
以遺也如是者不日不月歲以為常又嘗置簪簪雜
物貨于市有一惡少虐取之鳳不為較或曰汝何懦
也鳳曰設吾較之恐罵及父母辱也母亡白楸之棺
斂以時服又皆貸於人蚤夜傭作盡力乃獲償既葬
每夙興拜墓下具盥盆進餅食如初以母生前不賴
而不食也伐樹枝為屋棲號墓側歷十二寒暑人見
其若此謂為孝也合辭言于有司有司見與人之論
若此也函辭告于

張水南集

卷十

一

即

天子下禮部覈實賜詔旌為孝子曰有司者前令中
谿李君也嘉靖丙午孝子死松楸寥寥闕遷厝之資
麟陽趙君即吳故冢拓地為域樹碑其上而祭之匪
以私孝子也將以明化也夫人之不以孝也而後孝
子之名有也有孝之名而情亡者群聚嗟之然後知

鳳之孝誠然也鳳初亦不自知其為孝也夫情蓄自衷事符則感志遷于內跡泥難通自然之理也予方載筆邑志麟陽以通邑公言命予立孝子傳

贊曰詩稱兔置之野人非有異行也特以其修行中林人所不知之地故聖人取焉以列於國鳳生不造遇人之艱難矣獨其事毋發於至誠出乎至痛賢令君采風而章之以教國俗豈非情深錫道義切天經有不能自己之者哉

烈婦龔氏傳

龔氏順化鄉人能之女年十七嫁劉王王早孤家貧甚烈婦苦身力作養其姑姑亡賣衣襦相夫營穴以葬成化甲辰五月夫復亡不知所出里少多婦色詐義欲棺之烈婦覺其賂已也辭之既又強之乃以所生六歲男阿護三歲女寄食母家是夜積麥蔀屋中舉火自焚而死質明人往視之發蔀燼夫婦骸骨具在弟龔廣合收而塋葬之其地在鄭澤河北迨今六十餘年幽潛未表行道咨嗟前令李君元陽聞而哀之嘗志諸壙至是麟陽趙君主縣事備上其狀于行臺其文曰躬孝勤之行厲貞烈之節義卻貧金志存夫嗣有引斧斷臂之勇而智非所及有舉刀刎頸之

義而處復從容是宜奏請以明令典行臺報曰可碑其墓曰烈婦龔氏

贊曰婦人女子之情怯也擊毒細害處額而避死烈火之在前乎壯士之蹈白刃非出於迫即生於激也勢無大迫義無甚激而能從容自圖委骸烈婦此其心一於所從而不悔也於乎白日在天丹城燭地雖百夫之特何以加焉予故傳其事告今之史官

東漢范君傳

君名浩字本盛其先本鄧州順陽人自唐相餞冰公而下累傳傳正當憲宗朝舉進士宏辭皆高第授集

賢校書郎歷刺三州有殊政晉宣歙觀察使因留子孫家於休寧之博村又自博村徙林塘凡十有五世即今君所居第也由宋及我明興族姓益大而蕃綰青史題粉署駕朱輪者凡若干人君之曾祖景亮復以孝名當世祖存誠父其號石山皆能承其休問燭有令名君生而個儻才智輻湊善計生事以為揚當水陸之交列國四通百物所貿易也迺治產積居射時有先後取貨有錄良丹浮較轉交利而俱贍數年之間起富累鉅萬號為魁桀正德庚辰

武宗駕幸南京賊斌以遊擊扇虐誣指江南大賈饒

率國利縛致行在君在逮中付吏竟無所得一時名
卿賢大夫素善君名聞其昭雪喜逢 聖明之代下
無冤人競作詩歌送之積卷盈兩行李載色君自得
禮於名卿賢大夫也挺身慎行渝自平約義聲歛然
嘉靖丙戌邊用告急君願首助私錢若干萬

上義之詔階武衛三品拜河間衛指揮使丁亥結鄉
友三人往販於楚而三人者至有參差中又物故貲
皆散亡君獨出而各歸之已亥越人諸德中領君貲
入鹽場生息身歿海潮其子持所遺金來白君曰第
收汝父骨歸葬爾吾無意也先是客伴吳其道亡鹽

張水南集

卷十

四

四

引直千金索之不可得中有識者曰須君一言以為
質庶幾故物可還已而果然以此見君之信信於人
也壬寅春淮北大饑人庶群入野澤掘芻此而食之
更相侵奪按行使者懼民生亂庶得君名俾貴賤
羅往救之人心則夷安堵如故每歲徵人客於淮者
甚衆歲晏君為釀首燔黍押豚置酒高會無少長咸
在其平時相約則曰公事不畢無苟食肉飲酒其得
張弛又如此君姓孝事父母曲盡無方撫兩弟甚厚
博村祖窳林塘宗祠歲久不治次第舉而新之片以
通追先孝也居第後有園闢館延客花竹交映顏其

楣曰東溪草堂故人以東溪呼之教諸子皆業文嘗
提其耳曰有能邁予之迹者上也其不然者俟吾必
衰老聽脩吾業而息之足矣今年歲在協洽而君方
初壽縣大夫請賓之鄉飲君辭曰菲薄即其言遜而
君之行可見也夫一布衣行賈成業與公侯埒富非
徒然也白圭曰智不足與權變勇不足以決斷仁不
能以取予疆不能以有守不能喻吾術也又漢法入
貲聽為郎馴致高爵秦人貴畜牧令烏氏贏比封君
以時與列臣朝請君之事大率類此不具可傳已乎
論曰昔柳宗元嘗以商喻吏也汙吏之為商不若庶
吏之商其為利也博是故貪商三倍之廉商五倍之
言五者示其倍也利入既倍名尊身富而家強子孫
葆光庶吏之商博也使今之為吏者脩嚴潔白苟有
取於君之為商則樹德之效愛人之利博哉達之天
下矣

曹母鄒安人傳

安人姓鄒氏諱某錫之徐塘人行第幾世為晉陵望
族宋贈寶文閣直學士謚忠鄒公浩當元符間嘗職
諫諍忠言讜論名滿 朝廷而第潤亦起進士有聲
於官孺人其后裔也迨入我 朝鄒氏之盛奕世載

德簪纓不乏父諱和少讀書不願仕事脩耕稼之業
晦跡於農母同邑驚湖華氏猶人生而穎敏貞懃凡
女工之事過目即解意裁製過人父母深愛之頗以
擇對為難嘗曰此女恨不為男子吾得佳婿乃許字
焉最後得配齋曹公甚悅孺人自奉箕箒為配齋婦
姑既早亡同居諸姆皆長孺人克脩禮則謙然如執
少弟之儀以故諸姆皆驩無間言母華病風厥每夜
作不知人孺人素歸寧親自抱持雖中裙廁膾亦為
視具目不交睫者累夕其孝敬不衰如此配齋公治
家勤儉拮据萬狀孺人甘同勞苦冬寒辟繡簾燈達
旦不息間嘗賓客與配齋公從外至孺人內治櫟釜
又詳為之羹不見困乏嘉靖乙酉子宏殤孺人哭之
慟是秋長子寅中式應天鄉闈大喜所親或勸解之
孺人曰一本而分榮悴異焉祇以益吾悲耳戊子次
子祭連中甲科選知邵武有治績甲午擢戶部山東
司主事丙申皇儲覃恩詔封配齋公如祭官安人並
有是命祭以其俸十金製冠服寄歸為壽安人書報
之曰吾老婦得緣汝貴榮享郎官之金皆朝廷賜
也汝其強食勉之以圖夙夜吾庶幾其少安乎於是
祭用感奮聲名日起今大司徒健庵梁公方以庶勸

勵屬母向子稱曹主事不輟予遊京師二十載晚得
主事為友寔以自慶而安人間之亦喜其子與予遊
而不厭也子載安人書辭與狀少異蓋安人家庭之
訓作戒數端不止一享予特錯舉之以互見爾安人
享年七十有二子五人女二人孫男八人女三人芝
明王秀充然在庭而安人壽終公終固一時所稀見
也至若子孫婚嫁氏族與名各詳於誌於狀予可畧
也
史官論曰嗟乎先王之教熄而后婦人之賢始僅僅
見於世也周禮教女於祖廟祖廟既毀教於公宮所
以成婦順也後世之志於教者亡已而閨門之內鮮
完德焉是則然矣安人生長名閥不資保傳而言出
成誠與古內則烈女傳暗合功在其夫與子則其沒
也傳而美之宜也人人之不皆然也而安人能然是
雖教之熄也國風其將是興乎

祭文

祭陸儼山文

於乎先生不可得而見矣先生宏才博學其在詞林
傾注物望山斗重名其在講筵開張主聽樂石忠
誠遭時齟齬迴翔藩臬曾不少挫直道以鳴

天子明聖詔歸禁直宮詹翰學二街並攝感遇若斯
報稱何極精白一心夙夜勵翼思以自効其股肱之
力乃火災自劫未老投簪曾不三歲大命遽傾於乎
天乎胡不憇惠乎先生予先生後進也翰署攸處曾
不以予為拙薄數挽之以同升其實不肖頃遭吏議
歸事耦耕此身雖退期不敢負先生于冥漠聊以不
負乎初心斯言知已謹告明靈

祭童庶子內方文

嗚呼平生故舊豈無友生維君視我意氣交傾始予
同館予實材劣君能輔之切磋有益其後班聯史局

張永南集

卷十

八

廣

陪奉 講筵討論經術夙夜惟虔坐則並肘出則連
轡三日不見心已愕然君才獨俊高舉絕俗搜剔物
情毛髮必燭吐辭驚人謂如憂王人謂君才歐陽永
叔性復多情覽遊即詰曉夕春空雲山水裔嘯歌忘
骸脫畧苛細人或警之曷知君志辛丑之冬君奉

明詔歸掃松楸傳車揭揭寵光維休予縮國子君貽
我書宜謹身教無令士志竟負斯言蒙此厚媿孰謂
言猶在耳而君遽掩土也嗚呼天賦君以殊才茂德
偶然耶有意耶人之所以挽君成大意者不力耶將
天既生之而復奪之其咎在人耶不然內方之賢魁

梧之稟胡不顯施大受而官止五品壽不滿五十耶
予與君別三年而君歿既歿二年而予始克為辭以
寄酌於其墓豈謂宿草而不哭也嗚呼尚饗

祭沂樂湯公文

於乎公真已矣忠信之行端慙之操剛果之材天之
厚賦人欲易裁孰有如公葆光含真動由矩矱不失
毫髮以克全其盛德者乎蚤升仕途汲汲民生出入
薇省存登棘卿當其要路且可百金孰有如公潔名
完譽而終始一節瑕黷不生分銖不積以克全其令
名者乎丁亥之秋奉詔免歸人情得喪世路是非孰
有如公遺骸聲利保愛桑梓而風流標表傾聽四方
激拂當世以克全其晚節者乎於乎天下望公東山
再起我今哭公北邙已矣鄉閭俗化 國家典刑公
存公亡繫時重輕故哀哭公之死直傷泰山之頽謝
而非止渭陽之私情公靈不昧俯鑒愚衷

祭王太孺人文

於乎崑山之陽名產出焉美璧靈瑩徑曙神圓荐登
天府儼列琬琰人言之子英稟異質得於偏圻琢之
磨之以歲以年寔惟孺人之賢當夫婦事巾櫛奉以
周旋中道罹忒毒殞所天鞠有弱息不絕如綫珍之

張永南集

卷十

九

集

若壁教以遺編擷韓班馬之肆揚翹枚朔之旃聲蜚
至署彩雖金蓮陶母之髮孟母之機不可不斷澤肆
以延寔惟孺人之賢茂祉龐積丕庸孔宣 國有錫
典朱翟瑤璣已貴能儉既老益虔風聲遐激里閭敦
旋寔惟孺人之賢採養伊始軒館歛捐閔食報之未
既置俟定於吉 邇抑大厚錫賢母不在區區鼎釜而
王槐寶桂獨係於其子孫之美傳余言不諒敢昭告
于几筵

祭邵文化文

於乎操觚染翰子之才豈不美也凌雲摩漢攀附日
張水南集 卷十

月子之志豈不高且遠也有其才而未克周用於世
負其志而未即騰倬乎層霄君獨落魄生事舒嘯朋
遊豈其不得志於彼而暫以怡釋於此也踰四十而
膺鄉薦沾一命而為校官家徒四壁固也屢空是冬
之季近自龍溪齋牒上京師冀收末效於春官而歸
舟疾作及家數里而亡於平急景彫年暴感殞命醫
藥不救鬼神不仁將怨之天乎怨之人乎幼子童孫
孤甥老僕哭向蒼天我心如割其何忍聞嗚呼哀哉

祭亡弟德之文

兄袞聞汝之亡既為位同汝嫂曹氏弟立姪本以哭

復遣四弟立千里南奔銜哀致誠告我亡弟德之三
郎之靈曰先公生子弟姪凡七人而吾與汝最孱弱
少多疾病吾不先汝而死也汝迺忍捐其骨肉遽去
吾而不返耶嗚呼痛哉已卯之歲予來于京念與汝
別明星東方汝念兄去匹馬奔蒼言不能出嗚咽傍
徨孰知此別迺悲哀哭泣之地而遂成千古永訣耶
嗚呼痛哉汝念先姑之業懼以中落也嘗治城南之
田最而耕賢而植櫛風沐雨朝羣暮鹽如是者十年
其勞視農僕殆過焉汝兄皆逸而汝獨勞之且復安
之厚功而薄饗純行而早折之可憐嗚呼痛哉去歲

張水南集

卷十

十一

知

汝二兄携書示我謂汝年既長婚恐失期汝有言以
待予歸夫人莫不願有室家而汝獨以有家為累爰
無一錢應給公私心獨憂煎吾徒聞此語而不能卹
汝於生前嗚呼痛哉予苟丰祿京師不即歸者以今
年冬例當實授或希 恩請 封偕汝兄若弟捧壽
高堂而今不復見汝矣昔母而去焉離兄逝焉杳冥
不可居汝將何所依嗚呼痛哉天既大其年簡其
用而又伐其嗣予繫官守又不能相依以生而死焉
以相守棺不悲窆不視高皇天此恨何已予母中
宵而喟坐或昏墮以就枕忽聞晨鷄一鳴如哭聲之

在四壁使吾冤慄慄而驚斯心惜怛而發悸也嗚呼
痛哉家人計至以九月十八日聞汝臨終之言以汝
妻少寡為念吾與兩弟期不負吾弟於地下者唯此
而已於此有負吾何生為尚當豐養其節而後之以
保吾弟之祀也予未老而衰况多疾病如不可保吾
之後有弟也其忍負吾弟耶痛莫能定言止於斯嗚
呼痛哉

祭王前峯文

維公閎才夙負偉志將昌將明既踣既躓天乎生公
豈其無意維予與公同舉進士儲藝詞林讀書中秘
張本南集 卷十 十一

其後予守國子公時為貳朝斯夕斯切磋道義公才
溢出上書當于化俗之方安邊之計人不斯諒乃生
疑忌及公歸時予先謗事負罪而南獨守憔悴與公
相隔二百餘里荏苒七年流光如駛豈乏舟航遂闕
展視曾不醉飽以勸酒裁獨餘筆札歲時可記執牘
而悲涕泗交注我其莫之云胡能致嗚呼哀哉

祭張肅州文

嗚呼昔人有言苟我師者之信亡吾居此其何益蓋
非存者之舉無其人也歎典刑之亡痛斯文之喪耳
哀少公三歲而公先科第十有五年儼然前輩蔚為

儒宗丁亥之歲公自學憲家居起為左春坊左庶子
掌翰留院始辱公書問往來既而召入為吏部右侍
郎尋無學士掌翰林院事家以侍讀學士從公之遊
得以職務懸事館閣者十居四五踪跡之密意氣之
親公蓋忘予陋劣也壬寅家自國子謫官南都公果
為大司馬雖崇卑異署而暇時慰籍衷腸披瀝王我
顧我較昔彌深雖謂之骨肉之親可也仲冬朔日公
在病間袞往問之公召之入擁衾而坐對語移時因
謂袞曰吾昨櫛沐而冠燕出理部事乃損氣復勞須
數日可耳別未五日而公已奄逝予驚而奔哭于寢
張本南集 卷十 十二

祭徐養齋文

嗚呼先生負寥廓之志邈明誠之學思以比肩古人
不愧屋漏故其精白事主廉隅飭躬惻惻愛風俗
皆此心之為之也官至尚書貴云盛矣而此心兢兢
隨事致力不敢少懈猶夫初署郎位之日也勇退歸
田宜少逸矣而此心業業保有令名恐非末路猶夫
夙夜在公之日也始終一致隱顯介然若先生者可
謂篤行君子矣予少先生七歲晚途仕轍與先生為

爰者三十餘年親誨凜然如在而某也志與業業垂
老無聞其有負於先生多矣茲惟求訣獨愧苟延此
道不二豈間黃泉伏惟明靈鑒之

祭周約庵文

嗚呼公之面不可得而見也公之情其可得而忘耶
公在留都予嘗獲侍聞公論議寔多經濟畫地成圖
抵掌述事退食自公予至則喜觴酒豆肉嘯歌意氣
興至揮毫鏗然擲句緣素性來情益親昵乙巳之夏
公其歸田予亦亡署接軫而旋期操几杖粉榆翩遷
天胡降割公忽棄捐今茲之來有懷曷宣徒御星落
輅車暮騫勳名崇貴豈謂不足而予也特以交遊之
故姻婭之私生死之別淚下如泉公靈不昧庶幾來
格而聽之

祭蔣澄川文

於乎君亡矣鸞鳳之翼摧而不舉騏驎之足絆而弗
行時人之所傷也春雨滿堂良朋在念有懷莫漠而
難遡慨論古今疑義滿前思君一剖判而難得此予
心之所獨傷也三子一婿皆以文鳴曰大乎詩書之
族則所以慰君未滿之志者有在矣輅車在門些辭
在版惟君昭鑒之

祭李太夫人文

嗚呼申國夫人之貴上谷郡君之賢各除其盛未會
其全猗歟夫人元吉其旋生我相國秉是明鉉十有
三載功格皇天黃帝七輔文王四賢天子嗟其盛
德海內賴以晏然推本所自封章屢宣極于一品旌
彼三遷沒也寵卹大旨黃泉我交今予亦既有年聞
母聖善豈獨口傳聞門齊一之化儼古鵲鳩之篇遺
光在望垂範有焉某也越江來吊豈謂無輅梓溪有
薦聊告我虔

祭唐荆川文

嗟乎荆川吾不得而見之矣始荆川罷秩詞林歸卧
游塘之廬士大夫過毘陵叩其廬以不獲一見荆川
為耻迨其既出也士大夫之心稍慰矣又以荆川不
即樞衡為伊為傅大行其志之為憾嗟乎中丞要職
也有荆川居之人厚其望謂當有餘五十有四非天
年也自荆川惟之人望其壽與世立命謂為不足古
人有言生為世珍歿亦見思予於荆川以交則世誼
也以官則前後同史事也予身不肖齒獨邁之嗟乎
賢愚異致天壽曷疑天心厚德名歟獨私明靈自信
予言不欺

張水南文集卷十一

明議大夫常侍御史中丞兼翰林院侍讀學士張袞撰

雜著 說二首 歲四首 銘四首 贊五首
題跋五首 對一首

同野說

施子志於道嘗讀易青陽山中自署其齋曰同野既出門徧交友詣予問同予曰子好同乎吾語子以辯夫言天下之道者存乎同言天下之同者存乎辯大德敦化天地之同也小德川流非其辯乎全體渾然聖人之同也泛應曲當非其辯乎天地之能辯也而後三辰章于天百嘉麗于地犁然其不可亂也合同

張水南集

卷十一

一

北

而化其道同矣聖人之能辯也而後三才之理五品之倫犁然其不可亂也行之以異而天下順應其道同矣天地聖人一也始於吾心而廓之配天地同四野野者曠遠無蔽之地同者合一無間之謂行乎鄉閭而州巷應之行乎州巷而他州之州巷應之雖蠻貊之遠又皆應之無緣會無異同其真大同之義乎人惟習氣深重天理昏隔譬居卑室之中限以閑閤障以墻壁雖出門未可得而況見於野乎同至於野始於出門其道曷以善乎程伊川之言曰文明以健中正而應蓋文明則能燭理故能通天下之故剛健

則能克己故能盡大同之實此予所謂辯也君子以族類辯物之方也孔子克己復禮而天下歸仁曾子論絮矩之章而上下四方各得其分顧其同之的乎施子服膺聖賢之訓觀天與火同人乾與柔異位乎其應而不泥其同于其濟而不執其異則神明之區大同在我出以從仕可以濟大難而無疑也故易曰同人于野亨利涉大川

勿藥說

三極之根產於大行詰曲之嶺其氣融結形乃蹙縮如龍蛇之有瘻此雖喻言然非龍不能喻也貴之也

張水南集

卷十一

二

北

十圍之木輪囷詭特凌諸蟻蚘之杪液流擁腫如肉有瘻大匠睨而異之剝之以為榱桷酒漿之具設於堂檻貴重加諸穢象金罍之上木非瘻無以示其奇也石川子具龍蛇之德棟梁之材忽然而瘻生不藥而瘻亡是猶石川子間出奇言以驚世是亦瘻也胃中浩浩返其自然則其常者固在矣此瘻之所以亡也於是乎作勿藥說

良牧箴并序

司訓納齋叔父頃來應試京闈間語袞曰吾少慕良吏幸見開州孫侯子魚焉女其歌之余素昧侯

聞侯輩昌人起家進士功著顯標當晉寵錫余故
喜述而申之以規乃效崔駰體作良牧箴并序之
後焉

帝念下民仁德是扶爰立州牧皇皇大夫乃修鵬服
乃剖虎符人具爾瞻四境攸孚無曰我貴士賤可凌
無曰我大民細可輕肯於茲誦期艾擔軫農郊四關
惇嫠是殷綏其俗理以佐國經 天子賞德爾公爾
卿有一僭忒下民怨毒疚于爾祿褫其纓帶而覆其
鼎鍊書稱我后詩刺狡童尹氏視鏡毀譽靡回庶幾
夙夜以令厥終牧臣司土敢告在公

張永南集

卷上

三

上

慎滿箴

益之屯升之漸我讀其篇喟然興嘆滿而不溢高而
不危有德以將猶或害之况是崇侈能不殆而

警愾箴

精于勤荒于嬉先民有言可不尔思日復一日年復
一年因循自怨志業不宜須臾自悔將何愆

悅中箴

徐子悅中少嗜學晚而服官鴻臚嘗誦今大學士
嚴公明訓焉退謂某曰洽少也賤幸而獲教于嚴
公茲二十有七年矣洽之陋如昨願先生申警之

予乃為之箴曰

天之所賦靡不攸同萬理一原脉絡貫通維茲靈府
廣博寬容四面湊合萬境光融空焉洞焉孰疚孰恫
人有蔽者扞格其中滋疑長惑滅西生東艱虞是出
浹洽罔功所貴于學擊彼愚蒙時乎遜志明理踐躬
剖析幾微會元統宗培養既久緝熙而豐應事接物
沛然無窮疑者盡釋憂者忘冲欣欣自喜執使之從
天乎與遊曰哲曰聰宜至師訓定惟嚴公揭示本旨
曰茲降衷貴精貴一維廣維崇呈露四闢聖道厥中
既宏既密有始有終留其運用天地非隆勗旃徐子
敬哉爾共

張永南集

卷上

四

上

奇禎銘

我思古人爰有晉國手植三槐爾筮爾卜後嗣其興
相君自祿今之張氏崑丘維宅天方有翁遐覽玄藏
盈沼睇瀟瀟楊在石旁有樂苗繁繁多實不植而生
是為禎特翬不自有謂已非德皇天聽之何福不集
一子四孫繩繩蟄蟄月窟銀臺有鳳來鳳豈不顯承
魏公並烈誰謂汙汙天不可必我思作銘告爾世述

紫石硯銘

玉質金聲紋文糾理湛焉虛明玄雲四起經緯人文

造化表裏時不我知心獨自喜是則達則兼善天下而窮則獨善其身者也

磬銘并小序

磬樂器也其音石禹之懸夔之拊皆是物也予書室中坐懸有磬乃為之銘銘曰

勾氏制泗水瑛矩方有半不考不鳴人之聽之既和且平嗚呼谷爾德成

石假山銘

圓嶠僊山我表異石駁落錦文飛飛雲台其我家小庭寬可數尺旁採湖邊差得形似瀕下生輝潤礎流漬

張水南集

卷十一

五

疑有蛟龍為之助氣一拳非小五岳非大我其取之假以示意時乎大旱汝也弘濟

三陽開泰圖讚

青郊啓節蒼龍肇祥瞻彼日矣旭焉其光人有嬰孺獸有紛羊疑疑戢戢方奮方剛曷以象之曰維三陽律中太族月正春王乃會姬訾乃集心房其神其帝大皞勾芒盛德在木仁氣其昌發生辟品浩浩濊濊貞協皇極錫祉萬方

莆田陳石亭先生像贊并序

癸卯歲夏四月余自國子謫官南曹適先生惠德

祠成門人故吏奉職至者皆拜祠下某以束茅敬酌于明靈再拜遺像恭申贊詞詞曰

先生真性厭道維中藏器渾樸遵化鴻濛辟容益氣甘雨和風師居臺憲撫卹賢宮斯文未喪大道為公材歸匠哲味湊藥龍志清君側疏微

宸聰遭時忌斥類跡飛蓬既培復振有廓斯容爰亞司馬或躍潛龍累行不忒令聞攸終位雖未極道則無窮尊尚名節中孚感通人有萬喙厥心則同所同維何皇天降衷氣以類至學惟朋從譬之鸞鳥群羽畢宗猗歟先生開我童蒙仰瞻遺像斗揭高空

張水南集

卷十一

六

高石山像贊并序

石山高子正里人也嘗為學官弟子員中道棄去而隱於醫醫成又以名著江之南北輒而迎航而涉者日益衆君雖欲隱處不可得也予謂行其志隱亦達也瞻其像莫不思其仁贊曰
貌之權神之腴其心惻如而用之則有餘謂之醫復出於儒豈不曰相集古方書觀我生平其道不渝豈得謂儒為拘

蘇教授肖泉像贊并小序

此肖泉蘇子之小像也予嘗觀其人本方立義色

莊氣和譬之蒼山之顛歛其嵌呀蔚是隱微使人望而憚者愈近而悅也有才如此貨器如此

朝廷顧俊之路闕焉不通賢知匿於藪澤誰之過也予嘗恨焉而私為之贊贊曰

嗟嗟蘇子有卓其才賢慕伊出學綜漢堂文則雅變行惟矩裁臯比設教蘭膏召災抗顏韓子曷乎躊躇載展載度品德何須有貌癯尤有中則腴執筆欲寫清風與俱

劉敬軒像贊

茂林秀谷君所居也羸童野鶴君所扶而遊也瑤編

張水南集

卷五

七

王軫君所慕而喜也人可得而知也縕焉而為忠厚之德著焉而為恭謹之容恂恂然樂善以為安遽遽然居敬以不肆君之所自有也人之知乎否乎君不問也予故謂君成周閭族之師漢鄉邑之長老也

題東川手卷

楚江之東名川以百數其最勝者洞庭一湖蓋岳之巨浸也龍蛇之神日星吞吐之狀風雲揮霍之氣皆自川騰布踴躍而川之上白鶴金鵠諸名山或跼或伏或左或右相與以為掩映而仙人釋子之窟宅咸託跡焉至其靈淑之氣淵蓄停泓洩於物所不能盡

者乃儲之人而鍾君者定生其間君字明傑家於巴

陵據洞庭雲夢為勝蓋五六世矣長川一望綴浮浸

星而層波遠樹出杳霽間人望之疑有隱君子焉君

即其人也君行樸茂其思藻績以善品山水知名惜

其尼于時不得與夫川者騰而致之以貢澤當世顧

斂神秘奇而與龍蛇草木雜此土以處也然君曠然

超覽涉遊湘潭鄧岳之間醉卧行吟以寓其所好而

精神孚會若與湘中老人上下千載日和答者是直

有得於東川也人敬號之曰東川子云頃來京師未

數日即辭去乃因余門人鄉進士素天啓乞余一言

張水南集

卷五

八

吳

以發其義予惟君夢寐不忘江湖既得其好而又介然中守得乎易坎止之義蓋賢而隱者也予故序而歸之俾終老於東川之上

題子昂詩卷

趙松雪書法片楮隻字人無不知寶重者世傳松雪嘗臨右軍十七帖得其風韻最多此幅筆勢流轉品格精高知非松雪莫之能也松雪詩復名家集行於世已久顧鮮有以詩知松雪者字掩之也錫山故按察使吳公喜學趙字藏其真跡頗富余因於其子尚質鴻臚君處見之其家文獻亦可徵已

跋東山卧謝圖

東山卧謝圖吾友松溪程子叙之詳矣夫自一物之得失推而以及其身身且不問而况富貴功名果何物耶子以為松溪見道之言也五川楊子實而愛之匪徒襲其名以自高耳其經世之畧有救蒼生之志故夢寐太傅若不能忘不然東山古今一也奚獨以謝名也古今人卧東山者亦有之矣楊子亦何取于此也是故程子見道之言其言達楊子慕賢之志其志衰夫為賢而慕懶物而衰則視一身之得失得猶失也失猶得也惟得失輕而愛物斯重也此楊子心所獨得也予何能知之予何能言之

張水南集

卷上

九

跋水竹村卷

右水竹村詩畫一卷皆宋元及國初名賢墨蹟筆精入神為世奇寶不知始為誰而作成化間雲溪監察御史姚公綬偶得此卷謂與所居水竹相似遂挾而有之晨夕與俱客至則出以玩友人周汝器問為叙諸賢勳階隱行名籍世次大畧頗備其後流落三吳經若干歲市人不顧乃今刑部郎中朱君朝和復得之朱君素號水竹事適與符豈天佑諸賢靈淑之氣留結等壤未易磨滅必俟賢者而後授歟昔司馬

長卿少喜讀書學擊劍慕蔣相如慷慨有烈節更名相如蓋有意而效法者君處世不苟求同居臺秉法手神勁節兢爽琳琅砥柱渤澥雖水與竹亦儼君而肖似者圖耶詩耶君豈借賢以自寵耶百世而下得君益顯將有考於斯言

跋二逸徐君詩卷後

嗟乎徐君豈不謂之詩人也予觀是卷所載語勢矯健而音出自然當其景遇而情生譬之簷雨乍晴庭梧初碧一種瀟灑又難深狀也貽之知者海南居其大半曰海南黃子吉甫也奇黃子故忘年友之嗟乎徐君隱居月城橋畔去城闔二十里許既歿而予始誦其詩則夫草刺之民抱絕藝而泯焉者可勝惜哉出是而向予悲道者其子進士君汝也

賓石對

崕峒之山有巨石焉巖崎異狀虞門曹賓石氏伐之移植庭中作亭對焉日賓禮之不倦好事者從而圖贊味述之聯為巨卷予聞而怪之謂賓石曰汝賓石乎石賓汝乎賓客道也主人敬客七日齋端冕玄服三讓而入延置上坐投轄傾綈以為歡又其大者侯王貴人賓客高畫具車馬分爵祿奉千金為壽王食

靡衣館之於上斯數者皆石所不受也君將何道以
 賓之賓石曰不然吾山人也處蓬蒿之賤車馬不至
 又家貧無攝束帛以為禮吾惟日歌此吾之章誦十
 洲之記與石徜徉石不吾責而吾亦無疑於石賓而
 好之歲以為樂如是焉已矣予聞復曰有是哉君不
 聞乎物者已之監也外者內之形也君以石為賓樂
 其無所於敬油油然與之處坐卧起居共之石不加
 損吾不加益人將以汝為玩且侮矣客聞而怒石不
 為汝病者幾希昔王生一落魄士而孟嘗君為之結
 轡黃石圯上一老人而張良跪以進彼斯二子者皆
 張水南集
 獨儻人傑甘心事客不猶愈於子之待夫石也賓石
 不能答越數日復要方草窓氏究余言予因語之曰
 事有是非理有取舍極定於我物非外假夫石以氣
 凝而理行其中形者氣所以形之者理也苟惟其形
 取以為吾耳目其則石不也吾亦石也吾安取於石
 哉惟夫不言而理具無心而善誨則石之有益於人
 大矣是故見其形鏡空洞焉可以發吾智見其貞固
 堅確焉可以助吾勇見其鎮靜磅礴含蓄不露有大
 人德焉可以明吾仁具是數德宛然聖賢在日君將
 師之不暇敢賓之乎明日草窓氏以張子之言告賓

石賓石乃下曰吾今日知所以賓石矣乃作賓石辭

2094872

Q
Z121.5
16a



ZW 21181800585617

張水南集十一卷

江蘇巡撫
採進本

明張袞撰袞字補之江陰人正德辛巳進士歷官
至南京光祿寺卿是集凡詩二卷文九卷袞在諫
垣頗多建白嘉靖中倭擾東南袞家居在危城中
馳書政府條上禦倭五事益亦留心於經世者詞
章則又當別論焉